


ЎЗБЕКИСТОН ТАРИХИ

2



**ЎЗБЕКИСТОН РЕСПУБЛИКАСИ ОЛИЙ ВА
ЎРТА МАХСУС ТАЪЛИМ ВАЗИРЛИГИ
МИРЗО УЛУҒБЕК НОМИДАГИ ЎЗБЕКИСТОН
МИЛЛИЙ УНИВЕРСИТЕТИ**

ЎЗБЕКИСТОН ТАРИХИ

II жилд

(XIX асрнинг II ярми – 1989 йил, июнь)

(Олий ўқув юртлари талабалари учун дарслик)



ЯНГИ АСР АВЛОДИ

ТОШКЕНТ

2015

УЎК: 94(575.1)(075)

КБК: 63.3(5Ў)

Э-99

Ўзбекистон тарихи: дарслик/Масъул муҳаррир ва ижодий гуруҳ раҳбари Р.Ҳ.Муртазаева. Муаллифлар: Б.Ж.Эшов, Х.Э.Юнусова, Р.Э.Холиқова, А.А.Одилов, М.М.Ҳайдаров, К.Д.Саипова, А.Р.Абдуқаюмов, А.А.Иисонов. — Тошкент: Янги аср авлоди, 2015 — 532 б.

ISBN 978-9943-27-579-9

Олий ўқув юртлари талабалари учун мўлжалланган ушбу «Ўзбекистон тарихи» дарслиги мамлакатимиз тарихининг XIX аср II ярмидан 1918 йилгача бўлган даврини ўз ичига қамраб олган ҳамда 2014 йилда нашр этилган Ўзбекистон тарихи I жилдининг давоми ҳисобланади. Мазкур дарслик мустақиллик йилларида олиб борилган тадқиқотларнинг умумэътироф этилган натижалари билан шайитилганлиги, фан бўйича инновацияларни ўз ичига қамраб олганлиги билан илгиринги ўқув адабиётларидан фарқ қилади. Ушбу дарслик бакалавр ўқув режаси асосида тузилган Ўзбекистон тарихи фани дастури асосида ёзилган ва биринчи босқич талабаларини мўлжалланган бўлишига қарамастан, ундан магистрлар, ёш тадқиқотчилар, тарихчи-олимлар ҳам кенг фойдаланишлари мумкин. Дарслик юзасидан билдирилган фикр-мулоҳазалар ЎзМУ нинг «Ўзбекистон тарихи» кафедрасида қабул қилинган.

Масъул муҳаррир ва ижодий гуруҳ раҳбари:
Р.Ҳ.Муртазаева, тарих фанлари доктори, профессор.

Таҳризчилар:
Н.У.Мусаев, тарих фанлари доктори, профессор,
Д.Б.Бобожонова, тарих фанлари доктори, профессор.

Муаллифлар жамоаси:
Б.Ж.Эшов, тарих фанлари доктори, профессор,
Х.Э.Юнусова, тарих фанлари доктори,
Р.Э.Холиқова, тарих фанлари доктори,
А.А.Одилов, тарих фанлари номзоди, доцент,
М.М.Ҳайдаров, тарих фанлари номзоди, доцент,
К.Д.Саипова, тарих фанлари номзоди, доцент,
А.Р.Абдуқаюмов, тарих фанлари номзоди,
А.А.Иисонов, катта ўқитувчи.

Ф.1-32 «Ўзбекистон тарихи фанидаги инновацияларни олий таълим тизими-га татбиқ этиш» мавзусидаги грант маблағи ҳисобидан чоп этилди.

Дарслик Ўзбекистон Республикаси Олий ва ўрта махсус таълим вазирлигининг Мувофиқлаштирувчи Кенгаши томонидан нашрга тавсия этилган (баён-нома № 4 «17» апрель 2015 й.).

ISBN 978-9943-27-579-9

© «Ўзбекистон тарихи». «Янги аср авлоди», 2015.

346 998

КИРИШ

XIX асрнинг иккинчи ярми — XX аср бошларида Россия империяси ҳукмронлиги даврида Ўрта Осиёда мавжуд мустақил ўзбек хонликлари давлатчилиги тизимларига чек қўйилди, хонликлар империя вассалларига айлантирилди. Уларнинг устидан «ҳарбий-маъмурий бошқарув» деб номланган мустамлакачиликка хос зўравонлик тартиботи ўрнатилди. Оқибатда меҳнаткаш аҳоли икки томонлама — маҳаллий ва мустамлакачи ҳукмдорлар жабр-зулми гирдобига тортилди. Бунга қарши ўлка халқларининг кенг қамровли озодлик ҳаракатлари авж олди.

Шундай вазиятда Россия империяси Ўрта Осиёни хомашё базасига айлантиришни давлат сиёсатининг устувор вазифаси сифатида белгилаб олди.

Туркистон иқтисодий ҳаёти ҳам айнан шу мақсадга бўйсундирилди. Ўлка халқларининг эрк ва ҳуррият учун кураши миллий-озодлик ҳаракатлари мазмун-моҳиятида ўз аксини топган бўлса, миллий тараққийпарвар кучларнинг маърифатчилик ҳаракати жаҳидчилик ҳаракатида намоён бўлди.

Таъкидлаш жоизки, Россия империясининг мустамлакачилик сиёсати маълум даражада ўзгача қолип ва андозаларда совет ҳокимияти ҳукмронлиги даврида ҳам намоён бўлди. Зиддиятли ва мураккаб жараёнларга тўла совет ҳокимияти ҳукмронлиги даври Ўзбекистонда ҳам ўзининг асоратли оқибатларини қолдирди. Мазкур даврда Ўзбекистон марказнинг хомашё базаси ва маҳсулот бозорига айлантирилди, қишлоқ ҳўжалигида пахта яккаҳокимлиги қарор топди, маданий-маърифий ҳаёт буткул коммунистик маф-

кура измига солинди, ўзбек халқининг бой тарихий-маданий мероси, анъана ва қадриятлари, диний эътиқоди оёқ ости қилинди, ижтимоий ҳаётда қатағон-зўравонлик, маъмурий буйруқбозлик сиёсати натижасида кишилар онгига қўрқув руҳи сингдирилиб, манқуртлик, лоқайдлик ва бошқа салбий иллатлар юзага келди, халқимизнинг кўплаб асл фарзандлари қатағон қилинди. Қулоқлаштириш, жамоалаштириш сиёсати эса халқимиз бошига кўплаб кулфатларни солди ва ҳоказо.

Республикаимиз Президенти И.А.Каримов яқин ўтмиш тарихини ўрганишнинг аҳамияти, тарих сабоқларидан тегишли хулоса чиқариш хусусида ҳақли тарзда қуйидагиларни таъкидлаган эди: «Мустабид тузумдан бизга қандай оғир, қандай ночор мерос қолгани, халқимиз қанча азоб-уқубатлар тортганини ҳеч қачон унутмаслигимиз керак... Айни пайтда биз бошимиздан кечирган кечаги кун, яқин тарихимизда рўй берган мана шундай фожиали воқеаларни ҳам бугунги ва келажак авлодларимизнинг онгу шуурига етказиш ҳақида ҳам бош қотиришимиз зарур. Униб-ўсиб келаётган ёшларимизни тарих сабоқлари билан, тарих ҳақиқати билан қуроллантиришимиз лозим».¹

Юқорида таъкидланган тарихий жараёнлар мустақиллик йилларида тарихчи олимлар, тадқиқотчилар томонидан илмий ва ҳолисона тарзда ўрганилди, бу борада кўплаб илмий тадқиқот ишлари амалга оширилди, эътиборга молик қатор монография, қўлланма, дарсликлар чоп этилди.

Эътиборингизга ҳавола қилинаётган ушбу дарслик мазкур жараёнларнинг мантиқий давоми сифатида юзага келган бўлса-да, бир қатор жиҳатлари билан улардан фарқланишини қайд этиш лозим. Дарслик 2012–2015 йилларга мўлжалланган Ф-1-32 «Ўзбекистон тарихи фанидаги инновацияларни олий таълим тизимида татбиқ этиш»² мавзусидаги

¹ Президент Ислоҳ Каримовнинг Ўзбекистон Республикаси Олий Мажлиси Қонунчилик палатасининг биринчи ташкилий йиғилишидаги нутқи. // Халқ сўзи, 2015 йил 13 январь.

² Грант лойиҳаси асосида режалаштирилган Ўзбекистон тарихининг I жилди 2014 йил нашр юзини кўриб, ўз ичига энг қадимги давр-

грант ижроси бўйича ҳамда Олий ва ўрта махсус таълим ва- зирлигининг янги дарслик яратиш тўғрисидаги кўрсатмасига мувофиқ тарзда тайёрланди. Ушбу дарслиқда мустақиллик йилларида Россия империяси ва советлар ҳукмронлиги дав- ри тарихига оид амалга оширилган илмий тадқиқот ишлари хулосалари, инновациялар, кенг қамровли замонавий ўзбек ҳамда чет эл тарихий адабиётлари, архив ҳужжатлари маъ- лумотларидан самарали фойдаланилган. Шу боис китобда қуйида қайд қилинаётган жиҳатлар эътиборга сазовордир:

– ҳар бир мавзу бўйича масаланинг тарихшунослиги асосли тарзда ёритиб берилди;

– Россия империяси босқини, ўлка халқларининг озод- лик ҳаракатлари, мустамлака Туркистондаги ижтимо- ий-иқтисодий ҳаёт масалалари замонавий талқинда янгича назарий-методологик йўналишда кўрсатилди;

– совет ҳокимиятининг мамлакатимизда олиб борган ижтимоий-иқтисодий, маданий сиёсатининг мустамлакачи- лик моҳияти таҳлил этилди;

– пахта яккаҳоқимлиги, экологик таҳдид, Ўзбекистон- нинг хомашё базасига айланишининг асоратли оқибатлари янги материаллар орқали ёритиб берилди;

– мустақиллик йилларида амалга оширилган мавзуга оид илмий тадқиқот ишлари, хусусан, номзодлик ва докторлик диссертациялари хулосаларидан атрофлича фойдаланилди.

Китобдаги фарқли жиҳатлардан яна бири бу – фан ва таълим уйғунлиги нуқтаи назаридан келиб чиққан ҳолда за- монавий адабиётларга қўйиладиган барча талабларни ўзида жам эта олганлиги ҳисобланади. Бу эса мазкур давр бўйича илмий изланиш олиб бораётган тадқиқотчилар учун ватани- миз тарихшунослиги ҳамда инновациялардан фойдаланишда зарур қўлланма ролини ҳам ўташи мумкин.

Муаллифлар жамоаси дарслик юзасидан билдирилган фикр-мулоҳазаларни миннатдорчилик билан қабул қилади.

дан то XIX асрнинг II ярмигача бўлган тарихий жараёнларни қамраб олган. (Б.Ж.Эшов, А.А.Одилов. Ўзбекистон тарихи I жилд. Энг қа- димги даврдан XIX аср ўрталаригача. Олий ўқув юртлари талабалари учун дарслик. Тошкент: Янги аср авлоди, 2014. -656 б.т).

IV. РОССИЯ ИМПЕРИЯСИ МУСТАМЛАКАЧИЛИГИ ВА СОВЕТЛАР ҲУКМРОНЛИГИ ДАВРИ

12-мавзу. Ўзбек хонликларининг Россия империяси томонидан босиб олиниши. Мустамлакачилик зулмига қарши миллий-озодлик ҳаракатлари. Жаҳидчилик

Режа:

1. XIX аср ўрталарида ўзбек хонликларида ижтимоий-сиёсий аҳвол. Россия империясининг хонликлар ҳудудларига дастлабки ҳарбий ҳаракатлари.

2. Россия империясининг Туркистон ўлкасини босиб олишининг сиёсий ва иқтисодий сабаблари.

3. Хонликларни босиб олиш учун амалга оширилган ҳарбий ҳаракатлар. Туркистон генерал-губернаторлиги.

4. Россия империяси босқини арафасида Қўқон хонлигидаги сиёсий ва ижтимоий-иқтисодий аҳвол. Қўқон хонлигининг тугатилиши. Фарғона вилояти.

5. XIX асрнинг II ярмида Бухоро амирлигидаги сиёсий ва ижтимоий-иқтисодий аҳвол.

6. Россия империясининг Бухоро амирлигига қарши босқинчилик юришлари. Амирликнинг қарам давлатга айлантирилиши. Абдулмалик тўра (Катта тўра) бошчилигидаги озодлик ҳаракати.

7. XIX асрнинг ўрталарига қадар Хива хонлигидаги сиёсий ва ижтимоий-иқтисодий аҳвол. Хива хонлигининг Россия империяси томонидан босиб олиниши.

8. Россия империясининг мустамлака бошқарув усули. Туркистоннинг Россия империяси саноат ўлкасига айлантирилиши. Ҳунармандчилик. Темир йўллар. Аграр сиёсат.

9. Россия империясининг Туркистонга аҳолини кўчириш сиёсати. Мустамлака Туркистондаги маданий-маърифий ҳаёт.

10. Туркистон ўлкасидаги миллий-озодлик ҳаракатлари. Жаҳидчилик ҳаракати.

11. Россия империясининг Туркистон ўлкаси бойликлари-ни талаш сиёсати.

1. XIX аср ўрталарида ўзбек хонликларида ижтимоий-сиёсий аҳвол. Россия империясининг хонликлар ҳудудларига дастлабки ҳарбий ҳаракатлари

Нега бу миллат XVII–XIX асрларга келиб, то шу чоққача эришган юксалиш даражаларидан тушиб кетди? Нега сўнги уч аср мобайнида бошимиз қолоқликдан чиқмай қолди? Аждодларимизнинг қаттиқ қаршилигига қарамай, Россия империясининг ўлкамизни нисбатан осон забт этишида ана шу қолоқликнинг ҳам ўрни бўлмаганмикан?

Ислом КАРИМОВ

XIX асрнинг иккинчи ярмидан бошланган Россия империясининг Туркистон ўлкасига уюштирган босқинчилик юришлари, мустамлакачилик сиёсати, ижтимоий-иқтисодий ҳаёт, миллий-озодлик ҳаракатлари, умуман, империя босқинининг мақсад-моҳияти ва оқибатлари ҳақидаги манбалар – қўлёзма асарлар, эсдаликлар, хотиралар, ҳужжатлар ва архив маълумотлари мажмуи кўпчиликни ташкил этади. Афсуски, совет ҳукмронлиги даврида уларнинг барчаси бир ёқлама тадқиқ этилиб, масаланинг моҳиятига ҳолисона баҳо берилмади.

Мавзу бўйича кўплаб тарихий асарлар мавжуд бўлиб, уларнинг орасида қуйидагилар: Муҳаммад Солиххўжанинг «Тарихи жадидаи Тошканд», Мирзо Абдулазим Сомийнинг «Тарихи салотин манғития», Муҳаммад Агтор Ҳўқандийнинг «Тарихи жаҳоннамои», Ибратнинг «Фарғона тарихи», Юсуф Баёнийнинг «Шажарайи Хоразмшоҳий», Ҳаким Маъсумхоннинг «Мунтахиб ут-таворих», Муҳаммад Содиқ Муншийнинг «Қўқон хонлиги тарихи», «Тарихи Манзум», Азиз Марғилонийнинг «Тарихи Азизий», Аҳмад Донишнинг «Манғит амирлари тарихи», Муҳаммад Фозилбекнинг «Мукаммали тарихи Фарғона» ва ҳоказолар муҳим ўрин эгаллайди.

Шунингдек, Ўзбекистон Республикаси ФА Шарқшунослик институти жамғармасида ҳам мавзунинг у ёки бу то-

монларини ёритувчи манбалар туркуми сақланади. Бундан ташқари, Ўзбекистон Республикаси Марказий давлат архиви жамғармаларида сақланаётган турли ҳужжатлар, XIX асрнинг иккинчи ярми — XX аср бошларида чоп этилган матбуот нашрлари мавзу ҳақида қимматли маълумотлар беради.

Таъкидлаш жоизки, ўтган асрнинг 20-йилларида Г.И.Сафаров, П.Г.Галузо, А.З.Валидий ва бошқа шу каби муаллифларнинг тадқиқотларида Россия империяси мустамлакачилик сиёсатининг туб моҳияти ўз аксини топган эди.

Ушбу мавзуни тадқиқ этиш, ўрганиш XX асрнинг 20-йилларидан бошланган бўлишига қарамай, мустақиллик йилларида Россия империясининг Туркистон ўлкасини босиб олиши ҳамда ўлкада олиб борилган мустамлакачилик сиёсат илмий ва ҳаққоний тарзда ёритилмоқда. Ушбу мавзунинг турли жиҳатлари бўйича Ҳ.Зиёев, Н.Абдурахимова, Ф.Исҳоқов, Ҳ.Содиқов, Ф.Эргашев, Р.Шамсутдинов, Ҳ.Бобобеков, Д.Зиёева, П.Равшанов, Қ.Усмонов, З.Чориев, Ш.Воҳидов, Н.Мусаев каби кўплаб олимларнинг тадқиқотлари катта аҳамият касб этади.

Мустақиллик йилларида XIX асрнинг иккинчи ярми — XX аср бошларида мустамлака Туркистон ўлкаси, империя қарамлигидаги Бухоро, Хива хонликларида рўй берган ижтимоий-сиёсий жараёнлар, иқтисодий ва маданий ҳаёт тарихининг ўрганилмаган ёки кам тадқиқ этилган мавзуларига ойдинлик киритилди, жаҳидчилик ҳаракати, атоқли жаҳид маърифатпарварларининг фаолияти хусусида, ўлкада рўй берган миллий-озодлик ҳаракатлари тўғрисида қатор илмий изланишлар амалга оширилди ва ҳоказо.

XIX асрнинг ўрталарида ўзбек хонликларида ижтимоий-сиёсий аҳвол. XIX асрнинг ярмига келиб Ўрта Осиёда уч хонлик ўртасидаги тўхтовсиз урушлар, келишмовчилик ва низолар, турли норозилик ҳаракатлари хонликлардаги сиёсий-ижтимоий, иқтисодий вазиятни оғирлаштириб юборган эди. Бухоро амирлигида «Амири масъум» («Беғуноҳ амир») Амир Шоҳмурод 1800 йилда вафот этгач, унинг ўғли Амир Ҳайдар (1800—1826 йй.) тахтга ўтирди. Отасининг сиёсати-



ХІХ асрнинг иккинчи ярмида Бухоро

ни давом эттиришга ҳаракат қилган Амир Ҳайдар Бухоро амирилигининг бутунлигини сақлаш, Зарафшоннинг юқори ҳудудлари, Шаҳрисабз, Миёнқол ерларини қўлда сақлаб қолиш учун урушлар олиб борди. Ҳратепани эса вақтинча бўйсундиришга эришди.

Бухоро ва Қўқон хонликлари орасида ўзаро урушлар кейин ҳам бўлиб турди. Қўқон хони Олимхон 1807, 1810 йилларда Ҳратепага ҳужум қилиб, катта ўлжаларни Қўқонга олиб кетди. Бундай ҳужумлар Жиззах ва Зоминга ҳам уюштирилди.

Доимий урушлар катта харажатларни талаб этгани боис, Амир Ҳайдар қўшимча солиқлар йиғиш ҳақида фармон берди. Бу эса шусиз ҳам ночор бўлган меҳнаткаш аҳоли аҳволининг янада оғирлашувига ва Амир Ҳайдар олиб бораётган сиёсатга қарши норозилик ҳаракатларига сабаб бўлди. Шундай халқ қўзғолонлари 1821 – 1825 йилларда Миёнқол, Самарқанд ва Ургутда бўлиб ўтди. Амир Ҳайдар Шаҳрисабз ва Марв воҳасида ҳам урушлар олиб боришга мажбур бўлди.

Ташқи сиёсат борасида Амир Ҳайдар қўшни Афғонистон билан дўстлик алоқаларини ўрнатди. Аммо Бухоро амирилигининг Қўқон ва Хива давлатлари билан ўзаро муносабатлари эса кескин ҳолатда эди. Манбаларга кўра, айнан мана

бўлса-да, хонликда сиёсий курашлар авж олиб турган бир шароитда бу ёрлик ҳеч кимнинг эътиборини тортмади.

XVIII аср давомида ва XIX асрнинг бошларида Хива хонлигида кўплаб ҳукмдорларнинг алмашинуви хонликдаги ўзаро ички курашлар билан изоҳланади. 1806—1825 йилларда Хива тахтини бошқарган Муҳаммад Раҳимхон I марказлаштириш сиёсатини қўллаб, хонликни бирлаштиришга ҳаракат қилди. Унинг қатъиятлилик билан юритган сиёсати натижасида хонликда маъмурий-сиёсий, иқтисодий ва ҳарбий ислохотлар ўтказилди.

Муҳаммад Раҳимхон I душманларига, марказдан қочувчи кучларга ниҳоятда бешафқат бўлди. У ўз атрофига ўзбек, туркман, қозоқ ва қорақалпоқларнинг нуфузли вакилларини тўплаб, уларга амаллар ва унвонлар берди. Бу хон ҳукмронлиги даврида Хива хонлигининг иқтисодий ҳаёти бир оз жонланганлиги ҳақида маълумотлар берилса-да, у мамлакат ҳудудларини янада кенгайтириш, бўйсунмас қабилаларни итоат эттириш мақсадида доимо ҳарбий ҳаракатлар олиб борди. Муҳаммад Раҳимхон I 1811 йилда Орол-қўнғирот уруғларини, 1812—1813 йилларда Сирдарё бўйидаги қозоқ ва қорақалпоқ овуллари хонликка тобе этди. Шундан сўнг Жанубий Туркمانистон ва Хуросон ҳудудларига ҳарбий ҳаракатлар уюштирилиб, бу ҳудудлар учун Хива билан Бухоро ўртасида урушлар бошланиб кетди. 1817 йилда Чоржўй яқинида Хива қўшинлари бухороликлардан мағлубиятга учраган бўлса-да, Муҳаммад Раҳимхон I Бухоро амирлиги ҳудудларига 1820, 1823, 1824 йилларда талончилик урушлари қилиб турди.

Раҳимхон I дан кейин Муҳаммад Раҳимхон II (Феруз) даврига қадар (1864—1910 йй.) Хива тахтида олти ҳукмдор алмашиб, ўтган давр мобайнида ўзаро урушлар тўхтамади. Хусусан, Оллоқулихон 1842 йилда Чоржўйни қамал этиб унинг атрофидаги қишлоқларни талон-торож қилди. Узоқ давом этган урушлар ва талончиликлар халқ норозилигини келтириб чиқарди. Айниқса, Жанубий Туркманистон ва Хуросонда тинчлик ҳукм сурмай, хон ҳокимиятига қарши исёнлар авж олди. 1850 йилларда Марв ва Сарахс шаҳарларида

кўтарилган кўзғолонлар кенг кўламли бўлди. Бу кўзғолонлар 1854 – 1855 йилларда қийинчилик билан бостирилди.

Хива хонлиги тахтини 1856 – 1864 йилларда Сайид Муҳаммадхон бошқарди. Бу хон ҳокимиятга келган вақтда хонликдаги сиёсий вазият кескинлашган, доимий урушлар натижасида иқтисодий аҳвол оғир бўлиб, кўпчилик вилоятларда очарчилик ҳукм сурган, юқумли касалликлар тарқалди.

Хонликдаги фақат ўзбек уруғлари эмас, балки чорвачилик билан шуғулланган ярим кўчманчи туркман, қозоқ, қорақалпоқ ва бошқа халқлар оғир солиқлар ва турли тўлов ҳамда мажбуриятларга тортилганликлари боис, хонликнинг турли шаҳар ва вилоятларида норозилигу исёнлар давом этди. Россия империяси босқини арафасидаги бу ҳолат қатор салбий оқибатларга олиб келди.

XVIII асрнинг бошларида Фарғона водийсида минг уруғи асос солган Қўқон хонлиги ташкил топиб, бутун аср давомида ижтимоий-иқтисодий жиҳатдан юксала борди. 1801 – 1810 йилларда Қўқон хонлиги тахтини бошқарган Олимхон хонликнинг сиёсий қудратини мустаҳкамлаш, мамлакат ҳудудларини кенгайтиришга алоҳида эътибор берганлиги боис, Қўқон хонлигининг сиёсий мавқеи ошиб борди. Ўз даврида Олимхон ҳарбий юришлар қилиб, Оҳангарон воҳаси, Тошкент, Чимкент, Туркистонни бўйсундиришга эришди. У қисқа муддат Ўратепани ҳам эгаллаб, Жиззах ва Зоминга юришлар қилиб турди. Аммо ҳарбий ислоҳотлар ўтказиб, марказлашган ва кучли давлат тузишга ҳаракат қилаётган Олимхоннинг сиёсатидан норози бўлган айрим зодагонлар унинг укаси Умарбек бошчилигида фитна уюштирдилар. Натижада, Олимхон отиб ўлдирилди.

1810 – 1822 йилги Умархон ҳукмронлиги даврида Қўқон хонлигидаги йирик ер эгалари, ҳарбий саркардалар ва руҳонийларнинг мавқеи янада ошди. Маълумотларга кўра, Қўқон хонлигининг Ўрта Осиёдаги ҳамда халқаро сиёсий жараёнлар ва ўзаро муносабатларга фаол аралашуви Умархон давридан бошланган. Умархоннинг элчилари Хива, Хитой ва Туркия давлатларига жўнатилгани маълум.

Тўртинчидан, хонликларда саноат ривожига эътибор кучаймади. Олтингугурт, рангли металллар, мрамар, тошқўмир, нефть каби табиий бойликларга сероб конлар бўлса-да, уларни қазиб олиш, тоғ-кон ишларини ривожлантириш, кemasозликни йўлга қўйиш масалалари ҳал қилинмади.

Бешинчидан, товар-пул муносабатлари ривожлантирилмади. Даромад истеъмол ва қўшин харажатларини зўрга қоплар, капиталга айланмасди. Пул, олтин-кумуш хон ва амалдорларнинг хазина тўплаш манбаи бўлиб қолган эди.

Олтинчидан, хонликларнинг савдо муносабатларида ҳамон айирбошлаш усули давом этарди. Ўрта Осиё жаҳон бозоридан ажралиб қолгани устига, бу ерда ягона ички бозор ҳам ташкил топмади.

Еттинчидан ва энг муҳими, XIX асрнинг иккинчи ярмида Ўрта Осиё ҳудудидаги хонликларда ўз миллати, халқи ва Ватани истиқболи учун қайғурадиган кишилар, ягона гоё ва эзгу мақсад йўлида бирлаштириб, ортидан эргаштира оладиган йўлбошчи — сардор бўлмади. Бухоро амирлигида ҳам, Қўқон ва Хива хонликларида ҳам шундай арбоб тарих саҳнасига чиқмади. Босқинчиларга кўксини қалқон қилиб кўҳна Туроннинг жанговар шавкатини намойиш қила оладиган ва Туркистонни бир умумий уй деб билган юртбоши топилмади.

Россиянинг хонликлар ҳудудларига дастлабки ҳаракатлари масаласига келсак, XVI асрнинг иккинчи ярмига келиб, Россия подшолиги ўз ҳудудларини кенгайтира бориб Қозон, Аштархон (Астрахань) ва Сибирь хонликларини босиб олди. Шундан сўнг рус подшоларининг Ўрта Осиё ҳудудларига қизиқиши янада кучая бошлади. Подшо ҳукумати бу ҳудудлар ҳақида маълумот тўплаш учун 1558 йилнинг апрелида «Москва савдо компанияси» вакили Антони Женкинсонни Ричард ва Роберт Жонсонлар билан биргаликда 1589 йилнинг сентябригача, 1620 йилда Иван Хохловни, 1669 йилда Б.А. Пазухин ва С.И. Пазухинларни, 1675 йилда В.А. Даудов бошчилигидаги элчиларни Бухоро, Хива, Самарқанд, Урганч ва Балхга жўнатган эди. Бу элчиларнинг асосий мақсадлари Ўрта Осиё хонликлари ва унга қўшни бўлган ҳудудларнинг

иктисодий, ижтимоий-сиёсий ва ҳарбий аҳволи, халқаро алоқалари ҳақида маълумотлар тўплашдан иборат эди.

Аммо, Ўрта Осиё ҳудудларини босиб олиш учун тўғридан-тўғри амалий ҳаракатлар XVIII аср бошларида, яъни Пётр I ҳукмронлиги даврида бошланди. Манғишлоқлик туркман савдогари Хўжа Нафас орқали Амударё соҳили олтин қумларига бойлиги ҳақида хабарни эшитган Пётр I 1717 йилда князь Бекович-Черкасский экспедициясини 3000 дан ортиқ қўшин билан Хива хонлигига жўнатди. Бу экспедиция муваффақиятли чиқмай, унинг қўшинлари Хива хони Шерғозихон томонидан қириб ташланади.

Шундан сўнг Пётр I 1721 йилда Флорио Беневенинг бошчилигидаги элчиларни Бухорога жўнатади. Италиялик Россия жосуси Ф.Беневенига элчилик ниқобидаги ўз сафари чоғида иқтисодий ва географик аҳамиятга молик ерларни бухороликларга сездирмасдан эслаб қолиш, Каспийга қўйиладиган дарёлар ва мавжуд кемалар, шаҳарлар ва истеҳкомлар ҳақида маълумотлар тўплаш топширилган эди. Бундан ташқари, Ф.Беневени Бухоро хонлиги қалъалари ва қўшинларининг умумий сони, армиясининг тузилиши ва аҳволи, бошқариш усули, Бухоронинг Эрон, Хива ва Туркия билан муносабатлари ҳақида тўла маълумот тўплаши ҳамда Россия билан Бухоро давлати ўртасида савдо-сотиқни ривожлантиришда мавжуд имкониятларни аниқлаш билан бирга, Ўрта Осиё дарёларидаги олтин захиралари ҳақида маълумот тўплаши ҳам лозим эди. Ф. Беневени Бухорода уч йилдан ортиқ яшаб Бухоро ва Хива хонлигининг ички ва ташқи сиёсати, иқтисодиёт, табиий бойликлари ҳақида маълумотлар тўплаб, 1725 йилда Россияга қайтади.

XVIII асрнинг биринчи чорагида кўчманчи қозоқлар Урал дарёси ва Каспий денгизидан Хива хонлиги чегарасигача бўлган ҳудудда Катта, Ўрта ва Кичик жузга бўлинган ҳолда яшар эдилар. Қозоқ султонлари ўртасидаги урушлар устига, қалмоқларнинг ҳужумлари қўшилиб, ўзаро қонли тўқнашувлар бўлиб турган. Бундан ташқари, 1723 йилги очарчилик қозоқларни қийин аҳволга солиб қўйди. Ўзаро урушлардан

346996

чарчаган қозоқ султони Абулхайрхон 1730 йилда Россияга мурожат қилиб, қозоқларни Россия ҳимоясига олишини сўради. XVIII асрнинг биринчи ярмида шимолдаги кўчманчи қозоқлар Россия империяси тобелигига олинди. Россия ҳукумати ўзбек хонликларини босиб олиш мақсадида бутун XVIII аср мобайнида қозоқ жузлари яшаб турган ҳудудларда 150 га яқин катта ва кичик қалъалар қурдириб, плацдарм сифатидаги янги шаҳарларга (Омск, Семипалатинск, Уст-Каменогорск, Оренбург ва бошқ.) асос солдилар.

XIX аср бошларига келиб, Европанинг баъзи давлатлари ўртасида ҳарбий-сиёсий вазият кескинлашиб кетганлиги боис, 1806—1812 йилларда рус-турк, 1808-1809 йилларда рус-швед, 1805—1813 йилларда рус-форс, 1805-1812 йилда рус-француз урушлари бўлиб ўтди. Бунинг натижасида Россия ҳукуматининг ўзбек хонликларига бўлган эътибори камайди. Николай I (1825—1855 йй.) рус тахтига ўтиргач вазият яна ўзгарди. Қозоқ даштларидаги ҳарбий истехкомлар воситасида Россия империяси Хива хонлиги ҳудудларига яқинлашиб кела бошлади.

Россиянинг ўзбек хонликларига нисбатан сиёсатини изчил амалга ошириш тарафдорларидан бири бўлган Оренбург генерал-губернатори В.А.Перовский подшо Николай I фармонида кўра, 1839 йилда 5 мингдан зиёд қуролланган қўшин билан Хива хонлиги устига юриш бошлади. Аммо йўлдаги офир шарт-шароитлар рус қўшинларининг аҳволини қийинлаштирди. 1840 йилнинг бошларида Хива чегараларига етиб келган Перовский қўшинлари Хива хони Оллоқулихоннинг ўзбек, қозоқ ва туркманлардан иборат бирлашган қўшинлари томонидан тор-мор этилди.

1853—1856 йилги Крим урушида Россия империяси муваффақиятсизликка учради. Европанинг етакчи давлатлари Англия ва Франция Россияни Яқин ва Ўрта Шарқ ҳудудларидан сиқиб чиқаришга муваффақ бўлдилар. XIX асрнинг ўрталарида жаҳоннинг йирик давлатлари ўртасида янги мустамлакалар учун кураш қизиб кетган бир шароитда Россия империяси ҳам бу курашлардан четда қолмади. Шу жиҳатдан бу даврда Англия ва Россия манфаатлари Ўрта Осиёда

тўқнашди. Россия империяси ҳукумати Англиянинг Туркистон ва Каспий денгизининг шарқий томонларини эгаллаб олишидан хавфсираётган эдилар. Чунки Англия Афғонистон ва Ҳиндистон орқали ўзбек хонликлари билан савдо-сотик ва дипломатик алоқалар олиб борар эди. Англиянинг асосий мақсади хонликларни босиб олишга уринаётган Россияга қарши бирлаштириш ҳамда Ўрта Осиё бозорларини эгаллаш эди.

Англия ўз мақсадини амалга оширишни тезлатиш учун турли йилларда Стоддарт, Конолли, Бёрнс, Арчи Тодд, Аббот, Шекспир, Иосиф Вольф каби кўплаб форс ва турк тилларини яхши билган жосусларни ўзбек хонлиқларига жўнатди. Шунингдек, Англия ҳукумати Туркия билан ҳамкорликда Ўрта Осиё давлатларини бирлаштиришга кўп ҳаракат қилди. Аммо уларнинг барча ҳаракатлари зое кетди. Англиянинг ҳудудий жиҳатдан узоқлиги, Афғонистондаги ҳарбий ва сиёсий муваффақиятсизликлар, мустамлака Ҳиндистондаги норозилик ва ғалаёнлар Буюк Британиянинг Ўрта Осиё масаласидаги ҳаракатларини кучайтиришга имкон бермади. Бундан ташқари, Россиянинг Ўрта Осиёда кучайиб бораётган савдо-иқтисодий таъсири ҳам унга халақит берар эди.

2. Россия империясининг Туркистон ўлкасини босиб олишининг сиёсий ва иқтисодий сабаблари

Тарихдан маълумки, XIX асрнинг ўрталарига келиб, Россиядаги иқтисодий ва сиёсий вазият ўзгариб, бу давлат аста-секинлик билан капиталистик тараққиёт йўлига ўта бошлади. Лекин у Европадаги капиталистик тараққиёт йўлига ўтиб олган бошқа давлатларга нисбатан анча секин суръатлар билан ривожлана бошлади. Россия ўз тараққиётида Англия, Франция, Германия каби мамлакатлардан анча орқада қолиб кетгани, айниқса, 1853 – 1856 йиллардаги Қрим уруши даврида яққол сезилиб қолди.

Қрим урушидаги мағлубиятнинг сабаблари Россиядаги ҳукмрон доиралари ўртасида атрофлича таҳлил қилинган. Россия империясининг қудратини янада кучайтириш учун кенг кўламдаги иқтисодий ва сиёсий ислоҳотлар ўтказиш

зарурияти туғилди. Бу ислохотлар Европадаги ривожланаётган давлатлар тажрибасини ўрганиш, иқтисодий қолоқликка катта таъсир этиб келаётган крепостнойлик тузумини бекор қилиш, саноатни ривожлантириб, уни хомашё билан таъминлаш ва ишлаб чиқарилган маҳсулотни сотиш учун янги бозорлар излаш зарурияти билан боғланиб кетди.

Ғарб давлатларининг тажрибасини ўрганиш саноатнинг ривожланиши билан боғлиқ бўлган кўплаб муаммоларни келтириб чиқарди. Маълумки, Россиядаги крепостнойлик тузumi деҳқонларни бутунлай помешчикларга боғлаб қўйган эди. Саноат ривожланган тақдирда ҳам деҳқонлар бирор-бир корхонага бориб, ёлланма ишчи сифатида ишга жойлашиш ҳуқуқига эга эмас эдилар. Россия аҳолиси асосан крепостной деҳқонлардан иборат бўлиб, уларнинг қашшоқлиги сабабли саноат маҳсулотларини, ҳатто мамлакат ичкарасида сотиш учун ҳам имконият йўқ эди.

Бундай шароитда Россия империяси учун ҳам хомашё манбалари ҳамда рақобатсиз янги бозорлар ниҳоятда зарур эди. Ўша даврда Россия саноатининг энг ривожланган соҳаси тўқимачилик бўлганини ҳисобга оладиган бўлсак, бу соҳани хомашё билан таъминлаш учун Россиянинг ўзида ҳеч қандай шароит ёки имконият бўлмаган. Бундан ташқари, нисбатан ривожланаётган тўқимачилик саноатини Америкадан сотиб олинаётган қиммат пахта билан таъминлаш осон эмас эди. Ўзининг мустақил хомашё базасига эга бўлиш Россия учун асосий масалалардан бири бўлиб қолди.

Россияда ишлаб чиқарилган саноат маҳсулотлари сифати ва тури жиҳатидан ҳам жаҳон бозорида Европа саноат маҳсулотлари билан рақобат қила олмас эди. Бу ҳақда генерал М.А.Терентьев шундай ёзган эди: «Бизнинг тўқимачилик саноатимиз маҳсулоти, агар айрим маҳсулотларни ҳисобга олмаганда, Европа бозорларида харидор топа олмайди... Биз Ғарбий Европадаги фабрикаларга нисбатан қандай ҳолатда бўлсак, Ўрта Осиё ҳам биз учун шундай ҳолатда. Ўрта Осиё бизнинг саноатимиз маҳсулоти учун ўзининг бозорларини тўла очиб қўйди ва олинган маҳсулот ҳисобига хомашё, қўй

ва танга бермоқда». Аммо Туркистондаги мураккаб сиёсий вазият, бу ўлгага Ҳиндистон ва Эрон орқали кўплаб миқдорда Англия саноати маҳсулотларининг келтирилиши Россия саноати маҳсулотлари сотиш имкониятларини чеклаб қўйган эди.

Шу ва бошқа сабабларга кўра, Россия Қрим урушидаги мағлубиятдан кейин Яқин Шарқ, Болқонга нисбатан бўлган ўз сиёсий режаларидан воз кечди. Бундан ташқари, Россия империясига бўйсундирилган бошқа ҳудудларда эса пахтачилик ва ипакчиликни ривожлантириш мумкин эмас эди. Россия мустамлакасига айланган барча ҳудудлар унинг рақобатсиз бозорига айланиб бўлган эди. Ана шундай вазиятда янги хомашё базасини яратиш учун Россия империяси сиёсий доиралари ўзларининг бутун диққат-эътиборларини Туркистонга қаратдилар. Натижада, Россия Туркистонни хомашё манбаси, рақобатсиз бозорга айлантиришни XIX асрнинг ўрталаридаёқ ўзининг асосий стратегик мақсадига айлантирган эди.

Бу ўринда, Россия армияси Бош штаби бошлиғи генерал-майор Бларамбергнинг қуйидаги сўзларини келтириш мумкин: «Россиянинг келажаги Европа билан боғланган эмас. У асосий эътиборини Осиёга қаратмоғи керак. Йил сайин тўқимачилик саноати тез суръатлар билан ўсиб бориши маҳсулот сотиш учун янги бозорлар очишни кун тартибига қўймоқда. Кучли рақобат туфайли Европа бозорлари Россия учун берк бўлганлиги сабабли у ўзининг тўқимачилик саноати маҳсулотини улкан Осиё қитъасидаги бозорларда сотмоғи керак».

Россия империяси босқини арафасида рус иқтисодчилари тўплаган маълумотларга кўра, ўша пайтда Бухоро, Хива, Қўқон давлатлари ҳудудида тахминан 10 миллион аҳоли яшаган бўлиб, уларнинг чит газламага бўлган эҳтиёжи 1.750 минг пудни ташкил этган. Россиянинг 1856—1864 йилларда Туркистонга қилган экспортида ип-газлама умумий маҳсулотнинг 60 фоизини ташкил этган эди. М.Терентьевнинг ёзишича: «Ҳеч шубҳа йўқки, яна шундай бозорларга эга бўлишимиз тўқимачилик саноатимиз учун яна миллионлаб

даромадлар келтирувчи янги манбалар яратилишига олиб келади».

Ўша даврларда Россиянинг таниқли иқтисодчиларидан бири бўлган Ю.Гетельмейстер ҳам Европа ва Россиянинг ривожланиш имкониятларини таққослаб чиқиб, Россия ўз эътиборини асосан Осиё бозорларига қаратиши керак, деган хулосага келган эди. Ю.Гетельмейстер Осиёнинг иқтисодий имкониятларини ўрганар экан, ўз эътиборини асосан Туркистонга қаратди. У, ҳатто Сирдарёда кемачиликни йўлга қўйиш орқали Тошкент ва Қўқонга маҳсулот олиб бориб сотиш режаларини ҳам ишлаб чиққан. Россия манфаатлари учун тинимсиз тадқиқот олиб борган бу иқтисодчи Туркистонни йирик бозорга айлантириш учун уни ҳарбий куч ишлатиб босиб олиш керак, деган хулосага келди.

Эътиборга молик яна бир масала — бу савдо муносабатлари масаласидир. Чунончи, туркистонлик савдогарлар Россиянинг ички бозорларида катта мавқега эга эдилар. Туркистонлик савдогарлардан камроқ бож олиниши ва бошқа тўсиқлар бўлмаганлиги сабабли Россияга бу ўлкадан мол олиб келувчилар ҳам, бу ердан маҳсулот олиб кетувчилар ҳам асосан Бухоро, Қўқон, Хива давлатларининг савдогарлари бўлган. Мусулмон давлатларида «ғайридин» деб аталувчи кишилар билан савдо алоқаларини ривожлантириш анча чекланганлиги сабабли рус савдогарлари Туркистонда кенг қўламли фаолият кўрсата олмас эдилар. Бундан ташқари, ўша даврларда хонликлар бозорлари учун рус савдогарларида бой тажриба ва тижорат маҳорати ҳам етишмас эди.

Рус олими В.В.Григорьев Россия билан Туркистон ўртасидаги савдо муносабатларини солиштириб чиқиб, асосий даромад туркистонликлар қўлида қолаётганлигини таъкидлайди. Унинг ёзишича: «Россия ички Осиё билан савдо қилаётгани йўқ, балки ички Осиё Россия билан савдо қилмоқда. Одатда Осиёда ҳам, Россия империясида ҳам мол сотувчилар ва харид қилувчилар асосан осийлик савдогарлардир. Бунинг натижасида савдодан тушадиган барча даромадлар тўлалигича уларнинг қўлида қолиб кетмоқда».

В.Григорьев Туркистон билан савдо муносабатлари ривожланишининг асосий йўли — бу ўлкани ҳамма жойда тартиб ўрнатишга қодир бўлган бирорта насроний давлат томонидан босиб олинишидир, деган фикрни илгари сурган. Унинг қатъий хулосасига кўра, Туркистонни босиб олмасдан туриб, бу ўлка билан савдо муносабатларини тўғри йўлга қўйиб бўлмайди.

Ўрта Осиё хонликларининг сиёсий жиҳатдан заифлигини билган, ўзларининг ҳарбий жиҳатдан устунлигига тўла ишонган Россия империяси маъмурлари бу ҳудудни босиб олмасдан анча олдинроқ пахта етиштиришни ривожлантириш, пахтанинг серҳосил навларини яратиш билан боғлиқ кўплаб режаларни ишлаб чиққан эдилар. Чунки Туркистон пахтаси Америкадан келтириладиган пахтага нисбатан арзон эди. Айнан шунинг учун ҳам Россиядаги тўқимачилик саноатининг энг йирик вакилларида бири А.Шипов Туркистон пахтасининг Россия учун бўлган иқтисодий аҳамияти масаласини ҳар томонлама ўрганиб чиқиб, Ўрта Осиё саноатининг кўплаб тармоқлари учун ҳам муҳим ва бой хомашё базаси бўлиши мумкинлигини исботлаб берган эди. Бинобарин, Россия бу даврда иқтисодий жиҳатдан анча қолоқ бўлиб, бу давлат учун тўқимачилик саноатининг ривожланиши улкан аҳамият касб этарди.

Россия империясининг Туркистонга бўлган қизиқиши бу ўлкадаги кўплаб ер ости бойликларини ўзлаштиришга интилиш билан ҳам боғлиқ эди. Ўрта Осиёнинг бой олтин конлари ҳақидаги хабарлар Россияга XVI асрдаёқ маълум бўлиб, бу масалада Пётр I ҳам тегишли ҳаракатларни амалга оширишга киришган эди. Россия империяси босқинидан олдин Ўрта Осиёга келган барча рус маъмурлари табиий бойликларни ўрганиш, ер ости захираларини аниқлашга доимий қизиқиб келганлар.

Қатор архив ҳужжатларидаги маълумотларга кўра, Россияда Ўрта Осиёнинг олтин конлари ҳақидаги хабарлар шунчалик кўп тарқалган эдики, рус босқини даврида Россия армияси қўшинлари билан бирга ер ости бойликларини ўр-

ганувчи кўплаб мутахассислар ҳам ўлкага кириб келдилар. Улар орасида Хлудов, Первушин каби йирик саноатчилар ҳам бор эдики, дастлабки кириб келган давридаёқ улар олтин конларини излашга киришганлар. Таъкидлаш жоизки, ер ости ва ер устидаги бойликлари ҳақидаги маълумотлар ўз вақтида Туркистонни босиб олиш режасини амалга оширишни янада тезлаштирган эди.

Подшо Россияси босқинининг дастлабки давридаёқ, хусусан, Қўқон хонлигида нефть конлари рус саноатчилари ихтиёрига берилган эди. Кауфман билан Худоёрхон ўртасидаги битимга асосан рус зобитлари ва сайёҳлари савдогар ниқоби остида Фарғона водийсига кириб кела бошладилар. Маълумотларга кўра, Кауфман Худоёрхондан хонлик ҳудудларида рус «саноатчи ва тадбиркорларига тоғ-кончилик ишлари билан шуғулланишга рухсат беришини сўраган». 1868 йилда савдогар Фёдоров ҳам Мойбулоқ нефть конларидан фойдаланиш учун Худоёрхондан рухсат олган.

Туркистонда Россия империяси ҳукмронлиги ўрнатилганидан сўнг кончилик саноати ишларини илмий асосда ўрганиш бўйича жиддий ҳаракатлар бошланди. Хусусан, 1869 йил 19 декабрда Кауфманнинг топшириғи билан Туркистон генерал-губернаторлиги ҳузуридаги кончилик ишлари раҳбари А.С.Татаринов кимё лабораториясини ташкил қилди. Лаборатория ишида Мушкетов, Романовский, Северцов, Миддендорф каби олимлар, Мишенков, Давидов, Мейер, Иванов, Лопушинский каби тоғ-кон инженерлари иштирок этганлар. Ушбу лаборатория олимлари ўлканинг табиий бойликлари — олтин, кумуш, мис рудаси, қўрғошин, темир ва тошқўмир конларини, кейинчалик туз, нефть, гранит ҳамда қурилиш материаллари, шунингдек, қимматбаҳо тошларни излаб топиш ва ўзлаштиришга жалб этилган эди.

Россия империяси, табиийки, Туркистондаги хомашё ва бойликларни ташиб кетиш учун йўллар қуриши зарур эди. Туркистон ўлкаси Россиянинг марказий районларидан анча узоқда жойлашганлиги, дастлабки даврларда сув ва темир йўллар йўқлиги, қуруқлик йўлларида эса хавфсизликнинг

таъминланмаганлиги бу режани амалга оширишни анчагина қийинлаштириб қўйган эди.

Туркистонни Россия билан боғловчи темир йўллар қуриш масаласи империя босқини бошланмасидан олдинроқ кўриб чиқилди. Россиядаги машхур жамоат арбоби Р.Черновитов ҳам рус маъмурларига Туркистонни Россия билан боғловчи, кемалар қатнай оладиган сув йўларини ўрганиш тўғрисидаги таклифни киритган. Унинг фикрича, бу йўллар Каспий денгизини Орол денгизи билан боғлаши, Россияда ишлаб чиқарилган маҳсулотларни Туркистонга олиб киришга имконият яратиши зарур эди.

Шунингдек, 1856 йилда Россия империяси армиясининг Кавказдаги бош қўмондони А.И.Барятинский Устюрт орқали Каспий денгизини Орол денгизи билан боғлайдиган темир йўл қуриш ҳақида таклиф киритди. Барятинскийнинг фикрича, бу йўл Россия учун ниҳоятда катта иқтисодий ва сиёсий аҳамиятга эга бўлиб, рус маҳсулотларини Осиёга чиқариш учун улкан имкониятлар яратиши лозим эди. Ушбу режа бўйича Орол денгизигача темир йўл орқали олиб келинган юкларни кемаларга ортиб, Сирдарё ва Амударё орқали Ўрта Осиё хонликларининг энг йирик савдо марказларига етказиш мўлжалланди.

Англиянинг Шарққа тез суръатлар билан кириб келиши, Россия билан Англия ўртасидаги муносабатларнинг кескинлашуви темир йўл қуриш режасини анча жанубга қўчириш, яъни Красноводскдан бошлаш режасини кун тартибига қўйди. Темир йўл қурилиши муносабати билан Красноводск қалъаси кенгайтирилди. Бу ерга, ҳарбийлардан ташқари турли амалдорлар, савдогарлар, sanoatchilar, ўлкани ўрганиш орзусида юрган саёҳатчилар, врачлар ва ўқитувчилар кела бошладилар. Красноводск қалъаси ва унинг атрофларида русларнинг кўпайишига қарамасдан, туркманларнинг доимий ҳужумлари туфайли улар доимий хавф-хатарда эдилар. Шунинг учун ҳам 1880 йилнинг февраль ойидаги Россия ҳукумати кенгашида Каспий денгизининг Михайловский қўлтиғида жойлашган Узун Ота деган жойдан Қизил Арват-

гача тор изли темир йўл қуришга келишиб олинди. Россия ҳарбий вазирлиги зиммасига юклатилган бу йўл қурилишининг биринчи навбати 1881 йил 1 январда, иккинчи навбати эса ўша йили 1 сентябрда ишга туширилди.

Россия империясининг Туркистонни босиб олишини тезлаштиришга олиб келган сабаблардан яна бири — Россия билан Англия ўртасидаги сиёсий ва иқтисодий зиддиятлар бўлди. XIX аср иккинчи ярмининг бошларида Ўрта Осиё хонликларини босиб олиш мақсадида Россия томонидан олиб борилаётган сиёсат Англиянинг бу борада узоқни кўзлаб тузган режаларига жиддий хавф солар эди. Англия ва Россия муносабатлари алоҳида мавзу бўлса-да, бу масалага қисқача тўхталиб ўтиш мақсадга мувофиқдир.

Россия империяси ҳукмрон доиралари Англиянинг Шарқда нисбатан олиб бораётган сиёсатининг моҳиятини яхши англаганлар. Хусусан, 1875 йилнинг январь ойида подшо ҳукмати кенгашида Англиянинг Осиёдаги сиёсати масаласи муҳокама қилинди.

Ушбу муҳокамада иштирок этган кўпгина Россия империяси давлат арбоблари Англиянинг Осиёдаги мустамлакачилик фаолиятини чеклаб қўйиш тарафдори бўлдилар. Лондондан олинган маълумотлар асосида Англия Россияга икки томондан — жанубда Форс кўрфазидан, шарқда Афғонистондан ҳужум қилишга тайёргарлик кўраётгани ҳақидаги хабарни 1857 йил 18 февралда етказди.

Россия ҳарбий вазирлиги вазиятни зудлик билан ўрганиш учун «Россия билан Англиянинг Ўрта Осиёда тўқнашуви бўлиши эҳтимоли» масаласида маълумотлар тўплади. Ушбу маълумотларда келтирилишича, Англия Россияга қарши кураш йўлида фақат ўз ҳарбий кучларидангина эмас, балки мусулмон халқларидан ҳам фойдаланиши мумкин эди. Айнан шунинг учун ҳам подшо Россия маъмурлари Ўрта Осиё хонликларини босиб олишни янада тезлаштирган эдилар.

3. Хонликларни босиб олиш учун амалга оширилган ҳарбий ҳаракатлар. Туркистон генерал-губернаторлиги

Юқорида таъкидланганидек, Пётр I давридаёқ Россия империясининг Ўрта Осиё хонликларини забт этиш ғоялари пайдо бўлган эди. XIX асрнинг бошларидан бошлаб империя маъмурлари бу ғояни амалга ошириш борасида дастлабки ҳаракатларини бошлаган эдилар. Чунончи, хонликлар ҳудудига элчилар кўринишидаги жосуслар, экспедициялар, сайёҳлар, зобитлар, олимлар жўнатилиб, улар Туркистон ўлкасининг бойликлари, аҳолисининг турмуш тарзи, хонликларнинг ҳарбий кучлари, ўлкадаги стратегик вазият ҳақида турли-туман маълумотларни тўплаб, марказга етказиб турдилар. Бу маълумотларнинг натижаси ўлароқ, 1860 йилдан бошлаб Россия империяси Туркистон ўлкасини босиб олиш учун жиддий ҳарбий ҳаракатларни бошлади. Бундан ташқари, Россия империясининг Ўрта Осиё хонликларини босиб олишни тезлаштирган бир нечта сабаблар бор эдики, улар қуйидагилардан иборат бўлган:

1. Россия енгил саноатини доимий равишда таъминлаб турувчи арзон хомашё базасининг Ўрта Осиёда мавжудлиги;

2. Қрим уруши (1853—1856 йй.) туфайли Қора денгиз портларининг Россия қўлидан кетиши ҳамда унинг ўрнини Ўрта Осиё хонликларини эгаллаш ҳисобига тўлдириш, Ўрта Осиё орқали Эрон, Афғонистон, Хитой, Ҳиндистон каби давлатларда Англиянинг таъсирини йўқотиб, бу давлатлар билан савдо ва дипломатик алоқалар ўрнатиш.

3. Россия Европа бозорлари билан рақобат қила олмаслиги сабабли ишлаб чиқарилган маҳсулотларни сотиш учун Ўрта Осиё бозорларини эгаллаши лозим эди.

4. Россияда ўтказилган ер ислоҳотлари туфайли қашшоқлашиб қолган аҳолини кўчириб келтириш ва уларни ер билан таъминлаш керак эди.

Ўрта Осиё хонликларини босиб олиш масаласи подшо Александр II (1855—1881 йй.) томонидан 1859 ва 1861 йилларда ўтказилган империя сиёсий доиралари кенгашлари-

да муҳокама қилинди. Бу пайтга келиб, Россия империяси ҳарбий вазирлигида Ўрта Осиё хонликларининг иқтисодий, сиёсий ва ҳарбий аҳволига оид жосуслик маълумотлари етарли даражада тўпланиб бўлган эди. Империя бош штаби бошлиғи, генерал унвонига кўтарилган граф Н.Игнатъевнинг ўзбек хонликларининг ҳақиқий аҳволи ва уларни Россия назоратига олишни қандай амалга ошириш ҳақидаги ахборотлари бу маълумотлар ичида айниқса ажралиб турарди. Граф Игнатъевнинг таклифига кўра, аввало, Қўқон хонлигига ҳарбий ҳаракатлар бошланди.

Россия империясининг ҳарбий ҳаракатлари арафасида Қўқон хонлигида ижтимоий-сиёсий ҳолат мураккаб аҳволда эди. Бу ҳолатга шундай изоҳ бериш мумкинки, биринчидан, хонликдаги кўчманчи ва ярим кўчманчи аҳоли қипчоқлар ҳокимиятини тан олмаганлар. Иккинчидан, хонлик ҳокимиятида юқори мавқени эгаллаш ва хонга таъсир ўтказиш учун қипчоқлар орасида ўзаро кураш борар эди. Учинчидан эса қипчоқлар ўтроқ аҳолига нисбатан зўравонлик қилиб, шаҳарларга кириб келганлар ва аҳолининг уй-жойларини тортиб олганлар. Ушбу сабаблар туфайли Қўқон хонлиги аҳолиси рус босқинига қарши курашда етарли даражада бирлаша олмади.

Россия империяси босқини эса шусиз ҳам қалтис бўлган сиёсий жараёнларнинг янада кескинлашувига сабаб бўлди. Ҳарбий доиралар шундай маълумот берган эди: «...орқадан янги, ҳали номаълум кучлар яқинлашиб келарди. Булар Сирдарёнинг пастки оқимини аста-секин, лекин мустаҳкам эгаллаб келаётган руслар эди. Бу ҳаракатнинг муҳимлигини ва аҳамиятини Худоёрхон албатта тушунмади, оқибатини эса у тасаввур ҳам қилмаган эди».

Шунга қарамасдан, Қўқон хони Султон Сайидхон (1863—1865 йй.) ва Амирилашкар Алимқули хонликдаги барқарорликни сақлаш учун айрим чоралар куришга ҳаракат қилдилар. Хусусан, хон қозоқ бийларига мурожаатнома йўллаб, уларни иттифоққа чақирган бўлса, Алимқулининг буйруғига кўра, Нурмуҳаммад қушбеги Авлиёотага бориб Талас дарё-

сининг юқори оқимида истиқомат қилувчи қирғиз сардорларини ташқи душманга қарши курашда ҳамкорлик қилишга чақирди. Аммо бу ҳаракатларнинг барчаси зое кетди.

1860 йилнинг ёзида Россия империясининг Қўқон хонлигига ҳарбий ҳаракатлари жонланиб кетди. Полковник Циммерман бошчилигидаги рус қўшинлари аввал Тўқмоқ, сўнгра эса Пишпак (Бишкек) қалъаларини куч билан эгалладилар. 1864 йил май ойида Қўқон хонлиги ҳудудларига шарқ томондан полковник Черняев, ғарб томонидан полковник Верёвкин бошчилигидаги империя қўшинлари бостириб кирдилар. Черняев қўшинлари Авлиёта шаҳрини қамал қилдилар. Шаҳар ҳокими Ниёз Али шаҳарни ташлаб, Туркистон томонга қочиб кетган бўлишига қарамай, Авлиёта аҳолиси душманга қарши мардонавор курашди. Аммо ҳарбий техника ва кучлар тенг бўлмаганлиги туфайли енгилди. Шаҳар эгаллангач, Черняев уни талон-торож қилишга буйруқ берди. Верёвкин қўшинлари эса Туркистон шаҳрини эгаллаб, муқаддас Аҳмад Яссавий мақбарасини тўпга тутдилар.

Туркистон ва Авлиёта шаҳарлари босиб олингач, Қўқон хони Султон Сайидхон ва Амирилашкар Алимқули Тошкентнинг Мингўрик мавзесида катта кучларни тўплаб, машқлар ўтказдилар. Бу орада рус қўшинлари Чимкентга юриш бошладилар. Хонлик сарбозлари ва рус қўшинлари билан Чимкент учун бўлган жанг 1864 йил 14 июльнинг эрта тонгида бошланди. Бу жанг ҳақида тарихчи Муҳаммад Солиҳ қуйидаги маълумотларни беради. Уч кун давом этган ушбу жангни Мингбой қипчоқ бошчилигидаги сарбозлар бошлаб бердилар. Ундан кейин Мирзо Давлат бошчилигидаги тошкентликлар, Хўжанд ҳокими Мирзо Аҳмад қушбегининг йигитлари жангга кирдилар. Шундан сўнг Марғилон, Қўқон, Андижон, Ўш, Наманган гуруҳлари жангга қўшилдилар.

Манбаларга кўра, шафқатсиз бўлган ушбу жангда 12 мингга яқин киши ҳалок бўлиб, штабс-капитан Мейер ва полковник Лерх бошчилигидаги рус қўшинларининг омон қолганлари Авлиёта ва Туркистон томон чекинишади. Ғалаба қозонган Амирилашкар Алимқулига рус қўшинлари томонидан сулҳ тузиш таклифи киритилади. Лашкарбоши-

лар кенгашида эса тошкентликлар руслар билан музокара юритишга қарши чиқдилар ва бу фикр кўпчилик томонидан қувватланди.

Чимкент мағлубиятидан қўрқиб кетган рус маъмурлари, хусусан, генерал Черняев, полковник Лерх ва капитан Мейерлар барча кучларни Чимкент яқинидаги Оқбулоқда тўплаб, бу ерда икки ой давомида ҳал қилувчи жангга тайёргарлик кўрдилар. Амирилашкар Алимқули ҳам Чимкентдаги ғалабасидан руҳланиб, қўлдан кетган шаҳарларни қайтариб олиш чора-тадбирларини кўрди. Аммо, Қўқон хонлиги ҳудудларига рус босқини хавфи кучайиб бораётган бир шароитда Бухоро амири Музаффар қўшинлари хонлик ерларига бостириб кирганлиги ҳақида хабар олинди. Ушбу вазиятда Алимқули асосий қўшинни Қўқонни Бухоро амирлиги қўшинларидан ҳимоя қилишга ташлашга мажбур бўлиб, Англиянинг Ҳиндистондаги ваколатхонасидан, Туркиядан ёрдам сўраб мурожаат қилди. Афсуски, улар томонидан ҳеч қандай ёрдам кўрсатилмади.

Бундай шароитдан генерал Черняев унумли фойдаланди. Урал ва Оренбург казаклари ҳамда тўпчилари билан Сайрамда бирлашган Черняев қўшинлари 1864 йилнинг 14 сентябрида Чимкентга иккинчи марта юриш бошлади. Бу пайтда Амирилашкар Алимқули Хўжад ва Ўратепада Бухоро амири қўшинларига қарши жанг қилаётган эди. Черняев эса бу сарфари юриши (22 сентябрь)да Чимкент шаҳрини эгаллади.

Шундан кейин Черняев Тошкент юришини бошлаб, 1864 йил 1 октябрда шаҳарнинг шарқий томонидаги Дарвишак қопқа деган жойга етиб келади. Бу пайтда Тошкент шаҳри 4 та (Шайхонтохур, Себзор, Бешёғоч ва Кўкча) катта даҳага бўлинган бўлиб, 25 чақирим қалин девор билан ўраб олинган эди. Девор атрофида зовурлар бўлиб, уларга сув тўлдирилган. Шаҳар аҳолиси душман босқинидан бохабар бўлиб, мудофаага тайёргарлик кўрган эдилар.

Тарихий манбаларнинг маълумот беришича, 1864 йилнинг 2 октябрида эрталабдан бошлаб ҳар иккала томонидан тўплардан ўқлар узилиб, отишмалар бошланди. Тошкент девори

тўплардан ўққа тутилганидан кейин подполковник Обух 2 рота аскарлари ва 4 та тўпи билан ҳужумга ўтиб, деворнинг бир қисмини тешишга эришди. Рус аскарлари подполковниклар Обух ва Лерх бошчилигида шу жойдан шаҳарга кириш учун зовурни кечиб ўтишга ҳаракат қилганлар. Аммо Тошкент мудофаачиларининг мардонавор қаршилиги туфайли рус аскарларининг бу ҳаракати синдирилди. Рус қўшинлари 72 та зобит ва аскарларидан айрилиб, Чимкентга чекинишга мажбур бўлдилар. Подполковник Обух ҳам оғир яраланди.

Бу ғалабадан руҳланган Қўқон хонлиги лашкарлари амирилашкар Алимқули бошчилигида 1864 йилнинг ноябрь ойида рус аскарларига қарши ҳужум қилдилар. Тошкент атрофидаги Иқон қишлоғи ёнида майор Серов бошчилигидаги рус қўшинлари билан Алимқули қўшинлари тўқнашди. Бу жангда рус қўшинлари мағлубиятга учраб, улардан 57 нафари ўлдирилди ва 43 нафари ярадор қилинди.

Бу мағлубиятлар рус мустамлакачи маъмурларини қаттиқ ташвишга солиб қўйди. Шунинг учун ҳам генерал Черняев 1864—1865 йилнинг қиш мавсумини қаттиқ ҳарбий тайёргарлик билан ўтказди. Унинг қўшинлари Сибирь ва Оренбургдан етиб келган ҳарбий кучлар — қурол-яроғ, янги батальонлар, сапёрлар роталари билан тўлдирилди.

1865 йилнинг баҳорида Тошкентга рус қўшинларининг Черняев бошчилигидаги иккинчи ҳужуми бошланди. Черняев 28 апрелда Чирчиқ дарёси бўйидаги Ниёзбек қалъасини эгаллади. Шундан сўнг хоинларнинг маслаҳати билан Тошкент шаҳрини сув билан таъминлаб турувчи Бўзсув тўғони бузиб ташланиб, Чирчиқ дарёсига буриб юборилди. Айти экин-тикин палласида шаҳар аҳолиси сувсиз қолди.

Эътибор бериш лозимки, бу пайтга келиб рус босқинчиларига хайрихоҳ бўлган хоин ва сотқинлар ҳам пайдо бўлди. Улардан бири Абдурахмонбек Шодмон ўғли бўлиб, у Черняевга Бўзсув тўғонини бузишни маслаҳат берган ва кўнгилли равишда Россия империяси хизматига ўтган. Тошкент шаҳрининг энг катта бойларидан бири Муҳаммад Соатбой ҳам унга қўшилган. У машҳур савдогар бўлиб, Петропав-

ловск, Троицк, Оренбург каби шаҳарнинг савдо-сотик доиралари билан яқин алоқада бўлган, Тошкентдаги иқтисодий, сиёсий ва ҳарбий вазият ҳақида Черняевга маълумотлар бериб турган. Хоинлардан яна бири Россия империяси фахрий фуқароси, «Авлиё Анна» олтин нишони соҳиби Саидазимбой Муҳаммад ўғли эди.

Шунга қарамасдан, хонлик қўшинлари кўтаринки руҳ билан ҳужумга тайёргарлик кўрдилар. Алимқули катта қўшин билан Қўқондан Тошкентга етиб келди. Мингўриқда анжуман ўтказилиб, жанг режаси ишлаб чиқилди. Май ойининг бошларида Тошкент учун шиддатли жанглар бўлиб, дастлаб хонлик қўшинларининг қўли баланд келди. Аммо шундан кейин қўшин орасида парокандалик бошланди. 9 май куни Салор ариғи бўйида бўлган жангда Алимқули оғир ярадор бўлиб, «Тошкент фуқаролари аста-секин орқага қайтиб, ўзларини шаҳар ичига олсинлар, бошқа сарбозлар ва мужоҳидлар эса урушни давом эттирсинлар», дея фармон берди.

Амирилашкар Алимқулининг ярадор бўлиб сафдан чиққани мудофаачиларга қаттиқ таъсир қилди. Душман билан мардонавор жанг қилган хонлик қўшинлари тартиб билан Салор ариғи томон чекиндилар. Аммо мудофаачиларнинг айрим гуруҳлари, хусусан, Алимқулига хусумати бўлган қипчоқлар, қирғизлар ва андижонликлар жанг майдонини умуман тарк этиб, Қўқонга кетиб қолдилар.

Яраланган Алимқулининг вафот этиши туфайли ҳам мудофаачилар орасида саросималик бошланди. Бунинг натижасида шаҳар ҳимоячиларининг қаршилиги синдирилиб, 15 июнь куни Тошкент шаҳри Черняев қўшинлари томонидан забт этилди. Муҳаммад Солиххўжа ўзининг «Тарихи жадидаи Тошканд» асарида Тошкент 40 кундан зиёд қамал қилинганлиги, шаҳар аҳолиси она шаҳарларини мардонавор мудофаа қилганлигини таъкидлаган. 1865 йил 17 июнда эса яна қон тўкилишининг олдини олиш мақсадида икки томонлама музокаралар бошланди. Черняев Тошкент шаҳрининг Ҳакимхўжа қозикалон, Абдурахмон эшон, домла Солихбек Охун сингари нуфузли ва обрўли кишилари билан музокара

ўтказиб, «Тошкент шаҳри аҳолиси ўз ихтиёри билан Россия империяси таркибига қўшилди», деган сохта аҳдномани тўлдиришга мажбур қилди. Бунга рози бўлмаганларни эса жазоладилар.

Сохта аҳдномани тўлдириш эса Абдусаттор Қорабоши ўғлига топширилди. Беш нусхада тузилган аҳдномага шаҳар «катта»ларининг барчасига мажбурий равишда қўл қўйдирилиб, муҳр бостирилди ҳамда бир нусхани Черняевга, тўрт нусхаси эса тўрт даҳа бошлиқларига берилди. Бу аҳднома туфайли босқинчилик сиёсатини юргизиб, Англия каби кучли давлат билан уруш олиб боришга мажбур бўлиб қолишдан чўчиган Россия империяси ҳукумати халқаро жамоатчилик назарида ўз хатти-ҳаракатларини оқлашга уринди. Чунончи, аҳдномадан нусхалар кўчирилиб, 1865 йилда Россиянинг Туркиядаги элчиси қилиб тайинланган Н.Игнатъев орқали Истамбулга жўнатилди ва шаҳар кўчаларига ёпиштириб чиқилди. Хулоса қилиб айтганда, Тошкент босиб олингач, бу шаҳар Россия империясининг Туркистон масаласига дахлдор барча сиёсий масалаларни ҳал қиладиган империя қароргоҳига айланиб борди. Тошкент шаҳри босиб олинганидан сўнг, 1865 йилда босиб олинган ҳудудлари маркази Тошкент шаҳри бўлган Туркистон вилояти ташкил қилинди. 1865 йилнинг ёзида Анҳорнинг чап қирғоғида мустамлакачи маъмурият учун «янги шаҳар»га асос солинди.

Мулла Олим Маҳдум ҳожи ўзининг «Тарихи Туркистон» асарида Тошкент шаҳрининг босиб олиншини Ўрта Осиёдаги иккита — Бухоро амирлиги ва Қўқон хонлиги ўртасидаги қарама-қаршилик ва ички низолар билан боғлайди: «...Русиялар Тошкандни мухосара қилиб турғон вақтда икки ҳамсоя мусулмония мамлакатларининг подшолари русияларнинг тўп овози етадурғон яқин масофада мамлакатларига истило қилиб келиб, уруш қилиб турғон ҳолда, анча аҳамият бермай, бир-бирлари билан уруш-талаш қилишиб, вилоятни барбод бердилар, яъни русиялар ҳимоясиз қолғон Тошканд шаҳрини бир неча кун қамаб, охири 1865 йил 15 июнда субҳ вақтида Камолон дарвозасидин кириб фатҳ қилдилар».

1866 йили подшо Александр II томонидан Тошкентнинг Россия тасарруфига олинганлиги расман эълон қилинди. Россия империясига, бундан ташқари, кейинчалик ҳам ўз манфаатларини амалга ошириш учун мустаҳкам маъмурий тузум зарур эди. Айнан шунинг учун ҳам бу масалани зудлик билан ҳал этиш борасида империя ҳарбий вазири Милютин бошчилигида комиссия ташкил этилади. Мазкур комиссияга Оренбург генерал-губернатори Н.Крижановский томонидан Тошкентни Оренбургга бўйсундириш ҳақидаги таклифи киритилган эди. Аммо Ўрта Осиёни ўзининг хомашё базасига айлантиришни режалаштирган Россия империяси ҳукмрон доиралари учун бу таклиф тўғри келмас, Тошкент мустамлакачиларнинг бу борадаги марказига айланиши лозим эди. Айнан шунинг учун ҳам Н.Крижановскийнинг бу таклифи рад этилиб, 1867 йил 14 июлда Туркистон генерал-губернаторлиги ташкил этилди. Биринчи генерал-губернатор этиб К.П. фон Кауфман тайинланди. Маркази Тошкент бўлган Сирдарё вилояти, маркази Верний (Алмати) бўлган Еттисув вилоятлари мазкур генерал-губернаторлик таркибига киритилди.

4. Россия империяси босқини арафасида Қўқон хонлигидаги сиёсий ва ижтимоий-иқтисодий аҳвол.

Қўқон хонлигининг тугатилиши.

Фарғона вилояти

ХІХ асрнинг I ярмида Қўқон хонлигидаги сиёсий ва ижтимоий-иқтисодий аҳвол. Норбўтабийдан сўнг унинг ўғли Олимхон (1801 — 1810 йй.) тахтга ўтириб, Қўқон хонлигининг сиёсий қудратини мустаҳкамлаш, мамлакат ҳудудларини кенгайтиришга алоҳида эътибор берди. Натижада, Қўқон хонлигининг сиёсий мавқеи ошиб борди. Олимхон даврига келиб, Қўқон хонлигидаги давлат бошқаруви олдинги давлатлар бошқарув тизимидан деярли фарқ қилмас эди. Унинг даврида Қўқон давлати кучайиб бориши билан давлатнинг сиёсий мақоми ҳам ўзгаради. Агар Қўқоннинг дастлабки ҳукмдорлари «бий» ва «бек» унвони билан мамлакатни идора қилган бўлсалар, Олимхон давридан бошлаб (1805 йил) ҳукмдорлар расман «хон» деб юритила бошланди.

Ўз даврида Олимхон ҳарбий юришлар қилиб, ўзига янги вилоятларни, жумладан, Оҳангарон воҳаси, Тошкент, Чимкент, Туркистонни бўйсундиришга муваффақ бўлди. Қисқа муддат Ўратепани ҳам эгаллади, Жиззах ва Зоминга юришлар қилди. Ҳарбий ислоҳотлар ўтказиб, марказлашган ва кучли давлат тузиш учун ҳаракат қилаётган Олимхоннинг сиёсатидан норози бўлган айрим зодагонлар гуруҳи унга қарши фитна тайёрлай бошладилар. Олимхон ўз ҳокимиятини мустақамлаш мақсадида укаси Рустамбекни, бир нечта саркардаларни, дин пешволарини ўлдиртириб юборади. Манбаларнинг маълумот беришича, бу воқеалардан сўнг кучайиб кетган фитначиларга Олимхоннинг укаси Умарбек бошчилик қилган. Натижада, 1810 йилда Олимхон Тошкентдан Қўқонга қайтаётганда, Олтиқуш мавзесида ўғли Шохруҳбек билан бирга Қамбар Мирза томонидан отиб ўлдирилади.

Манбаларга кўра, Умархон (1810—1822 йй.) ҳукмдорлиги даврида йирик ер эгалари, ҳарбий саркардалар ва руҳонийларнинг мавқеи янада ошади. У давлат бошқаруви ишларида изчил тартиб, қонун-қоидалар ўрнатди ва диний ишларни тартибга солди. Натижада, 1818 йилда Умархон руҳонийларнинг розилиги билан «амир ал-муслимин» унвонини олиб ҳам диний, ҳам дунёвий ҳокимиятга эга бўлади.

Муҳаммад Ҳақимхон маълумотларига кўра, Умархон даврида Амир Темур ва Султон Ҳусайн Бойқаро замонига тақлидан унвон ва лавозимлар жорий этилиб, уларга ҳокимиятга яқин шахслар тайинланади. Шунингдек, Олимхон зулмидан қочиб кетган айрим амалдорлар Умархон хизматига қайтиб келиб, лавозимларни эгаллайдилар.

Манбаларнинг гувоҳлик беришига қараганда, Қўқон хонлигининг Ўрта Осиё минтақасидаги сиёсий жараёнлар ва ўзаро муносабатларга фаол аралашуви ҳам Умархон давридан бошланади. Ўз даврида Умархоннинг элчилари Хива, Хитой ва Туркия давлатларига жўнатилганлиги маълум.

Н.Петровский Умархон ҳукмронлиги даври ҳақида қуйидаги маълумотларни беради: «Умарнинг хонлиги ҳам олдинги хонларникидек давом этди, яъни у ўз ерларини кенгайтирди.

Бу хон даврида Туркистон вилояти мусулмонларнинг Ҳазрат (Султон ал-орифин Аҳмад Яссавий дафн этилган Туркистон) шаҳри билан бирга забт этилди. Умархон халқ севиб ардоқлаган хонлардан бири бўлди. Қўқонда икки қатор шеър тарқалган бўлиб, унда Умархон ҳақида жуда илиқ ва яхши сўзлар айтилар эди».

1822 йилда Умархон касалланиб вафот этганидан сўнг тахтга унинг ўғли Муҳаммадалихон (Мадалихон, 1822—1842 йй.) ўтиради. Унинг ҳукмронлиги даврида Қўқон хонлигининг ҳудуди янада кенгайиб, қирғизларнинг баъзи туманлари хонликка қўшиб олинади ҳамда Кўлоб, Ҳисор, Бадахшон, Дарвоз, Масчоҳ каби вилоятлар Муҳаммадалихон ҳукмронлигини тан оладилар.

Манбаларга кўра, Муҳаммадалихон ҳукмронлигининг дастлабки йиллари яхши ва одилона кечган. У 1826—1831 йиллар давомида Қашғарга юришлар қилиб, бу ердаги мусулмонларни хитойликлар зулмидан озод қилди ҳамда 70 минг уйғур мусулмонларини Андижон вилоятига кўчириб келтирди. Натижада, дин пешволари Муҳаммадалихонга «Ғозий» («дин ҳомийси», «дин йўлида курашувчи») унвонини бердилар.

1840 йилда Муҳаммадалихоннинг бош маслаҳатчиси, давлат бошқаруви ишларида катта тажрибага эга бўлган Ҳаққули мингбошининг тухматга учраб, хон томонидан қатл этилиши шусиз ҳам қалтис бўлиб турган вазиятни янада кескинлаштириб юборди. Бундан ташқари, хон давлат ишларига лоқайд бўлиб, асосий вақтини ҳарамида ўтказа бошлади. Натижада, давлатни бошқарув ишларида суиистеъмоликлардан умумий норозиликлар бошланиб, хонни ағдариш учун фитна тайёрлана бошланди.

Лекин ўз кучлари билан фитнани амалга оширишга кўзи етмаган бир гуруҳ Қўқон амалдорлари бошқа хон сайлаш мақсадида Бухоро амири Насруллога нома ёзиб, ундан ёрдам сўрашди. Қўқон юриши учун баҳона тополмай турган Амир Насрулло бу таклифни тезда қабул қилиб, 1842 йил апрелда Қўқонни босиб олди. Қўқондан оиласи билан Наманган

томонга қочган Муҳаммадалихон тутиб келтирилиб, оиласининг бир қисми билан қатл эттирилди.

Амир Насрулло Қўқон хонлигининг Бухорога қўшиб олинганлигини эълон қилиб, Қўқонда ўз ноиби Иброҳим додхоҳ Манғитни қолдиради. Аммо Иброҳим додхоҳнинг Қўқон халқига ўтказган жабр-зулми, солиқларнинг ҳаддан ташқари ошиб кетиши натижасида аҳоли қўзғолон кўтариб, Бухоро ҳукмронлигидан озод қилиш учун қипчоқларни ёрдамга таклиф этадилар. Қипчоқлар Муҳаммадалихоннинг қариндоши Шерали бошчилигида Қўқонга келиб, бухороликларни тор-мор этдилар ҳамда Шералихон (1842 – 1845 йй.) тахтни эгаллади. Қипчоқлар эса шу вақтдан бошлаб узоқ вақт хонликда етакчи мавқега эга бўдилар.

Қўқонда бўлган воқеалардан хабар топган амир Насрулло 1842 йилнинг кузида яна Қўқонга юриш қилди, аммо бу сафар унга омад кулиб боқмади. Муҳаммадалихон даврида юзбоши бўлган Мусулмонқули қипчоқ Насруллонинг ишончига кириб Қўқонга келади ва қўқонликларни таслим бўлишга кўндириш ўрнига, бир тану бир жон бўлиб амир Насруллога қарши курашга чорлайди. Унинг маслаҳатига кўра Қўқонда ҳимоя воситалари кучайтирилди. Бир ойдан зиёдроқ Қўқонни қамал қилган амир Насрулло ўзига қарши суиқасд уюштирилаётлиги ҳамда хиваликлар чегарада жойлашган Бухоро қишлоқларига ҳужум қилаётганлиги ҳақидаги хабарни олиб Бухорога қайтишга мажбур бўлди.

Бухороликларнинг кетиши билан Қўқон хонлигида бир муддат тинчлик ва осойишталик ҳукм сурди. Шералихон кекса одам бўлиб оққўнғил ва мулойим инсон эди. Унинг даврида барча давлат лавозимларини қипчоқлар эгаллаб, давлат бошқарувини ўз қўлларига олдилар. Аммо 1845 йилда Бухорода бўлган Олимхоннинг ўғли Муродхон (Қўқонда 11 кун хон бўлган) амир Насруллонинг ёрдами билан Қўқонга келиб, Шералихонни қатл этади ва тахтни эгаллайди. Бу пайтда Наманганда бўлган мингбоши Мусулмонқули бу воқеадан хабардор бўлгач, Шералихоннинг беш ўғлидан бири Художонни олиб Қўқонга келади ҳамда уни хонлик тахтига

зиб, уларни Қўқонга бўйсундирди. Унинг даврида Андижон ва Марғилон вилоятлари водийдаги энг катта мулклар эди. Олимхон даврида хонлик ҳудудлари Тошкент ва унинг атрофидаги ерлар ҳисобидан анча кенгайди. Тарихий манбаларда Тошкент мулки — вилоят, шаҳар, Тошкент ва Дашти Қипчоқ вилояти номлари билан тилга олинади. Унинг ҳудудларига Оҳангарон, Чиноз, Тошкент атрофи, Сирдарё бўйларидаги Туркистон шаҳри ва унинг атрофлари кирган. Бу мулкнинг ҳокимлари манба ва ҳужжатларда ҳоким, ҳукмдор, волий, ноиб атамалари билан тилга олинади. Умархон даврида Хўжанд, Ҳратепа ва Жиззах атрофидаги ерларга ҳам кетма-кет юришлар қилиниб, 1817 йилда Ҳратепа босиб олинади.

Муҳаммадалихон даврида хонликнинг ҳудудлари янада кенгайди. Бу даврда хонлик шимолда Россияга қарашли Ташқи Сибирь округи билан, ғарбда Хива ва Бухоро амирлиги билан, жанубда Қоратегин, Дарвоз ва ундан узоқроқдаги ерлар — Шуғнон, Рўшон ва Вахон (бу ҳудуд Қўқонга номигагина қарам бўлган) Кўлоб билан, шарқда Қашғар билан чегараланган. Хонлик ерларига Сирдарё билан Қоратегин Ҳртасида жойлашган Фарғона ҳудудлари, Сирдарёнинг унги қирғоғида жойлашган Наманган, Хўжанд ва бошқа шаҳарлар, Бухоро амирлиги ва Қўқон хонлиги Ҳртасида жойлашган Қурама вилояти, Туркистон, Сирдарёнинг қуйи оқимидаги то Балхаш кўлигача бўлган қирғизлар яшайдиган ерлар, кўчманчи қирғизлар яшайдиган Биллур тоғининг шарқий этаклари, 1830 йилдан бошлаб ғарбий этаклари ҳам кирган.

XIX асрнинг манбаларида Қўқон хонлиги беклик, баъзан вилоят ва саркорлик сифатида тилга олинган маъмурий-ҳудудий қисмларга бўлинган ҳамда уларни хон томонидан тайинладиган беклар, ҳокимлар ва саркорлар бошқарган. Айрим манбалар (А.Кун) Қўқон хонлигидаги 15 та бекликнинг номини келтиради. Булар: Қўқон ва унинг атрофи, Марғилон, Шаҳрихон, Андижон, Наманган, Сўх, Маҳрам, Булоқбоши, Аравон, Балиқчи, Чортоқ, Навкат, Косон, Чуст ва Бобо дарҳон. «Туркестанские ведомости» (1876, №13)

тўпламида эса Асака, Марғилон, Балиқчи Ўш, Сўх, Косон ва Ўзган саркорлик сифатида ҳам тилга олинади.

Ҳокимлар ва ҳудудий бўлинма бошлиқлари хон оиласи аъзолари, унга яқин гуруҳлар, юқори табақа вакиллари ҳамда етакчи қабилалар сардорлари орасидан тайинланган. Мисол учун, Худоёрхон даврида етита беклик хоннинг ўғиллари ва яқин қариндошлари томонидан бошқарилган. Ўз навбатида ҳокимлар вилоят ҳудудларини ўзларининг фарзандлари ва қариндошларига бўлиб берганлар. Қўқон хонлигининг маъмурий-ҳудудий бошқарув тизимида бек (ҳоким, волий) ва унинг ўрдаси алоҳида ўрин эгаллаган. Хон томонидан тайинланган ҳоким ва қози кўплаб ваколатларга эга бўлган.

Бек ўрдасида ҳам хон саройидагидек юзлаб амал ва унвонлар жорий этилган бўлиб, улар маҳаллий аҳолидан йиғиладиган солиқ ҳамда тўловлар ҳисобидан кун кечиринган. Беклар хоннинг итоаткор вассаллари бўлиб, мамлакатни идора этишида уни қўлаб-қувватлашлари, зарур бўлганда унга ёрдам беришлари, унинг ҳурмат-иззатини жойига қўйишлари, керакли вақтда ўз қўшинлари билан ҳарбий юришларда иштирок этишлари ва совға-саломлар юбориб туришлари лозим бўлган.

Қўқон хонлигида Қўқон, Тошкент, Андижон, Наманган, Марғилон, Чимкент, Жиззах, Ўш, Хўжанд, Ўратепа каби аҳолисининг сони жиҳатидан катта, ҳунармандчилик ва савдо ривожланган, мамлакатнинг ижтимоий-сиёсий, иқтисодий, маданий ҳаётида муҳим аҳамиятга эга бўлган ўнлаб шаҳарлар мавжуд бўлган. Хонликнинг пойтахти Қўқон шаҳри бўлиб, у мамлакатнинг сиёсий, ижтимоий-иқтисодий ва маданий маркази эди.

XIX асрда хонликнинг чегара ҳудудларини бир неча қалъа ва истеҳкомлар муҳофаза қилган. Улар жумласига Оқмасжид, Авлиёота, Пишпак, Тўқмоқ, Қуртка, Ниёзбек, Маҳрам кабиларни киритиш мумкин. Чу водийси бўйлаб бунёд этилган истеҳкомлар эса нафақат чегара муҳофазаси учун, балки уларнинг атрофидаги шаҳар ва қишлоқларни итоатда ушлаб туриш учун ҳам хизмат қилган. Ушбу шаҳар

ва қалъаларда ҳарбий қисм ҳамда уларга бошлиқ бўлган ботирбошилар бўлган. Мудофаа мақсадлари учун қурол ва аслаҳалар сақланган.

Хонлик таркибига кирувчи ҳудудлар аҳолисининг жойлашуви ва турмуш тарзи бир-биридан фарқ қилган. Тошкент воҳаси ва Фарғона водийсининг суғорилиб деҳқончилик қилинадиган қисми аҳоли жойлашуви жиҳатидан зич бўлиб, улар ўтроқ ҳаёт кечирганлар. Саҳро, тоғ ва тоғ олди текисликларидан иборат ҳудудларда кўчманчи ва ярим кўчманчи аҳоли яшаган.

Хонликдаги аҳоли сони ҳақида манбалар турли маълумотлар берадилар. Бу маълумотларга кўра, XIX асрнинг бошларида хонликда (Тошкент ва Туркистонни ҳам қўшиб ҳисоблаганда) аҳоли сони 1 миллион, XIX асрнинг ўрталарида 1,5-2 миллион, XIX асрнинг иккинчи ярмида 3 миллион киши бўлган бўлса, Россия империяси томонидан кўплаб ҳудудларнинг босиб олинishi ҳамда уларнинг босқинчилар маъмурияти таркибига кириши натижасида хонлик тасарруфидаги Фарғона водийсида 2 миллионга яқин аҳоли қолгани тахмин қилинади.

Аҳоли таркибида ўтроқ аҳоли кўчманчи ва ярим кўчманчи аҳолига нисбатан кўпчиликини ташкил этган. XIX аср бошларида аҳолининг 40 фоиздан ортиғи кўчманчи ва ярим кўчманчи бўлса, шу асрнинг охирига келиб улар 15 фоизни ташкил этган. Хўжалик машғулотларига кўра, ўтроқ аҳолининг асосий қисми деҳқончилик, ҳунармандчилик, косиблик ҳамда савдо-сотиқ билан банд бўлса, кўчманчи ва ярим кўчманчи аҳоли чорвачилик билан шуғулланган.

Қўқон хонлиги аҳолисининг кўпчилиги ўзбеклар бўлиб, мамлакат шаҳар ва қишлоқларида тожиклар ҳам яшаган. Хонликда яна қирғизлар ва қипчоқлар ҳам истиқомат қилганлар. Улар Сирдарёнинг бошланиш жойларидан Балхаш кўлигача бўлган тоғли ҳудудлардан то Қашғар чегарасигача бўлган ерларда, Еттисув, Талас водийси, Олой тоғлари, Бадахшон, Фарғона водийси ҳудудларида кўчманчи ва ярим кўчманчи ҳаёт кечиришган. Бундан ташқари, Фарғона во-

дийсида қорақалпоқлар, Андижон атрофларида уйғурлар, Тошкент атрофларида қозоқлар, хонликнинг шарқий қисмида, Қўқон хонлигини Бухоро ва Россиядан ажратиб турадиган чўлларда кўчманчи қозоқлар яшаганлар.

Манбалардаги маълумотларга кўра, XIX асрнинг бошларида қирғизлар, қалмоқлар, уйғурлар, қорақалпоқ, қозоқ ва қипчоқлар Хитой ҳукумати тазйиқи остида Шарқий Туркистондан Фарғона водийсигача кўчиб келишга мажбур бўлганлар. Шунингдек, хонликнинг айрим шаҳарларида лўлилар, ҳиндлар, афғонлар, араблар ва бошқа Осиё халқлари истиқомат қилганлар. Туркистон генерал-губернаторлиги ташкил топганидан сўнг руслар, яҳудийлар, арманлар ва бошқа миллат вакиллари ҳам яшаганлар.

Ўзбекларнинг минг қабиласи (уруғи) бошлиқларидан бири Шохруҳбий асос солган Қўқон хонлигидаги давлат бошқарув тизими ўрта асрларда Мовароуннаҳрда ҳукм сурган мусулмон давлатлари бошқарув тизимидан фарқ қилмас эди. Хонликда Бухоро амирлигида бўлгани каби, Амир Темур даврида шакланган ҳамда Шайбонийлар даврида қисман ислоҳот қилган давлат бошқаруви ва тизими мавжуд бўлган. Хонликда энг олий ва марказий унвон хон унвони бўлиб, унинг ҳукумати чекланмаган. Фармон бериш ва унинг бажарилишини назорат этиш салоҳиятлари хоннинг қўлида бўлган.

Хонликнинг минг қабиласидан бўлган ҳокимлар турли йилларда Шаҳрисабз, Ургут, Моғиён, Урмитан вилоятлари ва бекликларида ҳам ҳукм сурганлар. Олимхон давригача (1798 й.) минг уруғи бошлиқлари бий унвони билан ҳокимиятни бошқарганлар. Олимхон 1805 йилда ўзини расман хон деб эълон қилди. Хон унвони билан ҳокимиятни бошқарган Умархон (1810—1822 йй.) 1818 йилда ўзини «амир ул-муслимин» деб эълон қилди. 1822 йилда Муҳаммад Алихон ҳам хон унвони билан тахтга ўтирган.

Хон авлодлари хонзода, амирзода, мирзода, шаҳзода, тўра деб аталганлар. Хонликдаги давлат низоми мутлақ яқка ҳокимлик бўлиб, хоннинг ўзи чекланмаган ҳокимиятга эга бўлса-да, маълум тарихий даврларда унинг салоҳияти ва

ҳокимияти чекланиб, сарой амалдорлари ҳамда қўшин бошлиқларининг хонга таъсири кучли бўлган. Бунга Мусулмонқулининг мингбоши ва оталиқ бўлган даврини (Худоёрхон даврида, 1844—1852 йй.) ёки Алиқулининг амирлашкарлик ва вазирлик даврини (Султон Сайидхон, 1863—1865 йй.) мисол қилиб келтириш мумкин. Бу ҳолат хоннинг сиёсий куч-қудрати маълум иқтисодий асосларга ҳамда маълум ижтимоий гуруҳлар фаолиятига боғлиқ бўлган дейишга асос бўлади.

Мамлакатда хон энг катта ва йирик мулкдор бўлиб, хонлик ҳудудидаги барча бойликларга, ер, сув, қўриқ ерлар, кўлу анҳорларга эгалик қилган. Улардан келадиган закот, хирож, танобона ва бошқа солиқлар шаклидаги даромадлар хон хазинасини мунтазам равишда тўлдириб турган. Хон ва унинг қариндошлари, сарой аҳли ва маъмурият, қўшинлар ва қўшин бошлиқлари асосан солиқлар ҳисобидан рағбатлантирилган.

Манбалардаги маълумотларга кўра, хон саройида мингбоши бошчилик қиладиган кенгаш тузилган бўлиб, бу кенгаш саройидаги давлат аҳамиятига молик муҳим ишларни кўриб чиққан. Дастурхончи, рисолачи ва бошқа муҳим амалдорлар аъзо бўлган ушбу кенгаш давлат бошқарувида муҳим аҳамиятга эга эди.

Қўқон хонлигида асосан Олимхон, Умархон ва Муҳаммад Алихонлар даврида (1798—1842 йй.) давлат бошқаруви ва давлатчилик ички ва ташқи сиёсат анча барқарор ҳамда нисбатан тинч ривожланган. Аммо XIX асрнинг ўрталарига келиб, Қўқон хонлиги инқирозга учрай бошлайди. Тадқиқотчилар ушбу инқирознинг асосий сабаблари сифатида ўтроқ халқ ва кўчманчи аҳоли ўртасидаги қарама-қаршилиқларни, ўзаро низо ва урушларни, хон тахти учун олиб борилган курашларни, Бухоро амири билан бўлган низолар ва душманликлар, сарой амалдорларининг хоинликлари кабиларни кўрсатадилар. Буларнинг натижасида иқтисодий ҳаётда тараққиёт пасайиб, ижтимоий тарқоқлик кучайиб борди ва давлат инқирозга юз тутди.

Қўқон хонлигида унвонлар ва мансаблар улар ижрочиларининг вазифалари ҳамда мартабаларига қараб ҳарбий,

ҳарбий-маъмурий, сарой унвон ва мансаблари ҳамда маъмурий вазифалари, диний мансаб ва унвонлар ҳамда диний қозихона амаларига бўлинар эди. Хон саройида қуйидаги ҳарбий мансаб ва унвонлар жорий этилган:

— Амир ул-умаро — амирлар амири. Хон томонидан кенг ваколатлар берилган (давлатдаги муҳим ишлар, амалдорларни амалга қўйиш ва олиш, давлатдаги ички тартибни сақлаш, саройдаги тартиб-интизом кабилар) шахс бўлиб, хондан кейинги энг юқори мансаб ҳисобланган;

— Амирлашкар — амир ул-умародан кейинги мансаб. Қўқон хонлигида мингбоши ҳарбий унвонининг вазифалари, даражаси амирлашкарликка тенг бўлган;

— Мингбоши — маъмур сифатида минг нафар отлич аскар берадиган мулкнинг ҳокими. Бу унвондаги шахс ҳарбий юришлар вақтида қўшинни бошқариб, лашкарбоши унвонини олган. Бу унвоннинг эгаси вазирликка ҳам даъвогар бўлган. Бу унвон Шералихон даврида (1842—1844 йй.) юқори даражадаги вазифага айланиб кетган;

— Ботирбоши — ботир, баҳодирлар бошлиғи. Беш юз кишидан кўп лашкарга бошчилик қилган. Вилоятларда ботирбоши ҳарбий ва қўшин ишларига масъул эди. Ботирбоши баъзан қурилиш ҳамда суғориш ишларига ҳам бошчилик қилган. (Улуғ наҳр ариғи, Отабек ботирбоши).

— Қўшбеги — ҳарбий қўшиннинг бошлиғи. Бу мансаб юриш ва жанг вақтларида берилиб, унинг эгаси мингбоши унвонини олишга даъвогарлик қилган ҳамда алоҳида вилоятга ҳам ҳоким бўлиши мумкин эди.

— Воли ёки волий (ноиб, муовин) — тобе этилган вилоят ва туманларда хоннинг ўринбосари. Вилоятларда лашкар унга итоат этган ҳамда у вилоятнинг ҳарбий-маъмурий ишларига бошчилик қилган.

— Қалъабон ёки кутвол — Қўқон хонлигининг чегараларида жойлашган қалъа ва истехкомларнинг ҳокими бўлиб, шу ҳудудларнинг ҳарбий-маъмурий, хирож ва бож олиш ишларига жавобгар бўлган. Ҳарбий мақсадга кўра, қалъабон вазифасига додхоҳдан қўшбегигача бўлган шахслар тайинланган.

— Қўрбоши — қўрхона, яъни аслаҳахона бошлиғи. Бу мансаб эгаси хон ва мингбошига итоат этган. Қўрбоши қўрхона, милтиқхона, тўпхоналарга бошчилик қилиб, хомашё топиб келишдан тортиб, то тайёр маҳсулот ишлаб чиқариш ва уларни хон қарорига биноан тарқатиб бериш жараёнига жавобгар бўлган.

— Ёфар — соқчилар бошлиғи. Бу мансаб эгасининг гуруҳи юз нафар аскардан иборат бўлган. Ёфар ўз гуруҳининг ҳисоб-китоби, йиллик харажатини аскарлари учун хазинадан олиб берган. Манбаларда ёфарлар ғаллагир (ғалла олувчи), жавгир (буғдой олувчи) ва сарпо олувчи сифатида ҳам қайд этилган.

— Тўпчибоши — тўпчилар, замбаракчилар гуруҳи бошлиғи.

— Тўқсабо — ўзларининг туғига эга бўлган ҳарбий гуруҳнинг бошлиғи.

— Понсадбоши — беш юз нафар аскардан иборат гуруҳ раҳбари.

— Юзбоши — юз кишилик ҳарбий даста бошлиғи.

— Панжоҳбоши — эликбоши, элик нафарли ҳарбий гуруҳ бошлиғи.

— Даҳбоши — ўн кишилик ҳарбий гуруҳ бошлиғи.

— Қоровулбеги — соқчилар ва қоровуллар бошлиғи.

Ҳарбийлар қаторига аскар, сарбоз, нукар, сипоҳи, мерган, маҳрам, ботур, тўпчи, занбарчи, қўрчи, қоровул кабилар ҳам кириб, қўшин сафида, ноғорачи, сурнайчи, тўғчи (байроқдор) кабилар ҳам хизмат қилганлар. Бу ҳарбий унвонлар орасида мингбошидан понсадбошигача бўлганлари олий унвонлар, қўрбошидан қоровулбошигача бўлганлар ўрта унвонли мансаблар, қолганлари эса паст унвонлар ҳисобланган. Эликбошидан мингбошигача бўлган ҳарбий лавозимдаги амалдорлар ўз хизматларига мулозимлар олганлар. Понсадбошидан юқори мансабдаги ҳарбийларга яна мирзолар ва муншийлар ҳам хизмат қилган.

Қўқон хонлиги хўжалик ҳаётининг асосини ташкил қиладиган соҳа деҳқончилик эди. Чунки хонликнинг асосини ташкил этган Фарғона водийсида сув манбаларининг етар-

ли даражада бўлганлиги деҳқончилидан мўл ҳосил олишни таъминлаган. Хонликда XVIII асрга қадар ерларни суғориш учун сойлар ва жилғаларнинг сувларидан ҳам унумли фойдаланилган.

Хонликдаги тахт учун ўзаро курашлар ҳамда сиёсий тарқоқлик давом этаётган бўлишига қарамай, XVIII асрнинг иккинчи ярмидан бошлаб айрим туманларнинг суғориш тармоқлари таъмирланган ва янгилари қазилган. Чунки хонликда ип ва газлама ишлаб чиқариш ҳажмининг ортиб бориши, бу маҳсулотларни Россия ва у орқали Шарқий Европа мамлакатлари бозорларида кўплаб сотила бошланиши, уларга бўлган талабнинг тобора кучайиб бориши суғорма деҳқончилик ерларини кенгайтириш ҳамда янги ерларни ўзлаштиришни тақозо қиларди.

Шунинг учун ҳам XIX аср Қўқон хонлигида, хусусан, Фарғона водийсининг суғорилиши тарихида янги даврни бошлаб бердики, айнан шу даврдан бошлаб, водийда йирик суғориш иншоотлари, ариқлар, каналлар, тўфонлар қурила бошланган. Масалан, Сирдарёнинг асосий ирмоқларидан бўлган Норин ва Қорадарёлардан сув оладиган Шаҳрихонсой канали, Наманган Янги ариғи, Чинобод ариғи, Улуғнаҳр, Андижонсой канали, Олтиариқ, Мутаган ариғи ва бошқа суғориш тармоқларининг кўпайиши, суғориладиган далаларнинг сезиларли даражада кенгайиши ҳамда деҳқончилик ва боғдорчиликнинг ривожланишига олиб келган.

Қўқон хонлигида суғориш иншоотларини барпо этишнинг маълум тартиб-қоидалари мавжуд бўлган. Чунончи, суғориш тармоқлари ва уларни барпо этиш ишлари икки гуруҳга ажратилган. Биринчи гуруҳга ҳажм жиҳатдан кичик суғориш иншоотларидан фойдаланувчи қишлоқ аҳолиси иштирок этган. Уларга маҳаллий мутасадди кишилар, мироббошилар бошчилик қилган. Иккинчи гуруҳ суғориш иншоотларига ҳажм жиҳатдан катта ва йирик каналлар киритилиб, уларни бунёд қилиш ишларига хонликнинг турли вилоятларидан қазувчи-ҳашарчилар жалб этилган. Бундай иншоотлар қурилишига бевосита хон ёки унинг жойлардаги вакили бошчилик қилган.

Хонликда деҳқончилик экинларининг аксарияти Ўрта Осиё хонликларига хос бўлиб, ғаллачилик, боғдорчилик, сабзавот ва полиз маҳсулотлари етиштириш ҳамда ипакчилик яхши ривожланган. Донли экинлардан маккажўхори етиштириш кенг тарқалган бўлиб, у шаҳар ва қишлоқларда камбағалларнинг асосий истеъмол маҳсулоти ҳисобланган. Шунингдек, XIX асрга келиб, хонликда пахтачилик соҳасига катта эътибор берила бошланган.

Хонлик ғарбий қисмининг иқлим шароити боғдорчилик ва узумчиликни ривожлантириш учун жуда қулай бўлган. Жануби-ғарбий Хўжанд, Конибодом, Исфара, Сўх, Чимён, Риштон ҳудудлари асосан ўрик етиштиришга тўла ихтисослашган. Бу даврда бутун Фарғона водийсида тут дарахти кенг тарқалиб, тоғ олди ва қадимги деҳқончилик воҳаларидан ҳисобланган Сўх, Исфара, Наманган, Аштда ипакчилик учун тут қадимдан ўстириб келинган.

Хонликда ер ва сув ҳукмрон табақаларники ҳисобланиб, ерга эгалик қилишнинг тўртта тури мавжуд бўлиб, улар қуйидагилар эди: 1. Хирож ерлар — ер эгаларининг хусусий ерлари. 2. Давлат ёки амлок ерлари — хонга қарашли ерлар — ўрмонлар, тўқайлар, йўлу кўприклар. 3. Хусусий ерлар — хоннинг махсус фармойиши билан йирик амалдорларга берилган ерлар (суюрғол). 4. Вақф ерлари — диний муассасалар, яъни масжид, мадраса ва мозорларга қарашли ерлар.

Қўқон хонлигида мамлакат пойтахти ва бошқа кўплаб шаҳарлар аҳолисининг асосий қисми ҳунармандчилик ва косибчилик билан шуғулланганлар. Ҳунармандчилик шаҳарларда ихтисослашган кўринишга эга бўлиб, буюмларнинг бир тури ва бирор қисмини ишлаб чиқаришга йўналтирилган соҳалар мавжуд бўлган. Ҳунармандлар ўз касбларининг сир-асрорларини мукамал ўзлаштирган моҳир усталар бўлиб, ишлаб чиқарган маҳсулотларини юксак санъат даражасига кўтарганлар.

Хонликнинг деярли барча шаҳар ва қишлоқларида ҳунармандчиликнинг тараққиёти бир хил бўлган бўлса-да, ишлаб чиқариш ўзининг айрим хусусиятлари, яъни маҳсулотнинг

тури, сифати билан ажралиб турган. Ҳунармандчиликнинг темирчилик, заргарлик, тўқувчилик, дегрезлик, кулолчилик, мисгарлик ва бошқа тармоқлари кенг ривожланган бўлиб, хонликнинг ҳар бир шаҳри муайян соҳада ишлаб чиқарган маҳсулоти билан донг таратган. Мисол учун, Қўқон шаҳри заргарлик ва қоғоз ишлаб чиқариш, Шаҳрихон ва Чуст тикувчилик ҳамда темирга ишлов бериш, хусусан, пичоқчилик, Марғилон, Наманган ва Андижон эса ипак газламалари, Тошкент ўзининг тикувчилик, тўқувчилик, чўян, темир-мис маҳсулотлари билан машҳур бўлган.

Бутун хонлик ҳудудда ишлаб чиқариш қўл меҳнатига асосланган бўлиб, асосий ҳунар турлари — ип ва ипак матолар тўқиш, оёқ кийим тайёрлаш, терига ишлов бериш, кулолчилик маҳсулотлари тайёрлаш, темирчилик, эгар-жабдуғ яшаш, бўёқчилик, мисгарлик, заргарлик, дурадгорлик, арасозлик, ҳарбий қурол ишлаб чиқариш, ўймакорлик, мум ишлаш, писта кўмир тайёрлаш, каштачилик, дўппичилик, пичоқчилик кабилар эди. Бундан ташқари, хонга тегишли прох ишловчи ва қоғоз тайёрловчи устахоналар ҳам бўлган.

Хонликда қуролсозликка алоҳида эътибор қаратилган. Бу тармоқ шаҳар ҳунармандчилик ишлаб чиқаришнинг обрўли соҳаларидан бири бўлиб ҳисобланган. Қўқон шаҳрида замбараклар, милтиқлар, қиличлар, пичоқлар, ханжарлар, қалқонлар, найзалар ва бошқа ҳарбий анжомлар тайёрланган.

Хонликнинг ҳунарманд-косибчилиги серқирра ва мазмунан бой бўлиб, ижтимоий ҳолатига кўра ҳунармандлар икита — юқори ва қуйи табақаларга бўлинган. Юқори табақа вакилларига ўз устахонаси, меҳнат қуроллари ва хомашёсига эга бўлган усталар кирган. Мулкдор табақалар қўлидаги устахоналар ва меҳнат қуролларидан фойдаланувчилар, юқори табақага кирувчи усталарнинг қўлларида кунбай ёлланиб ишловчилар қуйи табақа ҳисобланган.

Хонликда ҳунармандчилик ва косиблик ишлаб чиқаришини асосан пахтачилик, ипакчилик, чорвачилик тармоқлари ва ер ости бойликларини қазиб чиқариш соҳалари хомашё билан таъминлаган. Ҳунармандчилик учун зарур бўлган хом-

ашёлар хонлик худудидан олинис билан бирга четдан ҳам харид қилинган. Асосий хомашёлардан бири бўлган олтин Сирдарёнинг юқори оқимидан, Қонсув дарёсидан олинган. Шунингдек, Косонсойдан, Қоратоғнинг шимолидаги Кукрев дарёсидан, Чирчиқ дарёси бўйларидан, Бурчмулла ёнидан, Чотқол дарёсининг юқори оқимидан ҳам олтин олинган. Хунармандлар темир рудасини Олой тоғ тизмаси этакларидан, қўрғошин ва бошқа маъданларни Қоратовдан қазиб олганлар. Манбаларга кўра, ер ости бойликларини қазиб чиқариш содда ва кам бўлиб, у эҳтиёжни талаб даражасида қондира олмаган. Шунинг учун ҳам аксарият металллар Россиядан олиб келинган.

Қўқон хонлиги ҳаётида ички ва ташқи савдо муносабатлари алоҳида аҳамиятга эга эди. Ички савдо — ўтроқ деҳқонлар, кўчманчи чорвадорлар ва шаҳар-қишлоқ хунармандлари ўртасидаги анъанавий маҳсулот айирбошлашга асосланган. Аҳолининг кундалик эҳтиёжлари ишлаб чиқарувчилар томонидан тайёрланган маҳсулотлар билан таъминлаб турилган. Барча ички савдо чакана бўлиб, улгуржи савдо деярли бўлмаган.

Хунармандлар ва косиблар савдо орқали яқин алоқада бўлганлар. Хунармандлар аксарият ҳолларда ўз маҳсулотларини ўзлари сотганлар. Деҳқон ва чорвадорлар эса ҳафтанинг муайян кунларида ўз молларини бозорга олиб чиққанлар. Бозорлардаги нарх-наво бир хилда турмаган. Нарх-наво хонликдаги тинчлик-осойишталик, урушлар, об-ҳавонинг ёмон келиши оқибатида ҳосилдорликнинг пасайиши каби омилларга қараб ўзгариб турган.

Қўқон хонлигининг энг асосий савдо ва тижорат маркази Қўқон, Тошкент, Марғилон, Андижон, Хўжанд, Наманган, Уш, Уратепа каби шаҳарлар бўлиб, улар орасида Қўқон нафақат хонлик, балки бутун Ўрта Осиёнинг савдо марказларидан бири ҳисобланган. Маълумотларга кўра, Қўқон бозорлари ўзининг маҳсулотларга бойлиги ва нарх-навонинг бошқа шаҳарларга нисбатан анча арзонлиги билан ажралиб турган. Шаҳарнинг деворлар билан ўралган катта бозорлари маҳаллий аҳоли ва четдан келган савдогарлар билан до-

имо гавжум бўлган. Рус манбаларида келтирилишича, XIX асрнинг 20-йилларида Қўқонда олтита бозор бўлиб, улар якшанба, чоршанба ва пайшанба кунлари ишлаган. Бу бозорларда кучли назорат ўрнатилган бўлиб, харидор ҳақиға хиёнат жазога тортилган.

Қўқон ҳонлигининг иқтисодий ҳаётида ташқи савдо ҳам муҳим аҳамият касб этган. Мамлакат ғарб ва жанубда Бухоро, Хива, Афғонистон, Эрон, Туркия, Ҳиндистон, шарқда Хитой (Қашғар орқали), шимолда Дашти Қипчоқ кўчманчилари ва айниқса, Россия билан кенг савдо алоқаларини ўрнатган. Айрим манбаларда хонликда япониялик ва англиялик савдогарлар ҳам келганлиги эслатиб ўтилади.

Хонликдан чет элга асосан ипак ва ипак матолар, пахта, чарм, қимматбаҳо тошлар, заргарлик буюмлари ва бошқа маҳсулотлар чиқарилган. Чет эздан асосан чой, металл, чинни, уй-рўзғор буюмлари, тайёр газлама, кийим-кечак, пойабзал, олтин, кумуш ва бошқалар келтирилган.

Хонликнинг савдогарлари Бухоро ва амирлик чегараларидаги шаҳарлар билан мунтазам савдо алоқаларини олиб борганлар. Ҳар иккала давлатнинг савдогарлари савдо ишларида фаол иштирок этиб, қўқонлик савдогарлар Бухоро амирлигига рус темири, пўлат ва чўяндан ясалган буюмлар, тамаки, рўмол, гуруч ва баъзи хитой ёки маҳаллий ипак газламалари, чой, чинни идишлар олиб боришган бўлса, бухоролик савдогарлар эса Қўқонга ҳинд чойи, сурп мато, ҳарир, бўёқ, афюн (тарёк), зардўзлик маҳсулотлари, ип ва газлама олиб келишган.

Рус чйти Бухоронинг Қўқон хонлиги билан савдосида алоҳида ўрин эгаллаган. Бу мато Оренбург ёки Петропавловскдан Казалинскка, ундан Бухоро, Самарқанд ва Хўжанд орқали Қўқонга олиб келинган. Шунингдек, хонликда Машҳаддан олиб келинадиган инглиз газламалари, оз миқдорда бўлса ҳам Қобулнинг тўн ва саллалари, ҳинд атторлик молларини ҳам келтиришган.

Қўқон хонлигининг Қашғар билан савдо муносабатлари худди Бухоро амирлиги каби бўлиб, Қашғардан Қўқонга

афюн, чинни идишлар, кумуш, хитой ипак матолари, тола ва гиламлар олиб келинган. Қозоқ жузларининг Россияга тобе этилиши ҳукмдор табақалар ўртасидаги ўзаро урушларнинг тўхташига сабаб бўлди ва бу ҳолат Ўрта Осиёнинг, жумладан, Қўқон хонлигининг Сибирь, Урал, Волга бўйи билан савдо алоқаларига кенг йўл очди.

Хонлик Ҳиндистон билан ҳам мунтазам савдо алоқаларини олиб борган. Манбаларда келтирилишича, Ҳиндистондан йилига Қўқон, Тошкент, Бухоро ва Қашғарга Қобул орқали 10.000 дан 15.000 туягача маҳсулот юборилган. Улар орасида ип-газламалар, ипак, эчки жуни, отлар ва бошқалар чиқарилган. Отлар савдонинг катта фойда келтирадиган манбаларидан бири бўлган. Ҳинд савдогарлари хонликдаги шаҳарларда яшаб тижорат ва ҳатто судхўрлик билан шуғулланганликлари ҳақида ҳам маълумотлар бор.

Қўқоннинг ташқи алоқаларида Қўқон Россия савдо муносабатлари ҳам алоҳида ўрин тутган. Манбаларга кўра, 1861 йилдан кейин рус саноатининг жадал ривожлана бошлаганлиги хомашё базаси ва ташқи бозорга бўлган эҳтиёжнинг янада кучайганлиги Россиянинг Қўқон бозорини фаол эгаллаб, ундан чексиз фойдаланишнинг асосий сабабларидан бири бўлган. Россиядан Қўқонга темир, мис, пўлат, чўян ва темир буюмлар, чит ва сифатсиз газламалар, оз миқдорда бахмал, шакар, ойналар, чарм, Россияга тобе бўлган қозоқ чўлларидан қўйлар ва унинг териси, чарм ва чарм маҳсулотлари, кигиз олиб келинган. Хонликдан эса Россияга асосан пахта олиб чиқилган.

XVIII асрнинг иккинчи ярми — XIX асрнинг бошларида Қўқон хонлиги кучли марказий ҳокимиятга эга бўлган марказлашган давлат сифатида қарор топиши натижасида иқтисодиётнинг бирмунча жонланиши маданий ҳаётга таъсир этмай қолмади. Мамлакат пойтахти Қўқон ва бошқа шаҳарларда бир қатор меъморчилик обидалари, йўллар, кўприклар, ҳаммомлар қурилди, амалий ва хаттотлик санъати ривож топди. XIX асрнинг биринчи ярмида хонликда Умархон, Муҳаммадалихон, Нодирабегим, Худоёрхон, Султон Мурод-

бек, Султон Сайидхон, ҳарбий бошлиқлардан Мусулмонқули, Алиқули, Холмуҳаммад мингбошилар ва замонасининг илғор, маърифатли кишилари томонидан меъморий обидалар қурдирилди, шаҳарсозлик тез суръатлар билан ривожланди. Меъморчиликда асосий эътибор мадрасалар, масжидлар, хонақолар, дарвеш ва қаландарлар учун такяхоналар, қорихоналар, сардобалар, кўприклар, ҳаммомлар, бозор расталари барпо этиш ишларига қаратилган.

Меъморчилик иморатларининг маркази Қўқон шаҳри эди. 1842 йилги маълумотларга кўра, бу ерда 15 та мадраса мавжуд бўлиб, энг кўзга кўринганлари Ҳаким тўра, Моҳлар ойим, Муҳаммадалихон, Норбўтабек, Жомий, Олий, Султон Муродбек, Хўжа додхоҳ, Минг ойим мадрасалари бўлган. Шаҳар маркази Чорсуда тўртта йирик мадраса қад кўтарган. Ушбу мадрасаларнинг 38 тадан 108 тагача ҳужраси бўлган.

Бу даврда Тошкент шаҳрида ҳам бир қанча мадрасалар барпо этилган. Жумладан, Умархон даврида Тинчбоф гузариди Шукурхон мадрасаси, Кўкча даҳасида Эшон Бўрихўжа Санчиқмони мадрасаси қурилган. Кейинроқ Муҳаммадалихон фармони билан шаҳар регистонида мадраса қад ростлаган ва унга Мир Иноятуллоҳ бош мударрис этиб тайинланган. Исохўжа мадрасаси, Чархчикўча мадрасаси, Маҳмуд дастурхончи мадрасалари ҳам шу даврда бунёд этилган.

Шунингдек, Марғилонда Саидахмадхўжа мадрасаси, Андижон шаҳри атрофида Отақўзи мадрасаси, Мирзақули Бўлиш мадрасаси кабилар қурилган. Умуман олганда, хонликнинг Қўқон, Тошкент, Андижон, Хўжанд, Ўратепа, Марғилон, Туркистон каби шаҳарларида 200 дан ортиқ мадрасалар барпо этилган.

Қўқон хонлигида қурилиш ва меъморчилик билан бирга амалий санъат ҳам ривож топган. Хусусан, амалий санъатнинг наққошлик, ёғоч ва ганч ўймакорлиги соҳалари юксак даражада тараққий этган бўлиб, улардан меъморчиликда кенг фойдаланилган. Амалий санъатнинг юқори даражаси Худоёрхон саройида, Олтиариқдаги Дўсти Худо масжиди айвонида ишланган наشقларда, Андижон атрофидаги Отақўзи мадрасаси безакларидаги ислимий нақшларда, Чо-дак масжидининг ёғоч ва ганч ўймакорлигида, Риштондаги

Хўжа Илғор масжидининг шифт безакларида яққол кўзга ташланади.

Қўқон хонлиги меъморчилиги ва амалий санъатида бутун Ўрта Осиё учун хос бўлган анъанавий услублар билан бир қаторда, маҳаллий хусусиятлар ҳам сақланган. Қўқон, Тошкент меъморчилик мактабларининг вакиллари жамоат биоларини қуриш ва уларни безашда, нақшлар танлашда ўз мактабларининг анъаналарини такомиллаштирганлар ҳамда ривожлантирганлар. Қўқон ва Тошкентнинг маҳаллий меъморчилик мактаблари ўзларининг кенг режали, ҳажмли манзаралари, безак ва жиҳозларнинг ғоят нафислиги, рангларнинг шўхчанлиги ҳамда ёғоч ва ганч ўймакорлиги билан ажралиб туради. Хонлик меъморчилигида чиройли қилиб айлангириб урғу берилган, ичига ислимий нақшлар туширилган, кўпроқ қизил ҳамда яшил бўёқлар билан жилоланган безаклар кўпчиликни ташкил этади.

Бу даврда хонликда хаттотлик ва китобат санъати ҳам ривож топган эди. Қўқон хонлигининг ўз хаттотчилик мактаби бўлиб, мамлакатда кўплаб хаттотлар яшаб ижод қилганлар. Хаттотларнинг аксарияти шоир, тарихчи бўлган ёки миниатюра санъати билан шуғулланган. Қўқонлик Мухуммад Латиф, Абдулғози Хўжа Хўқандий, Мирзо Бобокалон Хўқандий, Аҳмаджон котиб, Абдуғафур хаттот, Мирзо Шариф Дабир, тошкентлик Муҳаммад Юнус Тойиб Тошқандий, Абдулваҳобхўжа муҳркан, эшон Абдусамихўжа Хатиб ўғли кабилар кўзга кўринган хаттотлардан бўлган. Бу хаттотлар насх, шикаста, настаълиқ каби ёзув усулларини пухта эгаллаганлар. Хаттотлик санъати асосан Қўқон, Тошкент, Андижон, Хўжаңд, Ўратепа каби шаҳарларда кўпроқ ривож топган.

Қўқон хонлигининг тугатилиши. Фарғона вилояти. Россия империясининг Туркистон, Чимкент, Тошкент каби шаҳарларни босиб олиши бусиз ҳам ички зиддиятларга тўла бўлган Қўқон хонлигига ниҳоятда қаттиқ зарба бўлди. Чунки Қўқон хонлигининг ҳудуди асосан Фарғона водийсидан иборат бўлиб қолган эди. Чегаралар қисқарганлиги туфайли хазинага тушадиган даромад камайиб кетди. Қўқон хони Худоёрхон хазинани тўлдириш учун солиқларни кескин оши-

риб юборди. Бундан ташқари, у рус маъмуриятига хайрихоҳ ҳукмдор эди.

Бунинг натижаси ўлароқ, 1868 йил 13 февралда Худоёрхон Туркистон генерал-губернаторлиги билан хонлик ўртасида тузилган шармандали шартномани имзолади. Империя ҳукуматининг тазйиқлари билан асосан рус савдогарларининг манфаатларини кўзлаб тузилган бу шартнома хонлик аҳолисида норозилик уйғотди. Чунки бу келишувга кўра, рус савдогарлари Қўқон хонлигидаги барча шаҳарлар ва қишлоқларда истаган қарвонсаройга эга бўлиш ҳамда савдо агентликларини тузиш ҳуқуқига эга бўлгани ҳолда, Қўқон хонлиги савдогарлари фақат Туркистон генерал-губернаторлиги ҳудудидagi шаҳар ва қишлоқларда, яъни ўз юртларида шундай имтиёзларга эга бўлдилар.

Мазкур шартнома амалда Қўқон хонлигини Россияга қарам қилиб қўйди. Афсуски, Худоёрхон бу ҳолатга етарли даражада эътибор бермади. Империя ҳукумати Худоёрхоннинг бу итоаткорлигини «муносиб» тақдирлади. Чунончи, Худоёрхон Россия империясининг ордени билан мукофотланиб, унга «Аслзода» деган фахрий унвон берилди.

Бу орада империя маъмурлари Қўқон хонлигини бутунлай Россия таркибига қўшиб олиш учун жиддий ҳаракатларни бошлаб юборган эдилар. Хусусан, Қўқон хонлигини атрофлича ўрганиш учун жосуслик фаолияти кучайтирилди. Қўқонга элчи қилиб жўнатилган полковник Шауфус фаоллик билан жосуслик ишларини ҳам олиб борди. Унинг Худоёрхонни рус мустамлакачиларига хайрихоҳ эканлиги ҳақидаги хабари империя маъмурларини қувонтиргани шубҳасиздир.

Манбаларга асосланган замонавий адабиётларда ҳам Худоёрхоннинг рус мустамлакачи маъмурларига хайрихоҳ бўлганлиги ҳақидаги маълумотлар берилади. Жумладан, Исҳоқхон Ибрат Худоёрхон ҳақида қуйидаги фикрларни билдирилган: «Россиядан хотиржам бўлиб, вақтини ўйин-кулги билан ўтказиб, ...уламо фузалоларнинг насиҳатларига амал қилмай, жабру зулм тарафига ўтиб турганида, раияту халқ [ундан] юз ўгирди». «Яна тахтга ўтирсам ҳаммага тенг подшо

бўламан, бирини биридан фарқ этмайман, деб парвардигорга шарт ва ваъда қилган экан», деб ёзади Азиз Марғилоний.

Аммо, шунга қарамасдан, Худоёрхоннинг ижобий томонлари ҳамда бунёдкорлик ишлари ҳақида ҳам маълумотлар бор. Хусусан, Худоёрхон хонликнинг дастлабки пайтларида ўзаро ички урушларга чек қўйишга ҳаракат қилган, Россия билан Қўқон хонлиги муносабатларини яхшилаш чораларини (1868—1873 йй.) кўрган. Унинг даврида хонликдаги энг йирик суғориш иншооти — Улуғнаҳр ариғи барпо этилган, Қўқонда мадраса қурдирган ва ҳоказо.

Худоёрхон 1868-1873 йиллар оралиғида Россия империяси билан муносабатларини яхшилаш мақсадида Туркистон генерал-губернаторлигининг маркази Тошкентга кўплаб совға-саломлар юбориб турди. Шунингдек, хонликда фаолият кўрсатиб турган рус савдогарлари учун қулай шарт-шароитлар яратиб берди. Худоёрхон мустамлакачи маъмуриятта ўзини яқин тутиб, Қўқон билан Россияни бир давлат деб ҳисобларди. Бундан норози бўлган Фарғона водийси аҳолисининг Худоёрхонга қарши чиқишлари кучайиб кетди.

1873—1876 йилларда Қўқон хонлигидаги ички зиддиятларга барҳам бериш, кўтарилган қўзғолонларни бостириш баҳонасида Россия ҳарбий кўшинлари хонлик ҳудудларига киритилади. Тадқиқотчиларнинг фикрича, «Қўқон ички сиёсий адоватлар, халқ исёнлари ва қўзғолонлари билан ларзага келган бўлиб, империя кўшинларининг кириб келиши натижасида амалда ўз сиёсий мақомидан маҳрум этилди».

Маълумки, 1873—1876 йилларда Қўқон хонлиги Пўлатхон (Мулла Исҳоқ Ҳасан ўғли) бошчилигидаги қўзғолонлар гирдобида қолган эди. Бундай вазиятда хонликдаги нуфузли амалдорлардан бири бўлган Абдурахмон офтобачи Худоёрхонни тахтдан ағдариш ва унинг ўғли Сайид Насриддинбекни хон тахтига ўтказиш мақсадида Пўлатхон билан тил бириктиради ва хон ўртасида исён кўтаради. Вазиятдан чўчиб кетган Худоёрхон Хўжандга қочади ва Насриддинбек фойдасига тахтдан воз кечади.



**Империя қушинлари
Туркистон ўлкасини забт этиш вақтида.**

Манбалардан маълумки, Худоёрхон Қўқондан 22 арава бойлик, қимматбаҳо металллардан ясалган идишлар, гиламлар, илмий, диний китоблар, 150 та тўп ва замбараклар ҳамда милтиқларни ўзи билан олиб кетди ва уларни Тошкентга олиб бориб, империя маъмуриятига топширмоқчи бўлди. Аммо хон олиб кетаётган хазинанинг бир қисми йўлда аскарлар ва аҳоли томонидан мусодара қилинди. Худоёрхоннинг қуриқчиси бўлган Маҳмудхонтўра эса икки арава бойлик, учта замбарак ва отликларни Қўқонга қайтарди.

Худоёрхон 1875 йил июль ойининг охирларида Хўжандга келиб, бу ерда 10 кун истиқомат қилгач, август ойининг бошларида уни Туркистон генерал-губернатори Тошкентга чақирди. Бу ҳақда «Туркестанские ведомости»да берилган хабар шундай яқунланади: «...Собиқ Қўқон хонига Хўжанддан Тошкентга кўчиб келиш таклиф этилди». Генерал-губернатор фон Кауфман эса унинг бойликларини мусодара қилиб, ўзини Оренбургга сургун қилади. Кейинчалик Худоёрхон сургунликдан қочиб Маккага ҳаж сафари қилади.

Қўқоннинг янги хони Насриддинхон тахтга ўтирган кунлариёқ Туркистон генерал-губернаторлиги билан гуё яхши

алоқаларни ўрнатиш мақсадида фон Кауфман номига хат йўллади. Бу хатда рус ҳукумати билан дўстона муносабат ўрнатиш айтилган бўлса-да, Насриддинхон амалда Россия ҳукуматининг босқинига қарши куч тўплай бошлаган эди. Шунингдек, янги хон Бухоро амирлиги, Тошкентдаги нуфузли кишиларга, хусусан, Сайидазимбойга ҳам мактуб йўллаб, рус босқинчиларига қарши курашда бирлашишга чақирди. Аммо Бухоро амири ҳам, Сайидазимбой ҳам Насриддинхондан олган мактубларини фон Кауфманга топшириб, ўзларининг мустамлакачи маъмурият вакилларига содиқликларини кўрсатдилар.

Ўз навбатида генерал-губернатор фон Кауфман ҳам Насриддинхонга мактуб йўллаб (1875 йил 4 август), унинг хонлигини тан олиш учун оғир шартлар (1868 йилги битимни тан олиш, рус савдогарлари кредитларини тиклаш, элчилардан тортиб олинган мулкларни қидириб топиш, товон пули, Худоёрхон учун нафақа ва бошқ.) қўйди. Кауфман ушбу йўлланган мактубига жавобни кутиб ўтирмасдан, Россия империяси ҳарбий вазирига 1875 йилнинг 6 августида хабар бериб, ундан агар Қўқон хонлиги Россия билан дўстлик алоқаларини ўрната олмаса, хонлик ҳудудларини эгаллаб, империя таркибига қўшиб олишга рухсат сўрайди.

Насриддинхоннинг тахтга ўтириши хонликдаги сиёсий вазиятнинг кескинлигини бартараф эта олмади. Буни тушуниб етган Абдурахмон офтобачи вужудга келган вазиятни юмшатиш учун хонлик аҳолисини рус босқинчиларига қарши сафарбар қилишга ҳаракат қилди. Аммо фон Кауфман ҳам 1875 йил 18 август куни Тошкентдан Хўжандга етиб келиб, рус қўшинларини шу ерда бирлаштира бошлади. Тарихий адабиётларда берилишича, «Кауфман ва Скобелев 16 рота пиёда аскар, битта сапёр ротаси, 20 та тўп, 900 отлик аскар билан жангга шай бўлиб турдилар».

1875 йилнинг 22 августида Хўжанддан Қўқон йўли бўйлаб жойлашган Маҳрам қалъаси (Сирдарё бўйида) ёнида рус қўшинлари билан Абдурахмон офтобачи бошчилигидаги хонлик қўшинлари ўртасида шиддатли жанг бўлди. Ҳар иккала

томондан ҳам кўплаб қурбонлар берилган ушбу жангда Абдурахмон офтобачининг қўшинлари тор-мор этилиб, унинг ўзи Марғилон яқинидаги Карпил мавзесига қочиб кетди.

Насриддинхон Россия империяси қўшинлари ва бошлиқларини Қўқонда кутиб олиб, Россия империяси ҳукумати тан олди. Насриддинхон Марғилон ҳокими Султон Муродбек зиммасига руслар билан бўлган уруш жаримаси — 40 минг тилла товон пулини йиғиб бериш вазифасини юклади. Султон Муродбек Андижон ва Ўш аҳолисидан ҳам жарима ундира бошлади. Натижада, хонликнинг шарқий ҳудудларида яшайдиган аҳоли Россия империяси ҳукуматининг ушбу сиёсатига қарши исён кўтарди.

Бу орада, яъни 1875 йил 26 августда фон Кауфман рус қўшинлари билан Маҳрамдан чиқиб, Қўқон томонга юрди, йўлда уларни Насриддинхоннинг элчилари мактуб ва совғалар билан кутиб олдилар. Кауфман Қўқон атрофида ҳарбий лагерь қуриб, шу ердан Қўқон шаҳри бўйлаб рус қўшинларини намойишкорона дағдаға билан олиб ўтгач, ҳарбий лагерьга қайтишида Насриддинхоннинг ўзи унга ҳамроҳ бўлди.

Пўлатхон ҳам империя босқинчиларига қарши курашиш мақсадида катта куч тўплаб, Қўқонга ҳужум қилмоқчи бўлиб турган пайтда, яъни 1875 йил 25 сентябрда Насриддинхон Россия империяси ҳукумати билан битим тузди. Бу хабар тезда бутун Қўқонга ёйилиб, аҳоли яна исён кўтарди ва хон ўрдасига ҳужум қилди. Натижада, чорасиз қолган Насриддинхон Хўжандга қочди.

Ҳ.Бобобековнинг архив манбалари орқали маълумот беришича, бу битимга кўра, Қўқон хони ўзини Россия империясининг «хизматкори» деб тан олади, қўшни хонлиқлар билан ҳеч қандай алоқалар ва муносабатлар ўрнатмасликка ваъда беради. Сирдарёнинг ўнг қирғоғидаги барча ерлар Россия салтанати ихтиёрига ўтади. Қўқон хонлигига қарши олиб борилган урушда рус армияси кўрган олти юз минг рубль ҳажмидаги кетган харажатни тўлаш Қўқон хонлиги зиммасига юклатилади. Шунингдек, битимда 1875 йил 1 ноябрдан бошлаб Қўқон хонлиги Россия хазинасига ҳар йили

алоқаларни ўрнатиш мақсадида фон Кауфман номига хат йўллади. Бу хатда рус ҳукумати билан дўстона муносабат ўрнатиш айtilган бўлса-да, Насриддинхон амалда Россия ҳукуматининг босқинига қарши куч тўплай бошлаган эди. Шунингдек, янги хон Бухоро амирлиги, Тошкентдаги нуфузли кишиларга, хусусан, Сайидазимбойга ҳам мактуб йўллаб, рус босқинчиларига қарши курашда бирлашишга чақирди. Аммо Бухоро амири ҳам, Сайидазимбой ҳам Насриддинхондан олган мактубларини фон Кауфманга топшириб, ўзларининг мустамлакачи маъмурият вакилларига содиқликларини кўрсатдилар.

Ўз навбатида генерал-губернатор фон Кауфман ҳам Насриддинхонга мактуб йўллаб (1875 йил 4 август), унинг хонлигини тан олиш учун оғир шартлар (1868 йилги битимни тан олиш, рус савдогарлари кредитларини тиклаш, элчилардан тортиб олинган мулкларни қидириб топиш, товон пули, Худоёрхон учун нафақа ва бошқ.) қўйди. Кауфман ушбу йўлланган мактубига жавобни кутиб ўтирмасдан, Россия империяси ҳарбий вазирга 1875 йилнинг 6 августида хабар бериб, ундан агар Қўқон хонлиги Россия билан дўстлик алоқаларини ўрната олмаса, хонлик ҳудудларини эгаллаб, империя таркибига қўшиб олишга рухсат сўрайди.

Насриддинхоннинг тахтга ўтириши хонликдаги сиёсий вазиятнинг кескинлигини бартараф эта олмади. Буни тушуниб етган Абдурахмон офтобачи вужудга келган вазиятни юмшатиш учун хонлик аҳолисини рус босқинчиларига қарши сафарбар қилишга ҳаракат қилди. Аммо фон Кауфман ҳам 1875 йил 18 август куни Тошкентдан Хўжандга етиб келиб, рус қўшинларини шу ерда бирлаштира бошлади. Тарихий адабиётларда берилишича, «Кауфман ва Скобелев 16 рота пиёда аскар, битта сапёр ротаси, 20 та тўп, 900 отлик аскар билан жангга шай бўлиб турдилар».

1875 йилнинг 22 августида Хўжанддан Қўқон йўли бўйлаб жойлашган Маҳрам қалъаси (Сирдарё бўйида) ёнида рус қўшинлари билан Абдурахмон офтобачи бошчилигидаги хонлик қўшинлари ўртасида шиддатли жанг бўлди. Ҳар иккала

томондан ҳам кўплаб қурбонлар берилган ушбу жангда Абдурахмон офтобачининг қўшинлари тор-мор этилиб, унинг ўзи Марғилон яқинидаги Карпил мавзесига қочиб кетди.

Насриддинхон Россия империяси қўшинлари ва бошлиқларини Қўқонда кутиб олиб, Россия империяси ҳукуматини тан олди. Насриддинхон Марғилон ҳокими Султон Муродбек зиммасига руслар билан бўлган уруш жаримаси — 40 минг тилла товон пулини йиғиб бериш вазифасини юклади. Султон Муродбек Андижон ва Ўш аҳолисидан ҳам жарима ундира бошлади. Натижада, хонликнинг шарқий ҳудудларида яшайдиган аҳоли Россия империяси ҳукуматининг ушбу сиёсатига қарши исён кўтарди.

Бу орада, яъни 1875 йил 26 августда фон Кауфман рус қўшинлари билан Маҳрамдан чиқиб, Қўқон томонга юрди, йўлда уларни Насриддинхоннинг элчилари мактуб ва совғалар билан кутиб олдилар. Кауфман Қўқон атрофида ҳарбий лагерь қуриб, шу ердан Қўқон шаҳри бўйлаб рус қўшинларини намойишкорона дағдаға билан олиб ўтгач, ҳарбий лагерьга қайтишида Насриддинхоннинг ўзи унга ҳамроҳ бўлди.

Пўлатхон ҳам империя босқинчиларига қарши курашиш мақсадида катта куч тўплаб, Қўқонга ҳужум қилмоқчи бўлиб турган пайтда, яъни 1875 йил 25 сентябрда Насриддинхон Россия империяси ҳукумати билан битим тузди. Бу хабар тезда бутун Қўқонга ёйилиб, аҳоли яна исён кўтарди ва хон ўрдасига ҳужум қилди. Натижада, чорасиз қолган Насриддинхон Хўжандга қочди.

Ҳ.Бобобековнинг архив манбалари орқали маълумот беришича, бу битимга кўра, Қўқон хони ўзини Россия империясининг «хизматкори» деб тан олади, қўшни хонлиқлар билан ҳеч қандай алоқалар ва муносабатлар ўрнатмасликка ваъда беради. Сирдарёнинг ўнг қирғоғидаги барча ерлар Россия салтанати ихтиёрига ўтади. Қўқон хонлигига қарши олиб борилган урушда рус армияси кўрган олти юз минг рубль ҳажмидаги кетган харажатни тўлаш Қўқон хонлиги зиммасига юклатилади. Шунингдек, битимда 1875 йил 1 ноябрдан бошлаб Қўқон хонлиги Россия хазинасига ҳар йили

500 минг рубль, Абдурахмон Офтобачини қўлаб-қувватлаганлари учун марғилонликларга 125 минг тилло ҳажмида товон тўлаш мажбурияти белгиланиб, 60 минг тиллони 1875 йил 21 октябрда, қолган 65 мингини эса 1876 йил 21 октябрда тўлашга ижозат берилди.

1875 йил 26 сентябрда Наманганга келган Кауфманга Андижон шаҳрида ва унга яқин бўлган жойларда Пўлатхон ва Абдурахмон Офтобачи бошчилигида катта қўшин тўпланганлиги ҳақида хабар етиб борди. Тайёрланаётган қўзғолондан хавфсираган Кауфман зудлик билан генерал Троцкий бошчилигидаги 1400 кишилиқ қўшинни 4 та ракета отиш мосламаси ва 8 та замбарак билан Андижонга жўнатди. 1 октябрда генерал Троцкий Андижонга ҳужум қилиш ҳақида буйруқ берди. Ҳар икки ўртада кучли жанглар бўлиб, 2 соат давом этган бу жанглардан сўнг рус қўшинлари шаҳар марказига жойлашган ўрдани қуршовга олиб, ҳоким саройини босиб олди.

Абдурахмон Офтобачи ва Пўлатхон бу орада шаҳар ва қишлоқларга ўз одамларини номалар билан жўнатиб, аҳолини рус босқинчиларига қарши кураш учун бирлашишга, Насриддинхонни тахтдан ағдаришга чақирдилар. 9 октябрда Қўқонда қўзғолонлар бошланиб кетганлиги туфайли Насриддинхон пойтахтдан қочиб кетди.

Генерал Скобелев бошчилигидаги қўшинлар 1875 йил 23 октябрда Балиқчи ва Тўрақўрғонни эгаллаб, 27 октябрда Наманганни 26 та тўп билан ўққа тутадилар. Қўзғолончилар тор-мор этилиб, кўплаб аҳоли ҳалок бўлди.

1876 йилнинг бошларида Россия императори Александр II нинг махсус буйруғи асосида генерал Скобелев Қўқон хонлигини бутунлай босиб олишга киришди. Империя босқинчилари хонликнинг шаҳар ва қишлоқларига етиб келдилар. Насриддинхон қаршилик кўрсата олмай таслим бўлди. 1876 йил 8 февралда рус қўшинлари Қўқон шаҳрига кирдилар.

Скобелевнинг ҳийласи ва хоинлар ёрдами билан Абдурахмон Офтобачи ҳамда Пўлатхон Асака ва Андижон оралигида қўлга олиндилар. Пўлатхонни қўлга олишда ёрдам берган

хоинлар империя томонидан мукофотландилар. Пулатхон эса 1876 йил 1 мартда Марғилонда дорга осилди.

Шу тариқа қаттиқ қаршиликлар ва офир жанглاردан сўнг 1876 йил 19 февралда 150 йилдан зиёдроқ ҳукм сурган Қўқон хонлиги бутунлай босиб олиниб, тутатилди. Унинг ўрнига Фарғона вилояти ташкил этилиб, Скобелев янги вилоятга ҳарбий губернатор этиб тайинланди. Қўқон хонлигига қарашли ерлар Фарғона вилояти таркибига киритилиб, фақат унинг бир қисми Хўжанд уезди бўлиб Самарқанд вилоятига қўшилди.

Империя босқинчиларига қарши мардонавор курашда иштирок этган Абдурахмон Офтобачи Россиянинг Екатеринослав, империяга хайрихоҳ бўлган Насриддинхон эса Владимир губерниясига сургун қилиндилар. Қўқон шаҳрида олиб борилган ҳарбий ҳаракатлар давомида хонлик шайхул-исломи ва қозикалони Скобелев томонидан асир олинди. Кауфманнинг муваққат генерал-губернатор Т.Колпаковскийга юборган телеграммасида, «Уларни ҳеч қандай лавозимга қўймасдан йўқ қилиб юборилса, яхши бўлади», деган таклиф киритгани туфайли уларнинг иккаласи ҳам Вологодск губерниясига сургун қилиндилар.

Тарихий манбалардаги маълумотларга кўра, Россия империяси мустамлакачилари Қўқон хонлигини босиб олишда аёвсиз чораларни қўллаганлар. Хусусан, қаршилик кўрсатган қишлоқлар ёндирилган, босқинчиларга қарши кураш олиб бораётганларга қўшиб кўплаб тинч аҳоли ҳам жазоланган.

Босиб олиш пайтида қаршилик кўрсатган шахсларга ёрдам берган, уларни яширган, уйига киритганлар ҳам жазодан четда қолмаган. Ҳарбий ҳаракатлар вақтида ўз уйи, мол-мулкни ташлаб бошқа жойларга кетиб қолганлар белгиланган муддатда қайтиб келмаса, уларнинг уй-жойи ва мол-мулки мусодара қилинган. Ҳарбий ҳаракатлар пайтида кўрилган чоралар империя босқинчиларининг Қўқон хонлиги ҳукумати билан эмас, балки халқ билан уруш олиб борганлигини исботлайди.

Кўплаб жазо чоралари кўрилган бўлишига қарамай, Фарғона вилояти ташкил топганидан кейин ҳам рус босқин-

чиларига қарши халқ ҳаракати давом этди. Хусусан, Олой ўлкасининг ҳукмдори, «Олой маликаси» номи билан шуҳрат қозониб, додхоҳ унвонига сазовор бўлган Қурбонжон Мамат қизи ва унинг тарафдорлари 1876 йилнинг охирларига қадар курашни давом эттирдилар. Ҳарбий губернатор генерал Скобелевнинг шахсан ўзи Қурбонжон додхоҳ билан учрашиб, музокаралар олиб боришга мажбур бўлган.

5. XIX асрнинг II ярмида Бухоро амирлигидаги сиёсий ва ижтимоий-иқтисодий аҳвол

XIX асрнинг иккинчи ярмига келиб, Бухоро амирлиги ўз мавқеи жиҳатидан бошқа хонликлардан ажралиб турар эди. Шу даврда унинг ҳудуди деярли 200.000 кв. км.ни ташкил этди. Зарафшон водийси Самарқанд шаҳри билан бирга, Қашқадарё, Сурхондарё воҳалари, Вахш, Кофирниҳон, Панж дарёлари водийсидаги шаҳар ва қишлоқлар, Мурғоб воҳасигача бўлган ерлар Бухоро амирлигига қарашли эди. Бухоро амирлиги Хива хонлиги, Эрон, Афғонистон, Қўқон хонлиги, қозоқ жузлари билан чегарадош бўлиб, XIX аср давомида ўзининг қатор ерларидан маҳрум бўлган эди. Қатор жангларга қарамай Жиззах, Ўратепа, Хўжанд асосан Қўқон хонлиги, Мурғоб воҳаси эса Хива хонлигига охир-оқибатда қарам бўлиб қолди.

XIX аср ўрталарига келиб, амирликнинг аҳолиси тахминан 2-2,5 млн. киши атрофида бўлган деб ҳисобланади. Пойтахт Бухорода эса аҳоли — 60.000 атрофида, амирликнинг иккинчи йирик шаҳри Самарқандда эса 50.000 яқин киши истиқомат қилган дейилади. Агар XVIII аср I ярмидаги Аштархонийлар ҳукмронлиги даврида 23 та шаҳар бўлганлиги қайд этилган бўлса, XIX асрнинг II ярмига келиб, йирик шаҳарларнинг сони 10 тадан зиёд ҳисобланиб, улар қуйидагилар эди: Самарқанд, Қарши, Шаҳрисабз, Китоб, Ғуздор, Термиз, Шеробод, Ҳисор, Душанбе, Кўлоб ва бошқалар. Бухоро амирлигида турли халқлар, элатлар истиқомат қилиб, улар ичида ўзбеклар аҳолининг катта қисмини (57%) ташкил этар эди. Ўзбеклар бир неча уруғлардан ташкил топиб, улар ичида са-

рой, қўнғирот, манғит, жабғу, қарлуқ, қаллик, найман, хитой, қипчоқ, қирқ, минг, кенегас, керайит ва бошқалар аҳамиятли ҳисобланар эди.

XVIII аср сўнгида Мирзо Бади девоннинг маълумотиға кўра амирликда 50 таға яқин ўзбек уруғлари яшаганлар. Ҳар бир уруғнинг ўзи ҳам қисмларға бўлинган (тақсим). Масалан, манғитлар тўқ, оч, оқ, қора, кўк қисмларға бўлинганлар. Ўз вақтида ҳар бир қисм бошқа гуруҳларға ҳам бўлинган. Масалан, қора манғитлар — жўки, ғалабаҳодир, кўса ва бошқаларға ажратилган. Улар аксарият Зарафшон, Қашқадарё ва Сурхондарё воҳалари, Бухоро шаҳри ва унинг атрофларида яшар эдилар. Бухоро амирлигининг алоҳида олинган шаҳар ва қишлоқларида, амирликнинг тоғли шарқий қисмида тожиклар, амирликнинг жанубий ва ғарбий районларида кўчманчи туркман қабилалари яшар эдилар. Қашқадарёнинг баъзи бир жойларида халифалик (VII—IX асрлар) даврида келган арабларнинг авлодлари яшаб, уларнинг алоҳида гуруҳлари сайидлар (яъни пайғамбар авлодлари) деб ном олган.

Шунингдек, амирликдаги қорақалпоқлар асосан Амударё ва Сирдарёнинг юқори оқими атрофларида ҳамда Зарафшон воҳасида яшаганлар. Кўчманчи қозоқ қабилалари эса (улар асосан кичик ва ўрта жуз аҳлидан эдилар) Бухоро амирлигининг шимолий шарқида, кўпроқ Конимехда кун кечирганлар. Яна амирликда маълум миқдорда эроний форслар, ҳиндлар, яҳудийлар, афғонлар, бир неча юз қалмиқлар, уч мингта яқин рус фуқаролари, татарлар, лўлилар ва бошқа халқлар вакиллари ҳам истиқомат қилганлар.

Аҳолининг катта қисми ўтроқ ҳолда кун кечирган. Ўзбеклар ичида ярим кўчманчилик билан кун кечирувчи уруғ қабилалар Қашқадарё ва Зарафшон воҳасидагина мавжуд бўлиб, улар сирасига хитой, қипчоқ, манғитлар кирганлар. Аҳолининг баъзи гуруҳлари, масалан, бухоролик яҳудийлар ҳуқуқлари анча чекланган эди. Бошқа диндагиларға одми кийиниб, белга махсус билдиргич арқон-зуннор тақиб юриш буюрилган.

Аҳолининг аксарият қисми суғориладиган ерлар, водий ва воҳаларда истиқомат қилганлар. Амирлик ҳудудининг катта қисмини эса дашт, чўл ва тоғлар ташкил этган бўлиб, у ерларда кўчманчи ва ярим кўчманчи қабилалар мол боқиш учун фойдаланганлар. XIX асрнинг бошларига келиб, кўчманчи аҳолининг сони қисқара борди. Кўчманчи аҳолининг кўпчилиги ўтроқ ҳаётга ўта бошладилар.

Мамлакат пойтахти шарққа донғи кетган ва «Бухоройи шариф» (Муқаддас Бухоро) номини олган машҳур Бухоро шаҳри эди. XVIII аср бошида амирликда бўлган Петр I вакили Флорио Беневени пойтахтда 12 та дарвоза ва 15000 та хўжалик бўлган деб ҳисоблайди. Шаҳар эса пахса ва қисман пишиқ гиштдан барпо этилган девор билан ўралган, дейди. Орадан бир аср вақт ўтгач Бухорода «Мирза Жаъфар» деган мулла номи остида бўлган рус вакили П.И.Демезон 1833—1834 йилларга оид ёзишмаларида Бухорога оид қизиқ маълумотларни келтиради.

Поручик И.В.Виткевич маълумотларига кўра, бир пайтлар мавжуд бўлган 12-дарвоза девор босиб, умуман беркитиб ташланганлигини қайд этади.

П.И.Демезоннинг маълумотларига кўра, шаҳарда 366 та квартал (маҳалла) мавжуд бўлиб, уларнинг ҳар бири қошида кичик масжид бўлганлиги қайд этилди. Жумладан, у маҳалла оқсоқоллари шахсларини алоҳида ҳурмат билан тилга олиб ўтади. Бухоронинг бош майдони ўша даврда — Регистон майдони ҳисобланган. Маълумотларга кўра Бухоро шаҳрида ўша вақтда 300 тага яқин масжид, 79 тача мадраса, «атиғи 2 та қамоқхона», 7 та усти ёпиқ бозор (Чорсуи Калон, Чорсуи Заргарон, Чорсуи Саррофон, Чорсуи Биринч, Тўқумдўзи, Тими Адрас (асосан Бухоро шойи газламалари сотилган), Тими-Сафид (асосан, рус, инглиз матолари сотилган), 25 та карвонсарой, 50 тача ҳаммом ва бошқалар мавжуд бўлган. 1841 йили Бухоро амирлигида К.Бутенев миссияси таркибида бўлган Н.Хаников эса жами Бухорода 38 та карвонсарой (24 та тошдан ва 14 таси ёғочдан) мавжуд бўлганини таъкидлайди.

Ҳар бир маҳсулотнинг ўз бозори бўлиб, ҳафтанинг турли кунларида Бухоро шаҳри ён-атрофида 22 та бозор бўлганлиги хусусида алоҳида тўхтаб ўтади. Унинг бошқа бир маълумотида XIX аср 40-йилларида, жами Бухорода 100 та мадраса бўлиб, ундан «60 таси амир рўйхатида» қайд этилган дейилади. Шаҳарда, шунингдек, яҳудий, шиа мусулмонларининг ҳам ибодат уйлари мавжуд бўлган. Бухороликлар ва умуман, барча Ўрта Осиё мусулмонлари учун, айниқса, Баҳоуддин Нақшбанд, Сайфиддин Боҳарзий, Чор Бакр мақбаралари азиз қадамжолар бўлиб саналган.

Бухоро амирлиги аҳолисининг катта қисми деҳқончилик билан машғул бўлган. XVIII—XIX асрнинг I ярмида Бухоро амирлигида бошқа хонликлар сингари, хўжаликнинг асосини суғорма ва ҳайдама деҳқончилик ташкил этган. Экинлар ичида дон экинлари олдинги ўринда турган. Суғорма ерларга буғдой, шоли, арпа ва сули экилган. Мол учун пояси озуқа ҳисобланган ва дони камбағал аҳоли учун асосий овқатлардан бири бўлган жўхори, ёғ олишга мўлжалланган кунжут ҳам кўп ерларга экилган.

Саноат экинларидан пахта ўз эҳтиёжи учун деярли ҳар бир хўжалиқда етиштирилган. Асосий пахтачилик районлари эса — Бухоро, Шаҳрисабз ва Каттақўрғон бўлган. Шунингдек, тамаки ва бошқа турли экинлар ҳам етиштирилган. Амирлик аҳолиси ичида боғдорчилик, узум-мева, полиз экинларини етиштириш ҳам кенг тарқалган. Бухоро мевалари, узумлари, қуруқ мевалари ҳар вақт маълум ва машҳур бўлган.

Ўтроқ ва кўчманчи аҳоли ўртасида ўзига хос меҳнат тақсимоти бўлган. Ўтроқ аҳоли улар учун керакли маҳсулотлар (нон, мева-сабзавот маҳсулотлари, ип-газлама моллари ва бошқалар) бериб, ўрнига чорвадор аҳолидан мол, қўй-қўзи, тери, жун, гўшт ва сут маҳсулотлари олганлар.

Деҳқончилик Ўрта Осиёнинг бошқа ерлари сингари сунъий суғоришга асосланган бўлган. XIX аср бошига келиб, кўпгина суғориш иншоотлари қурилди ва қайта тикланди. Зарафшон воҳасида амир Шоҳмурод давридаёқ (1785—1800). Жўйи саразм каналлари қурилди. Дарғом канали тўғони,

Панжикент яқинидаги, Ургут, Окдарё, бўйларидаги каналлар қайта тикланди. Давлат каналлар ким томонидан қурилса ёки қайта тикланса, ундан суғориладиган атроф ерларни ўша шахслар ихтиёрига топшира бошлади. Суғориш иншоотларининг кенгайиши деҳқончилик соҳасининг ривожланишига, XVIII аср охиридан бошлаб, кўчманчиларнинг катта қисмини ўтrockлашувига сабаб бўлди. Манғитлар сулоласи шубҳасиз бу ҳолатдан манфаатдор ва бу соҳага кўпроқ эътибор бера бошлаган эдилар.

Ерларнинг бўлиниши ҳам, албатта, суғориш иншоотлари билан боғлиқ бўлган. Масалан, битта катта сув тармоғи канал (ариқ) орқали суғориладиган 100 000 таноб ер туман дейилган (1 таноб ер 600 кв. сажин ёки 2730 кв.м.га тенг) 50 000 танобли ер — ҳазора, унинг ярми — ним ҳазора дейилган. 10-15 000 танобли ер — «фалон дарё абхори» деб юритилган. 400 танобли ернинг ҳаммаси аҳоли билан банд бўлса, у ҳолда у ер — қоря дейилган. 300 танобли ер эса одам яшаши, яшамаслигидан қатъи назар — мазрао деб ажратилган. Аҳоли яшайдиган пункт эса балад дейилган.

Таъкидлаш жоизки, ер ва ерга эгалик хусусидаги аниқ масалаларни ечишда нафақат мусулмон ҳуқуқий адабиётига, балки аксарият ҳолатларда ўрнатилган қоида (таомили қадим), ҳақ-ҳуқуқ (одат)га мурожаат этишган. Ханафия мазҳабидаги суннийлар амирлигида таомил, одатларга мурожаат этмоқ қабул қилинган қоида тусини олган эди. Одатда Бухоро амирлигидаги ер эгалиги ва унинг тоифаларга бўлинишида юқорида қайд этилган ҳолатлар деярли ҳисобга олинмаган эди. Ерларни асосан 3 ёки 4 қисмга: давлат (амлок), хирож ерлари (замини хирожий), мулк (хусусий ерлар), вақф (мулки вақф)га бўлиб кўрилар эди. Бухоро амирлигидаги ерлар М.А.Абдураимовнинг асарида чуқур илмий тадқиқот ишлари ва манбаларга таяниб, қуйидаги тарзда гуруҳларга ажратилади.

1. Давлат ерлари (амлок, мамлака, аразий подшоҳий, мулки девон ва ҳоказо).

2. Хусусий ерлар (мулк, мулки ҳури-холис, ёрлиқ мулклари).

3. Имтиёзли солиқ (10/1 миқдорда) олинадиган — мулки ушр ва даҳяк ерлари.

4. Вақф ерлари.

5. Кўчманчи қабилалар ерлари — юртлар.

6. Шартли топшириладиган ерлар — дарбост (дарубост).

Шуни таъкидлаб ўтиш керакки, XIX асрга келиб, амлок ерларининг ўзи кўп ҳолларда ҳар хил сабабларга кўра хусусий шахслар қўлига ўтиб бора бошлаган эди. Кўп ҳолатларда амир ернинг расмий даражадаги олий эгаси дебгина ҳисобланар эди. Амлок ерлари ижарага берилиб, ижарага берилган ерлардан хирож солиғи ҳам олинар эди. Ҳури-холис ерларидан солиқ олинмаган. Шариат изн берган солиқлар (хирож, ушр, даҳяк, закот)дан ташқари, солиқлар амалда кўпайиб кетган эди. Бухоро амирлигида жами 50 га яқин пул ва натурал ҳисобда турли солиқлар мавжуд бўлган.

Одатда хирож солиғининг 2 тури шу даврда қўлланилган деб ҳисобланади. Булар: хирожи муаззафа (ёки хирожи вазифа) ва хирожи муқасама эди. Ҳирожи вазифа ердан олинадиган солиқ бўлиб, бу ерга экин экиш, экмасликдан қатъи назар ушбу солиқ маҳсулот ва пул тарзида йилда 2 маротаба, баҳорда ва кузда олиниб, бир маротаба ва доимий тарзда белгиланар эди. Ҳирожи муқасама ердаги ҳосилдан олинадиган солиқ бўлиб, ерларнинг тури, вилоятларга қараб турлича тарзда белгиланар эди. Бу солиқ ҳам маҳсулот ва пул ҳисобида туланар эди. (Одатда солиқ белгиланишида ноннинг бозор нархи ҳисобга олинар эди). XIX асрдаги хирожнинг миқдори умумий ҳосилнинг 40% га қадар ўсиб кетган ва деҳқонларнинг аҳволини анча оғирлаштирган. Амрининг амлоқдор фойдасига барча донли экинлар ва пахтадан натурал ҳолила олинадиган-кафсан солиғи, боғ ва томорқадан олинадиган таноб пули, яйловлардан олинадиган алаф пули, моллардан олинадиган қўш пули (бу солиқ тури амир Насрулло даврида жорий этилган эди), 1/40 миқдорда олинадиган закот солиғи асосий солиқлар ҳисобланар эди. Бундан ташқари, амир Шохмурод даврида жорий этилган уруш бошланган тақдирда олинадиган фавқулодда жўл солиғи,

савдо молларидан олинадиган бож, дарёдан, анҳорлардан ўтган савдо молларидан олинадиган сув пули, бозор ўрни учун пули тахтажой, ишчи молдан олинадиган яксара (бир жуфт учун), нимсара (1 мол учун), сув тегирмони учун тўланадиган солиқ, ҳашар ишларига қатнашмаганлардан солиқ пули, сомон пули, доруғайи (маҳаллий ҳоким учун тўланадиган солиқ), мушрифона, мадади лашкар, амин ва оқсоқоллар фойдасига олинадиган муштак солиғи ва бошқа солиқ турлари мавжуд бўлган эди.

XVIII аср сўнгида ёзилган «Мажма ал-арқам» асарида ҳисоб-китоб, солиқлар учун 2 та махсус аварижа ва тавжиҳа қайд дафтарлари бўлганлиги таъкидланади. Шунингдек, бу асарда бошқа қайд қилиш дафтарлари (таҳвил, муқосала, муаззаф, заргархона, танобона, девони саркор дафтари, билғу ва бошқалар) ҳам бўлган дейилади. Барча маблағлар, ушбу манбада келтирилишича 4 та хазинада жам бўлганлиги қайд этилади. Лекин амир Шоҳмурод (1785—1800) даврида жорий этилган юқоридаги қатъий солиқ, хазина тизими кейинчалик бошқа манбаларда ўз аксини топмайди. Ҳар ҳолда унинг баъзи жиҳатлари кейинчалик ҳам сақланиб қолган бўлиши эҳтимолдан холи эмас.

Амир Музаффар (1860—1885) даврида уруш учун сарф-харажатлар баҳонаси билан янги «аминона» деган солиқ жорий этилди. Бу солиқ бадавлат шаҳарликларнинг ва савдо молларининг 1,5% қиймати ҳисобида тўланар эди. Кейинчалик эса бу солиқ доимийга айланиб қолди. Бундан ташқари, ҳар вақт ариқ ва каналларни барпо этиш, тозалаш ишлари, йўллар, кўприклар қуриш, ободончилик ва бошқа жамоат ишлари ҳашар тарзида, аҳолининг ёрдами билан бажарилар эди.

Оғир солиқлар, ўзаро ички низолар ва ташқи урушлар, табиий офатлар, аҳолининг бошига кўплаб қийинчиликларни солар ва кўплаб ғалаён, исёнларни ҳам келтириб чиқарар эди. XIX асрда энг йирик ғалаёнларга мисол сифатида Бухорода 1810 йилда бўлиб ўтган кўзғолонни, 1821—1825 йилларда хитой-кипчоқларнинг Миёнқолдаги исёнини кўрсатиш мумкин.

Амирликда аҳолининг табиий ичимлик сувига бўлган эҳтиёжи юқори даражада бўлиб, унинг доимий етишмовчилиги бўлар эди. Айниқса, сув етишмаслигидан Бухоро шаҳри аҳолиси анча қийналар, ойда 2 маротаба тўлдириладиган ҳовузлар аҳолининг эҳтиёжини қондира олмас эди. Туриб қолган ҳовуз сувининг истеъмоли эса кўп ҳолда юқумли касалликларнинг, айниқса, ришта касаллигининг тарқалишига сабаб бўлар эди. Бухоро шаҳри ён-атрофидаги ботқоқликларидан безгак касаллиги келиб чиқар, аҳолининг кўпчилиги бу юқумли касаллик билан оғриб турар эди.

Бухоро шаҳри ва ён-атрофдаги зиёратгоҳлар ҳаминиша зиёратчиларни ўзига жалб этар эди. Бухорода ҳунармандчилик саноати ниҳоятда ривожланган бўлиб, қозоқ чўлларидан кўчманчи чорвадор аҳоли билан савдо алоқалари, Россия ва ён-атрофдаги мамлакатлар билан савдо муносабатлари унинг ривожини учун катта туртки бўлди. Ҳунармандчиликнинг ип-газлама соҳаси кўпроқ ривожланган эди. Кўпчилик ип йигириш, тўқиш, матоларни бўйаш, газлама ишлаб чиқариш соҳасида банд эди. Ранг-баранг Бухоро матолари Волга бўйи ва Сибирь ўлкаларида ҳам маълум ва машҳур бўлган. Шойи матолар ишлаб чиқариш ҳам ривожланган. Пилла қурти амирликнинг деярли кўпчилик ерларида етиштирилди. Соф шойи ва ярим шойи матолар — атлас, адрас, парча, беқасам, шоҳи матолар Бухоронинг энг машҳур матолари ҳисобланар эди.

Шунингдек, жун мато тўқиш соҳаси, қоракул маҳсулот тикиш, тери ошлаш, мўйна моллари соҳаси ҳам анча ривожланган эди. Бухорода оддий тўқув дастгоҳлари кенг тарқалган эди. Бухоро амирлигидаги заргарлик билан асосан ҳиндлар ва қисман маҳаллий лўлилар шуғулланишса, қимматбаҳо тошларга ишлов бериш билан кўпроқ маҳаллий ҳунармандлар машғул эдилар. Бухоронинг машҳур ганч, ёғоч ўймакорлиги, наққошлик, дурадгорчилик, кулолчилик соҳаларида ҳам асосан маҳаллий ҳунармандлар банд эдилар.

Бутун Ўрта Осиёда эса Самарқанд ва Бухорода ишлаб чиқарилган қоғоз машҳур бўлган. Зардўзлик, гиламдўзлик

ҳам бошқа хонликларга нисбатан анча тараққий этган соҳа ҳисобланарди. Шу билан бирга, ҳунармандларнинг меҳнати оғир, қарийб ҳамма ишлар қўл меҳнатига асосланган эди. Уларнинг даромади паст, кўпчилик қашшоқ холда кун кечирарди.

XVIII аср охиридан бошлаб, ҳунармандчиликнинг ривожланиши савдо-иқтисодий муносабатларнинг ривожига ҳам катта ҳисса қўшди. Ички савдо ривожланди. Ички савдода кўпроқ озиқ-овқат маҳсулотлари, ип, газлама моллари, қоракўл, пахта асосий ўринни эгаллар эди. Амирлик пойтахтидан ташқари, Самарқанд ва Қарши ҳам ички савдонинг йирик марказлари эди. Январь ойидан май ойига қадар савдо энг қизғин бўлган палла эди. Таъкидлаш жоизки, жанубдан келадиган кўпчилик савдогарлар Бухоро тилла тангаларини кўп ҳолда сотиб олиб, амирликдан бошқа маҳсулот олишга интилишмас, сотиб олинган қиймати юқори тилла тангаларни ўз юртларида сотиб, ундан катта фойда кўрар эдилар. П.Демезоннинг ёзишича, амир Насруллога бу ҳолат тўғрисида хабар бериб, тангаларнинг четга чиқиб кетишига йўл қўймасликни таклиф қилдилар. Бу таклифни амир рад этган эди.

XIX асрда Бухоро амирлигидаги молиявий аҳвол ва пул муомаласи борасидаги ҳукуматнинг сиёсати тўлақонли бўлмай, ҳунармандчилик ва савдо учун ноқулай ҳисобланар эди. Амирликда олтин, кумуш ва мис чақа пуллар муомалада бўлиб, улар фақатгина сарой яқинидаги зарбхонада зарб этиларди. Маълумотларга кўра, 1 Бухоро олтин тангаси — 6 рус рубли, 1 Бухоро кумуш тангаси — 34 рус копейкаси, 1 Бухоро мис чақаси — 1,5 рус копейкасига тенг бўлган. Тилла танга 22 кумуш тангадан, 1 кумуш танга 50 кумуш пул (чақа) дан иборат бўлган. Юқорида таъкидланганидек, амирликнинг қиймати юқори пуллари, жумладан, тилла тангалари хорижий савдогарлар томонидан юқори даражада қадрланган. Пул билан боғлиқ масалалар, савдо операциялари учун пул бериш, судхўрлик, фоиз ва қарз бериш ишлари билан асосан ҳиндлар машғул бўлганлар.

Бухоро амирлигидаги алоҳида ижтимоий гуруҳни қуллар ташкил этган. 1836 йили шахсан Бухорода бўлган прапор-

щик И.Виткевич амирликда рус қуллари жами 75 тага яқин, уларнинг 25 тачаси пойтахтда бўлган деб хабар беради. Шунингдек, эроний, қалмиқ қуллари ҳам кўп бўлган. Асосий қулчилик бозорлари эса Бухоро, Самарқанд, Қорақўл, Қарши ва Чоржўйда бўлган. XIX асрнинг 60-йилларида Бухородаги қуларнинг нархи қуйидагича бўлган: 10—15 ёшли ўғил болалар — 35 тиллогача, 16—25 ёшдаги ўспирин йигитлар — 45—50 тилло атрофида, 26—40 ёшдаги эркаклар нархи — 80 тиллогача борган. Қуллик домига тушган 10—15 ёшли қизларнинг нархи — 70 тиллогача, 16—25 ёшдаги аёллар — 50—60 тилло атрофида, 26—40 ёшдаги аёллар нархи — 40 тиллога қадар бўлган. Қулар турли меҳнат ишларида, уй юмушлари, дала ишлари, қурилиш, ободончилик ишларида фойдаланилар эди.

Россия империяси босқини арафасида Бухоро амирлигидаги ижтимоий-сиёсий ҳаёт борасида яна икки муҳим масала бевосита катта ўрин тутди. Бу амирликдаги давлат бошқаруви, унинг сиёсий тизими ҳамда ҳарбий қўшин масаласидир. XVIII аср сўнгида, 1798 йилда ёзилган Мирзо Бади девоннинг «Мажма ал-арқам» асарида берилган иловани ҳисобга олмаганда, шу вақтга оид махсус манбалар ҳали топилгани йўқ. Бу ҳол ўз вақтида ушбу масала юзасидан тегишли хулоса чиқаришни мушкул аҳволга солиб қўяди. Қолган манбаларнинг аксариятида давлат бошқаруви, амалу унвонлар, лавозимлар хусусида умумий жиҳатдан сўз юритилади. Бундан ташқари, «Мажма ал-арқам» асарида қайд этилган ҳолатлар, асосан XVIII аср охиридаги ижтимоий-сиёсий вазиятдан келиб чиққан ҳолда қайд этилган бўлиб, XIX аср давомида кўп ҳолда ўзгармаган ҳам дейиш мумкин.

Ўрта аср мусулмон шарқи бошқарув тизимиغا хос бўлган даргоҳ (қонун чиқарувчи) ва девонлар (ижроия этувчи) тизими Аштархонийлар давридаёқ емирилиб бўлган эди.

Марказий бошқарув тизими XIX асрга келиб, асосан тўлиқ даргоҳда ўз аксини топди. Ижроия вазифалари эса тўғридан-тўғри саройдаги у ёки бу лавозимда ёки бирон-бир йирик арбоб фаолиятида мужассамлаша борган. Бухоро давлатидаги буткул ҳокимият мутлақо амир қўлида мужассам

эди. Амир унвонини ўзига қабул этилган манғит ҳукмдорлари — шу унвон билан ўзларини мусулмон ерларининг бир бўлагини тақдир тақозоси билан қўлга олганликлари ва ислом мамлакатларининг бир қисми эканликларини намоён этишлари билдирилган эди. Амирнинг ҳуқуқи ҳеч бир нарса билан чекланмаган, «Аллоҳнинг хоҳиши билангина у давлатни бошқарар эди», деб ҳисобланар эди.

XIX асрда Бухоро амирлигидаги марказий маъмурий бошқарув девонида қўшбеги лавозимидаги шахс амирдан сўнг биринчи ўринда турган. Лекин XVI—XVII асрларда, аввало, оталиқ ва нақиб лавозимини шахс бошқарувида асосий ўринни эгаллаган эди. Оталиқ (туркийча — ота ўрнини босувчи) ҳукмдорнинг энг яқин кишиси бўлиб, асосан унга шахзодаларни таълим-тарбия билан вояга етказиш, уларни ҳимоя қилиш, йўл-йўриқ кўрсатиш ва бошқа вазифалар топширилган. Оталиққа шунингдек Самарқанддан Қорақулгача бўлган ерлардаги сув тақсимоти ҳукми, пойтахт Бухоронинг кечки ички муҳофазаси масъулияти юклатилган эди.

Нақиб (арабча — йўлбошчи, жамоа бошлиғи) лавозимини фақат келиб чиқиши пайғамбар авлоди — сайидлардан бўлган шахсгина эгаллаши мумкин бўлган. Лавозим меросий бўлиб, унинг ҳурмат-эътибори юксак даражада бўлган. Нақиб орқали амир сайидлар жамоаси билан алоқа боғлаб турган. Нақиб гарчи диний даражадаги шахс ҳисобланса-да, XVIII аср сўнги — XIX аср бошида унга ҳарбий юриш вақтидаги қўшиннинг тузилиши, қурол-яроғ билан таъминланиши, унинг ҳаракатланиши доираси, ҳарбий ҳаракат вақтидаги масъул ҳарбий лавозимларга шахсларни тўғри тақсимлаш вазифалари топширилган.

Қушбеги (туркийча — ов қушлари, ов-шикор вазифалари, хон ов маросими бошлиғи). Уни қушчи-боши, мири-шикор ва бошқа номлар билан ҳам аташган. Бундан ташқари, алоҳида олинган қушбеги унвонидаги лавозимлар — қушбегиий кулли мамалики маҳрус (бутун мамлакат қушбегиси), қушбегиий баҳри аз мамалики маҳрус (маълум қисм қушбегиси), қушбегиий хоси (хон қушбегиси) лавозимлари ҳам

мавжуд бўлган. XVII аср ва XVIII аср бошларида ҳам қушбеги лавозими оталиқ ва нақибдан паст даражада бўлганлиги шубҳасиздир. «Мажма ал-аркам» асарида эса қушбеги қўлалдош лавозимидан сўнг қайд этилади.

Қушбеги (қуш — туркийча, яъни қароргоҳ (ҳарбий қароргоҳ маъносида) хон қароргоҳи ва ундаги қўшин бошлиғи бўлиб, Аштархонийлардан Убайдуллахон (1702—1711) ва айниқса, заиф ҳукмдор Абдулфайзхонлар (1711—1747) даврида давлатдаги «иккинчи шахс» даражасига эриша бошлаган. 1709 йили 18 апрелда Аштархонийлардан бўлмиш Убайдуллахон ўзининг шаҳардан ташқаридаги Хонобод боғида янги олий қушбеги — қушбегийи қулли лавозимини жорий этиб, ушбу лавозимни иноқ Тўрақулбийга (собиқ қуллардан бўлган шахс) тақдим этади. Абулфайзхон давридаги Жавшан қалмиқ (унга ҳам қушбегийи қулли лавозими берилган эди) ўз қўлида жуда кўплаб ваколатларни жам этиб, бундан ташқари, Бухоро, Самарқанд, Кеш, Ҳисор, Термиз ва Тошкент вилоятларининг ҳокими ҳам ҳисобланар эди.

Кейинчалик қушбегилар ўз фаолиятлари давомида ҳукмдорлар ҳуқуқларини ҳам чеклай бошлаб, турли фитна ва «қора» ишларда фаол иштирок эта бошладилар. Масалан, магитларнинг иккинчи ҳукмдори Дониёлбий оталиқ (1758—1785) даврида асли эроний қуллардан чиққан Давлат қушбеги буткул ҳокимиятни ўз қўлида жамлаб олиб, ҳатто молиявий ишларни ҳам ўз назоратига олди.

Қушбеги ва қушбеги лавозимлари кейинчалик ҳам алоҳида-алоҳида тарзда мавжуд бўлганлиги тарихдан маълумдир. Қушбеги ва қушбеги лавозимлари XVII асрда ҳам мавжуд бўлган. Амир Шохмурод (1785—1800) ва амир Насрулло (1826—1860)лар даврида қушбегининг ҳуқуқлари чекланиб, амир ҳокимиятининг таъсири ва роли ошиб борди. Амир Ҳайдар (1800—1826) ҳукмронлиги даврида эса қушбеги лавозимида бўлган Ўткирбийнинг ҳокимияти яна кучая борди. Бу вақтга келиб, яна буткул ҳокимият қушбегининг қўлида жам бўла бошлади.



**Бухоро амири
Музаффархон
(1860–1885 йй.)**

Амир Насрулло давридаги қўшбеги Абдулазизбий ҳукмдорга садоқатли, лаёқатли шахс бўлган деган фикр тарихий манбаларда таъкидланган.

Амир Музаффар (1860–1885) ҳукмронлиги даврида қўшбеги лавозими Муҳаммадшобийга (1860–1882) тақдим этилади.

Маълумки, XIX аср давомида ва XX аср бошида қўшбеги қўлида барча ҳукм чиқарувчи ва қонун чиқарувчи ҳокимият мужассам бўлган.

Қўшбеги амир йўқ вақтида пойтахтда унинг ўринбосари ҳисобланар, барча уруш ва

сулҳ, молиявий аҳвол, хазина харажатлари ва даромадлари, дунёвий амалдорларни тайин этиш ва бўшатиш, танҳо ҳамда унвонлар бериш, сарой хавфсизлиги, шунингдек, бошқа масалалар ҳам унга боғлиқ эди. Унга кечки пайт Бухоронинг 11 та дарвозаси калити олиб келиниб унга топширилди. Чунки у Бухоро вилояти (9 та туман) ҳокими ҳисобланар эди. Шунингдек, барча вилоятлар, бекликлар ҳам унга бўйсунган. Унинг девонхонасидан барча фармон ва қарорлар чиқар, у ҳар куни амирга оғзаки ёки ёзма тарзда ҳисобот берар эди. Давлат муҳри ҳам унда сақланиб, хазина муҳофазаси ҳам унга топширилган эди.

XIX асрнинг иккинчи ярмидан бошлаб қўшбеги лавозимини эгаллаб турган шахслар амирнинг рухсатисиз бирор-бир ишга қўл урмас, энг кичик масалаларда ҳам унга бевосита мурожаат этишар, ҳақиқатда амирнинг садоқатли хизматкори сифатида тура бошлаган. Фақатгина давлат турли маҳкама ва вазирликларга бўлинмаганлигидан қўшбегининг зиммасига қўлаб давлат топшириқлари юклатилиб қўйил-

ган эди. Империя босқинига қадар қўшбегининг фаолияти кўпроқ ҳарбий ишларга бош бўлиш ҳисобланар эди. Лашкарбоши ва тўпчибошилар қўшбегининг энг яқин ёрдамчилари ҳисобланган. Агарда амир ҳам, қўшбеги ҳам пойтахтда бўлмай қолса тўпчибоши ўринбосар сифатида арқда қолган.

Кейинги лавозим — девонбеги бўлган. Девонбеги (форсча — ҳукумат девонхонаси бошлиғи) ўрта асрларда аввал солиқ йиғувчи маҳкама бошлиғи ҳисобланган. Унинг ваколати тўлиқ солиқ ҳисоботи ҳамда унинг Қоракўлдаги сув тақсимооти назорати ҳам топширилган. Мирзо Бади-девон унга «буюк девонбеги» деб таъриф беради. Гоҳида олий (буюк) девонбегини вазир (молия вазири) деб ҳам аташган.

XIX асрнинг 2-ярмидан унинг идорасида 100 тача амалдор машғул бўлганлиги маълум. У асосан молия ишлари билан машғул бўлиб, амирликдаги барча закот йиғувчиларнинг ҳам бошлиғи ҳисобланар эди. Шунингдек, у барча вилоятлардаги девонбегиларнинг ҳам бошлиғи эди. Олий қўшбеги йўқлиги вақтида, қуйи қўшбеги, яъни девонбеги унинг ваколатларини ўз зиммасига олар, ҳукмдор йўқлиги вақтида кўп ҳолда қўшбегийи боло билан биргаликда ҳокимиятни бошқарар эди.

Парвоначи (форсча — хон буйруғини етказувчи (приказчик) лавозими одатда девонбегидан сўнг турган бўлса-да (XVIII асрнинг сўнги — XIX асрнинг бошлари), кейинчалик у фахрий мансаблардан бирига айланиб қолади. Парвоначининг асосий вазифаси амир чиқарган фармон ва ёрлиқларини, мансабдор, зодагон ва бошқаларга, яъни эгаларига топшириши эди. У ёки бу мансабга эришганлар, парвоначидан ёрлиқ ва сарполар олгач, ўз саллаларида ушбу ёрлиқни 3 кунга қадар намойишкорона тақиб юрганлар.

Додхоҳ (форсча — талаб этувчи, адолат қидирувчи, даъвогар) амали XVII—XVIII асрлардаги муҳим лавозимлардан бири бўлиб, амир ҳузурига шикоят, арзлар билан келувчиларни қабул этар, уларни оғзаки ёки ёзма тарзда ҳукмдорга тақдим этар, шикоятчиларга гоҳида амир номидан жавоб берар эди. Додхоҳ амали кейинчалик ўз аҳамиятини анча йўқотиб, мингбошиларга бериладиган унвон даражасига ту-

шиб қолган. Додхоҳ ҳарбий шахс сифатида саройда ўз ўрнини сақлаб қолган.

Кўкалдош (туркийча — эмиқдоши) мамлакат миқёсидаги хавфсизлик хизматининг бошлиғи бўлиб, бу лавозимга ўта ишончли киши тайин этилган.

Иноқ (туркийча — ишончли вакил, садоқатли, дўстона одам) мансаби иккига катта ва кичик иноқларга бўлинган. Катта иноқ (иноқи калон) ҳукмдор иши, амру фармонларини ва буйруқларини тегишли киши ва маҳкамаларга етказувчи, амир қабулига муяссар бўлганларни унинг ҳузурига киритувчи мансабдор шахс бўлса, кичик иноқ (иноқи хурд) амир қутисига масъул, унинг номига келган хат ва номаларни олиб, уни ҳукмдор рухсати билан овоз чиқариб ўқиш учун муншийга топширувчи шахс бўлган.

XIX асрнинг 2-ярмига келиб, муҳим мансаблардан бири — тўпчибошийи лашкар бўлиб қолди. У олий ҳарбий унвонлардан бири ҳисобланиб, XVII—XVIII асрлардан бошлаб унинг аҳамияти ўсиб борди. XVIII аср сўнгида у ишончли вакил сифатида «баъзида ҳукмдор суҳбатида ўтириш шарафига муяссар бўлади», дейилади. Тўпчибошийи лашкар Бухоро шаҳри гарнизонининг, хонликдаги артиллериянинг ҳамда ҳарбий қисмлардаги қўшин бошлиқларининг раҳбари ҳам эди. Уни кўп ҳолда ҳарбий вазир (вазири харб) деб аташар эди. Тўпчибошийи арки олий — қалъа артиллериясининг бошлиғи, пойтахт қалъасининг коменданнти ҳисобланган.

Шунингдек, амирликда бош ҳожа (ҳарам ходимлари бошлиғи), меҳтар (закот ва бошқа ишларга масъул), юртчи (ободончилик ва кўчалар орасталигига масъул), эшик оға боши, мироҳур (ҳукмдор отхонаси бошлиғи), шиғовул (чет элик меҳмон, элчилар қабулини уюштирувчи), мирзабоши, хазиначи, кўрчибоши, чухра оғабоши (хон шахсий соқчилари бошлиғи), жарчи, тавочи (ҳарбий хабардор), баковулбоши, қоровулбеги, дастурхончи, жевачи (ҳарбий қурол-аслаҳа омбори бошлиғи), тўқсоба (ўз байроғига эга бўлган ҳарбий бўлинма бошлиғи) баҳодир ва бошқа унвону мансаблар, лавозимлар ҳам бўлган. «Мажма ал-арқам» асарида жами 30

тадан зиёд унвон, лавозимлар номи санаб келтирилади. Лекин XIX асрнинг 2-ярмига келиб юқорида таъкидланганидек, уларнинг кўпчилиги ўз аҳамиятини йўқотади, расмий даражадаги лавозимларга ёки фахрий унвонларга айланиб боради. Диний уламолар, руҳонийлар амирликда алоҳида тоифа бўлиб, амир ҳузурида тўн устидан белбоғ тақмайдиган ягона шахслар ҳисобланар эдилар.

Диний уламолар ичида энг катта ва обрўли шахс — шайхулислом ҳисобланар эди. Шайхулислом (арабча — мусулмон, ислом жамоасининг бошлиғи) маросим, тантана ва қабулларда амирнинг ўнг тарафида биринчи бўлиб ўтирар, жамият ижтимоий-сиёсий ҳаётида катта роль ўйнар эди. Шайхулислом лавозимига келиб чиқиши сайидлардан бўлган, тафсир, фикҳ, ҳадис ва бошқа диний илмларни мукамал биладиган киши тайин этилган. Амирликда Ҳожа Аҳрор валий авлодидан бўлган шахслар асосан шайхулислом лавозимига ўтирар ва XVIII аср оқирларига қадар бу ҳолат давом этган. Шайхулисломдан кейинги даража — қозикалон лавозими ҳисобланган. Қозикалон (арабча-форсча — қози ул-қурот, олий қози) — амирликнинг олий судьяси (ҳаками) — умумий суд, ижтимоий адолат билан боғлиқ масалалар, мусулмонлар, биринчи навбатда мискинларнинг ҳақ-ҳуқуқларини ҳимоя қилиш, мадрасалардаги вақф ишлари, карвонсаройлардаги тартиб ва бошқалар унинг ваколатига кирган. Унга ҳарбий ишлар қозиси — қози аскар ҳам бўйсунган. XIX асрнинг 2-ярмидан қозикалон лавозими энг катта диний лавозимга айланиб бориб, шайхулислом даражаси эса расмий унвонга айланиб қолди.

Муфтий (диний унвонлардан бири, асосан ривоят ва фатволар билан таъминловчи)лар ичида аълам (арабча — энг ўқимишли, энг кўп билувчи) лавозими алоҳида аҳамиятга эга бўлиб, муфтийларнинг бошлиғи, у ёки бу масала юзасидан чиқарилган фатво аълам муҳридан сўнггина кучга кирар эди. Аъламлик лавозимига асосан диний ва дунёвий билимларни пухта билган мударрислар тайин этилар эди. Аълами муфтий қозикалоннинг маслаҳатчиси ҳисобланарди.

Бухорода одатда қозикалон ҳузурида 14 та муфтий фаолият кўрсатган.

Раис (мухтасиб, арабча — бошлиқ) лавозимига ҳам асосан сайидлардан бўлган шахслар тайин этилар эди. Раислар ҳар бир вилоят, шаҳар, қишлоқларда ҳам мавжуд эдилар. Уларнинг ваколатларига: шариат, одоб-ахлоқ қоидаларига аҳолининг, лавозимдаги шахсларнинг қатъий амал қилишини, бозор, савдо-сотик ишларида ҳалоллик, тўғрилиққа эътибор қилиш, тарозидан уриб қолиш, тоат-ибодатларни вақтида адо этиш, ташқи кийимни назорат этиш, мактаблар ишини олиб бориш вазифалари кирар эди. Бош раис-эшон раис ёки раис ум-шариат деб номланган. Раис пойтахт Бухорода эрталаб ва кечки пайт одатда назорат билан юрган. Унинг жазолаш тартибига калтак 39 даррадан ошмаслиги қоида қилиб қўйилган эди.

Вақф ишларига масъул эса садр лавозимидаги шахс бўлган. Ҳар бир лавозимдаги кишининг ўринбосари (ноиб) ва ўз маҳкамаси бўлган. Диний даражадаги шахслар, руҳонийларнинг таъсири амирликда катта бўлган.

Ўз вақтида Самарқанд ва Бухоро вилоятлари туманликларга бўлинган. Туман раҳбари доруға деб юритилган. Бекнинг ўз ноиби (ўринбосари) бўлган. Узоқроқ ерлардаги ишлар назорати одатда унга топширилган. Бекни, албатта, амир ўз фармони билан тайин этар эди. Одатда беклар қўпол хато, фитнага аралашмасалар, умрларининг охиригача фаолият кўрсатаверганлар. Беклик одатда бир неча амлоқдорликларга бўлинган. Бекларнинг ўз маҳкамалари мавжуд бўлиб, у ва унинг қул остидаги амалдорлари давлат хазинасидан маош олмас эдилар. Одатда улар маҳаллий аҳолидан олинган турли солиқ ва тўловлар эвазига кун кечирар эдилар. Бек солиқларни бир меъёردа, тўлиқ йиғиб олиншига, амир ҳузурида ўзи масъул ва жавобгар эди. Бек ҳузурида маҳалла бошлиғи — шогирдпеша ва диний уламолар бўйича масъул мулозимлар хизмати ҳам мавжуд эди. Бекликдаги раис лавозимидаги шахс одатда бош раисга бўйсунган. Миршаблар ҳам одатда раис хизматида бўлганлар. Бекнинг кичик отряди — навкарлари одатда 10—12 киши атрофида бўлиб,

уларнинг бошлиғи ясовулбоши ҳисобланар эди. Одатда бек қароргоҳи ёнида зиндон ва кичик қамоқхона ҳам мавжуд бўлган. Уруғларнинг бошлиқлари эса бий (бек) ёки элбоши деб юритилган. Уруғ-қабилла мулкини тақсимловчилар ҳам одатда бойлар бўлган. Уларнинг таъсири ва бошлиғи ўз уруғлари ичида баланд бўлиб, марказий ҳокимият заифлашиши пайтида айниқса улар мустақил ҳаракат қилишар эди.

Юқорида қайд этилганидек, Бухоро амирлигидаги яна бир эътиборга молик муҳим масала — бу ҳарбий қўшин масаласи.

Қўшин одатда 2 қисм: амир ҳузуридаги отлиқ гвардия навкарлар ва уруш бошлангудек бўлса, халқдан йиғиладиган ёлланма қўшиндан иборат бўлган (қорачерик, қорақозон, қилқўйруқ). Қорачерик — оддий халқдан тўпланган ёлланма пиёда қўшин, унинг устига ўз меҳнат қуроллари, баъзан камон-ўқ, найза билан қуролланган бўлар эдилар. Навкарлар эса отли бўлиб, уларнинг қурол-яроғлари қорачерикдан кескин фарқ қилар, моддий таъминотлари ҳам амир томонидан кафолатланар эди. Баъзи маълумотларга кўра, XIX аср бошидаги навкарларнинг сони 3600 тача бўлган.

Амир Насрулло (1826 — 1860) ҳукмронлиги даврида мунтазам қўшин юзага келган. 1834 йили Бухорода бўлган П.Демезон амирликда 19.000 ёлланма аскар мавжуд бўлган деб, ёлланма аскар берувчи ҳудудларни санаб ўтади. Жумладан, Бухоро вилояти — 12.000, Самарқанд — 2500, Қарши — 2500, Маймана — 1000, Қоракўл — 1000 та аскар бериши лозим бўлган. Бу ҳарбий кучлар чегара қўрғонлари ва асосий шаҳарларда жойлаштирилган. Бундан ташқари, туркманлар қўшимча равишда ўз ҳисобларидан 18.000 ҳарбий аскарлар тайёрлаб туришлари керак бўлган. П.Демезон Насруллонинг 1833 йили Шахрисабзга юришини таъкидлаб, амир фақатгина 5000 киши йиға олганлиги ва шунча туркманлардан аскар олинганлигига тўхталиб, озиқ-овқат тақчиллиги сабаб бу юриш уч ҳафтада тугаганлигини алоҳида қайд этиб ўтади. Оддий аскарлар йилига тахминан 150 рус рубли (тахминан 187,5 Бухоро тангасига тенг) ҳисобида маош олган. Унинг бир қисми пул, бир қисми маҳсулот ҳолатида берил-

ган. Пилта милтиққа эга бўлганлар тўфангчи ва ботирлар деб юритилган. П.Демезоннинг маълумотига кўра, пойтахтда 8-10 та замбарак мавжуд бўлган. Йилда бир маротаба амир кўшиннинг умумий кўригини ўтказган. Кўрик вақтида ҳамма ҳарбийлар мукофотланган, оддий аскарларга эса 10 тангадан мукофот берилган.

Маълумотларга кўра, доимий кўшин-сарбозлар 1837 йили рус асирлари ва форс қуллари иштирокида ташкил этилган. Аввал бошида сарбозлар батальони 800 кишидан иборат бўлиб, кўшимча 250 чоғли кишилардан тўпчилар гуруҳи артиллерия ташкил этилди. Сарбоз ва тўпчилар мовутдан қизил, қора, сариқ рангдаги формалар, эчки юнгидан қилинган шалвар ва чарм пойабзал, бош кийим билан таъминланадиган бўлдилар. Сарбозлар батальони — Ўрта Осиёдаги I доимий кўшин эди. Улар жойлашган казарма Бухоронинг Ўғлон ва Талпоч дарвозалари оралиғида эди. Ҳар бир сарбозга амир томонидан уй-жой қуриб берилиб, тез орада «Сарбозхона» деган янги мавзе ташкил топди. Сарбозлар сонининг ўсиши билан ҳар бир батальон 700 кишидан иборат бўлиб, улар ўз навбатида 7 та рота (даста)га бўлинар эдилар. Ҳар бир рота 2 қисмга ажралган (ним даста), улар эса 4 та взвод (расад) ва 8 та ярим взвод (бара)лардан иборат бўлган. Одатда ротага — юзбоши, унинг ёрдамчиси қоровулбеги, взводларга — панжагбоши бош бўлиб, унинг ёрдамчиси панжагбоши ҳур бўлган.

1856 йилдан бошлаб эса сарбоз ва тўпчиларга 3 ойда бир маротаба тўланадиган ойлик маош миқдори: оддий сарбозга ойига 1 тиллодан даҳбошларга 1,5 тиллодан пул берилган. 2 та туман даромади бевосита сарбозлар эҳтиёжига кетган. Бу даромадларни сарбозлар бошлиғи тақсимлаган. Зобитлар ойлиги қуйидагича бўлган:

Ойига: юзбоши — 6 тилло (24 с. кумуш пул);

Қоровулбеги — 4 тилло (18 с. кумуш пул);

Панжагбоши — 85 танга (17 с. кумуш пул);

Панжагбоши ҳур — 50 танга (10 с. кумуш пул).

Бош лашкарбоши йилига 2000 тилло танга ойлик даромад олган. Унга Бўстон қишлоғи ва Қалъаи сиёҳ қишлоғида жойлашган 20 та тегирмоннинг фойдаси ҳам келиб тушган.

Жами амир ихтиёрида шу вақтда 50 та замбарак бўлган. Қурол-яроғ тайёрлаш учун эса қўрғошин асосан Ғуздордан олинган. Қуролларнинг аксарияти Самарқандда ишланган, Қаршида эса кўплаб хусусий қурол-аслаҳа омборлари мавжуд бўлган. Юришлар вақтида сарбоз, тўпчи ва зобитларга алоҳида озиқ-овқат пули ҳам берилган. Махсус артиллерия парки мавжуд бўлиб, у корхона номи билан юритилган. Сарбозлар одатда санчикли, пилта милтиқлар билан, тўпчилар тўппонча ва рус кавалерия қиличлари билан қуролланганлар. Шунингдек, зобитларда санчқисиз қуроллар, юзбошиларда икки ўқли милтиқлар, тўппонча, кумуш ҳалли Бухороча қиличлар ҳам мавжуд бўлганди. Сарбозларнинг асосий фаолияти тўпчиларни ҳимоя қилиш, жангга оддинги сафларда кириш билан характерланар эди. Шунинг учун ҳам кўпчилик юришларда сарбозларнинг маълум қисми қирилиб кетарди. Масалан, 1842 йилги Қўқон, 1855 йилги Шаҳрисабз юришларида сарбозларнинг деярли ярми қирилиб кетади.

Армияда тартиб-интизом анча заиф бўлган. Қўшин, жумладан, сарбозлар ҳам юришларда ўзларининг эътиборларини талончилик, бойишга қаратганлар. Мисол учун, 1842 йилги амирнинг Қўқон юриши вақтида Абдусамадхон бошчилигидаги сарбозлар Қўқон хони Муҳаммад Али саройини шафқатсиз тарзда талон-торож қилдилар.

XIX асрнинг I ярмида амирликда уруш пайтида сунъий тарзда барпо этилган, душман кириб келишига қарши окоплар, сув тўлдирилган хандақлар ҳам барпо этила бошлаган. Масалан, Шаҳрисабз беги Хўжақул 1845 йили амирнинг Шаҳрисабзга юришида Шаҳрисабз, Ўртақўрғон, Шаматон, Китоб атрофлари бўйлаб шундай хандақларни барпо этган. Шу вақтда шаҳарларда мустаҳкам мудофаа истеҳкомларини барпо этишга ҳам алоҳида эътибор берилган. Айниқса, Ўрта-тепа мудофаа истеҳкомлари анча машҳур бўлган.

Амир Музаффар (1860—1885) ҳукмронлигининг бошланиши қўшин таркиби, унинг сифат даражасига ҳам таъсир кўрсатади. Насрулло даврида барпо этилган озми-кўпми қўшин янада кўпроқ заифлашиб, ўткинчи лашкарбошилар (Шоҳрух, Усмонбек) қўлига тушиб қолади. Гарчи ўзига хос

ривожланиш тарзи давом этаётган бўлса-да, ўзаро ички низолар, сиёсий парокандалик, бидъат-хурофот ҳукмининг ўсиши, замонавий тараққиётнинг инкор этилиши, жаҳон цивилизациясидан узоқлашиш, ҳукмдорларнинг эса шу сиёсат томон юз тутишлари, мамлакат, халқ манфаатларини биринчи ўринга қўя билмасликлари туфайли ҳам Бухоро амирлиги бошқа ўзбек хонликлари сингари Россия империяси мустамлакасига айланди.

6. Россия империясининг Бухоро амирлигига қарши босқинчилик юришлари. Амирликнинг қарам давлатга айлантирилиши. Абдулмалик тўра (Катта тўра) бошчилигидаги озодлик ҳаракати

Тошкент истилосидан сўнг тез орада Бухоро – Россия ўртасидаги муносабатлар кескинлашди. 1865 йилнинг августида Бухоро амири Нажмиддинхўжа ўз элчиларини Санкт-Петербургга боради. Унинг йўлда ушлаб қолинганлигини билгач, амир яширин равишда Мулла Фахриддинни ҳам пойтахтга элчи қилиб жўнатади. Лекин бу элчилик гуруҳлари жойларга етиб боролмадилар. Дипломатик амалдор Струве 1865 йил октябрда Бухорога Черняев номидан элчи қилиб жўнатилди. Бухоро амири билан Черняев ўртасидаги ёзишмаларда амир империя қўшини Тошкентни бўшатишини ва асл мақсадларини баён қилишини талаб қилади.

1865 йил сентябрь ойининг бошларида рус қўшинлари Пистолькорс бошчилигидаги 4 та рота пиеда, 100 та казак ва 4 та енгил замбараклар билан Чирчиқ дарёсидан ўтиб, муҳим аҳоли пунктлари бўлмиш Пискент, Тўйтепа ҳамда унинг атрофидаги ерларни эгаллайди. Чирчиқ орти ерларидаги янги тайинланган амир ноиб Рустамбек эса тўқнашувдан сўнг чекинишга мажбур бўлди.

1865 йил сентябрда Оренбург генерал-губернатори Н. Крижановский шаҳарни «мустақил мулк» деб эълон қилади ва бу билан на Қўқон хонлиги ва на Бухоро амирлигига Тошкентга тегишли даъвоси бўлиши мумкин эмаслигини намойиш этмоқчи бўлади.

Черняев Тошкент олинганидан сўнг 9 кун ўтгач, ўлкадаги барча бухоролик савдогарларни ҳибсга олган эди. Июль ойида эса Черняевнинг талабига кўра Н.Крижановский Оренбург ва бошқа шаҳарларда бухоролик савдогарларни ҳибсга олдилар. Санкт-Петербург йўлидаги бухоролик элчилар эса Н.Крижановский буйруғига кўра Казалинскда тўхтатилди.

Амир эса бу воқеликлардан беҳабар бўлиб, Худоёрхонни қайта Қўқон хонлиги тахтига ўтказди. Йўл-йўлакай Хўжандни эгаллаб, империя қўшини Чирчиқортига ўтмаслигини генерал Черняевдан сўради. Амир Музаффар Черняев билан ёзишмаларида империя генералидан ўз элчиларининг ушлаб қолинишига нисбатан норозилигини билдиради. Ўз навбатида Бухоро амири унинг давлатига келган рус элчиларини жавоб тариқасида ушлаб қолишга буйруқ берди. Ушбу элчилик аъзоларини орқасига қайтариш тўғрисидаги Черняев таклифи ҳам зое кетди. Россия империяси ўзининг хатти-ҳаракатлари орқасидан Бухоро амирлиги билан муносабатларни атайлаб кескинлаштириб, уни ҳарбий можарога жалб қилмоқчи бўлди. Аслида эса 1865 йилдаёқ Бухорога қарши ҳарбий ҳаракатлар жараёни бошланган эди.

Амирнинг империя босқинига қарши давлат мустақиллиги учун тегишли тарзда кураш олиб бормаётганлиги ҳамда иккиёқлама сиёсати ҳақли равишда Бухоро аҳлининг норозилигига сабаб бўла бошлади. Пойтахтда йиғилган халқ оммаси амир саройини қуршаб олиб, уни тошбўрон қилди. Хукмдор фаолиятдан норозилик шу қадар кучайиб кетдики, ҳатто қўшбеги амирнинг Бухорони вақтинча тарк этишини сўрашга мажбур бўлди. Амир халқ оммаси норозилигидан чўчиб бир қатор истеҳкомлар, калъаларни мустаҳкамлашга киришди. Жумладан, амир Музаффар Бухоро амирлиги сарҳадларидаги муҳим қалъа ҳисобланган Жиззах истеҳкомини мустаҳкамлаш учун 100 мингтангадан зиёд пул ажратишга мажбур бўлди. Жиззах ҳарбий истеҳкомининг баландлиги 11 газ ва эни 8 газ келадиган девори барпо этилди ҳамда қалъа атрофи хандақ сув билан тўлдирилди.

Қалъа гарнизони бошлиғи этиб ҳарбий лаёқатга эга бўлмаган Муҳаммад Ёқуб қўшбеги тайинланди. Жиззахга ёрдам бериш мақсадида Ўратепадан Оллоёр девонбеги, Зоминдан Жиянхўжа тўқсоба бошчилигидаги аскарлар ҳам келиб қўшилдилар. Жиззах мудофааси юқорида кўрилган чора-тадбирлар натижасида анча мустаҳкамланди.

1866 йил 21 январда Черняев Чинозда ҳарбий куч тўплаб, Жиззах устига юриш қилишга тайёргарликни бошлади. Подполковник Пистолькорс бошчилигидаги 14 рота, 600 нафар казак ва 16 та тўпдан иборат империя қўшини Сирдарёдан ўтиб, Жиззах йўлидаги Учтепа деган жойга чиқди. 1866 йил 1 февралда Жиззах томон йўл олинди. Қаттиқ совуқ, озиқ-овқат ва ем-хашакнинг етишмаслиги империя қўшинларини оғир аҳволга солиб қўйди. Жиззах бегидан империя қўшинларига озиқ-овқат ва ем-хашак сотиш хусусидаги Черняевнинг талаби зое кетади. Жиззах беги ўз ҳолича амирдан берухсат бу ишни қилмаслигини билдиради. Шаҳар ҳимоячилари қаттиқ туриб империя қўшинларига қаршилик кўрсатдилар. Империя қўшинлари Чордара томон чекинишга мажбур бўлганлар. 8—10 минг чоғли ватан мудофаачилари империя қўшинларини ўраб олиб, уларга зарба бердилар. Айниқса, Жиянхўжа тўқсоба бошчилигидаги Жиззах мудофаачилари зўр бериб курашдилар.

Озодлик ҳаракатининг таниқли намояндаси, биргина Сиддиқ тўранинг ўзи 60 кишилик отряди билан юзлаб империя казакларини Чордарагача таъқиб этиб, кўп ҳолда уларнинг қурол-аслаҳа ва отларини ҳам тортиб олди. Империя отрядининг Жиззах юриши мағлубиятга учради. Черняев урушни давом эттириш бефойда эканлигини англаб, 1866 йил 11 февралда Тошкентга чекинишга мажбур бўлади. Черняевнинг мағлубиятли ҳарбий юриши олий даражадаги империя маъмурларини ҳам ташвишга солиб қўйди. Шу боис 1866 йил 27 мартда унинг ўрнига ҳарбий губернатор этиб «Русский инвалид» журналининг муҳаррири генерал Д.Романовский тайинланди.

Генерал Д.Романовский Черняевдан фарқли равишда Оренбург генерал-губернатори Н.Крижановский кўрсатмаларига қатъий амал қилар эди. Империя ҳукумати Д.Романовскийдан вазиятни қатъий кескинлаштирмасдан муътадил ҳаракатланиш, савдо муносабатларини жой-жойига қўйиш кўрсатилган эди. Шу билан бирга Н.Крижановский Романовскийга ёзган хатида: «Амрдан ҳамма нарсани талаб қилиб, унга ҳеч бир нарсада ён бермаслик керак», — дея таъкидлаган эди. Империя шу тариқа ҳар томонлама амирликни урушга тортишга ҳаракат қилар, Бухорога нисбатан сиёсатида тазйиқ ва зўравонлик устунлик қилар эди.

Бухорода ҳам бу вақтга келиб ижтимоий-сиёсий вазият кескинлаша борди. Амирнинг сусткашлиги, ватанпарвар кучларни ўз атрофига жалб қила олмаётганлиги биринчи навбатда зиёлилар, рухонийлар, мадраса уламо, толиблари норозилигига сабаб бўла бошлади.

Халқ оммасининг кучли норозилик оқими амирни саросимага солиб қўйди. Унинг буйруғи билан тез орада мамлакат бўйлаб, умумий сафарбарлик эълон қилинди. Натижада, тахминан 60000 дан зиёд бўлмиш озодлик кураши тарафдорлари йиғилдилар. Таъкидлаш жоизки, йиғилган аскар ва кўнгиллиларнинг аксарияти яхши қуроланмаган бўлиб, кўпчиликда 3 газ (тахм. 1 газ 50 см) келадиган содда пилта милтиқ, найзалар бор эди. Шунингдек, амир кўшинларида 36 та тўп ҳам бўлган. Аҳмад Дониш бу йиғилиш хусусида сўз юритганда уни қаттиқ танқид остига олади: «...умрида замбарак ва ўқ товушларини эшитмаган ҳамда жанг майдонини тасаввур этолмаган кишилар уни яккама-якка кураш майдони деб тушунар эдилар... Уламолар урушга чорлаганликлари билан, душман ўзи қандай, қурол-яроғи қанақа эканлиги хусусида тушунчага ҳам эга эмас эдилар...»

Амир империя кўшинлари билан урушга тайёрланаётган бир пайтда, яъни 1866 йил февраль-март ойларида Чордара бўйларида Сиддиқ тўра Кенесарин, Тошкент атрофлари, Чирчиқ бўйларила амирнинг вакили ҳисобланган Рустамбек, Ботирбек қурама, Фармон додхоҳ ўғли ва бошқаларнинг ҳа-

вақтида тўланмаганлиги баҳона қилиниб, шу баҳона Россия империясининг навбатдаги истилоси учун ниқоб қилинган ҳолда 1866 йил 23 сентябрда полковник Воронцов – Дашков бошчилигидаги ҳарбий қисм амирлик ҳудудига бостириб кирди. Генерал Д. Романовский 20 пиеда ротаси, 600 та казак, 28 та тўп билан ҳамда Н. Крижановский ҳамроҳлигида шу вақтда Бухорога қарши юришга отланган эди. У Ўратепа атрофларига қарши юришга отланган, Ўратепа атрофларини текшириб, унинг икки қатор баланд девори ва миноралари борлигини аниқлаган эди.

Деярли тўрт минг кишилиқ мудофаачиларга эга бўлган Ўратепа 1866 йил 2 октябрда забт қилиниб, шаҳар талон-торож этилиб, катта ўлжалар қўлга олинади. Империя қўшинларининг ҳарбий жиҳатдан устунлиги, бухоролик қўшиннинг заиф ташкил этилганлиги ва ҳарбий жиҳатдан қолоқлиги, Қўқон ва Бухоро ҳукмдорларининг бефарқлиги, аҳолини тақдир тақозосига ташлаб қўйганликлари, ўзаро парокандалик мустаҳкам қалъа ҳисобланган Ўратепанинг империя томонидан босиб олинishiга имкон яратган эди. Ўратепадан Жиззахга йўл олган Крижановский ва Романовский бошчилигида империя қўшини йўл-йўлакай Зоминни эгаллаб, Жиззах истилоси учун йўл олди. Империя қўшини Жиззах томон йўл олганлигини эшитган амир Музаффар ўз ҳарбий лагерини Самарқанд яқинига кўчирган эди.

Бу пайтда генерал Н. Крижановский бошчилигида империя ҳарбий қўшини Жиззахга қараб яқинлашиб келаётган эди. Жиззах қалъаси Ўрта Осиёнинг энг муҳим ҳарбий қалъаларидан бири, Самарқандга боришдаги асосий таянч нуқтаси эди. Маълумотларга кўра, Жиззах икки қатор мустаҳкам девор ва чуқур хандақлар билан ўралган, деворларнинг баландлиги 4 метр, эни 3 метргача бўлган. Жиззахга катта қўшин йиғилиб, манғитлардан бўлмиш Оллоёр девонбеги шаҳарга ҳоким этиб тайинланди. Оллоёр девонбегининг хизматида, шунингдек, 19 нафар таниқли беклар ҳам бор эди. Жиззахда бўлган амир шахсан мудофаа истеҳкомларини мустаҳкамлаш, гарнизон сонини кўпайтиришни буюради.

1866 йил 11 октябрда генерал Н.Крижановский бошчилигидаги қўшин Жиззах қамалига киришди. Шаҳарга борадиган сув йўллари беркитилиб, империя қўшини Самарқанд ва Ўратепа дарвозаларидан ҳужумга киришди. Капитан Михайловский 4 та пиёда рота ва 4 та тўп, подполковник Григорьев 4 та рота ва 4 та тўп билан ушбу дарвозалар остонасидан жой олдилар. Кейинчалик полковник Воронцов — Дашков қўмондонлигидаги 2 та рота, 200 казак ва 4 та тўп шаҳарнинг жануби-ғарбий қисмига жойлашди. Жиззах қамали бир ҳафта давом этди. Шаҳар мудофаачилари, ватанпарвар кучлар шаҳарни астойдил ҳимоя қилдилар.

Тарихчи Мирзо Абдулазим Сомий Жиззах жангидан аввалги йиғилишда бирон бир фикрга келинмаганлиги хусусида ёзиб, қамалнинг иккинчи куниданоқ шаҳар тинимсиз ўққа тутила бошланганлигини қайд этади. Дарҳақиқат, амир бу қалъа мудофаа иншоотига катта ҳарбий куч юбориб, қалъа империя қўшинлари томонидан забт этилиши мумкин эмас деб ўйлар эди.

Шаҳар мудофаачиларининг сабр-қаноати, жасоратига империя ҳарбийлари ҳам тан берганлар. Шаҳар талон-торож қилиниб, катта миқдордаги бойлик қўлга олинди. Оренбург генерал-губернатори Н.Крижановский ҳарбий вазир Милютинга телеграмма юбориб, Жиззах 18 октябрь соат 12 ларда эгалланганлигини қайд этади. Шубҳасиз, Жиззах мағлубияти амирга ҳам қаттиқ таъсир этди. Бу хусусда муаррих Мирзо Абдулазим Сомий шундай деб ёзган эди: «Ҳукмдор муттасил қайғуриб, ички заифликни тушунган ҳолда чора-тадбирлар кўра бошлади. Амир Жиззах жангидан қочиб келган ҳар бир кишини сийлаб, нимадир бўлса ҳам инъом қилди... Омон етиб келган кам сонли кишиларнинг кўпчилиги ярадор ва ҳатто отсиз, қуролсиз эди... Жиззах воқеасидан сўнг ҳукмдор Самарқанддан Кармана томон йўл олди. Самарқандда эса у Ғузор ҳокими бўлмиш ўғли — Абдулмалик тўрани, Ҳисор ҳокими Раҳмонқул парвоначини, Миёнкол қўшинини, бухоролик навкарларни, озодлик уруши тарафдорларини қолдирди. Ўзи эса кўприкни мустаҳкамлаб,

у ерда қўшин қолдирди». Жиззах жангидан сўнг Бухорода амир қўшини мағлубиятидан норози уламо ва зиёлиларнинг ҳаракати кескин тус олди. Бир вақтнинг ўзида Шерали иноқ ҳоким бўлиб турган Самарқандда ҳам аҳвол кескинлашди, шаҳарда зўравонлик авжига чиқиб, айирмачи мазҳабчилик ҳаракати кучайди.

Шу билан бирга, Россия империяси ўз олдига амирликни буткул босиб олиш режасини ҳам қўймаган, бунинг учун на халқаро аҳвол, на ички иқтисодий ҳолат, ҳарбий захиралар бунга йўл бермас, бундан ташқари, амирликда тобора кучаяётган қаршилик ҳаракати Россия империясини ҳам тинчлик сулҳини тезроқ имзолашини тақозо этарди. Оғир иқтисодий ва сиёсий аҳволда қолган ҳамда ҳарбий жиҳатдан қолақ, халқ ичида ўзининг калтабин сиёсати туфайли обрўси тобора тушиб бораётган амир ҳукумати ҳам сулҳга муҳтож эди.

Россия империяси маъмурияти томонидан биринчи сулҳ таклифлари 1866 йил 12 сентябрда Оренбург генерал-губернатори Н.А.Крижановский томонидан тақдим этилган эди. 1867 йил баҳорида Н.А.Крижановскийнинг таклифига кўра амир ўз вакили Мусабек мирохўр Ҳақимовни Оренбургга элчи қилиб жўнатган эди. 1867 йилнинг май ойида элчи Оренбургга етиб келади. Элчи истило этилган Ўратепа ва Жиззах ерларини амирга қайтариш, Сирдарёни чап чегара этиб белгилаш хусусидаги амир таклифларини баён қилди. Н.А.Крижановский ва элчи Мусабек мирохўр ўртасида музокаралар ўтказилиб, Бухоро амирлиги билан тинчлик сулҳи имзоланди. Унда чегара ўтказилиш ерлари, чегараларнинг дахлсизлиги ва уларнинг қаттиқ назорат остига олиниши, империя фуқароларига хонлик ҳудудида бемалол савдо қилиш, кўчмас мулкка эга бўлиш имкониятининг берилиши, бож солиқларининг бухоролик савдогарларга тенглаштирилиши, Бухоро амирлиги ташқи сиёсати Россия империяси манфаатларидан келиб чиққан ҳолда амалга оширилиши баён этилган эди. Лекин Туркистон генерал-губернаторлиги барпо этилиши билан бу сулҳнинг татбиқ этилиши узил-кесил тўхтатилди.

1867 йил 1 сентябрда Туркистон генерал-губернатор К.П. фон Кауфман таклиф этган 12 та моддадан иборат тинчлик сулҳи имзоланиб, элчи Мусабек мирохўр орқали амир ҳузурига тасдиқланиш учун юборилди. Унда Россия империяси эгаллаган ерлар деярли буткул уларнинг қўлларида қолиши, амирликнинг барча шаҳарларига империя савдогарлари бемалол кириш ҳуқуқига эга бўлиши, бож солиқлари бухоролик савдогарлар билан тенглаштирилиши, империя фуқаролари хоҳлаган жойларида карвонсаройлар қуриши ва хоҳлаган шаҳарларига бориши мумкинлиги, кўчмас мулкка эга бўлиш ҳуқуқи, империя фуқаролари ўз жиноятлари учун Туркистон генерал-губернатори ҳузурига жавоб беришлари лозимлиги ва бошқалар хусусида сўз борган эди. Кауфман амирга сулҳ матни билан биргаликда мактуб ҳам ёзиб, Россия билан муносабатларни кескинлаштирмасликни, акс ҳолда тегишли жавоб муқаррар эканлигини ҳам таҳдид қилиб қўяди.

Туркистон генерал-губернатори Кауфманнинг ўзи ҳам сулҳ шартномаси аслида катта давлатнинг тазйиқи ва зўравонлиги эканлигини яхши тушунар эди. Шунинг учун ҳам «уни ультиматум деб номлаш тўғрироқ бўлур эди», — деган эди. Бу нотенг ва таҳқирли шартномаларни амир тасдиқлашига ишонқирамай, 1867 йил 13 ноябрда ҳарбий вазирга ёзган хатида «Оренбург шартлари» кутилган натижани бермаслигини ҳам алоҳида таъкидлаган эди.

Элчи Мусабек мирохўр фақатгина 1867 йилнинг декабридагина Тошкентга қайтиб келди. Кауфман шартларига амир рози эканлигини элчи баён қилса-да, бироқ буни тасдиқловчи бирорта ҳужжатни ўзи билан бирга олиб келмайди. 1867 йил 19 декабрда Кауфман амирга қайта мактуб ёзиб, шартномани дарҳол имзолаш, амирлик томонидан қўлга олинган поручик Служенко ва 3 нафар империя аскарларини дарҳол орқага қайтаришни айтади. Амир Кауфман шартларини қабул қилмагудек бўлса, ўртада уруш бошланиши ҳам элчига баён этилади. Аслида сулҳга мойил бўлган амир, ватанпарвар кучлар тазйиқи, ўсиб бораётган амирликдаги халқ норозилигидан ҳайиқиб, уни имзолашни кейинга сурар эди. Шу-

нингдек, элчининг маълумотига кўра кейинчалик товон пули ҳам тўланиши лозим эди. Амир товон пулини тўлашдан халқ норозилигининг янада кучайишини англаб қўрқиши, сулҳ шартномасини имзоламасликка яна бир сабаб бўлади. Шу боис ҳам сулҳ шартномасини имзолаш вақти чўзилиб, бу пайтда иккала томон ҳам ўз ҳарбий кучларини мустаҳкамлашга ҳаракат қиладилар.

1867 йилнинг кузидан то 1868 йилнинг баҳорига қадар Бухоро — Россия муносабатларида кескинлик сақланиб турган бўлса-да, лекин сезиларли ўзгаришлар бўлгани йўқ. Империя маъмурияти бу пайтда асосан генерал-губернаторлик фаолиятини ташкил этиш билан машғул бўлиб, хонликка қарши ҳарбий юриш на иқтисодий, на ҳарбий захираларсиз бўлмаслигини тушунган эди. Бундан ташқари, амирлик Россия империясига қарши курашда маълум ҳарбий кучларга эга бўлиб, Бухорода Россия империяси босқинига қарши кайфият умумхалқ норозилигига айланганди. Ўрта Осиёнинг об-ҳавоси, иқлими империя ҳарбийларини толиқтирган, аскарлар ичида турли касалликлар кўпайган эди.

Генерал-губернатор К.П.фон Кауфман 1867 йил 13 ноябрда вазиятни таҳлил этган ҳолда ҳарбий вазир Милютинга ёзган хатида империя ҳокимиятига мавжуд ҳурматсизлик, «қулай вақтда уни ағдариб ташлаш хавфи» баланд эканлигини алоҳида таъкидлаб ўтади. Бухорога ҳарбий юриш қилиш олдидан, унинг фикрича, ўлкада мустаҳкам империя ҳокимиятига эга бўлиш зарур эди. Бухоро империя ҳукумати учун хомашё базаси, Амударё ҳавзасига олиб чиқувчи «қалит» ҳам эди. Бу хусусда Осиё департаментининг бошлиғи Стремоухов ҳам ўз фикрини баён этади. Унинг фикрига кўра, «Бухоро бозори империя маҳсулотисиз ҳам яшаши мумкин эди». Бухорога қаттиқ қизиқаётган инглизларнинг Амударё бўйларига чиқиши эса унинг фикрича, «Империя ҳокимиятининг Ўрта Осиёдаги ҳукмронлигининг барҳам топиши муқаддимаси бўлур эди». Ҳарбий вазирликнинг империя ҳокимияти таъсирини мустаҳкамлаш, ҳарбий захира кучларига эга бўлгандан сўнггина ҳарбий юриш қилиш режасини им-

ператор Александр II ўзининг «буткул маъқуллайман» деган ёзуви билан тасдиқлайди.

Бу вақтда амир 1867 йил охири — 1868 йиллар бошида Россия империяси босқинига қарши кураш олиб бориш мақсадида икки маротаба савдогарлардан пул йиғиб олади. Шунингдек, хазинани бойитиш мақсадида молиявий тадбир ҳам ўтказди.

Бир вақтнинг ўзида амирнинг ташқи ва ички сиёсатидан халқ норозилиги ҳам кучая борди. Бутун амирликда Россия империяси истилосига қарши мамлакатни чет эл босқинчиларидан озод қилиш истагидаги ватанпарвар кучлар ҳаракати таъсири ошиб борди. Бундай вазиятда амир ўз эмиссарлари (вакиллари)ни ҳарбий кўмак сўраб ҳамда Россия империясига қарши иттифоқ тўзиш мақсадида Қўқон, Хива, Афғонистон, Туркия ва Ҳиндистонга жўнатади. Афсуски, кўмак ҳақидаги кўплаб мурожаатлар ҳам жавобсиз қолди.

Генерал-губернатор Кауфман «Бухоро масаласини» тезроқ ҳал қилишни лозим деб топиб, 1868 йил 28 февралда амирга қайта мактуб йўллайди. Унда Кауфман амир томонидан озод қилинган подпоручик Служенко ва 3 нафар империя аскарлари учун амирга миннатдорчилик билдириб, тезроқ қайта юборилаётган сулҳ матнини имзолашни сўрайди. «Акс ҳолда, — деб ёзади Кауфман, — ўз ҳолича иш тутишим, бунинг учун император томонидан берилган кенг ваколатлар менда мавжудлигини эслатиб қўймоқчиман», — дея дағдаға ҳам қилади.

Шунингдек, дипломатик вакил бўлган, маслаҳатчи Струве ҳам қўшбегига хат ёзиб, амирни тезроқ сулҳ имзолашга кўндиришни сўрайди. Кауфман Бухоро амирлиги савдо шартномасини имзолаб, тезда Россия империяси вассалига айланади, деган фикрда эди. Шу сабабли ҳам у тезроқ нотенг сулҳ шартномасини имзолашни талаб этаётган эди. 1868 йилнинг 2 мартида қўшбегидан, 15 мартда эса сулҳ масаласи бўйича амирдан мактублар келади. Амир сулҳ матни масалалари бўйича ўз вакили Мирза Шамсиддинни генерал-губернатор ҳузурига йўллаётганлигини баён этади. Гарчи амир ўз

нингдек, элчининг маълумотига кўра кейинчалик товон пули ҳам тўланиши лозим эди. Амир товон пулини тўлашдан халқ норозилигининг янада кучайишини англаб қўрқиши, сулҳ шартномасини имзоламасликка яна бир сабаб бўлади. Шу боис ҳам сулҳ шартномасини имзолаш вақти чўзилиб, бу пайтда иккала томон ҳам ўз ҳарбий кучларини мустаҳкамлашга ҳаракат қиладилар.

1867 йилнинг кузидан то 1868 йилнинг баҳорига қадар Бухоро — Россия муносабатларида кескинлик сакланиб турган бўлса-да, лекин сезиларли ўзгаришлар бўлгани йўқ. Империя маъмурияти бу пайтда асосан генерал-губернаторлик фаолиятини ташкил этиш билан машғул бўлиб, хонликка қарши ҳарбий юриш на иқтисодий, на ҳарбий захираларсиз бўлмаслигини тушунган эди. Бундан ташқари, амирлик Россия империясига қарши курашда маълум ҳарбий кучларга эга бўлиб, Бухорода Россия империяси босқинига қарши кайфият умумхалқ норозилигига айланганди. Ўрта Осиёнинг об-ҳавоси, иқлими империя ҳарбийларини толиқтирган, аскарлар ичида турли касалликлар кўпайган эди.

Генерал-губернатор К.П.фон Кауфман 1867 йил 13 ноябрда вазиятни таҳлил этган ҳолда ҳарбий вазир Милютинга ёзган хатида империя ҳокимиятига мавжуд ҳурматсизлик, «қулай вақтда уни ағдариб ташлаш хавфи» баланд эканлигини алоҳида таъкидлаб ўтади. Бухорога ҳарбий юриш қилиш олдидан, унинг фикрича, ўлкада мустаҳкам империя ҳокимиятига эга бўлиш зарур эди. Бухоро империя ҳукумати учун хомашё базаси, Амударё ҳавзасига олиб чиқувчи «калит» ҳам эди. Бу хусусда Осиё департаментининг бошлиғи Стремоухов ҳам ўз фикрини баён этади. Унинг фикрига кўра, «Бухоро бозори империя маҳсулотисиз ҳам яшаши мумкин эди». Бухорога қаттиқ қизиқаётган инглизларнинг Амударё бўйларига чиқиши эса унинг фикрича, «Империя ҳокимиятининг Ўрта Осиёдаги ҳукмронлигининг барҳам топиши муқаддимаси бўлур эди». Ҳарбий вазирликнинг империя ҳокимияти таъсирини мустаҳкамлаш, ҳарбий захира кучларига эга бўлгандан сўнггина ҳарбий юриш қилиш режасини им-

ператор Александр II ўзининг «буткул маъқуллайман» деган ёзуви билан тасдиқлайди.

Бу вақтда амир 1867 йил охири — 1868 йиллар бошида Россия империяси босқинига қарши кураш олиб бориш мақсадида икки маротаба савдогарлардан пул йиғиб олади. Шунингдек, хазинани бойитиш мақсадида молиявий тадбир ҳам ўтказди.

Бир вақтнинг ўзида амирнинг ташқи ва ички сиёсатидан халқ норозилиги ҳам кучая борди. Бутун амирликда Россия империяси истилосига қарши мамлакатни чет эл босқинчиларидан озод қилиш истагидаги ватанпарвар кучлар ҳаракати таъсири ошиб борди. Бундай вазиятда амир ўз эмиссарлари (вакиллари)ни ҳарбий кўмак сўраб ҳамда Россия империясига қарши иттифок тўзиш мақсадида Қўқон, Хива, Афғонистон, Туркия ва Ҳиндистонга жўнатади. Афсуски, кўмак ҳақидаги кўплаб мурожаатлар ҳам жавобсиз қолди.

Генерал-губернатор Кауфман «Бухоро масаласини» тезроқ ҳал қилишни лозим деб топиб, 1868 йил 28 февралда амирга қайта мактуб йўллайди. Унда Кауфман амир томонидан озод қилинган подпоручик Служенко ва 3 нафар империя аскари учун амирга миннатдорчилик билдириб, тезроқ қайта юборилаётган сулҳ матнини имзолашни сўрайди. «Акс ҳолда, — деб ёзади Кауфман, — ўз ҳолича иш тутишим, бунинг учун император томонидан берилган кенг ваколатлар менда мавжудлигини эслатиб қўймоқчиман», — дея дағдаға ҳам қилади.

Шунингдек, дипломатик вакил бўлган, маслаҳатчи Струве ҳам қўшбегига хат ёзиб, амирни тезроқ сулҳ имзолашга кўндиришни сўрайди. Кауфман Бухоро амирлиги савдо шартномасини имзолаб, тезда Россия империяси вассалига айланади, деган фикрда эди. Шу сабабли ҳам у тезроқ нотенг сулҳ шартномасини имзолашни талаб этаётган эди. 1868 йилнинг 2 мартда қўшбегидан, 15 мартда эса сулҳ масаласи бўйича амирдан мактублар келади. Амир сулҳ матни масалалари бўйича ўз вакили Мирза Шамсиддинни генерал-губернатор ҳузурига йўллаётганлигини баён этади. Гарчи амир ўз

фикрларини дипломатик тарзда равон ёзса-да, сулҳ матнидан унинг норозилиги яққол сезилиб турар эди. Амир вақтни тобора чўзаётганлиги, бу эса ўз-ўзидан бўлмаётганлиги ва у сулҳни имзоламаслигини Кауфман ҳам тушуниб етган эди. Генерал-губернатор Кауфман амир мактубини олмасданок 1868 йил 14 мартда ҳарбий вазир А.Милютинга ёзган мактубида, турли баҳоналар билан сулҳ имзоланмаётганлигини уқтириб ўтади ҳамда кейинги мактуби (1868 йил 22 март)да амирликка қарши ҳарбий юриш муқаррар бўлишини таъкидлаб ўтади.

Оғир аҳволга тушиб қолган, «амирликка қарши юришга вақт етиб келди» деб ҳисоблаган Кауфман 1868 йил 18 апрелда Тошкентдан Жиззах томонга йўлга чиқиб, 19 апрель куни Сирдарёнинг чап қирғоғига ўтди. Хоинлик йўлига ўтган афғон Искандархон ҳам шу ерда империя аскарларига келиб қўшилади. Жиззахда 25 рота, 700 нафар казак, 16 тўп, жами 3500 кишилик империя қўшинига эга бўлган генерал-губернатор К.П.фон Кауфман шу ердан туриб Самарқанд аҳлига мурожаат билан чиқади. Ушбу мурожаатда (у 1868 йил 22 апрелда баён этилган эди) амир «якши ниятдаги» империя ҳарбий маъмуриятини тушунмасликда ва қолаверса, барча «гуноҳ»ларда уни айблаб, Бухорога қарши ҳарбий юриш қилаётганлигини очикдан-очик айтади.

Амир Самарқандга бормаи, у ерга ўз вақили Мирза Шамсиддинни юборади. Бир вақтнинг ўзида Самарқанд ёнидаги Чўпонота тепаликларига кўнгиллилар ва амир сарбозлари билан кела бошлайди. 1868 йил 1 майда Мирза Шамсиддин Кауфмандан бир кундан сўнг янги элчи келишини, империя қўшинлари Янгикўрғонга кайтиши хусусидаги амир сўровини топширади. Амир томонидан унинг ўзи тузган тинчлик битимини Низомиддин хожа судур Кауфманга топширганида, генерал-губернатор бу олдинги сулҳ матни эмаслигини баҳона қилиб, уни рад этади. Кауфманга эса аслида ҳеч қандай сулҳнинг ҳам кераги йўқ бўлиб, унинг мақсади аслида амирликни Россия империясига тобе қилиш эди.

1868 йил 1 майда Самарқанд ёнидаги Чўпонота тепаликларида бухоролик аскарлар, халқ кўнгиллилари ҳамда империя

қўшинлари ўртасида жанг бошланди. Империя томонидан бу жангга Кауфман назорати остида генерал Головачев асосий ҳаракатларни олиб боради. Чўпонотадаги ватанпарвар кучлар сони маълумотларга кўра, 12000 пиёда аскар, 3000 отлик, 1500 тўпчи. Жами 40 та тўп тепаликнинг икки томонига қўйилган эди. Муаррих Аваз Муҳаммад хабарига кўра, ҳимоячилар орасида «сулҳ тузилар эмиш» деган гапларнинг тарқалиши, ҳимоячиларнинг бир қисмини иккилантиришга ҳам солиб қўйган эди. Аҳмад Донишнинг ёзишича, Чўпонота жангидаги бухоролик тўпларнинг кўпи яроқсиз бўлган. Жанг кескин равишда бўлди. Гарчи бухоролик қўшин қулай ерда жойлашган бўлса-да, саркардаларнинг нўноқлиги ва парокандалиги, ҳарбий техниканинг қолоқлиги, аскарларнинг замонавий жанг хусусидаги тушунчаларининг йўқлиги, ўзаро ички низолар, буларнинг ҳаммаси жангни истилочи қўшин фойдасига ҳал бўлишига олиб келди. Кауфман бу жангнинг аҳамиятини пасайиб кўрсатишга уринса-да, кўплаб империя манбалари бухоролик аскарларнинг қаҳрамонлиги, юрт ҳимояси учун қаҳрамонона кураш олиб борганликларини қайд этиб ўтишади. Чўпонотадаги амирлик мағлубияти аслида Самарқанд тақдирини ҳал этган эди. Амирнинг калтабин сиёсатидан, шаҳар ҳокими Шерали иноқнинг зулмидан чарчаган аҳли Самарқанд 1868 йил 2 майда қозикалон бошчилигидаги вакиллар томонидан мажбуран Кауфманга таслим бўлади. Шарқнинг қадимий ва гўзал шаҳри, соҳибқирон пойтахти империя қўшини қўлига ўтганлиги хусусида генерал-губернатор дарҳол императорга телеграмма юборади.

Самарқанднинг истило этилиши Бухородаги ватанпарварлар кучлар кайфиятига салбий таъсир кўрсатди. Амир ҳам бу қадимий ва нуфузи баян шаҳарнинг қўлдан кетганлигига қаттиқ азият чекди. 1868 йил 11 майда, яъни Самарқанд олинганидан сўнг генерал-губернатор уни рўқач қилиб, амирга мактуб ёзади. Муносабатлар кескинлашувида амирни буткул «айбдор» деб ҳисоблаб, янги сулҳ шартларини имзолашни сўрайди. Сулҳ асосан илгариги моддалардан

иборат бўлиб, А.Донишнинг ёзишига кўра, амир яна душманга 170000 олтин танга миқдорда ўлпон ҳам тўлаши зарур бўлган. Кауфман амирликнинг муҳим стратегик бўғинларини қўлга олган бўлиб, амир шу боис сулҳни сўзсиз қабул қилади деган фикрда эди.

Самарқанд олинганидан сўнг, гарчи Россия ташқи ишлар вазирлиги ва ҳарбий вазирлик иштирокида «Осиёнинг ичкарисига кириб боришни тўхтатиш ва қўшинларни ўз жойларига қайтариш» хусусида телеграф хабарномаси Туркистон генерал-губернаторига юборилган бўлса-да, Кауфман ўзгача йўлни тутишни маъқул деб топди. Чунки империя ҳукумати-нинг тавсияси аслида бир ниқоб бўлиб, уларнинг асл ниятларини яширар эди. Бу йўриқномалар хусусида Кауфманга хабар берган ҳарбий вазир Д.Милютин юқоридаги фикрларни таъкидлаб, бу йўриқнома «умумий кўрсатма» эканлигини, вазиятга қараб иш тутиш лозимлигини уқтириб ўтади. Самарқанд ишғол этилганидан сўнг чақирилган ҳарбий кенгаш, Бухорога қарши ҳарбий ҳаракатлар, хонликнинг «сиёсий жиҳатдан» тугатилгунга қадар бўлишини маълум қилди. Барча босиб олинган ерлар, жумладан, Самарқанд ҳам Россия империяси таркибида сўзсиз қолиши кенгаш қарорига киритилди. Лекин бу ҳол халқаро муносабатларда кескинликни кучайтирар, биринчи навбатда Англия бу воқеликни хотиржам қабул қила олмас эди. Бундан ташқари, С.Петербургдаги баъзи сиёсий маҳкамалар ҳам ошқора босқин бўлганлигини тан олишни хоҳлашмас эди.

Юқоридаги мулоҳазалар ва тегишли сиёсий маҳкамалар таклифи билан Кауфман «то тинчлик сулҳи тузилгунча Самарқанд империя қўлида гаров сифатида ушлаб турилади» деган сохта баҳона билан чиқади. Кауфман Самарқандни империяга бўйсунувчи алоҳида маъмурий бирлик ёки хонлик қилиниши масаласида, ҳатто амирнинг жияни Сайид Абдулла билан ҳам ўзаро муносабатларни ўрнатмоқчи бўлди. Лекин Сайид Абдулланинг ватанпарвар кучлар томонига ўтиб кетиши бу ҳаракат бефойда бўлганлигини аён қилди.

Самарқанд нафақат тарихий-маънавий аҳамиятга эга, балки унинг эгалланиши амирликда сув масаласида ҳам ҳал

қилувчи аҳамиятга эга эди. Зарафшон воҳасининг империя маъмурияти қўлига ўтиши, амирликни сувсиз қолдириш, уни қурғоқчилик ва очарчиликка ҳам маҳкум этиш мумкинлигидан далолат берар эди. Империя ҳарбийлари бу пайтда музокаралар олиб бориши ёки тинчлик сулҳи тузилишидан қатъи назар истилочилик ҳаракатларини давом эттирдилар. 1868 йил 6 майда майор Штемпел Челакка юриш қилиб, уни босиб олади. Империя ҳарбийлари бухороликларнинг қўрғон ва ҳарбий казармаларини бузиб ташлайдилар. 1868 йил 11 майда полковник Абрамов бошчилигидаги 6 пиёда рота, 200 нафар казакдан иборат ҳарбий қисм Ургутга йўл олади.

Ургутни топшириш юзасидан Ургут беги Ҳусайнбек билан музокаралар олиб бориш ҳаракати пучга чиқди. Ургут ёнидаги қаттиқ жанг 12 май куни тўхтовсиз давом этгач, шаҳар деворларини бузиш эвазига империя қўшини шаҳарга бостириб кирди. Шаҳарда кўча жанглари яна 3 соат давом этади. Ҳарбий жиҳатдан устунликка эга бўлган империя қўшини 6.000 кишилик шаҳар ҳимоячиларини мағлубиятга учратиб, шаҳарни ишғол этдилар.

Империя қўшинлари амирни сулҳ имзолатишга мажбур қилиш мақсадида ҳарбий юришларни янада жадаллаштиришади. 1868 йил 18 майда Сирдарё вилояти қўшинлари бошлиғи генерал-майор Головачев Каттақўрғонни эгаллайди. Каттақўрғон ҳокими Умарбек Шаҳрисабзга чекинади. Генерал-губернатор Каттақўрғонга етиб келган куни (21 май) унинг ҳузурига Бухородан 2 та вакил элчи бўлиб келиб, унга тинчлик сулҳи тузиш хусусида амир фикрини баён этишади. Кауфман эндиликда олдинги сулҳ матнини ўзгартириш пайига тушади. Чунки унинг фикрича «вазият ўзгарган», эндиликда сулҳга бошқача тартибда ёндашув лозим деб ҳисоблайди. Сулҳга 2 та ҳужжат қўшилади. Уларга кўра амир империя босиб олган барча ерларни, жумладан, Каттақўрғонни ҳам унинг ихтиёрида деб тан олиши, амирлик ҳарбий товон пули сифатида 125.000 тилла танга (500.000 империя рублига тенг) тўлаши лозим эди. Товон пулининг 10.000 тангаси зудлик билан тўланиши, 90.000 танга 30 кун ичида, 25.000 танга 1 йил мобайнида тўланиши шарт эди.

иборат бўлиб, А.Донишнинг ёзишига кўра, амир яна душманга 170000 олтин танга миқдорда ўлпон ҳам тўлаши зарур бўлган. Кауфман амирликнинг муҳим стратегик бўғинларини қўлга олган бўлиб, амир шу боис сулҳни сўзсиз қабул қилади деган фикрда эди.

Самарқанд олинганидан сўнг, гарчи Россия ташқи ишлар вазирлиги ва ҳарбий вазирлик иштирокида «Осиёнинг ичкарисига кириб боришни тўхтатиш ва қўшинларни ўз жойларига қайтариш» хусусида телеграф хабарномаси Туркистон генерал-губернаторига юборилган бўлса-да, Кауфман ўзгача йўлни тутишни маъқул деб топди. Чунки империя ҳукумати-нинг тавсияси аслида бир ниқоб бўлиб, уларнинг асл ниятларини яширар эди. Бу йўриқномалар хусусида Кауфманга хабар берган ҳарбий вазир Д.Милютин юқоридаги фикрларни таъкидлаб, бу йўриқнома «умумий кўрсатма» эканлигини, вазиятга қараб иш тутиш лозимлигини уқтириб ўтади. Самарқанд ишғол этилганидан сўнг чақирилган ҳарбий кенгаш, Бухорога қарши ҳарбий ҳаракатлар, хонликнинг «сиёсий жиҳатдан» тугатилгунга қадар бўлишини маълум қилди. Барча босиб олинган ерлар, жумладан, Самарқанд ҳам Россия империяси таркибида сўзсиз қолиши кенгаш қарорига киритилди. Лекин бу ҳол халқаро муносабатларда кескинликни кучайтирар, биринчи навбатда Англия бу воқеликни хотиржам қабул қила олмас эди. Бундан ташқари, С.Петербургдаги баъзи сиёсий маҳкамалар ҳам ошқора босқин бўлганлигини тан олишни хоҳлашмас эди.

Юқоридаги мулоҳазалар ва тегишли сиёсий маҳкамалар таклифи билан Кауфман «то тинчлик сулҳи тузилгунча Самарқанд империя қўлида гаров сифатида ушлаб турилади» деган сохта баҳона билан чиқади. Кауфман Самарқандни империяга бўйсунувчи алоҳида маъмурий бирлик ёки хонлик қилиниши масаласида, ҳатто амирнинг жияни Сайид Абдулла билан ҳам ўзаро муносабатларни ўрнатмоқчи бўлди. Лекин Сайид Абдулланинг ватанпарвар кучлар томонига ўтиб кетиши бу ҳаракат бефойда бўлганлигини аён қилди.

Самарқанд нафақат тарихий-маънавий аҳамиятга эга, балки унинг эгаллиниши амирликда сув масаласида ҳам ҳал

қилувчи аҳамиятга эга эди. Зарафшон воҳасининг империя маъмурияти қўлига ўтиши, амирликни сувсиз қолдириш, уни қурғоқчилик ва очарчиликка ҳам маҳқум этиш мумкинлигидан далолат берар эди. Империя ҳарбийлари бу пайтда музокаралар олиб бориши ёки тинчлик сулҳи тузилишидан қатъи назар истилочилик ҳаракатларини давом эттирдилар. 1868 йил 6 майда майор Штемпел Челакка юриш қилиб, уни босиб олади. Империя ҳарбийлари бухороликларнинг қўрғон ва ҳарбий казармаларини бузиб ташлайдилар. 1868 йил 11 майда полковник Абрамов бошчилигидаги 6 пиеда рота, 200 нафар казакдан иборат ҳарбий қисм Ургутга йўл олади.

Ургутни топшириш юзасидан Ургут беги Ҳусайнбек билан музокаралар олиб бориш ҳаракати пучга чиқди. Ургут ёнидаги қаттиқ жанг 12 май куни тўхтовсиз давом этгач, шаҳар деворларини бузиш эвазига империя қўшини шаҳарга бостириб кирди. Шаҳарда кўча жанглари яна 3 соат давом этади. Ҳарбий жиҳатдан устунликка эга бўлган империя қўшини 6.000 кишилик шаҳар ҳимоячиларини мағлубиятга учратиб, шаҳарни ишғол этдилар.

Империя қўшинлари амирни сулҳ имзолатишга мажбур қилиш мақсадида ҳарбий юришларни янада жадаллаштиришади. 1868 йил 18 майда Сирдарё вилояти қўшинлари бошлиги генерал-майор Головачев Каттақўрғонни эгаллайди. Каттақўрғон ҳокими Умарбек Шаҳрисабзга чекинади. Генерал-губернатор Каттақўрғонга етиб келган куни (21 май) унинг ҳузурига Бухородан 2 та вакил элчи бўлиб келиб, унга тинчлик сулҳи тузиш хусусида амир фикрини баён этишади. Кауфман эндиликда олдинги сулҳ матнини ўзгартириш пайига тушади. Чунки унинг фикрича «вазият ўзгарган», эндиликда сулҳга бошқача тартибда ёндашув лозим деб ҳисоблайди. Сулҳга 2 та ҳужжат қўшилади. Уларга кўра амир империя босиб олган барча ерларни, жумладан, Каттақўрғонни ҳам унинг ихтиёрида деб тан олиши, амирлик ҳарбий товон пули сифатида 125.000 тилла танга (500.000 империя рублига тенг) тўлаши лозим эди. Товон пулининг 10.000 тангаси зудлик билан тўланиши, 90.000 танга 30 кун ичида, 25.000 танга 1 йил мобайнида тўланиши шарт эди.

Генерал-губернатор Кауфман 1868 йил 23 май сулҳ шартларига қўшимча равишда амирга мактуб ёзиб, агар амир бу шартларни қабул қилмаса «Унинг устига барча кулфатлар ёғилиши, кейинги сулҳ шартлари эса бундан баттар оғир бўлишини» ҳам пўписа қилди. Табиғки, Кауфман Бухородаги оғир ижтимоий-сиёсий аҳволни билган ҳолда ушбу шартларни олдинга суриб, амирликни буткул парокандага учратмоқчи эди. Амир эса оғир ички сиёсий аҳвол юкоридаги сулҳ шартларини бажаришга имкон бермаслигини тушуниб, уни имзоламади.

Бухоро амирлиги ва Россия империяси ўртасидаги ҳал қилувчи жанг 1868 йил 1 июнда Зирабулоқда бўлиб ўтди. Амир томонига ўтган Сиддиқ тўра, амирнинг таклифи билан Хўжақўрғонда туриб ҳаракат қилиш керак эди. Амир жангдан аввал ўз аскарлари, қўшинига қарата уларни руҳлантириш мақсадида мурожаат билан чиқади. Бу мурожаат тўп замбараклари садоси остида қўшинга етказилди. Империя қўшинига Писталькорс, Абрамов бош бўлиб, умумий раҳбарлик генерал Головачев зиммасига юклатилди. Жанг ниҳоятда кескин бўлиб, бухоролик қўшиндан 1000 нафари ҳалок бўлганлигини маҳаллий муаррихлардан бири ҳам эслатиб ўтади. Амир қўшинларига Усмонбек тўқсоба билан, Ҳожи Румийлар бошчилик қилишади. Аввал бошда бухороликларнинг қўли устун келади. Бухоролик навкарлар қаҳрамонлик билан курашадилар. Жанг авжига чиққан вақтида Усмонбек тўқсоба негадир карнай чалиб, ўз қисмини орқага чақириб чекинган эди. Кейинчалик Ҳожи Румий ҳам чекинади. Писталькорс, Головачев қўшинлари қолган душманларни таъқиб этишни бошлайди.

Амир Зирабулоқдаги мағлубиятдан сўнг, халқ норозилиги янада авж олинисидан чўчиб, Қизилқум томонга йўл олади. Амир мағлубиятидан норози омма Дарвозмозор ёнига тўпландилар. Бир вақтнинг ўзида 1868 йил 2 июнда Абдулмалик тўра бошчилигидаги ватанпарвар кучлар ҳамда Самарқанд аҳли бирликда истилочилигига қарши бош кўтарадилар. Деярли бир ҳафта давом этган қўзғолон, 8 июнда генерал-гу-

бернатор К.Кауфман томонидан шафқатсиз тарзда бостирилиб, қўзғолончилар қаттиқ жазоланади. Шаҳар эса империя қўшинларига талончилик учун берилади.

Самарқанд қўзғолонининг шафқатсиз бостирилиши эса, амирни кейинги ҳарбий ҳаракатлар бефойда, сулҳдан бошқа Бухоро ҳукмдорининг иложи йўқлигини яна бир карра тасдиқлаган эди. Шу боис Карманада чакирилган кенгаш урушни тўхтатиш хусусидаги амир фикрини маъқуллайди. Амир барча қўшинни ва қурол-яроғларни «оқ подшоҳга топширишни ва ундан Мақкага хажга кетишга рухсат беришни» сўрайди. Шунингдек, у «ўлимим яқин ва тақдирим халқ қўлида», — деб тақдирга тан берган эди. 1868 йил 12 июнда амир вақиллари Мироҳўр Мусабеков ва Турсунҳожилар амирнинг таслим бўлганлиги ҳамда сулҳ тузишга тайёр эканлигини билдириши учун генерал — губернатор Кауфман хузурига келдилар.

Генерал-губернатор амир элчиларига амирликни тугатиш унинг режаларига кирмаслигини, Бухоро билан «дўстона муносабатлар»ни ўрнатиш ниятида эканлигини ҳамда ўзи олиб борган курашлари амирнинг «айби» туфайли бўлиб, у «тинчлик учун»гина кураш олиб борганлиги тўғрисидаги сохта, баландпарвоз гапларни айтади. Кауфманнинг таҳқирли сулҳ шартномаси хусусидаги талабига жавобан амир 1868 йил 20 июнда империя маъмурияти юборган сулҳ матнини имзолаши, ўз сўзларини исботи сифатида талаб қилинган 125.000 тилланинг бир қисми — 10.000 тиллани ўз элчилари Мулла Яҳёхўжа, Мироҳўр Мусабеков ва Фозил муфтийлар орқали жўнатаётганлигини ёзиб юборади. 1868 йил 23 июнда амир сулҳ шартномасига имзо чекди. Унга кўра амирлик ўз мустақиллигини йўқотиб, Россия империяси вассаллигини тан олди. Империя томонидан эгаллаган ерлар — Ўратепа, Хўжанд, Жиззах, Каттақўрғон ва Самарқанд Россия империяси таркибига кирганлиги тан олинди. Сулҳ шартига кўра амир 500.000 империя рубли (125.000 Бухоро тилласи) миқдоридан товон пулини тўлашга рози бўлди. Шартларга кўра амир империя фуқароларига эркин савдо қилиш, савдо агентликларини ташкил этиш, бож солиқларини камайтириш, им-

Генерал-губернатор Кауфман 1868 йил 23 май сулҳ шартларига қўшимча равишда амирга мактуб ёзиб, агар амир бу шартларни қабул қилмаса «Унинг устига барча кулфатлар ёғилиши, кейинги сулҳ шартлари эса бундан баттар оғир бўлишини» ҳам пўписа қилди. Табиғки, Кауфман Бухородаги оғир ижтимоий-сиёсий аҳволни билган ҳолда ушбу шартларни олдинга суриб, амирликни буткул парокандага учратмоқчи эди. Амир эса оғир ички сиёсий аҳвол юкоридаги сулҳ шартларини бажаришга имкон бермаслигини тушуниб, уни имзоламади.

Бухоро амирлиги ва Россия империяси ўртасидаги ҳал қилувчи жанг 1868 йил 1 июнда Зирабулоқда бўлиб ўтди. Амир томонига ўтган Сиддиқ тўра, амирнинг таклифи билан Хўжақўрғонда туриб ҳаракат қилиш керак эди. Амир жангдан аввал ўз аскарлари, қўшинига қарата уларни руҳлантириш мақсадида мурожаат билан чиқади. Бу мурожаат тўп замбараклари садоси остида қўшинга етказилди. Империя қўшинига Писталькорс, Абрамов бош бўлиб, умумий раҳбарлик генерал Головачев зиммасига юклатилди. Жанг ниҳоятда кескин бўлиб, бухоролик қўшиндан 1000 нафари ҳалок бўлганлигини маҳаллий муаррихлардан бири ҳам эслатиб ўтади. Амир қўшинларига Усмонбек тўқсоба билан, Ҳожи Румийлар бошчилик қилишади. Аввал бошда бухороликларнинг қўли устун келади. Бухоролик навкарлар қаҳрамонлик билан курашадилар. Жанг авжига чиққан вақтида Усмонбек тўқсоба негадир карнай чалиб, ўз қисмини орқага чақириб чекинган эди. Кейинчалик Ҳожи Румий ҳам чекинади. Писталькорс, Головачев қўшинлари қолган душманларни таъқиб этишни бошлайди.

Амир Зирабулоқдаги мағлубиятдан сўнг, халқ норозилиги янада авж олинишидан чўчиб, Қизилқум томонга йўл олади. Амир мағлубиятидан норози омма Дарвозмозор ёнига тўпландилар. Бир вақтнинг ўзида 1868 йил 2 июнда Абдулмалик тўра бошчилигидаги ватанпарвар кучлар ҳамда Самарқанд аҳли бирликда истилочилигига қарши бош кўтарадилар. Деярли бир ҳафта давом этган қўзғолон, 8 июнда генерал-гу-

бернатор К.Кауфман томонидан шафқатсиз тарзда бостирилиб, қўзғолончилар қаттиқ жазоланади. Шаҳар эса империя қўшинларига талончилик учун берилади.

Самарқанд қўзғолонининг шафқатсиз бостирилиши эса, амирни кейинги ҳарбий ҳаракатлар бефойда, сулҳдан бошқа Бухоро ҳукмдорининг иложи йўқлигини яна бир карра тасдиқлаган эди. Шу боис Карманада чакирилган кенгаш урушни тўхтатиш хусусидаги амир фикрини маъқуллайди. Амир барча қўшинни ва қурол-яроғларни «оқ подшоҳга топширишни ва ундан Маккага хажга кетишга рухсат беришни» сўрайди. Шунингдек, у «ўлимим яқин ва тақдирим халқ қўлида», — деб тақдирга тан берган эди. 1868 йил 12 июнда амир вақиллари Мироҳўр Мусабеков ва Турсунҳожилар амирнинг таслим бўлганлиги ҳамда сулҳ тузишга тайёр эканлигини билдириши учун генерал — губернатор Кауфман ҳузурига келдилар.

Генерал-губернатор амир элчиларига амирликни тугатиш унинг режаларига кирмаслигини, Бухоро билан «дўстона муносабатлар»ни ўрнатиш ниятида эканлигини ҳамда ўзи олиб борган курашлари амирнинг «айби» туфайли бўлиб, у «тинчлик учун»гина кураш олиб борганлиги тўғрисидаги сохта, баландпарвоз гапларни айтади. Кауфманнинг таҳқирли сулҳ шартномаси хусусидаги талабига жавобан амир 1868 йил 20 июнда империя маъмурияти юборган сулҳ матнини имзолаши, ўз сўзларини исботи сифатида талаб қилинган 125.000 тилланинг бир қисми — 10.000 тиллани ўз элчилари Мулла Яҳёхўжа, Мироҳўр Мусабеков ва Фозил муфтийлар орқали жўнатаётганлигини ёзиб юборади. 1868 йил 23 июнда амир сулҳ шартномасига имзо чекди. Унга кўра амирлик ўз мустақиллигини йўқотиб, Россия империяси вассаллигини тан олди. Империя томонидан эгалаган ерлар — Ўратепа, Хўжанд, Жиззах, Каттақўрғон ва Самарқанд Россия империяси таркибига кирганлиги тан олинди. Сулҳ шартига кўра амир 500.000 империя рубли (125.000 Бухоро тилласи) миқдоридан товон пулини тўлашга рози бўлди. Шартларга кўра амир империя фуқароларига эркин савдо қилиш, савдо агентликларини ташкил этиш, бож солиқларини камайтириш, им-

перия фуқароларининг ҳақ-ҳуқуқлари ҳамда мол-мулклари хавфсизлигини таъминлашга доир мажбуриятларни ўз бўйнига олди. Чегара масалалари бўйича эса подполковник Шауфс бошчилигидаги комиссия унга аниқлик киритадиган бўлди. Сулҳ натижасида Бухоро амирлиги Зарафшон воҳасининг асосий қисми ва стратегик муҳим ҳисобланган ерларидан маҳрум бўлди. Асосий ирригация шохобчалари, ҳосилдор ерлар империя ихтиёрига ўтиб кетди. Амирликни сувсиз қолдириш, қурғоқчиликка маҳкум этиш эҳтимоли мустамлакачи ҳарбий маъмурият қўлига ўтди.

1868 йил 24 июнда расман Бухоро амирлиги билан уруш тугаганлиги эълон қилинди. Босиб олинган ерлардан генерал-майор Абрамов бошчилигида Зарафшон округи ташқил этилди. У ўз навбатида 2 қисмга: Каттақўрғон ва Самарқанд бўлимларига бўлиниб, уларга подполковник Карганов ва старшина Серовлар бошлиқ этиб тайинландилар.

Туркистон генерал-губернатори К.П.фон Кауфман уруш тугаганлиги хусусида 1868 йил 24 ва 25 июнь кунлари ҳарбий вазир Д.Милютин ва канцлер А.Горчаковга ёзган рапортларида, Зарафшон воҳаси муҳим стратегик аҳамиятга эга эканлигини, уни тортиб олиш амирликни заифлаштириб, Россия империясига қарамлигини кучайтиришини баён қилди. Жумладан, генерал-губернатор шундай деб ёзган эди: «Ўз тажрибамга таяниб шуни айтишим лозимки, Бухоро хонлигини келгусида янада заифлаштириб, амир обрўсини Ўрта Осиёда янада пасайтириш керак... Амир қўлида маблағлар бўлар экан, у бизга қарши кураш олиб бораверади. Шу боис ундан ушбу маблағларни тортиб олиш керак. Унинг асосий манбаи Зарафшон воҳаси эди, эндиликда бу воҳа бизнинг ҳудудга қўшиб олинди». Туркистондаги империя ҳарбий маъмуриятининг амирликка нисбатан сиёсати моҳияти шу тарзда баён этилган эди. Амирликни буткул тугатиш айна воқелик баён этилаётган пайтда Россия империяси сиёсий-стратегик мақсадларига кирмас эди. Бухоро амирлигига қарши ҳарбий ҳаракатлар деярли икки йил мобайнида давом этиб, сиёсий ва иқтисодий жиҳатдан империя мақсадлари-

га тўла мос келмаган эди. Бухоро амирлигига нисбатан қилинган ҳарбий юришлар ўз навбатида бошқа истилочилик юришларига нисбатан анча оғир кечиб, умумхалқ озодлик ҳаракатининг қаттиқ қаршилигига дуч келади.

Абдулмалик тўра (Катта тўра) бошчилигидаги озодлик ҳаракати

Бухоро амирлигидаги биринчи халқ-озодлик кураши раҳбари, Россия империяси истилосига қарши туриб, Бухоро халқи озодлик кураши йўлбошчисига айланган Абдулмалик (Катта тўра) Амир Музаффарнинг (1823-1885) тўнғич ўғли, тахт валяҳди бўлиб, 1848 йили Бухорода таваллуд топган эди.

Тахт ворисларини меросхўр унвонига тенг бўлган Катта тўра фахрий номи билан номлаш одат бўлган. Одатда «тўра» сўзини хон ўқиллари номига, шаҳзодалар исмига қўшиб айтиш ҳурмат даражаси ҳисобланган. Шу боис ҳам Абдулмалик тўра «Катта тўра» номи билан ҳам (яъни катта ўқил, меросхўр маъносида) тарихда из қолдирган.

Абдулмалик (Катта тўра) Бухоро-Россия муносабатлари кескинлашган бир вақтда, отаси томонидан аввал Кармана, сўнгра Ғузорга (тахм. 1864 йили) ҳоким (бек) этиб тайинланади. Тез орада нафақат бекликларда, балки пойтахт Бухорода ҳам урушлар натижасида иқтисодий аҳвол анча мушкуллашди. Амир Музаффар шундай бир мураккаб ички сиёсий вазиятда, рус қўшинлари кетма-кет Бухоро ерларини забт этаётган бир пайтда, ўзининг биринчи даражали шахри, қадимий Самарқанд мудофаасини ташкил этиш ва мустаҳкамлашга катта эътибор бера бошлади.



**Абдулмалик тўра
(1848–1909)**

Чунки Жиззахдан кейинги марра босқинчилар учун Самарқанд эканлиги барча учун аён эди. Шунинг учун ҳам амир Самарқандда тахт вориси бўлишини маъқул деб топди. Тахт вориси — Ғузор беги бўлмиш Абдулмалик тўра, Ҳисор ҳокими Раҳмонқул парвоначи, Миёнкол қўшини, бухоролик навкарлар билан биргаликда Самарқанд мудофаасини ташкил этиш учун қолдирилди.

Бу воқеа тахминан 1866 йил октябрь ойи охирларига тўғри келди. Самарқандда Абдулмалик тўра 1867 йилнинг ўрталарига (ёки охирларига) қадар бўлган. Абдулмалик тўра Самарқандда узоқ тура олгани йўқ. Ҳолбуки, у шаҳзода ҳамда катта ўғил сифатида амирликнинг фахри ҳисобланмиш бу шаҳарда қолиши, истилочиларга қарши мудофаани ҳам ташкил этишга ҳисса қўшиши мумкин эди. Амирликка қарашли Самарқандда бу вақтда Шерали иноқ номли шахс ҳоким эди. Шерали иноқнинг мазҳабпарастлиги, халққа зулми-зўравонлиги ошиб кетганлигидан безган шаҳар аҳли унинг устидан шикоят билан амирга мурожаат этади.

Амир шикоятга қулоқ ҳам тутмай, аксинча, самарқандлик шикоятчиларнинг ўзларини жазолайди. Амир томонидан қўллаб-қувватланган Шерали иноқ шикоятчилардан аёвсиз қасос ола бошлайди.

Шерали иноқ тўрани шаҳардан жўнатиб юборганидан кейингина ўз ҳолича иш тутиши мумкинлигини яхши билар эди. Шу тариқа, Шерали иноқ шаҳар аҳлига хайрихоҳлик кайфиятида бўлган, Россия империяси босқини ва мустамлакачилигига қарши фаол кураш тарафдори бўлмиш Абдулмалик тўранинг ватанпарварлик ҳис-туйғуларини «фитначи» ва «исёнчи» деган тамғалар билан изоҳлаб амирга чақув хатлари юбора бошлади.

Самарқанд ҳокимига катта умид боғлаган амир бу ҳолатни англамай, ғазаб устида ўғлини Самарқанддан чақиртириб олиб, қайта Ғузор беклигига жўнатиб юборди. Чунки амирнинг ўзи ҳам Катта тўра Самарқандни марказ қилиб олиб, ҳукмдорга қарши кураш олиб бориши мумкин де-

ган, хавотирда бўлган. Ўз ўглининг мустақиллик ва озодлик кайфиятини тожу тахтга кураш учун деб йўйганлиги, катта тўранинг нафсониятига қаттиқ теккан ва бу унинг кейинги фаолиятида ўзининг салбий таъсирини кўрсатди.

Зулм-зўравонлик ва ҳақсизликдан безган Самарқанд аҳли ичида норозилик кайфиятлари, эндиликда очикдан-очик қаршилик чиқишларига олиб келди. Ватанпарвар кучлар ҳамда озодлик ҳаракати тарафдорларининг тарғиботи кучайди. Шаҳарда Россия империяси истилоси ва ҳоким зўравонлигига қарши чиқишлар бошланиб кетди. Аксарият ҳолларда бу чиқишларга ўз даврининг зиёлилари ҳисобланмиш мулла ва талабалар бош бўлдилар. Ғалаёнларни бостириш учун ҳоким ва Самарқанд қозиси Домулло Маҳмудлар томонидан исёнчилар ҳузурига юборилган уламо Авлиёхўжа ўроқ Ахрорий, оқсоқоллардан Мўминбек тўқсоба, Раҳматуллоҳ ҳожиларнинг панду насиҳатларини эшитишни ҳам ҳеч ким хоҳламади. Аксинча, ўртадаги тўқнашув натижасида оқсоқоллардан бири Мўминбек тўқсоба ўлдирилиб, Авлиёхўжа ўроқ эса оғир яраланди. Самарқанд ҳокими Шерали иноқ, ғалаёнларни бостириш учун амир томонидан юборилган Муҳаммадий ва Зайналбий бошчилигидаги сарбозларни ғалаён маркази Тиллакори мадрасасига юборди. Мадраса ўраб олиниб, сарбозлар зўравонлик билан мадраса эшикларини бузиб, ичкарига бостириб кирдилар, тўс-тўполон натижасида кўплаб бегуноҳ кишилар ҳалок бўлди.

Хукмдордан нажот топмаган, маҳаллий ҳокимнинг зўравонлигидан эзилган Самарқанд аҳли номидан бир гуруҳ оқсоқоллар Кауфманга мактуб ёзиб, шаҳарни унга топширишга кўнганликларини билдирдилар.

Амирнинг ношудлик билан олиб бораётган ички ва ташқи сиёсати, Россия империяси қўшинининг тобора давлат ичига кириб бораётганлиги, кетма-кет муваффақиятсизликлар давлат инқирозини янада чуқурлаштириб юборди. Бундай бир сиёсий вазиятда юрт мустақиллиги ва озодлиги кайфиятидаги ватанпарвар кучлар эса эндиликда ёш бўлса-да, обрўли ва тадбирли шахзода Абдулмалик (Катта тўра) тўра

бур қилган эди. Бухоролик қўшинни эса Абдулмалик тўра таъқиб этиб, унинг ортидан Қаршига қадар юриш қилди.

Қарши эса монеликсиз тўрага ўз дарвозаларини очиб берди. Қарши ва унинг ён-атрофидаги оқсоқоллар тўрага иззат-икром кўрсатиб, бу ҳудудлар унга тобелик ва итоаткорликда бўлишини билдирдилар.

Бу вақтга келиб Нурота, Кармана ва пойтахт Бухоро яқинида ҳам ғалаёнли вазият юзага келиб, унинг тепасида таниқли қозоқ озодлик ҳаракатининг намояндаси Кенесари Косимовнинг ўғли Сиддиқ тўра (кўп ҳолда Содиқ тўра деб ҳам берилади) турар эди. Шунингдек, бу пайтда тарихчи Сомиининг ёзишига қўра, Арслон тўра, Саданбий, Абулхайр эшикбоши сингари бошқа қозоқ саркардалари ҳам амир ҳузурида хизматда бўлганлар.

Сиддиқ тўра Нуротадан чиқиб, Фиждувонга юриш қилди. 1868 йил 16 августда эса Кармана ёнида амирнинг 13000 кишилиқ қўшинини енгиб, Карманани ишғол этди. Кармана амирнинг Бухородан кейинги иккинчи даражали қароргоҳи ҳисобланиб, унинг эгалланиши қўзғолончилар учун катта аҳамиятга эга бўлди. Зеро, Сиддиқ тўра Карманада озодлик ҳаракатининг йўлбошчиси сифатида Абдулмалик тўрани тан олишни ва ўзи унинг тарафдори эканлигини эътироф этади.

Абдулмалик тўра ва Сиддиқ тўраларнинг Ватан, халқ озодлик йўлида, мамлакат, давлат мустақиллигини сақлаш борасида биргаликда, ҳамжиҳат ҳамда иттифоқликда иш юритишлари халқларимизнинг асрий дўстлигининг яна бир тарихий исботи ҳисобланади.

Қаршида мустақиллик ва озодлик кураши раҳнамоси Абдулмалик тўранинг 1868 йил июль-август ойларида обрў-эътибори ва шон-шухрати халқ орасида янада кўтарилиб кетди. У тезда амирдан норози кучларнинг ягона йўлбошчисига айланди. Чор атрофдан унга тобелик билдириб, тўра ҳокимиятини тан олиш хусусида иноятномалар кела бошлайди. Амир тайин этган бир қатор ҳоким ва амалдорлар, жумладан, Абдулхалилбий, Мирқосим парвоначи, Абдурахмонхожи садр, Каримқулбий иноқ, Абдулазизбий ва бошқалар тўрага асир

тушдилар. Яна шу ҳол ҳам эътиборга сазоворки, пойтахт Бухородаги нуфузли амалдорлар ва саркардалардан ҳам тўра фаолиятини қўллаб-қувватлаш хусусида хат-хабарлар кела бошлайди.

Амирнинг энг ишонган бекларидан бири, ҳукмдорга яқин кишилардан ҳисобланувчи Баҳодирбек парвоначи ҳам пойтахтни тарк этиб, тўра ҳузурига қочиб ўтади. Ҳатто тўрани жазолаш учун юборилган таниқли саркарда Йўлдош эшикбоши манғит ҳам, Бухоро бош мироби бўлган мулла Холмуродлар ҳам тўра томонига ўтиб кетадилар. Амир жуда оғир вазиятга тушиб қолганлигини капитан Гребенкиннинг Зарафшон округи бошлиғи генерал-майор А.К.Абрамовга ёзган хабари мисолида ҳам яққол кўриш мумкин: «Амир ҳар томонлама сиқувга олинган. Бир томондан у Нурота, Пайшанба ва Хатирчини эгаллаган Содиқ (яъни Сиддиқ тўра) билан кураш олиб бораётган бўлса, иккинчи томондан Жўрабек ва тўра томонидан сиқиб қўйилган...» — деб ёзган эди Гребенкин.

Бухородаги ички сиёсий аҳволни жиддий кузатиб турган Каттақўрғон бўлимининг бошлиғи, подполковник Карганов генерал Абрамовга йўллаган маълумотида рус ҳарбий маъмуриятини бу ҳолат жиддий ташвишга солаётганлигини билдиради: «Амирнинг бир қатор беклари ундан ажралиб чиқиб, катта ўғлига қўшилиш учун кетдилар. Ўзбекларнинг обрўли ва кучли уруғлари — қипчоқлар, найманлар ва Бухородаги умуман барча халқлар катта ўғилнинг томонидалар... Хабарларга кўра Катта ўғил Бухорони эгаллаб, ўзини амир деб эълон қилгудек бўлса, янги амир албатта Каттақўрғон устига юриш қилиши турган гап. Амирнинг тахтдан ағдарилиши, катта ўғилнинг тахтга чиқиш эҳтимоли жуда банд, унинг атрофида эса ўз навбатида амирнинг аёвсиз душманлари — Жўрабек ва Содиқ (Сиддиқ) йиғилиб олишди».

Туркистондаги мустамлака ҳукумати бошлиғи К.П. фон Кауфман амир Музаффар ҳукуматига ён босиб «тўқнашувлар содир бўлиши эҳтимоли бор вақтида, амир фойдасига диверсия уюштириб, Қоратепа ёки Ургут, ёки Жом, ёки Жом ортига ўз вақтида ҳаракат қилишни, лекин ҳарбий тўқнашувлардан ўзини тийиб туриш» лозимлигини буюради.

Шундай қилиб, жойларда мустамлакачилар томонидан босиб олинган ерларни қайтариб олиш, истилочиларни мамлакатдан ҳайдаб чиқариш, сулҳни бекор қилиш, амирни ҳокимиятдан олиб ташлашга доир норозилик ҳаракатлари авж олиб, бутун амирлик озодлик кураши домига тортилади. Амирнинг аҳволи ниҳоятда танг, тўра тарафдорлари ҳар соатда пойтахтга кириб, ҳокимиятни қўлга олишлари мумкин эди. Абдулмалик тўра бошчилигидаги иттифоқчи ватанпарвар кучлар амирликдаги барча табақа ва халқ, элатлар қўллаб-қувватлаши натижасида ўлкада сиёсий вазиятни ўзгартириб юбориш арафасида эдилар. Содиқ (Сиддиқ тўра) Кармана ва Ғиждувонда туриб бу ерларни бошқариш учун тўрадан беклик ёрлиғини олган, амирга шимолдан туриб хавф солар, жанубда Абдулмалик тўранинг 14 минг сонли қўшини Чироқчини эгаллаб, бутун амирлик жанубини ўз ихтиёрига олган эди. Амир иттифоқчи кучлар қуршовида қолган, империя қўшинидан очик-ойдин ёрдам сўраш учун халқ норозилигининг янада ўсиб кетишидан хавфсирар эди. Агарда рус қўшини аралашмаса, пойтахтни қийинчиликсиз эгаллаш юқорида қайд этилганидек, иттифоқчи кучлар учун бемалол бўлиб қолган эди. Россия мустамлакачи ҳарбий маъмурияти ўзлари учун вазиятни бундай тарзда ўзгараётганлиги натижасида дарҳол иккита муҳим аҳамият касб этувчи қарорга келдилар.

Биринчидан, амир Музаффарни Бухоро тахтида сақлаб қолиш ва унинг ҳокимиятини мустаҳкамлаш Россия мустамлакачи маъмурияти сиёсатининг муҳим стратегик вазифаси деб топилди. Иккинчидан эса Абдулмалик тўра бошчилигидаги иттифоқчи ватанпарвар кучларни ҳарбий аралашув йўли билан буткул тор-мор келтириш лозим деб ҳисобланди. Генерал Абрамовнинг амир ҳукуматини ҳар қандай йўл билан сақлаб қолишга қаратилган ҳаракати унинг 3 сентябрда амирга ёзган мактубида ҳам Россия империяси сиёсатининг моҳиятини кўрсатади. «Сизнинг оқ подшоҳга дўстлигингиз туфайли ҳам, мен сизга қўлдан келгунча ёрдам беришим керак ҳамда ишончингиз комил бўлсинки, Бухорода ҳеч қандай тўнтаришлар бўлишига, сизнинг ҳокимиятингизга за-

рар етишига мутлақо йўл қўймайман. Шунинг учун ҳам мен Жомда катта отряд тўплаб, ўғлингиз ва Жўрабекнинг Бухоро юриши йўлига тўсиқ қўяман».

Бундай вазиятда Абрамов Шаҳрисабз йўлига рекогносцировка¹ қилиш мақсадида 10 сентябрь куни 2 рота пиёда, 250 нафар казаклар ва 4 та тўпга бош бўлиб шахсан ўзи йўлга чиқади. Абрамов отряди 40 верст йўлни босиб Китобга қадар кириб борди. Рус қўшини Шаҳрисабз ва Китобни эгаллаши мумкин деган фикр билан ташвишли тарзда Жўрабек ва Бобобеклар халқни қўлга қурол олишга чақирдилар. Уларнинг чақириғи билан ҳарбий навкар ва кўнгиллилар, тоғ мерганлари йиғила бошладилар. Анча танг аҳволга тушиб қолган Жўрабек ва Бобобек, ўз хавфсизликларини таъминлаш мақсадида ёрдам сўраб Катта тўрага мурожаат қилдилар. Иттифоққа ҳамиша содиқ бўлган Абдулмалик тўра ўз аҳволи жуда қониқарли бўлмаса-да, ёрдам учун 4000 нафар қўшинни бир неча тўп билан Шаҳрисабзга юборади. Генерал Абрамовга воқеалар жараёнининг худди шундай хулосаси керак эди, чунки Қаршидан бир қисм қўшинни жўнатган Катта тўра анча заифлашган, шаҳрисабзликлар эса ўзларининг аҳволлари қийинлашиб, тўра билан ҳамкорликда ҳарбий юриш қилишга қурбилари етмас эди. Бу хусусда генерал Абрамов 12 сентябрь куни амирга ёзган хатида «эндиликда Жўрабек ва Бобобеклар ўз шаҳарларида, ўғлингиз эса бизнинг хатти-ҳаракатларимиз туфайли улардан ҳеч қандай ёрдам ололмайди. Чунки мен унинг йўлини тўсиб турибман», — деб Бухоро амирлиги ички ишларига аралашувини очиқ-ойдин эътироф этади.

Генерал Абрамов бу вақтга келиб ҳар қандай йўл билан бўлса ҳам тўра бошчилигидаги озодлик ҳаракатини сиқиб қўйишга, аҳолининг унга бўлган ишончини сўндиришга, Катта тўрани боши берк кўчага киритиб қўйишга жон-жаҳди билан ҳаракат қилди. «Буткул анархия» ҳолатига келиб қолган пойтахтдаги амир Музаффар ҳукумати генерал

¹ Ҳарбий бўлинма бошлиғининг шахсан бошчилигида маълум бир ҳудудни разведка мақсадида ўрганиб қайтиш.

Абрамовнинг саъй-ҳаракати туфайлигина ўз позициясини мустаҳкамлай бошлади. Хонлик шимолида ҳали ҳам амир ҳокимияти учун таҳликали вазият сақланиб турар, айниқса, Хатирчи, Кармана, Гиждувон, Нуротада вазият кескин тарзда эди. Бу ерларда аксарият халқ тўра томонида бўлиб, норозиликлар амир пойтахтга келгандан сўнг яна ҳам авж ола бошлаган эди. Бир қатор ерларда тўра тайин этган беклар ҳокимиятни бошқарар, улар ичида, айниқса, Нурота ва Карманани бошқараётган Сиддиқ тўранинг нуфузи билан эди. Сиддиқ тўра пойтахтнинг ўзига ҳам хавф солар, ўз отряди билан Бухородан 1 тош (тахм. 8 верст) яқинликдаги ерларга қадар кириб борган эди. Генерал Абрамовнинг ҳам маънавий, ҳам сиёсий ва ҳарбий жиҳатдан амир ҳукуматини ошқора қўллаб-қувватлаши ҳамда Жомдаги Россия ҳарбийларининг иттифоқчи кучларни Бухоро юришини тўхтатиб туришга муваффақ бўлиши амир ҳукумати учун ижобий ҳолатни юзага келтирди. Амирга яқин кишилар Худойқулбек, Муҳаммад Зоирбек, Раҳмон парвоначи ҳар бирлари амирга 300 тадан 500 нафаргача навкар етказиб беришди. Зиёвуддин беги Раҳматбий ҳам амир ҳузурига етиб келди. Амир Музаффар 1868 йилнинг 13 сентябрида исёнкор ерларга қўшинини бўлиб жўнатиб, Сиддиқ тўра турган Карманага ҳужум уюштирди. Қаттиқ жангдан сўнг Соддиқ тўра қўлидан яраланиб, Томди томонига чекинишга мажбур бўлди. Амир Абдулмалик тўра ва Сиддиқ тўраларнинг тарафдорларини қатл эттириб, Карманада ўз ҳокимиятини ўрнатишга муваффақ бўлган бўлса-да, лекин бу ҳол мамлакатда унинг обрўсини кўтармаган эди.

1868 йил сентябрь ойининг охирларига келиб, хонлик ичида ва унинг чегарадош ҳудудларида вазият оғир ҳолда сақланиб турар эди. Очидан-очиқ Бухоро амирлиги ҳудудига бостириб киришга ҳатто пойтахтдаги Россия империяси расмий маъмурларининг кўпчилиги ҳам қарши бўлиб, бу ҳол халқаро майдонда рус ташқи сиёсати нуфузига путур етказар, Англия билан шундай ҳам таранг бўлган муносабатларни янада кескинлаштирар эди.

Генерал Абрамов амирнинг тезлик билан ҳарбий юриш қилишига амин бўлиб, бу ҳарбий операция «муваффақиятли тугалланади» деган фикрда эди. Лекин Абрамов хонликдаги вазиятдан буткул хабардор эмас, вазият эса кундан-кунга ўзгариб борар эди. Генерал Абрамовнинг ҳисоб-китоби ўзини оқламади. Хонлик шимолида озодлик ҳаракатлари барта-раф этилган деб ҳисобланган бир пайтда, октябрь ойининг бошига келиб, Катта тўра сафдошларидан бири Назар Нуротадан туриб хонлик шимоли ва Каттақўрғон бўлимида ўз ҳаракатларини кучайтириб юборди. Уни Нурота, Ухум, Оқдарё атрофларида яшовчи маҳаллий аҳоли қўллаб-қувватлаб турар эди. 4 октябрь кунини Назар бошчилигидаги отряд чегарадан ўтиб, русларга қарашли ҳудудларга бостириб кирдилар. Бу отряд Россия империясига хизматга ўтган амалдорларни ҳайдаб юбориб, омборхоналардаги солиқлардан йиғилган мол-мулкни ўз ихтиёрларига олади. Каттақўрғон бўлиmidан юборилган штабс-капитан Борзенковнинг отряди маҳаллий аҳолининг қаршилигига дуч келиб, қийин вазиятга тушиб қолди. Назарнинг 10000 кишилиқ қўшини эса Оқтепа деган жойда рус отрядини қуршовга олишга муваффақ бўлди. Катта тўра томонидан юборилган тахминан 3000 кишидан иборат Оллоёр қоровулбеги, Ражаббек Мироҳўр, Абдулғаффорбеклар бошчилигида отряд эса Хатирчини қамал қилишни бошлайди. Тез орада Хатирчи эгалланиб, амир беги Бухорога қараб қочади.

Тўрани сиқувга солиб қўйиш режаси аксил натижа билан тугаб, амирнинг ўзи пойтахт Бухорода сиёсий қамалда қолган эди. Ўтаётган вақт фақат Катта тўра фойдасига хизмат қилаётганлигини нафақат рус қўмондонлиги, балки буткул аҳоли учун ҳам сир бўлмай қолди. Рус қўмондонлиги олдида бундай бир таҳдидли вазиятда фақат икки йўлгина мавжуд эди. Биринчи йўл Жомдаги отрядни олиб, Самарқандга жўнаб кетиш ва хонликдаги ишларга аралашмаслик; иккинчи йўл эса амирнинг ҳеч бир иштирокисиз хонлик ичига бостириб кириш, рус қуроли орқали тўра озодлик ҳаракатига чек қўйиб, Россия империяси учун мақбул амир ҳокимиятини сақлаб қолиш. Биринчи йўлни рус қўмондонлиги

дарҳол инкор этади. Бу йўл рус мустамлакачилиги истиқболи учун хавфли, унинг оқибатлари «жуда ёмон бўлиши турган гап эди». Генерал Абрамов Жомдан кетишни, бу Катта тўра хузурида рус қуролининг ночорлигини кўрсатар эди. Катта тўранинг юриши эса унинг фикрича, шубҳасиз буткул ғалаба билан тугалланар эди. Чунки фақат Россия империясининг аралашуви туфайлигина вазиятни бартараф этиш мумкинлигини рус қўмондонлиги яхши тушунар эди. Подшо Россияси озодлик ҳаракатини бостиришга ўзи бош бўлмаса, у ҳолда Катта тўранинг ғалаба қозониши аниқ эди.

1868 йил 19 октябрь куни генерал Абрамов 8 рота, 6 та замбарак, 250 нафар казак, бир неча ракета қурилмаси билан Қарши томонга, Абдулмалик тўра бошчилигидаги халқ-озодлик курашини бостириш учун ҳарбий юришни бошлади. Гарчи Жомдан Қаршигача 2 та ўтиш йўли бўлса-да, рус қўшини секинлик билан ҳаракат қилар эди. Бунинг боиси эса амир юборган отряд вақтида рус қўшинига келиб қўшилишига имкон берилишида эди. Озодлик ва эрк курашчиларининг йўлбошчиси Абдулмалик тўра илгаригидек ўзини мустақил ва мағрур тутар, ҳал қилувчи жангта у ҳам жиддий тайёргарлик кўрар эди.

Тўранинг Ватан шарафи ва озодлигини ҳимоя қилишга қаратилган чақириғига мувофиқ қўшин ва кўнгиллилар Қашқадарё бўйидаги Чортоқ деган ерга йиғила бошладилар. Шу ерда истеҳком қурилиб, жангта тайёргарлик кўрила бошланди. Катта тўранинг қаршилиқ саркардаларидан бири Йўлдош эшикбоши 2000 нафар аскарга бош бўлиб, империя қўшинига қарши биринчи ҳужумга ўтди.

Тўранинг тахминан 40000 нафар қўшини ва кўнгиллилар, Қаршидан 10 верст наридаги Чортоқда йиғилиб, жангта шай бўлиб турган эди. Бу ерда кўплаб таниқли зотлар — Содиқ тўра, Худоёр тўқсоба, Умарбек додхоҳ, Ўлмасбий, Абдулғаффорбек, Назар ва бошқалар ҳам тўра қўшинида хизматда турар эдилар. Рус қўшинининг майор Нольтце ва ясовул Принц бошчилигида 3 рота, 250 нафар казак ва 2 та тўпдан иборат отряди Чортоқ атрофига етиб келдилар. Катта тўра

қўшини билан даштдаги тўқнашувлар 21 октябрь куни кеч соат 9 ларга қадар давом этган эди. Империя қўшинининг ҳарбий жиҳатдан устунлиги боис ғалаба улар томонида бўлди. Тўра аввал Ёртепага, сўнгра Тошқўрғон қалъасига чекинди.

22 октябрь куни Қаршида озодлик ҳаракати бошланди. Шаҳар ва унинг атрофида, табиийки, тўра тарафдорлари кўпчиликни ташкил этар, уларнинг чақириғига кўра бутун Қарши аҳли бош кўтарган эди. Ватанпарвар кучлар шаҳар ва унинг атрофидаги боғларга қурол билан яшириндилар. Тез орада кўнгиллилар ҳам шаҳар атрофига йиғила бошладилар. Бундай қаттиқ қаршиликка дуч келишини кутмаган Абрамов шахсан ўзи 4 рота ва 4 тўп билан Қаршига етиб келди. Тезлик билан 2 рота шаҳар боғларига ҳужумни бошлади. Ўзаро қаттиқ тўқнашувлар 2 соатга яқин давом этиб, кучли ва уюшган тажрибали рус қўшини фойдасига ҳал бўлди.

Абдулмалик тўра кейинчалик Хива хонлигига жўнаб кетди. Муҳаммад Раҳимхон II унга хонлиқда қолишни тавсия қилди. Абдулмалик тўра бирмунча вақт хонлиқда бўлиб, кейинчалик Афғонистонга ўтиб кетди. Сўнгра бир неча вақт шарқ мамлакатларида бўлди. Шарқий Туркистонда юзага келган Еттишаҳар давлати ҳукмдори Ёқуббек уни хизматга чақирди. Катта тўра 1877 йилгача бу давлатда бош лашкарбоши лавозимида фаолият кўрсатди. Ушбу давлат хитойликлар томонидан тормор этилгач, тўра Ҳиндистонга кетди. Абдулмалик тўра 1909 йил 61 ёшида Ҳиндистоннинг Пешавор шаҳрида вафот этди.

Мураккаб ва зиддиятли давр фарзанди бўлган Абдулмалик тўра фаолияти, табиийки, хато ва камчиликлардан холи бўлмаган. Амирлиқдаги сиёсий танглик, амирнинг ҳарбий ва сиёсий калтабинлиги, амир қўшинларининг ҳарбий лаёқатсизлиги, рус армиясининг ҳарбий даражада юқори турганлиги, Абдулмалик тўранинг сиёсий тажрибасизлиги, унинг уруф бошлиқлари ва ҳарбий саркардалар таъсир доирасидан кўп ҳам чиқа олмаслиги, ўзбошимчалик ҳолатларига вақтида чек қўймаслик, қурол-яроқнинг етишмаслиги, ҳарбий тайёргарлик даражасининг пастлиги — халқ озодлик кура-

дарҳол инкор этади. Бу йўл рус мустамлакачилиги истиқболи учун хавфли, унинг оқибатлари «жуда ёмон бўлиши турган гап эди». Генерал Абрамов Жомдан кетишни, бу Катта тўра ҳузурида рус қуролининг ночорлигини кўрсатар эди. Катта тўранинг юриши эса унинг фикрича, шубҳасиз буткул ғалаба билан тугалланар эди. Чунки фақат Россия империясининг аралашуви туфайлигина вазиятни бартараф этиш мумкинлигини рус қўмондонлиги яхши тушунар эди. Подшо Россияси озодлик ҳаракатини бостиришга ўзи бош бўлмаса, у ҳолда Катта тўранинг ғалаба қозониши аниқ эди.

1868 йил 19 октябрь куни генерал Абрамов 8 рота, 6 та замбарак, 250 нафар казак, бир неча ракета қурилмаси билан Қарши томонга, Абдулмалик тўра бошчилигидаги халқ-озодлик курашини бостириш учун ҳарбий юришни бошлайди. Гарчи Жомдан Қаршигача 2 та ўтиш йўли бўлса-да, рус қўшини секинлик билан ҳаракат қилар эди. Бунинг боиси эса амир юборган отряд вақтида рус қўшинига келиб қўшилишига имкон берилишида эди. Озодлик ва эрк курашчиларининг йўлбошчиси Абдулмалик тўра илгаригидек ўзини мустақил ва мағрур тутар, ҳал қилувчи жангга у ҳам жиддий тайёргарлик кўрар эди.

Тўранинг Ватан шарафи ва озодлигини ҳимоя қилишга қаратилган чақириғига мувофиқ қўшин ва кўнгиллилар Қашқадарё бўйидаги Чортоқ деган ерга йиғила бошладилар. Шу ерда истехком қурилиб, жангга тайёргарлик кўрила бошланди. Катта тўранинг қаршилиқ саркардаларидан бири Йўлдош эшикбоши 2000 нафар аскарга бош бўлиб, империя қўшинига қарши биринчи ҳужумга ўтди.

Тўранинг тахминан 40000 нафар қўшини ва кўнгиллилар, Қаршидан 10 верст наридаги Чортоқда йиғилиб, жангга шай бўлиб турган эди. Бу ерда кўплаб таниқли зотлар — Содиқ тўра, Худоёр туқсоба, Умарбек додхоҳ, Ўлмасбий, Абдулғаффорбек, Назар ва бошқалар ҳам тўра қўшинида хизматда турар эдилар. Рус қўшинининг майор Нольтце ва ясовул Принц бошчилигида 3 рота, 250 нафар казак ва 2 та тўпдан иборат отряди Чортоқ атрофига етиб келдилар. Катта тўра

қўшини билан даштдаги тўқнашувлар 21 октябрь куни кеч соат 9 ларга қадар давом этган эди. Империя қўшинининг ҳарбий жиҳатдан устунлиги боис ғалаба улар томонида бўлди. Тўра аввал Ёртелага, сўнгра Тошқўрғон қалъасига чекинди.

22 октябрь куни Қаршида озодлик ҳаракати бошланди. Шаҳар ва унинг атрофида, табиийки, тўра тарафдорлари кўпчиликни ташкил этар, уларнинг чақириғига кўра бутун Қарши аҳли бош кўтарган эди. Ватанпарвар кучлар шаҳар ва унинг атрофидаги боғларга қурол билан яшириндилар. Тез орада кўнгиллилар ҳам шаҳар атрофига йиғила бошладилар. Бундай қаттиқ қаршиликка дуч келишини кутмаган Абрамов шахсан ўзи 4 рота ва 4 тўп билан Қаршига етиб келди. Тезлик билан 2 рота шаҳар боғларига ҳужумни бошлади. Ўзаро қаттиқ тўқнашувлар 2 соатга яқин давом этиб, кучли ва уюшган тажрибали рус қўшини фойдасига ҳал бўлди.

Абдулмалик тўра кейинчалик Хива хонлигига жўнаб кетди. Муҳаммад Раҳимхон II унга хонликда қолишни тавсия қилди. Абдулмалик тўра бирмунча вақт хонликда бўлиб, кейинчалик Афғонистонга ўтиб кетди. Сўнгра бир неча вақт шарқ мамлакатларида бўлди. Шарқий Туркистонда юзага келган Еттишаҳар давлати ҳукмдори Ёқуббек уни хизматга чақирди. Катта тўра 1877 йилгача бу давлатда бош лашкарбоши лавозимида фаолият кўрсатди. Ушбу давлат хитойликлар томонидан тормор этилгач, тўра Ҳиндистонга кетди. Абдулмалик тўра 1909 йил 61 ёшида Ҳиндистоннинг Пешавор шаҳрида вафот этди.

Мураккаб ва зиддиятли давр фарзанди бўлган Абдулмалик тўра фаолияти, табиийки, хато ва камчиликлардан холи бўлмаган. Амирликдаги сиёсий танглик, амирнинг ҳарбий ва сиёсий калтабинлиги, амир қўшинларининг ҳарбий лаёқатсизлиги, рус армиясининг ҳарбий даражада юқори турганлиги, Абдулмалик тўранинг сиёсий тажрибасизлиги, унинг уруғ бошлиқлари ва ҳарбий саркардалар таъсир доирасидан кўп ҳам чиқа олмаслиги, ўзбошимчалик ҳолатларига вақтида чек қўймаслик, қурол-яроқнинг етишмаслиги, ҳарбий тайёргарлик даражасининг пастлиги — халқ озодлик кура-

шининг биринчи даври муваффақиятсизлигига олиб келди. Албатта, турли сиёсий кучлар гоҳида бу ҳаракатдан турли мақсадларда, жумладан, кейинчалик ҳокимият масаласида ўз манфаатларидан келиб чиққан ҳолда фойдаланишга ҳаракат қилган эдилар. Абдулмалик тўра бошчилигидаги озодлик ҳаракати собиқ иттифоқ даврида деярли ўрганилмаган мавзулар сирасига кирган эди. Мазкур мавзу фақат истиқдол йилларида тўлиқ равишда илмий ва ҳолисона тарзда тадқиқ этилди.

7. XIX асрнинг ўрталарига қадар Хива хонлигидаги сиёсий ва ижтимоий-иқтисодий аҳвол. Хива хонлигининг Россия империяси томонидан босиб олиниши

XIX асрнинг ўрталарига қадар Хива хонлигидаги сиёсий ва ижтимоий-иқтисодий аҳвол. 1763 йилдан бошлаб Хивада амалда қўнғирот уруғи иноқлари ҳокимият тепасига келган бўлса-да, 1804 йилгача Хива хонлари ҳукмдор сифатида бошқа шахсни хон қилиб эълон қилганлар. Қўнғиротлар сулоласи ҳукмдорларидан Муҳаммад Амин иноқ (1763-1790 йй.) Хивада ҳокимиятни қўлга олгач, саройдаги бир қанча лавозим ва амалларга ўзига содиқ ва ишончли одамларни тайинлади. Янги хон шу йўл билан хонликдаги муҳим сиёсий-маъмурий, молиявий ва ҳарбий ҳокимиятни ўз қўлига олиб, айрим мустақил бекларни ўзига итоат эттирди.

Манбалар маълумотларига кўра, шаҳарлик савдогарлар, ҳунармандлар ва дин пешволари ёрдамида ўз ҳокимиятини анча мустаҳкамлаган Муҳаммад Амин иноқ 1770 йилда туркманлар ҳужумини, 1782 йилда бухороликлар тажовузини муваффақиятли қайтарди. Унинг ҳукмронлиги даврида Хива хонлигида деҳқончилик, савдо-сотик ва ҳунармандчиликни ривожлантириш мақсадида маълум чора-тадбирлар амалга оширилди. Маҳаллий ҳукмдорларнинг ўзаро низолари ва курашларига чек қўйилиши натижасида хонликдаги иқтисодий ҳаёт яхшиланиб борди.

Муҳаммад Аминнинг ўғли Аваз иноқ (1790—1804 йй.) отасининг ишларини давом эттирган бўлса, Авазнинг ўғли Элтў-

зар иноқ 1804 йилда Хива тахтига ўтириб, сохта хон Абдулғози V ни ҳайдаб юборди ва ўзини расмий хон (1804 – 1806 йй.) деб эълон қилди. Шу тариқа Хивада қўнғиротлар сулоласи ҳукмронлиги расмий қарор топди. Элтузархон хонлиқдаги мустақил ҳокимларни бирлаштириш сиёсатини давом эттирди. Аммо унинг ҳукмронлиги узоқ давом этмади. 1806 йилда Элтузархон бухороликлар билан бўлган жангда ҳалок бўлди. Тахтга унинг укаси Муҳаммад Раҳимхон I ўтирди.

Муҳаммад Раҳимхон I (1806 – 1825 йй.) марказлаштириш сиёсатига катта эътибор бериб, Хива хонлигини бирлаштиришни ниҳоясига етказди. Хива тарихчиларининг маълумотларига кўра, Муҳаммад Раҳимхон I хонлиқдаги вазиятни тўғри тушуниб, шунга яраша давлат сиёсати ишлаб чиқди ва ушбу сиёсатни қатъият билан амалга оширди. Хусусан, унинг бевосита ташаббуси билан хонлиқда маъмурий-сиёсий, иқтисодий ва ҳарбий ислоҳотлар ўтказилди.

Душманларига, марказдан қочувчи кучларга ниҳоятда бе-шафқат бўлган Муҳаммад Раҳимхон I ўз атрофига ўзбек, туркман, қозоқ ва қорақалпоқларнинг нуфузли вакиллари-ни тўплаб, уларга амаллар ва унвонлар берди. Хон саройи қошида доимий фаолият кўрсатувчи Кенгаш (Девон) таъсис этилди. Руҳонийларга ҳам алоҳида эътибор берилиб, Шайхулислам Кенгашнинг аъзоси ва хоннинг энг яқин масаҳатчисига айланди. Муҳаммад Раҳимхон I нинг мусулмон руҳонийларининг халқ орасидаги мавқеини ҳисобга олиб, сайидлардан бўлган Сайид Пирмуҳаммад Хўжанинг қизига уйлангани ҳам маълум.

Бу хон даврида мамлакатнинг иқтисодий ҳаёти жонланганлиги ҳақида ҳам маълумотлар талайгина. Унинг даврида махсус ислоҳотлар ўтказилиб, солиқлар тартибга солинди. Божхона ташкил этилиб, ички ва ташқи савдодан келадиган даромадлар кўпайиб борди.

Муҳаммад Раҳимхон I мамлакат сарҳадларини кенгайтириш ҳамда бўйсунмас қабилаларни итоат эттириш мақсадида қатор ҳарбий ҳаракатлар олиб борди. Жуда қийинчилик билан бўлса-да, 1811 йилда Орол-Қўнғирот тобе эттирилди. 1812 – 1813 йилларда Сирдарё бўйидаги қозоқ ва қорақалпоқ

овуларига кетма-кет қўшин юборилиб, улар Хива хонига бўйсундирилди. Шундан сўнг хонлик ҳудудларини Жанубий Туркменистон ва Хуросон вилоятлари ҳисобига кенгайтириш ҳаракати бошланди. Аммо бу масалада Хива билан Бухоро ўртасида кураш бошланиб кетди. 1817 йилги Чоржўй қалъаси яқинидаги биринчи тўқнашувда Хива қўшинлари мағлубиятга учради. Шунга қарамасдан, Муҳаммад Раҳимхон I Бухоро ҳудудларига 1820, 1823, 1824 йилларда талончилик урушлари қилиб турди.

Жанубий Туркменистон ва Хуросон вилоятларига ҳарбий юришлар Муҳаммадраҳимхондан кейин тахтга ўтирган ўғли Оллоқулихон (1825—1842 йй.) ва набираси Раҳимқулихон (1842—1845 йй.) даврида ҳам давом этди. Оллоқулихон 1842 йилда вафот этгач, тахтга унинг ўғли Раҳимқулихон ўтирди. Тахтни эгаллаган янги хон ҳам Жанубий Туркменистон ерларига ҳужум бошлади. У, шунингдек, Ҳазораспни қамал қилди. Аммо мағлубиятга учраб, орқага чекинишга мажбур бўлди. Бу орада Раҳмонқулихон Чоржўйни қамал қилиб, унинг атрофидаги қишлоқларни талади. Раҳимқулихон Хуросон учун бўлган жангларнинг бирида ҳалок бўлгач, тахтга унинг укаси Муҳаммад Аминхон (1845—1855 йй.) ўтирди.

Муҳаммад Аминхон ҳукмронлиги даврида ҳам Жанубий Туркменистон ва Хуросонда тинчлик ҳукм сурмай, хонга қарши исёнлар давом этди. Айниқса, Марв ва Серахс шаҳарларида кўтарилган қўзғолонлар ҳокимиятни ларзага келтирди. Қўзғолончилар Хива хонига бўйсунмишдан бош тортиб, хон амалдорлари ва солиқ йиғувчиларни тутиб қатл қилдилар. Огаҳий маълумотларига кўра, Муҳаммад Аминхон Марв ва Серахс учун ўн маротаба юриш қилган, фақатгина 1854 йилда Марв қўзғолони қийинчилик билан бостирилади. 1855 йил Серахс остонасида туркманлар билан Хива лашкарлари ўртасида бўлган жангда Хива қўшинлари мағлубиятга учраб, Муҳаммад Аминхон, унинг ўн тўрт нафар шаҳзодалари ва сарой амалдорлари фожиаи ҳалок бўлдилар.

1855 йил Саид Абдуллахон (беш ярим ой — 1855 йил 20 март — 27 август) Хива тахтига ўтирди. Аммо бир гуруҳ

сарой амалдорлари Саид Абдуллахонни тан олмасдан, унга қарши фитна уюштириб, ёвмут туркманлари билан алоқа ўрнатдилар ҳамда уларни исёнга чорладилар. Ёвмутлар исён кўтариб Ҳозовот ва Илонли атрофларида қишлоқларни талай бошладилар. Саид Абдуллахон Хивадаги фитначиларни фош қилиб, унинг иштирокчиларини қатл эттиргач, исёнчиларга қарши кураш бошлади. Даставвал, Хива қўшинлари билан бўлган жангда ёвмутлар мағлубиятга учраб дашт ичкарасига чекинган бўлсалар-да, августнинг охирида ёвмутлар Хива навкарлари қароргоҳига (Илонли яқинида) тўсатдан тунда ҳужум қилдилар. Бу ҳужумда Хива навкарлари мағлубиятга учраб, Саид Абдуллахон ўлдирилди.

Бу воқеадан кейин саройдаги вазир Муҳаммад Ёқуб меҳтар бошчилигидаги бир гуруҳ амалдорлар Сайид Абдуллахоннинг ўн етти яшар укаси Қутлуғ Муродни хон қилиб кўтардилар, Ёқуб меҳтар ва Иброҳим қўшбеги давлат бошқарувида хоннинг энг яқин кишилари эдилар. Бу орада хонликдаги сиёсий вазият яна кескинлашиб кетди. Қутлуғ Муродхонга бўйсунмаган туркман ёвмутлари Ота Муродни, қозоқ ва қорақалпоқлар Жорлиқ Тўрани ўзларига хон деб эълон қилдилар. Қутлуғ Муродхон уларнинг исёнларини қийинчилик билан бостирди. Аммо унинг ҳукмронлиги ҳам узоқ чўзилмади (тўрт ярим ой). Қутлуғ Муродхон ўз укаси Ниёзбек Муҳаммад томонидан ҳийла ишлатилиб уюштирилган фитна (ёвмут туркманлари ёрдамида) натижасида ўлдирилди.

Қутлуғ Муродхон ўлимидан сўнг Хива тахтига Сайид Муҳаммадхон (1856 — 1864 йй.) хон қилиб кўтарилди. У ҳокимиятга келган пайтда хонликда сиёсий вазият кескинлашган, иқтисодий аҳвол ниҳоятда оғир бўлиб, кўпчилик вилоятларда очарчилик ҳукм сурган, юқумли касалликлар тарқалган эди. Вазиятни тўғри баҳолай олган Сайид Муҳаммадхон юз бераётган исёнларни тинч йўл билан ҳал қилиш, тинчликни қарор топтириш, иқтисодиётни тиклаш чораларини кўрди. У, авваламбор, Бухоро ва Россия билан савдо алоқаларини яхшилади. Деҳқончилик, ободонлаштириш ва қурилиш ишларида қатор тадбирлар ўтказилди. Аммо хон-

ликдаги ички нотинчлик тўхтамади. Хонликда фақат ўзбек уруғларигина эмас, балки ярим кўчманчи ва чорвадор аҳоли бўлган туркман, қозоқ, қорақалпоқ ва бошқа халқлар оғир солиқлар ва турли тўлов ҳамда мажбуриятларга тортилганлиги боис хонликнинг турли шаҳар ва вилоятларида норозиликлар, исёнлар бўлиб турди.

Сайид Муҳаммадхон 1864 йил 10 сентябрда касалликдан вафот этгач, тахтга унинг ўғли Сайид Муҳаммадхон Раҳимхон II (1864 — 1910 йй.) ўтирди. Соний ва Феруз номлари билан ҳам маълум бўлган бу ҳукмдор Хива хонлари орасида энг адолатпарвар ва маърифатпарвар ҳукмдор бўлганлиги боис ҳам 47 йил давомида мамлакатни идора қилган.

Унинг замондошлари бўлган Отаҳий ва Баёнийлар асарларида Сайид Муҳаммадхон Раҳимхон II (Феруз) фаолиятида адолатпарварлик ва ҳақгўйлик, қаттиққўллик ва талабчанлик билан, маърифатпарварлик эса ташаббускорлик билан уйғунлашиб кетганлиги ҳақида маълумотлар берадилар. Бу хон ўзининг бутун ҳукмронлиги даврида эл-юрт фаровонлиги, тинчлик-осойишталиги учун курашди. Хонликда деҳқончилик, суғориш ишлари, савдо-сотиқ ва ҳунармандчилик тараққий этди. Бу даврда Хоразмда айниқса илм-фан, адабиёт ва санъат, меъморчилик юксалди. Хоннинг ўзи «Феруз» тахаллуси билан ижод қилиб, ўзбек мумтоз адабиёти ривожига катта ҳисса қўшди.

Замонавий Хоразм тарихчилари Сайид Муҳаммадхон Раҳимхон II ҳукмронлигини икки босқичга ажратадилар. Биринчи босқич — 1864 — 1873 йиллар, хон ҳукмронлигининг дастлабки ўн йиллиги бўлиб, бу даврда Муҳаммадхон Раҳимхон II давлатни мустақил бошқариб, мамлакатда тинчлик ва фаровонликни қарор топтириш, қишлоқ хўжалиги, савдо-сотиқ ва ҳунармандчилик, фан ва маданиятни юксалтириш йўлида улкан ишларни амалга оширди. Иккинчи босқич — 1873 йил августдан 1910 йилгача бўлган даврни ўз ичига олади. 1873 йилда Хива генерал Кауфман бошчилигидаги рус қўшинлари томонидан босиб олингач, тузилган сулҳга биноан Хива хонлиги Россияга қарам давлатга айлан-

ди. Бу даврда Муҳаммадхон Раҳимхон II нинг фаолияти Россия ҳукумати томонидан қатъий чекланди ва назорат остига олинди. Шунга қарамасдан, хон ўзининг адолатпарварлик ва бунёдкорлик фаолиятини давом эттирди.

Хива хонлиги маъмурий жиҳатдан XVI-XVIII асрларда вилоятларга бўлинган бўлса, XVIII аср охири — XIX аср бошларидан бошлаб давлатдаги асосий маъмурий ҳудудлар беклик деб аталган. Манбаларга кўра, бу даврда хонликда 16 та беклик ва 2 та ноиблик мавжуд эди. Улар Ҳазорасп, Гурлан, Хонқа, Кўҳна Урганч, Қўшкўприк, Питнак, Қиёт, Шоббоз (Шоҳаббоз), Шовот, Тошҳовуз, Амбарманак, Урганч, Хўжайли, Шуманай ва Қўнғирот бекликлари ҳамда Бешариқ ва Қиёт-Қўнғирот ноибликларидир. Уларни хон томонидан тайинланган беклар ва ноиблар бошқарганлар. Хива шаҳри бошқаруви хон ва бош вазир ихтиёрида бўлган. Хонликнинг пойтахти турли даврларда Вазир, Кат, Кўҳна Урганч, Хива шаҳарлари бўлган.

Муҳаммадхон Раҳимхон I (1806—1825 йй.) хонликнинг маъмурий бошқарув тизимини тубдан ўзгартирди. Бекликларнинг марказий ҳокимиятга бўйсунмаслигини ҳисобга олиб, Муҳаммадхон Раҳимхон I хонлик ҳудудида кентларга ажралишни бекор қилди ва манбаларга кўра, хонликда аввал 15 та ҳамда кейинроқ яна 11 та ҳокимлик ташкил этди. Булар қуйидагилар эди: Ҳазорасп, Остона, Урганч, Кат, Тошҳовуз, Қўшкўприк, Оқдарбанд, Гурлан, Кўкқашқа, Қўнғирот, Кўҳна Урганч, Илонли, Тахта, Хонқа, Шоббоз, Манок, Ғозиобод, Шайх, Манғит, Хўжайли, Шуманай, Тўрчи, Оқтепа, Қорағон, Хитой. Ҳокимликлар ўз навбатида масжид-қавмларга бўлинган. Манбалар хонликда жами 1537 та масжид-қавмлар бўлганлиги ҳақида маълумот беради. Вилоят ҳокимлари хон томонидан, масжид-қавмларнинг қози ва оқсоқоллари эса вилоят ҳокимлари томонидан тайинланган.

Шундай қилиб, Хива хонлиги маъмурий жиҳатдан ҳозирги Хоразм вилояти, Қорақалпоғистон Республикаси, Қозоғистон ва Туркменистон Республикаларининг бир қисмини ўз ичига олган давлат эди.

Хива хонлигининг ўтроқ деҳқончилик воҳаларида асосан ўзбеклар яшаб, улар давлатдаги аҳолининг катта қисми-

ни ташкил этганлар. Хонликда, шунингдек, туркманлар, қозоқлар, қорақалпоқлар, кам миқдорда тожиклар, яҳудийлар, ҳиндлар, эронийлар, руслар, арманлар, немислар ҳам яшаганлар. Хива хонлигидаги аҳолининг умумий сони ҳақида маълумотлар деярли йўқ. Архив ҳужжатлари ва рус сайёҳларининг маълумотлари бу масалага қисман аниқлик киритади. Хусусан, XIX асрнинг биринчи чорагига оид маълумотларда хонлик аҳолиси 300 минг, шу асрнинг 40-йилларига оид маълумотларда 300 мингга яқин, сўнгги чорагига оид манбаларда 700 мингга яқин деб берилса, архив манбаларини чуқур ўрганган олим М.Йўлдошев XIX аср ўрталарида хонликда 800 мингга яқин одам истиқомат қилганлиги ҳақида маълумот беради.

XIX асрнинг ўрталарига келиб, хонликда шаҳар ҳаётининг ривожланиши натижасида шаҳар аҳолисининг сони кўпайиб борди. Хива, Ҳазорасп, Хонқа, Урганч, Қўнғирот, Кўҳна Урганч каби шаҳарларда рус сайёҳлари берган маълумотларга кўра, 2 мингдан 5 минггача хонадон бўлган. Хонлик пойтахти Хива шаҳрида 21 мингдан ортиқ аҳоли яшаган.

XVII асрда Хивада муайян бир сулола ҳукмдор эмас эди. Чингизийлар сулоласига мансуб баъзи шахслар Хивага чақирилиб, хонлик тахтига кўтарилган бўлса-да, амалда ҳокимият қўнғирот сулоласидан бўлган иноқ қўлида бўлган. 1804 йилдан бошлаб фақат Қўнғиротлар сулоласи вакиллари Хивада хон бўлганлар.

Хива хонлигида унвон ва мансабларни сарой, ҳарбий ва диний унвон ҳамда ва амалларга бўлиш мумкин. Бу тасниф соф назарий бўлиб, аслида хонлик даврида муайян унвон ва мансаблар соҳалар бўйича берилмаган. Ўша вақтда амалдор ва унвон эгаси кўпинча хонга нисбатан шахсий садоқати, қавми яқинлигидан бир мансабдан бошқа мансабга ўтиб, унвонлар соҳибига айланган. Хонликда энг олий унвон хон бўлиб, у маъмурий, сиёсий ва ҳарбий ваколатларга эга бўлган.

Хива хонлиги давлат тизимида Бухоро амирлиги ва Қўқон хонлигидан фарқли ўлароқ, хон ҳузурида Олий Кенгаш амал

қилган. Маълумотларга кўра, бу Олий Кенгашни Муҳаммад Раҳимхон I «ўз ҳокимиятини мустаҳкамлаш учун илгари иноқ ва оталиқлар бошлиқ бўлган уруф оқсоқоллари кенгаши ўрнига таъсис этган эди. Бу Олий Кенгашга турли даъво ва жиной ишларни кўриш ва қарор чиқариш ҳуқуқини берди». Бу Кенгашнинг ваколати чегараланган бўлиб, маслаҳат берувчи органга ўхшар, унинг аъзолари энг юқори мансаб ва унвондаги амалдорлар бўлган. Кенгаш мажлисида бошқа амалдорларга қараганда кўпроқ иноқ, шайхул-ислом, девонбеги ва ясовулбоши ҳал этувчи овозга эга бўлганлар. Кенгаш мажлислари масаланинг муҳимлигига қараб, хон томонидан чақирилар эди. Олий Кенгаш оқсоқоллардан, яъни маълум мансаб ва унвон эгаларидан, чунончи, нақиб, шайхул-ислом, мутавалли, мироб, қози, фармончи, дарға, шиғовул, дастурхончи, арбоб, мирохўр кабилардан иборат эди. Шунингдек, хоннинг қариндош-уруғларидан бўлган беклар, оталиқ, иноқ ва бийлар ҳам бу кенгашга кирганлар.

Бу тор доирадаги Кенгаш гарчи давлат ташкилоти сифатида расмийлаштирилмаган бўлса-да, унинг қарори хоннинг қароридек кўрсатилса-да, амалда юқори қонун чиқарувчи маъмурий ва суд ҳокимияти эди. Кенгаш хонликнинг ички ишларига доир ҳамма масалалар бўйича қарор қабул қилар ва хонликнинг бошқа давлатлар билан бўлган ташқи муносабатларига доир муаммоларни ҳал этар эди. Гарчи Кенгаш давлатнинг турли-туман ички ва ташқи ишларини муҳокама қила олса-да, муҳокама қилинган масалалар бўйича қарор чиқариш, аввало, хоннинг хоҳиш-иродасига боғлиқ бўлган.

Унвонлар орасида энг каттаси иноқ эди. Одатда иноқлар энг қудратли ўзбек уруғларидан тайинланган ҳамда улар хоннинг энг яқин маслаҳатчилари бўлган. Иноқлар йирик амалдор, яъни уруф бошлиғи ҳисобланган. Абулғозихон тантанали маросимларда ўтириш учун иноқларга ўз ёнидан тўртта жой ажратган. Иноқлар бий, султон, мингбоши каби унвонларни ҳам олганлар. XX аср бошларига келиб, иноқлар бек мартабасига тушиб, олий сарой амалдорларидан маъмурий мансаб эгаларига айланадилар.

Оталиқ — уруғ оқсоқоли. Иноқ бошлиқ тўпа (гуруҳ)га бирлашган уруғ бошлиғи. Хоннинг энг яқин маслаҳатчиларидан бири бўлган. Оталиқ қилич ва пичоқ тақиб юрган.

Бий — сарой унвони. Иноқ ва оталиқдан кейинги мартаба. Бий қабила ва уруғнинг бошлиғи ҳисобланиб, кўчманчи ва ярим кўчманчи туркий халқларнинг, жумладан, ўзбекларнинг уруғ оқсоқолларига бериладиган унвон эди. XVII—XIX асрларда бийлар йирик ўзбек қабила ва уруғларига бошчилик қилиб, фақат марказий ҳокимиятга итоат этганлар. Бий унвони авлоддан-авлодга мерос қилиб қолдирилган.

Амир ул-умаро — Амирларнинг амири, Хива хонлигида XIX асрнинг ўрталарида таъсис этилган. Сайид Муҳаммадхон бу унвонни биринчи марта ўзининг акаси Сайид Маҳмуд тўрага берган эди. Муҳаммад Амин иноқ ҳукмронлиги даврида амир ул-умаро унинг акаси Фозилбий эди. Ўшандан кейин амир ул-умаро унвони ҳеч кимга берилмаган.

Қўшбеги — Хива хонлигида саройнинг олий мансабларидан бири бўлиб, молия ва солиқ йиғиш ишларини бажарган. Қўшбегининг махсус девони ҳамда унга тобе этувчи амалдорлари бўлган.

Меҳтар — катта, улў деган маънони беради. Меҳтар сарой хизматкорларининг бошлиғи вазифасини бажариб, хонга яқин кишилардан ва хон уруғига мансуб аъёнлардан тайинланган. Меҳтарнинг ҳам ўз девони бўлиб, ер солиғи «солғут» тўплаш ҳам унинг хизматига кирган.

Бекларбеги — Қорақалпоқ ва кўчманчи халқларнинг оқсоқолларига бериладиган фахрий унвон. Бекларбегининг вазифаси уларнинг ўз уруғларидан йиғиладиган харажатларнинг тўғрилигини текшириб туриш ва уларни тўла равишда хазинага топшириш устидан назорат қилишдан иборат бўлган. Бу лавозимга амалдорлар одатда хоннинг қариндош-уруғларидан тайинланган.

Бек — XIX асрда Хива хонлигининг ижтимоий-сиёсий ҳаётида беклар анча катта роль ўйнаганлар. Бек — хон ва давлат арбобларининг қариндошларига, фарзандларига бериладиган фахрий унвон.

Парвоначи — хон саройидаги олий вазирлардан бири. Парвоначи саройнинг ички ва ташқи ишларида ҳам фаол қатнашиши мумкин бўлган. У арзу шикоятларни хоннинг ҳузурига олиб кириб, жавобини қайтарган. Шунингдек, парвоначи хоннинг фармонларини сарой аъёнларига етказиб турган.

Эшикоқоси — сарой дарвозаларини қўриқлаш ишларини бошқарган. Ойболта унинг мансаб аломати бўлган. Ҳукмдор саройда бўлган вақтда эшикоқоси уни қўриқлаш билан шуғулланган. Эшикоқоси арзгўйларнинг нима хусусда келганларини суриштириб, уларни саройдаги тегишли амалдорлар томонига жўнатар эди. Фақат жуда муҳим хабарлар билан келган кишиларгина хон ҳузурига киритилган.

Саройда дарвоза ортида турадиган қоровулар ва махсус дарвоза қўриқчиларидан ташқари, хонни қўриқлайдиган тунқатор ёки тунотарлар, яъни тун бўйи хонни қўриқлаб чиқадиган хизматчилар ҳам бўлган.

Маҳрам — ишончли хизматкор, сидқидилдан хизмат қилувчи сарой ичкарисидаги ходим маъноларини англатади. Маҳрамлар хонга яқин кишилар ҳисобланган. Давлат бошқарувида улар бевосита хоннинг маслаҳатчилари бўлишган. Маҳрамлар хоннинг оромхонасига кириш ҳуқуқига эга бўлганлар.

Давлатдаги энг олий ҳарбий амалдор хоннинг ўзи эди. Кўп ҳолларда шахсан хон бошчилигида, айрим ҳолларда таниқли саркардалар бошчилигида бошқа ҳудударга юришлар уюштирилган. Энг юқори ҳарбий-маъмурий лавозим амир ул-умаро эди. Ундан кейинги расмий равишда юқори саркарда ясовулбошилиқ мансаби эди. Хонликда улар икки киши бўлиб, бири ёвмуд туркманларига, иккинчиси эса човдирларга қўмондонлик қилар эди. Хон ҳузуридаги расмий қабул маросимларида ясовулбошиларнинг доимий ўринлари бўлмас эди. Лекин улар хон ҳузурида бўладиган тор кенгашда меҳтар, қўшбеги ва девонбеги билан бир қаторда қатнашар эдилар. Ясовулбошига ясовулар, миршаблар, шотирлар, эшикоқолари итоат этганлар.

Ясовулбошидан кейинги ҳарбий унвон мингбоши эди. Ҳарбий юришлар пайтида мингбошиларга катта масъули-

ят юкланган, яъни улар қўшинни айтилган ерга тўплаши, уларнинг тайёргарлик даражасини назорат қилиши, жанг пайтида қўшиннинг маълум гуруҳига йўлбошчилик қилиши лозим бўлган. Шунинг учун ҳам архив ҳужжатларига кўра, мингбошилар яхши инъомлар олганлар.

Хива хонлигида ҳарбий истеҳкомлар — қалъалар алоҳида аҳамиятга эга бўлиб, улар маъмурий-мудофаавий вазифани бажарган. Бундай қалъалар кутвол (қалъабон) қўлида эди.

Хива қўшинларида саркардалар муҳим аҳамиятга эга бўлган. Саркардалар бир неча юздан бир неча минггача бўлган навкарга бошчилик қилганлар. Юришлар пайтида саркарда бошчилигида туғ (байроқ) қўтариб борилган. Байроқ қўтариб борувчиларга туғбеги бошчилик қилган. Қўшинда юзбоши, панжшоҳбоши (эликбоши), даҳбоши (ўнбоши), қоровул, маҳрам, навкар каби вазифалар бўлган.

Навкарлар солиқлар ва турли мажбуриятлардан озод қилинганликлари боис катта ер эгаларини қаттиқ ҳимоя қилганлар. Хива қўшинида деҳқонлардан олинадиган навкарлардан ташқари, туркманлар, қорақалпоқлар, қозоқлар ва бошқа кўчманчи халқлар аскарлари ҳам бўлиб, улар хонга мажбурий равишда маълум миқдорда аскарлар берганлар.

Хивада давлатни бошқариш бўйича ислом дини мафкураравий асосни ташкил этган. Қонунлар шариат тартиб ва йўриқлари асосида амал қилган. Шайх ул-ислом — хонликдаги энг юқори мартабали киши эди. У диний маросимларнинг аниқ бажарилиши устидан назорат қилган. Маросимлар пайтида шайх ул-ислом хоннинг ўнг томонида ўтириш ҳуқуқига эга бўлган.

Қози ул-қузот (қози калон) — мусулмон ҳуқуқи ва қонунлар бажарилишини шариат асосида назорат қилган. Қози калон пойтахтда ўз девони ва маҳкамасига эга бўлган. Вилоят марказларида ҳам вилоят қозиси бўлган. Улар маҳкамаларининг номи Дор ул-қазо деб аталган. Лашкарлардаги қонун-қоидалар кетидан қозии аскар (аскар қозиси) назорат қилиб, шаърий масалаларни ҳал этиб турган.

Муфти — қозиларнинг ҳуқуқшунослари ҳисобланган. Улар бирор иш кўрилаётган пайтда иштирок этишлари, ҳукмона ту-

олиб борувчи барча савдо йўллари эса Хива хонлиги ҳудудларидан ўтар эди.

1872 йил охирларида ҳарбий вазир бошчилигида Петербургда Туркистон, Оренбург генерал-губернаторлари ва Кавказдаги подшо ноиблари иштирокидаги махфий кенгажда Хива хонлигини босиб олишга қарор қилинади. Генераллар режасига кўра, Туркистон генерал-губернаторлигига қарашли кучлар шарқдан, Оренбург губернатори ва Кавказ ноиблиги ихтиёридаги ҳарбий кучлар эса ғарбдан ва шимоли-ғарбдан Хива устига юришлари керак эди.

Империя томонидан келаётган уруш хавфини Хива хонлигида ҳам яхши англаб етишган эди. Муҳаммад Раҳимхон II (1865 – 1910) 1872 йилда Ҳиндистон вице-қироли ҳузурига элчи жўнатиб, империя таҳдидига қарши Англиядан мадад сўраган эди. Хоннинг элчиси Аминбой Муҳаммад ўғли Калькутта шаҳрида лорд Норсбрук билан музокаралар олиб борди. Англиянинг ҳукмрон доиралари Хива мустақиллигини сақдаб қолишдан манфаатдор бўлсалар ҳам, Россия билан очик, тўқнашувдан хавфсирар эдилар. Лондон ўзининг бой мустамлакаси бўлиши Ҳиндистонга Россия таҳдид солишидан ва Афғонистондаги мавқеига Россиянинг жиддий хатар етказишини ҳисобга олиб, Хивага ёрдам кўрсатмаслик йўлини тутди. Ҳиндистон вице-қироли Норсбрук шу сабабли элчига иложи борича руслар билан алоқани яхшилаш воситаларини ишга солишни ҳамда қўшни мусулмон давлатлари иттифоқини вужудга келтиришни маслаҳат берди. Лорд Норсбрук, агар руслар билан уруш бўлиб қолса, Англия ёрдамига умид қилмасликни ҳам очик тарзда изҳор қилди.

Хива хонлиги энди ўз кучи ва имкониятига қараб иш кўриши лозим эди. Хонлик қўшинида ҳаммаси бўлиб 27 эски замбарак, 2 минг отлик аскар, 4 минг навқардан иборат қўшин бўлиб, улар ҳам асосан пойтахтда жамланган эди. Хива хонлиги истилосига отланган Россия империяси қўшини ҳам сон, ҳам сифат жиҳатдан, шунингдек, ҳарбий техника имконияти, қурол-яроғлари билан ҳам Хива хонлиги қўшинидан устун эди. Мазкур ҳарбий операцияга раҳбарлик қилувчи

зобитлар ва генераллар амалий тажрибаси ҳам хивалик лашкарбошилاردан кўп даражада юқори турган. Туркистон қўшинларига (22 рота, 1800 казак ва 18 тўп) генерал Кауфман, Оренбург отрядига генерал Верёвкин (15 рота, 600 казак, 8 тўп), Манғишлоқ отрядига полковник Ломакин (12 рота, 800 казак, 8 тўп) қўмондон бўлиб, Орол флотилияси ҳам улар ихтиёрига берилган эди.

Истилочилар қўшини шу йўсинда уч йўналиш бўйича Хива хонлиги устига бостириб кирди. Рус аскарлари генерал-лейтенант фон Кауфман ва генерал-майор Головачёв қўмондонлиги остида Тошкент тарафдан, иккинчи йўналишдагилар генерал Верёвкин ва учинчи йўналишдаги руслар полковник Ломакин қўмондонлигида Каспий денгизи тарафдан Хива хонлиги томон кириб келди. Император Александр II Хива юришига катта эътибор беради. Ҳатто айтиш жоизки, император оиласининг аъзолари — буюк князлар Хива сари юришда бевосита қатнашадилар. Николай, Константин, Евгений Романовлар ва Герцог Лейтенбергский каби олий зотларнинг ҳарбий қисмларга қўмондон қилиб тайинлангани ҳам Россиянинг Хива истилосига катта эътибор берганини кўрсатади.

Туркистон генерал-губернатори фон Кауфман юриш олдидан Хива хонлигини сиёсий тарафдан ҳам яқкалаб қўйиш чораларини кўради. У Бухоро амири ва Қўқон хонига таҳдидли мактублар йўллаб, уларни Хива хонлигига ёрдам бермасликка чорлайди. Масалан, унинг 1873 йил 4 мартда Қўқон хони Худоёрхонга йўллаган хатида шундай дейилган эди: «Ўзимга ишониб топширилган қўшинлар билан Жиззах устидан, Бухоронинг шимолий ҳудудлари орқали ўтаман. Сизнинг доно ҳаракатларингиздан ўрناق олмай, Россия билан дўстона муносабатлар ўрнатилишига қарши турган Хива хонини жазолаш учун йўлга тушмоқдаман».

Шунга қарамай, ҳарбий таълим олган, бош штаб академиясини битириб, бой назарий ва жанговар малака ҳосил қилган рус генераллари ва зобитлари ихтиёрида энг замонавий тўп, ракета отувчи мосламалар, пулемётлар бўлса ҳам, улар

эрксевар ва икки бор рус қўшинларини мағлуб қилган Хива хонлигидан хавфсирашган.

Хива хонининг масалани тинч йўл билан ҳал қилишга уринишлари беҳуда кетгач, ҳарбий кенгаш чақириб, мудофаа режаларини тузади ва душман истилочиларга қарши ўзининг лашкарбошилари сафарбар қилади. Матмурод девонбеги, Маҳмуд ясовулбоши, Ёқуббек Қалмоқ, Элгузар иноқ ва Бобо меҳтар раҳбарлигидаги ўзбек ва туркман (ёвмут) йигитлари рус қўшинлари ҳужумини қайтариш учун икки гуруҳга бўлиниб йўлга тушадилар.

Генерал Верёвкин қўмондонлигидаги Оренбург отряди Қўнғиротга яқинлашганида шаҳар ҳокимлари тезлик билан душман тўдаларининг пайдо бўлганлиги тўғрисида Хивага чопар йўлладилар ва вақтдан ютиш мақсадида руслар ҳузурига ҳам элчи жўнатишди. Генерал Верёвкин қўнғиротларнинг вакили билан учрашиб, унинг таклифларини эшитди. Музокаралар олиб бориб, масалани тинч йўл билан ҳал қилишни истамади ва шаҳарга ҳужум бошлаш ҳақида буйруқ берди.

Қўнғирот халқи Сайидбий, Тожимуродбий ва бошқа бийлар раҳбарлигида шаҳар қўлдан кетганда ҳам курашни давом эттиришга қарор қилдилар. Шаҳар ташқарисидаги йўлларда душманга ҳужумлар уюштириб, уларни ўққа тутдилар. Верёвкин қўшини эса талафотлар бериб, Хўжайли ва Манғит қалъаларини ишғол қилди. Айти бир пайтда генерал Головачёв бошчилигидаги Туркистон қўшини Тошсоқа яқинида дарёдан кечиб ўтиб, мудофаачилар билан тўқнашди. Хива хонининг асосий зарбдор кучи бўлган Матниёз девонбеги лашкари Карвон қишлоғидаги пистирмадан душманга тўсатдан ҳужум қилди. 9 рота отлиқ аскарлар, 8 тўп билан қуролланган ўқчилар ва сапёрлар роталаридан иборат Головачёв қўшини бу ҳужумдан эсанкираб қолди. Тўқнашув шиддатли ва аёвсиз бўлиб, ҳар икки томондан кўп қурбонлар берилди. Матниёз девонбеги кучлар нисбатини тўғри баҳолаб, Ҳазорасп томонга чекинди. Қурол-яроғ ва ҳарбий техника жиҳатидан устун бўлган Туркистон қўшини Хоразмнинг кўҳна қалъаси Ҳазораспни эгалади. Бу қалъани бош қўмондон фон Кауфман

ўзига қароргоҳ қилиб, ичкари силжиш учун таянч пунктига айлантирди.

Империя қўшини йўлда учраган ҳар бир шаҳар ва қишлоқни талаб, қирғин барот уюштирдилар. Уларнинг кетидан эса култепалар ва жасадлар қолди. Аммо Хоразм ватанпарварлари бўш келмай, ўзларига қулай жойлардан душманга ҳужумлар уюштиришди. Жанговар туркман уруғлари: ёвмутлар, имралилар, човдирлар ва кўкалангларга мансуб навкарлар душман кетидан изма-из бориб, унга талафотлар етказишди.

1873 йил 29 май куни империя ҳарбийларининг асосий кучлари Хива остонасида пайдо бўлди. Хива хони ортиқча қон тўкилишини истамай, музокаралар бошлаш ҳақида ўз вакилларини фон Кауфман ҳузурига жўнатди. Аммо генерал-губернатор Кауфман хоннинг таклифини оқибатсиз қолдириб, ҳужумга киришди.

Урганч дарвозасига Муҳаммад Ризо тўра, Тошоёқ дарвозасига Абдуқодир тўра, Боғишамол дарвозасига Раҳимбердибек Оллоҳберди тўра Мағфур, Шайх дарвозасига Оллоҳберганбек ибн Худойберганбек тўра ўғли тайин этилди. Шаҳар ташқарисида эса русларга қарши жанг майдонига чиққан Худоёр кушбеги, Раҳматулла ясовулбоши, Абдулла маҳрам, Маҳмуд ясовулбошиларнинг навкарлари фидокорона жанг қилдилар.

Хива шаҳри ва унинг атрофидаги жангларда қиличу пилта милтиқ билан қуролланган мудофаачиларга қарши рус армияси катта қурол-яроғ захирасини ишга солдилар.

Хива хонининг сулҳ ҳақидаги навбатдаги таклифи рад этилгач, қўшимча куч тўплаш учун шаҳардан чиқиб, туркман ёвмут аҳолининг ўтовлари сари йўл олди. Афсуски, шундай қалтис бир пайтда хоннинг оиласи ва яқин қариндошлари душманга қарши яқдил бўлиш ўрнига, сулолавий низоларга берилиб кетдилар. Ўзбек хонликлари тарихидаги одатдаги фожиа — босқинчиларга қарши кураш учун бирлашиб ҳаракат қилиш ўрнига, бўлиниш яна мудҳиш тарзда қайта такрорланди. Хоннинг иниси ва унинг яқинлари душманга қарши бирлашиб курашиш ўрнига, у билан келишиш йўлига ўтиб олдилар.

1873 йил 29 майда Хоразм салтанати пойтахти Хива ишғол этилди. Шаҳарга ғолибона кириб келган Туркистон, Оренбург, Кавказ қўшинлари талон-торожга киришдилар.

Хон саройида олий ҳукмдорларнинг тахти, бебаҳо олтин-кумуш буюмлари, турли-туман қимматли матолар ва нодир қўлёзма асарлар Петербургга, подшоҳ, саройига ўлжа сифатида олиб кетилди. Ўлжа сифатида олинган беҳисоб бойликлар генераллар, зобитлар ва аскарлар ўртасида тақсимлаб олинди. Босқинчилар аввалдан пухта ишлаб чиқилган режа бўйича Хоразмнинг моддий ва маданий бойликларини талон-торож қилишга киришдилар.

Муҳаммад Раҳимхон Хивага қайтиб келгунча босқинчилар саройни талаб, барча қимматбаҳо буюмларни, 300 та қўлёзма асарни Петербургга жўнатдилар.

1873 йил 12 августда Гандимиён қишлоғида фон Кауфман сулҳ шартномаларини Муҳаммад Раҳимхон диққатига ҳавола қилди. Бунга кўра Амударёнинг ўнг қирғоқлари Россия ихтиёрига ўтди, рус кемаларинининг Амударё бўйлаб сузишлари учун барча имкониятлар яратилди. Рус савдогарлари хонлик ҳудудида эркин савдо қилиш, Амударёнинг чап қирғоғидаги савдо омборлари қуриш ҳуқуқини олдилар. Хива хонлиги Россия вассалига айланиб, хонлик зиммасига 2000000 сўмлик товон тўлаш мажбурияти юкланди. Россия фуқароларига хонликда кўчмас мулк сотиб олишга рухсат берилди.

8. Россия империясининг мустамлака бошқарув усули.

Туркистоннинг Россия империяси саноат ўлкасига айлантирилиши. Ҳунармандчилик. Темир йўллар. Аграр сиёсат

Россия империяси босиб олинган ҳудудларда ўз ҳукмронлигини ўрнатиш ва бошқариш ҳамда мустамлакачиларнинг манфаатларини ҳимоя қиладиган мустаҳкам бошқарув тартибларини жорий этиш учун барча чора-тадбирларни кўрди. Чунки бошқарув тизими Россия империя ҳукумати учун муҳим аҳамият касб этиб, босиб олинган жойларда мустамлакачилик сиёсатини олиб боришда асосий таянч ҳисобланган.

Туркистон маъмурияти империянинг бошқа ўлкалари бошқарувидан ўзининг кескин ҳарбийлашгани билан алоҳида ажралиб турган. Россия ҳукуматининг Туркистон ўлкаси учун 1865—1916 йиллар оралиғида ишлаб чиққан ҳамда амалга татбиқ этилган ўнта қонун лойиҳалари (1865, 1867, 1871, 1873, 1882, 1884, 1886, 1908, 1912, 1916 йиллар)да ва уларнинг моддаларидаги адлия, молия, ҳарбий, ички ишлар ва бошқа вазирликлар киритган ўзгаришларда ана шу ҳолат ўз аксини топган.

Тошкент шаҳри босиб олинганидан сўнг, 1864—1865 йилларда босиб олинган ҳудудларда Оренбург генерал-губернаторлиги таркибида (1865 й.) ҳарбийлашган маъмурий бошқарув тартибларига асосланган Туркистон вилояти ташкил этилиб, унга генерал-майор М.Г.Черняев губернатор этиб тайинланди. Туркистон вилоятини бошқариш учун 1865 йил 6 августда «Туркистон вилоятини бошқариш тўғрисидаги Муваққат Низом» қабул қилиниб, унга мувофиқ ҳарбий ва фуқаролик ҳокимияти ҳарбий губернатор қўлида бўлимларга бўлиниб, уларни бўлим бошлиқлари бошқарган. Бўлим бошлиғи бир вақтнинг ўзида бўлим ҳарбий комендантлари ҳам ҳисобланган. Бўлим бошлиқларига маҳаллий аҳоли устидан назорат қилувчи ва рус амалдорларидан тайинланган бошқарувчилар бўйсунган. Шунингдек, бу «Низом»га кўра, Туркистон вилояти губернатори, «бий, оқсоқол, раис ва қози лавозимидаги туб жой аҳоли вакиллари эгаллаб турган лавозимида тасдиқлаш, бўшатиш, алмаштириш ваколатига эга бўлган».

Маҳаллий аҳоли устидан назорат қилувчи бошқарувчиларнинг вазифалари жойларда тинчликни сақлаш, карвонлар хавфсизлигини таъминлаш, ўрмон, сув иншоотларини кўриқлаш, ўтроқ ва кўчманчи аҳоли ўртасидаги жанжалларни ҳал қилиш, аҳолига солиқ ва мажбуриятларни белгилаш, уларни ўз вақтида ва ўз миқдорида тўлашни назорат қилиш, назорат натижаларини бўлим бошлиғига етказишдан иборат бўлган. Маҳаллий аҳолининг ўтроқ ҳаёт кечирувчи қисмида суд ишлари бўйича қозилар чиқарган

ҳукмлар ҳарбий губернатор томонидан тасдиқланиши лозим бўлиб, қозиларнинг чиқарган ҳукмларини ҳарбий губернатор ўзгартириш ҳуқуқига эга бўлган. Кўчманчи аҳолининг бий судлари маҳаллий аҳоли бошқарувчиларининг рухсати билан ўтказилган. Бий судларида ишлар одат қоидалари асосида кўрилган.

1865 йилдаёқ Россия императори Александр II нинг фармони билан Оренбург ва Ғарбий Сибирь генерал-губернаторликлари ҳамда Туркистон вилояти турмуш тарзи ва умумий аҳволини ўрганиш учун «Дашт комиссияси» тузилиб, Ўрта Осиёга жўнатилади. Ушбу комиссиянинг вазифаси босиб олинган ҳудудлардаги шароитни ўрганиш ҳамда уларни қандай бошқариш ҳақида низом тузиш учун маълумотлар тўплашдан иборат эди. Комиссия ўз иш жараёнида босиб олинган ерлардан қуйидаги қоидаларга асосланган ҳолда фойдаланишни белгилаб берган эди:

1. Ҳарбий ва фуқаро ҳокимиятини бир қўлда тўплаган ҳолда ўлкани бошқариш.

2. Сиёсий ҳокимиятга эга бўлмаган барча ички ишларни бошқаришни ерли аҳолининг хулқ-атвори ва урф-одатларини ҳисобга олиб, маҳаллий аҳоли қўлига топшириш.

3. Маҳаллий бошқармада, унинг қонун ва урф-одатларида мавжуд бўлган давлат манфаатларига зиён етказувчи барча нарсаларни бутунлай тугатиш.

4. Имконияти борича судни маъмуриятдан батамом ажратиб қўйиш.

Кўриниб турибдики, «Дашт комиссияси»нинг асосий вазифаси мустамлакачиликка асосланган ўлка бошқарув тизимини такомиллаштиришга қаратилган эди. Бу «Комиссия» томонидан ишлаб чиқилган «Еттисув ва Сирдарё вилоятларини бошқариш ҳақидаги қоидалар лойиҳаси» бўйича Министрлар Кенгаши қабул қилган қарорда қуйидагилар қайд этилган эди:

1. Лойиҳада кўрсатилган ҳудудларда Еттисув ва Сирдарё вилоятлари таркибида Туркистон генерал-губернаторлиги ташкил этилсин.

2. Генерал-губернаторга ўлкани бошқариш учун лойиҳада назарда тутилган штатлардан келиб чиққан ҳолда, бошқариш учун амалдорлар олишга имконият берилсин.

3. Генерал-губернаторга лойиҳада кўрсатилган ерларда, ўлкадаги маҳаллий шароит, тузем (маҳаллий) халқларнинг эҳтиёжларини ҳисобга олган ҳолда сўнгги марта қонуний тартибда кўриб чиқиш ва қабул қилиш учун унинг қисмлари бўйича ва яхлит ҳолда ўзининг хулосасини бериш топширилсин. Унгача лойиҳада кўрсатилган ҳолатларни асос сифатида қабул қилиб, ўлка тузилиши учун фавқулодда муҳим ва фойдали деб ҳисобланган ҳамма чораларни кўриш топширилсин.

Туркистон вилоятининг Оренбург генерал-губернаторлиги таркибида бўлиши вақт ўтиши билан турли муаммоларни келтириб чиқарган эди. Шунинг учун ҳам Туркистон вилоятининг узоқда жойлашганлиги, вилоят маъмурияти вакиллари сонининг камчилиги генерал-губернаторлик билан боғланишга, унинг кўрсатмаларини ўз вақтида бажарилишига салбий таъсир кўрсатаётганлиги империя ҳукмрон доиралари ўртасида Туркистон вилоятини Оренбург генерал-губернаторлигидан алоҳида ажратиш масаласини кун тартибига қўйган эди. 1867 йилда Петербургда Туркистон бошқаруви бўйича тайёрланган «Низом» лойиҳаси махсус комиссия томонидан муҳокама қилиниб, унда Оренбург генерал-губернаторлигидан алоҳида бўлган Туркистон генерал-губернаторлигини ташкил қилиш тўғрисидаги қарор қабул қилинади. 1867 йил 11 апрелда Александр II томонидан комиссия таклифи маъқулланиб, 11 июлда Жанубий Қозоғистон ва Ўрта Осиёнинг босиб олинган ҳудудларида Туркистон генерал-губернаторлиги ташкил этилганлиги тўғрисида фармон эълон қилинади. 14 июлда биринчи генерал-губернатор қилиб К.П.фон Кауфман тайинланади.

Янги ташкил этилган ушбу маъмурий бирлик даставвал 2 та — Сирдарё ва Еттисув вилоятларини ўз ичига олган эди. Империя ҳукуматининг 1867 йилги манифестига кўра, Кауфманга «ўлкани бошқариш учун керакли ва зарур деб

ҳисобланган барча тадбирларни маҳаллий шароитдан келиб чиққан ҳолда мустақил равишда амалга ошириш ҳуқуқи берилиб, сиёсий, чегаравий ва савдо ишларини ҳал қилиш, қўшни мамлакатларга уларнинг Россия билан ўзаро алоқаларига тегишли музокаралар олиб бориш ва битимлар имзолаш, ўзаро келишувга эришиш ва қарорлар қабул қилиш учун ишончли вакилларни жўнатишда чекланмаган ваколатлар берилди».

1867 йилги «Низом» лойиҳасида Туркистон ўлкасининг Россия ҳарбий вазирлиги таркибида бўлиши, ўлка ҳарбий ҳокимият орқали бошқарилиши, генерал-губернатор ўлкада жойлашган қўшинга қўмондонлик қилиши, бошқарувнинг қуйи бўғинига ерлик аҳоли вакиллари сайлов орқали сайланиши, ўлка бошқарувини Россия империясидаги мавжуд бошқарув тизимига яқинлаштириб, кейинчалик ўлкани империянинг ажралмас бир қисмига айлантириш, ўлканинг маъмурий-ҳудудий бўлинишида эса империянинг сиёсий, иқтисодий ва стратегик мақсадларидан келиб чиқиб иш тутилиши кўрсатиб ўтилган.

Россия империяси Ўрта Осиёнинг босиб олинган ҳудудларида ўз ҳукмронлигини сақлаб қолиш ва уни мустаҳкамлашни биринчи даражали вазифа ҳисоблагани учун ҳам бошқарув соҳасида дастлаб катта ўзгаришларни амалга оширмаган. Юқори органлар назоратида бўлган қуйи бошқарув органлари, солиқ тизими сақлаб қолинган. Қуйи бошқарувнинг дастлаб сақланиб қолинишига асосий сабаб маҳаллий аҳолининг ички ҳаётига дастлабки даврда кескин аралашуш ва аҳолининг турмуш тарзига катта ўзгаришлар киритиш салбий оқибатларни келтириб чиқариши мумкин эди. Бундан ташқари, янги босиб олинган ерларда ҳали қаршилик ва норозилик ҳаракатлари давом этаётганлиги, бошқарув тизимида фаолият олиб бораётган ўз одамлари бўлмаганлиги, маҳаллий шароитни тулиқ билмаслик кабилар ҳам анъанавий бошқарув тизимини маълум муддат сақлаб қолишга мажбур қилган.

1868 йилда империя Министрлар Кенгаши томонидан Туркистон генерал-губернаторига икки йил ичида янги «Низом» лойиҳасини тайёрлаб тақдим қилиниши тўғрисида

кўрсатма берилади. 1871 йилда фон Кауфман рахбарлигида Туркистон ўлкасини бошқариш тўғрисида «Низом» лойиҳаси тайёрланиб тақдим этилса-да, муҳокамада тасдиқланмай қайтарилади. Ушбу лойиҳа 1873 йилда қайта ишланиб, иккинчи маротаба Министрлар Кенгашига жўнатилади. Аммо бу сафар ҳам «Низом» лойиҳасида камчиликлар мавжуд бўлиб, «қоникарсиз, ер масаласи тартиблари эса сиёсий жиҳатдан хавфли» бўлганлиги туфайли 1874 йилда тасдиқланмай, қайтарилади. Аммо шунга қарамай, ушбу «Низом» лойиҳасидаги тартиблар 1876 йилда янги ташкил этилган Фарғона вилоятига жорий этилади.

1882 йил 8 майда императорнинг Туркистон генерал-губернаторлигини тафтиш қилиш тўғрисидаги фармони эълон қилинади. Тафтиш ишларига раис қилиб «Дашт комиссияси»нинг собиқ раиси, махфий маслаҳатчи Ф.К.Гирс тайинланди. 1883 йилда Гирс тафтиш ишларини тугаллаб, императорга генерал-губернаторлик ва унга қарашли ташкилотларнинг аҳволи тўғрисидаги ҳисоботни, «Ўлкани бошқариш тўғрисидаги низом лойиҳаси»ни кўшиб тақдим этди.

1884 йил 21 январда император Александр III нинг кўрсатмаси билан Давлат Кенгаши аъзоси, генерал-адъютант, граф Н.Игнатъев раислигида «Туркистон ўлкасини бошқариш тўғрисидаги низомнинг қайта ишланган сўнгги лойиҳасини ишлаб чиқиш» бўйича комиссия ташкил қилинади. Империянинг олий сиёсий доиралари томонидан тузилган ушбу комиссиянинг асосий вазифаси — «Ўлкани Россияга қатъий қарам қилиб қўйиш мақсадлари ва уни бошқаришда харажатларни камайтириш, даромадларни эса оширишга, шунинг билан бирга, фуқароларни бошқариш талабларига ва жойларнинг шарт-шароитларига тўғри келадиган низом» тузилишини амалга оширишдан иборат эди.

Россия императори томонидан «Туркистон ўлкасини бошқариш тўғрисидаги Низом» 1886 йил 12 июнда тасдиқланган бўлса-да, маъмурий тизим бўйича эътирозлар давом этди. Аммо император Туркистон ўлкасида собиқ генерал-губернаторлик бошқарувининг асосий тамойилларини сақлаб

қолган ҳолда унга баъзи ўзгаришлар киритди. Умуман олганда, Туркистон ўлкасида Россия империяси ҳукмронлик қилган йилларда қонун лойиҳалари доимо тўлдирилиб, ўзгартирилиб турилди. Чунки подшо Россиясининг қонун лойиҳалари Туркистонни Россия империясининг марказлашган бошқарув тизимига киритиб, уни рус буржуазияси ва дворян-помешчиклар мулкига айлантиришга қаратилган эди.

Туркистон генерал-губернаторлигини бошқариш бўйича дастурий ҳужжатлар ишлаб чиқишда «ҳарбий вазият» омили ҳал қилувчи бўлган. Бундай ҳужжатлар империянинг Ўрта Осиё хонликларининг янгидан-янги ҳудудларини босиб олиши муносабати билан вужудга келган ва айнан шунинг учун ҳам доимо «муваққат» ёки «вақтинчалик» характерга эга бўлган. Мисол учун, «Сирдарё ва Еттисув вилоятларини бошқариш тўғрисидаги Низом» (1867 й.) «тажриба тариқасида» уч йил муддатга жорий қилинган бўлиб, 20 йил давомида амал қилган. «Зарафшон округини бошқаришнинг вақтинчалик қоидалари» (1868 й.), «Амударё бўлимини бошқаришнинг вақтинчалик қоидалари» (1874 й.) ва «Фарғона вилоятини бошқариш бўйича вақтинчалик Низом» (1876 й.) тўғрисида ҳам шундай дейиш мумкин.


Туркистон ўлкасининг маъмурий-ҳудудий бошқаруви. Россия империяси Ўрта Осиё хонликларини босиб олганидан сўнг бу ҳудудларда кўп асрлардан буён шаклланиб, мавжуд бўлиб келган, ўтроқ ва кўчманчи аҳолининг диний ҳамда маҳаллий хусусиятларини ўзида акс эттирган бошқарув тизими ўрнига империя манфаатларига хизмат қилувчи бошқарув тартиблари ўрнатилди. Маълумки, 1867 йилда Туркистон генерал-губернаторлиги ташкил этилиб, унинг генерал-губернатори ўз қўлида ҳарбий ва фуқаролик ҳокимиятини бирлаштирган. Генерал-губернатор бир вақтнинг ўзида подшо ноиби, ҳарбий округ қўшинлари қўмондони, Еттисув казак қўшинлари атамани, бош миршаб ва бош прокурор вазифаларини ҳам ўтаган. Генерал-губернатор император томонидан тайинланган ва вазифасидан озод этилган бўлиб, у ҳарбий вазирга бўйсунган.

Туркистон генерал-губернаторлиги бошқарув тизими марказий, вилоят, уезд (туман), участка (волост), шаҳар, қишлоқ ва овул бошқаруви шаклларида иборат эди. Генерал-губернаторлик дастлабки ташкил этилган пайтда иккита — маркази Тошкент бўлган Сирдарё ва маркази Верний (Олмаота) бўлган Еттисув вилоятларидан иборат бўлган. Сирдарё вилояти ҳудудига асосан илгари Туркистон вилоятига тегишли бўлган ерлар ва Қўқон хонлигининг босиб олинган шимолий ҳудудлари кирган. Еттисув вилояти эса Семипалатинск вилоятининг Сергиопол, Копал ва Алатавск округи ҳудудлари ҳамда Туркистон вилоятининг бир қисмидан иборат ҳудудларда ташкил этилган.


Сирдарё вилояти маъмурий жиҳатдан Казалинск, Перовск, Туркистон, Чимкент, Авлиёота, Тошкент, Хўжанд, Жиззах уездларига бўлинган бўлса, Еттисув вилояти Сергиопол, Копаль, Верний, Иссиққўл ва Тўқмоқ уездларига бўлинган. Россия ҳукумати янгидан босиб олинган ерлар ҳисобига Туркистон генерал-губернаторлиги таркибига қўшимча маъмурий-ҳудудий бирлик ташкил этиб борган. Жумладан, 1868 йилда Бухоро амирлигига қарашли босиб олинган ерларда маркази Самарқанд бўлган Зарафшон округи, Хива хонлигига қарашли ерларни босиб олиш ҳисобига 1874 йилда маркази Петро-Александровск (Тўртқўл) бўлган Амударё бўлими, 1876 йилда Қўқон хонлиги ҳудудларида маркази Янги Марфилон (Скобелев, Фарғона) бўлган Фарғона вилояти ташкил этилган эди.

XIX аср охири — XX аср бошларида Туркистон генерал-губернаторлиги маъмурий-ҳудудий жиҳатдан Сирдарё, Еттисув, Самарқанд, Фарғона ва Каспий орти (Закаспий) вилоятлари ҳамда Амударё бўлиmidан иборат эди. Вилоятлар уездларга бўлинган бўлиб, улар қуйидагилар эди: **Сирдарё вилояти** — Авлиёота, Казалинск, Қурама, Перовск, Туркистон, Чимкент, Тошкент шаҳри марказ сифатида генерал-губернаторга бўйсунган. Амударё бўлими ҳам Сирдарё таркибида бўлган. **Еттисув вилояти** — Верний, Копал, Жаркент, Лепсин, Пишпек, Пржевалск, Тўқмоқ; **Фарғона вилояти** — Андижон, Қўқон, Марфилон, Наманган, Ўш, Чуст ва Чимён;



ВИЛОЯТ БОШҚАРУВИ




ТУМАН БОШҚАРУВИ




ШАҲАР БОШҚАРУВИ



б) Тошкент шаҳри идораси



ҚИШЛОҚ БОШҚАРУВИ



Самарқанд вилояти — Самарқанд, Каттақўрғон, Хўжанд ва Жиззах; **Каспий орти (Закаспий) вилояти** — Манғишлоқ, Красноводск, Ашхобод, Тажан ва Марв уездлари.

Вилоятлар бошқаруви ҳарбий губернатор ва вилоят бошқармаси томонидан амалга ошириб борилган. Юқорида таъкидлаганимиздек, ҳарбий губернатор ҳарбий ва ҳарбий фуқаролик хусусиятига эга бўлган. Ҳарбий губернатор қошида амалдорлар ва вилоят бошқармаси мавжуд бўлиб, вилоят бошқармасига ҳарбий губернаторнинг ёрдамчиси раислик қилган. Бу ёрдамчи ҳарбий губернатор билан келишилган ҳолда император ёрлиғи билан вазифасига тайинланган ва озод этилган. Ҳарбий губернатор бўлмаган пайтларда унинг вазифасини ёрдамчиси бажарган.

Вилоят бошқармаси учта бўлим — фармон берувчи, хўжалик ва суд бўлимларидан иборат бўлган. Бўлим бошлиқлари генерал-губернатор томонидан тайинланган ҳамда вазифасидан озод этилган. Уездларни уезд бошлиқлари идора қилган. Улар генерал-губернатор тавсиясига биноан олий ёрлиқ билан вазифасига тайинланган ва озод этилган. Уезд бошлиқлари маъмурий ва полиция вазифасини бажарган ҳамда қонунлар ижроси устидан назорат қилган.

Маҳаллий бошқарув кўчманчи аҳолини бошқариш ва ўтроқ аҳолини бошқаришга бўлинган. Ҳар бир уездеги кўчманчи аҳоли волостларга, волостлар эса овулларга бўлинган. Волост (бўлис)лар — волост бошқарувчилари, овуллар эса оқсоқоллар томонидан бошқарилган. Вилоят бошқа-

рувчилари ва унга номзодлар ҳарбий губернатор томонидан, овул оқсоқоли ва унга номзодлар уезд бошлиғи томонидан тайинланган. Волост бошлиғи полиция ва маъмурий ҳокимиятни амалга оширган. Утроқ аҳолини бошқариш қишлоқларда маъмурий ва полиция ваколатларига эга бўлган оқсоқоллар томонидан амалга оширилган. Утроқ аҳоли уездларда волостларга, волостлар эса қишлоқ жамоалари (оқсоқолликлар)га бўлинган.

1886 йилги «Низом»га кўра, Туркистон ўлкасини бошқариш қуйидагича бўлинган:

1. Бош бошқарма.
2. Турли тармоқларнинг алоҳида қисмларини бошқариш.
3. Маҳаллий маъмурий бошқарув: вилоят — уезд — волост — қишлоқ.
4. Суд бошқаруви.

Туркистон генерал-губернатори ҳузурида Кенгаш, махсус топшириқларни бажариш учун амалдорлар, таржимон ва девонхона мавжуд бўлган. Кенгаш ваколатларига барча қонунчилик масалалари, генерал-губернатор топширган вазифаларни кўриб чиқиш кирган. Аммо у ўлкани умумий бошқариш бўйича маслаҳат овозига эга бўлган.

Уезд бошқаруви бўйича Амударё бўлими алоҳида мақомга эга бўлган. Амударё бўлими бошлиғи уезд бошлиғи мақомига эга бўлиб, маъмурий ва полиция бошқаруви унинг ихтиёрида бўлган. Бўлим бошлиғи ҳузурида ёрдамчи ва девонхона мавжуд бўлган.

Волост бошлиқлари ва уларнинг ёрдамчилари аҳоли томонидан уч йилга сайланган ҳамда ҳарбий губернатор томонидан тасдиқланган. Волост бошқарувчилари суд ҳукмларини ижро этган, аҳолининг келиб-кетишини назорат қилган ҳамда солиқларнинг ўз вақтида йиғилишини таъминлаган.

1867 йилги «Муваққат Низом»га кўра, Туркистон ўлкасининг суд ва полиция тизими — ҳарбий суд, империянинг умумий қонунлари асосида суд ва халқ судидан иборат бўлган бўлса, 1886 йилги «Низом»га кўра, уларга ўзгартиришлар киритилиб, қуйидагича бўлган: судлов палатаси, округ

судлари, қўшимча мировой (сулҳпарвар) судьялар, фахрий мировой судьялар.

Маҳаллий аҳолининг судлари алоҳида тартибга асосан тузилиб, халқ судлари деб номланган. Халқ судлари алоҳида рус судларига тегишли ишлардан ташқари, содир этилган ишларни, бирор халқ судига тегишли бўлган ҳамда рус ҳужжатлари асосида бўлмаган фуқаролик ишларини кўриб чиққан. Халқ судлари — халқ томонидан сайланиб қўйилган бийлар томонидан амалга оширилган. Улар ҳарбий губернатор томонидан тасдиқланган. Ўтроқ аҳоли учун қози судлари амал қилган бўлиб, улар аҳоли томонидан сайланган ҳамда ҳарбий губернатор томонидан тасдиқланган.

Туркистон ўлкасида вилоят ва уезд (туман) бошқармалари шаҳарларда жойлашган. Тошкент, Самарқанд, Қўқон, Андижон, Марғилон, Наманган, Ашхобод, Чимкент, Жиззах, Каттақўрғон қабилар катта мавқега эга бўлган асосий шаҳарлар эди. Шаҳарлар ичида генерал-губернаторликнинг сиёсий, маъмурий ва маданий маркази бўлган Тошкент шаҳрига алоҳида эътибор берилган. Хусусан, 1865 йилда генерал майор Романовский рус зобитлари ва амалдорлари учун шаҳарнинг шарқий қисмидан жойни танлади ва қисқа муддатда (1866-1868 йй.) рус аҳолиси яшайдиган «Янги шаҳар» барпо этилди.

1868 йил 27 февралда Тошкентнинг «Янги шаҳар» қисмида ҳарбий халқ бошқармаси тузилиб, статистик маслаҳатчи Россицкий унинг бошлиғи этиб тайинланди. Ушбу бошқарманинг дастлабки қарорига кўра, Тошкентнинг «Янги» қисмида қуйидаги ишларни амалга ошириш кўзда тутилди:

1. Режа тузиш, уй қуришга ер ажратиш, кўча ва майдонлар барпо этиш.

2. Солиқлар ва турли тушумларни тартибга келтириш ҳамда ундириш, шунингдек, шаҳарнинг даромад ва харажатлар сметасини тузиш.

3. Шаҳар ирригация тизими ва ободончилигини бошқариш.

Маълумки, 1870 йилда Россиянинг ички губернияларида «Шаҳар низоми» қўлланила бошланган эди. Сирдарё вилояти бошқармасининг умумий раёсати 1872 йилда Тошкентда ҳам ушбу низомни қўллаш масаласини кўтариб чиқди.

Шунга кўра, «Шаҳар низоми»ни мустамлака бошқарув маъмурияти манфаатларига мос равишда ўзгартириш, қўшимчалар киритиш асосида Тошкентда жорий этиш учун лойиҳа тайёрланди. Ушбу лойиҳа махсус комиссия томонидан атрофлича муҳокама этилган бўлса-да, бу масала 1877 йилдагина ҳал бўлди. Таъкидлаш лозимки, Россия империясида шаҳарга оид иккита низом (1870, 1892 йй.) қабул қилинган бўлиб, улар Туркистон ўлкасининг Тошкент ва Верний (Алмати) шаҳарларидагина қўлланилиб, бошқа шаҳарларга жорий этилмаган.

1877 йилда Тошкент шаҳар Думаси ташкил этилиб, Сирдарё ҳарбий губернатори бошчилигида махсус ҳайъат тузилди. Ҳайъат сайловчилар рўйхатини тузиш, шаҳар жамоатчилик бошқарувига сайлов ўтказиш бўйича иш олиб борди. Сайловда 25 ёшга тўлган, шаҳарда кўчмас мулки бўлган рус фуқаролари, савдо ва косибчилик гувоҳномалари бўйича шаҳар солигини тўлайдиган, қарзлари бўлмаган ва судланмаган шахслар иштирок этишлари мумкин бўлган. Думада овоз берувчилар сони 72 кишидан ошмаслиги керак эди. Уларнинг учдан бир қисми маҳаллий аҳоли, қолгани эса «Янги шаҳар»да истиқомат қилувчи аҳоли вакиллари бўлиши шарт эди.

Сайловлар тўрт йилда бир марта бўлиб ўтган ва унда асосан савдогарлар, йирик саноат корхоналари ҳамда уй эгалари иштирок этган. Янги ташкил этилган Дума, биринчидан, шаҳарни мустамлакачилар қўлида сақлаб туришни, иккинчидан, Думага сайланган маҳаллий аҳоли вакилларини ҳокимият таянчига айлантиришни мақсад қилиб қўйган эди.

Генерал-губернатор томонидан тайинланган Тошкент шаҳри бошлиғи бир вақтнинг ўзида Дума раиси ва шаҳар ҳокими (ҳоким тўра) вазифаларини ҳам бажарган. Шаҳар ҳокими вазифасини турли йилларда қуйидаги шаҳар бошлиқлари бажарганлар:

1. В.Ю.Мединский — 1874-1877 йй.
2. Е.Т.Пукалов — 1877-1883 йй.
3. С.Р.Путинцев — 1884-1890 йй.
4. А.Т.Тверитинов — 1891-1898 йй.

5. И.А.Ладиженский — 1898-1901 йй.
6. В.Ф.Киселёв — 1901-1904 йй.
7. В.Н.Рибушин — 1904-1905 йй.
8. С.Р.Путинцев — 1905-1907 йй.
9. Н.Г.Маллицкий — 1907-1917 йй.

Туркистондаги мустамлака бошқаруви 1898 йилгача «ҳарбий халқ бошқаруви», ундан кейин эса «маъмурий полиция бошқаруви» деб аталган бўлса ҳам унинг моҳияти мазмунан ўзгармаган. Барча ваколатлар, аввало, генерал-губернатор, қолаверса, у бошчилигидаги рус маъмурияти қўлида тўпланган бўлиб, Россия империяси Ўрта Осиёда ўзбек давлатчилиги ва бошқарувининг барча кўринишларини бутунлай йўқотиш ва русча идора усулини қатъий жорий этиш бўйича изчил фаолият олиб борди. Маъмурий бошқарув тизими ана шу мақсадга қаратилиб, бунинг учун барча чоралар кўрилган эди.

Туркистон ўлкасида 1867 йилдан 1917 йилгача ўн бешта генерал-губернатор ҳукмронлик қилган бўлиб, улар қуйидагилар эди:

1. К.П.Кауфман — 1867-1882 йй.
2. М.Г. Черняев — 1882-1884 йй.
3. Н.О. Розенбах — 1884-1888 йй.
4. А.Б.Вревский — 1889-1898 йй.
5. С.М. Духовский — 1898-1901 йй.
6. Н.А. Иванов — 1901-1904 йй.
7. П.Н. Тевяшов — 1904-1905 йй.
8. Д.И. Суботич — 1906 йй.
9. Н.И. Гродеков — 1907-1908 йй.
10. П.И. Мищенко — 1909 йй.
11. А.Б. Самсонов — 1909-1913 йй.
12. Флуг, Мартсон ва Ерофеевлар — 1913-1916 йй.
13. А.Н. Куропаткин — 1916-1917 йй.

Россия империяси маъмурлари ўзларининг Туркистондаги мустамлакачиликка асосланган мақсадларини кенг қўламда амалга ошириш учун ўлкани руслаштириш сиёсатига алоҳида эътибор берганлар. Маълумотларга кўра, Туркистонда очилган давлат муассасалари, судлар, банклар ва бошқа ташкилот-

Шунга кўра, «Шаҳар низоми»ни мустамлака бошқарув маъмурияти манфаатларига мос равишда ўзгартириш, қўшимчалар киритиш асосида Тошкентда жорий этиш учун лойиҳа тайёрланди. Ушбу лойиҳа махсус комиссия томонидан агрофлича муҳоама этилган бўлса-да, бу масала 1877 йилдагина ҳал бўлди. Таъкидлаш лозимки, Россия империясида шаҳарга оид иккита низом (1870, 1892 йй.) қабул қилинган бўлиб, улар Туркистон ўлкасининг Тошкент ва Верний (Алмати) шаҳарларидагина қўлланилиб, бошқа шаҳарларга жорий этилмаган.

1877 йилда Тошкент шаҳар Думаси ташкил этилиб, Сирдарё ҳарбий губернатори бошчилигида махсус ҳайъат тузилади. Ҳайъат сайловчилар рўйхатини тузиш, шаҳар жамоатчилик бошқарувига сайлов ўтказиш бўйича иш олиб борди. Сайловда 25 ёшга тўлган, шаҳарда кўчмас мулки бўлган рус фуқаролари, савдо ва косибчилик гувоҳномалари бўйича шаҳар солиғини тўлайдиган, қарзлари бўлмаган ва судланмаган шахслар иштирок этишлари мумкин бўлган. Думада овоз берувчилар сони 72 кишидан ошмаслиги керак эди. Уларнинг учдан бир қисми маҳаллий аҳоли, қолгани эса «Янги шаҳар»да истиқомат қилувчи аҳоли вакиллари бўлиши шарт эди.

Сайловлар тўрт йилда бир марта бўлиб ўтган ва унда асосан савдогарлар, йирик саноат корхоналари ҳамда уй эгалари иштирок этган. Янги ташкил этилган Дума, биринчидан, шаҳарни мустамлакачилар қўлида сақлаб туришни, иккинчидан, Думага сайланган маҳаллий аҳоли вакилларини ҳокимият таянчига айланттиришни мақсад қилиб қўйган эди.

Генерал-губернатор томонидан тайинланган Тошкент шаҳри бошлиғи бир вақтнинг ўзида Дума раиси ва шаҳар ҳокими (ҳоким тўра) вазифаларини ҳам бажарган. Шаҳар ҳокими вазифасини турли йилларда қуйидаги шаҳар бошлиқлари бажарганлар:

1. В.Ю.Мединский — 1874-1877 йй.
2. Е.Т.Пукалов — 1877-1883 йй.
3. С.Р.Путинцев — 1884-1890 йй.
4. А.Т.Тверитинов — 1891-1898 йй.

5. И.А.Ладиженский — 1898-1901 йй.
6. В.Ф.Киселёв — 1901-1904 йй.
7. В.Н.Рибушин — 1904-1905 йй.
8. С.Р.Путинцев — 1905-1907 йй.
9. Н.Г.Маллицкий — 1907-1917 йй.

Туркистондаги мустамлака бошқаруви 1898 йилгача «ҳарбий халқ бошқаруви», ундан кейин эса «маъмурий полиция бошқаруви» деб аталган бўлса ҳам унинг моҳияти мазмунан ўзгармаган. Барча ваколатлар, аввало, генерал-губернатор, қолаверса, у бошчилигидаги рус маъмурияти қўлида тўпланган бўлиб, Россия империяси Ўрта Осиёда ўзбек давлатчилиги ва бошқарувининг барча кўринишларини бутунлай йўқотиш ва русча идора усулини қатъий жорий этиш бўйича изчил фаолият олиб борди. Маъмурий бошқарув тизими ана шу мақсадга қаратилиб, бунинг учун барча чоралар кўрилган эди.

Туркистон ўлкасида 1867 йилдан 1917 йилгача ўн бешта генерал-губернатор ҳукмронлик қилган бўлиб, улар қуйидагилар эди:

1. К.П.Кауфман — 1867-1882 йй.
2. М.Г. Черняев — 1882-1884 йй.
3. Н.О. Розенбах — 1884-1888 йй.
4. А.Б.Вревский — 1889-1898 йй.
5. С.М. Духовский — 1898-1901 йй.
6. Н.А. Иванов — 1901-1904 йй.
7. П.Н. Тевяшов — 1904-1905 йй.
8. Д.И. Суботич — 1906 йй.
9. Н.И. Гродеков — 1907-1908 йй.
10. П.И. Мищенко — 1909 йй.
11. А.Б. Самсонов — 1909-1913 йй.
12. Флуг, Мартсон ва Ерофеевлар — 1913-1916 йй.
13. А.Н. Куропаткин — 1916-1917 йй.

Россия империяси маъмурлари ўзларининг Туркистондаги мустамлакачиликка асосланган мақсадларини кенг кўламда амалга ошириш учун ўлкани руслаштириш сиёсатига алоҳида эътибор берганлар. Маълумотларга кўра, Туркистонда очилган давлат муассасалари, судлар, банклар ва бошқа ташкилот-

ларда иш юритиш фақат рус тилида олиб борилган. Маҳаллий аҳоли (асосан бойлар, савдогарлар, қозилар ва оқсоқоллар) нинг болаларини рус тилига ўргатиш учун рус-тузем мактаблари очилган. Бундан кўзланган асосий мақсад империя маъмуриятига садоқатли амалдорларни тайёрлаш ва келажакда «сиёсий аҳамиятга эга бўлмаган бошқарув ишларигагина маҳаллий аҳолини жалб қилишдан» иборат эди.

XIX асрнинг охирларига келиб, Туркистон генерал-губернаторлигининг умумий майдони 1738918 кв.км.ни ташкил этган. 1897 йилги биринчи Бутунроссия аҳолисини рўйхатта олишнинг тўла бўлмаган маълумотларига кўра, Туркистон генерал-губернаторлигининг бешта вилояти аҳолиси қуйидагича эди:

1. Каспий бўйи вилояти — 383 минг киши.
 2. Самарқанд вилояти — 860 минг киши.
 3. Сирдарё вилояти — 1478 минг киши.
 4. Фарғона вилояти — 1572 минг киши.
 5. Еттисув вилояти — 988 минг киши.
- Жами — 5281 минг киши.

Россия империяси статистика бошқармасининг 1914 йилда тўплаган маълумотларига кўра, бу кўрсаткич 6492604 кишидан иборат бўлган. Юқоридаги маълумотлардан кўриниб турибдики, Туркистон генерал-губернаторлигининг учта вилояти (Самарқанд, Сирдарё ва Фарғона)да аҳоли зич яшаган.

Туркистон аҳолисининг умумий миқдорида ўзбеклар, қозоқлар, қирғизлар, тожиклар, туркманлар ва қорақалпоқлар кўпчиликти ташкил этган. Фоиз ҳисобида улар қуйидагича бўлган:

Ўзбеклар	35,7
Қозоқлар ва қирғизлар	44,66
Туркманлар	4,98
Тожиклар	6,73
Қорақалпоқлар	2,26
Руслар	3,75
Бошқа халқлар	2,15

Ўлкадаги рус, украин ва белорус аҳолисининг сони 1897 йилда 197240 киши бўлган бўлса, 1911 йилда уларнинг сони 406607 кишига етган. Бундан ташқари, Туркистон аҳолисининг этник таркибини татарлар, бошқирлар, грузинлар, арманлар, латишлар, литваликлар, поляклар, қошғарликлар, уйғурлар, таранчилар, форслар, ҳиндлар, курдлар, афғонлар кабилар ҳам тўлдирганлар.

Туркистон генерал-губернаторлигининг қишлоқ жойларида маҳаллий аҳолининг 86 фоизи, маҳаллий бўлмаган аҳолининг 17 фоизи яшаган бўлса, шаҳарларда маҳаллий аҳолининг 14 фоизи, маҳаллий бўлмаган аҳолининг эса 83 фоизи яшаган. Шаҳар аҳолисининг улуши Тошкент, Қўқон, Верний, Андижон, Самарқанд, Марғилон каби йирик савдо-саноат ва маъмурий-сиёсий марказларда нисбатан юқори бўлган.

Туркистон ўлкасида русийзабон аҳолига кўплаб имтиёзлар берилган бўлиб, бундай имтиёзлар маҳаллий аҳолига тегишли бўлмаган. Рус мустамлакачилик тартиблари, идора услуби ва руслаштириш сиёсатидан норозилик қуйи маъмурият сайловларида очикдан-очик сиёсий чиқишлар шаклида намоён бўлди. Мустамлака шароитидаги миллий ва синфий тенгсизлик ҳамда рус ишчиларининг имтиёзлари ва уларнинг маҳаллий ишчилардан кескин фарқланувчи ҳукмрон мавқеи, империянинг руслаштириш сиёсати, кўчириб келтирилган рус аҳолисига маҳаллий аҳоли ерларининг бўлиб берилиши миллий-озодлик ҳаракатларига сабаб бўлган эди.

Туркистонда саноат ишлаб чиқаришнинг вужудга келиши ва ривожланиши

Россия империясининг Туркистонда олиб борган мустамлакачилик сиёсати асосан ўлкани империянинг тобора ривожланиб бораётган саноати хомашё базасига ва тайёр маҳсулотларни сотиш бозорига айлантиришга қаратилган бўлиб, мақсад эса Туркистонни саноат ўлкасига айлантириш эди. Бу ҳолатни империядаги буржуа иқтисодчилари ҳам тан олганлар. Хусусан, ўша даврда П.П.Румянцев шундай ёзган

эди: «Осиё Россияси мустамлака сифатида ўзининг метрополияси — Европа Россиясига фақат хомашё етказиб беради, айнаи вақтда, унинг қайта ишлаш саноати учун бозор бўлиб хизмат қилади». Айнаи шунинг учун ҳам чор маъмурлари ўлка саноатини ривожлантиришга алоҳида эътибор билан қарадилар.

Россия империяси Туркистон ўлкасида мустамлака бошқарув усуллари жорий этгач, ўлкада бир қатор иқтисодий ислохотлар амалга оширила бошланди. Бу ҳолат биринчи навбатда ўлка халқ хўжалигининг деҳқончилик, чорвачилик ва ҳунармандчиликка ихтисослашган тармоқларида жиддий ўзгаришлар содир бўлишига олиб келди. Хусусан, рус саноати маҳсулотларининг кўплаб кириб келиши ўлкадаги ярим натурал хўжалик юритишга асосланган ишлаб чиқариш тармоқларига зарба берди. Аммо империя маъмурлари олиб бораётган мустамлакачилик сиёсати Туркистонда тўлақонли капиталистик саноат ишлаб чиқариш вужудга келтиришга имконият бермасди. Шунга қарамасдан, ўлкада дастлабки завод ва фабрикалар фаолият юрита бошлади.

Н.Мусаев тадқиқотларига кўра, Туркистон ўлкасида саноат корхоналари вужудга келиши ва тадрижий ривожланиш тарихини икки даврга бўлиш мумкин. Биринчи давр — XIX асрнинг 60-90 йилларини ўз ичига олиб, бу даврда дастлабки капиталистик корхоналар вужудга келди. Иккинчи давр — XX асрнинг бошларини ўз ичига олиб, бу даврда саноат ишлаб чиқариши бирмунча ривожланди. Биринчи даврда саноат корхоналари озчиликни ташкил қилиб, улар майда ва кам қувватли бўлса, иккинчи даврда корхоналар кўпайиб ва йириклашиб борган бўлиб, уларнинг йирик ва қувватлироқ бўлганлари рус буржуазиясига тегишли бўлган.

Туркистонда ҳарбийлар, амалдорлар, инженерлар, савдогарлар 1865 йилда Тошкент босиб олинганидан кейин бу ерда саноат корхоналарини очиш ҳаракатларини бошлаб юбордилар. Хусусан, савдогарлар И.Первушин ва А.Хренниковлар 1867 йили 16 мартда Оренбург генерал-губернаторидан Тошкентда ароқ ва вино заводи очишга рухсат

сўрашган бўлса, барнауллик амалдор В.Спиридов, савдогар В.Кузнецов ва орёллик деҳқон З.Богданниковлар ўша йили ёз ойида Хўжанд шаҳрида вино ва ароқ заводи очишга рухсат сўраб мурожаат қилганлар. 1870 йилда савдогар Д.Филатов Самарқандда катта токзор майдонларни сотиб олиб, бу ерда ароқ заводи қуришга киришди.

Туркистон генерал-губернаторлиги ташкил этилган 1867 йилда инженер-технологлар Н.Ульянов, Д.Касьянов, И.Яблонский, Н.Писаревский, О.Плавицкийлардан иборат ширкат томонидан Тошкентда Европача биринчи сув тегирмони ишга туширилди. 1868 йилда штабс капитан Какурин иккинчи сув тегирмонини ишга туширган бўлса, ўша йили саноатчи М.Хлудов Салор ароғи бўйича Европача терини қайта ишлайдиган биринчи кўнчилик заводини ишга туширди.

Туркистон ўлкасида кўндалик эҳтиёж моллари бўлган гургут, совун, шам каби маҳсулотларга талаб катта бўлганлиги боис, уларни ишлаб чиқаришга эътибор қаратила бошланди. 1870 йилда савдогар Е.Чупин Салор ариғи бўйидаги бир бинода совун ва шам заводи қурди. Савдогар И.Первушин ароқ заводи билан чекланиб қолмасдан, 1871 йилда Тошкентда пиллачилик фабрикасини ҳам қурди. Шунингдек, бу савдогар Қоратов тоғларида қўрғошин конлари ва Оҳангаронда тошкўмир конларини ишга туширди.

Туркистон шаҳарларида руслар яшайдиган «янги қисм»ларнинг пайдо бўлиши билан ғишт заводлари маҳсулотларига бўлган талаб ошиб борди. Натижада, ғишт заводларига эга бўлган маҳаллий бойлар европача усулда пишиқ ғишт тайёрлаб, янги шаҳарларнинг ғиштга бўлган эҳтиёжини қондира бошладилар. Меҳнати офир, даромади кам, технологияси содда бўлган ғишт заводлари асосан маҳаллий бойларга тегишли эди.

Империя мустамлакачилари Туркистон ўлкасини босиб олаётган даврда бу ерда хавфли вазиятлар бўлиб туришига қарамасдан, завод ва фабрикалар қуриш ҳаракати тўхтамади.

Хусусан, 1867-1872 йилларда Туркистонда етгита ипак калавалаш фабрикаси ишга туширилган. Шулардан бири — 1867 йилда Хўжандда ишга туширилган Хлудов фабрикаси бўлиб,

унда дастлаб 23 та ипак ўрайдиган дастгоҳ (станок) ўрнатилган бўлса, 1869 йилда уларнинг сони 53 тага етди. Бу дастгоҳларда усталар назорати остида 200 та маҳаллий ўсмирлар меҳнат қилиб, кунига 33 тийиндан иш ҳақи олишган.

1868 йилда Тошкентда ишга туширилган И.Первушиннинг ипак калавалаш фабрикаси нисбатан мукамал бўлиб, 4 йилга яқин ишлаган. У фабрикасида ишлатиш учун маҳаллий ёшлардан ташқари, Оренбургдан ҳам 40 та ўсмирни Тошкентга олиб келган. Тарихчи олим Н.Мусаев маълумотларига кўра, 1873 йилда француз ишбилармони Гурде Тошкентда тўқимачилик фабрикасини ишга туширди. Бу фабрикада 144 та ишчи, жумладан, битта назоратчи (рус), битта дурадгор, битта чилангар-механик, ўнга яқин қора ишчи ва учта қоровул бўлган. Европалик саноатчилар қурган йирик корхоналарда меҳнатнинг ташкил этилиши кўплаб ёлланма ишчиларнинг ишчи кучидан фойдаланишга асосланган бўлиб, уларда катталар ва ўсмирлар меҳнатидан мунтазам равишда фойдаланишга ҳаракат қилинган.

Дастлабки ташкил этилган корхоналарнинг кўпчилиги қўл меҳнатига асосланган. Мануфактура шаклида ташкил этилган корхоналарда ишчилар ўз мустақилликларини йўқотиб, капиталга қарам бўлиб бордилар. Ишчилар ўзлари ишлаб чиқарган маҳсулотлар сотилишидан тушган фойданинг бир қисмини иш ҳақи сифатида олишган. Кўпчилик фабрикалар ўзини сифатли хомашё билан таъминлай олмаганлиги ҳамда йирик фабрикалар рақобатига бардош бера олмаганлиги туфайли тезда ёпилган. Мисол учун, 1871 йилда Раевский корхонаси 3 ой, Андреев-Фаденчев фабрикаси 5 ой ишлаб ёпилган бўлса, 1874 йил охирида Гурде фабрикасида ҳам иш тўхтатилди.

Бундай корхоналарнинг узоқ муддат ишлай олмай қисқа муддатларда ёпилишининг асосий сабаблари, биринчидан, ўша даврда ипак маҳсулотларининг керагидан ортиқча ишлаб чиқарилганлиги бўлса, иккинчидан, фабрика эгаларининг бир неча соҳага қўл уриб, улардан кўпроқ даромад келтирадиганларига асосий эътиборни кучайтирганликларида

эди. Саноатнинг шойи тўқишдан бошқа соҳаларида маҳаллий ҳунармандчилик маҳсулотлари билан саноат усулида ишлаб чиқарилган маҳсулотлар ўртасида рақобат кучайди. Мисол учун, 1872 йилда Тошкентда рус саноатчилари томонидан қурилиб, бир кеча-кундузда 100 пуддан 150 пудгача ёғ ишлаб чиқарадиган корхоналар олдида, бир кеча-кундузда аранг 5 қадоқ ёғ ишлаб чиқарадиган жувозларнинг инқирози муқаррар эди. Шунингдек, ҳунармандчиликнинг инқирози ип йигириш, тўқимачилик ва металл буюмлар ишлаб чиқариш соҳаларида жиддий сезила бошланди.

Ҳар қандай ҳолатда ҳам вазиятдан чиқиш зарурияти маҳаллий ҳунармандларни бозор эҳтиёжларини ўрганиш ва зарур маҳсулотлар ишлаб чиқаришга мослашишга мажбур қилди. Бунинг натижасида Туркистон ўлкасининг йирик шаҳарларида маҳаллий кийимлар тикиш, гилам, шолча тўқиш, эгар-жабдуқлар яшашга эътибор кучайди. Россия империяси Туркистонни босиб олганидан сўнг ўтган 10 йил мобайнида, вазиятга мослашган маҳаллий бойлар ҳам турли корхоналар қура бошладилар. Аммо улар ҳали завод ва фабрикалар даражасига кўтарилмаган эди. Чимкент уезида 6 та гишт, 4 та кўн ва 5 та ёғ заводлари ҳамда 13 та кулолчилик корхоналари бўлган. Тошкент шаҳрида 17 та совун, 35 та гишт, 6 та ароқ, 1 та пиво, 90 та кўнчилик заводлари, 730 та тўқимачилик, 14 та бўёқчилик, 3 та калава ўраш фабрикалари, маҳаллий ҳунармандларга тегишли 124 та темирчилик, 33 та дурадгорлик, 33 та этиқдўзлик, 62 та ширинлик тайёрловчи устахоналар мавжуд эди.

Туркистон ўлкасига капиталистик муносабатларнинг кириб келиши — саноат ишлаб чиқаришининг янги турлари яратилишини жадаллаштирди. Маҳаллий ва европалик саноатчиларга тегишли кўпгина корхоналарнинг йириклашуви ва хусусий капиталдан самарали фойдаланиш имконияти пайдо бўлди. Ўша даврда саноат корхоналари нисбатан кўпроқ ривожланган Сирдарё вилояти завод-фабрикаларида ишлаб чиқарилган маҳсулотлар, дастлаб фақат вилоят миқёсида истеъмолда бўлган бўлса, пахта тозалаш, ёғ-ёрма тортиш,

унда дастлаб 23 та ипак ўрайдиган дастгоҳ (станок) ўрнатилган бўлса, 1869 йилда уларнинг сони 53 тага етди. Бу дастгоҳларда усталар назорати остида 200 та маҳаллий ўсмирлар меҳнат қилиб, кунига 33 тийиндан иш ҳақи олишган.

1868 йилда Тошкентда ишга туширилган И.Первушиннинг ипак калавалаш фабрикаси нисбатан мукамал бўлиб, 4 йилга яқин ишлаган. У фабрикасида ишлатиш учун маҳаллий ёшлардан ташқари, Оренбургдан ҳам 40 та ўсмирни Тошкентга олиб келган. Тарихчи олим Н.Мусаев маълумотларига кўра, 1873 йилда француз ишбилармони Гурде Тошкентда тўқимачилик фабрикасини ишга туширди. Бу фабрикада 144 та ишчи, жумладан, битта назоратчи (рус), битта дурадгор, битта чилангар-механик, ўнга яқин қора ишчи ва учта қоровул бўлган. Европалик саноатчилар қурган йирик корхоналарда меҳнатнинг ташкил этилиши кўплаб ёлланма ишчиларнинг ишчи кучидан фойдаланишга асосланган бўлиб, уларда катталар ва ўсмирлар меҳнатидан мунтазам равишда фойдаланишга ҳаракат қилинган.

Дастлабки ташкил этилган корхоналарнинг кўпчилиги қўл меҳнатига асосланган. Мануфактура шаклида ташкил этилган корхоналарда ишчилар ўз мустақилликларини йўқотиб, капиталга қарам бўлиб бордилар. Ишчилар ўзлари ишлаб чиқарган маҳсулотлар сотилишидан тушган фойданинг бир қисмини иш ҳақи сифатида олишган. Кўпчилик фабрикалар ўзини сифатли хомашё билан таъминлай олмаганлиги ҳамда йирик фабрикалар рақобатига бардош бера олмаганлиги туфайли тезда ёпилган. Мисол учун, 1871 йилда Раевский корхонаси 3 ой, Андреев-Фаденчев фабрикаси 5 ой ишлаб ёпилган бўлса, 1874 йил охирида Гурде фабрикасида ҳам иш тўхтатилди.

Бундай корхоналарнинг узоқ муддат ишлай олмай қисқа муддатларда ёпилишининг асосий сабаблари, биринчидан, ўша даврда ипак маҳсулотларининг керагидан ортиқча ишлаб чиқарилганлиги бўлса, иккинчидан, фабрика эгаларининг бир неча соҳага қўл уриб, улардан кўпроқ даромад келтирадиганларига асосий эътиборни кучайтирганликларида

эди. Саноатнинг шойи тўқишдан бошқа соҳаларида маҳаллий ҳунармандчилик маҳсулотлари билан саноат усулида ишлаб чиқарилган маҳсулотлар ўртасида рақобат кучайди. Мисол учун, 1872 йилда Тошкентда рус саноатчилари томонидан қурилиб, бир кеча-кундузда 100 пуддан 150 пудгача ёғ ишлаб чиқарадиган корхоналар олдида, бир кеча-кундузда аранг 5 қадоқ ёғ ишлаб чиқарадиган жувозларнинг инқирози муқаррар эди. Шунингдек, ҳунармандчиликнинг инқирози ип йигириш, тўқимачилик ва металл буюмлар ишлаб чиқариш соҳаларида жиддий сезила бошланди.

Ҳар қандай ҳолатда ҳам вазиятдан чиқиш зарурияти маҳаллий ҳунармандларни бозор эҳтиёжларини ўрганиш ва зарур маҳсулотлар ишлаб чиқаришга мослашишга мажбур қилди. Бунинг натижасида Туркистон ўлкасининг йирик шаҳарларида маҳаллий кийимлар тикиш, гилам, шолча тўқиш, эгар-жабдуқлар яшашга эътибор кучайди. Россия империяси Туркистонни босиб олганидан сўнг ўтган 10 йил мобайнида, вазиятга мослашган маҳаллий бойлар ҳам турли корхоналар қура бошладилар. Аммо улар ҳали завод ва фабрикалар даражасига кўтарилмаган эди. Чимкент уезида 6 та гишт, 4 та кўн ва 5 та ёғ заводлари ҳамда 13 та кулолчилик корхоналари бўлган. Тошкент шаҳрида 17 та совун, 35 та гишт, 6 та ароқ, 1 та пиво, 90 та кўнчилик заводлари, 730 та тўқимачилик, 14 та бўёқчилик, 3 та калава ўраш фабрикалари, маҳаллий ҳунармандларга тегишли 124 та темирчилик, 33 та дурадгорлик, 33 та этиқдўзлик, 62 та ширинлик тайёрловчи устахоналар мавжуд эди.

Туркистон ўлкасига капиталистик муносабатларнинг кибриб келиши — саноат ишлаб чиқаришининг янги турлари яратилишини жадаллаштирди. Маҳаллий ва европалик саноатчиларга тегишли кўпгина корхоналарнинг йириклашуви ва хусусий капиталдан самарали фойдаланиш имконияти пайдо бўлди. Ўша даврда саноат корхоналари нисбатан кўпроқ ривожланган Сирдарё вилояти завод-фабрикаларида ишлаб чиқарилган маҳсулотлар, дастлаб фақат вилоят миқёсида истеъмолда бўлган бўлса, пахта тозалаш, ёғ-ёрма тортиш,

картон ва ипак тайёрлаш заводлари ишга туширилганидан кейин уларда тайёрланган маҳсулотлар чет бозорларга ҳам чиқарила бошланди.

Ишлаб чиқариш самарадорлигини ошириш мақсадида 1881 йилда Тошкент пахта тозалаш заводларида 6 та пахта тозалаш дастгоҳи ўрнатилди. Пахта заводлари қурилишига Самарқанд вилоятида ҳам эътибор кучайди. Вилоят ҳудудидан темир йўл ўтказилиши вилоятда саноат корхоналари қуриш имкониятларини кенгайтди. 1886 йилда Каттақўрғон уездининг Митан қишлоғида княз Тинхачев томонидан биринчи пахта заводи қурилди. 1889 йилда Каттақўрғон шаҳрида инженер Л.Югович 4 та пахта тозалаш дастгоҳи ва буғ билан ишлайдиган пахта тозалаш заводини ишга туширди.

Ўлкада кўплаб пахта заводлари қурилиши натижасида толаси олинган чигит кўпайиб кетди. Натижада, чигитдан саноат усулида ёғ олишга киришилди. Бундай биринчи ёғ заводи 1890 йилда К.Држевский томонидан Янги Бухоро (Когон)да қурилди. Аммо маҳаллий аҳолининг рус корхонасида саноат усулида ишлаб чиқарилган ёғни истеъмол қилмаслиги туфайли ёғ сотилмай, завод тўхтаб қолди. Самарқанд вилоятининг Челак қишлоғидаги, Каттақўрғон шаҳридаги, шунингдек, Сирдарё ва Фарғона вилоятларидаги, Марвдаги ёғ заводлари ҳам зарар кўриб ишлаган. Шундан сўнг ёғ заводларининг маҳсулотлари Россиянинг марказий районларига сотила бошланди.

Туркистон ўлкасида саноат ишлаб чиқаришини ташкил этиш халқ хўжалигининг бошқа соҳаларига нисбатан мураккаброқ эди. Шунга қарамасдан, савдо-саноат буржуазияси ўз манфаатларидан келиб чиқиб ўлкада саноат ишлаб чиқаришни ривожлантириш учун маълум шароитлар яратди. Аммо ўлкада саноат ишлаб чиқаришнинг ривожланиши нисбатан суст бўлиб, бунинг асосий сабаблари ўлканинг иқтисодий шароити ва имкониятлари яхши ўрганилмаганлиги, маҳаллий ишбилармонлар йирик саноат ишлаб чиқаришини ташкил этиш учун етарли маблағларга эга бўлмаганликлари, ер эгаллиги масаласи тўла ҳал қилинмаганлиги, ўлка бойликларини

қайта ишлаш учун малакали кадрлар, тажриба ва технологиянинг етишмаслиги кабилар эди.

Энг асосийси эса Россия империяси маъмурларининг иқтисодий сиёсати ўлкада йирик саноат корхоналари қуришга қарши қаратилган эди. Чунки ўлкада маҳаллий ишчиларнинг кўпайиши империянинг мустамлакачилик сиёсати учун жуда хавфли эди. Россия империяси атайлаб ўлкада саноатнинг, биринчи навбатда оғир саноатнинг ривожланишига йўл бермади. Ўрта Осиё рус капиталистларининг завод ва фабрикаларининг хомашё базаси сифатида куч билан ушлаб турилди.

1909 йилда Туркистон генерал-губернатори лавозимида бўлган А.Самсонов Россия империясининг Туркистонда саноат ишлаб чиқариш борасидаги мустамлакачилик сиёсатини шундай изоҳлайди: «Пахтани қайта ишлаш бўйича янги Туркистон фабрика-заводчилик районини вужудга келтириш, биринчидан, ҳар йили 11000000 пуд Туркистон пахтасини Россиянинг Европа қисмига етказиб бераётган ва у ёқдан Туркистонга мануфактура маҳсулотларини ташиб келтираётган ҳар иккала темир йўлга катта зарар келтиради. Иккинчидан, энг асосийси, Москва фабрика заводчилик районида қайта ишланиши лозим бўлган пахтани Туркистон ҳудудида қолдирилиши, уларга Ўрта Осиё ва Форс бозорларида ўзларининг анча арзон маҳаллий маҳсулотларини сотишга имкон бериб, Москва мануфактура фирмалари савдосини барбод қилиши мумкин».

Россия империясининг мустамлакачи ҳукумати саноат ривожига тўсқинлик қилишга қанчалик уринмасин, ўлкадаги ижтимоий-иқтисодий жараёнларни бутунлай тўхтата олмади. Аксинча, XIX аср охири — XX аср бошларига келиб, Туркистон ўлкаси ишлаб турган ва янги қурилаётган завод-фабрикалар, ҳунармандчилик корхоналарининг сони жиҳатидан Россиянинг айрим марказий районларидан илгарилаб кетди.

Туркистон ўлкасини босиб олиш учун олиб борилган босқинчилик урушлари туфайли ўлкада пахта етиштириш кескин камайиб кетган эди. Туркистон пахтасининг Россия

тўқимачилик саноати учун катта аҳамиятга эга эканлигини яхши тушунган фон Кауфман 1868 йилда Америка пахта навларини етиштиришга кўрсатма берди. Бу пахта навларини иққимлаштириш самарали натижалар бериб, ундан маҳаллий ғўзага нисбатан сифатли ва узун тола олина бошланди.

XIX асрнинг 80-йилларидан бошлаб Туркистонда пахта экиладиган ерлар кенгайиб борди. Аммо ўлкада етиштирилаётган пахта миқдорининг кўпайтирилишига қарамасдан, у Россия тўқимачилик саноатининг 1/5 қисми эҳтиёжларини ҳам қондира олмас эди.

Пахтага бўлган талабнинг тобора ортиб бориши маҳаллий бойлардан ташқари йирик рус саноатчиларини ҳам ўзига жалб қилди. XIX асрнинг охирларига келиб, йирик рус саноатчилари ўлкада пахтага ихтисослашган хўжаликлар туза бошладилар. Аммо капиталистик кўринишидаги бундай пахтакор хўжаликлар ўз ераларидан самарали фойдалана олманган бўлсалар-да, айрим капиталистик фирмалар ўз хўжаликларидан янги технология ва тажрибаларни қўллашиб, пахта етиштиришни кўпайтиришга ҳаракат қилдилар.

Россиянинг савдо-саноат буржуазияси ўлкада пахтачиликни мунтазам ривожлантириб боришга ҳаракат қилди. Шунингдек, Бухоро ва Хива хонликларида ҳам пахта етиштиришга эътибор кучайди. Маълумотларга кўра, хонликларда етиштирилган пахта толасининг сифати Фарғона ва Сирдарё вилоятлариникига нисбатан анча яхши бўлган. «Фарғона вилоятида пахта, шולי етиштириш анча ривожланган бўлса-да, бироқ сифати жиҳатидан Бухоро, айниқса, Хива маҳсулотларига нисбатан кейинда туради». Айни пайтда, Бухоро амирлиги учун Ўрта Осиё темир йўлининг қурилиши, Хива хонлиги учун Амударё — Орол денгизи сув йўлининг очилиши пахтани четга сотиш имкониятларини янада кенгайтирган эди.

Пахтачилик саноати қишлоқ хўжалигининг бошқа соҳаларига нисбатан кўп меҳнат ва харажат талаб қилса-да, ундан келадиган фойда нисбатан юқори эди. Айнан шунинг учун ҳам империя маъмурлари пахта етиштиришга эътиборни кучайтирганликлари қуйидаги жадвалда ҳам кўринади:

Йиллар	Пахта майдони (десятина ҳисобида)	Олинган ҳосил (пуа ҳисобида)
1887	61 300	10 000
1893	136 300	-
1895	-	3 273 300
1899	300 000	5 757 900
1903	-	7 000 000
1907	-	8 227 000
1908	-	10 870 000
1910	380 000	13 588 000
1911	425 200	12 997 000
1912	430 000	14 000 000

Россия империясининг Туркистонда олиб борган мустамлакачилик сиёсати ўлка аҳолисининг ижтимоий-иқтисодий ҳаётига жиддий таъсир кўрсатди. Ўлканинг рус савдо-санот буржуазияси хомашё базасига айлантирилиши натижасида қуйидаги жараёнлар содир бўлди:

1. Жаҳон бозорида пахта нархининг ошиб бориши натижасида Туркистонда пахта етиштириш ва уни четга ташиб кетиш кучайди.

2. Пахтачиликнинг нисбатан сердаромад соҳага айлантирилиши, унинг ўлка қишлоқ хўжалигидан бошқа экинларнинг (айниқса Фарғона водийсида) сиқиб чиқарилишига сабаб бўлди. Оқибатда, пахта яккаҳоқимлиги учун замин яратилиб, ўлка аҳолисининг дон ва бошқа қишлоқ хўжалиги маҳсулотларига эҳтиёжини кучайтирди.

3. Етиштирилаётган пахтанинг миқдори ва сифатига эътибор кучайиб, маҳаллий навлар ўрнига Америка пахта навлари кўплаб экила бошланди.

4. Қишлоқ хўжалиги ишлаб чиқаришига капиталистик бозор муносабатларининг кириб келиши қишлоқ аҳолиси ўртасида ижтимоий табақаланишни тезлаштирди. Ерлар бир

гуруҳ мулкдорлар қўлида тўпланиб, ўз ерларидан ажратилган деҳқонларнинг катта қисми ёлланма ишчиларга айландилар.

5. Қишлоқ хўжалигига товар-пул муносабатларининг кириб келиши туфайли маҳсулот етиштирувчиларнинг катта қисми бозор муносабатларига тортидилар.

Россия империяси маъмурлари Туркистонни босиб олган дастлабки даврлардан бошлаб ўлка иқтисодиётининг бошқа тармоқлари қатори фойдали қазилмаларни излаб топиш ва тадқиқ қилиш ишларига, яъни тоғ-кон саноатига ҳам эътиборни кучайтирган эдилар. Бу сиёсатнинг моҳияти асосан иккита мақсадни кўзлаган бўлиб, биринчиси, Туркистоннинг геологик тузилишини аниқлаш ва фойдали қазилмаларнинг жойларини белгилаш бўлса, иккинчиси, мустамлака ҳукумат учун ниҳоятда зарур бўлган тошкўмир, нефть, қимматбаҳо металллар конларини қидириб топиш ва ишга туширишдан иборат эди.

Туркистонда қазилма бойликлари кўплигини яхши билган Россия империяси маъмурлари ўлкага геолог олимларни жалб қилдилар. Хусусан, И.В.Мушкетов бошчилигидаги геологлар гуруҳи 1874-1880 йиллар давомида ўлканинг деярли барча вилоятларида тадқиқот ишлари олиб бориб, зарур маъулмотлар тўпладилар. Бу тадқиқотлар натижасида 1881 йилда ўлканинг геологик харитаси яратилди. Геологлар гуруҳи империя маъмурларига Фарғона водийсида қўрғошин кўплиги, қўрғошин билан бутун Россияни таъминлаш мумкинлигини маълум қилганлар.

XIX асрнинг иккинчи ярмидан бошлаб Россия нефть саноати ўзига чет эл капиталини жалб қилувчи асосий тармоқларидан бирига айланганлиги боис, рус ишбилармонлари билан ҳамкорлик қилган чет эл капиталлари Туркистонга ҳам кириб келди. Нефтнинг асосий қисми Каспий бўйи вилоятининг Небитдаг, Челекен ороли, Қизил Арват, Бола Эшим деган жойларидан, Фарғона вилоятининг Қўқон, Марғилон ва Наманган уездларидан жадал қазиб олина бошланди.

Фарғона вилояти ҳудудларида катта нефть конлари бўлиб, XX асрнинг бошларида бу ерда 9 та фирма нефть саноа-

ти билан шуғулланган. Улар орасида «Чимён», «Селроха» ва Мойлисой фирмалари энг йириклари бўлган.

Туркистоннинг подшо Россияси хукмронлиги ўрнатила бошланган ҳудудларида тошкўмирни ҳам саноат усулида қазиб олишга эътибор қаратила бошланди. Хусусан, ишбилармон А.С.Татаринов 1865 йилда Чимкентдан 90 чақирим узоқликда жойлашган Катта Бўғон дарёси яқинида йирик тошкўмир конини топди. Шунингдек, савдогар Первушин Тошкентдан 80 чақирим масофадаги Хўжанд қишлоғи яқинида, полковник Фавицкий Хўжанд шаҳридан 35 чақирим узоқликдаги Қўқимсой яқинида тошкўмир конларини очдилар. 1873 йилда Первушин Ўғам дарёсининг юқори оқимида яна битта тошкўмир конини ишга туширди. Бу конлар ароқ-вино заводлари, ипак ўраш фабрикалари, ҳарбий буюртмалар, мансабдор шахслар ва мулкдорлар учун тошкўмир етказиб берган.

Қайд этиш лозимки, Туркистон ўлкасининг қазилма бойликлари кўп бўлишига қарамасдан, бу соҳа тегишли сабаблар боис нисбатан секин ривожланди. Империя маъмурлари ўлкадаги кончилик саноатида капиталистик ишлаб чиқаришни яхши йўлга қўя олмадилар. Россия капиталистларининг иқтисодий ночорлиги туфайли ўлка кончилик саноатининг йирик ширкатлари чет эл (немис, инглиз ва бошқ.) йирик фирмалари ихтиёрига ўтиб кетди.

Хулоса сифатида таъкидлаш жоизки, рус савдо-саноат буржуазияси билан бир қаторда маҳаллий ишбилармонлар, удабуро ҳунармандлар ҳам саноатга кириб келдилар. Айниқса, пахта тозалаш, кўнчилик, ипак йигириш, ароқ-вино заводлари тез кўпайиб борди. Саноат ишлаб чиқаришнинг шаклланишига шаҳарларнинг кенгайиши, ижтимоий табақаланишнинг кенгайиб, арзон ишчи кучининг кўпайиши катта таъсир кўрсатди. Аммо ўлкадаги саноат ишлаб чиқаришнинг етакчи тармоқлари рус ва чет эл буржуазияси вакиллари қўлида эди.

гуруҳ мулкдорлар қўлида тўпланиб, ўз ерларидан ажратилган деҳқонларнинг катта қисми ёлланма ишчиларга айландилар.

5. Қишлоқ хўжалигига товар-пул муносабатларининг кириб келиши туфайли маҳсулот етиштирувчиларнинг катта қисми бозор муносабатларига тортидлар.

Россия империяси маъмурлари Туркистонни босиб олган дастлабки даврлардан бошлаб ўлка иқтисодиётининг бошқа тармоқлари қатори фойдали қазилмаларни излаб топиш ва тадқиқ қилиш ишларига, яъни тоғ-кон саноатига ҳам эътиборни кучайтирган эдилар. Бу сиёсатнинг моҳияти асосан иккита мақсадни кўзлаган бўлиб, биринчиси, Туркистоннинг геологик тузилишини аниқлаш ва фойдали қазилмаларнинг жойларини белгилаш бўлса, иккинчиси, мустамлака ҳукумат учун ниҳоятда зарур бўлган тошкўмир, нефть, қимматбаҳо металллар конларини қидириб топиш ва ишга туширишдан иборат эди.

Туркистонда қазилма бойликлари кўплигини яхши билган Россия империяси маъмурлари ўлкага геолог олимларни жалб қилдилар. Хусусан, И.В.Мушкетов бошчилигидаги геологлар гуруҳи 1874-1880 йиллар давомида ўлканинг деярли барча вилоятларида тадқиқот ишлари олиб бориб, зарур маъулмотлар тўладилар. Бу тадқиқотлар натижасида 1881 йилда ўлканинг геологик харитаси яратилди. Геологлар гуруҳи империя маъмурларига Фарғона водийсида қўрғошин кўплиги, қўрғошин билан бутун Россияни таъминлаш мумкинлигини маълум қилганлар.

XIX асрнинг иккинчи ярмидан бошлаб Россия нефть саноати ўзига чет эл капиталини жалб қилувчи асосий тармоқларидан бирига айланганлиги боис, рус ишбилармонлари билан ҳамкорлик қилган чет эл капитали Туркистонга ҳам кириб келди. Нефтнинг асосий қисми Каспий бўйи вилоятининг Небитдаг, Челекен ороли, Қизил Арват, Бола Эшим деган жойларидан, Фарғона вилоятининг Қўқон, Марғилон ва Наманган уездларидан жадал қазиб олина бошланди.

Фарғона вилояти ҳудудларида катта нефть конлари бўлиб, XX асрнинг бошларида бу ерда 9 та фирма нефть саноа-

Туркистонга келган ҳарбийлар, савдогарлар, сайёҳлар ва олимлар бу ерда тайёрланган ҳунармандчилик буюмларига катта қизиқиш билан қараганлар. 1870 йилда Тошкент, Ўра-тепа ва Хўжанд усталари тайёрлаган пичоқлар, сопол идишлар, ўйма нақшлар билан безатилган эшиклар, жами 2000 га яқин буюмлар Санкт-Петербургда ўтказилган кўргазмада намойиш қилинади. Бу кўргазмада ўзининг ҳунармандчилик маҳсулотлари билан қатнашган 42 та туркистонлик уста мукофотланиб, 9 таси бронза медали билан тақдирланган.

Ўлкадаги ҳунармандларнинг катта қисми маҳсулот тайёрлаш жараёнида хомашё ҳисобидан савдогар судхўрлар ёки усталардан кўп ҳоларда қарз олиб, уларга қарам бўлиб қолганлар. Шу тариқа савдогарлар ва қарам ҳунарманлар ўртасида дастлабки капиталистик бозор муносабатлари мануфактураларнинг илк кўринишлари юзага кела бошлайди. Ҳунармандлар мунтазам даромад олиб туриш учун бир неча касб тури билан шуғулланишга мажбур бўлганлар. Мисол учун, 1872 йил Тошкентда ўтказилган аҳоли рўйхатида кўпчилик аҳолининг касби икки хил: деҳқон ва мойфуруш, чўпонфуруш ва сарроҷ, тикувчи ва савдогар, мардикор ва бедафуруш деб кўрсатилган.

Фарғона водийсида пахтачилик ва пиллачиликнинг кенг ривожланиши туфайли тўқимачилик саноатининг бирмунча жонланишига имкон пайдо бўлди. Бу ерда Марғилон ва Хўжанд шаҳарлари йирик шойи тўқиш марказларига айланиб борди. Қўқон матоларининг сифати анча паст эди. Андижон ва Ўшда, Самарқанд ва Бухорога нисбатан ҳунармандчилик анча паст ривожланган. Марғилонда тайёрланган шойи газламалар, кўрпачалар, кўйлақлар Қашғар, Бухоро, Туркияга, Хўжандда тайёрланган матолар ва буюмлар Сибирь, Россиянинг Европа қисмига Кавказ, Эрон ва Афғонистонга олиб кетилган. Наманганда тўқилган бўз газламаларга қирғизлар ўртасида талаб катта бўлган. Водийда тўқимачилик ва ко-сибчилик билан бир қаторда темирчиликка ҳам катта эътибор берилган. Деярли барча шаҳарлар ва йирик қишлоқларда чўян эритиш ва темирчилик устахоналари мавжуд бўлган.

Россия империяси Туркистон ўлкасини босиб олганидан сўнг ҳунармандчилик корхоналарининг ишлаб чиқариш жараёнида ҳам ўзгаришлар бўлди. Энди ёлланиб ишловчи ҳунармандлар бой усталардан олган хомашёларини ўз уйларидаги асбоб-ускуналари билан маҳсулотга айлантириб, уни устага қайтаришган. Меҳнатлари эвазига эса ишбай ҳақ олишган. Ёлланиб ишловчилар 12-14 соат ишлашса-да, иш ҳақлари бир неча тангани ташкил этган.

Зарафшон воҳасида энг кўп тарқалган ва ривожланган ҳунармандчилик соҳаси тўқимачилик эди. Бу ерда пахта ва пилла толасидан чит, дока, рўмол, атлас, беқасам, шойи, хон-атлас каби матолар тўқилиб, уларнинг бир қисми четга ҳам чиқарилган. XIX асрнинг ўрталарида Бухоро ва унинг атрофлари, Ғиждувон, Карманда 10-12 мингта тўқув дастгоҳлари бўлган. XIX асрнинг охирларига келиб, Зарафшон воҳасида йирик тўқимачилик мануфактураларининг кўпайиб бориши натижасида якка-якка ишлайдиган усталар инқирозга учраганлар. XX аср бошларида Бухоро шаҳрида фаолият кўрсатган барча тўқимачилар тўртта касабга (цех)га бўлинган бўлиб, ҳар бир цехга оқсоқол (бобо) бошчилик қилган. Тўқимачилик цехларига бу даврда Уста Мўминжон, Уста Фуломқори, Уста Жўрабой, Уста Олимлар оқсоқоллик қилганлар.

XIX асрнинг иккинчи ярми — XX аср бошларида ҳунармандлар вилоятларнинг табиий жойлашуви, хомашё етиштириш имкониятларидан келиб чиқиб, турли соҳаларга ихтисослашганлар. Мисол учун, Бухоро ва Қўқон атрофларида ип-газлама маҳсулотлари, Самарқандда қоғоз, Тошкент ва Каттақўрғонда пойабзал, Чуст, Шаҳрихонда пичоқ, Чуст ва Шаҳрисабзда дўппи, Наманган ва Ҳисорда металлдан турли буюмлар, Термиз, Денов, Қарши ва Ғузорда кулолчилик маҳсулотлари ишлаб чиқариш кенг йўлга қўйилган. Шаҳарлар ва йирик қишлоқлардаги ҳунармандлар «бир томондан йирик устахоналар эгаларига ва ишбилармон усталарга, иккинчи томондан, барча ишлаб чиқариш воситаларидан маҳрум этилган ёлланиб ишловчи усталарга ажралганлар. Усталар ишлаб чиқарган маҳсулотларини ўзлари сотиш им-

кониятга эга эмас эдилар. Бундай ҳуқуқни йирик устахона-лари бўлган савдогарлар қўлга киритдилар».

Маҳаллий устахоналар эгалари кўпроқ бойлик ортириш мақсадида қўл остидаги ишчилардан иложи борича кўпроқ фойдаланганлар. Ишчилар эса асосан усталарнинг ёрдамчилари — халфалар ва шогирдларидан иборат бўлган. Устахоналардаги ишчиларнинг сони одатда 4-5 кишидан ошмаган бўлиб, айрим ҳоллардагина 9-10 кишига етган. Ёлланиб ишловчилар ойига 5-6 рубль, уста ёрдамчилари 10 рублгача ҳақ олишган. Шогирдлар фақат ҳунар ўрганиш билан кифояланиб, меҳнатлари учун ҳақ олмаганлар.

Саноат ишлаб чиқаришнинг ўша даврга хос характерли хусусиятларидан бири шунда эдики, ҳали бу ерда савдонинг саноатидан ажралиб чиқиш жараёни тугалланмаган. Барча шаҳарларда «дўкон» деганда маҳсулот тайёрланадиган ва сотиладиган жой тушунилган. Устахоналарда тайёрланадиган турли газламалар, металл ва ёғочдан ишланган буюмлар, мис ва сопол идишлар, металлдан ясалган маҳсулотлар, от ва чорвачилик анжомлари, турли безаклар ва тақинчоқлар шу ернинг ўзида сотилган. Бу давр ҳунармандчилигининг ўзига хос икки жиҳати бўлиб, биринчиси, ҳунармандчилик корхоналари шаҳар ва қишлоқларда саноатнинг кенг тарқалган шакли ҳисобланган. Аҳолининг эҳтиёжлари асосан маҳаллий ҳунармандчилик саноати ҳисобига қондирилган. Иккинчиси, айнан маҳаллий ҳунармандчилик саноатида кўплаб ишчилар, камбағал ва ўртаҳол косиблар ишлар эдилар.

Ўлкадаги кўчманчи аҳоли орасидаги ҳунармандчиликда кигиз тайёрлаш, уй жиҳозлари ишлаб чиқариш, оила эҳтиёжлари учун тери ва мўйна ишлаб чиқариш кенг йўлга қўйилган эди. Кўчманчилар орасида кигиз (набат) тайёрлаш анча ривожланган. Чунки бу маҳсулотга ҳамма вақт талаб катта бўлган. Ўлкада бўз, атлас, шойи тўқиш, дўппидўзлик, темирчилик, заргарлик каби ҳунармандчилик турлари ривож топган бўлиб, қандолатчилик, ширмонпазлик, новвойлик ҳам тараққий этган. Уй-рўзгор учун ишлатиладиган кундалик эҳтиёж моллари, хўжалиқда ишлатиладиган барча

маҳсулотлар — эгар-жабдуқ, сандиқ, шам, мис идишлар, халатлар, чарм буюмлар, сопол, ёғоч, кумуш, олтин буюмлар, кетмон, пичоқ, маҳси, калиш, дўппи, тақинчоқлар кўлаб ишлаб чиқарилган.

Маълумотларга кўра, минтақа иқтисодиётини ўрганиш учун 1886 йилда Тошкентда очилган биринчи ва 1890 йилдаги иккинчи Туркистон кўрғазмаларида маҳаллий ҳунарманд усталар ҳамда саноат корхоналарида ишлаб чиқарилган маҳсулотлар, қишлоқ хўжалиги маҳсулотлари намойиш қилинади. Бу ерда намойиш қилинган гилам тўқувчилар, қуролсозлар, заргарлар ва тўқувчиларнинг тайёрлаган маҳсулотлари кўрғазма иштирокчиларида яхши таассурот қолдирган эди. Аммо XIX асрнинг иккинчи ярмидан бошлаб Россиядан саноат маҳсулотлари келтиришни кўпая бошлагани туфайли маҳаллий ҳунармандчилик инқирозга учрай бошлади.

Туркистон ўлкасида маҳаллий ҳунармандчилик корхоналари турли-туман бўлиб, улар ўзларининг характериға кўра қуйидаги тўртта гуруҳға бўлинган:

1. Қазилма маҳсулотларни қайта ишловчи (кулолчилик, чўян қуйиш, темирчилик, тунукасозлик, чилангарлик) корхоналари.

2. Чорвачилик маҳсулотларини қайта ишловчи (кўнчилик, гилам ва олача тўқиш, мой-шам, шойи, кигиз тўқиш, пиллачилик, этиқдўзлик ва бошқ.) корхоналар.

3. Ўсимлик маҳсулотларини қайта ишловчи (мойжувоз, ип-газлама, дурадгорлик, эгар-жабдуқ ва бошқ.) корхоналар.

4. Аралаш маҳсулотлар ишлаб чиқарувчи (заргарлик, соатсозлик, китоб муқовалаш, дўппидўзлик ва бошқ.) корхоналар.

Темир йўллар. XIX асрнинг 70-йилларидан бошлаб Россия империясининг босқинчилик сиёсатини давом эттириш, Ўрта Осиёда ҳарбий-стратегик жиҳатдан мустақкам ўрнашиб олиш, ўлканинг ер усти ва ер ости бойликларини мумкин қадар кўпроқ ўзлаштириш зарурияти империя ҳукумати Туркистонни Россиянинг марказий районлари билан боғловчи темир йўллар қуришни тезлатишға мажбур қилган

эди. Империя ҳукумати томонидан ушбу масалага жиддий эътибор берилиб, бу йўналишда қисқа муддат ичида 40 га яқин лойиҳалар ишлаб чиқилди ҳамда Ўрта Осиё темир йўл қурилишини Красноводскдан бошлаш лойиҳаси мақсадга мувофиқ деб топилди. Биринчидан, Каспий денгизи бўйида бунёд этилган (1869 й.) бу қалъа, Волга дарёси орқали ташиб келинган қурилиш материалларини жойлаштириш учун қулай бўлса, иккинчидан, темир йўл қурилишининг бу йўналиши ўша пайтдаги жанговар туркман қабилаларини бўйсундириш ҳамда чегараларни мустақкамлаб олиш учун ҳам муҳим аҳамиятга эга эди.

Қорақум чўлининг оғир ва мураккаб табиий шароитида темир йўл қурилиши Ҳарбий вазирлик зиммасига юклатилиб, 1880 йил 26 августда Михайловский кўрфазидан Қизил Арвотгача бўлган 217 чақирим масофада қурилиш ишлари бошлаб юборилди. Иқтисодий қийинчиликларга қарамасдан, мустамлакачи империянинг зўр бериб қилган ҳаракатлари туфайли, 1 январь 1881 йилда 60 чақирим йўл қурилган бўлса, 1 сентябрда Қизил Арвотгача етиб бориб, ишга туширилди. Юк кам бўлганлиги учун поездлар дастлаб ҳафтасига икки марта қатнаб, асосан, ҳарбийлар, почта ва ҳар хил юкларни ташиб турган.

1884 йил 30 июнда империя Давлат кенгаши темир йўлни Ашхабодгача етказиш ҳақидаги таклифни тасдиқлаб, зарур маблағни ажратди. Марв шаҳрида эса темир йўл қурилишини бошқарувчи идора ташкил этилди. 1885 йил июнь ойида темир йўлни Чоржўйгача етказиш ҳақида Бухоро амири Абдулаҳадхондан рухсат олинди. 1886 йил 4 февралда империя ҳукумати Марв-Чоржўй темир йўли қурилишини тасдиқлади. Дастлабки пайтларда темир йўллар қурилишига «ортиқча нарса талаб қилмайдиган ва ўлканинг жазирама иссиқларига кўникиб кетган» маҳаллий аҳоли ҳам жалб этилди.

Темир йўл қурилиши катта қийинчиликлар билан кечган бўлиб, бу ҳақда П.П.Семёнов-Тяньшанский шундай ёзган эди: «Шубҳасиз, дунёнинг бирор ерида Каспий орти вилоятидаги каби қумли чўлдан катта масофадаги темир йўл ўтказилма-

ган. Темир йўл қурувчиларининг Янги Калифорния ва Жа-
зоирда қум билан қураши Каспий бўйлари, айниқса, Марв
воҳаси ва Амударё оралиғидаги каби катта ҳажмда эмас эди».
Шунга қарамасдан, темир йўллар қурилиши кенгайиб борди.
1886 йилдан бошлаб муҳандис К.Толпиго Самарқандда, техник
Р.Палмигрэн Каттақўрғонда, техник В.Лепинский Зиёвиддин-
да, муҳандис С.Иванов Бухорода, муҳандислар Д.Семагин ва
Л.Дараганлар Қорақўл ҳамда Амударёда темир йўл қурилиши
бўйича ишларни бошлаб юбордилар. Катта қийинчиликлар ва
асбоб-ускуналар етишмаслиги шароитида бўлса-да, 1888 йил
февралда Амударё-Самарқанд йўли қуриб битказилди.

Темир йўллар ўлканинг ичкарасига тобора кириб бор-
ган сари унда ишлаётган маҳаллий аҳоли сони ҳам кўпайиб
борди ва қарийб 70-80 фоизни ташкил қилди. Қурилишда
ўзбеклар, тожиклар, туркманлар ишлаган бўлиб, улардан
дастлабки қурувчи ишчилар етишиб чиқди. Маҳаллий аҳо-
ли оғир шароитларга қарамасдан, русийзабон ишчиларга
қараганда анча кам иш ҳақи олганлар. Шунга қарамасдан,
XIX асрнинг 90-йилларидан бошлаб мустамлака маъмурияти
ўлкадаги темир йўл ишчилари орасида маҳаллий аҳолини
камайтириб, русийзабон ишчиларни кўпайтириш чора-тад-
бирларини кўрди.

XIX аср охирида Ўрта Осиё темир йўл ишчиларининг
миллий таркиби қуйидагича бўлган:

Ишчиларнинг миллий таркиби жиҳатидан тоифаланиши	1890 й.	1894 й.	1898 й.
Руслар	1760	2359	4100
Маҳаллий миллат вакиллари	1028	860	948

Мустамлака маъмурияти томонидан 1895 йил 21 сентябр-
да Самарқанд-Андижон темир йўлининг Тошкент шохобча-
сини қуриш ҳақида кўрсатма берилиб, ишлар жадал суръ-
атларда олиб борилди. Натижада, биринчи поезд 1897 йил

27 ноябрда Қўқонга, 1899 йил Тошкентга, 1900 йилда Андижонга кириб келди. Ушбу магистрал йўлга «Ўрта Осиё темир йўли» деб ном берилди.

Таъкидлаш лозимки, аҳоли зич яшайдиган ҳудудларда темир йўллар қурилиши жараёнида маҳаллий аҳолининг турмуш тарзи ва манфаатлари умуман ҳисобга олинмади. Хусусий уйлар бузилиб, ерлар темир йўл ихтиёрига ўтганда ерлар учун товон пули ҳамиша ҳам берилмаган ёки сарсонгарчилик бўлган. Биргина Самарқанд-Андижон темир йўли қурилишида 5,5 минг деҳқон жабр кўрган. Шунга қарамадан, империя ҳукумати темир йўллар қурилишини давом эттирди.

1900 йилда Тошкент — Оренбург йўналиши бўйича темир йўл қурилиши ҳаракатлари бошланиб, бу йўлнинг жанубий қисмини қуриш Тошкентдан, шимолий қисмини эса Оренбургдан қуриш ва ҳар иккала қисмини Казалинскда бирлаштириш режалаштирилди. Маълумотларга кўра, бу йўл қурилишда мустамлака маъмурияти жиддий эътибор қаратган бўлиб, темир йўл қурилиши материалларини етказиб беришда Брянск, Новороссийск, Таганрог, Донск, Сармово, Воткинск, Путиловск, Коломенск, Николаев каби шаҳарлардаги йирик заводлар иштирок этганлар. 1906 йил 1 январда бу йўл тўла фойдаланишга топширилган.

1908 йилдан бошлаб ўлканинг темир йўл қурилиши тарихида янги босқич бошланди. Шу пайтга қадар темир йўллар қурилиши фақат давлат сармоялари ҳисобига амалга оширилган бўлса, бундан кейин бу иш хусусий тадбиркорлар томонидан амалга оширила бошланди. Темир йўллар жуда катта даромад келтираётганига эътибор қаратган катта капитал эгалари бу иш учун катта-катта сармоялар сарф қила бошладилар. Хусусий темир йўл қурилишига эътиборнинг кучайиши натижасида 1912-1915 йилларда Ўрта Осиёда қуйидаги темир йўл шохобчалари қурилган:

Шоҳобчанинг номи	Узунлиги (чақирим)	Қурилиш йили
Горчаково — Скобелев	8	1912
Қўқон — Наманган	84	1912
Когон — Бухоро	12	1912
Андижон — Гуручмозор	27	1914
I Андижон — II Андижон	83	1914
Гуручмозор — Жалолобод	46,3	1915
Когон — Қарши	147,4	1915
Қарши — Амиробод	144,2	1915
Қарши — Самсонов	109,2	1915
Қарши — Фузор-Китоб	114	1915

Таъкидлаш лозимки, Россияни Ўрта Осиё билан боғлайдиган темир йўллар ишга туширилгач, рус ва чет эл капиталининг ўлкага кириб келиши учун катта имкониятлар очилди. Темир йўлларнинг қурилиши, ҳаракат йўналишларининг ўсиб бориши темир йўл таъмирлаш базасини яратиш заруриятини тақозо этганлиги боис, темир йўллар ёқасида уларга хизмат кўрсатадиган станциялар, устахоналар ва деполар қурила бошланди. Дастлаб 1882 йилда Қизил Арвотда вагон таъмирлаш, 1900 йилда эса Тошкент ва Красноводскда темир йўл устахоналари ишга туширилди.

Темир йўллар ишга туширилиши натижасида ўлкадан пахта, жун, қуруқ мевалар ташиб кетиш, Россиядан эса мауфактура маҳсулотлари билан бир қаторда, қанд, темир, пўлат, қишлоқ хўжалиги асбоб-ускуналари ва дон маҳсулотлари келтириш авж олди. Бу ҳолатни қуйидаги жадвалда ҳам кузатиш мумкин:

1885 йилдан 1900 йилга қадар Туркистондан олиб кетилган ва Россиядан келтирилган маҳсулотлар

Туркистондан олиб кетилган	Пуд ҳисобида	Россиядан олиб келинган	Пуд ҳисобида
Пахта	49 546 152	Мануфактура маҳсулотлари	9 208 745
Жун	5 002 152	Қанд	8 137 042
Ипак	113 959	Қишлоқ хўжалик ускуналари	39 521 дона
Қуруқ мева	7 496 883	Саноат асбоб-ускуналари	16 929 дона
Шоли	6 689 702	Темир	1 905 132

Россиянинг марказий районларида пахтага бўлган талабнинг тобора ортиб бориш туфайли темир йўллар орқали ташиладиган асосий юк пахта ва ундан олинадиган маҳсулотлар бўлиб қолди. Темир йўллар орқали турли асбоб-ускуналар, меҳнат қуролларининг келтирилиши натижасида қишлоқ хўжалигида пахта етиштиришга асосий эътибор қаратилиб, ўлкада пахта яккаҳокимлигига замин тайёрланди. 1880 йилда Ўрта Осиёдан Россияга 300 минг пуд пахта олиб кетилган бўлса, биргина 1900 йилда темир йўллар орқали қарайиб 6 млн. пуд пахта ташиб кетилган бўлиб, ташиб кетилган пахтанинг асосий қисми Фарғона вилоятига тўғри келган.

Замонавий тадқиқотчилар темир йўллар қурилиши ўлкада ижтимоий-иқтисодий ўзгаришлар қилганлигини эътироф этган ҳолда, бу жараён пахтачиликнинг ривожланиши, пахта тозалаш, ёғ ишлаб чиқариш ва қайта ишлаш саноати тармоқларини ривожлантиришдан ташқари, маҳаллий аҳолининг ижтимоий-иқтисодий аҳволини яхшилашда, озиқ-овқат маҳ-

сулотларига бўлган эҳтиёжларини қондиришда ҳам алоҳида ўрин тутганлигини таъкидлайдилар. Темир йўлларнинг ишга туширилиши ўлканинг муҳим иқтисодий ва маданий марказлари — Самарқанд, Бухоро, Тошкент, Қўқон, Андижон, Каттақўрғон. Қарши, Чоржўй ва бошқа шаҳарларнинг янада кенгайишига, бир қатор янги шаҳарлар (Скобелев, Когон, Красноводск, Ховос ва бошқ.) вужудга келишига шароит яратиб, ўлка аҳолисининг маънавий ҳаётига ҳам ижобий таъсир кўрсатди.

Темир йўлларнинг қурилиши ўлка халқларининг ижтимоий-иқтисодий ва маданий ҳаётида қуйидаги муҳим ўзгаришларни амалга оширди:

1. Ўлка халқларини хорижий мамлакатлар билан иқтисодий ва маданий алоқаларининг ривожланишига ёрдам берди.

2. Ўлка вилоятлари аҳолиси ўртасида ўзаро савдо-сотик ҳамда тадбиркорлик алоқаларини кучайтирди.

3. Дехқончилик ва чорвачилик маҳсулотларига бўлган талабнинг ортиб бориши ҳар иккала хўжалик тури вакиллари-нинг ишбилармонлик ҳамда тадбиркорлик интилишларини жонлантирди.

4. Ўлка қишлоқ хўжалиги ва саноат ишлаб чиқаришида бозор муносабатларининг ривожланишига самарали таъсир кўрсатди.

5. Темир йўл ўтган ҳудудларда станцияларнинг қурилиши — янги аҳоли пунктларининг бунёд этилишига, бу пунктларда турли миллат вакиллари-нинг яқин қўшничиликда яшаб, бир-бирларини яқиндан билишларига, ўзаро иқтисодий ва маданий ҳамкорлик қилишларига ёрдам берди.

Аграр сиёсат. Маълумки, XIX асрнинг ўрталарида Россия тўқимачилик саноати учун келтираётган Америка пахтаси эвазига империя ҳукумати йилига 30-40 млн. рубль бож тўлаб келган. Айнан шунинг учун ҳам Туркистонни пахта хомашёси етиштирадиган мустамлакага айлантириш, Туркистон ҳисобига пахта мустақилигига эришиш Россия аграр сиёсатининг бош мақсади қилиб белгиланган эди. Туркистон босиб олинган дастлабки даврдаёқ хонликлар даврида давлат

мулки ҳисобланган катта-катта ер майдонлари Россия мулки деб эълон қилинди. Аста-секинлик билан вақф ерлари ҳам давлат тасарруфига олинди. Хусусий мулк ҳисобланган ерлар ҳам давлат мулкига айлантирилиб, уларни илгариги эгаларига меросий равишда фойдаланишга берилди ҳамда солиқ солинди. Империя ҳукумати олиб борган аграр сиёсат туфайли, тез орада ўлканинг барча ҳосилдор ерлари Россия империясининг улкан даромад манбаига айланди.

Россия империясининг Туркистонда юритган аграр сиёсатида Россиядаги «ортиқча аҳолини кўчириш» сиёсатига алоҳида эътибор қаратилди. Империядаги олий лавозимлардан бирида фаолият кўрсатган М.Бродовский бу борада шундай хулосага келган: «Истило этилган бу ерлардаги бўш ерларга ҳукумат хўжайин эканлигини ҳисобга олсак, Ўрта Осиёдаги мулкларимиз ички губернялардаги ортиқча аҳолини кўчириб келтиришга имкон берувчи мустамлака аҳамиятини касб этади». Империянинг Давлат мулклари ва зироатчилик вазири А.В.Кривошеин империя маъмурлари аграр сиёсатининг мустамлакачилик моҳиятини жуда ихчам тарзда қуйидаги учта сўзда ифодалайди: пахта — суғориш — русларни кўчириб келтириш.

Маълумотларга кўра, 1886 йилги «Низом»да ўлкага кўчиб келувчиларга 10 танобдан кам бўлмаган ер ажратиш белгиланган бўлиб, «бўш давлат ерларига» биринчи навбатда хизматдан бўшаган захирадаги зобитлар, қуйи унвондаги ҳарбий хизматчилар жойлаштирилиши алоҳида кўрсатилган. Россия империяси Туркистонда олиб борган аграр муносабатларда қуйидаги сиёсатни юритди:

1. Ўлкадаги барча ерлар давлат хазинасига тегишли деб эълон қилинди. Ўтроқ маҳаллий аҳолига ер меросий якка жамоа эгаллиги тариқасида, қўчманчи аҳолига эса муддати чекланмаган тарзда жамоа бўлиб фойдаланиш учун топширилади.

2. Ўтроқ ҳудудларда ер ундан амалда фойдаланаётганларга бириктирилди. Бу тартибга биноан суд органларига ер-сўвга оид мунозарали масалаларни ҳал этишда қозилар томонидан берилган ерга эгалик қилиш ҳақидаги ҳужжат-

ларига — васиқаларига таянмай, аксинча, ердан амалда ким фойдаланаётганига қараб иш тутиш лозимлиги ҳақида кўрсатма берилди.

3. Кўп ҳолларда вақф ерлари аввалги тарзида қолдирилди. Аммо айрим ҳолларда, вақф ерларини давлат ўз ихтиёрига олиши ҳам мумкинлиги белгиланди.

4. Илгари имтиёзга эга бўлган шахсий мулк ерларига бошқалар қатори солиқ солинди. Улар энди хусусий мулк эмас, балки давлат ерлари деб аталди ва деҳқонларга меросий равишда эгалик қилиш ва фойдланишга топширилгани маълум қилинди.

5. Шаҳар ташқарисида рус аҳолисига ер ажратиш таъқиқланди.

6. Европаликлар, хусусан, руслар томонидан маҳаллий аҳолига қарашли ерларни сотиб олиш ман этилди. Бу тақиқ 90-йиллар охирига қадар ўз кучини сақлади.

Юқоридагилардан хулоса чиқарган ҳолда қайд этиш керакки, империя ҳукумати ер масаласига ҳам алоҳида эътибор бериб, маҳаллий аҳолининг ерга бўлган ҳуқуқларини қайта кўриб чиққан ҳамда у Россия ҳукумати манфаатларига мослаштирилган. Ўрта Осиёда яшаётган кўчманчи халқлар ихтиёридаги ерлар давлат мулки деб эълон қилинди ва яна ўз эгаларига чекланмаган муддатга ижарага берилди.

1873 йилда К.П.Кауфман бошчилигида ишлаб чиқилган «Ер ҳақидаги Низом»да фақат қонуний ҳужжатлари бўлган кишиларгина ўзларига тегишли ерларни хусусий мулк қилиб олишлари кўзда тутилган эди. Аммо маҳаллий аҳолининг катта қисмида бундай ҳужжатлар йўқ бўлиб, уларни бериш ёки борларини тасдиқлаш империя маъмурларининг хоҳишларига боғлиқ эди. Бу ҳолат эса мустамлакачи маъмуриятга ҳужжатлари бўлмаган деҳқонларнинг ерларини осонгина тортиб олиш учун қулай имконият берар эди. Мисол учун, 70-йилларда очиқ бозорлар қуриш баҳонасида тошкентлик деҳқонлардан 300 десятина, Тошкентда Константиновский заводи ширкатини жойлаштириш учун 23 минг десятина ер тортиб олинган. Мустамлакачи маъмурларининг бундай

сиёсати аҳолининг жиддий норозилигига сабаб бўлганлиги боис, маъмурлар 2 минг десятина ерни ширкат ихтиёрига қолдириб, қолганини эгаларига қайтарганлар.

Бошқа вилоятларда ҳам шундай вазиятни кузатиш мумкин. Биргина Қўқон шаҳрини кенгайтириш баҳонасида маҳаллий аҳолидан юз минг кв.саржин ер тортиб олинган. 1877 йилда Янги Марғилон (Фарғона) шаҳрини қуриш учун деҳқонлардан бир неча минг десятина ер тортиб олинган ва маҳаллий аҳолининг бу шаҳарга кўчаб келиши тақққлаб қўйилган. Бошқа шаҳарларда ҳам ерлар мустамлакачи маъмурлари томонидан талон-торож қилиниб, деҳқонлардан тортиб олинган ерларда юзлаб корхоналар, дала-ҳовлилари, черковлар ва саноат корхоналари қурилган. Бу ҳолатни ўша вақтдаги тафтиш комиссиясининг аъзоси Добромислов «фақат ишёқмасларгина ишсиз қолдилар, ишбилармонлар катта-катта ерларни эгаллаб олдилар», деган фикрлари билан русларнинг маҳаллий аҳолига тегишли ерларини тортиб олишларини оқлашга ҳаракат қилган.

Россия империясининг 1867-1916 йиллар давомида ер-сувга эгалик масалаларига доир ҳужжатларни ўрганиш асосида хулоса чиқарган тадқиқотчиларнинг фикрича, рус амалдорлари ўртасида Туркистондаги ерларга эгаллик қилиш масаласида икки хил нуқтаи назар ҳукмронлик қилган. Биринчиси, Туркистон ўлкасини ўзлаштиришда дворян-помешчикларнинг фикри бўлиб, улар Туркистон деҳқонларини 1861 йилга қадар Россияда бўлгани каби, ҳуқуқсиз деҳқонлар аҳволига тушишини истаганлар. Иккинчиси, Россия буржуазиясининг фикри бўлиб, улар Туркистон деҳқонларини эркин ер эгалари деб эълон қилишни, уларнинг ўз ерларидан шахсий мулк сифатида фойдаланишларини истаганлар ҳамда шу йўл билан ўлка қишлоқ хўжалигида капиталистик муносабатларга кенг йўл очишни кўзлаганлар.

Бу масалага учинчи ҳолатни ҳам қўшиш мумкин. У ҳам бўлса, империя ҳукмрон доираларининг рус «мужик»ларини ёки Россиянинг марказий районларидаги «ортиқча» аҳолини кўчириш сиёсатининг моҳиятида кузатилади. Мустамла-

ка амалдорлари кўчиб келган русийзабон аҳоли учун махсус комиссиялар тузиб, қулай шарт-шароит яратиб бердилар. Кўчиб келган аҳолига энг ҳосилдор ерлар, ўтлоқ ва яйловлар, сувдан фойдаланишга имтиёзлар берилган. Уларга берилган ерлар кўп ҳолларда маҳаллий аҳолидан тортиб олинган ёки сотишга мажбур қилинган.

1889 йил 13 июлдаги Қонун кўчиб келган русларга имтиёзлар ва моддий ёрдам беришни белгилаб берди. 1892 йилдан бошлаб эса Россиядан ўзбошимча кўчиб келган минглаб «келгиндилар»га маъмурият назорати билан келганлар қатори уларга берилган ҳуқуқлардан фойдаланишлари мумкинлиги жорий қилинди. Натижада, русийзабон аҳолининг кўчиб келиши оммавий тус олиб, ХХ аср бошида европалик келгинди аҳолининг сони 175 мингдан ошиб кетди. Туркистон аҳолисининг атиги 5 фоизини ташкил этувчи рус мустамлакачилари қўлига эса ҳосилдор ерларнинг 60 фоизи бериб қўйилган эди.

Маҳаллий аҳоли ерларининг тортиб олиниши, ерларнинг мулкдорлар қўлида тўпланиши шаҳар ва қишлоқлар аҳолисининг ижтимоий қатлам ва табақаларга ажралиб кетишига олиб келди. Улар йирик ер эгалари, шаклланиб келаётган қишлоқ буржуазияси, ўртаҳол ва камбағал деҳқонлар, чорикорлар ва мардикорларга бўлина бошладилар.

9. Россия империясининг Туркистонга аҳолини кўчириш сиёсати. Мустамлака Туркистондаги маданий-маърифий ҳаёт

Маълумки, босиб олинган ҳудудларни империя мафкурасига мослаштириш, маҳаллий аҳолини руслаштириш, шу аснода миллий-маданий қадриятларни йўқотиш Россия империяси мустамлака сиёсатининг асосини ташкил этар эди. Айнан шунинг учун ҳам Россия ҳудудларида яшаётган аҳолини доимий равишда Туркистон ўлкасига кўчириш мустамлака маъмурларининг диққат марказида бўлди. Шунингдек, империя ҳукумати «Туркистон Россия тожидаги бебаҳо жавоҳир» эканлигини доимо эътироф этган ҳолда Россияда-

ги ишсизлик, аҳоли нотинчлиги муаммоларини ҳам «ортиқча аҳолини» кўчириш орқали ҳал этишга ҳаракат қилдилар. Бундан ташқари, империянинг Туркистонда кўраётган чора-тадбирлари, ўлкада бутунлай мустаҳкамланиб олиш учун етарли эмас эди.

Таъкидлаш жоизки, Россиянинг ўзида, унинг марказий районларида ижтимоий-иқтисодий аҳвол яхши эмас эди. Бу ҳолат ҳам империя маъмурларини кўчириш сиёсатини олиб боришга мажбур қилган бўлиб, унинг ўзига хос сабаблари бор эди. Тарихдан маълумки, 1861 йилда Россияда аграр ислоҳот ўтказилиб, бу ислоҳотдан сўнг қишлоқ хўжалигида банд бўлган аҳолининг катта қисми ерлардан бўшаб шаҳарларга келиб жойлаша бошладилар. Россия шаҳарларида мавжуд бўлган саноат корхоналари эса қисқа муддат ичида янги ишчиларни иш билан таъминлашга қодир эмас эди. Бу ҳолат эса ўз-ўзидан Россия шаҳарларида ижтимоий-иқтисодий муаммоларни келтириб чиқарди. Шунингдек, илгари қишлоқ хўжалиги ишлари билан шуғулланган, саноат ишлаб чиқаришда малака ва тажрибага эга бўлмаган «собик деҳқонлар» ишсизлар сонини тўлдиришга ёки бўлмаса, бошқа ўлкаларга кўчиб кетишга мажбур эдилар (Н.Мусаев).

Юқоридаги сабаблар ва ҳолатларни империя маъмурларининг ўзлари ҳам эътироф этганлар. Хусусан, Туркистон ўлкасида махсус кўрсатма билан тафтиш ишлари олиб борган К.К.Пален Россия империясининг Туркистонда бу йўналишдаги кўзлаган манфаатларини қуйидагича ифодалайди: «Бу ўлка Россияга қўшилган кундан бошлаб рус ҳукуматини икки томонлама:

1. Молиявий сиёсат нуқтаи назаридан давлатнинг даромад манбаи ва маҳсулотлар учун янги бозор сифатида;

2. Мустамлакачилик сиёсати нуқтаи назаридан ортиқча аҳолини жойлаштириш учун янги вилоят сифатида қизиқтиради»;

Юқоридагилардан ташқари, Туркистон ўлкасига «ортиқча аҳолини» кўчиришдан кўзланган асосий мақсадлардан яна бири, бу ерда мустамлакачи ҳукумат олиб бораётган сиёсатни русийзабон аҳоли ёрдамида янада изчилроқ амалга

ошириш ва жорий этишдан иборат эди. Империя маъмурлари учун Туркистон ўлкасига «ортиқча» аҳолини кўчириш мақсадининг моҳияти — бу ерда стратегик жиҳатдан мустақамланиб олиш, мустамлакачилик тартибларини изчиллик билан ўрнатиш, ўлкани хомашё базасига айлантириш, ўлкада империянинг таянч пунктларини мумкин қадар кўпайтириш зарурияти билан белгиланади.

Таъкидлаш лозимки, бундан ташқари, подшо ҳукумати саноат ишлаб чиқариши малакасини яхши эгаллаган тажрибали ишчиларни ҳам мустамлака ўлкаларда иш бошлаган ўз корхоналарига жалб қилишдан манфаатдор эди. Айнан юқорида кўрсатилган сабабларга кўра, Туркистон ўлкасига русийзабон аҳолини кўчириш сиёсати йилдан-йилга жиддий тус олиб, жонланиб борди. Бу борадаги чора-тадбирлар империя мустамлакачилик сиёсатининг асосий йўналишларидан бири эди. Аммо империя маъмурлари ўзларининг кўчириш сиёсатини турли йўллар билан хаспўшлашга ҳаракат қилдилар. Мисол учун, «Туркестанские ведомости» газетасининг 1888 йил 15 март сонида чиққан бир мақоласида ёзилишича, «Россиядан кўчиб келаётганлар бўш ерларни ўзлаштиришга, боғ-роғлар барпо этишга, маҳаллий аҳоли хавфсизлигини таъминлашга катта ёрдам беради». Аслини олганда эса қашшоқлашиб қолган юз минглаб аҳолининг Туркистонга кўчириб келтирилиши Россия империясида тобора чуқурлашиб бораётган ички зиддиятларни ҳал этишнинг мустамлака қиёфасидаги йўли эди. Иккинчи томондан эса мустамлака ўлкада кўп сонли рус аҳолисининг доимий яшashi мустамлакачи маъмурлар учун иқтисодий, сиёсий ва албатта, ҳарбий таянч бўлиб хизмат қиларди.

Империя марказий ҳудудларидаги аҳолини Туркистон ўлкасига кўчириш сиёсати Туркистон генерал-губернатори Кауфман томонидан бошланган эди. Хусусан, 1875 йилда Авлиёота туманида Россиядан кўчириб келтирилганлар ҳисобига биринчи рус қишлоғи пайдо бўлган бўлса, ўша йилиёқ Авлиёотада уларнинг сони 8 тага етди. 1886 йилда қабул қилинган «Низом»га мувофиқ рус деҳқонларини кўчириб

келтириш ва жойлаштириш ҳаракатлари кучайиб кетди. Бинобарин, кўчириб келтирилганларнинг оғирини енгил қилиш ва уларга ҳар томонлама ёрдам кўрсатиш учун Туркистон генерал-губернаторлиги томонидан махсус комиссия тузилди. Бу комиссияга генерал-майор Матвеев раис этиб сайланиб, аъзолигига полковник Путинцев, генерал-губернатор маслаҳатчиси Иванов, Россиянинг Бухоро амирлигидаги агенти Чериковлар тайинландилар.

Ушбу комиссия тузилиб, фаоллик билан иш олиб боришининг сабаблари бор эди. Хусусан, рус аҳолисини Туркистон ўлкасига кўчириш дастлабки пайтларда мажбурий амалга оширилган бўлса, кейинчалик, ихтиёрий кўчиб келувчиларнинг сони кўпайиб борган. Чунки кўчириб келтирилган рус аҳолиси катта имтиёз ва имкониятларга эга бўлганлар. Маҳаллий аҳоли ота-боболари минглаб йиллар давомида яшаб келган ерларидан зўрлик билан кўчириб юборилиб, уларга тегишли бўлган барча унумдор ерлар кўчиб келган рус аҳолисига текинга олиб берилган. Кўчманчи аҳоли минглаб гектар майдонларидаги яйловлардан, пичанзорлардан маҳрум бўлдилар. Катта сиёсий имтиёзларга эга бўлган кўчиб келган рус аҳолиси маҳаллий аҳолининг мустамлакачилик тузумига қарши олиб борган ҳаракатларини бўғиб турувчи катта кучга айланди. Чунончи, маҳаллий аҳолининг кўплаб қўзғолонларини бостиришда ҳарбий кучлардан ташқари, кўчиб келган рус аҳолиси ҳам иштирок этганлиги манбалардан маълум.

Расмий маълумотларга кўра, кўчиб келганларнинг 43,1 фоизи мол-мулксиз, 37,8 фоизи пулсиз эдилар. Кўчиб келган рус аҳолиси (мужиклар)га ўртача 38,8 рублдан пул берилган. Уларнинг 17,4 фоизи — 1 десятина, 53,8 фоизи — 1,3 десятина, 14 фоизи — 3-5 десятина, 14,8 фоизи — 5-10 десятина ер олишган. Кам ер олганлар бошқаларнинг ерларида ёлланиб ишлаганлар ёки шаҳардаги корхоналарда, темир йўлларда ишга жойлашганлар.

Рақамларга эътибор берадиган бўлсак, 1875 йилдан 1890 йилга қадар Туркистон ўлкасига 1300 та оила кўчирилиб, 19

та рус қишлоғи пайдо бўлди. 1891 – 1892 йилларда Россияда очарчилик кучайган даврда бу қишлоқлар сони 25 тага етди. Биринчи рус инқилоби даврида (1905-1907 йй.) ижтимоий аҳволи оғирлашган рус деҳқонлари Туркистон ўлкасида ҳосилдор ерларга эга бўлиш имконияти борлиги учун оммавий равишда кўчиб кела бошладилар. Мисол учун, 1906 йилда биргина Еттисув вилоятида рухсатсиз кўчиб келганлар 16 минг кишини ташкил қилган бўлса, 1907 йилда уларнинг сони 33 минг кишини ташкил этган. 1910 йилга келиб, Сирдарё, Фарғона ва Самарқанд вилоятларида 124 та рус қишлоғи мавжуд бўлиб, уларда 70 мингга яқин аҳоли яшарди. Умуман, XX асрнинг бошларига келиб, Туркистон ўлкасидаги рус аҳолисининг сони 197420 кишига етиб, уларнинг аксарияти ҳозирги Қозоғистон ва Қирғизистон ҳудудларида жойлашган эди.

Кўчириб келтирилган рус аҳолиси катта имтиёзларга, маҳаллий аҳолига нисбатан кўпроқ ерларга эга бўлиб, улардан маълум муддат солиқлар ҳам олинмаган. Империя маъмурияти ҳар қандай қилиб бўлса ҳам унумдор ерларни рус деҳқонларига ажратиб беришга ҳаракат қилди. Шунингдек, ер солиқлари оширилиб, маҳаллий аҳоли ўз ерларини сотишга мажбур этилди. Бундай ерлар ҳам кўчиб келган рус аҳолисига берилди. Буларнинг натижасида кўчиб келган рус деҳқонлари кўп даромад олиб, ишлаб чиқаришнинг техникавий воситаларини ҳам анча яхшилаб олиш имкониятига эга бўлдилар.

Бу масалада В.Юферов 1914 йилда шундай маълумотлар берган эди: «Сарт хўжаликларининг хўжалик қуроли ер ҳайдаш, ҳосил йиғиш ва юк ташиш воситаларидан иборат бўлиб, улар ооч, мола, кетмон, ўроқ, от билан арава, холос. Мирзачўлда яшовчи 910 та рус хўжаликларида 973 та бир тишли, 219 та 2 тишли плуг, 819 та ёғоч мола, 309 та темир тишлик мола, 59 та француз моласи, 129 та дон янгиш машинаси, 38 та пичан ўргич мослама, 19 та ер текисловчи асбоб, 426 та ер юмшатовчи мослама, 136 та пахта экадиган ва 17 та ғалла экадиган мослама (сеялка) 18 та отга қўшиладиган хашак

тўплагиш мавжуд». Бу маълумотлар маҳаллий деҳқонлар билан кўчиб келган рус деҳқонларнинг имкониятлари ҳамда аҳволдан яққол далолат беради.

Қуйидаги жадвалда Туркистон ўлкасига кўчиб келган хўжаликларда 1916 йилда мавжуд бўлган чорва моллари миқдори берилган. Бу кўрсаткичлар ҳам кўчиб келганларнинг хўжалик аҳволи ва имкониятларини яққол намоён қилади.

Вилоятлар	Отлар	Йирик қорамоллар	Қўй-эчкилар
Еттисув	128045	273120	330867
Сирдарё	35743	82810	93755
Самарқанд	3711	8155	2630
Фарғона	7914	11652	299
Каспий орти	1692	6816	19862
Жами	1771	38255	74611

Бу ўринда яна бир масалага эътибор қаратиш мақсадга мувофиқдир. Империя ҳукумати Россиядан «ортиқча» аҳолини кўчириб келтириш ҳамда уларнинг хавфсизлигини таъминлашни Туркистонда мустамлакачилик сиёсатини амалга оширишдаги асосий вазифалардан бири деб билди. Мустамлакачи маъмурларининг бу борадаги қарашларига эътибор берадиган бўлсак, империянинг деҳқончилик ва ер тузилиши ишлари бошқармаси бошлиғи А.Кривошеин Россиянинг марказий губерния (вилоят)ларидан «ортиқча» аҳолини кўчириш, биринчидан, янги ташкил этилган рус қишлоқларида тинчлик ва тартиб ўрнатишга ёрдам берса, иккинчидан, Туркистонда бўш ётган ерларни ўзлаштириш имкониятини беради, деган фикрини илгари сурган эди.

Бунинг учун А.Кривошеин Мирзачўлдаги бир неча юз минг десятина ерларни ўзлаштириш орқали бу ерларга «мус-

тахдам рус элементларини» кўчириш ҳамда уларга энг яхши ерларни бериб жойлаштиришни таклиф қилди. Унинг фикрича, «бадавлат мусулмон аҳолиси орасида кўчиб келган руслар камбағал, абгор ва камситилган хўжайин бўлиши мумкин эмас. Русларнинг Туркистондаги сиёсий устунлиги уларнинг хўжалик юритиш имконияти билан мустаҳкамла- ниши лозим. Кўчиб келган рус хўжайин ерида сарт деҳқо- нини кўриш, сартнинг ерида рус батрагини кўришдан кўра ёқимлироқдир». Бу фикрнинг ўзиёқ империянинг мустам- лакачи ҳукумат раҳбарлари Туркистон аҳолисига нисбатан қай даражада буюк миллатчилик кайфиятида бўлганлигини аниқ-равшан кўрсатади.

Кўчиб келганларнинг салмоғи айниқса Еттисув ва Сир- дарё вилоятларида кучли бўлганлиги қуйидаги жадвалда кўринади:

Йиллар	Еттисув	Сирдарё	Ҳаммаси
1896-1909	17911	9824	27735
1910	6575	1559	8134
1911	4842	7995	5837
1912	11298	1166	12464
1913	14321	2454	16775
1914	10574	1345	11919
Жами	65521	24343	82864

Россиядан кўчиб келтирилган аҳолининг жойлашиши, ерга ишлов бериши ва экин экиши учун империя ҳукумати катта миқдордаги маблағлар ажратди. Аммо унумли ерлари тортиб олиниб, қашшоқлашиб қолган деҳқонлар, кўчманчи ва ярим кўчманчи аҳолининг аҳволи тобора оғирлашиб борди. Кўчи-

риб келинган аҳоли эса доимий равишда озиқ-овқат, хўжалик техникаси ва боша маҳсулотлар билан таъминлаб турилди, қишлоқлар барпо этилди. Мисол учун, биргина Чимкент уездининг ўзида кўчириб келтирилган рус аҳолиси учун 11 та қишлоқ қуришга 16 минг 300 рубль ажратилди. Айнан шунинг учун ҳам давлат рағбати муносабати билан Туркистон ўлкасидаги рус мужикларининг салмоғи йилдан-йилга ортиб борди.

Мустамлака маъмурияти турли йўллар ва воситалар билан маҳаллий аҳолига тегишли бўлган ерларни рус мужиклари, казак қўшинлари ва давлат ихтиёрига мусодара қилишга уринди. Ерга ва деҳқончилик маҳсулотларига солиқларнинг оширилиши ана шундай воситаларидан бири бўлди. Бунинг оқибатида маҳаллий аҳоли ўз ерларини сотишга мажбур бўлди.

Туркистонга кўчиб келувчилар йилдан-йилга кўпайиб борганлиги сабабли, уларни уй-жой, ер, деҳқончилик воситалари билан таъминлаш мақсадида ўлкада Ер фонди бошқармаси ташкил этилди. Ушбу бошқарма асосан суғориладиган ерларни кенгайтириш ҳамда маҳаллий аҳоли ихтиёрида бўлган ерларни турли сабабларни баҳона қилиб тортиб олиш ва мусодара қилиш билан машғул бўлди. Мисол учун, Марғилон туманида шу бошқарма томонидан маҳаллий аҳолисининг 11,5 минг таноб ери мусодара қилинган. Жалолқудуқ волостининг эса солиғини тўлолмайд еридан воз кечган маҳаллий деҳқонларнинг ерлари ҳисобга 3 та рус посёлкаси, Андижон туманида 2 та, Ўш туманида эса 1 та посёлка барпо этилди. Шу тариқа фақат 1906-1913 йиллар мобайнида Туркистон ўлкасида 116 та рус посёлкаси барпо этилди. 1916 йилги миллий-озодлик қўзғолонидан сўнг генерал-губернатор А.Н.Куропаткиннинг буйруғи билан фақатгина Жиззах туманидаги маҳаллий деҳқонлардан 1810 таноб ер рус мужиклари фойдасига тортиб олинди.

Рус муаллифларининг берган маълумотларига кўра, маҳаллий аҳолидан тортиб олиниб, кўп ҳолларда кўчиб келган рус мужикларига берилган ерлар майдони қуйидагича бўлган:

- Сирдарё вилоятида 476000 таноб;
- Еттисув вилоятида 780000 таноб;
- Фарғона вилоятида 75000 таноб;
- Самарқанд вилоятида 3000 таноб;
- Каспий орти вилоятида 7000 таноб.

Таъкидлаш лозимки, Туркистон ўлкасига империянинг кўчириш сиёсати бошланмасдан олдин ҳам ўлкадаги барча суғориладиган ерлар банд эди. Юқорида эслатиб ўтганимиздек, империя ҳукумати маҳаллий аҳоли эгаллаб турган ерларга рус аҳолисини жойлаштириш учун турли сабабларни топди. Мисол учун, 1898 йилги Дукчи Эшон қўзғолони баҳонасида манбаларга кўра, «Мингтепа, Қашғар, Тожик қишлоқларининг туғилиб ўсган ерларидан қувғин қилинган аҳолисининг бир қисми Аравон уезди томонга кўчиб кетди. 780 та хонадон эса Мингтепадан 2 чақирим жанубдаги адирликка кўчадиган бўлди. Уч қишлоқ аҳолисига 1899 йил 1 мартгача уй-жойларини бузиб, кўчиш бутурилди ва бу буйруқ ўз вақтида бажарилди. 1899 йил 4 мартда эса уйлари бузилиб, текисланган учта қишлоқ ўрнига янги эгалари кўчиб кела бошлади».

Ўлканинг барча ҳудудларида янги кўчиб келганларни маҳаллий аҳолининг қаршилигидан муҳофаза қилиш, уларнинг ўлкада ҳукмронлик мавқеини мустаҳкамлаш мақсадида қуроллантириш бошланди. Айниқса, 1898 йилги Андижон қўзғолонидан ниҳоятда саросимага тушган империя маъмурияти янги ташкил этилган рус посёлкаларини қуроллантиришга киришдилар. Империя маъмурлар ўлкада кўтарилиши мумкин бўлган исёнларга қарши тайёргарлик кўрдилар. Маълумотларга кўра, 1898 йилда Еттисув вилоятидаги мингта казак ва икки мингта рус деҳқонига 3000 та милтиқ тарқатилган. 1898-1899 йилларда Фарғонага 348 та милтиқ ва 22452 та ўқ-дори жўнатилган. 1900 йилда ўлкадаги рус деҳқонларига 131 та милтиқ ва шунга яраша ўқ-дори тарқатилган.

«Ҳар бир рус посёлкаси, — дея гурурланиб ёзган эди Сирдарё вилояти ҳарбий губернатори Н.Гродеков, — рус қўшинларининг бир батальонига тенг ҳарбий салоҳият-

га эгадир». 1912 йилга келиб, Туркистон ўлкасида ташкил этилган рус посёлкалари икки кун давомида рус кўшинлари сафига 31 минг қуроли аскар етказиб бериш салоҳиятига эга эди.

Яна бир масалага эътибор бериш лозим бўладики, у ҳам бўлса аҳолини кўчириш сиёсатидаги зўравонликнинг кучайиб кетганлигидир. Архив маълумотларига асосланган тадқиқотчиларнинг фикрига кўра, 1906 йилда Ўш уезди Покровский қишлоғида ўзига тўқ рус аҳолиси яйлов ва жамоа ихтиёридаги ўтлоқни маҳаллий аҳолидан тортиб олган. Андижон тумани Кўгарт волостида эса кўчиб келганлар маҳаллий аҳолининг ортиқча ерларини зўрлик билан эгаллаганлар. Маҳаллий аҳоли улар устидан шикоят қилганида эса кўчириш бошқармаси маъмурлари рус деҳқонлари томонидан туриб, уларнинг манфаатини ҳимоя қилишади. Кўчиб келганларнинг зўравонлиги шу қадар кучайиб кетган эдики, ҳатто Туркистон генерал-губернатори Гродеков, унинг ёрамчиси генерал Кондратович, Еттисув вилояти ҳарбий губернатори генерал-майор Ионовлар Кўчириш бошқармаси бошлиғи Велецкийнинг ўзбошимча ҳаракатларига чек қўйилишини талаб қилиб, Петербургга телеграмма юборишади. Аммо марказ уларнинг барчасини ишдан четлатиб, зўравонлик сиёсатини давом эттирди. Юқорида келтирилган мисолдан кўриниб турибдики, империянинг олий доирасидаги маъмурлари изчил кўчириш сиёсати олиб бориш жараёнида ўзларининг нуфузли генералларини ҳам аяшмаган.

Ўқувчилар яна шунга эътибор бериши лозимки, яхши таъминланган бўлишига қарамасдан, пахтачилик ва қишлоқ хўжалигининг оғир меҳнатларига чидай олмаган рус деҳқонлари ўзлари учун ажратилган ерларни ташлаб, шаҳарларга, темир йўл станцияларига, маълум қисми эса ўз юртларига кетиб қола бошладилар. Биринчи жаҳон уруши арафасидаги иқтисодий қийинчиликлар туфайли бу жараён янада кучайди. Мисол учун, ўша йилларда (1910-1914 йй.) Еттисув вилоятидан 5275 нафар, Сирдарё вилоятидан эса 1841 нафар кўчиб келганлар Россияга қайтиб кетганлар.

Хулоса сифатида таъкидлаш лозимки, Россия империяси маъмурлари Туркистон ўлкасида русларнинг нуфузини кўтариш мақсадида маданий қолоқликни чуқурлаштириш, маҳаллий аҳолини ўз қадриятлари ва миллий анъаналаридан бебаҳра қилишга қаратилган эътибори ҳам асосан кўчириб келтирилган аҳоли сонининг ортиб бориши билан узвий боғлиқ эди. Кўчириш сиёсатининг асосий мақсади — миллий давлатчилик анъаналарини қўпориб ташлаш, миллий маданият ва маҳаллий тилларни камситиш, халқ оммасини маънавий, ижтимоий-сиёсий қолоқликка маҳкум этиб, охир-оқибатда руслаштиришдан иборат эди.

Мустамлака Туркистондаги маданий ва маърифий сиёсат. Туркистон ўлкасининг маҳаллий халқлари русмустамлакачилигининг дастлабки пайтидаёқ ҳар томонлама жабр-зулмига маҳкум этилдилар. Рус маъмурлари олиб борган энг аянчли мустамлакачилик сиёсатининг бир жабҳаси — маданий ва маърифий сиёсат эди. Юртбошимиз И.Каримов таъбири билан айтганда: «...биз мустақиллигимизни йўқотиш даражасига етган эдик. На чор ҳукумати, на қизил империя салтанати Туркистон халқларининг тараққий этишини ҳеч қачон хоҳлаган эмас».

Айнан шунинг учун ҳам империя маъмурлари маҳаллий аҳолининг маданий эҳтиёжларини қондириш масаласида ҳам мустамлакачилик сиёсатига тўла амал қилган эдилар. Ўша даврда бу борада олиб борилган сиёсатни маҳаллий аҳолининг маънавий ҳаётига аралашмаслик сиёсати, деб кўрсатилган бўлса-да, моҳиятан олганда бу сиёсат — рус аҳолисини ўлкага кўчириш, маҳаллий аҳолини руслаштириш, давлат идораларига рус тилини тиқиштириш, миллий маданият ривожланишини турли йўллар билан бўғишдан иборат эди. Мустамлакачилар олиб борган маданий ва маърифий сиёсатнинг моҳияти яна шунда кўринадики, империя ҳукумати маҳаллий аҳоли учун замонавий билимлар билан таништирувчи мактаблар очишга, турли маънавий-маърифий тадбирлар ўтказишга, маданий оқартув муассасалари очишга, санитария-гигиена ишларини яхшилашга, маданий алоқалар олиб бориш ишларига деярли эътибор бермаган эдилар.

Мустамлака маъмурияти руслаштириш сиёсатини маорифдан бошлашга қарор қилдилар. Хусусан, 1880 йилда, Империя Давлат Кенгашида Туркистондаги маҳаллий аҳоли болаларини рус аҳолиси болалари билан биргаликда ўқитиш масаласи кўрилиб, генерал-губернатор фон Кауфман томонидан «руслар ва туземецларнинг болаларини биргаликда тарбиялаш» таклифи киритилди. Генерал-лейтенант Н.О.Розенбах эса ибтидоий турдаги бошланғич мактаблар бўлган «рус-тузем» мактаблари тармоғини яратиш лойиҳасини ишлаб чиқди.

Россия империяси босқинидан кейин Туркистонда очилган давлат муассасалари, судлар, банклар ва бошқа ташкилотлар фақат рус тилида иш юритаётган бир шароитда маҳаллий аҳоли (асосан бойлар, савдогарлар, қозилар ва оқсоқоллар)нинг болаларини рус тилига ўргатиш учун рус-тузем мактаблари очила бошланди. Бундай мактаб илк бора 1884 йилда Тошкентда очилди. Рус маъмурларининг маориф соҳасидаги бу сиёсатидан кўзланган асосий мақсади — мустамлака рус маъмуриятига садоқатли амалдорларни тайёрлаш ва келажакда сиёсий аҳамиятга эга бўлмаган бошқарув ишларига маҳаллий аҳолини жалб қилишдан иборат эди.

XIX асрнинг охирларида рус-тузем мактабларининг сони юздан ошиб кетди. Бундай мактабларда ўқув куни икки қисмдан иборат бўлиб, биринчи қисмида икки соатлик машғулоти рус ўқитувчиси (ўқув, ёзув, ҳисоб бўйича), иккинчи қисмида дарсни маҳаллий ўқитувчи олиб борган.

Фарғона вилояти ҳарбий губернатори генерал-лейтенант Н.И.Корольков 1898 йилда императорга йўллаган ҳисоботида подшо маъмуриятнинг Туркистон ўлкасини руслаштириш сиёсатидаги дастурини баён этиб, «туземецларнинг» ўз болаларини ихтиёрий равишда рус-тузем мактабларига беришига эришиш муҳимлигига эътибор қаратган. Бунинг учун у маҳаллий маъмурият амалдорларига яқин беш йил ичида иш юритишни рус тилига кўчиртириш лозимлигини уқтирган.

Шунингдек, Корольковнинг ушбу ҳисоботида маҳаллий аҳолининг турмушига маънавий-руҳий таъсир ўтказиш, ўлка хотин-қизларини ва болаларини европача ҳаёт тарзига

ўтказиш, рус ва мусулмон аёлларининг яқин мулоқотда бўлиши орқали мусулмон аёлларига насронийлик тасаввурларини сингдириш ғояси ҳам алоҳида ўрин эгаллаган эди.

Россия империясининг Туркистондаги сиёсатининг эътибор бериладиган жиҳатларидан бири бу — ислом динига бўлган муносабат масаласидир. Империя маъмурлари ислом динининг шимолга тарқалиб боришидан чўчиб, бу йўллارни тўсиш, маҳаллий халқларни руслаштириш, муқаддас ислом динининг обрўйини тушириш, аҳолини насронийлик эътиқодига ўтказишни мақсад қилиб қўйдилар. Россия маъмурлари бу йўналишдаги фаолиятларини ислом динини қоралаш орқали амалга оширишга ҳаракат қилдилар. Айнан шунинг учун ҳам империя амалдорлари маҳаллий руҳонийлар фаолиятини чеклаш сиёсатини олиб бордилар.

Тошкентдаги биринчи рус-тузем мактабининг раҳбари бўлган В.П.Наливкин, «Рус тилини маҳаллий аҳоли ўртасида кенг тарқатиш билан бирга руслар, айниқса, хизматдаги амалдорларга маҳаллий оғзаки нутқни ўргатиш керак», деган ғояни илгари сурди. Наливкин ўзбек тилини ўрганишга оид қўлланмалар, луғатлар ва бошқа асарларини ёзиб, нашр эттирган. Оддий зобитликдан вилоят ҳарбий губернатори даражасига кўтарилган И.С.Ликошин ҳам ана шу ғоя тарафдорларидан бири эди.

Генерал Н.Корольковнинг Туркистон ўлкасини руслаштириш ҳақидаги лойиҳасини генерал-губернатор С.М.Духовский тўлдиришлар киритиб, 1898 йил 6 сентябрда империя ҳукумати ҳарбий вазирига жўнатади. Бу ахборотда қуйидагилар бор эди:

1. Халқнинг маънавий-руҳий ҳолатига кучли таъсир ўтказувчи барча мусулмон муассасалари, айниқса, мадрасалар ички ишларига фаол даражада аралashi.

2. Барча маҳаллий мусулмонларни бирлаштиришга қодир орган сифатида мусулмон диний бошқаруви идорасига йўл қўймаслик.

3. Барча ерли мактабларни маъмурият ихтиёрига ўтказиш ва барча маҳаллий мусулмон ўқув юртлари ва диний муассасаларни тўла рўйхатдан ўтказиш.

4. Туркистондаги барча мусулмонларга яҳудийларга нисбатан ўрнатилганига ўхшаш муносабатларни жорий этиш, шунинг учун барча ерли мусулмон мактабларига 1893 йил 1 март қонунини қўллаш, бу қонунга кўра мусулмон мактаблари ўқувчилари ҳар йили алоҳида гувоҳнома олишлари ва улар учун ҳақ тўлашлари лозим.

5. Сиёсий жиҳатдан зарарли деб топилган маҳаллий мусулмон муассасаларини ёпиш ҳуқуқини генерал-губернаторга бериш, оила ва никоҳ ишларини ҳал қилиш ҳуқуқини рус маъмуриятига қайтариб бериш.

Шуни қайд этиш лозимки, Туркистон ўлкасини руслаштириш ғоялари империя босқинининг дастлабки йилларидаёқ кун тартибига қўйилган эди.

Маълумотларга кўра, тақрор бўлса ҳам таъкидлаш лозимки, XIX асрнинг охириларида Туркистон ўлкасида 5281 минг киши, Бухоро амирлигида тахминан 3 млн., Хива хонлигида 500 минг киши яшаган. Бундай сондаги аҳолини ўз эътиқоди ва мафқурасидан қайтариш, бегона мафқурага бўйсундириш жиддий чора-тадбирларни талаб этишини империя маъмурлари яхши англаган эдилар. Қолаверса, туб жой аҳолисининг шонли тарихи, бой маданияти ва юксак маънавияти мавжуд эди. Айнан шунинг учун ҳам мустамлакачи маъмурлар Туркистон ўлкаси аҳолисини руслаштириш сиёсатига эҳтиёткорлик билан ёндашдилар. Бундан ташқари, Туркистон ўлкаси аҳолисининг асосий қисмини, яъни 95,6 фоизини мусулмонлар, фақат 3,5 фоизини насронийлар, 1 фоизини эса бошқа диндагилар ташкил этган. Ўлкада ислом динининг мавқеи юқори эканлиги, бу соҳадаги ишларга ара-лашувда ўта эҳтиёткорликни талаб этарди.

Шунингдек, Туркистон генерал-губернаторлигида яшовчи аҳолининг 35,7 фоизини ўзбеклар; 44,66 фоизини қozoқлар ва қирғизлар; 4,98 фоизини туркманлар; 6,73 фоизини тожиклар; 2,26 фоизини қорақалпоқлар; 3,75 фоизини руслар; 2,15 фоизини бошқа халқлар ташкил этар эди. Россия империяси маъмурлари ўлка халқларининг бой тарихи, маданияти, урф-одати ва анъаналари, диний бўлса-да, таълим

тизимининг маълум даражада йўлга қўйилганлиги билан ҳи-соблашишга мажбур эдилар.

Аммо, диний (эски) мактабларда 5-10 йиллаб ўқиган болалар фақат араб алифбосини ўқиш ва ёзишни ўрганиш, Қуръонни ёдлаш билан чегараланиб, фаннинг бошқа соҳаларидан юзаки билим олиш билан чекланар эдилар. Бу ҳолат ҳақида К.К.Пален шундай ёзган эди: «Туркистон генерал-губернаторларининг барчаси маҳаллий аҳолининг диний сиёсатига аралашмаслик сиёсатини олиб бордилар. Шу сабабли ҳам мактаб воситаси билан бирор-бир маърифий тадбирни ўтказмадилар. Ўлкадаги мактаблар Туркистон Россияга қўшиб олинишидан (яъни, босиб олинишидан) олдин қандай ҳолда бўлган бўлса, ўша ҳолатда қолиб кетаверди».

Мустамлакачи маъмурлари маҳаллий аҳолини дунёвий таълимга кенг жалб қилишни истамаганликлари туфайли Туркистон ўлкасида дунёвий таълим тизимини шакллантиришга деярли эътибор бермай, уни ўз ҳолига ташлаб қўйдилар. Чунки дунёвий таълим аста-секинлик билан ўлкадаги маҳаллий аҳолини ўз ҳақ-ҳуқуқларини ҳимоя қилишлари учун сиёсий кураш майдонига олиб чиқиши муқаррар эди.

Шунинг учун ҳам мустамлака тузумининг кейинги даврида ташкил этилган рус-тузем мактаблари кенг авж олмай, уларнинг сони кўпайтирилмади. Мисол учун, расмий маълумотларга кўра, Фарғона, Самарқанд ва Сирдарё вилоятларида бор-йўғи 143 та рус-тузем мактаби бўлиб, уларда 8961 нафар ўқувчи таълим олган. Бу ўша даврдаги ўлка аҳолиси умумий сонинг 0,17 фоизга яқинини ташкил этган. Туркистоннинг собиқ генерал-губернаторларидан бири А.Н.Куропаткин бу ҳақиқатни тан олиб, «биз 50 йил давомида туб жой аҳолисини тараққиётидан жиловладик, мактаблар ва рус ҳаётидан четда тутдик», деб бежиз айтмаган эди.

Россия империясининг Туркистон ўлкасидаги мустамлакачиликни кучайтиришга қаратилган маданий ва маърифий сиёсатидан кўзланган асосий мақсад — Ўрта Осиёда маданий қолоқликни янада чуқурлаштириб, маҳаллий аҳолини ўз тарихи, маънавияти, қадриятлари ва миллий урф-одатлари-

дан бегоналаштириш шу йўл билан руслаштириш сиёсатини амалга ошириш учун объектив ва субъектив имкониятлар яратиш эди.

10. Туркистон ўлкасидаги миллий-озодлик ҳаракатлари. Жаидчилик

Миллий-озодлик ҳаракатлари. Туркистон ўлкасида империя маъмурларининг мустамлака сиёсатига қарши ҳаракатлар (турли кўриниш ва миқёсларда) Россия империяси Ўрта Осиёни босиб олаётган пайтлардаёқ бошланган бўлиб, улар шафқатсизларча бостирилиб борилди. 1873-1876 йиллар Қўқон хонлигидаги Пўлатхон бошчилигидаги қўзғолондан сўнг ўлканинг бир қанча ҳудудларида халқ оммасининг норозилик ҳаракатлари бўлиб ўтди.

Россия империяси босқинига қарши ҳозирги Ўзбекистон ва Қирғизистон республикаларининг тоғли ҳудудларида «Олой маликаси» номи билан машҳур бўлган Қурбонжон додхоҳ 1876 йилнинг охирига қадар босқинчиларга қарши курашиб келган. Унинг қўшинларига қарши юборилган генерал Скобелев бошлиқ рус қўшинлари қўзғолончиларга қарши ҳаракатларда енгилганлиги боис, мустамлакачи маъмурлар Қурбонжон додхоҳ билан сулҳ тузишга мажбур бўлдилар. Ана шундай ҳаракатлардан яна бири 1878 йилда Мингтепа (Анджон)да Етимхон бошчилигида бўлиб ўтган исёндир. Бу исёндан сўнг Фарғона вилояти генерал-губернатори вилоятдаги маҳаллий аҳолидан ғайриқонуний солиқ ундирувчиларни ишдан олиб ташлашга мажбур бўлган. 1885-90 йилларда Анджоннинг Қўрғонтепа уездида Дарвешхон тўра бошчилигидаги халқ ҳаракатлари бўлиб ўтди. Аммо бу ҳаракатлар рус маъмурлари томонидан шафқатсизларча бостирилди.

«Вабо исёни» номини олган 1892 йилги Тошкент қўзғолони XIX аср охиридаги муҳим ҳаракатлардан бири бўлди. Бу қўзғолон кўплаб тарихий адабиётларда ўлкада вабо касали тарқалиши олдини олиш учун бўлган ҳаракат деб таърифланган бўлса-да, аслида бу қўзғолон Россия империяси-

нинг ўлкадаги мустанлакачилик сиёсатига қарши қаратилган ҳаракат бўлиб, мустанлакачилик зулмига қарши қаратилган миллий-озодлик курашининг бир босқичи эди.

1892 йилнинг ёзида Туркистон маркази Тошкентда ҳам рус мустанлакачи маъмуриятини талвасага солган ва тарихга «Вабо исёни» ёки «Тошотар воқеаси» сифатида кирган қўзғолон бошланди. Расмий доиралар бу қўзғолон вабога қарши рус амалдорлари қўллаган тадбирлардан норозилик туфайли келиб чиққан, деб изоҳлашга уриндилар. Шунинг учун ҳам уни «Вабо исёни» деб номлашди. 1892 йил май ойида Жиззахда вабо билан оғриган кишилар ҳақидаги хабар бутун ўлкага тарқалди ва Сирдарё вилоятига ўтадиган кечув оддида эҳтиёт юзасидан кузатиш бекати ташкил қилинди. Июнь ойида Тошкентда ҳам вабо тарқалгани маълум бўлди. Янги шаҳарда 417, эски шаҳарда 1462 бемор аниқланди. 1892 йил 7 июнда шаҳар маъмурияти 12 эски қабристонни ёпиб, янги 4 қабристон очилишини, шаҳардан чиқиш чекланганини эълон қилди. Аммо мустанлака маъмурияти тиббиёт нуқтаи назаридан тўғри бўлган бу тадбирларни ўтказишда аҳоли ўртасида тушунтириш ишларини олиб бормади, мусулмончилик одатлари, маросим қонун-қоидаларини ҳисобга олмади. Ваъда қилинган 4 та янги қабристон ўрнига фақат биттаси очилди. Марҳумларни урф-одатга кўра кўмиш ғоят мушкул юмушга айланди. Одамлар ноилож ўликни эски қабристонларга олиб бориб кўмишга мажбур бўлдилар. Полиция бундайларни топиб ҳибсга ола бошлади. Қабрларни очиб, ўлганларнинг руҳи ҳақорат қилинди. Ҳалойиқ бош оқсоқолни қидириб кетди. Эшонлардан Азизёр, Абулқосимхўжа, бозор оқсоқоли Зиёмуҳаммад ва бошқа таниқли кишилар бошчилигидаги мингга яқин киши шаҳар бошлиғи маҳкамаси томон йўл олдилар. Уларга Ўрда бозори яқинидаги Воронцов кўчасида ҳоким тўра — шаҳар бошлиғи полковник С.Р.Путинцев ва оқсоқол Муҳаммад Ёқуб тўқнаш келишди. Қиличчини ўйнатиб келган оқсоқол халқнинг сўзлари, арз-додини тинглаш ўрнига унга дағдаға қила бошлади. Ана шунда унинг бошига тошлар ёғилди. Машҳур «Тошотар

воқеаси» бошланиб кетди. Оқсоқол отдан тушиб, ҳокимнинг идорасига қочиб яширинди. Полковник Путинцев эса ўзининг содиқ қулини паноҳига олиб, халқни тинчитишга уринди. Халқ ундан оқсоқолни тутиб беришни талаб қилди. Путинцев ҳам музокара ўрнига куч ишлатишни афзал кўриб, дағдағага ўтди. Сабр косаси тўлган халқ узоқ ўйлаб ўтирмай, ҳокимга ҳужум бошлади. Путинцев ва унинг миршабларини дўппослади, маҳкамани ҳам остин-устин қилди.

Қуролланган солдатларнинг етиб келгани ҳам қўзғолончиларни чўчитмади. Мустамлакачи амалдорлар халқни ўққа тутдилар. Натижада, кўплаб кишилар ҳалок бўлди ва яраланди. Таъкидлаш жоизки, ўлганлар ва ярадорларнинг миқдори ҳақида аниқ маълумотлар сақланмаган. Чунки халқнинг ўзи жасадлар ва ярадорларни ўзлари билан олиб кетишди. Қўлга олинган 60 кишидан 8 киши ўлим жазосига, қолганлари қамоқ ва сургунга ҳукм қилинди.

Қўзғолоннинг асл сабабини мустамлака маъмурият мансабдорларининг ўзлари ҳам яхши билишган. Жумладан, Н.П.Остроумов: «Кўп жиҳатдан айб ўзимизда, албатта. Уларнинг феъл-атворини ва қонун-қоидаларини ўрганганимиз йўқ ва ҳали ҳам ўрганмаяпмиз. Бунда айб фақат вабонинг ўзида эмас, у сабр косасини тўлдириб-тошириб юборган сўнгги томчидир. Норозилик алақачон кучайиб, йиғилиб келмоқда эди, кейин эса бошқа норозиликлар қўшилиши билан бирданига қўзғолон бошланиб кетди», — деб ёзган эди.

Мустамлакачилар қўзғолончиларни жазолашда ўзларига ёқмаган маҳаллий зиёлилар, халқни кўтаришга қодир маърифатпарвар ва миллатпарварларни ҳам қатағон қилдилар. Подшо генералларидан бири, ҳарбий губернатор Н.И.Гродековнинг бу хусусда 1892 йил 1 июлда Туркистон генерал-губернаторига юборган ахбороти буни яққол тасдиқлайди: «Ўтган 25 июнь куни тақдим этганларимга қўшимча равишда Сиз зоти олийларига яна шу нарсани маълум қилиш шарафига ноилманки, шаҳарнинг осиеликлар яшайдиган қисми оқсоқоли Инъомхўжа Умархўжаевни 24 июнь воқеаларига

нинг ўлкадаги мустамлакачилик сиёсатига қарши қаратилган ҳаракат бўлиб, мустамлакачилик зулмига қарши қаратилган миллий-озодлик курашининг бир босқичи эди.

1892 йилнинг ёзида Туркистон маркази Тошкентда ҳам рус мустамлакачи маъмуриятини талвасага солган ва тарихга «Вабо исёни» ёки «Тошотар воқеаси» сифатида кирган қўзғолон бошланди. Расмий доиралар бу қўзғолон вабога қарши рус амалдорлари қўллаган тадбирлардан норозилик туфайли келиб чиққан, деб изоҳлашга уриндилар. Шунинг учун ҳам уни «Вабо исёни» деб номлашди. 1892 йил май ойида Жиззахда вабо билан оғриган кишилар ҳақидаги хабар бутун ўлкага тарқалди ва Сирдарё вилоятига ўтадиган кечув олдида эҳтиёт юзасидан кузатиш бекати ташкил қилинди. Июнь ойида Тошкентда ҳам вабо тарқалгани маълум бўлди. Янги шаҳарда 417, эски шаҳарда 1462 бемор аниқланди. 1892 йил 7 июнда шаҳар маъмурияти 12 эски қабристонни ёпиб, янги 4 қабристон очилишини, шаҳардан чиқиш чекланганини эълон қилди. Аммо мустамлака маъмурияти тиббиёт нуқтаи назаридан тўғри бўлган бу тадбирларни ўтказишда аҳоли ўртасида тушунтириш ишларини олиб бормади, мусулмончилик одатлари, маросим қонун-қоидаларини ҳисобга олмади. Ваъда қилинган 4 та янги қабристон ўрнига фақат биттаси очилди. Марҳумларни урф-одатга кўра кўмиш гоят мушкул юмушга айланди. Одамлар ноилож ўликни эски қабристонларга олиб бориб кўмишга мажбур бўлдилар. Полиция бундайларни топиб ҳибсга ола бошлади. Қабрларни очиб, ўлганларнинг руҳи ҳақорат қилинди. Ҳалойиқ бош оқсоқолни қидириб кетди. Эшонлардан Азизёр, Абулқосимхўжа, бозор оқсоқоли Зиёмуҳаммад ва бошқа таниқли кишилар бошчилигидаги мингга яқин киши шаҳар бошлиғи маҳкамаси томон йўл олдилар. Уларга Ўрда бозори яқинидаги Воронцов кўчасида ҳоким тўра — шаҳар бошлиғи полковник С.Р.Путинцев ва оқсоқол Муҳаммад Ёқуб тўқнаш келишди. Қиличини ўйнатиб келган оқсоқол халқнинг сўзлари, арз-додини тинглаш ўрнига унга дағдаға қила бошлади. Ана шунда унинг бошига тошлар ёғилди. Машҳур «Тошотар

воқеаси» бошланиб кетди. Оқсоқол отдан тушиб, ҳокимнинг идорасига қочиб яширинди. Полковник Путинцев эса узининг содиқ қулини паноҳига олиб, халқни тинчитишга уринди. Халқ ундан оқсоқолни тутиб беришни талаб қилди. Путинцев ҳам музокара ўрнига куч ишлатишни афзал кўриб, дағдағага ўтди. Сабр косаси тўлган халқ узоқ ўйлаб ўтирмай, ҳокимга ҳужум бошлади. Путинцев ва унинг миршабларини дўппослади, маҳкамани ҳам остин-устин қилди.

Қуролланган солдатларнинг етиб келгани ҳам қўзғолончиларни чўчитмади. Мустамлакачи амалдорлар халқни ўққа тутдилар. Натижада, кўплаб кишилар ҳалок бўлди ва яраланди. Таъкидлаш жоизки, ўлганлар ва ярадорларнинг миқдори ҳақида аниқ маълумотлар сақланмаган. Чунки халқнинг ўзи жасадлар ва ярадорларни ўзлари билан олиб кетишди. Қўлга олинган 60 кишидан 8 киши ўлим жазосига, қолганлари қамоқ ва сургунга ҳукм қилинди.

Қўзғолоннинг асл сабабини мустамлака маъмурият мансабдорларининг ўзлари ҳам яхши билишган. Жумладан, Н.П.Остроумов: «Кўп жиҳатдан айб ўзимизда, албатта. Уларнинг феъл-атворини ва қонун-қоидаларини ўрганганимиз йўқ ва ҳали ҳам ўрганмаяпмиз. Бунда айб фақат вабонинг ўзида эмас, у сабр косасини тўлдириб-тошириб юборган сўнгги томчидир. Норозилик алақачон кучайиб, йиғилиб келмоқда эди, кейин эса бошқа норозиликлар қўшилиши билан бирданига қўзғолон бошланиб кетди», — деб ёзган эди.

Мустамлакачилар қўзғолончиларни жазолашда ўзларига ёқмаган маҳаллий зиёлилар, халқни кўтаришга қодир маърифатпарвар ва миллатпарварларни ҳам қатағон қилдилар. Подшо генералларидан бири, ҳарбий губернатор Н.И.Гродековнинг бу хусусда 1892 йил 1 июлда Туркистон генерал-губернаторига юборган ахбороти буни яққол тасдиқлайди: «Ўтган 25 июнь куни тақдим этганларимга қўшимча равишда Сиз зоти олийларига яна шу нарсани маълум қилиш шарофига ноилманки, шаҳарнинг осиеликлар яшайдиган қисми оқсоқоли Инъомхўжа Умархўжаевни 24 июнь воқеаларига

олиб келган ҳаракатнинг асосий раҳбари ва ҳақиқий сабаб-чиси деб ҳисоблаш керак. У шахсан ўзи ва энг яқин ходимлари орқали нодон халқ оммаси орасида ташвиқот олиб борган, маъмуриятимизнинг вабога қарши фармонлари ва хатти-ҳаракатлари хусусида ташвиш туғдирадиган хабарлар ҳамда миш-мишлар тарқатган. Мазкур туземецнинг энг яқин шериклари унга қариндош бўлган юзбоши Аҳмадхўжа ва қудаси Усмонхўжадан ташқари, Шайхованди Таҳур даҳасининг қозиси Шарифхўжа, сўнгра Бешёғоч даҳасининг ерлик фуқаролари Бадалмуҳаммад Холмуҳамедов ва Боқижон Дадажонбоев бўлган. Менга маълум бўлишича, бу кишилар авваллари ҳам шахсан ўзлари ва кўп тарафдорлари орқали оломонга бошчилик қилганлар, уни ҳукуматнинг тадбирларига қарши қўзғатганлар. Бу барча шахсларнинг халқ орасидаги зарарли ташвиқи таъсирини ҳисобга олиб, 24 июнь воқеалари содир бўлган куннинг ўзидаёқ ҳаммаларини қамоққа олишга фармойиш бердим».

1898 йил май ойида Андижонда мустамлакачи маъмурларнинг зулмига қарши яна бир озодлик ҳаракати бўлиб ўтди. Андижоннинг Мингтепа қишлоғида бошланган бу қўзғолон тарихда «Андижон қўзғолони» деб ном олган бўлиб, унга Муҳаммадали Эшон — «Дукчи Эшон» бошчилик қилди. Мустамлакачилар қўзғолонни шафқатсизларча бостириб, унинг раҳбарини дорга осган бўлсалар-да, Фарғона водийсининг Асака, Қува, Шаҳрихон, Ўш, Марғилон каби шаҳар ва қишлоқларида норозилик ҳаракатлари кенг ёйилди. Аммо мустамлака қўшини барча ҳаракатларни ваҳшийларча бостирди.

Тарихга «Дукчи Эшон қўзғолони» номи билан кирган Андижон қўзғолони XIX аср охиридаги халқ ҳаракатларининг энг катталаридан ҳисобланади. У Муҳаммад Али эшон (1846–1898) номи билан машҳур.

Муҳаммад Али Шаҳидон қишлоғида ўртаҳол деҳқон ва ҳунарманд Муҳаммад Собир хонадонида туғилган. У Бухорода Усмон Охунд уламо Султонхон тўра хизматида бўлади. 1887–1893 йилларда ҳажга бориб, йўл-йўлакай Россия ва

Ҳиндистонда ҳам бўлади. Кейинчалик Мингтепа қишлоғига келиб ўрнашади. Ён-атрофда кўлаб мухлисларга эга бўлади. Йикчилик (дукчилик) билан шуғулланганлиги боис ҳам уни Дукчи Эшон деб аташган. Илм-фан, техникадан анча хабардор шахс бўлган. Фарғона водийсида эшоннинг муридлари, зиёратчилари кўпайиб, обрўси юқори даражага чиқиб кетди. 1895 йили эшон ҳузурига «Олой маликаси» деб ном олган Қурбонжон додхоқ ташриф буюрганлиги ҳам юқоридаги мулоҳазани тасдиқлайди. Фарғона водийсида қадимдан аҳоли зич жойлашган бўлиб, мустамлакачи маъмурият томонидан Россиянинг ички ҳудудларидан рус деҳқонлари, ерсиз кишиларни оилалари билан кўчириб келтирилиши, эски вақфларнинг бекор этилиши, ер-сув етишмовчилиги, ҳосилдор ерларни кўчиб келганларга бўлиб берилиши, маҳаллий зодагонлар, дин арбоблари мавқеи ва даражаларини пасайтирилиши кучайиши ва бошқалар ҳудуддаги ижтимоий-иқтисодий аҳволни кескинлаштириб юборди. Норозилик стихияси тарзда 1898 йил 17 майда Эшон ҳузурига икки юздан ошиқ кишининг йиғилиши билан бошланди. Дукчи Эшон гарчи қўзғолон ташаббускори бўлса-да, лекин унинг боришини назорат қила олмади. Норози омма ичига хонлик даврида юқори мавқега эга бўлган мустамлакачи маъмурият даврида ундан маҳрум бўлган зодагон, йирик ер эгалари, руҳонийлар ҳам бўлишган. Мингтепада Эшон чақирғига кўра бош кўтарган омма Андижон томонга йўл олди. Ён-атрофдан уларга турли гуруҳлар келиб қўшила бордилар. Норози омма ва мустамлакачи ҳарбийлар ўртасида тўқнашув содир бўлди. Қўзғолончилар орасида бирликнинг йўқлиги, кучларнинг тарқоқлиги, аниқ олинган режанинг йўқлиги, турли гуруҳлар орасидаги маълум ихтилоф ва ҳоказолар унинг мағлубиятга учрашига олдиндан замин яратган эди. Мустамлакачи маъмурият қўзғолончиларни аёвсиз жазолади, Эшон ва унинг яқин сафдошлари ўлимга, қолганлари узоқ муддатли сургунга юборилдилар. Қўзғолон маркази Мингтепа Фарғона ҳарбий губернатори буйруғига кўра ўққа тутилиб, унинг ўрнига 450 кишилик янги турар-жой

Россиядан кўчиб келганлар учун қурилди. Андижон шаҳри яқинидаги қишлоқлардан ҳам ерлик аҳоли кўчириб юборилди. Қўзғолон учун мустамлакачилар шундай шавқатсиз ўч олдилар.

XX асрнинг бошларига келиб, ўлкадаги халқ ҳаракатлари янги босқичга кўтарилди. Айниқса, 1900-1903 йилдаги иқтисодий инқирозлар ўлкадаги маҳаллий аҳолининг аҳволига салбий таъсир этиши деҳқонларнинг оммавий норозиликларига сабаб бўлди. Ана шундай норозилик ҳаракатларидан бири 1904-1907 йилларда Самарқанд вилоятида бўлиб ўтди. Бу ҳаракатга рус мустамлакачилари орасида «Намоз ўғри», халқ орасида «Намоз ботир» деб ном олган Намоз Пиримқулов бошчилик қилган. Бу ҳаракат Самарқанд вилоятининг Самарқанд, Каттақўрғон, Жиззах ва Хўжанд уездларида кенг тарқалиб, генерал-губернатор маҳкамаси Намоз ботир операцияси учун махсус қўшимча маблағ ажратганлиги бу ҳаракат рус маъмурларини анча ташвишга солганлигидан далолат беради.

Биринчи жаҳон урушининг иқтисодий асоратлари меҳнаткаш аҳоли бўйнида оғир юк бўлиб турган вақтда 1916 йил 25 июнда Николай II нинг «Империядаги рус бўлмаган эркак аҳолини ҳаракатдаги армия районларида мудофаа иншоотлари ва ҳарбий алоқа йўллари қуриш учун олиб бориладиган ишларга, шунингдек, давлат мудофааси учун зарур бўлган бошқа ҳар қандай ишларга жалб қилиш ҳақида» фармони (мардикорликка олиш) эълон қилинди. Ушбу фармонга кўра Сибирь, Ўрта Осиё, Қозоғистон ва Кавказ орти халқларидан 19 ёшдан 43 ёшгача бўлган 400 минг киши сафарбар қилиниши режалаштирилган эди.

Туркистон генерал-губернаторига ушбу фармонни зудлик билан амалга оширилиш буюрилиб, эркак аҳолини йиғиш бўйича чора-тадбирлар белгиланди. Натижада, 1916 йилнинг 4 июлида савдо ва ҳунармандчилик маркази бўлган Хўжанд шаҳрида, ундан кейин Самарқанд, Жиззах, Каттақўрғон, Тошкент, Қўқон, Андижон уездларида норозилик ҳаракатлари авж олди. Бу ҳаракатларнинг энг йириги Жиззахда

булиб ўтди. Тарихда «Жиззах қўзғолони» деб ном олган бу ҳаракатга Назирхўжа Эшон бошчилик қилган. Даҳшатли тус олган ушбу қўзғолонни бостириш учун Туркистон генерал-губернатори Жиззахга икки ярим минг кишилик жазо отрядини юборди. Аёвсиз қирғинлар эвазига қўзғолон шафқатсизларча бостирилди.

Хуллас, Россия империяси мустамлакачилари Ўрта Осиё ҳудудларини босиб олганларидан сўнг улар зулмига қарши норозилик ҳаракатлари доимий давом этиб турди. Миллий-озодлик ҳаракатлари даставвал маҳаллий халқларнинг иқтисодий, сиёсий ва маданий ҳаётидаги тенгсизлик ва адолатсизликка қарши стихияли норозилиги сифатида шаклланиб борди. Кейинроқ эса бундай ҳаракатлар империя мустамлакачилигига бутунлай барҳам бериш, янги мустақил Туркистон давлатини барпо этиш ғоялари билан боғландики, бундай ғояларнинг шаклланиши ва ёйилишида жадидлар алоҳида жонбозлик кўрсатган эдилар.

Биринчи жаҳон урушининг ўлка ҳаётига салбий таъсири. 1916 йилги халқ қўзғолони

XIX асрнинг охири ва XX асрнинг бошларида империя маъмурлари Туркистондаги маҳаллий аҳолининг миллий-озодлик ҳаракатларини шафқатсизлик билан бостириб турган бўлса-да, ўлкадаги норозилик ҳаракатлари ва қўзғолонлар тўхтамади. Чунки 1910-1914 йилларда Туркистон ўлкаси аҳолиси ўртасида миллий ўзликни англаш жараёни кучая бошлаган эди. Бундан ташқари, 1914 йилда Россиянинг Биринчи жаҳон урушига қўшилиши, шу йилнинг 26 июлида Туркистон ўлкаси «фавқулодда муҳофаза ҳолатида» деб эълон қилиниши вазиятни янада кескинлаштирди. Бу эълонга кўра, ҳар қандай ташвиқот ва тарғибот тақиқланиб, тартибни бузганларга Махсус қўмита томонидан 500 рублгача жазима ёки ўн ой муддатга қамоқ жазоси белгиланди.

Биринчи жаҳон уруши йилларида ўлкадаги мавжуд мустамлака тузумидан норозилик маҳаллий ишчилар ва ҳунармандлар орасида ҳам кучайиб борди. Хусусан, архив ҳуж-



Тошкент. XX аср бошлари.
«Россия» меҳмонхонаси.

жатлари маълумотларига кўра, ҳозирги Ўзбекистон ҳудудларида жойлашган 425 та саноат корхонасидан 220 таси пахта тозалаш, 76 таси кўн-тери ишлаб чиқариш, 32 таси пила қуришти заводлари бўлиб, уларда жами 18 минг нафар ишчи ишлаган. Ишчилар жуда оғир шароитларда кунига 12-14 соатдан меҳнат қилганлар.

Темир йўл ишчилари орасида маҳаллий миллат вакиллари 4,5-5 минг ишчини ташкил этган. Айнан темир йўл соҳасидаги қора ишлардаги, қурилишлардаги ва малакали ишлардаги маҳаллий ишчилар инқилобий ва тузумдан норози кайфиятдаги, турли ислохотлар тарафдорлари бўлган ҳаракатлар таъсири остида ўз ҳақ-ҳуқуқларини таниб, миллий ўзлигини англай бошлаган эдилар. Тошкент Бош темир йўл устахонасидаги гоҳ яширин, гоҳ ошкора кураш жараёнида тажрибага эга бўлган ўзбек ишчилари, уларнинг йўлбошчилари бўлганлиги ҳақида кўплаб архив манбалари маълумот беради.

Биринчи жаҳон уруши йилларида Туркистон ўлкасидаги хунармадларнинг сони 100 мингдан ошиқ бўлиб, уларнинг

ҳам аҳволи анча оғир эди. Хусусан, ўлкага тўхтовсиз кириб келаётган рус саноати маҳсулотларининг рақобати кўпчилик ҳунармандларни хонавайрон қилиб, бошқа касб-ҳунарга ўтишга мажбур қилар эди. Бундан ташқари, ҳунармандчилик саноати маҳсулотларининг қиймати эса Туркистон ўлкаси фабрика ва заводлари маҳсулотлари қийматининг 22 фоизини ташкил қилган, холос.

Биринчи жаҳон уруши Туркистон ўлкасининг қишлоқ хўжалиги ишлаб чиқаришига асосланган иқтисодий ҳаётига ҳам салбий таъсир кўрсатди. Бунинг натижасида уруш даврида ўлка аҳолисининг 90 фоизини (XIX аср охирида 80 фоиз бўлган) ташкил этган деҳқонлар ва чорвадорларнинг аҳволи янада оғирлашди. Хусусан, 1916 йилдан бошлаб илгариги йилларга нисбатан чорва моллари сонининг камайиб кетиши, ўлканинг асосий экини бўлган пахта майдони ҳам, ҳосилдорлик ҳам камайиб кетиши оддий халқ аҳволини янада мушкуллаштирди.

Бундан ташқари, бу даврда деҳқонлардан олинадиган солиқларнинг ҳажми ҳам тобора ортиб борди. Маълумотларга кўра, Туркистонда ер солиғи 1914 йилда 6 859 021 рубль бўлган бўлса, 1916 йилга келиб, бу рақам 14 311 771 рублни, яъни икки баробар кўп миқдорни ташкил этган эди. Архив маълумотларига асосланган янги адабиётларда берилишича, 1915 йилда ўлка аҳолисидан махсус ҳарбий солиқ олиниб, бу солиқ пахтакорлар учун ҳар пуд пахтадан 2 рубль 50 коп. ни ташкил этган. Ҳисоб-китобларга кўра, 1915 йилги бу солиқларнинг умумий миқдори 38 329 000 рублдан иборат бўлган.

Эътибор бериш лозимки, уруш йилларида мустамлакачилар Россия тўқимачилик саноати манфаатларини ҳимоя қилиб, бозор иқтисодиёти қонунларига хилоф равишда пахтанинг ҳар бир пудига қатъий нарх — 24 рубль қилиб белгиланган эди. Натижада, пахтакор деҳқонлар бир йил ичида 60 млн. рубль зарар кўрдилар. Маълумотларга кўра, 1915 йилда пахтанинг нархи 50 фоизга оширилган бўлса, бошқа зарур маҳсулотлар нархи 400-500 фоизга, ноннинг нархи эса 6 бараварга кўтарилиб кетди. Натижада, чайқовчилик ва судхўрлик авж олиб, оддий меҳнаткаш аҳолининг норозилиги кучайиб борди.



**Тошкентнинг Анҳор канали – эски ва янги
шаҳар ўртасидаги чегара.
XIX аср охирлари – XX аср бошлари.**

Замонавий адабиётларда берилишича, империя мустамла-
кчилари Биринчи жаҳон уруши йиллари Туркистондан 59
млн. пуд пахта, 8,5 млн. пуд пахта ёғи, 950 минг пуд пила,
2.925 минг пуд тери, 300 минг пуд гўшт, 229 минг пуд со-
вун, 474 минг пуд балиқ олиб кетишган. Бундан ташқари,
фронга ёрдам учун аҳолидан 70 минг от, 12 мингта туя,
38 минг квадрат метр гилам-наматлар, 2400 минг нақд пул
ййғиб олинган.

Бунинг устига кундалик эҳтиёж маҳсулотларининг нархи
ниҳоятда ошиб кетган бир шароитда рус императорининг
мардикорлик тўғрисидаги фармони меҳнаткаш халқ бўйни-
даги иқтисодий асоратлар устига оғир юк бўлиб тушди.

Биринчи жаҳон уруши иштирокидаги кўплаб қурбонлар
ҳамда йўқотишлар Россия империясини тобора ҳолдан той-



**Ташкентнинг эски шаҳри кўринишидан лавҳа.
XIX аср охирилари – XX аср бошлари.**

дириб борди. Империя маъмурлари қандай қилиб бўлса-да, вазиятни енгилаштириш чораларини излай бошладилар. Россия Олий Бош қўмондонлик штаби ҳарбий вазирликдан «армия эҳтиёжлари учун салмоқли миқдорда куч ажратишни» зудлик билан талаб қилди. Ҳарбий вазирлик эса бу масалани мустамлакалар ҳисобидан ҳал қилишга қарор қилди. Натижада, 1916 йил 25 июнь куни император Николай II нинг «Империядаги рус бўлмаган эркак аҳолини ҳаракатдаги армия районида мудофаа иншоотлари ва ҳарбий алоқа йўллари қуриш учун олиб бориладиган ишларга, шунингдек, давлат мудофааси учун қилиш зарур бўлган бошқа ҳар қандай ишларга сафарбар қилиш ҳақидаги» фармони эълон қилинди.

Ушбу фармонга кўра, Сибирь, Ўрта Осиё, Қозоғистон, Кавказ орти халқлари аҳолисидан 19 ёшдан 43 ёшгача бўлган 400 минг эркак фронт ишларига, яъни мардикорликка сафарбар қилиниши лозим эди. Туркистон генерал-губернатори А.Н.Куропаткинга зудлик билан фармонни амалга ошириш



**Тошкентнинг Анҳор канали – эски ва янги
шаҳар ўртасидаги чегара.
XIX аср охирлари – XX аср бошлари.**

Замонавий адабиётларда берилишича, империя мустамла-качилари Биринчи жаҳон уруши йиллари Туркистондан 59 млн. пуд пахта, 8,5 млн. пуд пахта ёғи, 950 минг пуд пилла, 2.925 минг пуд тери, 300 минг пуд гўшт, 229 минг пуд со-вун, 474 минг пуд балиқ олиб кетишган. Бундан ташқари, фронтга ёрдам учун аҳолидан 70 минг от, 12 мингта туя, 38 минг квадрат метр гилам-наматлар, 2400 минг нақд пул йиғиб олинган.

Бунинг устига кундалик эҳтиёж маҳсулотларининг нархи ниҳоятда ошиб кетган бир шароитда рус императорининг мардикорлик тўғрисидаги фармони меҳнаткаш халқ бўйни-даги иқтисодий асоратлар устига оғир юк бўлиб тушди.

Биринчи жаҳон уруши иштирокидаги кўплаб қурбонлар ҳамда йўқотишлар Россия империясини тобора ҳолдан той-



**Тошкентнинг эски шаҳри кўринишидан лавҳа.
XIX аср охирлари – XX аср бошлари.**

дириб борди. Империя маъмурлари қандай қилиб бўлса-да, вазиятни енгиллаштириш чораларини излай бошладилар. Россия Олий Бош қўмондонлик штаби ҳарбий вазирликдан «армия эҳтиёжлари учун салмоқли миқдорда куч ажратишни» зудлик билан талаб қилди. Ҳарбий вазирлик эса бу масалани мустамлакалар ҳисобидан ҳал қилишга қарор қилди. Натижада, 1916 йил 25 июнь куни император Николай II нинг «Империядаги рус бўлмаган эркак аҳолини ҳаракатдаги армия районида мудофаа иншоотлари ва ҳарбий алоқа йўллари қуриш учун олиб бориладиган ишларга, шунингдек, давлат мудофааси учун қилиш зарур бўлган бошқа ҳар қандай ишларга сафарбар қилиш ҳақидаги» фармони эълон қилинди. Ушбу фармонга кўра, Сибирь, Ўрта Осиё, Қозоғистон, Кавказ орти халқлари аҳолисидан 19 ёшдан 43 ёшгача бўлган 400 минг эркак фронт ишларига, яъни мардикорликка сафарбар қилиниши лозим эди. Туркистон генерал-губернатори А.Н.Куропаткинга зудлик билан фармонни амалга ошириш

буюрилиб, Сирдарё вилояти зиммасига 87 минг, Самарқандга 88 минг, Фарғона вилояти зиммасига 50 минг киши юбориш мажбурияти юкланди.

1916 йил 2 июлда Тошкентда, генерал-губернаторлик қошида кенгаш чақирилиб, олий амалдорлар доирасида подшо фармонининг ижроси муҳокама қилинди. Ушбу кенгашда Фарғона вилоятининг пахта етиштиришга мўлжалланган туманлари кўп бўлганлиги боис, бу вилоятдан мардикорликка ўлканинг бошқа вилоятларига нисбатан олти баравар кам олишга келишиб олинди. Фарғона вилоятининг ўша пайтдаги ҳарбий губернатори А.Гиппиус вазиятни тўғри англаб, турли йўللار билан халқ орасида тушунтириш ишлари олиб борди, исёнлар ва ғалаёнларнинг олдини олишга ҳаракат қилди. У, ҳатто подшонинг мардикорликка олиш ҳақидаги фармони-ни Фарғона вилоятида вақтинча тўхтатиб туришга кўрсатма берди. Аммо империя маъмурлари вазиятга тўғри баҳо бера олмадилар. А.Гиппиус зудлик билан вазифасидан озод этилиб, ўрнига ўта кетган шовинист П.Иванов тайинланди.

Подшо фармонининг ижроси бошланиши биланоқ ноҳақликлар ва адолатсизликлар, қуйи маъмуриятнинг ўзбошимчалиги ва юқори маъмуриятнинг зўравонликлари юзага чиқди. Самарқанд ҳарбий губернатори Н.С.Ликошин рус ҳокимияти вакилларининг ноқобиллигини шундай таърифлаган эди: «Норозилик ҳаракати кўтарила борди, гоҳ у ерда, гоҳ бу ерда ур-йиқитлар ҳамда ўлдиришлар содир бўлди. Маҳаллий амалдорларнинг тушунтиришлари ва огоҳлантиришлари халққа таъсир қилмади. Маъмуриятларнинг сўзларига халқнинг мутлақо ишончи қолмади».

«Халқ ишончини қозониш» ҳамда «подшо фармонини тинч йўл билан бажариш» учун ҳаракат қилган А.Гиппиус адашмаган эди. Мардикорликка олишга қарши исёнлар даставвал Фарғона вилоятида бошланди. 1916 йилнинг 4 июлида Хўжаанда қўзғолон кўтарилиб, 7 минг кишилиқ оломон полиция маҳкамасига ҳужум қилган бўлса, 9 июлга келиб Қўқон мадрасаси талабалари миршаблар билан тўқнашдилар. Маълумотларга кўра, 1916 йилнинг 10 июлидан 15 ию-

лига қадар Фарғона вилоятининг Эски Марғилон, Қўқон, Наманган, Андижон, Чуст уездларида катта ғалаёнлар бўлиб ўтиб, сафарбарликка қарши ошкора чиқишлар бошланиб кетди. 12-15 июль кунлари Файзобод, Ҳазратшо, Риштон, Яйпан, Бачқир қишлоқларида аҳолининг катта-катта ғалаёнлари бўлиб ўтди. Хуллас, 1916 йилнинг июлида қўзғолонлар бутун Фарғона водийсига ёйилди. Маълумотларга кўра, водийнинг 17 та жойида маҳаллий аҳолининг ҳарбий қисмлар билан қуролли тўқнашувлари бўлиб ўтган. Бу тўқнашувлар натижасида юзлаб бегуноҳ кишилар ҳалок бўлиб, минглаб кишилар жароҳатланди.

Мардикорликка қарши қаратилган миллий-озодлик ҳаракатлари ўлканинг маркази бўлган Тошкентда ҳам бўлиб ўтди. Қўзғолончилар 11 июлда Бешёғоч полиция идорасига ҳужум қилдилар. Тўпланган халқ ёрдамга етиб келган подполковник Савицкий бошлиқ прапорщиклар ротасидан ҳам ҳайиқмай, уларга қарши жанг қилдилар. Ёвузлиги ва разиллиги билан ном қозонган пристав Мочалов қўзғолоннинг фаол иштирокчиси, ўзбек аёли Рўзвонбиби Аҳмаджоновани ўз қўли билан отиб ташлади. 13 июлда Тўйтепа бўлисида мингга яқин аҳоли мардикорлик мажбуриятини бажаришдан бош тортдилар. Тошкент туманига юборган полковник Афанасевнинг жазо отряди исёнчиларни шафқатсизларча жазога тортди.

Қўзғолоннинг кўлами тобора кенгайиб бораётганидан хавотирга тушган мустамлакачи маъмурлар бу вазиятдан чиқиш йўллари излай бошладилар. Натижада, подшо Николай II нинг фармони билан 1916 йил 17 июлда Туркистон ҳарбий округида ҳарбий ҳолат жорий этилиб, бошқарув тўла равишда ҳарбий қўмондонлик ихтиёрига топширилди. Жазо отрядлари тузилиб, ҳарбий дала судлари ташкил этилди.

Шунга қарамасдан, қўзғолонларнинг кўлами ва таъсир доираси пасаймасдан, аксинча, кенгайиб борди. Бу қўзғолоннинг энг кучли маркази Жиззах эди. Миллий-озодлик ҳаракати Жиззахда шунчалик кучли бўлган эдики, ҳозир ҳам адабиётларда бу курашни «Жиззах қўзғолони» ёки

«Жиззахдаги мардикорликка қарши қўзғолон» деб номлаш учраб туради.

Жиззах шаҳридаги меҳнаткаш аҳоли 1916 йил 13 июлда подшо фармониغا кўра тузилган сафарбарликка чақирилганларнинг рўйхатини талаб қилиб, шаҳардаги оқсоқол ва мингбошининг маҳкамасига тўпландилар. Бу тўқнашувда туманбоши подполковник Рунин, бош оқсоқол Йўлдошев, пристав ва тилмочлар ўлдирилди. Мингбоши маҳкамаси вайрон қилиниб, мардикорлар рўйхати топиб олинди, ёқиб юборилди. Қўзғолонни бостириш учун юборилган жазо отряди қаттиқ зарбага учради.

18 июлга келиб ушбу миллий-озодлик ҳаракатининг кўлами янада кенгайиб кетди. Шу куни курашчилар Назирхўжа эшон бошчилигида янги шаҳарга томон юрдилар. Жазо отряди билан қўзғолончилар ўртасидаги тўқнашувлар натижасида ҳар иккала томондан ҳам кўплаб қурбонлар берилди. Ҳазабланган қўзғолончилар темир йўл станцияларидаги нефть захираларини ёқиб юбордилар. Алоқа симлари узиб ташланиб, Обручева, Куропаткино, Ростовцево станциялари, 6-темир йўл кўприги бузиб ташланди. Бир пайтнинг ўзиде Абдурахмон Жевачи бошчилигида Бағдод волостида ҳам ғалаёнлар бўлиб ўтди. Подполковник Афанасьевнинг жазо отряди Жиззахдаги қўзғолонларни бостира олмади.

Вазиятдан ташвишга тушган Туркистон генерал-губернатори 21 июль куни Жиззахга полковник И.Иванов бошчилигидаги катта жазо отрядини юборди. Унинг таркибида 13 рота аскар, 3 рота казаклар, 3 рота сапёрлар, 6 та тўпли батарея — жами бўлиб 2,5 минг кишилик жазо қўшинлари бор эди. Бу жазо отряди Жиззахдаги қўзғолонни шафқатсизларча бостирди. Эски Жиззах аёвсиз тўпга тутилиб, ёндириб юборилди. Маҳаллий аҳолидан 1810 десятина ҳосилдор ерлар тортиб олинди, уларнинг эгалари чўлга қувғин қилинди. Мингдан ортиқ киши қамоққа олинди, уларнинг кўпчилиги қатл этилди ва сургун қилинди.

Генерал-губернаторнинг императорга йўлаган махфий ахборотида Жиззахдаги қўзғолон пайтида 97 та рус аскари ўлди-

рилиб, 86 таси ярадор бўлгани, 76 та аскар бедарак йўқолгани, 7 та рус амалдори, рус аҳолисидан 2326 киши ўлдирилиб, 1384 киши йўқолгани ҳақида маълумот берди. Аммо генерал-губернатор ўн минглаб қурбон бўлган маҳаллий аҳоли ҳисоби ҳақида ҳеч гап айтмаган.

1916 йилги мардикорликка қарши олиб борилган миллий-озодлик ҳаракатларида қорақалпоқлар ҳам фаол иштирок этган эдилар. Хусусан, 24 июлда Шўраҳон волостининг Тўртқўл бўлимида қорақалпоқ аёллари волост бошқарувчиси Қозоқбой Абдукаримбоевдан мардикорликка олинганлар рўйхатини ва ўз эрлари ҳамда ўғилларини сафарбарликдан озод қилишни талаб қилганлар. Бундай ҳаракатлар 26 июлда Хўжаев жамоасида, 27 июлда Эшим волостида, 29 июлда Сарибий волостида, Тўртқўл волостида, Чимбой шаҳрида, 4 август куни Мўйноқда ҳам бўлиб ўтди.

Қорақалпоқ қўзғолончиларига қарши Каспий орти вилоятининг 4-Сибирь ўқчи полки жўнатилди. Мустамлака маъмурлари уларнинг чиқишларини қурол кучи билангина бостиришга эришдилар. Натижада, қўзғолонларда иштирок этганлардан 103 нафари, жумладан, 18 та аёл қамоққа олинди. Қўзғолон раҳбарларининг бир қисми осиб ўлдирилди, бир қисми эса турли муддатлар билан Сибирга сургун қилинди. Бўрибой Салманов, Олониёз Худойназаров, Давлат Эшимбетов, Жаббор Қўшиқ, Султон Жабборберганов, Аваз Тўти Оразбейгамова, Ойгул Мамбетова, Гулзода Тангриберганова, Салима мулло Шалимова, Жумон Маметқулов кабилар қўзғолоннинг фаоллари эдилар.

Умуман олганда, мустамлака маъмурлари Туркистондаги 1916 йилги қўзғолонни бостириш учун катта кучларни сафарбар этган эдилар. Маълумотларга кўра, бунинг учун ўлка бўйлаб халққа қарши уруш тажрибасини орттирган малакали ҳарбийлардан жами 15 та батальон, 42 та тўп, 69 та пулемётга эга 32 та ротаси жангга ташланган эди. Шунинг учун ҳам, 1916 йил 13 декабрда IV Давлат Думасида сўзга чиққан ноиб А.Ф.Керенский «Уруш фронтларига янги бир фронт — Тур-

кистон фронти қўшилди», деб вазиятга жиддий ва холисона баҳо берган эди.

1916 йилги миллий-озодлик ҳаракати ниҳоятда оғир қурбонлар билан кечди. Маълумотларга кўра, 1 млн. кишининг мол-мулки талон-торож қилинган. Аҳоли хўжалигидаги отларнинг 50 фоизи, сигирларнинг 39 фоизи, туяларнинг 55 фоизи, қўй-эчкиларнинг 50 фоизи ўлган ёки мусодара қилинган. Бу ҳолат оддий меҳнаткаш аҳоли аҳволининг янада оғирлашувига олиб келди.

Жадидчилик ҳаракати

Жадидчилик ҳаракати масалалари бўйича турли йилларда Д.Алимова, Б.Қосимов, С.Холбоев, Ш.Ризаев, У.Долимов каби олимлар тадқиқот олиб борганлар. «Жадид» арабча сўз бўлиб, «янги» деган маънони англатади. Шунинг учун ҳам янгилик ва ислохотчиликка интилувчи, тараққийпарвар миллий зиёлилар тарихда «жадид» деган номга мушарраф бўлдилар. Жадидчилик деб номланган бу ҳаракатнинг пайдо бўлиши бевосита ўша даврдаги ички муҳит ҳамда ташқи халқаро майдондаги ижтимоий-сиёсий ва демократик янгиланишлар билан боғлиқ бўлди.

Жадидчилик ҳаракати баъзи бир тарихга оид адабиётларда айтилганидек, «олдин маданий-маърифий ҳаракат бўлиб, кейин ижтимоий-сиёсий ҳаракатга ўсиб ўтгани» йўқ. У ўз табиати, мақсад ва моҳиятига кўра, дастлабки кунданок, ижтимоий-сиёсий, маданий-маърифий ва ислохотчилик ҳаракати бўлган.

С.Холбоев фикрича, биринчидан, жадидчилик исломдаги тараққиётпарварлик, илм-фанга рағбат ва дунёвийликнинг янги даврдаги кўриниши сифатида пайдо бўлди. Жадидлар исломни ҳар хил мутаассиблик бидъатлардан асраб ривожлантирдилар. Иккинчидан, жадидчиликнинг пайдо бўлиши ва ривожланишига Шарқ ва ғарб мамлакатларида ривожланган қуйидаги демократик, миллий-озодлик, ислохотчилик ҳаракатларининг таъсири ҳам кучли бўлди:

1. Жамолиддин Афғоний (1839-1897) ва Муҳаммад Абдолар (1848-1903) асос солган мусулмон дунёсидаги ислоҳотчилик ва «наҳда» (уйғониш) ҳаракатлари.

2. XIX асрнинг 90-йилларидан бошланиб, 1905-1907 ва 1917 йилларда катта ғалабаларга эришган рус социал демократик ва инқилобий ҳаракатлари.

3. Туркиядаги аксилмонархистик, конституцион демократик, ижтимоий-миллий уйғониш ҳаракатлари: «Танзимат» (1840-1860), «Ёш усмонлилар» (1865 йилдан 1900 йилларгача), «Ёш турклар» (1889-1918) ва 1908-1909 йиллардаги демократик-инқилобий ҳаракатлар.

4. Жаҳидчилик ҳаракатининг пайдо бўлиб, ривожланишида қримлик Исмоилбек Гаспиралининг (1851 – 1914) ҳиссаси беҳад катта бўлди. У Қримда XIX асрнинг 80-йиллардаёқ, Россия босиб олган мусулмон халқлари орасида биринчи бўлиб жаҳидчиликка асос солди. Унинг рус ва туркий тилларда чоп этилган «Таржимон» (1883-1914) газетаси, «Россия мусулмонлиги» (1881), «Оврупа маданиятига бир назар мувозини» (1885) ва бошқа асарлари ҳамда жаҳид мактаби учун ёзган дарслик ва қўлланмалари Туркистонга тез кириб келди.

Исмоилбек Гаспирали 1893 йилда Тошкентга келади ва зиёли уламолар билан учрашади. Самарқандда бўлади. У ердан Бухорога бориб, амир Абдулахадни жаҳид мактаби очишга кўндиради ва бу мактабга «Музаффария» деган номни беради. Жаҳидчилик ғояси Туркистонда XIX аср 80-йилларининг иккинчи ярмидан бошлаб тарқалиб, шу асрнинг 90-йиллари — XX асрнинг бошлари оралиғида мунтазам ижтимоий-сиёсий, маданий-маърифий ҳаракат сифатида шаклланди.

Жаҳидчилик ҳаракати асосан икки даврга бўлинади: 1) XIX асрнинг 90-йилларидан — 1917 йил февралгача; 2) 1917 йил февралдан — 1929 йилгача. Биринчи даврнинг ўзи уч босқичга бўлинади: 1) Жаҳидчилик ғоясининг пайдо бўлиши ва мунтазам уюшган ҳаракат шаклига эга бўлиши (XIX асрнинг 90-йиллари — 1905 йил); 2) Жаҳидчилик ҳаракатининг нисбатан тез ва қаршиликсиз ривожланиши (1905-1909

кистон fronti қўшилди», деб вазиятга жиддий ва холисона баҳо берган эди.

1916 йилги миллий-озодлик ҳаракати ниҳоятда оғир қурбонлар билан кечди. Маълумотларга кўра, 1 млн. кишининг мол-мулки талон-торож қилинган. Аҳоли хўжалигидаги отларнинг 50 фоизи, сигирларнинг 39 фоизи, туяларнинг 55 фоизи, қўй-эчкиларнинг 50 фоизи ўлган ёки мусодара қилинган. Бу ҳолат оддий меҳнаткаш аҳоли аҳволининг янада оғирлашувига олиб келди.

Жадидчилик ҳаракати

Жадидчилик ҳаракати масалалари бўйича турли йилларда Д.Алимова, Б.Қосимов, С.Холбоев, Ш.Ризаев, У.Долимов каби олимлар тадқиқот олиб борганлар. «Жадид» арабча сўз бўлиб, «янги» деган маънони англатади. Шунинг учун ҳам янгилик ва ислоҳотчиликка интилувчи, тараққийпарвар миллий зиёлилар тарихда «жадид» деган номга мушарраф бўлдилар. Жадидчилик деб номланган бу ҳаракатнинг пайдо бўлиши бевосита ўша даврдаги ички муҳит ҳамда ташқи халқаро майдондаги ижтимоий-сиёсий ва демократик янги-ланишлар билан боғлиқ бўлди.

Жадидчилик ҳаракати баъзи бир тарихга оид адабиётларда айтилганидек, «олдин маданий-маърифий ҳаракат бўлиб, кейин ижтимоий-сиёсий ҳаракатга ўсиб ўтгани» йўқ. У ўз табиати, мақсад ва моҳиятига кўра, дастлабки кунданок, ижтимоий-сиёсий, маданий-маърифий ва ислоҳотчилик ҳаракати бўлган.

С.Холбоев фикрича, биринчидан, жадидчилик исломдаги тараққийпарварлик, илм-фанга рағбат ва дунёвийликнинг янги даврдаги кўриниши сифатида пайдо бўлди. Жадидлар исломни ҳар хил мутаассиблик бидъатлардан асраб ривожлантирдилар. Иккинчидан, жадидчиликнинг пайдо бўлиши ва ривожланишига Шарқ ва ғарб мамлакатларида ривожланган қуйидаги демократик, миллий-озодлик, ислоҳотчилик ҳаракатларининг таъсири ҳам кучли бўлди:

1. Жамолиддин Афғоний (1839-1897) ва Муҳаммад Абдолар (1848-1903) асос солган мусулмон дунёсидаги ислоҳотчилик ва «наҳда» (уйғониш) ҳаракатлари.

2. XIX асрнинг 90-йилларидан бошланиб, 1905-1907 ва 1917 йилларда катта ғалабаларга эришган рус социал демократик ва инқилобий ҳаракатлари.

3. Туркиядаги аксилмонархистик, конституцион демократик, ижтимоий-миллий уйғониш ҳаракатлари: «Танзимат» (1840-1860), «Ёш усмонлилар» (1865 йилдан 1900 йилларгача), «Ёш турклар» (1889-1918) ва 1908-1909 йиллардаги демократик-инқилобий ҳаракатлар.

4. Жаҳидчилик ҳаракатининг пайдо бўлиб, ривожланишида қримлик Исмоилбек Гаспиралининг (1851 – 1914) ҳиссаси беҳад катта бўлди. У Қримда XIX асрнинг 80-йиллардаёқ, Россия босиб олган мусулмон халқлари орасида биринчи бўлиб жаҳидчиликка асос солди. Унинг рус ва туркий тилларда чоп этилган «Таржимон» (1883-1914) газетаси, «Россия мусулмонлиги» (1881), «Оврупа маданиятига бир назар мувозини» (1885) ва бошқа асарлари ҳамда жаҳид мактаби учун ёзган дарслик ва қўлланмалари Туркистонга тез кириб келди.

Исмоилбек Гаспирали 1893 йилда Тошкентга келади ва зиёли уламолар билан учрашади. Самарқандда бўлади. У ердан Бухорога бориб, амир Абдулахадни жаҳид мактаби очишга кўндиради ва бу мактабга «Музаффария» деган номни беради. Жаҳидчилик ғояси Туркистонда XIX аср 80-йилларининг иккинчи ярмидан бошлаб тарқалиб, шу асрнинг 90-йиллари – XX асрнинг бошлари оралиғида мунтазам ижтимоий-сиёсий, маданий-маърифий ҳаракат сифатида шаклланди.

Жаҳидчилик ҳаракати асосан икки даврга бўлинади: 1) XIX асрнинг 90-йилларидан – 1917 йил февралгача; 2) 1917 йил февралдан – 1929 йилгача. Биринчи даврнинг ўзи уч босқичга бўлинади: 1) Жаҳидчилик ғоясининг пайдо бўлиши ва мунтазам уюшган ҳаракат шаклига эга бўлиши (XIX асрнинг 90-йиллари – 1905 йил); 2) Жаҳидчилик ҳаракатининг нисбатан тез ва қаршиликсиз ривожланиши (1905-1909

йиллар); 3) Жади́дчиликнинг чоризм томонидан озодлик, демократик ва инқилобий ҳаракатларга қарши курашни кучайтирган даврдаги ривожланиши (1909-1916 йиллар). Иккинчи давр ҳам воқеалар ривожланишига қараб уч босқичга бўлинади: 1) 1917 йил февраль-октябрь; 2) 1917 йил ноябрь – 1924 йил; 3) 1925-1929 йиллар.

Жади́дчилик ҳаракати, шу вақтгача Ислом дунёсида сира ҳам кўринмаган илғор ва тезкор ўқитиш «Савтия» (товуш) усулига асосланган жади́д мактаблари ташкил топишидан бошланди. Бу мактабларда болалар бир йилда савод чиқариб, мукамал ўқиш ва ёзишни ўзлаштиради.

Жади́д мактабида диний ва дунёвий таълим-тарбия ҳамда илм ўзаро уйғунлаштирилди. Болалар қулай парталарда ўтириб, харита ва расмлар ёрдамида тез савод чиқарди ва диний-дунёвий илмларни ўрғанди. Жади́д мактабларида Қуръони карим, математика, география, она тили, рус, араб тиллари, ашула ва ҳатто жисмоний тарбия ўқитила бошланди.

Жади́д мактаблари тўрт (бошланғич) ва етти йиллик эди. Масалан, Мунавварқори Абдурашидхоновнинг етти йиллик мактабини битирган ёшлар дунёвий илмларни, рус тилини яхши ўзлаштирган ҳолда жади́д мактабида ўқитувчи, масжидларда имом бўлиш, мадраса ва ҳатто хориждаги дунёвий олий ўқув юртларида ўқиш, савдо ва бошқа корхоналарда котиб бўлиб ишлаш малакасига эга бўлганлар. Бундай етти йиллик мактаблар Тошкентдан ташқари, Қўқон, Самарқанд каби йирик шаҳарларда ҳам очилади.

Жади́д мактаблари пуллик эди. Ҳар ойига ота-оналар баҳоли қудрат, эллик тийиндан бир ярим сўмгача пул тўлаганлар. Бу ўринда ҳар би ота-она ўзларининг бойлик ва камбағаллик даражаларини шариат асосида белгилаб пул берадилар. 35 фоизгача камбағал ва ночорларнинг болалари текин ўқитилган. Ўзига тўқ оилалар эса ўз хоҳиши билан уч сўмдан ва ундан ҳам кўп пул берган. Булардан ташқари жади́дларнинг ўзлари ташкил этган хайрия жамиятлари ҳам жади́д мактабларини маблағ билан таъминлаб турган.

Жади́д мактабларининг очилишига рус амалдорлари, мусулмон мутаассиблари қаршилик қиладилар. Жади́длар кат-

та матонат ва фидойилик билан эски мактабларга тегмай, намуна сифатида жаҳид мактабларини ташкил этиб, омма орасида катта обрў қозондилар. Жаҳид мактаблари қатъий низом, дастур ва дарсликларга асосланди. Тарихда биринчи бўлиб, жаҳидлар ўқувчиларга кундалик, чорак ва йиллик баҳолар қўйишни жорий этдилар. Ўқувчилар синфдан-синфга ўтиш ва битириш учун жамоатчилик олдида очиқ чорак, йиллик ва битирув имтиҳонларини топширганлар.

Мактаб очган жаҳидлар дастур, қўлланма ва дарсликларни ҳам ўзлари яратдилар. Саидрасул Саидазизовнинг «Устои аввал», Мунавварқори Абдурашидхоновнинг «Адиби аввал», «Адиби соний», «Тажвид» (Қуръонни қироат билан ўқиш усулига оид қўлланма), «Ҳавойижи диния» (Шариат қонунлари тўплами), «Ёр юзи», «Усули ҳисоб», «Тарихи анбиё», «Тарихи ислом», Абдулла Авланийнинг «Биринчи муаллим» ва «Иккинчи муаллим», «Туркий гулистон ёхуд ахлоқ», Маҳмудхўжа Бехбудийнинг «Қисқача умумий география», «Болалар мактуби», «Исломнинг қисқача тарихи», «Амалиёти ислом», «Аҳоли географиясига кириш», «Россиянинг қисқача географияси» ва бошқалар шулар жумласидандир.

Жаҳидлар олий таълимнинг асоси — университет ташкил этиш учун Тошкент шаҳар Думасидан ҳам фойдаландилар. Мунавварқори, Фитрат, М. Бехбудий, У.Асадуллахўжаев ва бошқа жаҳидлар миллий-дунёвий олий таълим ғоясини ўз асар ва мақолаларида кенг тарғибот-ташвиқот қиладилар.

Олий таълимга замин яратиш учун жаҳид мактабларида дунёвий илмлар ўқитилди, хорижга ёшлар ўқишга юборилди. Дунёвий ҳозирги замон олий ўқув юрти — университетга асос солишга жаҳидлар фақат 1918 йилда Мусулмон халқ дорилфунунини ташкил этиш билан муваффақ бўлдилар.

Умуман, жаҳидлар жуда қисқа вақт ичида бутунлай янги, яъни жаҳид халқ маорифи тизими, яъни ҳозирги замон халқ маорифи тизимига асос солдилар.

Жаҳидчилик ҳаракатининг иккинчи бир муҳим фаолияти миллий матбуот ва журналистикасига асос солиш бўлди. Тошкентда Исмоил Обидий «Тараққий» (1906), Мунавварқо-



Абдулла Авлоний

журналини, Қўқонда Обиджон Маҳмудов «Садои Фарғона» (1914) газеталарини чиқарди. Бу газета ва журналлар доимо махфий полиция «охранка»нинг айғоқчилари кузатуви, таъқибига остида бўлди.

Жадид матбуоти 1917 йил февралда рус подшоши тахтдан ағдарилгач, янада ривожланди. Жуда қисқа вақт оралиғида февралдан октябргача Тошкентда Мунавварқори Абдурашидхонов «Нажот» (1917 й. март), А. Баттол «Шўрои ислом» (1917 й. май), Абдулла Авлоний «Турон» (1917 й.), Аҳмад Заки Валидий ва Мунавварқори Абдурашидхонов «Кенгаш» (1917 й. июнь), «Улуғ Туркистон» (1917 й.), Қўқонда Бўлат Солиев «Эл байроғи» (1917 й. сентябр) газеталарини, Ҳ.Ҳ. Ниёзий «Кенгаш», Ашурали Зоҳирий «Юрт» (1917 йил июнь) журналларини, Самарқандда эса Шохмуҳаммадзода «Хуррият» (1917 йил апрель) газеталарини чоп этдилар.

Буюк миллатпарвар жадидлар, жадид матбуоти орқали миллатни ўз маданий-иқтисодий аҳволи, сиёсий қарам ва ҳуқуқсизлигини англашишга, унда босқинчиларга қарши нафрат, миллий истиқдолга ишонч руҳини тарбиялашга му-

ри Абдурашидхонов «Хурашид» (1906), Абдулла Авлоний «Шухрат» (1907), Саидқарим Саидазимбоев «Тужжор» (1907), Аҳмаджон Бектемиров «Осиё» (1908), Убайдуллахўжа Асадуллахўжаев «Садои Туркистон» (1914-1915) газеталари, шунингдек, Абдурахмон Содиқ ўғли (Сайёх) «Ал-Ислоҳ» (1915) журналини нашр этишга муваффақ бўлдилар. Самарқандда эса Муҳаммадхўжа Беҳбудий «Самарқанд» русча (1913) газетаси ва «Ойна» (1913-1915)

инффақ бўдилар. Шунинг билан бирга улар миллий мухторият ва жумҳурият ғоясини, миллатлараро тенглик ва қон-қариндошликни тарғибот қилишни тўғри йўлга қўядилар.

Жадидчилик ҳаракати жадид адабиётининг асосчилари бўлган йирик истеъдод эгалари-жадид адиби, шоири, драматурги ва санъати арбобларини ҳам тарбиялади. Жадидшунос таниқли олим профессор Бегали Қосимовнинг таъкидлашича, уларнинг



Абдулла Қодирий

1905-1917 йилларда адабий-маданий ҳаракатчиликда қизғин фаолият кўрсатганлари саксондан ортиқ бўлган. Маҳмудхўжа Бехбудий (1875-1919), Саидахмад Сиддиқий Ажзий (1864-1927), Васлий Самарқандий (1869-1925), Мунавварқори Абдурашидхонов (1878-1931), Абдулла Авлоний (1878-1934), Тўлаган Хўжамёров — Тавалло (1882-1939), Сидқий Хондайлиқий (1884-1934), Аваз Ўтар ўғли (1884-1919), Муҳаммадшариф Сўфизода (1869-1937), Абдурауф Фитрат (1886-1938), Садриддин Айний (1878-1954), Абдулвоҳид Бурҳонов (1875-1934), Ҳамза Ҳакимзода Ниёзий (1889-1929), Абдулла Қодирий (1894-1938), Абдулҳамид Чўлпон (1897-1938) ва бошқалар шулар жумласидандир.

1917 йилги октябрь тўнтарилишигача драматургия соҳасида ўттиздан ортиқ драма, трагедия, комедия асарлари ёзилган ва уларнинг кўпчилиги театрларда сахналаштирилган. Ўзбек жадид драматургияси ва театрига илк бор асос солган Маҳмудхўжа Бехбудий бўлди. Унинг «Падаркуш» драмаси биринчи бор 1914 йил 27 февралда Тошкентдаги «Коллизей» театрида қўйилиши катта маданий-маърифий воқеа бўлди. Бу кун ўзбек театрига асос солинган сана сифатида тарихга кирди.

Ҳар қандай жараёнда бўлгани каби, бу ҳаракат ҳам ўз иқтисодий асосига эга эди. Унинг иқтисодий таъминот манбаини маданий-маърифий хайрия жамиятлари, бой-бадавлат кишилар томонидан савоб олиш ва миллат нуфузини кўтариш учун берилган беминнат эҳсонлар ташкил этди. Жадидчилик ва жадидлар асосан ўртаҳол мусулмон зиёлилари ҳамда дунё кўрган илғор руҳдаги савдогаридан иборат бўлди. Тошкентлик Саидқарим Саидазимбой ўғли, туркистонлик Саидносир Миржалилов, андижонлик Миркомил Мирмуъинбоев ва бошқа бойлар жадидчилик ҳаракати ривожланишига катта иқтисодий ҳисса қўшдилар.

Тошкентда 1909 йилда «Кўмак», 1913 йилда «Дорилу ожизин», Бухорода 1910 йилда «Тарбияи атфол» хайрия жамиятлари ташкил этилади. Уларнинг олдига қўйилган асосий мақсад сармоя топиб, жадид мактабларига ёрдам бериш ва иқтидорли ёшларни Туркия ва бошқа хорижий мамлакатларга ўқишга юборишдан иборат бўлди.

«Кўмак»нинг таъсисчилари Мунавварқори Абдурашидхон, Низомқори Ҳасанов, Абдулла Авлоний, Башарулла Асадуллахўжаев ва Тошхўжа Туёқбоевлар бўлди. Бу ва «Тарбияи атфол»нинг ёрдамида 1911 йилда 15 та, 1912 йилда 30 та туркистонлик иқтидорли ёшлар Истамбулда ўқиганлиги ҳақида маълумот бор.

Тошкентда Мунавварқори, Абдулла Авлоний ва бошқалар 1911 йилда ташкил этган кўп тармоқли «Турон» номли жамият совет ҳокимиятининг дастлабки йилларигача самарали фаолият юритади. Унинг қошида театр труппаси (1913 й.), «Турон» номли кутубхона ва нашриёт (1913 й.) ҳам ташкил этилади. Булар бутун Туркистон бўйлаб маърифат ва зиё, илм-фан тарқалиши, китоб чоп этиш ва босмахона ишлари ривожланишига катта ҳисса қўшдилар.

Қўқонда «Ғайрат» (1913 й.), Самарқандда «Зарафшон», Тўрақўрғонда (Наманган вилояти) «Кутубхонаи Исҳоқия» (1908 й.) номли кутубхоналар ташкил топади. Шунингдек, жадид босмахонаси ва китоб дўконлари анча кенг тармоқ отди.

Россия империяси мустамлакачилиги даври Ўрта Осиё давлатларининг ҳаёти, сиёсати, иқтисодиёти, ижтимоий тузуми ва давлатчилигидаги муайян ўзгаришлар билан боғлиқ бўлиб, улар қуйидагилардан иборатдир:

1. Россия империясининг ҳарбий истилоси оқибатида Бухоро амирлиги, Хива ва Қўқон хонликлари забт этилди.

2. Ҳокимиятнинг мустамлакачиликка асосланган тузилмасини ўрнатилиши оқибатида Қўқон хонлиги бутунлай тугатилди. Бухоро амирлиги ва Хива хонлиги ярим мустамлакага айланди.

3. Империянинг иқтисодий ва сиёсий ҳукмронлигини мустаҳкамлашга хизмат қиладиган қонунчилик ташкилотлари пайдо бўлиб, Россия савдо, саноат ва молия капитали ҳукмронлиги ўрнатилди.

4. Ўрта Осиё ва Россия ўртасидаги маҳсулот айирбошлашни кенгайтириш, мустамлакачилик муносабатларини мустаҳкамлаш ҳамда минтақанинг иқтисодий тузилмасида аниқ ўзгаришларни амалга оширишга йўналтирилган янги иқтисодий шароитларнинг яратилиши оқибатида ўлка Россиянинг арзон хомашё базасига айлантирилди.

5. Минтақа халқларининг миллий-маънавий манфаатлари ҳамда кадриятлари поймол этилди, уларнинг ҳатто, энг оддий ҳақ-ҳуқуқларига ҳам менсимаслик кайфияти билан қаралиб, улар оммавий равишда асоратга солинди.

Тараққийпарвар ўзбек зиёлилари кенг халқ оммасини саводли қилишга, уларни жаҳолат уйқусидан уйғотишга интилиб, мактаблар очдилар. Биринчи бўлиб (Хусайнов маблағи ҳисобига) 1893 йили Самарқандда, 1898 йили Қўқонда Салоҳиддин домла томонидан, ўша йили Тўқмоқда, 1899 йили эски Тошкентда Маннон Қори, Андижонда Шамсиддин домла томонидан жаҳид мактаблари очилди. 1900 йили Бухорода Жўрабой қори томонидан янги усулдаги мактаб очилди. 1903 йили М.Бехбудий ўз маблағи ҳисобидан Жомбойда мактаб очди. Жаҳидлардан Ҳожи Муин ва Абдулқодир Шакурийлар бу мактабда сабоқ бердилар. 1908 йили бундай мактабларни Мирза Абдулвоҳид ҳам ташкил қилди.

Ҳар қандай жараёнда бўлгани каби, бу ҳаракат ҳам ўз иқтисодий асосига эга эди. Унинг иқтисодий таъминот манбаини маданий-маърифий хайрия жамиятлари, бой-бадавлат кишилар томонидан савоб олиш ва миллат нуфузини кўтариш учун берилган беминнат эҳсонлар ташкил этди. Жадидчилик ва жадидлар асосан ўртаҳол мусулмон зиёлилари ҳамда дунё кўрган илғор руҳдаги савдогаридан иборат бўлди. Тошкентлик Саидқарим Саидазимбой ўғли, туркистонлик Саидносир Миржалилов, андижонлик Миркомил Мирмўминбоев ва бошқа бойлар жадидчилик ҳаракати ривожланишига катта иқтисодий ҳисса қўшдилар.

Тошкентда 1909 йилда «Кўмак», 1913 йилда «Дорилу ожизин», Бухорода 1910 йилда «Тарбияи атфол» хайрия жамиятлари ташкил этилади. Уларнинг олдига қўйилган асосий мақсад сармоя топиб, жадид мактабларига ёрдам бериш ва иқтидорли ёшларни Туркия ва бошқа хорижий мамлакатларга ўқишга юборишдан иборат бўлди.

«Кўмак»нинг таъсисчилари Мунавварқори Абдурашидхон, Низомқори Ҳасанов, Абдулла Авлоний, Башарулла Асадуллахўжаев ва Тошхўжа Туёқбоевлар бўлди. Бу ва «Тарбияи атфол»нинг ёрдамида 1911 йилда 15 та, 1912 йилда 30 та туркистонлик иқтидорли ёшлар Истамбулда ўқиганлиги ҳақида маълумот бор.

Тошкентда Мунавварқори, Абдулла Авлоний ва бошқалар 1911 йилда ташкил этган кўп тармоқли «Турон» номли жамият совет ҳокимиятининг дастлабки йилларигача самарали фаолият юритади. Унинг қошида театр труппаси (1913 й.), «Турон» номли кутубхона ва нашриёт (1913 й.) ҳам ташкил этилади. Булар бутун Туркистон бўйлаб маърифат ва зиё, илм-фан тарқалиши, китоб чоп этиш ва босмахона ишлари ривожланишига катта ҳисса қўшдилар.

Қўқонда «Ғайрат» (1913 й.), Самарқандда «Зарафшон», Турақўрғонда (Наманган вилояти) «Кутубхонаи Исҳоқия» (1908 й.) номли кутубхоналар ташкил топади. Шунингдек, жадид босмахонаси ва китоб дўконлари анча кенг тармоқ отди.

Россия империяси мустамлакачилиги даври Ўрта Осиё давлатларининг ҳаёти, сиёсати, иқтисодиёти, ижтимоий тузуми ва давлатчилигидаги муайян ўзгаришлар билан боғлиқ бўлиб, улар қуйидагилардан иборатдир:

1. Россия империясининг ҳарбий истилоси оқибатида Бухоро амирлиги, Хива ва Қўқон хонликлари забт этилди.

2. Ҳокимиятнинг мустамлакачиликка асосланган тузилмасини ўрнатилиши оқибатида Қўқон хонлиги бутунлай тугатилди. Бухоро амирлиги ва Хива хонлиги ярим мустамлакага айланди.

3. Империянинг иқтисодий ва сиёсий ҳукмронлигини мустаҳкамлашга хизмат қиладиган қонунчилик ташкилотлари пайдо бўлиб, Россия савдо, саноат ва молия капитали ҳукмронлиги ўрнатилди.

4. Ўрта Осиё ва Россия ўртасидаги маҳсулот айирбошлашни кенгайтириш, мустамлакачилик муносабатларини мустаҳкамлаш ҳамда минтақанинг иқтисодий тузилмасида аниқ ўзгаришларни амалга оширишга йўналтирилган янги иқтисодий шароитларнинг яратилиши оқибатида ўлка Россиянинг арзон хомашё базасига айлантирилди.

5. Минтақа халқларининг миллий-маънавий манфаатлари ҳамда қадриятлари поймол этилди, уларнинг ҳатто, энг оддий ҳақ-ҳуқуқларига ҳам менсимаслик кайфияти билан қаралиб, улар оммавий равишда асоратга солинди.

Тараққийпарвар ўзбек зиёлилари кенг халқ оммасини саводли қилишга, уларни жаҳолат уйқусидан уйғотишга интилиб, мактаблар очдилар. Биринчи бўлиб (Хусайнов маблағи ҳисобига) 1893 йили Самарқандда, 1898 йили Қўқонда Салоҳиддин домла томонидан, ўша йили Тўқмоқда, 1899 йили Эски Тошкентда Маннон Қори, Андижонда Шамсиддин домла томонидан жаҳид мактаблари очилди. 1900 йили Бухорода Жўрабой қори томонидан янги усулдаги мактаб очилди. 1903 йили М.Беҳбудий ўз маблағи ҳисобидан Жомбойда мактаб очди. Жаҳидлардан Ҳожи Муин ва Абдулқодир Шакурийлар бу мактабда сабоқ бердилар. 1908 йили бундай мактабларни Мирза Абдулвоҳид ҳам ташкил қилди.

1911 йилда жаҳид мактаблари Туркистонда 63 та бўлиб, уларда 4106 бола ўқиган. Тошкентнинг ўзида 24 та бундай мактабларда 1740 бола ўқиган. 1917 йил бошларида ўлкада 100 га яқин жаҳид мактабларида 5 мингдан зиёд ўқувчи бўлган.

Жаҳид мактаблари юқори савияда, миллий ҳис-туйғуларга эга кадрлар етиштирувчи маскан эканлигини мустамлака маъмурияти яхши англади. Хусусан, мустамлака маъмурияти бу ҳаракатга қарши кучли рақобатчилик усулини ишга солиб, рус-тузем мактаблари фаолиятини кучайтиришга қарор қилди. Бу қалтис вазифага ишончли одамни топиш ўлка маорифи раҳбарларидан бири С.М. Граменицкийга топширилди. У 1-рус-тузем мактаби ўзбекча синфлар муаллими, шу мактабни битирган, Шайхонтаҳур даҳасининг Баландмачит маҳалласида истиқомат қилувчи Саидрасул Саидазизовни рус амалдорларига мақбул шахс деб топди. Таниқли рус олимлари В.В.Бартольд ва А.Н.Самойловичлар билан яқин алоқада бўлган, русчани яхши тушуниб, дипломатик қобилияти кучли бўлган Саидрасул домла Тошкентнинг етук зиёлиларидан бири эди. Унинг уйига руслардан ташқари, чет элик шарқшунослар ҳам келиб-кетиб тургани ҳамда унинг билими ва заковатига тан берганлари мустамлакачи маъмуриятга яхши маълум эди. Саидрасул домла рус-тузем мактаблари учун тайёрлаган дарсликда кўпгина рус муаллифлари асарларидан таржималар киритгани генерал-губернаторга маъқул бўлди ва китоб нашрга тавсия қилинди. Янги усул мактабларидан намуна олган тарзда қироат усули қўлланилган «Устоди аввал»дарслиги шу тариқа 1902 йилда дунё юзини кўрди ва кейин бир неча бор қайта нашр этилди. Саидрасул Саидазизов таниқли журналист, шоир ҳам эди. Академик Бартольд уни Туркистон ўлкасидаги «ўқув-тарбия ишларига ислоҳ кирита олган илғор зиёли» деб атаган. У Россияга саёҳат қилиб, «Туркистон вилояти газети»да «Маҳаллий олимпинг 1910 йилда Москва ва Петербургда қилган маърифий сифари» сарлавҳаси остида туркум мақолаларни эълон қилган.

Мустамлака маъмурияти рус тилини ўрганишни тарғиб қилса ҳам ана шу тилни яхши ўзлаштирган ва руслар билан

яқин алоқада бўлган маҳаллий миллат вакилларига шубҳа ҳамда ҳадик билан қараган. Шундай одамлардан бири ўзбек зиёлилари ўртасида баобрў ва эътиборли бўлган собиқ Китоб беги Жўрабек Қаландар қори ўғли эди. 1868 йилгача руслар билан жанг қилган, хиёнат туфайли асир олинганидан сўнг эса рус армиясига хизматга ўтган. Жўрабекка 1901 йили генерал-майор унвони берилган. Миллат фожиасининг гувоҳи, мустамлака истибдодининг барча қабоҳатларини қарийб 30 йил генерал-губернатор маҳкамасидаги таржимонликда кўрган-билган Жўрабек истеъфога чиққанидан кейин мавжуд тузум муҳолифлари раҳнамоларидан бирига айланган. 1902 йили академик В.В.Бартольд унинг уйида бўлганида истеъфодаги рус армияси генерали Жўрабек таниқли олимга ўзининг Шарқ қўлэмалари мажмуини кўрсатиб, уни лол қолдирган эди.

Ўзбек жаҳидлари Туркистон халқ маорифига жиддий эътибор берганлар. Бу соҳада таниқли маърифатпарвар Мунавварқорининг хизмати каттадир. Мунавварқори 1909 йилда маслакдош дўстлари Абдулла Авлоний, Убайдулла Асадуллахўжаев, Тошпўлатбек Норбутабеков ва бошқалар билан ҳамкорликда тошкентлик бир бойнинг раислигида «Жамияти хайрия»ни ташкил қилди. Мунавварқори ва сафдошлари жамият орқали қашшоқ ва касалманд кишилар, ўқувчиларга ёрдам кўрсатиш билан чекланмайди. Россия ва бошқа четдаги олий ўқув юртарига талабалар юбориш билан ҳам шуғулланади.

Мунавварқори гуруҳига мансуб кекса санъаткор Абдураҳмон Акбаров ўз хотирасида шундай воқеани эслайди: «Гуруҳдаги жаҳидларнинг бош раҳбари бўлган Мунавварқори бир куни тўданинг мажлисига келиб: «Зиёли ёшлардан бир нечтасини Германияга юбориб ўқитиш керак», деб узоқ нутқ сўзлади. Шундан кейин тўданинг раҳбарларидан 7-8 киши Орифхўжабойнинг янги шаҳардаги ҳовлисида шу ҳақда биринчи марта мажлис ўтказдилар. Орадан чамаси 15 кунлардан кейин Каттахўжа Хўжаевнинг уйида иккинчи марта катта йиғин бўлди. Бу мажлисда Тошкентнинг энг машҳур боёнлари йиғилдилар. Жумладан, Орифхўжабой, Саидка-

1911 йилда жаҳид мактаблари Туркистонда 63 та бўлиб, уларда 4106 бола ўқиган. Тошкентнинг ўзида 24 та бундай мактабларда 1740 бола ўқиган. 1917 йил бошларида ўлкада 100 га яқин жаҳид мактабларида 5 мингдан зиёд ўқувчи бўлган.

Жаҳид мактаблари юқори савияда, миллий ҳис-туйғуларга эга кадрлар етиштирувчи маскан эканлигини мустамлака маъмурияти яхши англади. Хусусан, мустамлака маъмурияти бу ҳаракатга қарши кучли рақобатчилик усулини ишга солиб, рус-тузем мактаблари фаолиятини кучайтиришга қарор қилди. Бу қалтис вазифага ишончли одамни топиш ўлка маорифи раҳбарларидан бири С.М. Граменицкийга топширилди. У 1-рус-тузем мактаби ўзбекча синфлар муаллими, шу мактабни битирган, Шайхонтаҳур даҳасининг Баландмачит маҳалласида истиқомат қилувчи Саидрасул Саидазизовни рус амалдорларига мақбул шахс деб топди. Таниқли рус олимлари В.В.Бартольд ва А.Н.Самойловичлар билан яқин алоқада бўлган, русчани яхши тушуниб, дипломатик қобилияти кучли бўлган Саидрасул домла Тошкентнинг етук зиёлиларидан бири эди. Унинг уйига руслардан ташқари, чет элик шарқшунослар ҳам келиб-кейтиб тургани ҳамда унинг билими ва заковатига тан берганлари мустамлакачи маъмуриятга яхши маълум эди. Саидрасул домла рус-тузем мактаблари учун тайёрлаган дарсликда кўпгина рус муаллифлари асарларидан таржималар киритгани генерал-губернаторга маъқул бўлди ва китоб нашрга тавсия қилинди. Янги усул мактабларидан намуна олган тарзда қироат усули қўлланилган «Устоди аввал» дарслиги шу тариқа 1902 йилда дунё юзини кўрди ва кейин бир неча бор қайта нашр этилди. Саидрасул Саидазизов таниқли журналист, шоир ҳам эди. Академик Бартольд уни Туркистон ўлкасидаги «ўқув-тарбия ишларига ислоҳ кирита олган илғор зиёли» деб атаган. У Россияга саёҳат қилиб, «Туркистон вилояти газети»да «Маҳаллий олимнинг 1910 йилда Москва ва Петербургга қилган маърифий сафари» сарлавҳаси остида туркум мақолаларни эълон қилган.

Мустамлака маъмурияти рус тилини ўрганишни тарғиб қилса ҳам ана шу тилни яхши ўзлаштирган ва руслар билан

яқин алоқада бўлган маҳаллий миллат вакилларига шубҳа ҳамда ҳадик билан қараган. Шундай одамлардан бири ўзбек зиёлилари ўртасида баобрў ва эътиборли бўлган собиқ Китоб беги Жўрабек Қаландар қори ўғли эди. 1868 йилгача руслар билан жанг қилган, хиёнат туфайли асир олинганидан сўнг эса рус армиясига хизматга ўтган. Жўрабекка 1901 йили генерал-майор унвони берилган. Миллат фожиасининг гувоҳи, мустамлака истибдодининг барча қабоҳатларини қарийб 30 йил генерал-губернатор маҳкамасидаги таржимонликда кўрган-билган Жўрабек истеъфога чиққанидан кейин мавжуд тузум мухолифлари раҳнамоларидан бирига айланган. 1902 йили академик В.В.Бартольд унинг уйида бўлганида истеъфодаги рус армияси генерали Жўрабек таниқли олимга ўзининг Шарқ қўлёзмалари мажмуини кўрсатиб, уни лол қолдирган эди.

Ўзбек жадидлари Туркистон халқ маорифига жиддий эътибор берганлар. Бу соҳада таниқли маърифатпарвар Мунавварқорининг хизмати каттадир. Мунавварқори 1909 йилда маслакдош дўстлари Абдулла Авлоний, Убайдулла Асадуллахўжаев, Тошпўлатбек Норбутабеков ва бошқалар билан ҳамкорликда тошкентлик бир бойнинг раислигида «Жамияти хайрия»ни ташкил қилди. Мунавварқори ва сафдошлари жамият орқали қашшоқ ва касалманд кишилар, ўқувчиларга ёрдам кўрсатиш билан чекланмайди. Россия ва бошқа четдаги олий ўқув юртиларига талабалар юбориш билан ҳам шуғулланади.

Мунавварқори гуруҳига мансуб кекса санъаткор Абдурахмон Акбаров ўз хотирасида шундай воқеани эслайди: «Гуруҳдаги жадидларнинг бош раҳбари бўлган Мунавварқори бир куни тўданинг мажлисига келиб: «Зиёли ёшлардан бир нечтасини Германияга юбориб ўқитиш керак», деб узоқ нутқ сўзлади. Шундан кейин тўданинг раҳбарларидан 7-8 киши Орифхўжабойнинг янги шаҳардаги ҳовлисида шу ҳақда биринчи марта мажлис ўтказдилар. Орадан чамаси 15 кунлардан кейин Каттахўжа Хўжаевнинг уйида иккинчи марта катта йиғин бўлди. Бу мажлисда Тошкентнинг энг машҳур боёнлари йиғилдилар. Жумладан, Орифхўжабой, Саидка-

римбой, Комилжонбой чойфуруш, Асил оқсоқол, Боқижонбой ва бошқалар. Бу ерда тўпланганларнинг сони 50-60 тага етарди. Бунини ташкил қилишда кўпроқ ташаббус кўрсатган Мунавварқори билан Илҳом самоварчи ва Муродхўжа Солихўжа ўғиллари эди. Ҳамма йиғилиб бўлгандан кейин мажлис очилиб, биринчи бўлиб Мунавварқори сўзга чиқди. Мунавварқори: «Ўзбек зиёлий болаларини Германияга юбориб ўқитишга жуда муҳтожмиз. Болалар ўқиб, илм, таҳсил олиб келсалар, миллатига катта хизмат қила оладилар», деган сўзлар билан узоқ нутқ сўзлади. Унинг кетидан, Мунавварқорининг сўзини қувватлаб, Самифқори чиқиб сўзлади.

Юқоридагилар қаддини ростлаб бораётган ўзбек буржуазиясининг миллий бирликка ва ўз-ўзини англаш жараёнига хайрихоҳ бўлганини кўрсатади. Андижонлик Миркомил Мирмўминбоев каби бойларнинг хайрия ишларига катта маблағ ажратгани, ёшларни Германия ва Туркияга ўқишга жўнатгани ана шундан далолат беради. Мўминбоевга рус сиёсий полицияси шундай таъриф берган: «У жуда ақилли, айёр, удадубуро киши. Эътиқоди бўйича панисломчи ва русларга қарши... Андижон шаҳар тижоратчилар партияси бошлиғи. Ушбу партия аъзоларининг ҳаммаси унга моддий жиҳатдан бўйсунган».

Андижонда ташкил топиб, бутун ўлкада ўз ташкилотларига эга бўлган «Тараққийпарварлар» партияси ҳам Туркистон миллий буржуазияси ёрдамига таянган.

Убайдуллахўжа дўсти Мунавварқори, Абдулла Авлоний, Раҳим Иноғомов, Комилбек Норбеков, Тўлаган Хўжамёров (Тавалло), Муҳаммад Пошшахўжаев, Тошпўлатбек Норбўтабеков ва бошқалар билан биргаликда «Турон» жамиятини тузади. 1913 йил июнь-июль ойларида «Турон» труппаси ўзининг норасмий спектаклини кўрсатади. Мунавварқорининг маълумотига қараганда, ундан 600 сўм фойда кўрилган. 1914 йил 27 февралда эса Тошкентдаги Колизей театри биносида, таниқли татар режиссёри Заки Боязидский Валеов таъбири билан айтганда, «миллий драматургия, миллий тил, миллий артистлар билан тайёрланган» ўзбек миллий театрининг биринчи мавсуми расмий очилди. Спектаклни очиш

шарафи Мунавварқорига, унга режиссёр бўлиш Убайдуллахўжага насиб қилади.

Маҳмудхўжа Бехбудийнинг «Падаркуш» пьесаси катта муваффақият қозониб, эл оғзига тушди. Бу шунчаки бир маданий тадбир бўлмай, балки миллий ўзлигини англашдек сиёсий дастур эканлигини ТРМБ бошлиғи қайд қилгани бежиз эмас. Абдулла Авлоний бу ҳақда шундай ёзган: «1913 йилдан бошлаб халқни кўзин очмоқ, маданиятга яқинлаштирмоқ учун театр ишларига киришуб Тошкентда бир неча маротаба театр ўйнагондан сўнг бутун Фарғонани айлаиб, ҳар бир шаҳарларда бир неча мартабадан театр ўйнаб қайтдик. Бу вақтларда бизнинг мақсадимиз зоҳирда театр бўлса ҳам, ботинда Туркистон ёшларини сиёсий жиҳатдан бирлаштирув ва инқилобга ҳозирлов эди».

Тадқиқотчиларнинг маълумотига қараганда, «Падаркуш» пьесасидан кейин 1917 йилгача ўзбек драмаларининг сони 40 га етган. Тошкент, Самарқанд, Андижон, Қўқон шаҳарларида турли труппалар вужудга келган. Маҳмудхўжа Бехбудийнинг «Падаркуш» пьесаси таъсири ўлароқ, бутун бир сиёсий оқим муҳолифлар томонидан «Падаркушчилар» деб аталишига сабаб бўлади. Жаҳидларни шундай номлаш жоҳил уламолар ва бидъатчи унсурлар орасида расм бўлиб кетдики, уни кейинчалик мустамлакачилар ва совет тадқиқотчилари ҳам мафкуравий нуқтаи назардан ишлатдилар.

11. Россия империясининг Туркистон ўлкаси бойликларини талаш сиёсати

Россия империяси Туркистонни босиб олганидан сўнг, аввало, ўлкада ҳарбий-маъмурий бошқарув тизими жорий этилиб, бу бошқарув ўлканинг катта имкониятлари, ер ости ва ер усти, моддий ва маънавий бойликларини Россия манфаатлари учун талон-торож қилиш ҳамда ўзлаштиришга мослашган эди. Ўлка бойликларини талаш сиёсати ягона тизим ва узоқни кўзлаган режа асосида бир қанча босқичлар ва йўналишларда мунтазам равишда амалга ошириб борилди.

1867 йилда Туркистон генерал-губернаторлиги ташкил этилганидан сўнг фон Кауфман асосий эътиборни ўлка-

римбой, Комилжонбой чойфуруш, Асил оқсоқол, Боқижонбой ва бошқалар. Бу ерда тўпланганларнинг сони 50-60 тага етарди. Буни ташкил қилишда кўпроқ ташаббус кўрсатган Мунавварқори билан Илҳом самоварчи ва Муродхўжа Солихўжа ўғиллари эди. Ҳамма йиғилиб бўлгандан кейин мажлис очилиб, биринчи бўлиб Мунавварқори сўзга чиқди. Мунавварқори: «Ўзбек зиёлий болаларини Германияга юбориб ўқитишга жуда муҳтожмиз. Болалар ўқиб, илм, таҳсил олиб келсалар, миллатига катта хизмат қила оладилар», деган сўзлар билан узоқ нутқ сўзлади. Унинг кетидан, Мунавварқорининг сўзини қувватлаб, Самифқори чиқиб сўзлади.

Юқоридагилар қаддини ростлаб бораётган ўзбек буржуазиясининг миллий бирликка ва ўз-ўзини англаш жараёнига хайрихоҳ бўлганини кўрсатади. Андижонлик Миркомил Мирмўминбоев каби бойларнинг хайрия ишларига катта маблағ ажратгани, ёшларни Германия ва Туркияга ўқишга жўнатгани ана шундан далолат беради. Мўминбоевга рус сиёсий полицияси шундай таъриф берган: «У жуда ақилли, айёр, удабуро киши. Эътиқоди бўйича панисломчи ва русларга қарши... Андижон шаҳар тижоратчилар партияси бошлиғи. Ушбу партия аъзоларининг ҳаммаси унга моддий жиҳатдан бўйсунган».

Андижонда ташкил топиб, бутун ўлкада ўз ташкилотларига эга бўлган «Тараққийпарварлар» партияси ҳам Туркистон миллий буржуазияси ёрдамига таянган.

Убайдуллахўжа дўсти Мунавварқори, Абдулла Авлоний, Раҳим Иноғомов, Комилбек Норбеков, Тўлаган Хўжамёров (Тавалло), Муҳаммад Пошшахўжаев, Тошпўлатбек Норбўтабеков ва бошқалар билан биргаликда «Турон» жамиятини тузади. 1913 йил июнь-июль ойларида «Турон» труппаси ўзининг норасмий спектаклини кўрсатади. Мунавварқорининг маълумотиغا қараганда, ундан 600 сўм фойда кўрилган. 1914 йил 27 февралда эса Тошкентдаги Колизей театри биносида, таниқли татар режиссёри Заки Боязидский Валеев таъбири билан айтганда, «миллий драматургия, миллий тил, миллий артистлар билан тайёрланган» ўзбек миллий театрининг биринчи мавсуми расмий очилди. Спектакли очиш

шарафи Мунавварқорига, унга режиссёр бўлиш Убайдуллахўжага насиб қилади.

Маҳмудхўжа Бехбудийнинг «Падаркуш» пьесаси катта муваффақият қозониб, эл оғзига тушди. Бу шунчаки бир маданий тадбир бўлмай, балки миллий ўзлигини англашдек сиёсий дастур эканлигини ТРМБ бошлиғи қайд қилгани бежиз эмас. Абдулла Авлоний бу ҳақда шундай ёзган: «1913 йилдан бошлаб халқни кўзин очмоқ, маданиятга яқинлаштирмоқ учун театр ишларига киришуб Тошкентда бир неча маротаба театр ўйнағондан сўнг бутун Фарғонани айланиб, ҳар бир шаҳарларда бир неча мартабадан театр ўйнаб қайтдик. Бу вақтларда бизнинг мақсадимиз зоҳирда театр бўлса ҳам, ботинда Туркистон ёшларини сиёсий жиҳатдан бирлаштирув ва инқилобга ҳозирлов эди».

Тадқиқотчиларнинг маълумотига қараганда, «Падаркуш» пьесасидан кейин 1917 йилгача ўзбек драмаларининг сони 40 га етган. Тошкент, Самарқанд, Андижон, Қўқон шаҳарларида турли труппалар вужудга келган. Маҳмудхўжа Бехбудийнинг «Падаркуш» пьесаси таъсири ўлароқ, бутун бир сиёсий оқим муҳолифлар томонидан «Падаркушчилар» деб аталишига сабаб бўлади. Жаҳидларни шундай номлаш жоҳил уламолар ва бидъатчи унсурлар орасида расм бўлиб кетдики, уни кейинчалик мустамлакачилар ва совет тадқиқотчилари ҳам мафкуравий нуқтаи назардан ишлатдилар.

11. Россия империясининг Туркистон ўлкаси бойликларини талаш сиёсати

Россия империяси Туркистонни босиб олганидан сўнг, аввало, ўлкада ҳарбий-маъмурий бошқарув тизими жорий этилиб, бу бошқарув ўлканинг катта имкониятлари, ер ости ва ер усти, моддий ва маънавий бойликларини Россия манфаатлари учун талон-торож қилиш ҳамда ўзлаштиришга мослашган эди. Ўлка бойликларини талаш сиёсати ягона тизим ва узоқни кўзлаган режа асосида бир қанча босқичлар ва йўналишларда мунтазам равишда амалга ошириб борилди.

1867 йилда Туркистон генерал-губернаторлиги ташкил этилганидан сўнг фон Кауфман асосий эътиборни ўлка-

га келган рус ва чет эл саноатчилари, савдогарлар, тадбиркорлар, иш юритувчиларга қулай шароит яратиб беришга қаратди. Натижада, ўлкада дастлабки саноат корхоналари — сув тегирмони, кўн заводи, пиллачилик фабрикалари, ёғ заводи кабилар очилиб, уларнинг маҳсулотлари ташиб кетила бошланди. Аммо дастлабки пайтларда Туркистон бойликларини ташиб кетишда катта қийинчиликлар пайдо бўлди. Шунинг учун ҳам, энг аввало, Туркистонни Россиянинг марказий районлари билан боғлайдиган темир йўллар қуришга киришилиб, бу иш жадаллик билан олиб борилди.

Россияда пахтага бўлган талабнинг ортиб бориши натижасида ўлкада дастлабки пахтани қайта ишлайдиган саноат корхоналари қуриш авж олди. Натижада, пахта етиштиришга эътибор кучайиб, бошқа экинлар, хусусан, дон етиштириш йилдан-йилга камайиб борди. Пахта етиштиришнинг ортиб бориши натижасида пахта тозалаш ва ёғ заводларининг ҳам сони кўпайиб борди. Янги тадқиқотларда берилишича, Туркистондан Оренбург темир йўли орқали ташиб кетилган товарлар йилдан-йилга қуйидаги миқдорда ошиб борган:

Товарлар	1880-1882 йй. пуд ҳисобида	1889 й. пуд ҳисобида	1894 й. пуд ҳисобида
Олиб кетилган	158 750	1 641 029	2 144 772
Келтирилган	203 300	657 909	1 717 039

Олиб кетилган товарларнинг 80 фоизидан кўпроғини пахта толаси ташкил этган. Тадқиқотчиларнинг ҳисоб-китобларига кўра, биргина 1908 йилнинг ўзида ўлкадан 3 744 309 пуд пахта толаси, 104 107 пуд пахта ёғи, 1 341 281 пуд чигит, 84 516 пуд ипак, 14 584 пуд жун, 134 170 дона қорақўл тери ташиб кетилган.

Маълумотларга кўра, пахта тозалаш заводларининг асосий кўпчилиги Фарғона вилоятида жойлашган бўлиб, водийда 1893 йилда 309 та корхона ишлаб турган бўлса, Сирдарё

вилоятида 183 та, Самарқанд вилоятида 117 та, Етгисув вилоятида 90 та корхона ишлаган. XX асрнинг бошларига келиб, пахтачилик хомашёларининг тайёр маҳсулотта айлантира бошланиши натижасида Туркистондан Россияга тола ташиб кетиш кучайди. Ҳисоб-китобларга кўра, агар 1908-1909 йиллар мавсумида ўлкадан Россияга 8,8 млн. пуд тола ёки тўқимачилик фабрикалари эҳтиёжининг 44 фоизи ташиб кетилган бўлса, 1913-1914 йиллар мавсумида 14,8 млн. пуд тола, ёки пахта толасига бўлган эҳтиёжнинг 51 фоизи ташиб кетилган. Бу ҳолат Россия империясининг Туркистондан олган даромадларининг асосий қисмини пахта ва ундан олинган маҳсулотлар ташкил этганлигини яна бир бора исботлайди.

Империя маъмурлари ўлкадаги бошқа бойликларга ҳам бефарқ бўлмадилар. Чунончи, қуруқ ва ҳўл мевалар, дон маҳсулотлари, жун, ипак, темир, пўлат, гуруч, ёғ каби маҳсулотлар ҳар йили ўнлаб вагонларда Россияга ташиб кетилган.

Тадқиқотчиларнинг ҳисоб-китобларига кўра, XX асрнинг бошларида ўлкадан фақатгина қуруқ ва ҳўл мевалар темир йўл орқали қуйидаги миқдорда олиб кетилган (минг пуд ҳисобида):

Мевалар	Катта тезлик Кичик тезлик	1902 йил	1903 йил	1904 йил	1905 йил
Олма	Катта тезлик Кичик тезлик	3595 2383	3578 1971	3126 1971	3193 2221
Узум	Кичик тезлик	2779	2975	2833	2089
Олхўри	Кичик тезлик	1501	1626	1159	1404
Қуруқ мева	Кичик тезлик	941	1267	1327	1039
Ўрик	Катта тезлик Кичик тезлик	18 312	14 403	12 334	12 442
Ёнроқ	Катта тезлик Кичик тезлик	1782 28	1719 14	1686 27	1678 20

Ер ёнроқ ва хан- дон писта	Катта тезлик	104	97	124	117
	Кичик тезлик	2	2	1	0,6
Нок	Катта тезлик	36	53	57	38
	Кичик тезлик	341	527	397	529

Россия империяси маъмурлари метрополиянинг ички муаммолари — бозорларни гушт маҳсулотлари, саноатни эса жун ва тери билан арзон нархларда таъминлаш масалаларини ҳам мустамлака Туркистон ҳисобидан ҳал қилиш сиёсатини олиб борди. Маълумотларга кўра, 1889 йилда 5 379 дона қорамол териси ва 16 569 пуд чорва маҳсулотлари олиб кетилган бўлса, 1893 йилда бу кўрсаткич 148141 пудни ташкил этиб, йилдан-йилга ўсиб борган.

Чорва гушти аввалига тузланган ҳолда Москва, Санкт-Петербург, Владивосток, Сибирга олиб кетилган бўлса, кейинчалик темир йўл орқали салқинлаштирилган вагонларда Россиянинг саноати ривожланган қисмига олиб кетилган. Биринчи жаҳон уруши даврида чорва маҳсулотларини Россияга олиб кетиш авжига чиқди. Чунки фронтда отлар ҳамда чорва гуштига талаб катта эди.

Россия империясининг Туркистондан ташиб кетган жун ва тери маҳсулотлари ҳам метрополия саноатини арзон маҳсулот билан таъминлаган. Айниқса, жун ташиб кетиш йилдан-йилга кўпайиб, маълумотларга кўра, 1910 йилда 563000 пудни ташкил этган. Россия бозорларида Бухоро қоракўл териси ниҳоятда қадрланиб, жаҳон бозорида ундан катта даромад олинган. Нижний Новгород ва Москва бозорларида Қоракўл тери айниқса қиммат бўлган. Маълумотларга кўра, биргина 1914 йилда ўлкадан Россияга 22 654 пуд қоракўл териси олиб кетилган.

Ўлкадаги ипакчилик саноатини ҳам тўла метрополия манфаатларига бўйсундириш империя маъмурларининг асосий мақсадларидан бири эди. Аввалига, от ва туя карвонлари орқали, кейинроқ эса Ўрта Осиё темир йўллари қурилгач,

бу соҳага рус саноатчиларининг кириб келиши авж олди. Маълумотларга кўра, Шарқ ва Ғарб бозорларида донғи кетган юқори сифатли тола ва ипак матолар 1889 йилда 7619 пуд олиб кетилган бўлса, Ўрта Осиё темир йўллари орқали 1907 йилнинг ўзида Туркистондан 100 149 пуд ипак ташиб кетилган.

Мустамлака йилларида Туркистонда тайёрланган пахта ёғига жаҳон бозорида талаб катта эди. Биргина, 1911 йилда Туркистондан Россияга 1 772 186 пуд пахта ёғи олиб кетилган.

Юқоридаги бойликларнинг асосий турларидан ташқари, ўлкадан ҳар йили арзон нархларда катта миқдордаги ёввойи ва доривор ўсимликлар, ош тузи, алебастер каби тоғ жинслари, нефть маҳсулотлари, рўзғор буюмлари, матолар, гиламлар ва бошқа кўплаб маҳсулотлар Россияга ташиб кетилган. Ташиб кетилган Туркистон бойликлари империя маъмурлари ва хазинанинг улкан даромад манбаи эди. Тадқиқотчиларнинг ҳисоб-китобларига кўра, 1868-1879 йиллар давомида метрополиянинг Туркистондан олган даромади 32 413 291 рублни ташкил этган. Ўша давр нуқтаи назаридан бу улкан даромад эди.

Тарихдан маълумки, бирон-бир юртни босиб олган истилочилар босиб олинган халқнинг маънавий бойлигидан жуда кўрққанлар. Чунки маънавий-маданий бойлик миллий ўзликни англашнинг асоси эканлиги барчага маълум. Айнан, шунинг учун, ҳам Россия империяси маъмурлари Туркистон ўлкасининг миллий маданиятини йўқ қилиш, миллий-маданий бойликларни ташиб кетиш сиёсатини олиб бордилар. Бунинг натижасида, маҳаллий аҳолининг миллий-маданий бойликлари — ноёб қўлёзмалар, археологик топилмалар, қадимий тангалар, архивлар каби кўплаб қимматбаҳо ашёлар мақсадли равишда ташиб кетилди.

Бу йўналишда тадқиқотлар олиб борган айрим олимларнинг (Д.Алимова, Н.Содиқова, И.Алимов) ишларидан фойдаланиб, миллий-маданий бойликларнинг талон-торож қилиниши ҳақида қисқача тўхталиб ўтиш лозим. Демак, Кауфманнинг Хивага юришида ҳамкорлик қилган шарқшунос

А.Л.Кун ва унинг гуруҳи хонлиқдаги Шарқ қўлёзмалари ва ҳужжатлардан иборат 300 та ноёб коллекцияни тўплаган ва уни 1873 йилда Император кутубхонасига топширган. Шунингдек, улар Хивадан танга зарб қилишга мўлжалланган 200 та штамп, муҳрлар боғлами, хон тахти, 172 та қадимги танга, кўплаб этнографик ашёларни ҳам олиб кетганлар. Бундан илгарироқ, Қўқон хонлигидан йиғилган 130 нусха, Шаҳрисабздан йиғилган 100 нусха ноёб қўлёзма асарлар ҳам Император кутубхонасига жўнатилган.

Ўлкадаги Шарқ қўлёзмаларини тўплашда турли йилларда Н.В.Хаников, П.И.Лерх, В.В.Григорьев, В.В.Веляминов-Зернов, К.Г.Залеман, В.В.Радлов, В.Р. Розен, Н.И.Веселовский, В.В.Бартольд, А.Н.Самойлович, А.П.Кун, Е.Ф.Каль ва бошқа кўплаб шарқшунослар иштирок этганлар. Улар кўплаб маълум ва номаълум қўлёзмаларни тартибга солиб, таржима қилиш, тавсифлаш, нашр этиш ишларини амалга ошириб, шарқшунослик фани ривожига катта ҳисса қўшганлар. Аммо бу олимларнинг кўпчилиги ўз давлати манфаатлари йўлида хизмат қилиб, Император кутубхонасини бойитиб борганлар.

Маълумотларга кўра, 1865 йилдан 1917 йилга қадар Россия хазиналарига Ўрта Осиёдан 3 мингта Шарқ қўлёзмаси тушган. Россиянинг биргина Осиё музейига 1874-1916 йиллар давомида В.А.Иванов томонидан 605 та, К.Г.Залеман 105 та, А.Л.Кун 85 та, В.В.Бартольд 20 та, В.В.Веляминов-Зернов 19 та, К.П.Кауфман 18 та, П.И.Лерх 32 та нодир қўлёзмаларни топширганлар. 1915 йилда В.А.Иванов ўлка мадрасалари вақф кутубхоналаридан 1057 та қўлёзmani сотиб олган. XX аср бошларида Ўрта Осиёга келган К.Г.Залеман Андижон, Қўқон, Бухоро, Самарқанд, Тошкент ва Ўшда бўлиб, маҳаллий халқлар турмуш тарзига оид этнографик буюмларни Осиё музейи учун олиб кетган.

Қимматли қўлёзмалар ёки нодир қўлёзмаларни зўравонлик билан тортиб олишга VII асрга оид Усмон Қуръони мисол бўла олади. Самарқанддаги Хўжа Аҳрор масжиди уламолари рус ҳарбийларидан қўрқиб бу муқаддас китобни Самарқанддаги чор маъмурларига «ўз ихтиёрлари билан» топширишга

мажбур бўдилар. Туркистон генерал-губернаторининг 1869 йил 24 октябрдаги хати билан Усмон Қуръони Самарқанддан Петербургга олиб кетилган ва император халқ кутубхонасига топширилган.¹

Мустамлака йилларида рус олимлари, ҳарбийлар, саёҳатчилар, амалдорлар, савдогарлар томонидан Ўрта Осиё халқларининг миллий-маданий бойликлари ҳисобланган кўплаб ноёб буюмлар — мис, кумуш, олтин тангалар, турли ҳайкалчалар, кўплаб нодир қурол-яроғлар, сопол ва металлдан ишланган хўжалик ашёлари, иморатларнинг нақшинкор безаклари, катта миқдордаги этнографик буюмлар, Аҳмад Яссавий мақбарасидаги 2 тонналик дошқозон (1989 йилда Туркистонга қайтарилган) Россияга олиб кетилган ёки империя маъмурларининг шахсий коллекцияларини безаб турган.

Империя ҳукуматининг кўрсатмаси билан Туркистон ўлкасидаги империя маъмурлари Россияга, унинг машҳур музейлари — Эрмитаж, Фанлар Академиясининг Осиё музейи ва бошқа илмий марказларига турли-туман маданият, санъат асарларини, тарихий-археологик, этнографик, нумизматик ёдгорликларни доимий равишда йиғиб, тўплаб, жўнатиб туришган бўлиб, улар қуйидагилардан иборат эди:

1. Туркистон генерал-губернаторининг топшириғи билан рус шарқшунос олимлари нодир қўлёзмаларни, Ўрта Осиё халқларининг дунёга машҳур ёдгорликларидан энг қимматли, сирли, нафис, гўзал қилиб ишланган кошинларини қўприб олиб Санкт-Петербургга, Эрмитаж ва бошқа музейларга, кутубхоналарга жўнатганлар.

2. Империя маъмурларини янада кўпроқ қизиқтирадиган нарса — археологик топилмалар, ер остидан топилган ҳазиналар, сопол ва металл буюмлар бўлган. Туркистон шаҳар ва қишлоқларида турли қурилишлар вақтида тасодифан топилган қадимий олтин, мис танга ва бошқа буюмлар давлат қонун-қоидаларига асосан Петербурдаги Археология ҳайъ-

¹ Китоб 1923 йили Тошкентга қайтарилган, кейинчалик музейда сақланган. Фақатгина истиқлол йилларида у Ўзбекистон мусулмонлари идорасига қайтарилди.

атиға юборилган. Ҳайъат уларнинг илмий-тарихий аҳамиятини аниқлаб, нодир танга ва буюмларни Санкт-Петербургда олиб қолар ҳамда тегишли музейларга тарқатар эди.

3. Маҳаллий аҳоли оилаларида қадимдан, авлоддан-авлодга ўтиб келган, оилавий ёдгорликлар ҳисобланган, халқ усталари мис ва бошқа рангдор металллардан безаб ишлаган санъат асарлари бўлган офтоба, чилончин, қумғон, қозон, баркаш, жом ва бошқа буюмларни ҳам ташиб кетганлар.

4. Маҳаллий аҳоли орасидаги коллекциялар, қадимги буюмлар ҳаваскорлари йиққан коллекциялардан ҳам энг ноёбларини рус шарқшунослари, Археология ҳайъати, арзимаган мукофот эвазига Санкт-Петербургда ташиб кетишган.

5. Россия империяси босқини жараёнида хон ва бекларнинг саройлари босиб олиниб, талон-торож қилинганда ҳам олтин, қимматбаҳо тошлар, бойликлардан ташқари, музейлар учун қимматли ашёлар сарой аёлларининг зеб-зийнатлари, безаклари, хонлар тахти ва бошқа нарсалар олиб кетилган.

6. Россия музейлари учун олиб кетилган яна бир қимматбаҳо ашёлар бу — этнографик материаллар эди. Рус шарқшунослари музейлар учун муҳим безак ҳисобланган шарқ халқлари кийимлари — эркаклар, аёллар чўпонларини, эркаклар ва аёллар бош кийимларини, нимча, кўйлак, оёқ кийимлар ва бошқаларни Петербург музейларига олиб кетганлар.

Таянч сўзлар

Туркистон, Россия империяси, Хива хонлиги, Бухоро амирлиги, Қўқон хонлиги, мустамлака, генерал-губернаторлик, озодлик ҳаракати, бошқарув, ҳарбий саноат, аграр, кўчириш сиёсати, миллий-озодлик, жади́дчилик, уезд, волость, темир йўл, давлат, подшо, дума, қўзғолон, бек.

Савол ва топшириқлар

1. XIX асрга оид қандай тарихий манбаларни биласиз?
2. Мустамлака даври бўйича тарихчи мутахассисларнинг қайси асарларини биласиз?
3. XIX аср биринчи ярмидаги ўзбек хонликлари хусусида қандай маълумотларга эгасиз?

4. Россия империяси томонидан Туркистон ўлкасининг истило этилиши сабабларини айтиб беринг.

5. Тошкент мудофааси ҳақида сўзлаб беринг.

6. Бухоро-Россия ўртасидаги асосий ҳарбий урушлар ҳақида маълумот беринг.

7. Абдулмалик тўра бошчилигидаги озодлик ҳаракатининг моҳияти қандай бўлган?

8. Қўқон хонлиги тақдири қандай кечди?

9. Хива хонлигининг вассалликқа айланиши сабаблари нимада эди?

10. Мустамлака «ҳарбий халқ бошқаруви» нимани англайди?

11. Россия империяси иқтисодий сиёсатининг моҳиятини изоҳлаб беринг.

12. XIX аср охирлари – XX аср бошларидаги асосий миллий-озодлик ҳаракатлари, уларнинг мақсади ва оқибатлари ҳақида нималарни биласиз?

13. Кўчириш сиёсати нима?

14. Мустамлака Туркистондаги маданий-маърифий ҳаёт хусусида қандай маълумотларга эгасиз?

15. Жаҳидчилик ҳаракати ва унинг мақсад-моҳияти ҳақида нима дея оласиз?

12-мавзу бўйича фойдаланилган адабиётлар

1. Каримов И. Тарихий хотирасиз келажак йўқ. – Тошкент: Шарқ, 1998.

2. Каримов И. Юксак маънавият – енгилмас куч. Тошкент: Маънавият, 2008.

3. Мустабид тузумнинг Ўзбекистон бойликларини талаш сиёсати: тарих шохидлиги ва сабаблари. Муаллифлар жамоаси. – Тошкент: Шарқ, 2000.

4. Тиллабоев С. Туркистон ўлкасининг бошқарув тизимида маҳаллий аҳоли вакилларидаги иштироки (Фарғона вилояти мисолида). – Тошкент: Фан, 2008.

5. Зиёев Ҳ. Туркистонда Россия тажовузи ва ҳукмронлигига қарши кураш. – Тошкент: Шарқ, 1998.

6. Бобобеков Ҳ. Қўқон тарихи. — Тошкент: Фан, 1996.
7. Мулла Юнусхон Мунший. Амири лашкар Алимқул тарихи. Алимқул жангномаси. Нашрга тайёрловчилар: Р.Шамсутдинов, П.Равшанов. — Тошкент, 1998.
8. Муҳаммад Азиз Марғилоний. Тарихи Азизий (Фарғона чор мустамлакаси даврида). Нашрга тайёрловчилар: Ш.Воҳидов, Д.Сангирова. — Тошкент: Маънавият, 1999.
9. Юнусова Х. Тошкентда 1892 йилги халқ қўзғолони. Са-риғоч, 1998.
10. Эшов Б. Ўзбекистонда давлат ва маҳаллий бошқарув та-рихи. — Тошкент: Янги аср авлоди, 2012.
11. Shamsutdinov R., Karimov Sh., Ubaydullayev U. Vatan tarixi. (XVI–XX asr boshlari). Ikkinchi kitob. — Toshkent: Sharq, 2010.
12. Ўзбекистон тарихи. Муаллифлар жамоаси. — Тош-кент: Янги аср авлоди, 2003.
13. Ўзбекистон тарихи. Муаллифлар жамоаси. — Тош-кент: Академия, 2010.
14. Ўзбекистоннинг янги тарихи. Туркистон Россия импе-рияси мустамлакачилиги даврида. Биринчи китоб. — Тош-кент: Шарқ, 2000.
15. Мусаев Н. Туркистонда саноат ишлаб чиқаришнинг вужудга келиши ва ривожланиши тарихидан (XIX асрнинг иккинчи ярми XX аср бошлари). — Тошкент: Иқтисод-мо-ля, 2011.
16. Исмоилова Ж. XIX асрнинг иккинчи ярми — XX аср бошларида Тошкентнинг «Янги шаҳар» қисми тарихи. — Тошкент: Фан ва технология. 2004.
17. Одилов А. Абдулмалик тўра бошчилигидаги озодлик ҳаракати тарихи. — Тошкент, 2006.

13-мавзу. Туркистонда совет ҳокимиятининг ўрнатилиши ва унга қарши қуроли ҳаракат

Режа:

1. 1917 йил февраль буржуа-демократик инқилобининг Туркистонга таъсири.
2. Октябрь тўнтариши. Туркистонда совет ҳокимиятининг ўрнатилиниши.
3. Туркистон мухторияти ва унинг фаолияти.
4. Туркистон АССР нинг ташкил этилиши. «Ҳарбий коммунизм» сиёсати ва унинг моҳияти.
5. Туркистон ўлкасида совет ҳокимиятига қарши қуроли ҳаракат.
6. Хива хонлигининг тугатилиши. Хоразм Халқ Совет Республикасининг тузилиши.
7. Бухоро амирлигининг афдарилиши. Бухоро Халқ Совет Республикасининг ташкил топиши.

1. 1917 йил февраль буржуа-демократик инқилобининг Туркистонга таъсири

XX асрнинг катта қисми мураккаб, зиддиятли ва қарама-қаршиликка тўла бўлиш совет ҳукмронлиги даври билан изоҳланади. Мустақиллик йилларида совет мустабид тузуми ҳукмронлиги даврининг бир томонлама ёритилган, номи тадқиқ этилиб, сохталаштирилган қисмлари илмий жиҳатдан, ҳолисона тарзда ўрганилди. Мустақилликнинг дастлабки йиллариданоқ илгари сохталаштириб келинган муҳим тарихий воқеалар қаторида совет ҳокимиятининг қулоқлаштириш, жамоалаштириш, қатағон сиёсати, большевикларга қарши қаратилган курашлар тарихи, XX аср 20-30 йилларида советларнинг Туркистонни миллий жиҳатдан парчаланиб ташлаш, ўлканинг миллий давлатчилик йўлидаги ҳаракатларни йўқ қилиш, Ўзбекистонни марказнинг хомашё етказиб берувчи базасига айлантириш, ўлкадаги марказлаштириш сиёсати, мустабид тузумнинг шаклланиш босқичлари ҳамда унга қарши қуроли ҳаракатларни миллий истиқлол мафку-

раси руҳида холисона ўрганилиб, бу борада қатор мақола, монографиялар, қўлланма ва дарсликлар нашр этилди, турли даражадаги тадқиқот ишлари амалга оширилди.

1917 йил февраль буржуа-демократик инқилоби ва унинг Туркистон ўлкасига таъсири, мустабид совет ҳокимиятининг ўрнатилиши, Туркистон мухторияти ва унинг фожиали тақдири, ўлкада советлар ҳукмронлигига қарши қуролли ҳаракат, унинг мазмун-моҳияти, Бухоро ва Хива хонликларида зўравонлик билан тўнтариш қилиб, у ерларда совет ҳукмронлигига хайрихоҳ тузумнинг ўрнатилиши билан боғлиқ қатор масалалар Р.Ражапова, Р.Нуруллин, Р.Абдуллаев, С.Аъзамхўжаев, Н.Каримов, Қ.Ражабов, М.Жўраев ва бошқа тарихчи олимлар изланишларида ўз аксини топганлигини алоҳида таъкидлаш лозим.

XX аср бошларига келиб, Россиянинг рус-япон урушида мағлубиятга учраши, ундан кейин бўлиб ўтган биринчи рус инқилоби халқаро майдонда подшо империясининг обрў-эътибори пасайишига, Россиянинг иқтисодий жиҳатдан заифлашувига сабаб бўлиши билан бир қаторда, мустамлака халқлар орасида миллий ўзликни англаш, миллий-озодликка интилиш жараёнларига сезиларли таъсир ўтказди. Мазлум халқлар ўз ҳақ-ҳуқуқларини таний бошлаган бир шароитда Россиянинг Биринчи жаҳон урушига қўшилиб кетиши вазиятни янада кескинлаштирди.

Бундай вазият ўша пайтда Россия ҳукмрон доиралари билан муҳолифатда бўлган ва либерал-демократик ўзгаришлар ҳаракатида бўлган кучларнинг янада фаоллашувиغا имконият яратди. Қарам ўлкалардаги ночор вазият, уруш майдонларидаги улкан йўқотишлар, Россиянинг марказий районларидаги иқтисодий танглик 1917 йилга келиб, бутун Россия империясининг инқилобий-сиёсий жараёнлар домига тортилишига сабаб бўлган эди. Энг муҳими, инқилобий ўзгаришларни аҳолининг деярли барча ижтимоий қатламлари қўллаб-қувватлар эдилар. Натижада, 1917 йил 28 февралда инқилобий кучларнинг кураши натижаси ўлароқ, Россиядаги мутлақ монархия ҳукмронлиги афдариб ташланди.

28 февраль империя пойтахти Петрограддаги воқеалар инқилобий Петропавловск қалъаси ва Қишки саройни босиб олиш ва империя ҳукумати вазирларини қамоққа олиш билан якун топди. Ишчиларнинг иш ташлашлари ва умумшаҳар намойишлар уюштиришлар, солдатларнинг қўзғолон кўтарган аҳоли билан бирлашуви натижасида миршаблар билан қонли тўқнашувлар бўлиб ўтди. Ағдариб ташланган ҳукумат ўрнига кўппартиявийлик асосидаги икки ҳокимиятчилик — демократик диктатура ва советлар диктатурасининг қўшилиши туфайли юзага келган Муваққат ҳукумат тузилди. Император Николай II ҳокимиятидан воз кечди.

Янги ҳукуматнинг 1917 йил 3 мартда эълон қилинган баённомаси ва 6 мартда эълон қилинган «Россия фуқароларига мурожаатнома»сида бундан кейинги бўладиган демократик ўзгаришларнинг дастури баён этилди. Бунда Муваққат ҳукумат томонидан амалга ошириладиган сиёсий эркинликлар — сўз, матбуот, уюшмалар ташкил этиш; йиғилишлар ўтказиш эркинлигини киритиш, халққа ўз сиёсий иродасини ифодалаш ҳуқуқини бериш; барча табақавий, диний ва миллий чекланишларни ман этиш; бошқарув шакли ва мамлакат Конституциясини қабул қилиши лозим бўлган Таъсис мажлисини умумий, тенг, тўғридан-тўғри ва яширин овоз бериш асосларида чақиришга дарҳол тайёргарлик кўриш, маҳаллий ўзини ўзи бошқарув органларига сайловлар ўтказиш; полицияни халқ милицияси билан алмаштириш; тўлиқ сиёсий амнистия (умумий афв этиш) ҳақида тантанали баён этилди. Таъкидлаш лозимки, Муваққат ҳукуматнинг ташқи сиёсатида сезиларли ўзгаришлар бўлмаган. Бу ҳукумат урушни «ғалабагача» олиб боришни эълон қилди. Аввалги ҳукуматнинг иттифоқдош давлатлар билан тузган шартнома ва битимларини сўзсиз бажаришни зиммасига олди.

Воқеаларнинг кейинги ривожини февраль инқилобининг демократик имкониятлари тўлиқ амалга оширилмаганлигини кўрсатди. Кўпгина ваъдалар қуруқ баёнот даражасида қолиб кетди. Туб ўзгаришларга чақириқлар амалий ўзгаришларда ўз аксини топмади. Муваққат ҳукумати Туркистондаги

ижтимоий ҳаракатларни қўллаган бўлса-да, айти пайтда «Россия империяси давридаги бутунликни сақлаш» сиёсатини олиб борди. Чунончи, генерал-губернатор подшо ағда-рилганидан кейин ҳам, анча вақт ўлкани бошқариб турди.

Туркистон маҳаллий халқларининг инқилобий ўзгариш-ларга қўшилиши бир хил кечмаган, ўлканинг ҳозирги куни ва келажагига турлича қарайдиган хилма-хил кучлар мав-жуд бўлиб, улар икки муқобил оқим — ўнг ва сўлларга аж-ратилган. Анъанавий турмуш тарзи ва диний мафкура ва-киллари бўлган ўнглр маҳаллий маъмуриятда мансабга эга бўлган ҳамда тегишли имтиёзлардан фойдаланган амалдор-лар, феодаллар ва руҳонийлар йирик мулкдорларнинг ман-фаатларини ифода этардилар. Ўнглр империя ҳокимияти даврида мустамлакачи маъмурият сиёсатини тўла-туқис қувватлаганликлари боис, муваққат ҳукуматнинг империя институтларини сақлашга қаратилган тадбирларини қўл-лаб-қувватлаш тарафдорлари бўлганлар.

Сўл оқим эса ижтимоий тузумнинг тубдан ўзгаришидан, мустамлака сиёсий ва иқтисодий тузилмаларни тугатиш-дан ўта манфаатдор бўлган ижтимоий гуруҳ ва қатламлар манфаатларини ўзида акс эттирган эди. Сўл оқим сиёсий жиҳатдан анча табақалашган бўлиб, аввало, ҳокимиятдан четлатилган, империянинг босқинчилик ва мустамлакачилик сиёсатидан норозилигини очиқ айтадиган дунёвий амалдор — диний қатламларни ўз ичига олган. Улар февраль инқило-бигача бўлган даврда қуролли қўзғолон йўли билан озодлик ва мамлакат мустақиллигига эришиш, хон ҳокимияти ва ша-рият қонунлари, мулкдорлар ва мусулмон руҳонийларининг йўқотилган имтиёзларини тиклаш, ўлка халқ оммасини ев-ропача маданият ва ахлоқ таъсиридан сақлаш ғоясини илға-ри сурдилар. Сўллар ҳаракатидаги бошқа йўналишда ради-кал кайфиятдаги миллий ишчи, деҳқон, ҳунарманд ва бошқа меҳнаткашлар ҳам бор эди.

Империя марказидаги воқеалар, Ф.Керенский бошчили-гидаги янги ҳокимият тузумини барпо этиш, дастлабки эълон

қилинган қонун ҳужжатларини Россия мустабид тузумининг кўп асрлик ҳукмронлиги билан алоқани узиб, демократия, ижтимоий адолат йўлига кираётганини бутун дунёга маълум қилди. Мамлакат аҳолисининг кўпчилиги, унинг мустамлакаларидаги кўплаб халқлар, турли синфлар, қатламлар, ижтимоий ҳаракатлар инқилобни қўллаб-қувватладилар. Ўз турмуш тарзини демократик асосда қайта қуриш, ўз давлатини идора қилишда бевосита иштирок этиш истаги уларнинг ижтимоий ҳаракатини фаолаштирди. Аммо Туркистондаги ижтимоий-сиёсий вазият бошқача эди.

Дастлабки пайтлардаёқ ўлка халқининг кенг қатлами фаоллиги, сиёсий онги ва дунёқараши ўсиб, улар янги инқилобий ғоялар атрофида бирлаша бошладилар. Россиядаги сиёсий кучлар, ўлкадаги европалик ишчилар ҳамда 1917 йилнинг баҳор ойларида мардикорликдан қайтганлар бу жараёнга катта таъсир кўрсатдилар. Аммо шу билан биргаликда ўлкадаги мавжуд сиёсий кучлар ўртасида зиддиятлар ва қарам-қаршиликлар кучайиб борди.

Февраль инқилобидан кейинги даврда «Шўрои Исломия», «Турк адамият маркази» партияси, «Алаш ўрда» кабилар мусулмонларнинг кўзга кўринган ташкилотлари бўлиб, «Мусулмон меҳнаткашлари иттифоқи» — «Иттифоқ» маҳаллий аҳоли сиёсий кучларининг жойлашувида алоҳида ўрин туганган эди. Асосан хизматдан бўшатишган фронт орти ишчиларидан иборат бўлган бу ташкилот европалашган советлар таъсирида бўлиб, ўзининг мустақил сиёсий дастурини илгари сурмади.

Юқорида кўрсатилган сиёсий ташкилотларнинг ҳар бирида изчил табақаланиш жараёни рўй берар, янги йўналишлар ажралиб чиқарди. Ижтимоий шарт-шароитлар таъсирида уларнинг қайсидир қисми курашнинг кескинроқ йўлини танлар, бошқаси эса аксинча, анча мўътадил, консерватив, қолоқ муносабатларга ўтарди. Аммо февраль инқилобининг дастлабки пайтларидан бошлаб, ғоявий келишмовчиликларга қарамасдан, ўша даврдаги янгиланишлардан манфаатдор бўлган барча сиёсий гуруҳ ва мусулмон ташкилотлари қат-

Беҳбудий, Фитрат, Файзулла Хўжаев, Чўлпон, Мунавварқори каби кўплаб тараққийпарвар жадиждларнинг асарларида улар миллий ғоясининг асоси — Туркистондаги барча маҳаллий халқларни бирлаштиришдан иборат. Аммо уларга муҳолиф кучлар ҳам бор эдики, февраль инқилобидан кейин кучлар ўртасидаги зиддиятлар кескинлашди. Жадиждчилик ҳаракатининг йирик намояндалари ўзларининг муҳолифлари саналган айрим жоҳил уламоларнинг нотўғри қарашларини асоссиз эканлигини исботлашга ҳаракат қилганлар.

«Қадимчилар» деб ном олган руҳонийларнинг консерватив гуруҳи жадиждларни «кофирлик»да, ислом динидан қайтганликда айблар эдилар. Ваҳоланки, жадижд тараққийпарварларининг аксарияти кечаги ислом уламолари бўлиб, улар ислом динини бузиш учун эмас, балки унга кириб қолган айрим бидъат ва хурофотлардан ислом динини тозалаш учун, ислоҳотларни тадрижий равишда амалга ошириш учун курашга аҳд қилган эдилар.

«Ёш хиваликлар», «Ёш бухороликлар», Тараққийпарварлар (улар архив ҳужжатларида ёш сартлар деб ҳам аталган) партиялари, Турк Адамият маркази (Федералист) фирқаси, «Шўрои Исломия», «Шўрои уламо», «Турон», «Иттифоқи муслимин» ва бошқа ташкилотларнинг дастурларида мустақил давлатчилик масалаларига алоҳида эътибор берилган эди. Бу ҳолат жадиждчиликнинг маърифатдан сиёсатга томон йўл тутганлигини билдирибгина қолмасдан, балки жамиятни тубдан ўзгартириш, юрт мустақиллигини қўлга киритиш учун кураш бошланганлигини ҳам англатар эди.

Жадиждларнинг Туркистондаги бошқарув тизимини ўзгартириш ҳақидаги ғоялари ҳамда уларнинг амалий фаолияти Ўзбекистоннинг янги тарихини ўрганишда муҳим аҳамият касб этади. XX аср бошларида Туркистон тараққийпарварлари мавжуд тузумни ислоҳ қилиш, халқни ривожланган миллатлар даражасига кўтариш учун муҳим ишларни амалга оширдилар. Атоқли жадижд арбоблари Россия империясининг мустамлакачилик сиёсати, Бухоро амирлиги ва Хива хонлигидаги истибду зулмга қарамай, ўзларининг ислоҳотларини

ламлари орасида империя мустамлака маъмуриятини тугатишга интилишда бирдамлик пайдо бўлди.

Инқилобнинг дастлабки кунлариданоқ ишчи ва солдат депутатларининг Петроград совети ташаббуси билан зўравонлик асосида ишчи депутатлари Советлари ва солдат депутатлари Советлари тузила бошланди. Чунончи, 1917 йил 2 март куни Ўрта Осиё Бош темир йўл устахонаси ишчиларининг намоёишида Туркистонда биринчи ишчи депутатлари Совети тузилди. 3 мартда ишчи депутатларининг Тошкент совети, 4 мартда эса солдат депутатлари Совети ташкил этилди. Март ойининг охирларида бу иккала Совет бирлаштирилди. Шундан сўнг деҳқон депутатлари Советлари ҳам ташкил этила бошланди. Советларнинг сайланган вакиллари асосан европалик миллатлар вакилларидан иборат бўлиб, уларнинг манфаатлари кўп жиҳатдан маҳаллий туркистонликлар манфаатларига мос келмас эди. Улар билан маҳаллий аҳоли ўртасидаги зиддиятлар янги ҳокимият тузилмаларини, вакиллар тузилмаларини ташкил қилиш масаласида яққол кўзга ташланди.

Миллий демократик руҳдаги ташкилотлар ва ижроия қўмиталарида маҳаллий аҳоли вакилларининг бўлишини таъминлашга эришиш мақсадида март ойининг бошидан бошлаб кураш олиб бордилар. Бу ҳолат ўлкадаги жадиждар фаолиятида айниқса тўла намоён бўлди.

1917 йилнинг баҳори Туркистон ўлкаси мусулмон аҳолисининг сиёсий жиҳатдан уйғонишда авж олаётган демократик жараёнларга бошчилик қилиш истаги бўлган янги кучларнинг сиёсий майдонга чиқишида бурилиш нуқтаси бўлган. Бу жараёнда жадиждар асосий ташаббусни ўз қўлларига олиб, пайдо бўлаётган миллий-демократик кучларнинг ўзаги бўлдилар. Жадиждар бу вазифани бажаришга ўзларининг илгариги фаолиятлари давомидаёқ тайёргарлик кўрган эдилар.

Февраль инқилобидан кейин жадиждарнинг фаоллашуви авж олиб, улар ўлка туб халқларининг тараққиёти ва мустақиллиги тўғрисидаги ғояларини ўлкадаги демократик инқилоб билан боғлаб, ўзлари эълон қилган тамойилларни

амалга оширишга фаол киришдилар. Ўлкада авж олиб бораётган демократик жараёнларда маҳаллий халқлар сиёсий манфаатларининг устуворлигини ҳимоя қилиш инқилобнинг дастлабки кунлариданоқ сиёсий майдонда жадидлар фаолиятининг асосий йўналишларини белгилаб берди. Бу ҳолат маҳаллий ҳокимият тузилмаларини шакллантириш чоғида анча тўлиқ намоён бўлди.

Бу ўринда жадидларнинг миллий давлатчилик ҳақидаги ғояларига тўхталиб ўтиш мақсадга мувофиқдир. Қайд этиш лозимки, жадидлар орасидан етук олим, ҳуқуқшунос, саноят ва зироатчилик соҳаларининг замонавий билимдон мутахассислари, маданият арбоблари етишиб чиқиб, улар Туркистонни обод ва мустақил кўришни орзу қилдилар ҳамда шу йўлда фидойиларча курашдилар. Маҳаллий халқларнинг ижтимоий-сиёсий онгини юксалтириш билан Туркистонда миллий-демократик давлат барпо этиш жадидларнинг асосий устувор ғояларидан бири эди.

1917 йилнинг бошларига келиб, жадидлар ҳаракатининг асосий ғоя ва мақсадларини умумлаштирган ҳолда қуйидагича таърифлаш мумкин:

1. Туркистон ўлкасини ўрта асрларга хос қолоқлик ва диний хурофотдан озод этиш;

2. Шариятни ислоҳ қилиш, халққа маърифат тарқатиш;

3. Туркистонда мухторият ҳукуматини барпо этиш учун кураш;

4. Бухоро амирлиги ва Хива хонлигида, конституцион монархия ва парламент, кейинчалик демократик республика тузумини ўрнатиш орқали озод ва фаровон жамият қуриш;

5. Барқарор миллий валютани жорий қилиш ва миллий қўшин тузиш.

Туркистонда миллий давлатчиликни тиклаш ва уни амалга оширишда таниқли тараққийпарвар жадидлар Маҳмудхўжа Бехбудий, Фитрат, Файзулла Хўжаев ва Мунавварқорилар айниқса муҳим роль ўйнаганлар. Аслини олганда, Бехбудий ва бошқа тараққийпарвар жадидлар томонидан илгари сурилган миллий мухторият ғояси Туркистон ўлкасининг сиё-

ламлари орасида империя мустамлака маъмуриятини тугатишга интилишда бирдамлик пайдо бўлди.

Инқилобнинг дастлабки кунлариданоқ ишчи ва солдат депутатларининг Петроград совети ташаббуси билан зўравонлик асосида ишчи депутатлари Советлари ва солдат депутатлари Советлари тузила бошланди. Чунончи, 1917 йил 2 март куни Ўрта Осиё Бош темир йўл устахонаси ишчиларининг намоёишида Туркистонда биринчи ишчи депутатлари Совети тузилди. 3 мартда ишчи депутатларининг Тошкент совети, 4 мартда эса солдат депутатлари Совети ташкил этилди. Март ойининг охирларида бу иккала Совет бирлаштирилди. Шундан сўнг деҳқон депутатлари Советлари ҳам ташкил этила бошланди. Советларнинг сайланган вакиллари асосан европалик миллатлар вакилларидан иборат бўлиб, уларнинг манфаатлари кўп жиҳатдан маҳаллий туркистонликлар манфаатларига мос келмас эди. Улар билан маҳаллий аҳоли ўртасидаги зиддиятлар янги ҳокимият тузилмаларини, вакиллар тузилмаларини ташкил қилиш масаласида яққол кўзга ташланди.

Миллий демократик руҳдаги ташкилотлар ва ижроия қўмиталарида маҳаллий аҳоли вакилларининг бўлишини таъминлашга эришиш мақсадида март ойининг бошидан бошлаб кураш олиб бордилар. Бу ҳолат ўлкадаги жаҳидлар фаолиятида айниқса тўла намоён бўлди.

1917 йилнинг баҳори Туркистон ўлкаси мусулмон аҳолисининг сиёсий жиҳатдан уйғонишда авж олаётган демократик жараёнларга бошчилик қилиш истаги бўлган янги кучларнинг сиёсий майдонга чиқишида бурилиш нуқтаси бўлган. Бу жараёнда жаҳидлар асосий ташаббусни ўз қўлларига олиб, пайдо бўлаётган миллий-демократик кучларнинг ўзаги бўлдилар. Жаҳидлар бу вазифани бажаришга ўзларининг илгариги фаолиятлари давомидаёқ тайёргарлик кўрган эдилар.

Февраль инқилобидан кейин жаҳидларнинг фаоллашуви авж олиб, улар ўлка туб халқларининг тараққиёти ва мустақиллиги тўғрисидаги ғояларини ўлкадаги демократик инқилоб билан боғлаб, ўзлари эълон қилган тамойилларни

амалга оширишга фаол киришдилар. Ўлкада авж олиб бо-
раётган демократик жараёнларда маҳаллий халқлар сиёсий
манфаатларининг устуворлигини ҳимоя қилиш инқилобнинг
дастлабки кунлариданоқ сиёсий майдонда жадидлар фаоли-
ятининг асосий йўналишларини белгилаб берди. Бу ҳолат
маҳаллий ҳокимият тузилмаларини шакллантириш чоғида
анча тўлиқ намоён бўлди.

Бу ўринда жадидларнинг миллий давлатчилик ҳақидаги
ғояларига тўхталиб ўтиш мақсадга мувофиқдир. Қайд этиш
лозимки, жадидлар орасидан етук олим, ҳуқуқшунос, сано-
ат ва зироатчилик соҳаларининг замонавий билимдон мута-
хассислари, маданият арбоблари етишиб чиқиб, улар Тур-
кистонни обод ва мустақил кўришни орзу қилдилар ҳамда
шу йўлда фидойиларча курашдилар. Маҳаллий халқларнинг
ижтимоий-сиёсий онгини юксалтириш билан Туркистонда
миллий-демократик давлат барпо этиш жадидларнинг асо-
сий устувор ғояларидан бири эди.

1917 йилнинг бошларига келиб, жадидлар ҳаракатининг
асосий ғоя ва мақсадларини умумлаштирган ҳолда қуйида-
гича таърифлаш мумкин:

1. Туркистон ўлкасини ўрта асрларга хос қолоқлик ва ди-
ний хурофотдан озод этиш;
2. Шариатни ислоҳ қилиш, халққа маърифат тарқатиш;
3. Туркистонда мухторият ҳукуматини барпо этиш учун
кураш;
4. Бухоро амирлиги ва Хива хонлигида, конституцион мо-
нархия ва парламент, кейинчалик демократик республика
тузумини ўрнатиш орқали озод ва фаровон жамият қуриш;
5. Барқарор миллий валютани жорий қилиш ва миллий
қўшин тузиш.

Туркистонда миллий давлатчиликни тиклаш ва уни амалга
оширишда таниқли тараққийпарвар жадидлар Маҳмудхўжа
Беҳбудий, Фитрат, Файзулла Хўжаев ва Мунавварқорилар
айниқса муҳим роль ўйнаганлар. Аслини олганда, Беҳбудий
ва бошқа тараққийпарвар жадидлар томонидан илгари су-
рилган миллий мухторият ғояси Туркистон ўлкасининг сиё-

сий ва иқтисодий мустақиллигига интилиш эди. Айнан шунинг учун ҳам 1917 йил баҳори ва кузида Россия маъмурлари миллий мухторият ғоясига қарши жон-жаҳдлари билан курашган эдилар.

Жадидлар ўзларининг келажакдаги давлат тузумини барча миллат ва элатларнинг бирлиги асосида тасаввур этганлар. Бу ҳақда Беҳбудийнинг қуйидаги сўзларини келтириш мумкин: «Биз жорий этган қонунлар яҳудийларнинг ҳам, насронийларнинг ҳам, мусулмонларнинг ҳам ва умуман барчанинг манфаатларини ҳимоя қилиши керак. Агар биз Туркистон мусулмонлари биргаликда ислохотлар ўтказишни истасак, бизнинг зиёлилар, маърифатпарварлар, бойлар, руҳонийлар ва олимлар миллат ва Ватан фаровонлигига хизмат қилишлари керак...»

Февраль инқилоби арафасида Туркистон жадидлари етук сиёсий ҳаракатга айланган бўлса, инқилобдан кейин жадидларнинг «тараққийпарварлар» оқимини ташкил қилган радикал қисми анча кенг қамровли, бир қатор сиёсий-демократик талабларни илгари суриб нисбатан фаоллашган эди. Улар илгари сурган талаблар қаторига маҳаллий аҳоли ҳуқуқларини кенгайтириш, ўлкани бошқариш борасида тегишли ислохотларни ўтказиш, ўлкадаги аҳоли сонига қараб Давлат Думасидан ўрин бериш, асосий демократик эркинликлар, аввало, миллий матбуот эркинлигини таъминлаш ва ҳоказолар киради.

Жадидлар ўз фаолиятлари давомида давлат ва унинг қурилишидан тортиб, жамият ва унинг маънавий ҳаётигача бўлган барча масалаларга эътибор қаратганлар. Жадидларнинг давлат ва жамият ҳақидаги қарашларида қуйидаги иккита масала: ўз халқини дунёнинг маърифатли миллатлари даражасига кўтариш ҳамда Туркистонни ўз мустақиллигига эришуви каби масалалар муҳим ўрин тутди. Эътибор бериш лозимки, жадидлар бир томондан Туркистон мустақиллиги учун кураш олиб борган бўлсалар, иккинчи томондан, улар Туркистонда демократик ҳуқуқий давлат тизимига интилдилар. Бу кураш жадидчилик мафкурасининг асосини ташкил қилади.

Беҳбудий, Фитрат, Файзулла Хўжаев, Чўлпон, Мунавварқори каби кўплаб тараққийпарвар жадиждарнинг асарларида улар миллий ғоясининг асоси — Туркистондаги барча маҳаллий халқларни бирлаштиришдан иборат. Аммо уларга муҳолиф кучлар ҳам бор эдики, февраль инқилобидан кейин кучлар ўртасидаги зиддиятлар кескинлашди. Жадиждилик ҳаракатининг йирик намояндалари ўзларининг муҳолифлари саналган айрим жоҳил уламоларнинг нотўғри қарашларини асоссиз эканлигини исботлашга ҳаракат қилганлар.

«Қадимчилар» деб ном олган руҳонийларнинг консерватив гуруҳи жадиждарни «кофирлик»да, ислом динидан қайтганликда айблар эдилар. Ваҳоланки, жадид тараққийпарварларининг аксарияти кечаги ислом уламолари бўлиб, улар ислом динини бузиш учун эмас, балки унга кириб қолган айрим бидъат ва хурофотлардан ислом динини тозалаш учун, ислоҳотларни тадрижий равишда амалга ошириш учун курашга аҳд қилган эдилар.

«Ёш хиваликлар», «Ёш бухороликлар», Тараққийпарварлар (улар архив ҳужжатларида ёш сартлар деб ҳам аталган) партиялари, Турк Адамият маркази (Федералист) фирқаси, «Шўрои Исломия», «Шўрои уламо», «Турон», «Иттифоқи муслимин» ва бошқа ташкилотларнинг дастурларида мустақил давлатчилик масалаларига алоҳида эътибор берилган эди. Бу ҳолат жадиждиликнинг маърифатдан сиёсатга томон йўл тутганлигини билдирибгина қолмасдан, балки жамиятни тубдан ўзгартириш, юрт мустақиллигини қўлга киритиш учун кураш бошланганлигини ҳам англатар эди.

Жадиждарнинг Туркистондаги бошқарув тизимини ўзгартириш ҳақидаги ғоялари ҳамда уларнинг амалий фаолияти Ўзбекистоннинг янги тарихини ўрганишда муҳим аҳамият касб этади. XX аср бошларида Туркистон тараққийпарварлари мавжуд тузумни ислоҳ қилиш, халқни ривожланган миллатлар даражасига кўтариш учун муҳим ишларни амалга оширдилар. Атоқли жадид арбоблари Россия империясининг мустамлакачилик сиёсати, Бухоро амирлиги ва Хива хонлигидаги истибду зулмга қарамай, ўзларининг ислоҳотларини

амалга ошириш учун курашдилар. Туркистоннинг идора усули қандай бўлиши керак, деган саволга жадидлар ўша давр шароитидан келиб чиққан ҳолда маданий-миллий мухторият идора усулини маъқул топдилар.

Февраль инқилобидан кейин ўлкадаги турли ижтимоий-сиёсий ҳаракатларнинг фаолияти кучайиб кетди. Хусусан, 1917 йилнинг 6, 9, 13 март кунлари Тошкент эски шаҳри аҳолисининг кўп минг кишилиқ намоёнлари натижасида Тошшаҳарижроқўм органи тузилди. 13 март куни Тошкентдаги жоме масжидида бўлиб ўтган мажлисда Тошшаҳарижроқўм аъзолигига Шайхонтоҳурдан Убайдулла Хўжаев, Кўкчадан Тошпўлатбек Норбўтабеков, Себзордан Зайнутдинхўжа Саримсоқхўжаев ва Бешёғочдан Абдулсафийхон Ғанихон ўғлини сайлади. Ушбу мажлиснинг полиция тизими тугатиш ва унинг ўрнига маҳаллий аҳолидан муҳофизларни сайлаш ҳақидаги қарори муҳим аҳамиятга эга бўлди.

Шунингдек, 13 март мажлиси иштирокчилари Тошкент жамоатчилик ташкилотлари ижроия қўмитасига ҳам делегатлар сайлашди ҳамда эски шаҳарнинг барча қисмларидан кенгайтирилган ваколатли орган сайлашди. Энг муҳими, бу орган 14 март куни тузилган янги ташкилотнинг ўзаги бўлди. Шу куни Тошкентдаги Абдували ҳожи хонадонидан халқ сайлаган вакилларнинг биринчи йиғилиши бўлиб ўтиб, унинг таркиби аҳолининг татар ва қозоқ қисми вакиллари ҳисобига кўпайганидан сўнг 61 кишидан иборат бўлди. Бу ташкилотга «Шўрои Исломия» («Ислом совети» деб ном берилди).

Дастлабки пайтда бу ташкилот ҳам европалик, ҳам мусулмон аҳоли томонидан ижобий кутиб олинган. «Шўрои Исломия» империя бошқаруви тизимларига муқобил бўлган демократик ҳокимият органи бўлганлиги боис ўлка аҳолиси ташкилотнинг ижроия қўмиталарига турли илтимос ва шикоятлар билан мурожаат қила бошладилар. Бу янги ташкилот европалашган советлардан фарқ қилган ҳолда, февраль инқилобидан кейин ҳам давом этаётган ижтимоий тенгсизликни бартараф этиш, мусулмон аҳоли ҳақ-ҳуқуқларини тиклаш мақсадида тузилган бўлиб, ислом динига эътиқод қилувчи маҳаллий аҳолидан сайланган депутатлар шўроси эди.

Янги ташкилотнинг 14 март куни бўлиб ўтган биринчи мажлисида 15 кишидан иборат бошқарув ҳайъатини тузиш туғрисида қарор қабул қилинди. Бошқарув таркибига Абдувоҳид Қори, Мунавварқори, Каттахўжа Бобохўжа ўғли, Мулла Ризо Охун, Абдусами Қори, Убайдулла Хўжаев каби-лар кирдилар. 15 март куни Мунавварқори хонадониди бўлиб ўтган йиғилишда «Шўрои Исломия»нинг муваққат Низоми қабул қилиниб, унда ташкилотнинг қуйидаги асосий мақсад ва вазифалари белгиланди:

1. Туркистон мусулмонлари орасида замонавий руҳдаги илмий ва ижтимоий ислоҳотчилик ғояларини тарқатиш;
2. Ғоялар ва мақсадлар бирлиги асосида Туркистон мусулмонларини жипслаштириш бўйича ишларни кучайтириш;
3. Хорижий юртлардаги давлат ҳокимияти тизими ҳақида ахборот йиғиш ва таъсис мажлисига тайёргарлик кўриш;
4. Тарғибот мақсадларида шаҳар, қишлоқ ва овулларда мунтазам намойишлар ўтказиш;
5. Эски маъмуриятни истеъфога чиқариш ва янгисини тайинлаш заруриятини тушунтириш;
6. Ўлкадаги турли миллий қўмиталар ва партиялар билан алоқаларни йўлга қўйиш;
7. Мусулмон аҳолисининг эҳтиёжлари ҳақида ўз вакилла-ри орқали (миллий қўмиталар ва партиялардан) маълумотлар етказиш ва зарурият туғилганда улардан ёрдам сўраш.

Янги ташкилот тузилган дастлабки кунлардан бошлаб ташкилот бошқарувининг махсус қарорига мувофиқ ўлканинг барча вилоят ва туманларига тарғиботчилар юборилди. Улар ўлканинг маҳаллий аҳолисига февраль инқилоби моҳи-ятини тушунтириш, сиёсий, диний, маданий ва ижтимоий ислоҳотлар ўтказиш учун «Шўрои Исломия» ташкилотига бирлашиш каби тарғибот ишларини олиб бордилар. Шунингдек, «Шўрои Исломи», «Нажот» ва «Кенгаш» газеталари янги ташкилотнинг органлари сифатида чоп этилиб, тарғи-бот-ташвиқотдан ташқари, уларнинг саҳифаларида маъри-фий хусусиятдаги материаллар, маҳаллий аҳолининг сиёсий онги ва ижтимоий фаоллигини уйғотишга даъват этадиган

мақолалар ҳам чоп этиб турилди. Натижасида, «Шўрои Исломия» ташкилотининг фаолияти ўлкада кенг миқёсда қўллаб-қувватланди. Ушбу ташкилотнинг 8 апрелда бўлиб ўтган мажлисида Ўш, Андижон, Скобелев, Туркистон ва Марида унинг кичик бўлимлари очилганлиги таъкидланди. Шунингдек, апрель ойида маҳаллий жадидларнинг ташаббуси билан Наманган, Самарқанд, Қўқон ва ўлканинг бошқа йирик шаҳарларида ҳам «Шўрои Исломия» ташкилотлари ташкил қилинди.

«Шўрои Исломия» жамиятининг ташкил қилиниши Туркистоннинг сиёсий ҳаётида муҳим воқеа бўлиб, бу ташкилот ўлкада сиёсий кучларни жойлаштиришга, ҳокимият тузилмалари барпо этишга жиддий тузатишлар киритди. «Шўрои Исломия» ташкилотининг халқ оммаси орасида таъсирини кучайиб бориши Россиядаги каби иккиҳокимиятликни эмас, балки Туркистон сиёсий майдонида қуйидаги учта ҳокимиятни юзага келтирган эди:

1. Туркистон советлари — улар инқилобий демократиянинг хоҳиш-иродасини ифодаловчи европалик ишчи ва солдатларнинг органлари бўлиб, жамиятга таъсир ўтказиш учун реал кучга эга эдилар. Шунинг учун ҳам улар Муваққат ҳукуматининг давлат муассасалари ҳуқуқига эга бўлиш учун даъво қилардилар.

2. Ижроия қўмиталар — Советларга нисбатан хайрихоҳ бўлган аҳолининг анча кенг ижтимоий қатламлари вакиллари бўлиб, улар таркибига турли партиялар — меньшевиклар, эсерлар, советлар, жамоат ташкилотлари, шу жумладан, миллий ташкилотлар ҳам ўз вакилларини делегат қилиб юборган эдилар. Улар барча демократик ташкилотларни бирлаштирувчилари сифатида иш кўрдилар ва ҳудудларда Муваққат ҳукумат органлари родини ўйнашга даъво қилдилар.

3. «Шўрои Исломия» ташкилоти — бу орган ташкилий жиҳатдан шаклланиши пайтидаёқ мусулмон аҳолисининг ваколатли органлари сифатида тезда расмийлашиб, шу аҳолининг хоҳиш-иродасини ифода этди ҳамда унинг манфаатларини ҳимоя қилди.

Таъкидлаш лозимки, Муваққат ҳукуматнинг Туркистон қўмитаси (Советлар) ўлкадаги ижтимоий-иқтисодий ҳаётга, ўлкани бошқариш масаласида маҳаллий аҳолига мухторият бериш ҳақидаги хоҳиш-истакларини инобатга олмади. Шунга қарамасдан, февраль инқилобидан кейин ўлка халқларининг асосий муаммоси — ўлка мухторияти масаласига муносабат мусулмон съездлари кун тартибидаги бош масала бўлиб қолган эди. Фикрлар хилма-хиллигига қарамасдан, бу масала бошқа йигинларда ҳам кўтарилиб турди.

Воқеалар ривожланиши жараёнида ўлкадаги маҳаллий аҳолининг ижтимоий-сиёсий фаоллиги ошиб бориб, шундай бир шароитда «Шўрои Исломия» ташкилоти ташаббуси билан 1917 йил 17 апрелда Тошкентда I Умумтуркистон мусулмонлари съезди очилди. Бу съезде ўлканинг барча маҳаллий халқларидан ваколатга эга бўлган 150 делегат қатнашди. Съезд ҳайъатига Мунавварқори Адбурашидхонов, Убайдулла Хўжаев, Шерали Лапин, Тошпўлат Норбўтабеков, Заки Валидий, Содиқ Сатторов, Ислом Шоаҳмедов, Абдурахмон Ҳузбаев, Абдулмажид Маҳмудов, Серикбой Акаев, Аҳмадбек Қўйбоқаров, Собиржон Юсуповлар кирдилар. Шунингдек, съезд ишида Туркқўмита аъзолари А.Давлетшин, С.Мақсудий, М.Тинишбоевлар иштирок этдилар.

Съезднинг кун тартибига қуйидаги масалалар:

1. Муваққат ҳукуматта муносабат билдириш тўғрисида.
2. Россияда давлатни идора қилиш шакли ҳақида.
3. Таъсис мажлисига тайёргарлик кўриш тўғрисида.
4. Туркистондаги маҳаллий аҳолининг муассасалари тўғрисида.
5. Туркистондаги диний-шариат муассасалари ҳақида.
6. Мактаблар, мадрасалар ва вақфлар масалалари.
7. Молиявий ишлар тўғрисида.
8. Аввалги замонлардан қолган муассасаларни янгилаш ҳақида.
9. Туркистондаги барча мусулмонларга раҳбарлик қилувчи ислом дини бошқарувини тузиш тўғрисида.
10. Озиқ-овқат масаласи.
11. Урушга муносабат ва фронт ортида (мамлакат ичкари-сида) хизмат қилувчилар ҳақида масалалар.

12. «Шўрои Исломия»ни ўлка миқёсида бирлаштириш ва унинг ижроия қўмиталарга муносабати масалалари.

13. Россия Умуммусулмонлар съездига делегатлар сайлаш ҳақида.

14. Ер-сув тўғрисидаги каби кўплаб масалалар киритилган эди.

Россиядаги бошқарувнинг бўлажақдаги шакли ва Туркистон мусулмонларининг ташкилий жиҳатдан бирлашуви масаласи диққат марказида турган ушбу съездда рус делегатлари ҳам иштирок этганлар. Хусусан, Андижонда чиқадиган «Туркестанский голос» газетаси муҳаррири Вадим Чайкин нутқ сўзлаб, «...Мен ҳар бир халққа федерация, кичик миллатларга эса миллий-маданий мухторият берилиши тарафдориман», дея таъкидлаган.

Ушбу съезд 1917 йил март-апрель ойлари учун долзарб аҳамиятга молик қарорни қабул қилиб, демократик ва федератив тамойилларга асосланган, мусулмонларга тенг ҳуқуқлар берувчи Россия конституциясини қайта ишлашни, Россиядаги барча вилоятларга, жумладан, Туркистонга ҳам миллий-маданий мухторият берилиши кўзда тутилган Федератив Демократик Республикани тасдиқлаш ғояларини қўллаб-қувватлади.

Съезднинг сўнгги мажлисида миллий ҳаракатларга уюшмаган, барча тарқоқ, бир-бири билан узоқ боғланмаган мусулмон жамиятлари, қўмиталари ва иттифоқларни бирлаштириш мақсадида Туркистон ўлка мусулмонлари шўроси (Ўлкамусшўро)ни тузишга қарор қилинди. Ўлкамусшўронинг 1917 йил 12 июнда бўлиб ўтган мажлисида унинг Низоми қабул қилиниб, унда бу ташкилот бирор-бир синф, партия ёки қабиланинг органи бўлмасдан, балки қонун чиқарувчи ҳокимиятни амалга оширувчи ваколатли умуммусулмон раҳбарлик органи сифатида тузилганлигига изоҳ берилган эди.

1917 йилнинг кўкламида Туркистон халқларини бирлаштириш йўлида муҳим қадам қўйилди. Умумминтақавий кўламда мусулмонлар съездининг чақирилиши улкан воқеа бўлиб, бу йиғилишда Туркистон халқлари мухторият сари,

ўз урф-одатлари, анъаналари, турмуш тарзини ҳимоя қилиши ошқора айтилди. Халқнинг ана шу манфаатларини ифода этувчи Ўлкамусшўро ташкилий жиҳатдан расмийлаштирилди. Аммо воқеаларнинг кейинги ривожини кутилган натижаларни бермади.

1917 йилнинг 1-11 майида Москвада Бутунроссия мусулмонларининг I съезди бўлиб ўтди. Унда Туркистон, Бухоро ва Хивадан ҳам делегатлар иштирок этдилар. Съезд мусулмон аҳолисининг ҳаёти ва турмуш тарзи билан боғлиқ кўплаб масалаларни муҳокама қилди. Съездда Бутунроссия мусулмонлари Шўроси сайланиб, унинг ижроия қўмитасига Туркистондан Убайдулла Хўжаев ва Ислом Шоаҳмедовлар киритилди.

Съездда ижроқўм раиси Аҳмад Солиҳов (Цаликов) илгари сурган: «Тафовутлар сиёсий ҳаётни ўта таранглаштириб юборади, бу эса миллатнинг кучларини бўлиб ташлайди. Шу боис, мусулмонлар бирлашингиз, демократия байроғини остида бирлашиб, биз ўзимиз учун миллий ва маданий мухториятни таъминлай оламиз», деган ғоялари катта аҳамиятга эга бўлди. Шунга қарамасдан, съездда қабул қилинган қарорлар мусулмон аҳолиси орасида турли-туман ижтимоий-сиёсий оқимлар, ғоявий қарашларнинг кўпайиб бораётганлигини кўрсатди. Айниқса, миллий давлатчилик қуриш ҳақида ўткир баҳслар бўлиб ўтиши натижасида съездда иккита катта гуруҳ пайдо бўлди. Улардан биринчиси Россия Демократик Республикаси таркибида мусулмонларнинг ҳудудий-маданий мухторияти тарафдорлари («унитаристлар») бўлса, иккинчиси, Россия Федерацияси таркибида мусулмон халқлари учун ҳудудий мухторият берилиши тарафдорлари («федералистлар») бўлдилар. Узоқ торттишувлар натижасида «федералистлар»нинг қарори қабул қилинишига муваффақ бўлинди. Съездда Таъсис мажлисига сайловлар ўтказиш ҳақидаги қонун лойиҳасини тайёрлаш бўйича махсус комиссия тузилиб, унга Туркистон ўлкасидан Убайдулла Хўжаев аъзо бўлиб кирди.

1917 йил 17 июлда Қозон шаҳрида II Бутунроссия мусулмонлари съезди иш бошлади. Барча мусулмон халқларидан

260 та делегат иштирок этган ушбу съезд, узоқ тортишувлардан сўнг мусулмон халқларининг ўз тақдирини ўзи белгилаш ҳақида қарор қабул қилди. Шунингдек, мазкур қарорни амалий жиҳатдан дарҳол бажаришга, ўз-ўзини бошқарувчи ташкилотлар бўйича маҳаллий халқларининг аҳволи ҳақида Убайдулла Хўжаев маъруза қилиб, у ўлкадаги мавжуд аҳволни, амалда ўлка халқлари манфаатларини инкор этувчи эски сиёсатни давом эттираётган ишчи ва солдат депутатлари Совети фаолиятини кескин танқид қилди.

1917 йилнинг 12-14 июлида Скобелев (ҳозирги Фарғона) шаҳрида Фарғона вилояти мусулмон ташкилотларининг қурултойи бўлиб ўтди. Демократик кайфиятда бўлган турли мусулмон ташкилотларидан 137 киши қатнашган бу қурултойда дастурий ҳужжат қабул қилиниб, унда Туркистон, Қозоғистон, Кавказ ва Бошқирдистон учун миллий-ҳудудий мухторият, Волга бўйи, Қрим татарлари ва бошқа туркий халқлар учун миллий-маданий мухторият талаб қилинди. Шунингдек, ушбу дастурда сайлов ҳуқуқи масалалари ҳам аксини топди.

Февраль инқилобидан кейин Туркистонда ошқора иш олиб борган турли сиёсий ташкилотлар ҳамда уларнинг йўлбошчилари бўлган миллий зиёлилар Туркистон бирлиги, миллат равнақи, эрк ва озодлик, ўз тақдирини ўзи белгилаш, биродарлик, миллат ва Ватан манфаатлари йўлида бирлашиш ғояларини зўр бериб илгари сурдилар. Аммо, афсуски, ғоявий келишувга эришиш мумкин бўлмади, бутунроссия миқёсида ҳам, Туркистонда ҳам турли мусулмон сиёсий оқимлари ўртасида зиддиятлар сақланиб қолди. Шунингдек, Туркистондаги мавжуд сиёсий кучларни ажратиб ташлаган зиддиятлар миллий ғояни амалга ошириш ғояларини қабул қилишдаги турли фикрликда, ўз тақдирини ўзи белгилашнинг шакли, йўллари ва усулларига бўлган турли ёндашувларда ўз аксини топди.

Мавжуд келишмовчиликлар ва зиддиятлар натижасида Туркистондаги йирик сиёсий ташкилот бўлган «Шўрои Исломия» иккига бўлиниб кетди. 1917 йил июнь ойининг ўрталарида бу ташкилотдан «Шўрои Уламо» ташкилоти ажралиб

чиқди. Шўрои исломчилар каби туркистонлик уламочилар ҳам ислом анъаналарига таяниб, ундан Россия мустамлакачилигига қарши фойдаланишга ҳаракат қилдилар. «Шўрои Уламо» сиёсий бирлашмаси ўз фаолиятида кўпроқ феодал-диний қарашларни акс эттириб, маиший ва ижтимоий ҳаётда илгари мавжуд бўлган патриархал-феодал негизларни сақлаб қолиш, шариат қонунлари тамойилларига таянувчи ислом давлатини барпо этиш тарафдори бўлиб чиқди.

«Шўрои Уламо» ташкилоти аъзолари ислом дини номидан сўзлаб, жамиятда демократик ислоҳотлар ўтказиш йўлидаги ҳар қандай ҳаракатларга кескин қарши чиқдилар. Улар европача маданият кириб келишини мутлақо рад этишиб, барча масалаларда, аввало, шариат қонун-қоидалари устунлиги ғоясини қаттиқ туриб ҳимоя қилдилар. Шу ўринда таъкидлаш жоизки, дин арбоблари ва руҳонийлар ўша даврдаги Туркистон жамиятида етакчи мавқега эга эдилар. Бинобарин, дин пешволари ўлкадаги мусулмон аҳолининг дунёқарашини, маънавий ва ахлоқий қадриятларини шакллантиришга, ўлка аҳолисининг сиёсий эҳтирослари ва манфаатларига кучли таъсир кўрсатганлар. Аммо мусулмон уламоларининг сиёсий қарашлари ва сиёсатга муносабати бир хил эмас эди.

Шунга қарамасдан, «Шўрои Уламо» ташкилоти аъзолари ўлка маҳаллий аҳолисининг мустақилликка интилиш учун қилган ҳаракатларини маълум даражада фаоллаштиришга ўз ҳиссаларини қўшдилар. Улар озод ва мустақил мусулмон давлатини таркиб топтириш зарурияти ҳақидаги фикр ва ғояларни жамоатчилик онгига сингдирдилар. Қўқонда ташкил этилган «Шўрои Уламо» жамияти Низомида жамият олдига қўйилган қуйидаги мақсадлар келтирилади:

1. Мусулмонларни ягона ташкилотга бирлаштириш учун маърифий асосларда миллий-диний тафаккурни оммалаштириш ва сиёсий ҳаракатни шакллантириш.

2. Миллатлар ҳамда мусулмонларнинг ахлоқий асосларини вақтли нашрлар ҳамда доимий босма органлар йўли билан муҳофаза қилиш.

3. Мусулмон фуқаролари орасида диний заминда юзага келиши мумкин бўлган ҳар хил шикоят ва англашилмовчиликларни ҳал этиш ва тушунтириш.

4. Мадрасаларни иқтисодий жиҳатдан қўллаб-қувватлаш ва тартибга солиш, ўқитувчи ва ўқувчиларни муҳофаза қилиш, уларнинг тараққий этиши ҳақида ғамхўрлик кўрсатиш ва муҳтожларга ёрдам кўрсатиш.

5. Илмий-маърифий фаолиятида ўзини кўрсатган муносиб кишилардан ўқитувчилар танлаш ва тайёрлаш.

Миллий тараққийпарварлар ва мусулмон уламолар ўрта-сида ажралиш юз бериб, ғоявий қарашлар тўқнашуви шароитида демократик руҳдаги ислоҳотлар тарафдори бўлган миллий зиёлилар бутун мусулмонларнинг бирлашуви шиори билан чиқдилар. Хусусан, Маҳмудхўжа Бехбудий дин ва миллатни иттифоқ этишга, ислоҳотлар ўтказишга, зиёли ва тараққийпарварлар, бойлар ва уламоларни бирлаштиришга чақирган бўлса, Фитрат, «Ҳақ йўлида, дин йўлида, Ватан йўлида, миллат йўлида, жадинмиз, қадиммиз, мулломиз, боймиз бир ерда тўпланайлик», дея даъват этди.

1917 йил 17-20 сентябрь кунлари Тошкентда «Шўрои Уламо» ва «Ҳалойиқ» жамиятлари ташаббуси билан туркистонлик ва қозоқ мусулмонларининг съезди бўлиб ўтди. Туркистон, Урал ва Тўрғай вилоятларидан 500 дан зиёд обрўли делегатлар иштирок этган ушбу съезднинг бутун иши ўлкадаги тарқоқ жамиятлар, ташкилотлар ва партияларни бирлаштириш, ўлка миқёсида бирлик ўрнатишга эришиш. Таъсис мажлисига сайловлар ўтказиш, унга ғоявий қарашларидан қатъи назар, россиялик мусулмонлардан муносиб номзодлар кўрсатиш кайфиятида ўтди.

Съезд «Шўрои Исломия» ва «Турон» жамиятларини тугатиб, улар ўрнига ягона «Иттифоқи муслимин» сиёсий партиясини тузиш ҳақида қарор қабул қилди. Ушбу қарорда «Шўрои Исломия», «Турон», «Шўрои Уламо» — барчаси халқ жамиятлари бўлиб, биргаликда ягона куч сифатида иш кўриш вақти келгани алоҳида таъкидланди. Аммо энг муҳи-

ми шунда эдики, бу съездда қатор ҳужжатлар қабул қилинган бўлиб, уларга кўра, ўлкада яшовчи барча халқларнинг миллий-маданий ўз тақдирини ўзи белгилаши асосларида ташкил этилган, демократик Россия республикаси таркибида Туркистон ҳудудий мухтор федерациясини ташкил этиш дастури илгари сурилди. «Улуғ Туркистон» газетаси хабарига таяниб қайд этиш лозимки, съезд «Мулла Муҳаммадхўжа эшон ва мулла Сиддиқхўжа эшонларнинг бошқарув шакли ҳақидаги нутқларини тинглаб, дуою ижобат ила Туркистон Мухториятини тайин этишга жазм қилди. Бу эса Туркистон ўлкасининг маҳаллий ва миллий мухторияти бўлиб, ўз ички ишларини мустақил ҳал этажagini» билдирар эди.

Хуллас, октябрь тўнтаришига қадар Туркистон ижтимоий ҳаёти сиёсий майдонда иккита муқобил куч ва уларнинг намояндалари шаклланиб бўлган эди. Улардан биринчиси — ўлкада демократик руҳдаги Туркистон мухториятини ташкил этиш тарафдорлари бўлган ўлканинг илғор зиёлилари ва демократик кайфиятдаги уламолари бўлса, иккинчиси, биринчи кучлар ғояларини бутунлай инкор этиб, «Бутун ҳокимият советларга!» шиорини илгари сурган ҳамда ҳокимиятни зўрлик билан эгаллаб олиб, унга мутлақ ҳукмронлик қилмоқчи бўлган большевиклар эди.

2. Октябрь тўнтариши. Туркистонда совет ҳокимиятининг ўрнатилиши

1917 йилнинг кузига келиб, Туркистонда ҳокимиятни советлар қўлига ўтиши учун (Тошкент шаҳридан ташқари) амалда шарт-шароитлар йўқ эди. Бу борада ўлка шаҳарлари, вилоятлари ва уездларида аҳолининг ҳокимиятни советларга ўтишини талаб қилувчи фаол чиқишлари кузатилмаган. Аммо Тошкентда аҳвол бошқача эди.

Маълумки, 1917 йил 25 октябрда (янги сана билан 7 ноябрда) В.И. Ленин бошчилигидаги большевиклар (коммунистлар) Петроградда Муваққат ҳукуматни ағдариб ташлаб, ҳокимиятни зўравонлик билан эгалладилар. Бу воқеадан беҳабар ҳолатда ўша куни кечки соат бешда Тошсовет ижроқўми-

3. Мусулмон фуқаролари орасида диний заминда юзага келиши мумкин бўлган ҳар хил шикоят ва англашилмовчиликларни ҳал этиш ва тушунтириш.

4. Мадрасаларни иқтисодий жиҳатдан қўллаб-қувватлаш ва тартибга солиш, ўқитувчи ва ўқувчиларни муҳофаза қилиш, уларнинг тараққий этиши ҳақида ғамхўрлик кўрсатиш ва муҳтожларга ёрдам кўрсатиш.

5. Илмий-маърифий фаолиятида ўзини кўрсатган муносиб кишилардан ўқитувчилар танлаш ва тайёрлаш.

Миллий тараққийпарварлар ва мусулмон уламолар ўрта-сида ажралиш юз бериб, ғоявий қарашлар тўқнашуви шароитида демократик руҳдаги ислоҳотлар тарафдори бўлган миллий зиёлилар бутун мусулмонларнинг бирлашуви шиори билан чиқдилар. Хусусан, Маҳмудхўжа Бехбудий дин ва миллатни иттифоқ этишга, ислоҳотлар ўтказишга, зиёли ва тараққийпарварлар, бойлар ва уламоларни бирлаштиришга чақирган бўлса, Фитрат, «Ҳақ йўлида, дин йўлида, Ватан йўлида, миллат йўлида, жадидмиз, қадиммиз, мулломиз, боймиз бир ерда тўпланайлик», дея даъват этди.

1917 йил 17-20 сентябрь кунлари Тошкентда «Шўрои Уламо» ва «Халойиқ» жамиятлари ташаббуси билан туркистонлик ва қозоқ мусулмонларининг съезди бўлиб ўтди. Туркистон, Урал ва Тўрғай вилоятларидан 500 дан зиёд обрўли делегатлар иштирок этган ушбу съезднинг бутун иши ўлкадаги тарқоқ жамиятлар, ташкилотлар ва партияларни бирлаштириш, ўлка миқёсида бирлик ўрнатишга эришиш. Таъсис мажлисига сайловлар ўтказиш, унга ғоявий қарашларидан қатъи назар, россиялик мусулмонлардан муносиб номзодлар кўрсатиш кайфиятида ўтди.

Съезд «Шўрои Исломия» ва «Турон» жамиятларини тугатиб, улар ўрнига ягона «Иттифоқи муслимин» сиёсий партиясини тузиш ҳақида қарор қабул қилди. Ушбу қарорда «Шўрои Исломия», «Турон», «Шўрои Уламо» — барчаси халқ жамиятлари бўлиб, биргаликда ягона куч сифатида иш кўриш вақти келгани алоҳида таъкидланди. Аммо энг муҳи-

ми шунда эдики, бу съездда қатор ҳужжатлар қабул қилинган бўлиб, уларга кўра, ўлкада яшовчи барча халқларнинг миллий-маданий ўз тақдирини ўзи белгилаши асосларида ташкил этилган, демократик Россия республикаси таркибида Туркистон ҳудудий мухтор федерациясини ташкил этиш дастури илгари сурилди. «Улуғ Туркистон» газетаси хабарига таяниб қайд этиш лозимки, съезд «Мулла Муҳаммадхўжа эшон ва мулла Сиддиқхўжа эшонларнинг бошқарув шакли ҳақидаги нутқларини тинглаб, дуою ижобат ила Туркистон Мухториятини тайин этишга жазм қилди. Бу эса Туркистон ўлкасининг маҳаллий ва миллий мухторияти бўлиб, ўз ички ишларини мустақил ҳал этажagini» билдирар эди.

Хуллас, октябрь тўнтаришига қадар Туркистон ижтимоий ҳаёти сиёсий майдонда иккита муқобил куч ва уларнинг намояндалари шаклланиб бўлган эди. Улардан биринчиси — ўлкада демократик руҳдаги Туркистон мухториятини ташкил этиш тарафдорлари бўлган ўлканинг илғор зиёлилари ва демократик кайфиятдаги уламолари бўлса, иккинчиси, биринчи кучлар ғояларини бутунлай инкор этиб, «Бутун ҳокимият советларга!» шиорини илгари сурган ҳамда ҳокимиятни зўрлик билан эгаллаб олиб, унга мутлақ ҳукмронлик қилмоқчи бўлган большевиклар эди.

2. Октябрь тўнтариши. Туркистонда совет ҳокимиятининг ўрнатилиши

1917 йилнинг кузига келиб, Туркистонда ҳокимиятни советлар қўлига ўтиши учун (Тошкент шаҳридан ташқари) амалда шарт-шароитлар йўқ эди. Бу борада ўлка шаҳарлари, вилоятлари ва уездларида аҳолининг ҳокимиятни советларга ўтишини талаб қилувчи фаол чиқишлари кузатилмаган. Аммо Тошкентда аҳвол бошқача эди.

Маълумки, 1917 йил 25 октябрда (янги сана билан 7 ноябрда) В.И. Ленин бошчилигидаги большевиклар (коммунистлар) Петроградда Муваққат ҳукуматни ағдариб ташлаб, ҳокимиятни зўравонлик билан эгалладилар. Бу воқеадан беҳабар ҳолатда ўша куни кечки соат бешда Тошсовет ижроқўми-

гини таъкидлаб: «Қурултойимиз қабул қилаётган қарорлар шунинг учун ҳам аҳамиятлики, унда Туркистон аҳолисининг европалик вакиллари ҳам иштирок этмоқдалар», — дейди. Беҳбудий ва Обиджон Маҳмудов қурултой ҳайъатида мусулмонлар билан бир қаторда, бошқа миллий гуруҳларнинг ҳам вакиллари бўлишини ёқлаб чиқдилар.

Туркистонни бошқариш шакли уч кун давом этган қурултойнинг диққат марказида турди. Бу масала муҳокамасида сўзга чиққанларнинг кўпчилиги Туркистоннинг мухтор республика деб эълон қилиниши ўлка аҳолисининг ижтимоий мақсадларидан келиб чиққан ва унга мос тушишини уқтирдилар. Мухторият ва мустақиллик эълон қилиш фикрини барча қўллаб-қувватлади.

Қурултойда 1917 йил 27 ноябрь куни қабул қилинган қарорда, жумладан, шундай дейилган эди: «Туркистонда яшаб турган турли миллатга мансуб аҳоли Россия инқилоби даъват этган халқларнинг ўз ҳуқуқларини ўзлари белгилаш хусусидаги иродасини намоён этиб, Туркистонни Федератив Россия Республикаси таркибида ҳудудий жиҳатдан мухтор деб эълон қилади. Шу билан бирга, мухториятнинг қарор топиш шакллари Таъсис Мажлисига ҳавола этади». Қурултой Туркистонда яшаб турган миллий озчилик ҳуқуқларининг муттасил ҳимоя қилинишини тантанали равишда эълон қилди.

28 ноябрь (янги ҳисоб билан 11 декабр)да таркиб топаётган мазкур давлатнинг номи аниқланиб, Туркистон мухторияти деб аталадиган бўлди. Қурултой ўша куни йиғилишда Бутунроссия Таъсис Мажлиси чақирилгунга қадар ҳокимият Туркистон Муваққат Кенгаши ва Туркистон Халқ (Миллат) Мажлиси қўлида бўлиши керак, деб қарор қабул қилади.

Қурултойда Туркистон Муваққат Кенгаши аъзоларидан 8 кишидан иборат таркибда Туркистон Мухторияти ҳукумати тузилди. Ҳукуматнинг Бош вазири ҳамда ички ишлар вазири этиб Муҳаммаджон Тинишбоев сайланди. Ислон Султон ўғли Шоаҳмедов — Бош вазир ўринбосари, Мустафо Чўқай — ташқи ишлар вазири, Убайдуллаҳўжа Асадуллаҳўжаев (Убайдулла Хўжаев) — ҳарбий вазир, Ҳидоятбек Юрғули

Агаев — ер ва сув бойликлари вазири, Обиджон Маҳмудов — озиқ-овқат вазири, Абдурахмон Ҷўзаев — ички ишлар вазирининг ўринбосари, Соломон Абрамович Герцфелд — молия вазири лавозимларини эгаллашди. Ҳукумат таркибида кейинчалик айрим ўзгаришлар юз берди. Муҳаммаджон Тинишбоев истеъфога чиққач, Мустафо Чўқай Бош вазир лавозимини бажаришга киришади. Вазирлардан уч киши олий маълумотли ҳуқуқшунос, икки киши ўртача малакали ҳуқуқшунос эканлиги мухторият ҳукумати аъзолари билим даражаси ва салоҳиятининг юқори даражада эканидан далолат беради.

Қурултойда 28 ноябрь куни Туркистон Миллат Мажлиси очилиши туғрисидаги қарор ҳам тасдиқланди. Миллат Мажлиси 54 нафар аъзодан иборат бўлиб, қурултой қарорига биноан «36 нафар мусулмонлар ва 18 нафар ғайри мусулмонлардан сайланадур. 36 мусулмон вакиллари Туркистоннинг 5 вилоятидан бўлиб: Фарғона — 10 нафар, Самарқанд — 5 нафар, Сирдарё — 9 нафар, Еттисув — 6 нафар, Закаспий — 2 нафар; 4 нафар эса бутун Туркистон шаҳар думалари тарафидан тайин бўлурлар». 18 нафар ўрин эса ўлканинг европалик ташкилот ва фуқароларига, жумладан, темир йўлчилар иттифоқи, ишчи ва солдат депутатлари совети, социал демократлар, дашноқдутьон (арманлар), маҳаллий яҳудийлар, эсерлар, украинлар, полякларнинг вакиллари ва бошқаларга берилиши кўзда тутилган эди. Ташкил этилаётган ҳукумат таркибига турли сиёсий ва миллий гуруҳлар вакиллариининг қатнашуви кўзда тутилди. Демократик руҳдаги миллий зиёлilar қурултойда қабул қилинган дастурий ҳужжатларга ўзига хослиги билан ажралиб турадиган халқчил ва демократик ғояларни киритишди.

Қурултой жараёнида Туркистон Миллат Мажлиси 32 кишидан иборат қилиб сайланди. «Шўрои Уламо»нинг раҳбари Шерали Лапин Миллат Мажлиси таркибига, унинг раиси сифатида киритилган бўлса ҳам, аммо унинг ўзи бу тақлифни рад этди.

Қурултой тугагач, 1 декабрда Туркистон Мухториятининг Муваққат ҳукумати аъзолари (барча 8 киши) имзолаган мах-

сус Мурожаатнома эълон қилинди. Ушбу Мурожаатномада Туркистондаги барча аҳоли: ирқи, миллати, дини, жинси, ёши ва сиёсий эътиқодларидан қатъи назар, улар яқдиллик ва ҳамжиҳатликка даъват этилган эди.

Орадан кўп ўтмай Миллат Мажлиси томонидан тасдиқланган қонунлар эълон қилинди, шунингдек, янги ҳукумат мамлакат Конституциясини тайёрлаш учун таниқли ҳуқуқшуносларни жалб қилди. «Эл байроғи», «Бирлик туғи», «Свободный Туркестан», «Известия Временного Правительства Автономного Туркестана» каби ҳукумат гезеталари ўзбек, қозоқ ва рус тилларида нашр қилина бошланди. Аввал чиқаётган «Улуғ Туркистон» газетаси ҳам ўз саҳифаларида мухторият ҳукумати фаолиятига алоҳида ўрин берди. Нашр ишларини яхшилаш учун О.Маҳмудовнинг босмаҳонаси ҳукумат ихтиёрига ўтди.

1918 йил январь ойи бошларидаги «Улуғ Туркистон» газетаси хабарларига кўра, 1917 йил 25 декабрь куни Қўқонда мусулмон ишчи, аскар ва деҳқон депутатларининг I фавкуллода съезди ўз ишини бошлади. Ўша кунларда съезд В.И.Ленин ҳузурига махсус вакиллар юбориш масаласи муҳокама этилди. Чунки совет ҳокимиятининг раҳбари шахсан ўзи туркистонликларга мухторият қандай бўлишини айтиб бериши умид қилинган эди. Аммо съезд Петроградга ХКС га телеграмма юборишга қарор қилди. 1917 йил 27 декабрда Петроградга телеграмма жўнатилиб, унда «...Тошкент ХКС га ҳокимиятни Туркистон муваққат Кенгашига топшириш тўғрисида...» талаб қилинган эди. Марказий совет ҳукумати миллатлар ишлари бўйича комиссари И.Сталин 1918 йил 5 январда бу талаб хатига юборган жавобда: «Тошкентдаги совет комиссариатини йўқ қилиш ҳақида Петроградга мурожаат этишнинг ҳожати йўқ, агар комиссариатни истамасангиз, уни куч билан йўқота биламиз», деб ёзди. Сталин Туркистон Мухторияти қўлида куч йўқлигини яхши биларди.

Мухторият ҳукумати миллий кўшинни ташкил қилишга киришди. 1918 йил бошида бу кўшин сафларида бир мингдан ортиқ аскар бўлган. Ҳарбий вазир Убайдулла Хў-

жаев иштирокида ўтказилган кўрик-парад вақтида аскарлар сони 2000 кишига етган. Бундан ташқари, Қўқонда тахминан шунча миршаблар ҳам бор эди. Ҳукумат иқтисодий соҳада 30 миллион сўм миқдорида ички заём чиқаришни йўлга қўйди. Чунки газеталарни нашр қилиш, мухторият қўшинларининг таъминоти ва ҳукуматнинг ички харажатлари учун маблағ зарур эди. Шунингдек, ҳукумат аъзолари очлик чангалида қолган Туркистон аҳолисига Оренбург орқали ғалла келтириш муаммосини ҳал қилиш учун ҳам амалий қадамлар ташлади. Туркистон Мухторияти ҳукумати қисқа муддат ичида халқ ўртасида катта эътибор қозонди. Унинг фаолияти фақат Қўқонда ёхуд Фарғона водийсида эмас, балки бутун Туркистон минтақасида яшаётган туб ерли халқлар томонидан қизғин қўллаб-қувватланди. Фитрат, Чўлпон, Ҳамза мухторият ҳукумати алақаб, ўтли шеърлар битишди. Фитрат мухторият эълон қилинган 27 ноябрь тунини «Миллий Лайлатулкадримиз» деб атади.

Туркистон халқининг мухторият учун олиб борган курашида 1917 йил 13 декабрда бўлиб ўтган фожиали воқеалар муҳим ўрин тутди. Ўша куни Тошкентда эски шаҳар аҳолиси «Мухтор Туркистон учун!» шиори остида тинч байрам намойишини ўтказдилар. Аммо Тошкент советидаги большевиклар шаҳарда қуроли куч билан «тартиб» ўрнатишга буйруқ берадилар. Оқибатда тинч намойиш қатнашчилари пулемётдан ўққа тутилди, эски шаҳарлик 16 киши ана шу тўқнашув қурбони бўлди.

Мухтор ҳукуматнинг халқ ўртасидаги обрў-эътибори ва нуфузи большевикларни ташвишга солиб қўйди. 1918 йил 19-26 январь (янги ҳисоб билан 1-8 февраль)да Тошкентда бўлган Туркистон ўлкаси ишчи, солдат ва деҳқон депутатлари Советларининг фавкулудда IV съездида мухторият масаласи асосий ўринда турди. Съезд Туркистон Мухторияти ҳукумати ва унинг аъзоларини қонундан ташқари ҳолатда деб ҳукумат аъзоларини қамоққа олиш тўғрисида қарор чиқарди. Большевиклар ўзларининг бу қабиҳ ва мудҳиш «ҳукми»ни амалга оширишга зудлик билан киришдилар.

турилди. Марказ ўзининг бу фавқулодда органлари орқали Туркистон минтақасини бошқаришга, маҳаллий халқларни мустамлакачилик асоратида ушлаб туришга интилди.

Бу пайтда бутун Россияда бўлгани сингари, Туркистон республикасида ҳам «ҳарбий коммунизм» сиёсати жорий қилинди. Бу сиёсат ўз моҳиятига кўра халққа қарши қаратилган эди. У, хусусан, ҳарбий йўл билан деҳқонларга катта зарба берди. Туркистонда ҳам совет тузуми бир қатор декретлар чиқариб, озиқ-овқат развёрсткаси (тақсимоти)ни жорий қилди. Аслини олганда, деҳқондан у етиштирган маҳсулотнинг деярли ҳаммаси тортиб олинди. Бозорлар ёпилди, савдо-сотиқ таъқиқланди. 16 ёшдан 55 ёшгача бўлган барча эркак ва аёллар учун мажбурий меҳнат мажбурияти жорий қилинди. Совет тузумининг бундай мустамлакачилик сиёсати оқибатида миллий-озодлик ҳаракати минтақада кучайиб, авж олиб кетди.

4. Туркистон АССР нинг ташкил этилиши. «Ҳарбий коммунизм» сиёсати ва унинг моҳияти

Октябрь давлат тўнтаришидан сўнг, Россияда бутун ҳокимият пролетариат диктатураси қўлига ўтиши эълон қилинди. Жамият турли-туман гуруҳларга парчалаб ташланди. Бошқача қилиб айтганда, давлат қурилишининг ҳар қандай шакли ва демократиядан воз кечилиб, зўравонларча бошқарув услуби ўрнатилди. Оқибатда жамиятда алдов, куч, қўрқинч руҳи устун бўлиб қолди. Туркистонда ҳам ўлка аҳолисининг 95 фоизини ташкил этган туб аҳоли диктатурасининг қақшатқич ҳукмига бўйсундирилди.

Туркистонда большевиклар томонидан ўрнатилган совет ҳукмронлиги подшо Россиясининг мустамлакачилик сиёсатидан ҳам ошиб тушди. Туркистон ўлкасининг совет Россиясига сиёсий ва иқтисодий жиҳатдан тобелиги янада кучая бошлади.

1918 йил 20 апрель — 1 майда Тошкентда Туркистон ишчи, солдат, мусулмон ва деҳқон депутатларининг V ўлка съезди бўлиб ўтди. Съезд делегатлари совет Россияси ҳукумати

раҳбарлари В.И.Ленин ва И.В.Сталиннинг кўрсатмаси асосида 30 апрелда «Россия Совет Федерациясининг Туркистон Совет Республикаси ҳақидаги Низоми»ни қабул қилди. Ушбу Низомнинг дастлабки икки моддаси қуйидагича кўринишда эди:

1. Туркистон ўлкасининг ҳудуди Россия Совет Федерациясининг Туркистон Совет Республикаси деб эълон қилинади. Туркистон Республикасининг таркибига бутун Туркистон мамлакатининг Хива ва Бухородан ташқари, ҳозирги географик чегараси доирасидаги ҳамма ҳудуди киради.

2. Туркистон Совет Федератив Республикаси автоном тарзда бошқарилади ва Россия Совет Федерацияси марказий ҳукуматини тан олади ҳамда ўз фаолиятини у билан мувофиқлаштиради».

Туркистон Республикаси Советларининг фавқулодда V съездида (1918 йил 5-14 октябрь) РСФСР Конституцияси андозасидаги Туркистон Совет Республикаси (ТСР) Конституцияси қабул қилинди. Туркистон Советларининг IX съездида (1920 йил 19-25 сентябрь) ТСР нинг номи Туркистон Совет Социалистик Республикаси (ТССР) деб ўзгартирилди.

Туркистон ўлкасида совет автономияси эълон қилинган (1918 йил 30 апрель), минтақани советлаштиришнинг янги даври бошланди. Архив ҳужжатларида келтирилишича, мана шундай шароитда давлат органлари ва ҳукумат таркиби большевиклар ва сўл эсерлардан иборат бўлиши расмий тарзда тантанали равишда эълон қилинди.

Бироқ Туркистон АССР МИК ва ХКС таркибини ҳар икки партия аъзоларидан пропорционал ҳолатда тузилганлиги, большевикларнинг сўл эсерлар билан ҳукмронлиги узоқ вақт давом этмади. Сиёсий эътиқоднинг ўзгачалиги, сўл эсерларнинг ижтимоий келиб чиқиши (уларнинг кўпчилиги мулкдорлар синфига тааллуқли эди) большевикларнинг жазо органлари томонидан уларни жазолашга асос бўлди.

Фарғона области махсус бўлимига 1919 йил 24 сентябрда юборилган «мутлақо махфий» телеграммада кўрсатилишича, Қўқонда махсус бўлимнинг фронт шўъбаси томонидан

оммавий равишда тинтув қилиш ва қамоққа олишлар амалга оширилган. Қўқонда қамоққа олинган 64 нафар кишига «совет тузумига қарши тарғибот олиб борди», «сиёсий жиҳатдан ишончсиз», «жосус», «Эргаш қўрбошининг гуруҳида бўлган ва қурол сотиш билан шуғулланган», «буржуй бўлган», «офицер бўлган», «эсерлар партиясининг аъзоси», «турли сиёсий партияларнинг аъзоси» каби турли сиёсий айблар қўйилиб, қатағон қилинган. Большевиклар томонидан жазоланган ушбу жабрдийдалар орасида Низомиддин Тошмуҳамедов, Охунжон Турсунмуҳамедов, Муҳаммад Мурод Олим, Охун Муҳаммад Бобоев, Мулла Абдул, Эшон Зокирбоев, Охунжон ҳожи Дадажон Каримқулов, Содик Ҳожи Аминбоев каби маҳаллий аҳоли вакиллари билан биргаликда Буров, Черкашев, Эдвард Новицкий, Николай Минин, Константин Медведев, Мединский, Прокофьев сингари европалик аҳоли вакиллари ҳам бўлган.

1918 йил 17-25 июнда Тошкентда бўлиб ўтган Туркистон большевикларининг ўлка конференцияси Туркистон большевиклар (коммунистлар) партиясининг I съезди деб номланди. Ўлкадаги коммунистик гуруҳлар ушбу съездда илк марта ташкилий жиҳатдан расмийлашиб, Туркистон Коммунистик партияси — ТКП га (РКП(б) таркибида) асос солинди. Съездда И.Тоболин раислигида 7 кишидан иборат Марказий Комитет сайланди. ТКП МК таркибига маҳаллий коммунистлардан Низомиддин Хўжаев ҳам киритилди. Республика сиёсий ҳаётида Туркистон Коммунистик партияси етакчилик мавқеини эгаллади.

1918 йил 5-14 октябрда бўлган Туркистон Республикаси Советларининг фавқулодда VI съездида янги таркибдаги Туркистон Марказий Ижроия Қўмитаси (раиси — В.Вотинцев) ва Туркистон Халқ Комиссарлари Совети (раиси — В.Д.Фигельский) сайланди. Туркистонда Совет ҳукумати илк бор фақат коммунистлардан иборат равишда тузилди. Ҳолбуки, Туркистондаги аввалги совет ҳукумати таркибида большевиклардан ташқари, сўл эсерлар, меньшевиклар, максималистлар, интернационалистлар каби сиёсий партияларнинг

вакиллари ҳам бор эди. Бу ҳолат Туркистон Республикасидаги сиёсий вазиятни кескинлаштириб юборди. Чунки бу пайтда ўлкадаги сиёсий ва иқтисодий аҳвол ўта қалтис даражада эди. Шундай аҳволда низо армия қисмларига ҳам ўтиб кетди.

Назарий ва сиёсий жиҳатдан етилмаган, ўзлари чаласавод бўлган компартия етакчилари ва комиссарлар ҳокимият учун бўлаётган курашда ўзларининг шовинистик кайфияти ва манманлик даражаларини яққол намоён этдилар. Советларнинг V съездида етакчи лавозимлардан четлатилган И.Тоболин (Туркистон МИК раиси) ва Ф.Колесов (Туркистон ХКС раиси) — «эски коммунистлар» гуруҳи билан Марказдан келган ходимлар — «янги коммунистлар» гуруҳи ўртасида қаттиқ кураш авж олиб кетди. Улуғ давлатчилик сиёсати ва шовинизмнинг ашаддий тарафдори бўлган И.Тоболин съездда аламзадалик билан шундай деган эди: «Туркистонда инқилобни мен амалга оширдим. Сизларни большевик қилган ҳам мен. Сизларга бўйсунитишни истамайман».

Туркистон Республикасининг Фарғона, Самарқанд, Сирдарё вилоятларидаги 3 млн. аҳолининг аксарият қисми деҳқонлар эди. Дастлабки йилларда совет ҳокимиятининг бошқаруви ўлканинг чекка жойларига етиб бормади. Асосан шаҳарлар ва улар атрофидаги аҳоли сиёсий воқеалар гирдобига тортилган. Сиёсий зиддиятлар кескинлашган ва ҳарбий ҳаракатлар кучайган жойларда, жумладан, Фарғона вилоятида ҳокимиятни фавқулодда органлар — инқилобий қўмиталар (ревкомлар) ҳарбий шароит қоидалари бўйича бошқарди. 1920 йилда ҳам совет қурилиши аҳолининг арзимас қисмини қамраб олган эди.

Туркистонда совет ҳокимияти қурила бориши билан ижтимоий муносабатдаги зиддиятлар кучайди. Туркистон Республикаси «халқ» комиссарликларида кучли бюрократия авж олиб кетди. Совет бюрократиясининг табиатини атоқли рус файласуфи Н.А.Бердяев шундай изоҳлайди: «Пролетариат диктатураси давлат ҳокимиятини кучайтирар экан, бутун мамлакатни ўргимчак тўри сингари босиб кетган ҳаддан

ташқари улкан бюрократияни вужудга келтирди. Бу янги совет бюрократияси империя бюрократиясидан кучли бўлиб, янги имтиёзли кишилар табақасини етиштирдик, улар халқ оммасини шафқатсиз эзиши мумкин».

Амалдорларнинг саботажларини қийинчилик билан енгган большевиклар қайтадан уларни давлат бошқарувига оммавий жалб этишга мажбур бўлишди. Натижада, В.Д. Бонч-Бруевич ёзганидек, «Янги ҳаётнинг бошланганига бир неча ой бўлмай туриб, Москва ва Петроград, сўнгра унинг орқасидан барча шаҳарлар ва бепоён Россия янги амалдорлар қатлами билан тўлиб тошди. Худди дунё яралгандан бери бизнинг кунларимизгача, яъни Октябрь революциясидан кейинги кунлардагидек қуёш нурлари тараладиган бирор ерда биздагидек қудратли, тўлиб, тошган амалдорлар оқими бўлмагандек». Ушбу бюрократия Россия империяси генерал-губернаторлиги аппаратидан ҳажми ва савод даражаси билан ажралиб турар эди.

Хуллас, Туркистонда диктатурани ўз қўлида мустаҳкам тутиб туриши мумкин бўлган пролетариат қатлами маҳаллий аҳоли орасида шаклланмади. Европалик миллатларга мансуб ишчилар аввалги ҳукуматнинг империяча сиёсатидан заҳарланганлиги боис, сиёсий элита учун даъвогарлик қила олмади. Большевикларнинг фикрича, Туркистонда совет ҳокимияти қурилишида Россия пролетариати ва унинг асосий кучи Россия Коммунистик партиясига таяниш зарур эди.

1920 йил 5 майда Туркистон Компартияси МК ва Бутунроссия МИК ҳамда РСФСР ХКС ҳузуридаги Туркистон комиссияси (Турккомиссия)нинг қабул қилинган «мутлақо махфий» резолюцияларининг бирида Туркистондаги партия ва совет органларига қуйидагича кўрсатма берилган:

1) Туркистонда алоҳида гуруҳларнинг РКП (б) асосий йўналишига қарши чиқувчи ҳар қандай уринишларининг илдинини қуритиш, ҳусусан, совет ҳокимиятининг тадбирларига қаршилик қилувчи турли хил ташкилотларнинг партиясиз ва партиявий унсурлари: империя амалдорлари, қишлоқ қулоқлари, сўл эсерлар, бойлар, руҳонийларга қарши кураш олиб бориш, бундан ташқари, европалик аҳоли қатламла-

ридан мустамлакачилик қолдиқларини тугатиш ҳамда Ўлка комитетининг Еттисув бўйича қабул қилган қарорларини амалга ошириш;

2) Туркистон Коммунистик партияси сафларида синчиклаб тозалаш ўтказиш керак. Бунда уларнинг орасидан антикоммунистик унсурлар, асосан сўл эсерларни юлқиб ташлаш лозим;

4) қизил армия сафларини мустамлакачилик оғусига чалинган қатламдан тозалаш лозим. Ҳозиргача қоғозда қолиб келаётган мусулмон аҳолисини мунтазам армияга олиш ҳақидаги қарорларни амалга ошириш керак;

5) кенг тарқалган порахўрлик ва бюрократизмга қарши курашиш учун ижроия қўмита, инқилобий қўмиталар ва Туркистондаги бошқа ташкилотлар штатини имконият даражасигача қисқартириш керак;

6) Ўлка Комитети ва РКП (б) комитетлари амалдорлар қатламига айланиб улгурган ва маҳаллий аҳоли билан ишлашни истамайдиган Туркистон Компартияси аъзоларининг европалик қисмини туб аҳолининг (урф-одатлари, тил ва ҳақ-ҳуқуқларни билмайдиган) эзилган маҳаллий аҳоли билан оммавий фаолиятни ташкил этишга мажбур этиш, барча коммунистларга маҳаллий тиллардан бирини ўргатишни шарт қилиб қўйиш.

Туркистон АССР даги Ишчи-деҳқон милицияси ва Ишчи-деҳқон инспекцияси сингари назорат органларининг 1917-1924 йиллардаги фаолияти таҳлил қилинса, партия ташкилотларида мавжуд бўлган кўплаб иллатлар уларда ҳам борлигини кўриш мумкин.

Совет режими 1920 йили Туркистон ўлкасини советлаштириш жараёнидаги янги босқични бошлади. 1920 йил февралда Хива хонлиги, 1920 йил сентябрда Бухоро амирлиги қизил армиянинг ҳарбий қисмлари томонидан афдариб ташланди. 1919 йил 8 октябрда Бутун Россия МИК ва РСФСР ХКС нинг Туркистон ишлари бўйича комиссияси (Турккомиссия) ҳамда 1920 йил июнда РКП (б) МК Туркистон бюроси (Туркбюро) тузилиб, Туркистонга жўнатилды. Туркбюро Марказнинг голавий-сиёсий таъсирини кучайтириш мақсадида больше-

ташқари улкан бюрократияни вужудга келтирди. Бу янги совет бюрократияси империя бюрократиясидан кучли бўлиб, янги имтиёзли кишилар табақасини етишгирдики, улар халқ оммасини шафқатсиз эзиши мумкин».

Амалдорларнинг саботажларини қийинчилик билан енгган большевиклар қайтадан уларни давлат бошқарувига оммавий жалб этишга мажбур бўлишди. Натижада, В.Д. Бонч-Бруевич ёзганидек, «Янги ҳаётнинг бошланганига бир неча ой бўлмай туриб, Москва ва Петроград, сўнгра унинг орқасидан барча шаҳарлар ва бепоён Россия янги амалдорлар қатлами билан тўлиб тошди. Худди дунё яралгандан бери бизнинг кунларимизгача, яъни Октябрь революциясидан кейинги кунлардагидек қуёш нурлари тараладиган бирор ерда биздагидек қудратли, тўлиб, тошган амалдорлар оқими бўлмагандек». Ушбу бюрократия Россия империяси генерал-губернаторлиги аппаратидан ҳажми ва савод даражаси билан ажралиб турар эди.

Хуллас, Туркистонда диктатурани ўз қўлида мустаҳкам тутиб туриши мумкин бўлган пролетариат қатлами маҳаллий аҳоли орасида шаклланмади. Европалик миллатларга мансуб ишчилар аввалги ҳукуматнинг империяча сиёсатидан заҳарланганлиги боис, сиёсий элита учун даъвогарлик қила олмади. Большевикларнинг фикрича, Туркистонда совет ҳокимияти қурилишида Россия пролетариати ва унинг асосий кучи Россия Коммунистик партиясига таяниш зарур эди.

1920 йил 5 майда Туркистон Компартияси МК ва Бутунроссия МИК ҳамда РСФСР ХКС ҳузуридаги Туркистон комиссияси (Турккомиссия)нинг қабул қилинган «мутлақо махфий» резолюцияларининг бирида Туркистондаги партия ва совет органларига қуйидагича кўрсатма берилган:

1) Туркистонда алоҳида гуруҳларнинг РКП (б) асосий йўналишига қарши чиқувчи ҳар қандай уринишларининг илдизини қуритиш, ҳусусан, совет ҳокимиятининг тадбирларига қаршилик қилувчи турли хил ташкилотларнинг партиясиз ва партиявий унсурлари: империя амалдорлари, қишлоқ кулоқлари, сўл эсерлар, бойлар, руҳонийларга қарши кураш олиб бориш, бундан ташқари, европалик аҳоли қатламла-

ридан мустамлакачилик қолдиқларини тугатиш ҳамда Ўлка комитетининг Еттисув бўйича қабул қилган қарорларини амалга ошириш;

2) Туркистон Коммунистик партияси сафларида синчиклаб тозалаш ўтказиш керак. Бунда уларнинг орасидан антикоммунистик унсурлар, асосан сўл эсерларни юлқиб ташлаш лозим;

4) қизил армия сафларини мустамлакачилик оғусига чалинган қатламдан тозалаш лозим. Ҳозиргача қоғозда қолиб келаётган мусулмон аҳолисини мунтазам армияга олиш ҳақидаги қарорларни амалга ошириш керак;

5) кенг тарқалган порахўрлик ва бюрократизмга қарши курашиш учун ижроия қўмита, инқилобий қўмиталар ва Туркистондаги бошқа ташкилотлар штатини имконият даражасигача қисқартириш керак;

6) Ўлка Комитети ва РКП (б) комитетлари амалдорлар қатламига айланиб улгурган ва маҳаллий аҳоли билан ишлашни истамайдиган Туркистон Компартияси аъзоларининг европалик қисмини туб аҳолининг (урф-одатлари, тил ва ҳақ-ҳуқуқларни билмайдиган) эзилган маҳаллий аҳоли билан оммавий фаолиятни ташкил этишга мажбур этиш, барча коммунистларга маҳаллий тиллардан бирини ўргатишни шарт қилиб қўйиш.

Туркистон АССР даги Ишчи-деҳқон милицияси ва Ишчи-деҳқон инспекцияси сингари назорат органларининг 1917-1924 йиллардаги фаолияти таҳлил қилинса, партия ташкилотларида мавжуд бўлган кўплаб иллатлар уларда ҳам борлигини кўриш мумкин.

Совет режими 1920 йили Туркистон ўлкасини советлаштириш жараёнидаги янги босқични бошлади. 1920 йил февралда Хива хонлиги, 1920 йил сентябрда Бухоро амирлиги қизил армиянинг ҳарбий қисмлари томонидан афдариб ташланди. 1919 йил 8 октябрда Бутун Россия МИК ва РСФСР ХКС нинг Туркистон ишлари бўйича комиссияси (Турккомиссия) ҳамда 1920 йил июнда РКП (б) МК Туркистон бюроси (Туркбюро) тузилиб, Туркистонга жўнатилди. Туркбюро Марказнинг гоаявий-сиёсий таъсирини кучайтириш мақсадида больше-

виклар партияси сафларини мунтазам равишда «ёт унсурлар»дан тозалаб турди. Бу вазифани амалга ошириш учун Марказ Туркистон минтақасига доимий равишда «тажрибали партия ва совет ходимлари»ни, яъни ўз вакилларини жўнатиб турди. Кейинчалик РКП (б) МК Туркистон бюроси ВКП (б) МК Ўрта Осиё бюроси (Средазбюро)га айлантирилди.

Шу даврдан эътиборан Туркистонда большевиклар партиясининг яқка ҳукмронлиги бошланди. Совет ҳокимиятининг 70 йиллик тарихи давомида «партия» сўзи тилга олинганда фақат Коммунистик партия кўзда тутилди. Коммунистлар бутун совет жамиятида ҳал қилувчи сиёсий кучга, давлат ичидаги давлатга айландилар. Коммунистларнинг ҳукмронлик мавқеига ҳатто совет Конституциясида махсус модда билан ҳуқуқий жиҳатдан қонуний тус берилди. Бу ҳолат совет жамиятида, бир томондан, коммунистларнинг мавқеини оширишга хизмат қилган бўлса, иккинчи томондан, халқ ўртасида «коммунистик элита» — бошқарув тизимининг обрўсизланишига, коммунистларнинг халқ нафратига учрашига олиб келди. Совет жамиятида коммунистларга нисбатан нафрат аста-секин, бироқ муттасил равишда кучайиб борди.

Туркистон Советларининг V ўлка съезди (1918 йил 20 апрель — 1 май) Совет Туркистонининг қонун чиқарувчи олий органи — 36 кишидан иборат (18 тадан большевиклар ва сўл эсерлар кирган) — Туркистон Совет Республикаси Марказий Ижроия Комитети (ТСР МИК)ни сайлади.

Туркистон МИК раиси қилиб Марказдаги ҳукуматнинг фавқулодда комиссари П.А.Кобозев (ҳамраис қилиб А.Солькин) сайланган. Шунингдек, Туркистон Совет Республикаси Халқ Комиссарлари Совети (ТСР ХКС) таркибига 16 киши (9 та большевик ва 7 та сўл эсер) киритилди. Ф.Колесов Туркистон ХКС раиси қилиб сайланди. Биринчи марта маҳаллий миллат вакилларидан 4 киши С.Жўрабоев, С.Юсупов, Ш.Остонбоев, С.Азимбоевлар Туркистон МИК аъзолигига сайланди. Саъдуллаҳўжа Турсунхўжаев (ТСР Соғлиқни сақлаш халқ комиссари), Тошхўжа Ашурхўжаев (ТСР Миллатлар ишлари

халқ комиссари) — туб халқларнинг дастлабки вакиллари сифатида совет ҳукумати таркибига киритилди. Шунингдек, татарлардан Исмоил Обидий ТСР Ички ишлар халқ комиссари ва Ҳ.Иброҳимов Адлия халқ комиссари қилиб сайланди.

Марказ Туркистон ўлкасини советлаштириш жараёнини амалга ошириш учун барча воситаларини ишга солди. Биринчидан, совет Россиясининг Туркистондаги сиёсий ҳукмронлиги ўлкада совет асосидаги автономиянинг ўрнатилиши (1918 йил апрель) билан йўлга қўйилган бўлса, бу жараённинг иккинчи босқичи, давлат бошқаруви асосий функцияларининг федерал «қонуний» ҳукуматга топширилишининг конституция йўли билан расмийлаштирилиши (1918 йил октябрь) бўлди.

Совет Россияси Туркистон ўлкасининг сиёсий ва иқтисодий қарамлигини ҳуқуқий йўл билан «қонуний» жиҳатдан мустақкамлагач, ўлкани бошқариш учун Марказ манфаатларининг сўзсиз ижрочиси бўлган ўз эмиссарларини жўната бошлади. Туркистон минтақаси Марказ билан вақтинчалик боғланиб турган қисқа муддат ичида (1919 йил январ-апрель) совет ҳукумати бу ерга «тажрибали партия ва совет ходимлари»дан иборат ана шундай эмиссарлар юборишни мунтазам йўлга қўйди.

1919 йил 12 февралда РКП(б) МК ва РСФСР ХКС нинг Туркистон ишлари билан шуғулланувчи алоҳида муваққат комиссияси тузилди. Ш.З.Элиава раислик қилган бу комиссияга А.С.Киселёв ва П.А.Кобозев киритилган эди.

Муваққат Туркистон комиссиясининг вазифалари РКП (б) МК кўрсатмаси билан РСФСР Миллатлар ишлари халқ комиссари И.В.Сталин томонидан 1919 йил 12 февралда ёзилган «Туркистондаги советлар ва партия ташкилотларига» махсус хат ва «Правда» газетасида 2 мартда босилган «Бизнинг Шарқдаги вазифаларимиз» номли мақолада батафсил баён қилинди. 1919 йил 17 мартда бўлган РКП (б) МК пленумида муваққат Туркистон комиссияси таркибига қўшимча равишда Ф.И.Голошчекин ва Г.И.Бокийлар киритилди. Лекин комиссия аъзоларидан фақат П.Кобозев бошчилигидаги бир гуруҳ ходимлар 4 март куни Тошкентга етиб

келишди, холос. Комиссия Тошкентда 1919 йил январь ойида бўлган Осипов исёни натижасида деярли раҳбариятсиз қолган Туркистон республикасида бутун бошқарувни ўз қўлига олиши, ўлкада Россия ҳукуматининг декрет ва қарорлари сўзсиз бажарилишини қатъий назорат қилиши керак эди.

Туркистон ўт-олов ичида ёнаётган бир пайтда — 1919 йил 8 октябрда В.И.Ленин Бутунроссия МИК ва РСФСР ХКС нинг Туркистон ишлари бўйича комиссияси (Турккомиссия)ни Ш.З.Элиава (раис), В.В.Куйбишев (раис муовини), М.В.Фрунзе, Г.И.Бокий, Ф.И.Голошчекин, Р.Э.Рудзутақдан иборат таркибда тузиш тўғрисидаги қарорни имзолади. Туркистон комиссиясининг асосий таркиби 1919 йил 4 ноябрда Тошкентга етиб келди. М.В.Фрунзе ва Г.И.Бокий бирмунча вақт Самарада ушланиб қолиб, сўнгра Тошкентга келишди. Туркистон комиссияси амалда минтақадаги барча партия, совет, хўжалик ва ҳарбий ташкилотларга раҳбарлик қилиб, Марказдаги большевистик сиёсатни қатъий равишда амалга оширишга киришди. Туркистон комиссияси ўлка тарихида ўта машъум роль ўйнади.

Масъул вазифалар Туркистон комиссияси аъзолари ўртасида қуйидагича тақсимланган: Ш.З.Элиава — комиссия раиси, шунингдек, унга Туркистон совет ва маъмурий муассасаларига раҳбарлик қилиш ҳам топширилган; В.В.Куйбишев — ҳарбий сиёсат масалалари билан шуғулланди (у 1920 йил майидан бошлаб Турккомиссияга раислик қилди) ва Ф.И.Голошчекин билан бирга партиявий ишларга раҳбарлик қилди; Я.Э.Рудзутақ эса иқтисодий сиёсат ва озиқ-овқат органларига раҳбарлик қилиш билан шуғулланди. Шунингдек, М.В.Фрунзе ҳарбий ҳаракатлар билан бевосита шуғулланса, Г.И.Бокий республикадаги ЧК (Фавқулодда комиссия) органлари ва Туркистон фронтининг махсус бўлим ишларини назорат қилиши лозим эди.

Совет ҳокимияти ўз кўрсатмалари бажарилишини осонлаштириш, туб халқларни янги ҳокимиятдаги бошқарув ишларига жалб қилиб, туркистонликларни ўз томонларига оғдириш учун кейинчалик Туркистон комиссияси фаолия-

тига маҳаллий халқ вакилларида иборат «миллий коммунистлар»ни ҳам жалб қилди. Абдулла Раҳимбоев ва Собир Юсупов (иккаласи ҳам ўзбек), Назир Тўрақулов ва Султонбек Хўжанов (иккаласи ҳам қозоқ), Қайғусиз Отабоев (туркман), шунингдек, В.П.Ногин (рус), Д.Ю.Гопнер (яхудий) 1920 йил январда Туркистон комиссиясининг аъзолари бўдилар. Бундан ташқари, Турор Рисқулов ва Юсуф Ибрагимовлар Турккомиссия таркибига киритилди.

Туркистон ўлкасида совет режимига қарши бошланиб кетган қуроли ҳаракат Марказий ҳукуматнинг маҳаллий аҳолига нисбатан олиб бораётган сиёсатини бир оз юмшатишга мажбур қилди. РКП (б) МК нинг 1919 йил 12 июлда Туркистон Компартияси (ТКП) Ўлка комитети ҳамда Туркистон МИК номига йўлаган радиограммасида маҳаллий аҳолини давлат фаолиятида иштирок этишга кенг жалб қилиш зарурлиги қўйидагича кўрсатиб ўтилган эди: «...ишчи-деҳқон ҳукуматининг Шарқдаги сиёсати манфаатларини кўзлаб, Туркистоннинг ерли аҳолисини, партиёга мансубликни шарт қилиб қўймай, номзодларнинг мусулмон ишчи ташкилотлари томонидан кўрсатилганлиги билан кифояланиб, давлат ишларига кенг пропорционал тарзда жалб этиш лозим».

Буюк давлатчилик шовинизми билан заҳарланган бир гуруҳ масъул партиё ва совет ходимлари бу радиограммага қарши чиқишди. «Актив группа» деб номланган бу гуруҳга Туркистон МИК раиси А.А.Казаков, унинг ўринбосари К.Успенский, Туркистон ХКС раиси К.Е. Сорокин ва уларнинг тарафдорлари кирган эди. Улар РКП (б) МК номига йўлаган телеграммада ўлкани бошқаришга маҳаллий аҳолини кенг жалб қилиш ҳақидаги директивани тезлик билан бажариш мазкур минтақада совет ҳокимиятининг ҳалокатига олиб келиши мумкинлигини исботлаб кўришга уриндилар.

Марказ Туркистон Комиссияси (Турккомиссия) фаолиятини янада кучайтириш, партиёвий раҳбарликни амалга ошириш учун янги ташкилот тузди. 1920 йил июлда РКП (б) МК нинг Туркистон бюроси (Туркбюро) ташкил қилинди ва

у Москвадан Туркистонга жўнатилди. Туркбюро ҳам Турккомиссия сингари Тошкентда фаолият кўрсатди.

Туркистон бюроси партия ташкилотларини назорат қилиши, республика коммунистларининг «ғоявий штаби» бўлиши керак эди. Туркистон бюросининг дастлабки таркиби РКП (б) МК Ташкилий бюроси томонидан 1920 йил 29 июлда қуйидагича тасдиқланди: Г.Я.Сокольников (раис), Л.М.Каганович, Я.Х.Петерс, Г.И. Сафаров, Я.З.Суриц. Туркистон бюроси Туркистон Комиссиясининг издоши ва партиявий раҳбари сифатида минтақада Марказнинг мустамлакачилик сиёсатини ўтказишга интилди. Шунингдек, 1920 йил 29 июлда Туркистон Комиссиясининг янги таркиби Г.Я.Сокольников бошчилигида Москвада тасдиқланган эди.

Туркистон бюроси фаолиятини 1920-1922 йилларда Г.Я.Сокольников, Я.Э.Рудзутак, А.А.Иоффе ва С.И.Гусев бошқарди. Туркистон бюроси таркибига 1921 йил декабрдан бошлаб маҳаллий раҳбарлардан Қайғусиз Отабоев (туркман), Абдулла Раҳимбоев (ўзбек), Назир Тўрақулов (қозоқ), Файзулла Хўжаев (ўзбек) киритилди.

Туркистон бюроси Марказнинг Туркистон минтақасидаги ишончли мафкуравий идораси эди. Туркистон, Бухоро, Хоразм республикаларида большевиклар ташкил қилган коммунистик партияларга бюро «ғоявий-ташкилий» жиҳатдан «ёрдам бериши ва мустаҳкамлаши» лозим эди. Аслида Туркистон бюросининг ташкил қилинишига Бухоро амирлигини босиб олиниши, Ўрта Осиё республикаларида совет режимига қарши қуроли ҳаракатнинг кучайиши, кейинчалик Туркистон АССР, БХСР ва ХХСР даги бир қатор раҳбар кадрларнинг миллий манфаатларни қатъийлик билан ҳимоя қилиши, миллий республикаларда «советлаштириш» жараёнининг жадаллик билан амалга ошмаётганлиги, энг асосийси, Марказнинг Ўрта Осиё республикаларидаги маҳаллий раҳбар кадрларга ишонмаслиги сабаб бўлган эди.

Туркистон бюроси Марказнинг ғоявий-сиёсий таъсирини кучайтириш мақсадида партия сафларини мунтазам равишда «ёт унсурлар»дан тозалаб турди. Миллий раҳбар ходимларнинг «ғоявий софлиги»ни назорат қилди. Бу ва-

зифани амалга ошириш учун Марказ Туркистонга мунтазам равишда «тажрибали большевиклар»ни юбориб турди. Фақат 1921 йилда РКП (б) МК Туркистон бюроси ихтиёрига Марказдан 354 нафар коммунистларни эмиссарлар сифатида юборди. Улар Туркистон, Бухоро, Хоразм республикаларида масъул лавозимларда ишладилар. Марказ амалдорлари Туркистон халқларининг шарт-шароитлари, урф-одатлари ва хусусиятларини билмаган ҳолда зўравонлик билан ҳокимият органларида ҳукмронлик қилдилар. Улар маҳаллий аҳолининг ҳақ-ҳуқуқини менсимай, уларнинг манфаатларига қарши сиёсат юритдилар.

Туркистон комиссиясига эса Марказнинг бошқа ташкилотларига нисбатан амалда улкан ҳуқуқлар берилган эди. Уларнинг асосий вазифаси қандай қилиб бўлса ҳам Туркистонда совет ҳокимиятини сақлаб қолиш ва мустаҳкамлаш эди. Туркистон Комиссияси бу вазифани амалга оширишда зўравонлик усулидан асосий восита сифатида фойдаланди. У ўз фаолиятининг дастлабки кунларидан бошлаб ҳукмини ўтказишга ҳаракат қилди. Марказдан келган комиссия аъзолари худди Туркбюро аъзолари каби Туркистондаги миллий раҳбар ходимлар (миллий коммунистлар)ни ўлка ва халқ манфаатларини ҳимоя қилишларига, Марказ сиёсатига қарши чиқишларнинг барча кўринишларига қарши аёвсиз курашдилар. Айниқса, Туркистон минтақасидаги истиклолчилик ҳаракатини тугатиш учун комиссия барча имкониятларини ишга солди. Туркистон комиссиясини тугатиш учун интилган Турор Рисқулов ва унинг тарафдорлари масъул лавозимлардан олиб ташланди ва ўлкадан бадарға қилинди. Миллий раҳбар ходимларга нисбатан таъқиб ва қатагон сиёсати қўлланилди. Совет ҳокимиятига хайрихоҳ бўлмаган маҳаллий аҳоли вакиллари «босмачилар»га шерик сифатида ёки бошқа антисовет ҳаракатларда айбланиб, қамоқхоналарга ташланди. Ўша давр учун оммавий бўлган суд ва суроқларсиз уларнинг қўлчилиги отиб ташланди. XX асрнинг 20-йилларида ишчи, солдат ва деҳқон депутатлари совети аъзоларидан жазо экспедициялари тузиш ва режа асосида фаолият кўрсатиш талаб этилган.

у Москвадан Туркистонга жўнатилди. Туркбюро ҳам Турккомиссия сингари Тошкентда фаолият кўрсатди.

Туркистон бюроси партия ташкилотларини назорат қилиши, республика коммунистларининг «ғоявий штаби» бўлиши керак эди. Туркистон бюросининг дастлабки таркиби РКП (б) МК Ташкилий бюроси томонидан 1920 йил 29 июлда қуйидагича тасдиқланди: Г.Я.Сокольников (раис), Л.М.Каганович, Я.Х.Петерс, Г.И. Сафаров, Я.З.Суриц. Туркистон бюроси Туркистон Комиссиясининг издоши ва партиявий раҳбари сифатида минтақада Марказнинг мустамлакачилик сиёсатини ўтказишга интилди. Шунингдек, 1920 йил 29 июлда Туркистон Комиссиясининг янги таркиби Г.Я.Сокольников бошчилигида Москвада тасдиқланган эди.

Туркистон бюроси фаолиятини 1920-1922 йилларда Г.Я. Сокольников, Я.Э.Рудзутак, А.А.Иоффе ва С.И.Гусев бошқарди. Туркистон бюроси таркибига 1921 йил декабрдан бошлаб маҳаллий раҳбарлардан Қайғусиз Отабоев (туркман), Абдулла Раҳимбоев (ўзбек), Назир Тўрақулов (қозоқ), Файзулла Хўжаев (ўзбек) киритилди.

Туркистон бюроси Марказнинг Туркистон минтақасидаги ишончли мафкуравий идораси эди. Туркистон, Бухоро, Хоразм республикаларида большевиклар ташкил қилган коммунистик партияларга бюро «ғоявий-ташкилий» жиҳатдан «ёрдам бериши ва мустаҳкамлаши» лозим эди. Аслида Туркистон бюросининг ташкил қилинишига Бухоро амирлигини босиб олиниши, Ўрта Осиё республикаларида совет режимига қарши қуролли ҳаракатнинг кучайиши, кейинчалик Туркистон АССР, БХСР ва ХХСР даги бир қатор раҳбар кадрларнинг миллий манфаатларни қатъийлик билан ҳимоя қилиши, миллий республикаларда «советлаштириш» жараёнининг жадаллик билан амалга ошмаётганлиги, энг асосийси, Марказнинг Ўрта Осиё республикаларидаги маҳаллий раҳбар кадрларга ишонмаслиги сабаб бўлган эди.

Туркистон бюроси Марказнинг ғоявий-сиёсий таъсирини кучайтириш мақсадида партия сафларини мунтазам равишда «ёт унсурлар»дан тозалаб турди. Миллий раҳбар ходимларнинг «ғоявий софлиги»ни назорат қилди. Бу ва-

зифани амалга ошириш учун Марказ Туркистонга мунтазам равишда «тажрибали большевиклар»ни юбориб турди. Фақат 1921 йилда РКП (б) МК Туркистон бюроси ихтиёрига Марказдан 354 нафар коммунистларни эмиссарлар сифатида юборди. Улар Туркистон, Бухоро, Хоразм республикаларида масъул лавозимларда ишладилар. Марказ амалдорлари Туркистон халқларининг шарт-шароитлари, урф-одатлари ва хусусиятларини билмаган ҳолда зўравонлик билан ҳокимият органларида ҳукмронлик қилдилар. Улар маҳаллий аҳолининг ҳақ-ҳуқуқини менсимай, уларнинг манфаатларига қарши сиёсат юритдилар.

Туркистон комиссиясига эса Марказнинг бошқа ташкилотларига нисбатан амалда улкан ҳуқуқлар берилган эди. Уларнинг асосий вазифаси қандай қилиб бўлса ҳам Туркистонда совет ҳокимиятини сақлаб қолиш ва мустаҳкамлаш эди. Туркистон Комиссияси бу вазифани амалга оширишда зўравонлик усулидан асосий восита сифатида фойдаланди. У ўз фаолиятининг дастлабки кунларидан бошлаб ҳукмини ўтказишга ҳаракат қилди. Марказдан келган комиссия аъзолари худди Туркбюро аъзолари каби Туркистондаги миллий раҳбар ходимлар (миллий коммунистлар)ни ўлка ва халқ манфаатларини ҳимоя қилишларига, Марказ сиёсатига қарши чиқишларнинг барча кўринишларига қарши аёвсиз курашдилар. Айниқса, Туркистон минтақасидаги истиқлолчилик ҳаракатини тугатиш учун комиссия барча имкониятларини ишга солди. Туркистон комиссиясини тугатиш учун интилган Турор Рисқулов ва унинг тарафдорлари масъул лавозимлардан олиб ташланди ва ўлкадан бадарға қилинди. Миллий раҳбар ходимларга нисбатан таъқиб ва қатагон сиёсати қўлланилди. Совет ҳокимиятига хайрихоҳ бўлмаган маҳаллий аҳоли вакиллари «босмачилар»га шерик сифатида ёки бошқа антисовет ҳаракатларда айбланиб, қамоқхоналарга ташланди. Ўша давр учун оммавий бўлган суд ва сўроқларсиз уларнинг кўпчилиги отиб ташланди. XX асрнинг 20-йилларида ишчи, солдат ва деҳқон депутатлари совети аъзоларидан жазо экспедициялари тузиш ва режа асосида фаолият кўрсатиш талаб этилган.

Туркистон АССР да аслида Туркистон МИК ёки Туркистон ХКС эмас, балки Туркистон Комиссияси ва Туркистон бюроси ҳукмрон эди. Минтақада амалга оширилиши зарур бўлган барча ижтимоий-сиёсий, иқтисодий ва маданий масалалар фақат Туркистон Комиссияси рухсати ва кўрсатмаси билан ҳал қилинди.

Ўрта Осиёдаги охириги миллий давлатлар бўлган Хива хонлиги ва Бухоро амирлигининг тугатилишида Туркистон Комиссияси асосий ролни ўйнади. Бу мустақил давлатларга нисбатан босқинчилик режалари Туркистон комиссияси аъзолари М.В.Фрунзе, В.В.Куйбишев, Ф.Голошчекин ва бошқалар томонидан ишлаб чиқилди ҳамда Марказнинг рухсати билан амалга оширилди. Бухоро ва Хоразмда совет республикалари (БХСР, ХХСР; кейинчалик БССР, ХССР) ташкил қилиниши ҳам Туркистон Комиссияси «сценарийси» асосида қилинди. Туркистон комиссияси минтақада муштамлақачилик сиёсатини олиб борди. Бухоро амирлиги ва Хива хонлиги бойликларининг, минтақадаги хомашё ресурсларининг мунтазам равишда Марказга олиб кетилишига раҳбарлик қилди.

Хуллас, Туркистон комиссияси ва Туркистон бюроси минтақадаги барча ҳукумат органларидан устун туриб, республикадаги юқори партия ва давлат назоратини амалга оширдилар. Сиёсий назорат сифатида эса халқнинг барча қатламлари кайфиятидан туну кун бохабар бўлиб боришди. Бунда нафақат «антисовет элементлар», балки ишчи, деҳқон ва айниқса, зиёлилар доимий назоратда бўлишди. Бундан ташқари, Марказ Туркистон ўлкасига партия, совет ва хўжалик ходимларининг кўп сонли «десантлар» ини мунтазам равишда юбориб турди. Фақат 1920 йилдан 1923 йилгача бўлган даврда Туркистон АССР га 1396 нафар Марказ вакили жўнатилди. Улар орасида С.М.Будённий, Г.И.Бройдо, Г.Бокий, С.Гусев, В.В.Куйбишев, С.С.Каменев, Л.М.Каганович, Ф.Голошчекин, А.Иоффе, В.Новин, Я.Э.Рудзутак, Я.Х.Петерс, Г.Сокольников, Г.Сафаров, С.Оржоникидзе, М.Томский, Л.Д.Троцкий, М.В.Фрунзе, Ш.Элиава ва бошқа таниқли совет намоёндалари бор эди. Совет ҳокимияти йилларида бу

«тажриба» муттасил равишда амалга ошириб турилди.

1922 йил майда РКП (Б) МК Туркистон бюроси партиянинг Ўрта Осиё бюроси (Средазбюро)га айлантирилди. РКП (Б) МК Ўрта Осиё бюросига Туркбюро зимасидаги барча вазибалар юкланди, шу билан бирга унинг ғоявий ва сиёсий таъсир доираси янада кенгайди. Туркистон АССР, БХСР ва ХХСР да советлаштириш жараёнининг сўнгги босқичи, Ўрта Осиёда ўтказилган миллий-худудий чегараланиш, коллективлаштириш ва қулоқлаштириш сиёсати, индустриаллаштириш, Ўзбекистон ССР ни хомашё базасига айлантириш, мулкдорларни синф сифатида тугатиш, Ўрта Осиё ва Қозоғистонда амалга оширилган репрессия бевосита РКП (Б) МК Ўрта Осиё бюросининг ғоявий раҳнамолиги ва қатъий назорати остида амалга оширилди. Ўрта Осиё ва Қозоғистон республикаларидаги барча ғоявий-сиёсий тадбирлар ва ўзгаришлар Средазбюронинг руҳсати ҳамда унинг раҳбарлигида қилинди. Туркистон бюроси ва Ўрта Осиё бюроси Марказнинг ушбу минтақа устидан назорат қилувчи махсус бошқарув органи эди. Ўрта Осиё ва Қозоғистон республикалари раҳбарияти бу ташкилотга сўзсиз бўйсунушга мажбур эдилар.

Хуллас, Туркистон комиссияси, Туркистон бюроси, Ўрта Осиё бюроси сингари Марказнинг ваколатли органлари Туркистон АССР, БХСР, ХХСР, Ўзбекистон ССР даги фаолияти давомида маҳаллий халқ турмушига ёт бўлган коммунистик ғояни сингдириш билан бир қаторда, миллий раҳбар ходимлар ва зиёлиларга нисбатан кўплаб қувғин ва қатағонларни уюштирдилар. Маҳаллий аҳолининг миллий маданияти, ислом дини ва қадриятлари топталишига раҳбарлик қилди. Марказнинг ваколатли органлари, айниқса, Ўрта Осиё бюроси бошқарувнинг шундай шаклини ишлаб чиқдики, Ўзбекистондаги барча ташкилотлар пировардида бу механизмнинг бир қисмини ташкил этди.

Туркистон АССР МИК раиси Т.Рисқуловнинг Москвага жўнаб кетишидан сал олдин, 1920 йил 8 мартда РКП (Б) МК Туркистон автономияси ва партия қурилиши ҳақидаги қарорни қабул қилди, натижада, «Туркистон туркий халқларининг коммунистик партияси ва Турк Республикаси тузиш»

ҳақидаги қарор РКП (б) МК томонидан ноқонуний равишда рад қилинади.

«Туркистон автономияси тўғрисидаги Низом» деб номланган РКП (б) МК нинг ушбу қарориди федерал ҳукумат органлари бўлган мудофаа, ташқи алоқалар, темир йўл, почта ва телеграф алоқаси, молия ишларини Бутунроссия миқёсида марказлаштириш уқтирилди.

Т.Рисқулов бошчилигидаги Туркистон делегацияси РКП (б) МК нинг бу қарорига норозилик билдириб, «Туркистонда давлат қурилиши тўғрисидаги Низом» лойиҳасини ҳимоя қилиш учун 1920 йил 17 майда Москвага етиб борди. Туркистон АССР МИК раиси Т.Рисқулов ўша куниёқ партия МК га ушбу ҳужжат матнини топширади. Мазкур Низом лойиҳасида қуйидаги талаблар битилган эди:

а) Туркистонда кучли мусулмон армиясини ташкил этиш ва руслардан тузилган қизил армия қисмларини тугатиш;

б) Туркистон республикасида ҳарбий комиссариатни тиклаш, унга қизил армия тузиш ва тарбиялашни топшириш, Туркистонда ҳарбий қисмларни фақат маҳаллий аҳолидан тузиш;

в) Туркистонда бутун ҳокимиятни Советлар съездида, Туркистон МИК ва ХКС га топшириш;

г) Турккомиссияни тугатиш;

д) Туркистонга мусулмон ҳарбий ва сиёсий ходимларни жўнатиш.

Шунингдек, ушбу Низом лойиҳасида Туркистон fronti Ҳарбий инқилобий кенгаши (Туркфронт Революцион ҳарбий совети) ҳуқуқларини чеклаш; ташқи алоқалар, ташқи савдо ва ҳарбий масалаларни РСФСР ваколатидан чиқариб, Туркистон МИК ихтиёрига бериш талаб қилинган эди.

Туркистон делегацияси Марказга ўз талабларини топширар экан, Туркистон комиссияси фаолиятига алоҳида тўхтади. Делегация аъзолари Т.Рисқулов ва Н.Хўжаев Туркистон Комиссияси ўлкада мустамлакачилик сиёсатини давом эттирмақда ва мусулмон аҳолисидан қизил армия тузишга қарши чиқмоқда, деб маълум қилдилар.

Т.Рискулов Москвада бўлган чоғида Туркистонни Ўзбекистон, Қозоғистон, Туркманистон ва Қирғизистон қилиб бўлиб ташлашга қарши чиқди ва ўзбек, туркман, қозоқ, қирғизларни ягона туркий халқ эканлигини исботлашга ҳаракат қилди.

Т.Рискуловнинг фикрича, «Турк Совет Республикаси» Туркистон, Татаристон, Бошқирдистондаги барча халқларни Бухоро амирлиги ва Хива хонлигида монархия тузуми ағдарилгач, у ердаги халқларни ҳам бирлаштириши керак эди.

В.И.Ленин мазкур ҳужжат билан 25 майда танишиб чиқади ва унга «Архивга, Туркистон тўғрисидаги» деб ёзиб қўяди. У туркистонликларнинг ушбу Низом лойиҳаси билан синчиклаб танишиб чиққач, бу ҳужжатни партиянинг миллий сиёсатига зид ҳисоблаб, уни қатъиян рад қилади. В.И.Лениннинг мулоҳазалари ва махсус тузилган комиссиянинг лойиҳаси Марказий Комитет Сиёсий бюросининг 1920 йил 29 июнда «РКП(б) МК нинг Туркистондаги асосий вазифалари тўғрисида» деган умумий ном билан қабул қилган тўртта қарорига асос қилиб олинди. РКП(б) МК қарорида ташқи савдо, ташқи алоқа, ҳарбий масалалар РСФСР тасарруфидаги соҳалар эканлиги таъкидланди.

Т.Рискулов ва унинг тарафдорлари 1920 йил 18 июлда Туркистон Компартияси Ўлка Комитети ва Туркистон МИК таркибидан чиққанликларини эълон қилишди. Т.Рискулов Туркистон АССР МИК раиси лавозимидан истеъфога чиқди. Бу ҳодиса Туркистоннинг, ҳатто Ўзбекистон ССР нинг совет давридаги тарихида республика раҳбарининг ягона истеъфоси сифатида тарихга кирган.

1920 йил бошларида Туркистон комиссияси Туркистон АССР ни миллий тил белгисига қараб бўлиб ташлаш масаласини кун тартибига қўйган эди. Туркистон Комиссиясининг бу тезисларига қарши чиққан Т.Рискулов, Н.Хўжаев ва бошқа миллий етакчилар «пантуркизм», «панисломизм», «буржуа миллатчилиги» ва «ўнг оғмачилик»да айбланди.

В.И.Ленин 1920 йил май ойида Туркистонни Ўзбекия, Киргизия, Туркменияга бўлинган харитасини (этнографик ва

ҳоказо харитасини) тузишни мутасадди шахсларга топширган. Шунинг учун 1920 йил августда Туркистон АССР нинг Етгисув вилояти, Сирдарё ва Закаспий вилоятларининг бир қисми янги ташкил қилинган РСФСР таркибидаги Қирғизистон АССР (аслида Қозоғистон АССР) ихтиёрига берилган. 1920-1924 йилларда мустақил Бухоро ва Хоразм республикаларининг мавжуд бўлиб туриши Марказнинг вақтинчалик муроса йўлини танлаганлигидан бошқа нарса эмас эди. Аслини олганда, Совет ҳукуматининг раҳбари В.И.Ленин 1922 йил кузида совет республикалари асосида СССР ни ташкил қилиш принциплари тўғрисида тўхталар экан, «қўшилишдан олдин ажралиш керак», деб масалани аниқ қўйган эди.

Хуллас, Туркистон минтақасини миллий-ҳудудий жиҳатдан қайта чегаралаш Марказ ва РКП (б) МК Ўрта Осиё бюроси томонидан ишлаб чиқилди ва 1924 йилда у ўзининг сўнгги босқичига кирди.

«Ҳарбий коммунизм» сиёсати ва унинг моҳияти

Маълумки, 1917 йилнинг октябрида Советларнинг Бутунроссия II съездида Ер ҳақида декрет қабул қилинган эди. Бу декретга кўра, ер эгаларининг хусусий ерлари давлат мулкига айлантирила бошланди. Шу билан бирга хусусий мулкларнинг тортиб олиниши Туркистон ўлкаси аҳолисининг оммавий норозиликларига сабаб бўлди. Бундан ташқари, ўлкада авж олиб кетган истиқлолчилик ҳаракати, Дутов бошчилигидаги Урал казакларининг Оренбургни босиб олиши вазиятни янада мураккаблаштирди. Бунинг устига 1917-1918 йилларда ўлкада ҳосилсизлик туфайли иқтисодиёт танг аҳволга тушиб, қашшоқлик ва очлик миллионлаб аҳолининг ўлимига сабаб бўлди.

Уша пайтдаги офир аҳвол Туркистон саноатини ҳам четлаб ўтмади. Чунки саноат ишлаб чиқаришининг камайиб кетиши ҳамда Россиянинг марказий районларидан саноат ва озиқ-овқат маҳсулотлари олиб келишнинг деярли тўхтаб қолиши оқибатида нарх-наво ниҳоятда ошиб кетиб, чайқовчилик авж олди. Тадқиқотларга кўра, аҳолининг кундалик

эхтиёжи учун зарур бўлган 1 пуд буғдой уни 1916 йилда 5 рубль бўлса, 1917 йилда унинг нархи 45 рубль бўлган. Унга мос равишда бошқа турдаги маҳсулотларнинг ҳам нархлари ошиб борган.

Совет ҳукумати эса хусусий мулкчиликни йўқотишга, хўжалик ҳаётининг барча соҳаларида ижтимоий давлат мулкчилигини авж олдиришга, халқ хўжалигини ҳарбий зўравонлик асосида марказлаштиришга, шу билан бирга, айнан зўравонликка асосланган ҳарбийлашган иқтисодий сиёсат юргизишга қаттиқ киришди. Оқибатда дастлаб Фарғона водийсида, кейин эса ўлканинг бошқа чекка ҳудудларида совет режимига қарши қуроли ҳаракатлар бошланиб кетди.

Бундай ҳолатда шундай ғоят мураккаб вазият юзага келдики, ундан чиқиб кетиш мақсадида совет ҳукумати ҳарбий чора-тадбирлар билан биргаликда фавқулодда иқтисодий чора-тадбирларни белгилади ва уларни амалга оширишда ўта марказлашган йўлни танлади. Улар танлаган бу йўл Лениннинг ташаббуси билан «Ҳарбий коммунизм» сиёсати номи остида тарихга кирди.

«Ҳарбий коммунизм» сиёсати ўз моҳиятига кўра, халққа қарши қаратилган бўлиб, бу сиёсат фақат йирик sanoatнигина эмас, балки ўрта ва ҳатто майда корхоналарни ҳам давлат қўлида умумийлаштиришни тақозо этарди. Аслини олганда бу даврдаги хўжалик сиёсати ишлаб чиқаришни ривожлантиришга қаратилган сиёсат бўла олмас эди. Моҳиятан бу вазифа совет ҳокимиятини сақлаб қолишга қаратилган бўлиб, бундай ҳолатда халқ хўжалигига нисбатан асосий шиор уни мустақкам тарзда тиклаш эмас, балки «ишлаб чиқарувчи кучларни қўпориб бўлса-да, тезда маҳсулот олиш»дан иборат бўлган.

Ўз моҳиятига кўра, Туркистон халқлари учун мутлақо ёт бўлган «ҳарбий коммунизм» сиёсати ўлкада мавжуд бўлган маълум тарихий ва маҳаллий шарт-шароит ҳамда имкониятларни, вазиятни ҳисобга олмасдан амалга оширила бошланди. Туркистон большевиклари бу сиёсатни амалга ошириш борасида Россиядаги нисбатан тараққий этган минтақалар-

дан ҳам ўзиб кетдилар. Мисол учун, 1918 йилнинг ўрталарига қадар большевиклар Россияда барча корхоналарнинг 11 фоизини давлат мулкига айлантирган бўлса, Туркистонда бу кўрсаткич 45 фоизни ташкил этган эди.

Ўлкада «ҳарбий коммунизм» сиёсатини амалга оширишда РСФСР Халқ Комиссарлари Советининг 1918 йил 28 июндаги йирик саноат ва транспортни ялписига, давлат мулкига айлантириш (национализация қилиш) тўғрисидаги Декрети Туркистон большевиклари учун дастури амал бўлиб хизмат қилди. Айнан мана шу декрет асосида фабрика ва завод типигаги барча йирик ва ўрта корхоналар, ҳунармандчилик ва ярим ҳунармандчилик типигаги майда корхоналарнинг бир қисми деярли ҳеч қандай ҳақ тўланмасдан давлат ихтиёрига олинди. Большевикларнинг «ҳарбий коммунизм» сиёсати натижасида ўлка деҳқонлари оғир аҳволда қолиб, озиқ-овқат танқислиги юзага келди.

Бу пайтга келиб, озиқ-овқат муаммоси Туркистон республикасининг энг муҳим муаммосига айланган эди. Совет ҳукумати эса маҳаллий аҳолида мавжуд бўлган ғалла ва бошқа озиқ-овқат маҳсулотларини тортиб олиш учун қатъий чора-тадбирлар белгилади. 1918 йил 15 июнда Туркистонда ўлка озиқ-овқат Директорияси ташкил этилган бўлса, «Ғалла монополияси тўғрисида», «Синфий нон паёғи тўғрисида», «Туркистон республикасида озиқ-овқат сиёсатини амалга ошириш юзасидан озиқ-овқат комиссарига фавқулодда ваколатлар бериш тўғрисида» деган декретлар билан 1919 йил 4 июнда Туркистонда озиқ-овқат диктатураси жорий этилди.

Туркистон ўлкасида ғалла монополияси ўтказиш мумкин эмаслиги ҳақидаги далиллар большевистик ҳукумат раҳбарларини умуман қизиқтирмади. Туркистон МИК нинг 1919 йил 4 июнда бўлиб ўтган мажлисида темир йўллар комиссарининг қуйидаги сўзлари бунга яққол мисол бўлади: «Ғалла монополияси ўтказилар экан, қурол кучидан фойдаланмаслигимиз керак. Ўлкада 7,5 млн. киши яшайди, уларнинг ҳар бирига йилига ўрта ҳисобда 10 пуд ғалла ҳисоблаганда ҳам 75 млн. пуд ғалла керак. Амалда 35 млн. пуд ғалла йиғилди.



Тошкент. Янги шаҳар. Кадетлар корпуси.

Озиқ-овқат директорыяси ундан 15 млн. пуд ғаллани шаҳардаги ишчиларга беришни мўлжаллаган. Бунинг натижасида 5 млн. мусулмон аҳолиси очарчилик гирдобидида қолди».

Соҳа мутахассисларининг маълумотларига кўра, Фарғона советларининг XIII вилоят съездида вилоят инқилобий қўмитаси раиси водийдаги очарчилик тўғрисида тўхталиб шундай деган эди: «1917-1918 йиллардаги очарчилик Фарғона вилояти хўжалигининг вайрон бўлишида кучли таъсир кўрсатди. Фақат Қўқон ва Марғилон уездларида очарчилик оқибатида ярим миллион аҳоли ўлди». Туркистон республикасидаги даҳшатли очарчилик унинг бошқа вилоятларига ҳам кенг ёйилди. Архив манбаларидан олинган маълумотларга кўра, Самарқанд вилояти Жиззах уездининг 70 фоиз аҳолиси, Самарқанд уездининг ўзида эса 70 000 аҳоли қирилиб кетди.

«Ҳарбий коммунизм» сиёсати шусиз ҳам Туркистоннинг ўта мураккаб иқтисодий аҳволини янада оғирлаштириб юборди. Бу сиёсат натижасида қишлоқ хўжалигида экин майдонлари кескин камайди. Мисол учун, экин ерлари 1915 йилдаги 3 млн. 300 минг десятинадан, 1920 йилда 1 млн. 200 минг десятинага қисқарди. Ўртача пахта толасини етиштириш эса 1915 йилдагига нисбатан 1921 йилда 5 фоиз-

га камайган. Шу билан бирга қишлоқ хўжалигининг асосий тармоқлари бўлган чорвачилик, паррандачилик, ипакчилик, асаларичилик ҳамда боғдорчилик соҳаларида ҳам маҳсулот етиштириш камайиб кетган эди.

1918 йил 20 ноябрда Туркистон республикасида «Очарчиликка қарши кураш Марказий комиссия»си тузилиб, кейинроқ, оч қолганларга ёрдам учун турли қўмиталар ташкил этилиб, съезд, қурултой ва бошқа йиғилишларда кўп марта кўриб чиқилган ва қарорлар қабул қилинган бўлса-да, бироқ бу ҳаракатлар кутилган натижаларни бермади.

Большевиклар «ҳарбий коммунизм» сиёсатининг муҳим таркибий қисми сифатида умумий меҳнат мажбуриятини жорий қилдилар. Туркистон республикаси ХКС 1918 йил 9 сентябрда «Умумий меҳнат мажбуриятини ҳаётга татбиқ этиш тўғрисида» қарор қабул қилди. Янги адабиётларда берилишича, ана шу қарорга мувофиқ «меҳнат билан шуғullanмайдиганлар»ни зўрлик билан жамоат ишларига жалб этиш бошланди. 1919 йил мартадаги советларнинг VII съездида «умумий меҳнат мажбуриятини ўрнатиш» мақсадида республиканинг 16 ёшдан 55 ёшгача бўлган барча эркак ва аёл аҳолисини ҳисобга олишга қарор қилинди. Бундан кўзланган асосий мақсад, келгусида уларни саноатнинг ишчи кучи етишмаётган тармоқларига ишга юбориш эди. Умумий меҳнат мажбурияти маҳаллий хотин-қизлар учун ҳам мажбурий эди. Аҳоли бир ҳудуддан иккинчи ҳудудга мажбурий тарзда меҳнатга сафарбар этилди.

1920 йилнинг бошларига келиб, ғалла монополияси сиёсати бир қадар юмшатилади. Озиқ-овқат тақсимоти кўринишидаги монополияни фақат кўчириб келтирилган рус деҳқонлари районларида ўтказишга қарор қилинди. Мусулмонлар яшайдиган ҳудудларда маҳсулот (натура) солиғи жорий этилди. Аммо озиқ-овқат тақсимотидаги ушбу табақалаштирилган ёндашув узоқ вақт сақланиб қолмади.

«Ҳарбий коммунизм» сиёсатининг муҳим вазифаларидан бири озиқ-овқат тақсимоти (развёрстка)ни ўтказишдан иборат эди. Турккомиссия аъзолари В.В.Куйбишев ва Ф.И.Голош-

чекинларнинг тазйиқи билан 1920 йилнинг августида бутун Туркистон республикаси ҳудудида озиқ-овқат тақсимоти жорий этиш ҳақида қарор қабул қилинди. Иш шу даражага бориб етдики, большевиклар озиқ-овқат тақсимотини маҳсулотларни зўрлаб давлат ихтиёрига ўтказиш сиёсатига айлантириб қўйдилар. Бунинг оқибатида деҳқонлар қишлоқ хўжалик маҳсулотларини етиштиришдан манфаатдор бўлмай қолдилар. Чунки деҳқон онгида «бари бир тортиб олишади», деган фикр ҳақли тарзда ўрнашиб қолган эди.

Озиқ-овқат тақсимоти ўлка аҳолисини очикдан-очик талашга айланиб, ижтимоий кескинликни янада кучайтириб юборди. Маълумотларга кўра, 1920 йилнинг охирида фақат ишчилардан иборат озиқ-овқат тўловчи отрядлар тузилди. Ўлкадаги бу отрядлар фақатгина 1920-1921 хўжалик йилининг ўзида маҳаллий аҳолидан 9.708.703 пуд ғалла 6.358.144 пуд ем-хашак, 1.606.210 пуд гўшт ва бошқа маҳсулотларни зўрлик билан тортиб олди.

Озиқ-овқат тўловчи отрядларнинг ҳаддан ташқари ўзбошимчалиги, ҳатто большевикларнинг ўзларини ҳам ташвишга солиб қўйди. Ишчи-деҳқон инспекцияси бу отрядларнинг 1920 йил сентябрь — 1921 йил августдаги фаолиятини текшириб, қуйидагиларни қайд этган:

«Озиқ-овқат комиссарлиги Туркистонда ғалла тайёрлаш ва тақсимотни ўз ичига олган озиқ-овқат сиёсатини амалга ошириши лозим эди. Лекин тақсимот суст олиб борилди. Белгиланган топшириқлар қоғозда қолиб кетди, карточка тизими амалга оширилди. Озиқ-овқат комиссарлиги республикада ўз соҳасини бирмунча вақт бошқара олмай қолди. Комиссарлик томонидан раҳбарликнинг йўқлиги ва инструкциялар тўлиқ ишлаб чиқарилмаганлиги учун озиқ-овқат тўловчи отрядлар нотўғри ва ёмон ишлади. Улар нафақат ишни барбод қилдилар, балки мустамлакачилик сиёсатининг энг хунук кўринишларини намоён қилиш билан совет ҳокимиятини обрўсизлантирдилар. Комиссарликда ғалла тайёрлаш борасида жинояткорона хўжасизлик ва бошбошдоқлик авж олди. Бундай аянчли аҳволнинг сабаблари қуйидагича:

Биринчидан, кўпчилик ходимлар ўз ўрнига нолойиқ, иккинчидан, мусулмон аҳолисига эътиборсизлик ва уларнинг кўрқувда эканлиги, учинчидан, мусулмон аҳолисини озиқ-овқат тўловчи отрядларга ёмон жалб этилганлигидир».

Хулоса тарзида таъкидлаш лозимки, совет ҳокимиятининг «ҳарбий коммунизм» сиёсати ўзбек халқига нисбатан ғайриинсоний сиёсат эканлигини кўрсатди. Бунинг натижаси ўлароқ, ҳақиқатда большевиклар тасаввуридаги ҳарбийлашган вазият вужудга келдики, унинг асосий белгилари бошқарувни мутлақ марказлаштириш ва ялпи давлатлаштириш, хусусий мулкни бекор қилиш, хўжалик юритишнинг мусодара усуллари, жазо чоралари билан меҳнатга мажбур қилиш, бозор иқтисодиёти тизимини барбод қилиш, миллий ва инсонпарварлик қадриятларини марксча синфий ғоялар билан зўравонларча алмаштиришдан иборат эди. Большевикларнинг ана шу сиёсати ҳаётга жорий қилиниши оқибатида иқтисодиётнинг ҳалокатли инқирози, ижтимоий-сиёсий вазиятнинг кескинлашуви юз бердики, натижада, совет ҳокимиятининг яшаши гумон бўлиб қолди. Юзага келган бу жиддий вазият совет давлати раҳбариятини бу иқтисодий сиёсатнинг мазмун ва моҳиятини қайтадан кўриб чиқишга мажбур қилган эди.

5. Туркистон ўлкасида совет ҳокимиятига қарши қуроли ҳаракат

Туркистонда октябрь тўнтаришидан кейин содир бўлган воқеалар жараёни шуни кўрсатадики, большевиклар ўрнатган совет тузуми ўлка халқларига нафақат мустақиллик, ҳатто миллий мухториятни ҳам раво кўрмади. Мустақиллик осонликча қўлга киритилмаслигини тушуниб етган миллий ватанпарварлар қўлга қурол олиб, большевиклар ва босқинчи қизил армияга қарши қуроли ҳаракат бошлаб юбордилар. Бироқ совет тузуми ва коммунистик мафкура ҳукмронлиги йилларида, уларга «босмачи» деб ноҳақ тамға босилди.

Бу ҳаракат ҳақида сўз юритилганда таъкидлаш лозимки, Қ.Ражабов тадқиқотларига кўра, 1918-1919 йилларнинг ўрталаригача бўлган даврга тегишли архив ҳужжатларида

ҳам «босмачи» сўзи учрамайди. Бу ҳужжатларда «қароқчи» (разбойник), «шайка», жуда бўлмаса «босқинчи» (бандит) иборалари қўлланилган. 1919 йилнинг ўрталаридан бошлаб аввал айрим расмий ҳужжатларда, кейинчалик эса совет вақтли матбуотида «босмачи» иборасини қўллаш бошланган. «Босмачи» ва «босмачилик» иборалари озодлик ҳаракатининг моҳиятини пасайтириш, аждодларимизнинг большевиклар ҳукмронлигига қарши олиб борган қонли курашларини хаспўшлаш учун буюк давлатчи шовинистлар томонидан ўйлаб топилди ва «бандитлик», «қароқчилик» сўзлари билан асоссиз равишда бир қаторга қўйилди.

Ўзбекистон мустақилликка эришгач, «босмачи» ёрлиғи ёпиштирилган ота-боболаримизнинг муборак номлари қайта тикланди ва уларнинг ҳақиқий қиёфалари истиқдолчилар сифатида намоён бўлди.

Советларга қарши ҳаракат «Туркистон Мухторияти ҳукуматининг тор-мор қилиниши билан бошланганлиги» деярли барча тарихчиларнинг асарларида эътироф қилинади. Аслини олганда, мухторият ҳукумати ағдариб ташланмаганида ҳам ёки бу ҳукумат, ҳатто мутлақо бўлмаганида ҳам бу ҳаракатнинг вужудга келиши табиий бир ҳол эди. Зотан, бу даврда Туркистонда вужудга келган ижтимоий-сиёсий вазият совет ҳокимиятига қарши истиқдол курашининг бошланишини муқаррар қилиб қўйган эди.

Биринчидан, 1917 йилда содир бўлган октябрь тўнтариши ва бунинг натижасида ҳокимиятни қўлга киритган большевиклар томонидан илгари сурилган коммунистик мафкура Туркистон халқлари учун мутлақо ёт тушунча эди. Маҳаллий аҳоли бу ғояни аввал бошдан оқ ўзига сингдира олмади ва унга қарши турди.

Иккинчидан, совет ҳукумати ўрнатилган дастлабки даврда ҳокимиятни бошқаришга маҳаллий халқ вакиллари жалб қилинмади, уларнинг миллий ғурури, ҳақ-ҳуқуқи инкор қилинди. Туркистонда большевиклар томонидан ўрнатилган совет тузуми Россия империяси мустамлакачилигининг янги шакли эканлиги ўша дастлабки кунлардан ошкор бўлган эди.

Учинчидан, янги тузум ўрнатилган илк кунларданок маҳаллий халқнинг асрлар давомда шаклланган урф-одатлари, миллий қадриятлари топталди. Шариат асослари ва қозихоналар бекор қилинди, вақф ерлари тортиб олинди, мулкчиликнинг барча шаклига чек қўйилди.

Туркистон Мухторияти ҳукуматининг тугатилиши бу ҳаракатнинг бутун Фарғона водийсида оммавий равишда бошланишига бир туртки вазифасини ўтади, холос. Россия империясининг мустамлакачилик зулми остида эзилиб келган фарғоналиклар Туркистонда биринчи бўлиб большевиклар режимиغا қарши қуроли курашга отландилар. Шу тариқа, Туркистонда совет ҳокимияти ва большевикча тузумга қарши истиқлолчилик ҳаракати 1918 йил февраль ойининг охирида бошланган эди.

Бу ҳаракатнинг асосий ҳаракатлантирувчи кучи деҳқонлар, чорикорлар, мардикорлар, ҳунармандлар ва косиблар бўлган. Туркистон республикаси раҳбарларидан бирининг эътироф этишича, унда асосан деҳқонлар ва ҳунармандлар қатнашган. Уларга шаҳар аҳолисининг аксарият қисми: ўзига тўқ бадавлат оилаларнинг вакиллари, савдогарлар, ислом дини арбоблари ҳамда баъзи бойлар қўшилди. Ҳаракат қатнашчилари сафида оқ-қорани тушунган саводхон кишилар — зиёлилар ҳам кўпчиликни ташкил қилар эди ва улар жаҳидлар орасидан ажралиб чиққан. Бир сўз билан айтганда, улар сафида халқнинг барча табақасига мансуб кишилар бор эди.

Дастлабки миллий ҳарбий ҳаракатнинг ташкил топиши Кичик Эргаш (тахминан 1885-1918 йй.) ва Катта Эргаш (тахминан 1880-1921 йй.)нинг номлари билан боғлиқдир. 1918 йил 27 февралда Қўқон атрофидаги Бачқирда бўлган жангларнинг бирида Кичик Эргаш ҳалок бўлгач, унинг ўрнига Катта Эргаш (уни Мулла Эргаш ҳам дейишган) Фарғона водийсида большевикларнинг мустамлакачилик тартибига қарши озодлик байроғини кўтарди. Қўқон уездидаги ҳаракатнинг дастлабки таянч нуқтаси Бачқир эди. 1918 йил март ойининг охирига келиб, Катта Эргашнинг номи Фарғона водийси аҳолиси ўртасида жуда машҳур бўлиб кетди.

Марғилонда эса милициянинг собиқ бошлиғи Муҳаммад Аминбек Аҳмадбек ўғли — Мадаминбек (1892-1920) кураш бошлади. «Ўз олдига совет ҳокимиятини ағдариш ва Фарғона мухториятини тиклаш вазифасини қўйган Мадаминбек устумон сиёсатчи ва удабуро ташкилотчи фазилатларига эга эди», — деб тан олинади 1918 йилга оид архив ҳужжатларининг бирида. Фарғона водийсида 1918 йилнинг ўрталарига келиб, тахминан юзга яқин қўрбошилар ўз дасталари билан қизил армия қисмларига қарши кураш олиб бордилар. Бу гуруҳларда 15000 йигит бор эди.

Туркистондаги бу ҳаракатнинг ўзига хос миллий кўриниши ва хусусиятлари мавжуд бўлган. Бу хусусиятлар ҳаракатдаги қўрбошилар дасталари ва гуруҳлари фаолиятида, уларнинг мақсад ва истакларида ўз ифодасини топган бўлиб, унда ислом шариати қонун-қоидалари асосидаги миллий давлат барпо қилишдан тортиб, то миллий демократик тартибдаги мустақил давлат тузишгача бўлган ҳаракатларида мужассамлашган эди.

Туркистон минтақасидаги мазкур ҳаракатнинг муҳим хусусияти шундаки, бу ҳаракатда мақсадлар ва вазифалар қандай бўлишидан қатъи назар бошдан охиригача бир устувор ғоя — Туркистоннинг миллий мустақиллиги ётади. Бу ҳаракат гоҳ кучайиб, гоҳ пасайиб туришига қарамай, унда иштирок этувчиларнинг таркиби ўзгариб туриши ва иккиламчи манфаатлар ўртада турганлиги ҳамда объектив ва субъектив омиллар кучлар мувозанатига салбий таъсир қилишига қарамай, ҳаракатнинг асосий мақсади Туркистон мустақиллиги бўлиб қолаверди.

Туркистондаги бу ҳаракатнинг уюшган бир шаклда намоен бўлишида қўрбошилар кўрсатган ғайрат-шижоатни алоҳида таъкидлаб ўтиш керак. Қўрбошилар ҳаракатнинг ҳарбий раҳбарлари бўлиб, улар ўз жанговарликлари билан машҳур эдилар. Ўз вақтида Фарғона водийсида Кичик Эргаш, Катта Эргаш, Мадаминбек, Шермуҳаммадбек, Муҳиддинбек, Ислон Полвон, Ёрмат Махсум, Самарқанд вилоятида Очилбек, Баҳромбек, Бухорода Иброҳимбек, Мулла Абдулқоҳҳор,

Анвар Пошо, Салим Пошо, Давлатмандбек, Фузайл Маҳдум, Хоразмда Жунаидхон каби қўрбошилар бу ҳаракатни ягона кучга бирлаштириш учун раҳбарликни бирин-кетин ўз қўлларига олсалар-да, лекин Туркистон минтақасидаги истиқлолчилик ҳаракати бошдан охиригача ягона марказга тўлиқ уюша олмади. Туркистон фидойиларининг озодлик ҳаракатини ягона марказга бирлаштириш учун изчил курашаётган Мадаминбек билан Анвар Пошонинг тақдирлари эса фожиали тугади.

Фарғона водийсидаги бу ҳаракат 1919 йил ёзининг охири ва кузида ўзининг энг юқори чўққисига чиқди. Мадаминбек бошчилигидаги истиқлолчилар сафига Жалолободда турган рус крестьянлари армиясининг қўшилиши водийда совет ҳокимиятини афдариш учун реал куч эди. Сентябрь ойининг дастлабки кунларида Мадаминбек лашкарлари Жалолобод ва Ўш шаҳарларини эгаллашди. Улар 13 сентябрда Эски Марғилон шаҳрини советлардан озод қилдилар. Шу билан бирга водийдаги энг йирик стратегик шаҳар — Андижонни қамал қилишга киришдилар. Мадаминбек бошчилигидаги қўшиннинг ҳужуми Фарғона водийсини ларзага келтирди. 1919 йил 22 октябрда Помирнинг Эргаштом (Иркештам) овулида бўлган анжуманда Мадаминбек бошчилигида Фарғона муваққат мухторият ҳукумати тузилди. Ҳукумат таркибига 16 нафар туб аҳоли ва 8 нафар европалик вакил киритилди. Мадаминбек ҳукумат бошлиғи бўлиш билан бир қаторда, Фарғона водийсидаги бу ҳаракатнинг олий бош қўмондони ҳам этиб сайланди.

1919 йилнинг кеч кузига келиб, Мадаминбек қўл остида 30000 га яқин йигит қизил армияга қарши жангларни олиб бордилар. Бу пайтда Шермуҳаммадбек қўл остида 20000, Катта Эргаш қўрбошида 8000 аскар бўлган. Ана шу учга лашкарбоши водийдаги жанговар ҳаракатларни йўналтириб турди.

Мадаминбек сиймосида саркардалиқ, давлат ва сиёсат арбобиغا хос сифатлар уйғунлашган эди. У водийдаги совет ҳокимияти органларига муқобил равишда ўз сиёсий бошқарув усулини жорий қилди. «У бизнинг раҳбарлик фаолиятимизда

йул қўйган хато ва камчиликларимиздан усталик билан фойдаланарди. Унинг бошқарув аппарати, ўзининг трибунали ва генштаби бўлган; у қонунлар чиқарган», — деб эътироф этади Мадаминбекка қарши курашганлардан бири бўлган қизил комиссар Граматович.

Туркистондаги бу ҳаракат 1920 йилнинг ёзи ва кузида ўзининг янги босқичига қадам қўйди. Кураш яна ҳам шафқатсиз ва мурасасиз тус олди. Фарғона водийси ва Самарқанд вилоятидаги ватанпарварлар билан бир қаторда, эндиликда Хоразм ва Бухоро республикаларидаги истиқлолчилар ҳам босқинчи қизил армия жангчиларига қарши курашга отландилар. Кураш байроғини водийда Мадаминбек ўрнига энди Шермуҳаммадбек кўтарди. Фарғона водийсидаги бутун қўрбошилар ва тинч аҳоли вакиллари Олтиариқ туманидаги Ғойибота қишлоғида ўзларининг навбатдаги қурултойларига тўпландилар. Қурултой 1920 йил 3 майда Шермуҳаммадбек бошчилигида Туркистон-турк мустақил ислом жумҳурияти ёки қисқача қилиб айтганда Туркистон муваққат ҳукуматини тузди.

Шермуҳаммадбек Фарғона водийсидаги курашчиларнинг олий бош қўмондони ҳам қилиб сайланди. Шу давр ҳужжатларидан бирининг эътирофича, «Мадаминбек қўрбошилар ўртасида энг кучлиси бўлган бўлса, Шермуҳаммадбек шубҳасиз энг хавфлиси эди».

Туркистон МИК раиси Иномжон Хидиралиевнинг кейинчалик ёзишига қараганда, «1920 йил сентябрда босмачиларнинг сони 70000 кишига етди ва кучли ваҳима уйғотди».

Қуроли ҳаракатни ташкилий жиҳатдан уюштиришда Фарғона водийси, Бухоро ва Хоразмдаги қўрбошиларнинг мазкур даврда бўлиб ўтган ўттиздан ортиқ қурултойларининг аҳамияти катта бўлган. Бу қурултойларда ҳаракат раҳбарлари сайланган, қўрбошилар ягона қўмондонлик остига бирлаштирилган. Аммо бунга доимо ҳам амал қилинмас эди. Шунингдек, қурултойларда қўрбошилар гуруҳлари ҳаракат қиладиган жойлар ва уларнинг таъсир доираси белгилаб олинган. Баъзи қўрбошилар олий бош қўмондонга бўйсунмай, ўзларича мустақил ҳаракат қилганлар. Таъкидлаш

жоизки, ҳаракат ичида Холхўжа Эшон каби маишатпараст кимсалар ҳам бўлган.

Туркистонда ўша пайтдаги беқарор вазиятдан фойдаланган баъзи нопок кимсалар талончилик гуруҳларини тuzиб, халқни талаганлар. Уларни Туркистон мустақиллиги учун қизил армияга қарши ҳаёт-мамот жанглари олиб борган ватанпарварлар билан чалкаштирмаслик лозим. Бироқ коммунистик мафкура ҳар икки тоифага бир хил «босмачилар» тамғасини ёпиштирган.

Туркистондаги бу қуролли ҳаракатнинг ғоявий раҳнамолари етарли даражада мавжуд бўлиб, улар асосан жаидлар ва ислом уламолари эди. Ҳаракатга ғоявий раҳбарлик қилиш учун жаидлар билан уламолар ўртасида ўзаро рақобат мавжуд бўлган.

Наманганлик Носирхон тўра Сайид Камолхон тўра ўғли, тошкентлик муфтий Садриддинхон Махсум Шарифхўжа қози ўғли, Туркистон МИК раисининг собиқ ўринбосари Тўракул Жонузоқов, асли бошқирдистонлик Аҳмад Закий Валидий ва бошқалар бу ҳаракатнинг ғоявий мафкурачилари эдилар. Ҳаракатга раҳбарлик қилган ислом уламолари орасида яссавийлик ва нақшбандийлик тариқатининг пирлари кўп бўлган.

Туркистон, Бухоро ва Хоразм республикаларидаги жаидларнинг бир қисми бу пайтда совет ташкилотларида фаолият кўрсатишса-да, миллий мустақиллик тўғрисидаги ўз ғояларидан воз кечишмаган эди. 1921 йил августда Бухоро шаҳрида Валидий бошчилигида тузилган Туркистон миллий бирлиги ташкилоти бутун Туркистон минтақасидаги бу гуруҳларига сиёсий жиҳатдан раҳбарлик қилувчи марказ вазифасини бажарди. Бу даврда Мунавварқори Абдурашидхонов раҳбарлигида Тошкентда «Миллий Иттиҳод» ва «Миллий Истиқлол» ташкилотлари махфий ташкил этилган бўлиб, улар ҳаракатнинг кейинги ривожланишида муҳим ўрин тутди.

Маълумки, Туркистон аёллари учун Ватан озодлиги ва унинг тинчлиги муқаддас ҳисобланган. Олис ва яқин тарихда босқинчиларга қарши хотин-қизлар ҳам неча бор жанг

майдонларида от сурган, ватанпарвар кучларга бошчилик қилган. Ҳатто аёллардан махсус бўлинмалар ҳам тузилган. Истиқдолчилар сафида аёллар нафақат оддий жангчи, балки айрим ҳолларда қўрбоши сифатида жанг қилишган. Фарғона водийсида Шакархон ва Муҳиддинбекнинг онаси сингари ўзбек ва қирғиз аёлларидан етишиб чиққан қўрбошилар миллий истиқдол кураши тарихига шонли саҳифалар қўшдилар. Карманалик Нодира қиз эса Иброҳимбек қўшинида махсус аёллар гуруҳига бошчилик қилиб, Шарқий Бухорода қизил аскарларга қарши мардонавор курашган.

Фарғона водийсидаги ватанпарварлар қўшинига 1923-1924 йилларда олдин Ислом Полвон (тахминан 1882-1923), сўнг Ёрмат Махсум (1929 йил ҳалок бўлган) каби қўрбошилар раҳбарлик қилдилар. Бу пайтда қўрбошиларнинг кичик-кичик гуруҳлари жанг ҳаракатларини олиб бордилар. Фарғонада уларнинг сони 1923 йилда 350-400 атрофида эди. Лекин қўрбошилар курашнинг мазкур босқичида турли сабаб ва маҳаллий шарт-шароитлар натижасида доим ҳам бир-бирлари билан келишиб иш кўрмадилар.

1920-1924 йилларда бу ҳаракат Бухоро ва Хоразм республикаларида ҳам авж олди. Бухоро ва Хоразмдаги миллий муҳолифатнинг озодлик курашлари алоҳида ўзига хос йўналиш ва хусусиятга эга бўлиб, ўта мураккаблиги ва зиддиятлиги билан Туркистон республикасидаги қуроли ҳаракатдан ажралиб туради. Большевиклар қизил армия ёрдамида Бухоро амирлиги ва Хива хонлигини куч билан ағдариб, ҳокимиятни Бухорода асосан «Ёш бухороликлар»дан, Хоразмда эса «Ёш хиваликлар»дан иборат демократик кучлар қўлига берди.

Бухоро ва Хоразм Халқ Совет Республикаларида юзага келган қуроли муҳолифат шу боисдан ҳам бир йўла икки кучга қарши: биринчидан, бу давлатлар ҳудудида жойлашиб олган қизил армия қисмларига қарши, иккинчидан эса большевиклар ёрдамида ҳокимиятни эгаллаб олган жадиждарга қарши муҳолифлик урушини олиб бордилар. Бу урушнинг Туркистондаги, хусусан, Фарғона водийсидаги ҳаракатдан фарқи ҳам ана шунда намоён бўлади.

Бироқ Бухоро ва Хоразм республикаларидаги бу курашга унинг моҳияти ва йўналиши нуқтаи назаридан ёндашадиган бўлсак, у ҳам умумий советларга қарши ҳаракатнинг ўзига хос кўриниши эди. Бухородаги қуроли ҳаракатнинг ўзига хос хусусияти бир гуруҳ қўрбошиларнинг Бухоро республикаси ҳукумати раҳбарларига йўллаган мактубида аниқ ифодасини топган эди. Мактубда ватанпарварлар Бухоронинг мустақиллиги, эркин ва ҳур Ватан қуриш учун курашаётганликлари, бундай Ватанда коммунистлар бўлмаслиги лозимлиги, «Фавқулодда комиссия орқали камбағал аҳолининг мол-мулки тортиб олинган»лиги, «большевиклар жабр ва зулми авж олдириб юборган»ликлари ва «Бухоронинг мустақиллиги қуруқ сўз бўлиб қолган»лиги, «ҳақиқатда ундан дарак йўқ»лиги таъкидланади.

Шунинг учун ҳам Бухородаги бу ҳаракат қисқа муддат ичида оммавий тус олиб, ҳатто Фарғона водийсидаги ҳаракатга нисбатан ҳам кучайиб борди. Файзулла Хўжаевнинг таъкидлашича, «Шарқий Бухородаги босмачилик ўзининг стратегик мавқеи жиҳатидан қараганда Фарғона босмачиларига нисбатан кучлироқ эди».

Бухородаги қўрбошилар ўртасида Иброҳимбек (1889-1932) алоҳида салмоққа эга. У амирлик тузуми ағдариб ташлангач, Шарқий Бухородаги қўрбошилар гуруҳларига умумий раҳбарлик қилиб, большевиклар ва босқинчи қизил армияга қарши мустақиллик курашини бошлади.

У ўз олдига Бухоро тупроғини қизил аскарлардан тозалаб, ағдариб ташланган амирлик тузумини қайта тиклаш ва салтанатни собиқ амир Олимхон (1881-1944) қўлига олиб беришни асосий мақсад қилиб қўйди. Шунинг учун ҳам у курашга кирган дастлабки кунлардан оқ собиқ Бухоро амири томонидан моддий ва маънавий жиҳатдан ҳар томонлама қўллаб-қувватланди ва рағбатлантирилди.

Иброҳимбек 1921 йил сентябрда бўлган Бухоро қўрбошиларининг қурултойида «Ислом лашкарбошиси» унвонига сазовор бўлди ва Бухородаги барча истиқдолчиларнинг олий бош қўмондони қилиб сайланди. У қисқа муддат ичида ўн минг нафардан ортиқ аскар тўлаб, Қоратегин ва Дарвоз вилоятларини қизил аскарлар қўлидан озод қилишга муваффақ бўлди.

Иброҳимбек қўл остидаги Шарқий Бухоро ҳудудида ўзининг бошқарув усулини амалга оширди. Жойлардаги янги тузум тугатилиб, унинг ўрнига амирлик давридаги бошқарув усули жорий қилинди. Иброҳимбекни бу ердаги маҳаллий аҳоли, хусусан, лақайлар қўллаб-қувватлашарди. Бундан Туркистонда иш олиб бораётган марказий ҳукумат вакиллари қаттиқ ташвишга тушдилар. «Иброҳимбек — бутун Шарқий Бухородаги марказий сиймо», деб тан олинади улар тайёрлаган ҳужжатларнинг бирида.

1921 йил октябрда Туркиянинг собиқ ҳарбий вазири Анвар Пошо (1881-1922) Бухоро шаҳрига келиб, бир оз муддатдан сўнг мамлакатнинг шарқий қисмига жўнайди ва советларга қарши кучларга қўшилади. У тез орада Бухородаги истиқлолчилик ҳаракатининг тан олинган йўлбошчисига айланди. Анвар Пошонинг саъй-ҳаракатлари билан Шарқий Бухорода бирлашган лашкар бунёд этилди ва у турк зобитлари билан мустаҳкамланди, ғарбча қўмондонлик услуби жорий қилинди. 1922 йил март ойида Фарғона ва Самарқанд вилоятларидан тортиб, то Хоразм ва Шарқий Бухорогача бўлган улкан ҳудудда Анвар Пошо бошчилигида истиқлолчи кучларнинг умумий fronti тузилди. Бутун Туркистон ҳудудида большевикларга қарши курашаётган кучларнинг ҳаракатлари ягона марказга мувофиқлаштирилди. Боймирза Ҳайитнинг таъкидлашича, Анвар Пошо кўрсатмаси билан Бухоро, Фарғона, Хоразм кўрбошилариининг учрашувлари мунтазам ўтказиб турилди ва уларга керакли йўл-йўриқлар берилди. Анвар Пошо билан Шермуҳаммадбек ва Жунаидхон ўртасида доимий равишда ўзаро алоқалар бўлиб турган. 1922 йил



**Бухоро амирлигининг
сўнги ҳукмдори —
Амир Олимхон
(1910-1920 йй.)**

15 апрелда Бойсун атрофидаги Кофирун қишлоғида бўлган Туркистон қўрбошиларининг қурултойида Анвар Пошо истиқлолчиларнинг Олий бош қўмондони ва сиёсий раҳбари қилиб сайланди. «Улар ўша пайтда миллатпарварлик ҳаракатининг энг қудратли, эҳтимол, энг оммавий қисмини ташкил қила олдилар», — деб ёзган эди хорижлик тадқиқотчи Гленда Фрезер.

1922 йил 4 августда Анвар Пошо Балжувон яқинида бўлган жангларнинг бирида ҳалок бўлди. Анвар Пошонинг ўлими ҳақидаги хабар бутун Туркистонга яшин тезлигида тарқалди. Унга атаб мотам марсиялари тўқилди. Ана шундай мотам марсияларидан энг машҳури Чўлпон қаламига мансуб «Балжувон» марсиясидир. Бу марсия 1922 йил август ойида битилган. Таъкидлаш жоизки, мазкур шахс фаолияти зиддиятли ва мураккаб характерга эга бўлган.

Бухоронинг марказий ва ғарбий вилоятларида ҳам кураш шиддатли тус олди. Қисқа муддат давомида Мулла Абдулқаҳҳор (1884-1924) бошчилигида пойтахт Бухоро туманларида лашкар тўпланди ва жанговар ҳаракатлар олиб борилади. Шунингдек, Мулла Абдулқаҳҳор раҳбарлигида Бухоро, Кармана ва Нуротада ўнлаб қўрбоши гуруҳлари фаолият кўрсатди. Бир ҳужжатда ёзилишича, Ғарбий Бухорода унинг қўл остида 20 та қўрбоши бирлашган. Ўрмон Полвон, Ҳайит Амин, Остон Қоровулбеги, Ҳамро Полвон, Азимхўжа, Метан Полвон унинг энг нуфузли қўрбошилари саналган. Улар асосан Ғиждувон, Шофиркон, Вобкент, Ромитан туманлари ва Нуротада ўз фаолиятларини кучайтирдилар.

Уларнинг катта армияси 1922 йил март ойининг бошида пойтахт Бухоро шаҳрига юриш қилди. Улар қизил аскарлар билан шаҳар атрофида бўлган икки кунлик шиддатли жанглардан сўнг Бухоро шаҳрининг катта бир қисмини эгалладилар ва бир неча соат мобайнида ўз қўлларида тутиб турдилар. Сўнгра шаҳар атрофидаги Баҳоуддин Нақшбанд зиратгоҳини босқинчилардан тозаладилар.

Бухородаги ватанпарварларга қарши кураш қизил армия ва унинг қўмондонлигидан катта куч-ғайрат талаб қилди. Моск-

ва, Тошкент, Бухорода 1923 йил май-июнь ойларида ўтказилган олий даражадаги бир қатор расмий анжуманларда бу масала энг долзарб муаммо сифатида кун тартибида турди.

Мулла Абдулқаҳҳор йигитлари билан қизил аскарлар ўртасида 1924 йил ёзи ва кузида Гиждувон туманининг Гишти ва Катта Ғамхўр қишлоқларида, Нурота тоғларида, Шофиркон туманига туташ Қизилқумнинг Жилвонқумликларида, Ёғи афзал ва Вардонзе қишлоқларида қаттиқ тўқнашувлар бўлди. Кучлар тенг бўлмаган ушбу жангларда Ғарбий Бухоро ватанпарварларининг етакчиси мағлубиятга учради. Ғарбий Бухородаги қўрбошилар гуруҳларига сезиларли зарба берилди Мулла Абдулқаҳҳор қўрбоши Қизилқум чўлларида қизил аскарлар билан бўлган тўқнашувларнинг бирида, 1924 йилнинг охирида ҳалок бўлди.

Бухородаги бу ҳаракат қизил армия ва большевикларнинг тажовузкорлиги, зўравонлиги ва талончиликка қарши қаратилганлиги билан алоҳида аҳамиятга эга. Мужоҳидларнинг асосий мақсади қизил қўшинни ҳайдаб юбориш, миллий қадриятлар, асрий эътиқод ва урф-одатларнинг паймол қилиниши, хўрланишига барҳам бериш эди. Юқорида ҳам айтиб ўтилганидек, ватанпарвар кучлар Бухорода икки жабҳада туриб кураш олиб боришларига тўғри келди. Бир томондан, амирлик тузуми тарафдорлари бўлган истиқлолчилар (улар ўзларини мужоҳидлар деб аташган) жаҳидлардан иборат ёш Бухоро ҳукумати ва шунингдек, қизил армия қўшинларига қарши кураш олиб бордилар (Иброҳимбек, Мулла Абдулқаҳҳор ва б.). Иккинчи томондан, миллий истиқлол гояларига содиқ бўлган истиқлолчилар Файзулла Хўжаев бошлиқ Бухоро Халқ Республикаси ҳукумати билан яширин алоқалар ўрнатиб, Бухоронинг муқаддас тупроғидан босқинчи қизил аскарларнинг олиб кетилиши, Бухоро республикасининг мустақиллиги амалда қарор топиши учун курашдилар (Анвар Пошо, Давлатмандбек, Жабборбек ва б.). Айнан улар сафига кейинчалик Бухоро республикасининг жуда кўпчилик раҳбарлари (Бухоро МИК нинг биринчи раиси Усмонхўжа Пулатхўжаев, ҳарбий ишлар нозири Абдулҳа-

мид Орипов, республика милицияси ва Чека (ЧК-Фавқулодда комиссариат) бошлиғи АлиРизо Афанди ва б.) қўшилди-ларки, бу арбобларнинг аксарияти кечаги жаидлар ва «Ёш бухороликлар» эди. Афсуски, Бухоро ҳукумати таркибидаги миллий ватанпарвар кучлар билан муҳолифатдаги қуроли истиқлол гуруҳларининг йўлбошчилари ўртасидаги очиқ келишув амалга ошмади.

Хоразм республикасида ҳам 1920 йил баҳоридан бошлаб қизил аскарларнинг талончилик ва зўравонликларига қарши ҳаракат бошланди. Қуроли курашни туркманларнинг ёвмут уруғи бошлиғи Қурбон Мамед Сардор-Жунаидхон (1857-1938) бошчилигидаги гуруҳлар кўп йиллар давомида олиб борди. Унинг қўшини сафларида ўзбек, қорақалпоқ ва қозоқлар ҳам кўпчилик эди. Қисқа муддатда Жунаидхон ўз қўшинини 20000 кишига етказди.

Ўзбек деҳқонлари ва ҳунармандларидан иборат гуруҳларга Мадрайимбой, Саъдуллабола, Шокирбола, Мавлонбек ва бошқалар раҳбарлик қилдилар. Хусусан, Кўҳна Урганч, Илонли, Тошҳовуз, Манғит, Қўшкўпир, Чимбой, Қўнғирот ва Тўрткўлда ҳаракат қилган ўнлаб сардорларнинг гуруҳлари қизил аскарларга жиддий зарбалар берди. Жунаидхон бошчилигидаги армия ҳужумга ўтиб, 1920 йил ёзида Кўҳна Урганч, Хўжайли, Илонли ва Тахтани қайта эгаллади, кўплаб қизил аскарларни асир олди. Жунаидхон совет қўмондонлигига махсус мактуб юбориб, агар қизил армия Хоразмдан чиқиб кетмаса, асирларни отиб ташлашини билдирди.

1921 йил ёзида Қўнғиротда қўзғолон кўтарилди. Бундай оммавий кўтарилишлар тез-тез такрорланиб турди. Қишлоқ ва шаҳарлар аҳолиси истиқлолчиларга хайрихоҳлик билдиришди. 1922-1923 йилларда Хоразмда олиб борилган жанговар ҳаракатлар қизил армия қўмондонлигини танг аҳволга солибгина қолмай, балки республикадаги сиёсий муҳитга ҳам жиддий таъсир қилди.

Совет ҳокимияти 1923 йил охирида Жунаидхон билан сулҳ музокараларини бошлашга уриниб кўрди. Бироқ Жунаидхон ўзининг олдинги талабини, яъни: 1) совет қўшинларини Хоразмдан дарҳол олиб чиқиб кетиш; 2) шариатга тўла эркин-

лик бериш; 3) барча собиқ ҳоқимлар ва оқсоқолларни яна ўз лавозимларига тиклаш; 4) солиқлар ва патентларни бекор қилишни қатъий талаб қилди. Бироқ бу талабларни совет ҳукумати рад қилгач, музокаралар ўз-ўзидан тўхтаб қолди.

Жунаидхон қўлида бу пайтда катта миқдорда ҳарбий куч тўпланган эди. Шу билан бирга 1923 йилнинг декабрида Питнак, Ҳазорасп, Богот, Хонқа туманларида янги совет ҳукуматига қарши деҳқонларнинг оммавий қўзғолонлари бошланиб кетди. Қўзғолончилар жойлардаги совет ташкилотларини тугатиб, мамлакат пойтахти Хива шаҳри устига юриш қилдилар. Қорақумда турган Жунаидхон қўшини ҳам ғарб томондан, бир вақтнинг ўзида шаҳарга қараб ҳаракат бошлади.

1924 йил 10 январдан бошлаб Жунаидхоннинг 15000 кишилик пиёда ва отлиқлардан иборат қўшини Хива шаҳрини қамал қилишга киришди. 16 январда Хоразм республикасида ҳарбий ҳолат жорий қилинди.

Хоразм республикасида содир бўлаётган воқеаларнинг бундай жиддий тус олишидан ташвишга тушган РКП (б) МК Ўрта Осиё бюроси 1924 йил 6 январда бу масалани махсус муҳокама қилди. Жунаидхон бошчилигидаги истиқлолчиларга қарши курашиш учун Э.Берзин (раис), Городецкий, Адинаев ва Хидиралиевдан иборат фавқулодда комиссия ташкил қилинди ва у Хоразм республикасига жўнатилди. Хоразмга зудлик билан Россиядан қўшимча ҳарбий қисмлар келтирилди. Натижада, Жунаидхон қўшини қарийб бир ой давом этган қамални тўхтатиб, орқага чекинишга мажбур бўлди. Катта ҳарбий кучни тўплаган қизил армия қисмлари Жунаидхон ва бошқа ватанпарвар кучларга қарши ҳужумга ўтди. Март-апрель ойларида бўлган жангларда Жунаидхоннинг пири бўлган Оғажон Эшон ва бошқа қатор сардорлар асир олинди.

Хоразм воҳасида истиқлолчилик ҳаракати айрим гуруҳлар томонидан 1935 йилгача давом этди. Ҳаракат Шарқий Бухоро ва Фарғона водийсида ҳам баъзи узилишлар билан юқоридаги давргача мавжуд бўлди. Туркистон минтақасидаги қуроли ҳаракат тарихига яқун ясаб, бу ҳаракатни кенг халқ оммаси, биринчи навбатда деҳқонлар ва ҳунармандлар

қаҳр-ғазаби ҳамда норозилигининг юксак даражага кўтарилганлиги ифодаси деб эътироф этишга тўғри келади.

Ўзбекистон ХКС раиси Файзулла Хўжаев 1927 йилда юқоридаги ҳаракатга баҳо бериб, қуйидагиларни ёзган эди: «Босмачилик ҳаракати шиддатли сиёсий, аксилсовет хусусият касб этди ва бутун Ўрта Осиёнинг мавжуд уч республикаси — Бухоро, Туркистон ва Хоразмдаги деҳқонлар аҳолисининг қарийб оммавий ҳаракатига айланди. Ҳаракатнинг доҳийлари фақатгина... Кўршермат (Шермуҳаммадбек), Иброҳимбек кабилар... бўлиб қолмасдан, балки унга маҳаллий миллий зиёллар, мулла ва бойлар ҳам раҳбарлик қила бошладилар...»

Бу ҳаракатга алоқадор бўлган умумий хусусият босқинчи қизил армияни, большевикларни Ватанимиз ҳудудидан олиб чиқиб кетиш талаби эди. Бу талаб бутун ҳаракат давомида илгари сурилди.

Шундай қилиб, қизил армия босқини ва мустабид совет тузумига қарши кўтарилган қуроли ҳаракат 1935 йилга келиб, бутун Туркистон минтақасида мағлубиятга учради.

Туркистон минтақасидаги бу ҳаракат Ўзбекистонни мустақилликка эришиши учун бўлган курашлари босқинчида муҳим роль ўйнаб, XX асрдаги Ватанимиз тарихининг эътиборга молик саҳифаларини ташкил қилади. Зеро, она-Ватан мустақиллиги учун бўлган жангларда шаҳид кетган ота-боларимизнинг хотираси ҳеч қачон унутилмайди.

6. Хива хонлигининг тугатилиши. Хоразм Халқ Совет Республикасининг тузилиши

XX аср бошларида Россия империясининг ярим мустамлакаси ҳисобланган Хива хонлигида хон бошлиқ амалдорлар, руҳонийлар мамлакат бошқарувида чекланмаган ҳуқуққа эга бўлиб, иқтисодий ҳаётда эса ерга эгалик муносабатлари ҳам аввалги ҳолатдагидек сақланиб қолган эди. Империя ҳукмронлиги таъсирида кўпгина юқори мансаблар (иноқ, оталиқ, бий) олдингидек иқтисодий асосини йўқотган бўлса ҳам, лекин юқори унвон сифатида мамлакат сиёсий ҳаётида катта таъсирга эга эди.

Хива хонлигидаги асосий шаҳарларга Хива, Урганч, Тошқовуз, Ҳазорасп, Питнак ва бошқалар кирган. Хонлик ҳудуди Россия империяси босқинидан кейин 62.236 кв.км бўлиб, у 20 та беклик ва 2 та ноибликдан иборат эди. Аҳоли аниқ рўйхатга олинмаган бўлиб, бу даврга оид манбаларда, у 600 мингдан 900 мингга қадар кўрсатилади. Уларнинг 60 фоиздан кўпроғини ўзбеклар, 28 фоизини туркманлар, қолганларини қозоқ, қорақалпоқ, форс (эроний), араб, рус ва бошқа халқ вакиллари ташкил этган.



Хива хони
Муҳаммад Раҳимхон II (Феруз)
(1864–1910 йй.)

Ижтимоий-сиёсий ва иқтисодий тараққиётдан анча орқада қолган Хива хонлигида саноат ишлаб чиқариш йўқ даражада бўлиб, бу ерда ўндан ортиқ пахта, ёғ заводларигина бор эди. Аҳолининг асосий қисми деҳқончилик, чорвачилик, ҳунармандчилик, косибчилик ва бошқалар билан шуғулланган. Халқ оммасининг турмуш шароити анча оғир бўлиб, улар ҳосилдор ерлар, суғориш манбаларини ўз қўлида тўплаб олган амалдорлар ва руҳонийларга кўплаб солиқлар тўлаб турганлар. Ўша давр манбаларида қайд қилинишича, Хива хонлигида 20 дан ортиқ солиқ тўловлари ва мажбурийятлар бўлган. Айниқса, Биринчи жаҳон уруши йилларида солиқ ва тўловларнинг миқдори ҳамда тури янада ошган.

XX аср биринчи чорагида бутун Туркистон ўлкаси, Бухоро амирилиги каби Хива хонлигида ҳам халқ ҳаракатининг мафкуравий асосини жаҳидчилик ҳаракати, жаҳидчилик ғоялари ташкил этди. Туркистон ва Бухородан фарқли ўлароқ, Хива хонлигидаги жаҳидчилик ҳаракатининг шаклланишида, ҳаракатнинг асосий йўналиши ҳисобланган мактаб, маориф

ишининг тараққиётида Хива хони Муҳаммад Раҳимхон II (Феруз), қозикалон Салим Охун ва унинг ўғли Бобо Охун, вазир Ислонхўжа, мирзабоши ва девонбеги лавозимида ишлаган Паҳлавонниёз Комил Хоразмий, Хонқа ҳокими Муҳаммад ва бошқалар катта роль ўйнадилар.

Улар ўз ҳисобларидан бир қанча мактаблар очишди. Бобо Охун Салимов дўсти Бекжон Раҳмонов билан бу мактаблар учун дарслик китобларини ҳам ёзишган. Хонликда жаҳидчилик ҳаракатининг шаклланишида Мунис, Огаҳийлар асос солган ва кейинчалик Баёний бошчилигида давом эттирилган тарихчилик ва таржимонлик мактабининг мавжудлиги, тарих ва ўтмишга эътиборнинг кучлилиги ҳам катта роль ўйнаган. Шунингдек, Туркистон ва Бухородаги каби Хива хонлигида жаҳидчилик ҳаракатининг шаклланишида ташқи омил, яъни Россиядан келган илғор фикрли зиёлилар, инқилобий руҳдаги сургун қилинган ёшлар ва Россиядаги ўзгаришлар ҳам ўз таъсирини кўрсатган. Жаҳидчиликнинг асосий йўналишларидан бири бўлган матбуот Хива хонлиги ҳудудида мавжуд бўлмаса ҳам хонликдаги илғор зиёлилар Туркия, Эрон, Россия, шунингдек, Тошкент, Самарқанд ва Бухорода чиқадиган жаҳид газеталари ва журналлари билан танишиб борганлар.

Хоразмдаги жаҳидчилик ҳаракатидан 1914 йил август ойида «Ёш хиваликлар» ташкилоти тузилди, унга раис қилиб Полвонниёз Ҳожи Юсупов (1861-1936) сайланган. «Ёш хиваликлар» ҳаракатида бу даврда қозикалон Бобо Охун Салимов (1874-1929)нинг ҳам ўрни бўлакча эди. «Ёш хиваликлар» дастурининг асосини мавжуд тузум доирасида ислохотлар ўтказиш, мактаб-маориф ишини яхшилаш, хон ҳокимиятини чеклаш каби масалалар ташкил қилар эди.

Иқтисодий қийин шароитда яшаётган хонлик аҳолисининг аҳволи бошланиб кетган Биринчи жаҳон уруши боис янада оғирлашди. Хонлик истибдодига қарши 1915-1916 йилларда туркманлар Жунаидхон бошчилигида қўзғолон кўтардилар. Туркман, ўзбек, қozoқ аҳолисининг мавжуд тузумга қарши

курашини «Ёш хиваликлар» партияси раҳбарлари фаол қўлаб-қувватлашди.

1917 йил февраль инқилоби пайтида Хива хони Асфандиёрхон Қримда дам олаётган эди. Шунинг учун ҳам у Россия императорининг тахтдан воз кечганини эшитган заҳоти хонликка шошилди. Асфандиёрхонни кутиб олишга чиққан давлат арбоблари орасида Ҳусайнбек Матмуродов, Полвонниёз Ҳожи Юсуповлар ҳам бор эдилар. Хива гарнизонидаги солдатлар ҳам худди Россиядаги каби ўз советларини ташкил қилишган эдилар. Ана шу советларнинг фаолларидан Латипов, Тиниев ва бошқаларнинг ташвиқотлари билан Полвонниёз Ҳожи Юсупов бошлиқ «Ёш хиваликлар» 4 апрелда солдатларнинг Муваққат ҳукуматга қасамёд қилиши учун тўпланган тантанага кишиларни йиғиб бориб, солдатлардан Хива хонини ағдариб ташлашни сўрашди. Гарнизон бошлиғи хонни тахтдан олиб ташламаслик талаби билан «Ёш хиваликлар»га ёрдам беришга рухсат берди. 5 апрель куни Асфандиёрхон рус солдатлари ҳимоясида саройга келиб, халқ номидан қўйиладиган талаб (манифест)ни имзолашга мажбур бўлди.

Манифестга асосан хон ҳокимияти қошида қонун чиқарувчи орган — мажлис ва нозирлар кенгаши ташкил этилди. Мажлиснинг биринчи йиғини 1917 йил 26 апрелда бўлиб ўтди. Унда мажлис раиси этиб Бобо Охун Салимов, нозирлар кенгашининг раиси этиб Ҳусайнбек Матмуродов сайландилар. Бу ташкил қилинган давлат органлари таркибида «Ёш хиваликлар»нинг аъзолари кўпчилиқни ташкил қилар эди. Лекин кейинчалик Асфандиёрхон Хива гарнизони бошлиғи генерал Мирбадалов ва Зайцевларнинг ёрдами билан мажлисдан «Ёш хиваликлар»нинг аъзоларини сиқиб чиқаришга муваффақ бўлди. Турли баҳоналар билан Ҳусайнбек Матмуродов ва бир қанча «Ёш хиваликлар»ни зиндонга ташлади. Полвонниёз Ҳожи Юсупов, Назир Шоликоров, Бобо Охун Салимов, Жуманиёз Султонмуродов, Бобожон Яқубов ва бошқалар хоннинг таъқибидан қутулиш учун Тўрткўл, Чоржўй, Тошкент каби шаҳарларга қочиб кетишди.

Бу пайтда Тўрткўл ва Тошкентда совет ҳокимияти ўрнатилган эди. Совет ҳукумати орқали «Ёш хиваликлар»нинг Асфандиёрхон, Зайцев, Жунаидхонларга ўз ҳамфикрларини зиндондан озод қилишни талаб қилиб, юборган бир қанча телеграммалари ҳеч қандай натижа бергани йўқ. Ақсинча, октябрь тўнтаришидан кейин Хива шахридан рус аскарлари олиб чиқиб кетилди ва Асфандиёрхон ўзининг ҳарбий таянчидан маҳрум бўлди. Бу 1916 йил қўзғолонидан кейин Эронга қочиб кетган Жунаидхоннинг Хива хонлигига қайтиб келиши ва бу ерда катта мавқега эга бўлишига сабаб бўлди. Чунки мингдан ортиқ қуролланган сарбозларга эга бўлган Жунаидхон билан муроса қилмасдан Асфандиёрхон ва унинг атрофидаги аъёнлар бундан кейин ҳокимиятни сақлаб қолишга таянчлари йўқ эди. Шунинг учун ҳам Асфандиёрхон Жунаидхонни «сардори карим», яъни хоннинг лашкарбошиси қилиб тайинлади. Шу билан ўзи Жунаидхон қўлидаги қўғирчоқ хонга айланиб қолди. Хонликдаги ҳокимият эса тўла равишда Жунаидхон қўлига ўтди. Тошкентга етиб келган Полвонниёз Ҳожи Юсупов бошлиқ «Ёш хиваликлар» 1918 йил баҳорида совет ҳокимиятининг фаолларидан бири бўлган Юсуф Ибрагимовнинг маслаҳати билан ўзлари тўрт киши бўлишига қарамасдан, «Ёш хиваликлар» партиясининг марказий қўмитасини ташкил қилдилар.

1918 йил октябрь ойларига келганда «Ёш хиваликлар» таъсири билан Жунаидхон ва Асфандиёрхон ўртасига низо солинди ва бунинг оқибатида Жунаидхоннинг ўғли Эшим томонидан Асфандиёрхон пичоқ уриб ўлдирилган. Унинг ўрнига акаси Сайид Абдуллахон хон деб эълон қилинди. Жунаидхон Хива хонлиги ҳудудида большевиклардан мустақил бўлган давлатни сақлаб қолишга ҳаракат қилди. 1918 йил ноябрь ойида Амударёнинг ўнг қирғоғидаги ерларда ташкил қилинган совет ҳукуматига қарши Жунаидхон бир неча маротаба самарасиз урушлар олиб борди. 1919 йил апрель ойида совет ҳукумати билан Жунаидхон ўртасида Тахта шартномаси тузилди. Унга совет ҳукумати томонидан Христофоров, Хива хонлиги томонидан Жунаидхон имзо чекди-

лар. Бу вақтинчалик келишув бўлиб, унга иккала томон ҳам амал қилмади.

Бу пайтда Тўртқўлда мулла Жуманиёз Султонмуродов бошлиқ «Ёш хиваликлар» партиясининг қўмитаси тузилган бўлиб, уларнинг сони Хива хонлиги ҳудудидан қочиб ўтганлар ҳисобига кундан-кунга кўпаяётган эди. Уларни совет ҳукумати хивалик инқилобчилар деб, большевиклар партияси сафига қайд қилишган. Мана шу «Ёш хиваликлар»нинг талаблари ва туркман уруғлари орасида Қўшмамедхон, Ғуломалихон каби уруғ сардорларининг Жунаидхон билан келишмай қолганлиги ҳақидаги хабарни ҳисобга олган большевиклар Скалов раҳбарлигида 1919 йил 22 декабрда мустақил давлат — Хива хонлиги ҳудудига бостириб кирдилар. 1920 йил 1 февралда Жунаидхон қўшинларини тор-мор қилган қизил армия Хива шаҳрига кириб борди. 2 февраль куни сўнгги Хива хони Сайид Абдуллахон тахтдан воз кечди.

Хивада Жуманиёз Султонмуродов раислигида Муваққат инқилобий қўмита ташкил этилди. 1920 йил 26-30 апрель кунлари Хоразм меҳнаткашларининг биринчи қурултойи бўлиб ўтиб, унда Хива хонлиги ҳудудида Хоразм Халқ Совет Республикаси ташкил этилганлиги эълон қилинди ва Полвонниёз Ҳожи Юсупов раислигида Халқ Нозирлар Шўроси тузилди. Бу ҳукумат таркибига асосан ёш хиваликлар партиясининг аъзолари кирган бўлиб, улар мамлакатда демократик тузумни ўрнатиш, мустақил давлатни барқарорлаштириш борасида катта ишларни амалга оширдилар. Ана шундай ишларнинг биттаси сифатида Бобо Охун Салимов раислигидаги делегациянинг уч ой давомида Москва ва Петроград шаҳарларида бўлишди. 1920 йил 13 сентябрда РСФСР билан ХХСР ўртасида иқтисодий-сиёсий шартнома имзоланди. Бу ҳужжатга кўра, ХХСР мустақил давлат ҳисобланиб, совет Россияси билан ўзаро тенг ва бир-бирларининг ички ишларига аралашмасликка келишиб олинди. Лекин ХХСР ҳукумати раҳбарлари олиб борган мустақил сиёсат совет тузуми ва унинг республика ҳудудидаги вакилларига ёқмади. Чунки Полвонниёз Ҳожи Юсупов бошлиқ ҳукумат хусусий мулк,

вақф ерларини, диний муассасаларни тарқатиб юбориш ўрнига уларни сақлаб қолиш ва мустақамлашга ҳаракат қилаётган эди.

ХХСР нинг Конституциясида ҳам хусусий мулк эътироф этилган эди. Бу нарса ўша пайтдаги совет ҳукуматининг Хоразмдаги вакиллари Скалов, Иоффе, Дубянский, Шокиров ва бошқаларга ёқмади. Дубянский ва Шокировлар 1920 йил август ойида Қўшмамедхон ва Фуломалихонларни Хивага чақириб, уларни йигитлари билан қатл қилишга, бу билан маҳаллий ўтроқ аҳоли ва туркман чорвадорлари ўртасида низо туғдиришга ҳаракат қилишди. Фуломалихон қочиб қутулган бўлса ҳам, Қўшмамедхон ва унинг йигитлари қатл этилди. Бу фитна ёш хиваликлар ҳукумати зиммасига юклатилди. Натижада, 1921 йил 6 мартда Хива шаҳрида қизил аскарлар томонидан намоиш уюштирилиб, инқилобий қўмита тузилди ва Полвонниёз Ҳожи Юсупов бошлиқ ҳукумат аъзолари қамоққа олинди. Полвонниёз Ҳожи Юсупов ва Назир Шоликоровлар қочиб яширинишга улгуришди.

ХХСР да коммунистлар олиб борган сиёсат маҳаллий кадрлар, зиёлилар, умуман, мустақил фикрга эга бўлган инсонларни йўқотишга қаратилган эди. Хоразм республикаси мавжуд бўлган атиги 5 йилга яқин муддат ичида республика ҳукумати — Халқ Нозирлар Шўроси ва Хоразм МИК раислари ўн мартадан ўзгартирилганлиги фикримизнинг яққол исботидир.

1920-1921 йилларда аграр соҳада дастлабки ўзгаришлар амалга оширилиб, 10000 десятина ер деҳқонларга бўлиб берилди. Бундан ташқари, уларга уруғ, деҳқончилик асбоблари ҳамда ссуда (қарз) ажратилди. Деҳқонларга кредит ҳисобидан 5000 чорва мол сотилди. Эски суғориш иншоотларини қайта тиклаш билан бирга янгилари ҳам қурилди. Масалан, 1922 йил охиригача Хоразм деҳқонлари Ҳазораспдан Хўжайлигача бўлган ҳудудда 12 та сув тўғони қурдилар. 1922 йилда чорвакор ва камбағалларга ер бўлиб бериш учун давлат ер фонди тузишга ҳамда деҳқонларга узоқ муддатли ва қайтариб олинмайдиган ссудалар бериш учун давлат деҳқон-

лар банкени таъсис этишга қарор қилинди. Банкка 3 млрд. сўм маблағ ажратилган. Хуллас, 1921-1922 йилларда 400000 танобдан ортиқроқ ер камбағал деҳқонларга бўлиб берилди.

Таъкидлаш жоизки, ХХСР да иқтисодий сиёсат ва хўжалик соҳасидаги ислохотлар зиддиятли тарзда кечди. Хоразм Республикасидаги солиқ сиёсатида совет Россиясининг таъсири кучлироқ бўлганлиги учун синфий ёндашув яққол намоён бўлди. Солиқнинг оғир юки савдогарлар, судхўрлар ва йирик ер эгалари зиммасига тўғри келди. Қишлоқ хўжалигида ягона солиқ тизими (1922 й. декабрь) жорий қилинди. Солиқ тўлашни тўғри йўлга қўйиш мақсадида давлат банки ва солиқ палатаси ташкил қилинди. Янги иқтисодий сиёсат (НЭП)нинг эълон қилиниши билан карвонсаройлар, корхоналар, кўллар ва тўқайлар ижарага берилди бошланди. Симлари тортилиб, дарё кемачилигини тиклашга киришилди. Бир қанча йирик кўприклар қурилди. Пахта майдонларининг ҳудуди 1921 йилдаги 10000 танобдан 1924 йилда 85000 танобга, ҳосилдорлик 100000 пуддан 800000 пудга кўтарилди. Умумий экин майдонлари 1913 йилдаги даражанинг 62 %ни, ҳосилдорлик 70-75 %ни ташкил қилди. 1923 йилга келиб, 6 та пахта тозалаш заводи, 4 та тери заводи, 10 та ғишт заводи, ёғ заводи, босмаҳона, электростанция тикланди. Қоғоз ва шиша заводлари қурилди. Саноатда давлат сектори устувор мавқени эгаллади.

Хукумат маданий-маърифий ва соғлиқни сақлаш ишларига ҳам катта эътибор қаратди. 1920 йил баҳорида республикада янги типдаги мактаблар ташкил қилина бошланди. 1921 йил сентябрида Хивада очилган халқ дорилфунуни республика маданий ҳаётида катта воқеа бўлди.

Хоразм республикаси тузилган дастлабки ойлардан бошлаб ғоявий-сиёсий вазият кескинлашиб борди. «Ёш хиваликлар» ҳукумати, демократик кучлар маҳаллий шароитни тушунган ҳолда аҳолининг урф-одатлари ва кадриятларини эъзозлаб иш олиб борди. Аммо Хивани босиб олиш жараёнида кириб келган қизил армия, унинг қўмондонлари, большевиклар республикадаги ижтимоий-сиёсий ҳаётга салбий таъсир кўрсатдилар. Улар маҳаллий шароитни, халқ

оммаси кайфияти ва қарашларини назар-писанд қилмай, тезкорлик билан инқилобий чора-тадбирларни амалга оширишга киришдилар. Бу ишларни амалга оширишда Хоразм компартияси (1921 йил декабрда тузилган) уларнинг яқин ёрдамчисига айланди.

Хоразм республикасида кейинги йилларда ҳам ғоявий-сиёсий кураш давом этди. 1923 йил баҳорида савдо-саноат ноизи Нуруллаев Москвада РСФСР билан бўлаётган музокараларда қатъийлик кўрсатгани учун Хоразмга чақирилиб, қамоққа олинди. Совет Россиясининг кўрсатмалари асосида 1923 йил ёз-кузида Хоразм республикасида туб сиёсий тўнтариш амалга оширилди. 1923 йил октябрда ХХСР Хоразм Совет Социалистик Республикаси (ХССР)га айлантирилди. ХССР нинг янги Конституцияси қабул қилинди. Бу Конституция мамлакатни социалистик қурилиш йўлига ўтишини қонун йўли билан мустақамлади.

Хулоса қилиб айтганда, 1923 йил кузидан бошлаб Хоразм республикасидаги демократик ўзгаришларга бутунлай чек қўйилди. Хоразмни советлаштириш жараёни ўзининг юқори босқичига кўтарилди. Бу ҳолат 1924 йилнинг охиригача давом этди.

7. Бухоро амирлигининг афдарилиши. Бухоро Халқ Совет Республикасининг ташкил топиши

1917 йил Бухоро амирлиги ҳам муҳим ўзгаришлар арасида турарди. Бу даврда Бухорода жадиличлик ҳаракати ва ундан ўсиб чиққан «Ёш бухороликлар» партиясининг фаолияти кучайди. «Ёш бухороликлар» 1910 йилдаёқ ўзларини алоҳида ташкилот сифатида эълон қилган эди. Улар даставвал мавжуд монархия тузуми доирасида демократик ислохотлар ўтказиш, конституцион монархияни ўрнатиш орқали амирнинг мутлақ ҳокимлигини чеклаб қўйиш тарафдори бўлишган.

1917 йил 7 апрелда Бухоро амири Сайид Олимхон мамлакатда ислохотлар ўтказиш тўғрисида фармон чиқарса ҳам амалда уни жорий қилмади. Жадиждар Бухоро шаҳрида на-

мойиш уюштирганларидан сўнг мамлакатда уларни ёппасига таъқиб этиш бошланди.

Бухородаги апрель воқеаларининг якуни шу бўлдики, ҳукуматда консерватив кучлар яна устунликка эришдилар. Сайид Олимхон қозикалон Шарифжон Маҳдумни лавозимидан бўшатди, газабланган мутаассиблар раис Абдусамадхўжани оломон қилиб ўлдирдилар. Насруллобек қўшбегининг буйруғи билан ёш бухоролик жадидларнинг машҳур намояндаси Садриддин Айний ва бошқалар 75 таёқ уриб жазоландилар. Ислоҳотчилик ҳаракатининг бу босқичи мана шундай салбий натижа билан якунланди.

Октябрь тўнтаришидан кейин совет Россияси билан Бухоро амирлиги ўртасидаги муносабатлар кескинлашди. Туркистон республикасининг большевиклардан иборат раҳбарияти Бухоро амирлигининг давлат мустақиллигини расмий равишда тан олишига қарамай, амалда унинг ички ишларига доимий равишда аралашиб турди.

«Ёш бухороликлар» амирлик истибдодига қарши курашни давом эттирди. Партия ичида турли гуруҳларнинг борлиги, қарашларнинг хилма-хиллиги туфайли ягона дастур тузишга эҳтиёж туғилди. Марказий қўмита бу вазифани 1917 йил ноябрда Фитратга топширди. Фитрат томонидан 1918 йил январда ёзилган «Ёш бухороликлар» партиясининг дастури Марказий қўмита томонидан тасдиқланди ва ислоҳот лойиҳаси сифатида эълон қилинди. Унда Бухорода конституциявий монархия ўрнатиш, Бухоронинг иқтисодий, сиёсий ва ҳарбий мустақиллигини таъминлаш, маданий тараққиётга эришиш лозимлиги, деҳқончилик ва солиқ тизимига алоҳида эътибор берилди. Бухорода замонавий армияни ташкил этиш, 2 йиллик мажбурий ҳарбий хизматни жорий қилиш, давлат ҳисобидан мактаблар ва олий ўқув юрталари очиш зарурлиги таъкидланди. Лойиҳада Бухорода 10 та нозирликдан иборат Нозирлар Шўроси тузиш таклиф этилди. Кейинчалик Файзулла Хўжаев Фитрат лойиҳасининг анча чекланганлигини танқид қилиб, унда бошқарувнинг республика усулини жорий этиш талаб қилинмаганлигини кўрсатган эди.

Туркистон ХКС Бухоро давлатига қарши чиққан ҳолда, амир ҳукуматини куч билан ағдаришга урунди. Большевиклар шу мақсадда ёш бухоролик жадидларни қўллаб-қувватлашди. 1918 йил март ойида Туркистон ўлкаси ХКС раиси Ф.Колесов қўмондонлигидаги қизил аскарлар мамлакат пойтахти Бухоро шаҳрига ҳужум уюштирдилар. Уларнинг ҳужуми муваффақиятсиз тугаган бўлса ҳам, Бухородаги сиёсий тузумни ўзгартириш учун уриниш тўхтамади. Афсуски, амир Олимхон мамлакаттақдири ҳал қилинаётган ушбу фурсатда муҳолифатдаги «Ёш бухороликлар» партияси арбоблари билан тил топиша олмади. У мамлакатла конституцион монархия ва демократик тартиботларни ўрнатмоқчи бўлган жадидлар — «Ёш бухороликлар»ни йўқотиш йўлини тутди. Файзулла Хўжаевнинг таъкидлашича, Колесов воқеасидан кейин амир мамлакатда 3000 кишини қатл қилган. Садриддин Айнийнинг ёзишича фақат пойтахт — Эски Бухоро эмас, балки Фиждувон, Шофиркон, Вобкент, Қоракўл, Чоржўй, Хатирчи, Кармана, Қарши, Шаҳрисабз бекликларида ҳам минглаб кишилар жадидликда айбланиб, ноҳақ ўлдирилди. Бухоролик жадидларнинг тирик қолган вакиллари Самарқанд, Тошкент ва Москвага жўнаб кетишга мажбур бўлишди.

«Ёш бухороликлар»нинг бир қисми 1918 йилнинг кузида Тошкентда Бухоро компартиясини тузишди. Файзулла Хўжаев Москвада муҳожирлиги даврида (1918 йил октябрь) Туркистон республикасининг РСФСР ҳукумати ҳузуридаги мухтор ваколатхонаси қошида «Ёш бухороликлар» партияси бўлимини ташкил қилди. 1920 йил январда Тошкентда Файзулла Хўжаев бошчилигидаги инқилобчи «Ёш бухороликлар» партиясининг Туркистон Марказий бюроси тузилди. Большевиклар «Ёш бухороликлар»дан амирлик ҳокимиятини ағдаришда фойдаландилар. Улар ҳам тактик мақсадларни кўзлаган ҳолда большевикларга яқинлашишди.

«Ёш бухороликлар» партиясининг Туркистон Марказий бюроси 1920 йил 13-14 июнда бўлган бирлашган конференциясида Файзулла Хўжаев тузган дастурни қабул қилди. Дастур

«Зулмга қарши бирлашингиз!» деган шиор ва кириш қисми билан бошланади. Бу қисмда Бухоронинг умумий аҳволи ва «Ёш бухороликлар»нинг асосий мақсадлари, иккинчи қисмида эса «Ёш бухороликлар»нинг амалий таклифлари, ислохот ва мамлакатнинг идора қилишни ташкил қилиш режаси баён этилди. Шариат-адлия ишларини олиб боришнинг негизи, деб қуйидагича эътироф қилинди: «Шариат-адлатни талқин қилувчи ва камбағалларни ҳимоя этувчидир». Дастурда амирликни қурол кучи билан ағдариб ташлаш ва Бухорони демократик халқ республикаси деб эълон қилиш талаби қўйилди. «Ёш бухороликлар» катта бойлар қўлидаги ерларни мусодара қилиш, бепул бошланғич таълим жорий этиш, шунингдек, қишлоқ хўжалиги, хунармандчилик саноти, ички ва ташқи савдонинг аҳволини яхшилаш йўлида амалий чора-тадбирлар қўриш зарурлигини таъкидлашди.

1920 йил 25 августда Туркистон fronti қўмондони М.В.Фрунзе қизил аскарларга Бухорони босиб олиш учун буйруқ берди. Кескин жанглардан сўнг, 2 сентябрда Бухоро шаҳри босиб олиниб, Сайид Олимхон ҳокимиятдан ағдариб ташланди. Қизил аскарлар Шарқнинг энг қадимги шаҳарларидан бири, «Ислом динининг гўмбази» ва «шариф шаҳар» ҳисобланган муқаддас Бухорони вайрон қилдилар. Қадимий Бухоро ўт ва харобалар ичида қолди.

Шафқатсиз ўқ ёмғири ва бомбардимон натижасида шаҳар обидаларининг бир қисми вайрон этилиб, минглаб бегуноҳ одамлар нобуд бўлган. Ўша давр воқеаларининг бевосита шоҳиди бўлган маҳаллий тарихчи Муҳаммад Али Балжувоний ўзининг «Тарихи Нофеий» («Фойдали тарих») асарида қизил аскарлар томонидан қилинган Бухоро босқини оқибатларини қуйидагича тасвирлайди: «Бухорони босиб олиш натижасида 34 гузар, 3000 дан ортиқ дўкон, 20 та сарой, 29 та масжид ёниб хароб бўлди. Минораи Калонга ҳам зарар етиб, Олимхон ва Мир Араб мадрасалари ёниб кетди... Ҳазрати Имом дарвозасидан Гузари Назаргача, Кофиробод, Ўғлон дарвозаси, Масжиди Калон, Зиндондан Тўқимдўзий ҳаммомигача, минора остидан то Сўзангарон даҳаси, Гул бозор,

Латтафурушлар растаси, Регистондан то Пули ошиқоннинг бошигача батамом ёниб кетди. Қарши дарвозаси ҳам ёниб кетди... Шаҳарда 3000 га яқин ҳовли ёниб кул бўлди. Бухоро шаҳри қарийб 20 кун ёнганди. Бухоронинг шу даражада хароб бўлганини ҳеч бир тарих кўрмаган эди». Бухороликлар бу кунларни «кичик қиёмат» деб аташган.

Шаҳарга кирган қизил аскарлар арқдаги амир хазинасини, Бухоро қозикалони, қўшбеги ва бошқа амалдорларнинг бойлигини мусодара қилганлар. Аскарлар ва қўшин раҳбарлари катта бойлик орттирганлар. Ҳатто Фрунзе хазинадаги қимматбаҳо бойликларнинг бир қисмини ўзи учун сақлаб қўйган. Туркистон ҳарбий-инқилобий бюро «учлиги»нинг аъзоси А.Машицкийнинг 1920 йил сентябрда В.И.Ленинга ёзган маълумотномасида шаҳар маркази яксон қилинганлиги, Регистон ва арк ёндирилгани, арк ертўлалари ва омборхоналаридаги бойликлар — олтин, кумуш, бриллиантлар талангани, бунда қизил армия бевосита қатнашгани ҳақида хабар берган.

Сентябрь ойининг бошида амирлик хазинаси ва бошқа бойликлар ортилган 2 эшелон юк Самарқанд ва Тошкент орқали Москвага йўл олди. Қарийб 15 сентябргача давом этган Бухоро таловининг гувоҳи бўлган Туркбюро раиси ўринбосари Г.Сафаров бу хусусида қуйидаларни ёзган эди: «Бухорога келган қизил қўшинлар энг аввало талончилик билан шуғулландилар. Улар ҳаммани ва ҳамма нарсани талладилар. Умуман қизиллар Бухорони талаш учун келган эдилар». Бухоро шаҳридан сўнг қизил армия 27 та бекликни ҳам бирин-кетин эгаллади.

1920 йил 14 сентябрда бўлган Халқ Нозирлар Шўроси, Ревком ва Бухоро Компартияси МК нинг умумий йиғилишида 9 кишидан иборат Бутун Бухоро инқилобий қўмитаси (раиси — Абдулқодир Муҳитдинов) ва республика ҳукумати — 11 кишидан иборат Халқ Нозирлар Шўроси (раиси — Файзулла Хўжаев) тузилди. Мамлакатни бошқариш мақсадида тузилган Бухоро Халқ Нозирлар Шўроси таркиби қуйидагича эди: раис ва хорижий-ташқи ишлар (нозир — Файзулла

Хўжаев), маориф (Қори Йўлдош Пулатов), дохилия — ички ишлар (Мухтор Сайиджонов), молия (Усмонхўжа Пулатхўжаев), давлат назорати (Нажиб Хусайинов), фавқулодда комиссия (Чекка раиси — Юсуф Иброҳимов), адлия (Мукамил Бурҳонов), ҳарбий ишлар (Баҳовуддин Шихобуддинов), ер-сув ишлари-деҳқончилик (Абдулқодир Муҳитдинов), савдо ва саноат (Мирзо Муҳитдин Мансуров) нозирликлари. Бу пайтга келиб, инқилобчилик таъсирида бўлган «Ёш бухороликлар» партияси аъзолари Бухоро компартияси сафига киришга мажбур бўлган эдилар. Ушбу ўринда таъкидлаш жоизки, асосан жадидлардан ташкил топган Бухоро ҳукумати ўша пайтда маълумотли кишилар йиғилган ҳукуматлардан бири ҳисобланган. Бухоро жадидлари ўзларининг ислохотчилик ғояларини янги ҳукуматдаги фаолиятлари давомида амалга оширишга ҳаракат қилдилар.

1920 йил 6-8 октябрда амирнинг ёзги саройи — Ситораи Моҳи хосада чақирилган Бутун Бухоро халқ вакилларининг I қурултойида Бухоро Халқ Совет Республикаси (БХСР) тузилганлиги тантанали равишда эълон қилинди. Бу давлат тузуми жиҳатидан халқ демократик ҳокимияти эди. Унинг зиммасига қисқа муддат ичида ўрта асрчилик анъаналаридан мерос қолган амирлик Бухоросини демократик давлатга айлантиришдек тарихий вазифани бажариш тушди. Қурултой давлат ҳокимиятининг қонун чиқарувчи олий органи бўлган Бухоро инқилобий қўмитаси (Марказий Ревком), Бухоро Халқ Нозирлар Шўроси — дастлабки ҳукумат таркибини узил-кесил тасдиқлади. Уларнинг ваколат муддати II қурултойгача узайтирилди. 1920 йил октябрь-ноябрь ойларида БХСР билан РСФСР ўртасида муваққат ҳарбий-сиёсий аҳдлашув ва шартнома тузилди. 1921 йил 4 мартда ҳарикки давлат ўртасида иттифоқ шартномаси имзоланди. Ушбу шартномалар мустақил сиёсат юритишга ҳаракат қилаётган ёш Бухоро давлати арбоблари фаолиятини муайян даражада чеклашга олиб келди. Иттифоқ шартномаси мустақил Бухоро давлати ҳудудида совет қўшинлари туришини «қонуний»

асослаб бердики, мазкур ҳол БХСР ички ишларига Россиянинг тўғридан-тўғри ҳарбий жиҳатдан қуроли аралашувидан бошқа нарса эмас эди.

Бухоро ҳукумати олдида турган энг асосий вазифалардан бири ер-сув масаласини ҳал қилиш эди. 1920 йил 30 сентябрда Бухоро Марказий Ревкоми «Ер тўғрисида»ги декретни қабул қилди. Декретга мувофиқ, собиқ амир, унинг қариндошлари ва амалдорлари қўлидаги бутун ер-мулк камбағал ва ерсиз деҳқонларга берилиши керак эди. Шунингдек, декретга кўра, «хирож», «амлок» ва бошқа солиқлар бекор қилинди. Архив ҳужжатларида келтирилишича, фақат Эски Бухоро туманлари ва Чоржўй беклигида собиқ амир ва бекларга қарашли 10000 таноб ер мусодара қилиниб, камбағал деҳқонларга тақсимлаб берилди.

Аввал бошида Бухородаги янги тузум ва унинг ижобий чора-тадбирларини аҳоли маъқуллаб кутиб олди. Бироқ янги ҳокимият томонидан мулкдорлар табақасига нисбатан кўрилган қаттиқ чоралар, уларга тегишли бутун мол-мулкнинг мусодара қилиниши, сарой аъёнлари ва амир амалдорларининг ёппасига ҳибсга олиниши ва отиб ташланиши, амир хазинасининг Москвага олиб кетилиши, мажбурий озиқ-овқат развёрсткаси, унинг қаттиққўллик билан амалга оширилиши, ислом дини ва уламоларга нисбатан душманлик сиёсати, республика ҳудудида турган қизил армия таъминотининг аҳоли зиммасига юклатилиши, бунинг устига, қизил аскарларнинг босқинчилик ва талончилик фаолияти ҳаққоний равишда халқнинг кучли норозилигига сабаб бўлди. Республикадаги ижтимоий-сиёсий муносабатлар ҳам кескинлашди. Бухорода амир ҳокимияти ағдариб ташланган дастлабки ҳафталардаёқ мамлакатнинг ғарбий, марказий ва шарқий қисмларида қизил армиянинг босқинчилик сиёсати ва большевиклар зулмига қарши бошланган қуроли қаршилик ҳаракати авж олиб кетди.

Айни пайтда Бухоро ҳукумати ичида ҳам сиёсий бўлиниш кучайди. Бир тарафдан, Бухоро компартияси ичидаги сўл

ва ўнг коммунистларга қарши ғоявий жиҳатдан кураш олиб боришга тўғри келса, иккинчи тарафдан, РСФСР ва унинг фавқулодда органлари бўлган Турккомиссия, Туркбюро, Ўрта Осиё бюроси ёш мустақил давлатнинг босган ҳар бир қадамини сергаклик билан назорат қилиб турар эди. Шундай бўлишига қарамасдан, Ф.Хўжаев, У. Пўлатхўжаев, Отаулла Хўжаев, Фитрат, Муинжон Аминов, Мухтор Сайиджонов, Саттор Хўжаев, М.Мансуров, А. Мухитдинов ва бошқалар ҳукуматда демократик йўл тутиб, мўътадил мавқеда турдилар. Улар БХСР нинг амалда мустақил бўлиши, ислоҳотлар ўтказиш зарурлигини ёқлаб чиқдилар.

1921 йил 18-23 сентябрда бўлган Бутун Бухоро халқ вакилларининг II қурултойида демократик руҳдаги БХСР Конституцияси қабул қилинди. Бухоро тарихидаги дастлабки Конституция фуқароларнинг демократик ҳуқуқ ва эркинликларини қонун йўли билан мустаҳкамлади. Конституцияда давлатни идора этиш учун аҳоли барча табақа вакилларининг иштироки таъминланди. Хусусий мулк ва савдо-сотиқ эркинликлари унда ўз ифодасини топди. БХСР Конституцияси барча фуқароларга тенг сиёсий ҳуқуқ берди, миллий тенгсизликни йўқотди.

II қурултойда Бутун Бухоро МИК ташкил қилиниб, унинг раиси этиб Усмонхўжа Пўлатхўжаев (1887-1968) сайланди. 1922 йил августда бўлган III қурултойда бу лавозимни Порсо Хўжаев эгаллади.

Бухоро Республикасидаги иқтисодий сиёсат ва хўжалик соҳасидаги ислоҳотлар зиддиятли тарзда кечди. Бухоро инқилобий қўмитасининг 1921 йил 2 февралдаги декрети ҳамма ерларни умумхалқ мулки деб эълон қилди. Вақф ерлари тугатилди, айрим тоифадаги хўжаликларнинг чорва моллари ва мулклари мусодара қилинди. Суғориш тизими издан чиқди. Экин майдонлари қисқариб, чорва молларининг сони камайиб кетди. Шу билан бир вақтда кўплаб ижобий ишлар ҳам амалга оширилди. 1921 йил кузида ерни тортиб олиш бекор қилинди. БХСР МИК нинг умумий афв тўғрисидаги 1922 йил 25 май декрети вақфларни тугатишни тўхтатиш, қозихона-

лар иши, шариат кўрсатмаларини тиклаш ва ҳоказоларни эълон қилди. Ўша йилнинг ноябрь ойида янги иқтисодий сиёсат (НЭП)га ўтиш эълон қилинди. Бухоро давлат банки тузилиб, «пул ислоҳоти» амалга оширилди. Дехқонларни моддий рағбатлантириш чоралари кўрилди. Бу қишлоқ хўжалигининг барқарор ривожланишига олиб келди. 1923 йили суғориладиган ерлар майдони 1913 йилдаги даражага яқинлашиб қолди. Темир йўллар тармоғи тикланиб, завод ва фабрикалар қайтадан ишга тушди. Бу пайтга келиб Бухоро Республикасида 19 та корхона, 500 дан ортиқ бозор ишлаб турди. Асосан 12000 савдогарлар маблағидан иборат хусусий сармоя мавжуд эди.

1923 йил март ойида Туркистон, Бухоро ва Хоразм иқтисодий жиҳатдан бирлаштирилди ва уни бошқариш учун Ўрта Осиё Иқтисодий Кенгаши (Средаз ЭКОСО) тузилди. БХСР ҳукумати раиси Файзулла Хўжаев Ўрта Осиёнинг иқтисодий жиҳатдан бирлашуви тўғрисидаги фикрни бошида қўлаб-қувватламади. Чунки у иқтисодий сиёсатни ишлаб чиқиш, ҳатто минтақа халқ хўжалиги истиқболлари тўғрисида қарор қабул қилишгача бўлган барча ишлар марказ қўлига ўтаётганлигини англаб, бу сиёсатнинг машғум оқибатларини мушоҳада қила олган эди. Бухоро ҳудудида жойлашган совет Россияси қўшинлари Бухоро давлатининг озиқ-овқати ва ем-хашаги билан таъминланар эди. Ҳукумат бошлиғи Ф.Хўжаев совет қўшинлари сонини 15000 кишигача қисқартириш тўғрисидаги масалани Москва олдига бир неча марта қўйди.

Бироқ Бухоро республикасидаги демократик жараёнларга мамлакатташқарисидан тазйиқ тобора кучайиб борди. 1923 йил 3 июнда Бухорога СССР Қурулли кучларининг Бош қўмондониди С.С.Каменев, Туркфронт Инқилобий ҳарбий кенгаши раиси А.И.Корк, РКП (б) МК Ўрта Осиё бюроси аъзоси Михайлов ва бошқалар келишди. Улар Бухоро ҳукумати фаолиятдан қониқмаётганликларини очик айтиб, социалистик ўзгаришларни жадаллаштириш кераклигини таъкидлашди. Орадан кўп ўтмай, 12 июнда РКП (б) МК Сиёсий бюроси махсус қарор қабул қилиб, Бухоро ҳукуматини советлашти-

риш чора-тадбирларини белгилаб берди. Совет ҳукумати ўз буйруқларини тез ва қаршиликсиз амалга ошириш учун РКП (Б) МК котиби Я.Э.Рудзутакни Бухорога жўнатди. 23 июнда БКП МК ёпиқ пленумида Рудзутак иштирок қилиб, Бухоро ҳукумати раҳбарлари ва маҳаллий коммунистлар олдига қатъий талабларни қўйди. Файзулла Хўжаевнинг энг яқин сафдошлари бўлган собиқ ёш бухоролик жадидлар Отаулла Хўжаев (ташқи ишлар нозири), Фитрат (маориф нозири), Саттор Хўжаев (молия нозири), Муинжон Аминов (Бухоро ЭКО-СО раиси) лавозимларидан четлаштирилиб, Бухоро давлати ҳудудидан чиқариб юборилди. Қори Йўлдош Пулатов, Абдураҳим Юсуфзода, Музаҳар Махсум Бурҳонов, Ҳожи Ҳамро Йўлдошев ҳам масъул лавозимлардан олиб ташланди. Бухоро ҳукумати Москва ва Тошкентнинг «коммунистча сабоғи»ни олган «тажрибали совет ходимлари» билан тўлдирилди.

Бухоро ҳукуматида Туркистондан юборилган эмиссарларнинг таъсири тобора кучайиб борди. Коммунистик унсурлар бу билан чекланиб қолмасдан, 14 августда бўлган Бухоро МИК фавқулодда сессиясида Конституция матнига ўзгартириш киритишга ҳам муваффақ бўлдилар. 1923 йил 11-17 октябрда бўлган Бутун Бухоро халқ вакиларининг IV қурултойи Конституцияни ўзгартириш тўғрисидаги қарорни тасдиқлади. Унга биноан барча савдогар, мулкдор ва собиқ амалдорлар сайлов ҳуқуқидан маҳрум қилинди. Аммо ишчи ва косибларнинг сайлов ҳуқуқи кенгайтирилди. Шунингдек, қурултой жамиятда ижтимоий беқарорликни кучайтирадиган «Совет курилиши тўғрисида» номли махсус қарор қабул қилди. Жамият тобора сиёсийлашиб борди. Бухорода ўтказилаётган демократик ислохотларнинг тақдири хавф остида қолди. Марказнинг талаби билан мамлакатда сунъий равишда социалистик қайта қуришларни амалга оширишга киришилди. Республикадаги бу кескин вазият қуроли мухолифат ҳаракатининг кучайишида ҳам ўз ифодасини топди.

Шундай қилиб, 1923 йил ёзида мустабид совет тузуми Бухорода ўзига хос давлат тўнтаришини амалга оширди. Мил-

лий қўшин ва миллий валю та большевиклар томонидан тугатилди. Бу ҳолат Бухоро мустақиллигига катта хавф туғдирди. Бироқ Хоразм республикасида фарқли равишда, фақат 1924 йил кузидан бошлаб Бухорода социалистик тараққиёт томон йўналиш бошланди.

1924 йил 18-20 сентябрда бўлиб ўтган Бутун Бухоро халқ вакиларининг V қурултойида БХСР Бухоро Совет Социалистик Республикаси (БССР)га айлантирилди. БССР нинг тузилиши юқоридан туриб сунъий тарзда амалга оширилган ходиса эди. Натижада, тараққиётнинг демократик йўли инкор қилиниб, социалистик йўналиши танланди. Марказдаги большевик раҳбарларининг Бухоро ва Хоразм республикаларини социалистик республикаларга айлантиришдан кўзда тутган асосий мақсади маҳаллий халқларни тезроқ советлаштириш, халқ онгига коммунизм мафкурасини мажбуран сингдириш эди. 1924 йил ноябрь ойи охирида худди Хоразм республикаси сингари Бухоро ССР ҳам тугатилиб, унинг ҳудуди 1925 йилда ташкил этилган Ўзбекистон ССР (1929 йилгача таркибида Тожикистон АССР ҳам бўлган) ва Туркманистон ССР га киритилди.

Хулоса сифатида таъкидлаш жоизки, Бухоро ва Хоразм Халқ республикаларининг демократик ислохотлар томон босиб ўтган йўли ўша давр учун ҳам, бутунги кун нуқтаи назаридан олиб қаралганда ҳам машаққатли бўлди. Бухоро ва Хоразм республикалари атиги 4-5 йил ичида дунёвий ислохотлар жорий қилинаётган демократик давлатга айлана бошлаган эди. Лекин бу жараёнлар мустабид совет тузуми томонидан сунъий равишда тўхтатиб қўйилди ва нисбатан мустақил бўлган бу давлатларнинг мавжудлигига ҳам барҳам берилди.

Савол ва топшириқлар

1. 1917 йил февраль-октябрь ойлари оралигида Туркистон ўлкасида рўй берган сиёсий жараёнларнинг моҳияти нимада эди?
2. «Шўрои Ислом», «Шўрои Уламо» қандай ташкилотлар бўлган?
3. 1917 йил октябрь тўнтаришига маҳаллий аҳолининг муносабати қандай эди?
4. Туркистон мухторияти ҳақида нималарни биласиз?
5. Туркистонда совет ҳокимиятига қарши қуролли ҳаракат сабаблари нимада бўлган?
6. Совет ҳокимиятининг 1917-1920 йиллардаги иқтисодий сиёсат моҳияти қандай эди?
7. «Ҳарбий коммунизм» атамаси нимани англатади?
8. Фарғона водийсидаги қаршилик ҳаракати ва қўрбошилар ҳақида нималарни биласиз?
9. «Ёш хиваликлар» ва «Ёш бухороликлар» ҳақида гапириб беринг.
10. Бухоро ва Хива хонлиқларида совет ҳокимияти қай тарзда ўрнатилди?

13-мавзу бўйича фойдаланилган адабиётлар

1. Каримов И.А. Ўзбекистон халқи ўз йўлидан қайтмайди. Асарлар 4 жилд. — Тошкент: Ўзбекистон, 1996. — 302-319-бетлар.
2. Ражабов Қ., Ҳайдаров М. Туркистон тарихи. — Тошкент: Университет, 2002.
3. Аъзамхўжаев С. Туркистон мухторияти. — Тошкент: Фан, 1996.
4. Иброҳим Карим. Мадаминбек. — Тошкент: Ёзувчи, 1993.
5. Иброҳимов А., Султонов Х., Жўраев Н. Ватан туйғуси. — Тошкент: Ўзбекистон, 1996.
6. Жадиdчилик: ислоҳот, янгиланиш, мустақиллик ва тараққиёт учун кураш. — Тошкент: Университет, 1999.
7. Холбоев С. Бухоро амирлигининг олтин хазинаси (тарихи, тақдири, таҳлили). — Тошкент, 2008.

8. Ибодинов А.Мадаминбек. — Тошкент: Шарқ, 1998.
9. Ўзбекистон совет мустамлакачилиги даврида. Ўзбекистоннинг янги тарихи. Иккинчи китоб. —Тошкент: Шарқ, 2000.
10. Ўзбекистон тарихи. Р.Ҳ. Муртазаеванинг умумий таҳрири остида. — Тошкент, Университет, 2005. — 302-330-бетлар.
11. Усмонов К., Содиқов М., Бурҳонова С. Ўзбекистон тарихи. Дарслик. — Тошкент: Иқтисод-молия, 2006.
12. Хўжаев М. Шермуҳаммадбек Қўрбоши. — Тошкент: Шарқ, 2008.
13. Долимов У. Туркистонда жаҳид мактаблари. — Тошкент: Университет, 2006.

Таянч сўзлар.

Февраль инқилоби, буржуа демократик инқилоби, ўлка, совет, шўро, «Шўрои Ислом», жаҳид, қурултой, большевик, мухторият, Туркистон, Фарғона, Хива, Бухоро, Тошкент, қуроли қаршилиқ, қўрбоши, «Ёш хивалиқлар», «Ёш бухоролиқлар», нозир, кенгаш, қизил армия, амирлик, хонлик, «ҳарбий коммунизм», октябрь тўнтариши.

14-мавзу. Совет ҳокимиятининг Ўзбекистонда амалга оширган ижтимоий-сиёсий, иқтисодий тадбирларининг мустамлакачилик моҳияти

Режа:

1. XX асрнинг 20-йиллари бошларида Туркистон ўлкасидаги ижтимоий-иқтисодий ҳаёт. Янги иқтисодий сиёсат (НЭП) ва унинг моҳияти.
2. Туркистон ва Ўрта Осиё Иқтисодий Кенгашлари ҳамда уларнинг фаолияти.
3. Саноатлаштириш. Аграр сиёсат. Қишлоқ хўжалигини жамоалаштириш ва унинг асоратли оқибатлари.
4. Ўзбекистонда «маданий инқилоб» ва унинг оқибатлари.
5. XX аср 20 йиллари иккинчи ярми — 30-йиллардаги сиёсий қатағонлар.

1. XX асрнинг 20-йиллари бошларида Туркистон ўлкасидаги ижтимоий-иқтисодий ҳаёт. Янги иқтисодий сиёсат (НЭП) ва унинг моҳияти

XX асрнинг 20-30-йилларидаги ижтимоий-сиёсий, иқтисодий ҳаёт, у билан боғлиқ зиддиятлар ва мураккаб жараёнлар хусусида қатор илмий-тадқиқот ишлари амалга оширилди. Хусусан, Р.Ражапова, А.Голованов, А.Маврулов, З.Орифхонова, Р.Шамсутдинов, Қ.Ражабов, М.Жўраев илмий излаишлари, қатор асарларида қайд этилган масала моҳиятига оид кўплаб янгилик, хулосалар катта аҳамият касб этмоқда. Хусусан, Р.Шамсутдинов совет давлатининг қулоқлаштириш, коллективлаштириш, кўчириш сиёсатини архив маълумотларига таянган ҳолда чуқур таҳлил этиб беришга муваффақ бўлган. Р.Ражапова, А.Мавруловлар таълим, фан, маданият масалаларини, А.Голованов қишлоқ хўжалигидаги аҳвол, аграр сиёсатни ўз асарида тадқиқ этган бўлсалар, Д.Алимова «Хужум» ҳаракати, «маданий инқилоб» масалаларини, Қ.Ражабов 20-йиллар биринчи ярмида аввал Бухоро Халқ Совет Республикаси, сўнгра Ўзбекистонда кечган ижтимоий-сиёсий жараёнларни таҳлил этиб берганлар.

8. Ибодинов А.Мадаминбек. — Тошкент: Шарқ, 1998.
9. Ўзбекистон совет мустамлакачилиги даврида. Ўзбекистоннинг янги тарихи. Иккинчи китоб. — Тошкент: Шарқ, 2000.
10. Ўзбекистон тарихи. Р.Ҳ. Муртазаеванинг умумий таҳрири остида. — Тошкент, Университет, 2005. — 302-330-бетлар.
11. Усмонов Қ., Содиқов М., Бурҳонова С. Ўзбекистон тарихи. Дарслик. — Тошкент: Иқтисод-молия, 2006.
12. Хўжаев М. Шермуҳаммадбек Қўрбоши. — Тошкент: Шарқ, 2008.
13. Долимов У. Туркистонда жаҳид мактаблари. — Тошкент: Университет, 2006.

Таянч сўзлар.

Февраль инқилоби, буржуа демократик инқилоби, ўлка, совет, шўро, «Шўрои Ислом», жаҳид, қурултой, большевик, мухторият, Туркистон, Фарғона, Хива, Бухоро, Тошкент, қуроли қаршилик, қўрбоши, «Ёш хиваликлар», «Ёш бухороликлар», нозир, кенгаш, қизил армия, амирик, хонлик, «ҳарбий коммунизм», октябрь тўнтариши.

14-мавзу. Совет ҳокимиятининг Ўзбекистонда амалга оширган ижтимоий-сиёсий, иқтисодий тадбирларининг мустамлакачилик моҳияти

Режа:

1. XX асрнинг 20-йиллари бошларида Туркистон ўлкасидаги ижтимоий-иқтисодий ҳаёт. Янги иқтисодий сиёсат (НЭП) ва унинг моҳияти.
2. Туркистон ва Ўрта Осиё Иқтисодий Кенгашлари ҳамда уларнинг фаолияти.
3. Саноатлаштириш. Аграр сиёсат. Қишлоқ хўжалигини жамоалаштириш ва унинг асоратли оқибатлари.
4. Ўзбекистонда «маданий инқилоб» ва унинг оқибатлари.
5. XX аср 20 йиллари иккинчи ярми — 30-йиллардаги сиёсий қатағонлар.

1. XX асрнинг 20-йиллари бошларида Туркистон ўлкасидаги ижтимоий-иқтисодий ҳаёт. Янги иқтисодий сиёсат (НЭП) ва унинг моҳияти

XX асрнинг 20-30-йилларидаги ижтимоий-сиёсий, иқтисодий ҳаёт, у билан боғлиқ зиддиятлар ва мураккаб жараёнлар хусусида қатор илмий-тадқиқот ишлари амалга оширилди. Хусусан, Р.Ражапова, А.Голованов, А.Маврулов, З.Орифхонова, Р.Шамсутдинов, Қ.Ражабов, М.Жўраев илмий изланишлари, қатор асарларида қайд этилган масала моҳиятига оид кўплаб янгилик, хулосалар катта аҳамият касб этмоқда. Хусусан, Р.Шамсутдинов совет давлатининг қулоқлаштириш, коллективлаштириш, кўчириш сиёсатини архив маълумотларига таянган ҳолда чуқур таҳлил этиб беришга муваффақ бўлган. Р.Ражапова, А.Мавруловлар таълим, фан, маданият масалаларини, А.Голованов қишлоқ хўжалигидаги аҳвол, аграр сиёсатни ўз асарида тадқиқ этган бўлсалар, Д.Алимова «Ҳужум» ҳаракати, «маданий инқилоб» масалаларини, Қ.Ражабов 20-йиллар биринчи ярмида аввал Бухоро Халқ Совет Республикаси, сўнгра Ўзбекистонда кечган ижтимоий-сиёсий жараёнларни таҳлил этиб берганлар.

ралар кўрилган. 1920-1921 йиллардаги ер-сув ислоҳотининг амалга оширилиши янги иқтисодий сиёсат (НЭП) билан бирга олиб борилди. Янги иқтисодий сиёсатдан кўзланган мақсад — маҳсулот ишлаб чиқарувчи якка деҳқонларнинг манфаатини ошириш, унинг ерга эгалик қилишини таъминлаш, имтиёзли солиқ олиш ва бозор иқтисодиёти, товар-пул муносабатларига ўтиш эди. Унинг асосий бўғинларини озиқ-овқат развёрсткасининг озиқ-овқат солиғи билан алмаштирилиши, эркин савдо, саноатда хусусий ташаббускорлик ва тадбиркорликнинг жорий қилиниши ташкил этди.

Озиқ-овқат развёрсткасининг солиқ билан алмаштирилиши қишлоқ хўжалик ишлаб чиқаришини кўпайтиришнинг иқтисодий рағбатларини вужудга келтирди ҳамда деҳқон ҳосилнинг қатъий белгиланган қисмини топширгач, унга ўз меҳнати маҳсулини ўзи истаганича тасарруф этиш ҳуқуқи берилди. Янги иқтисодий сиёсат йўлининг ўзига хос хусусияти — товар-пул муносабатларининг жонланиши, савдо ва айирбошлашда чеклашлардан озод бўлиш эди. Эркин савдонинг соғломлашувига 1922-1924 йилларда ўтказилган пул ислоҳоти маълум даражада ёрдам берди. Муомалага курси олтинга тенглаштирилган валюта-червонецнинг чиқарилиши бозор ролининг тикланишида муҳим аҳамиятга эга бўлди.

Ер-сув ислоҳотини амалга оширишдан кўзланган асосий мақсад — маҳаллий ҳамда Туркистондаги бой рус деҳқонларининг ер ва сувга бўлган ҳуқуқларини тенглаштириш эди. Чунки, ўз вақтида мустамлакачи маъмурлари томонидан рус деҳқонларига энг яхши ва ҳосилдор ерлар ажратилган эди.

Ер-сув ислоҳотининг характери 1920 йил сентябрда бўлиб ўтган Туркистон Советлари IX қурултойининг қарорларида акс этди. Ушбу дастурнинг асосида меҳнат билан шуғулланмайдиган бой-қулоқ хўжалиklarини тугатиш ва кўчманчиларни ўтроқ ҳаётга ўтказиш, ерсиз ва кам ерли деҳқонларни ер билан таъминлаш ва энг асосийси, рус деҳқонларининг ортиқча ерларини мусодара қилиш орқали Россия империяси мустамлакачилиги сиёсий оқибатларини енгиш ётар эди. Лекин, вақт ўтиши билан кўчириб келтирилган европалик

аҳоли ерларини мусодара қилиш билан бир қаторда, вақф ерлари тортиб олинди, бойлар, савдогарлар, диний хизматчилар ва қишлоқ ҳамда овулларнинг «меҳнат билан шуғулланмайдиган юқори табақалари» деган бошқа вакилларининг ерлари камайтирилди.

Ер ва сувни тақсимлаш жараёни бир томондан ерсиз ва кам ерли деҳқонларни ер билан таъминлаган бўлса, иккинчи томондан қишлоқдаги сиёсий вазиятни кескинлаштириб, синфий зиддиятларни кучайтирди. Шунингдек, ислоҳот давомида Еттисув ва Жалолобод туманларининг кўчманчи ва ярим кўчманчи аҳолисини ўтроқ ҳаётга ўтказиш сиёсати салбий оқибатларга олиб келди. Зеро, кўчманчиликдан ўтроқ турмуш тарзига ўтиш, нафақат хўжалик фаолият шакллари ўзгартирибгина қолмай, балки асрлар давомида шаклланиб келган ушбу ижтимоий гуруҳнинг турмуш тарзи ҳамда касб-ҳунарини тамомила ўзгартириб юбориши муқаррар эди. Ислоҳот ўтказишнинг инқилобий-зўравонлик усуллари Туркистон қишлоқларида ижтимоий тангликни вужудга келтирди.

Ер-сув ислоҳоти 1922 йил кузида ўз ниҳоясига етди. Уни амалга ошириш давомида ҳамма жойларда, қишлоқ ва овулларнинг ерсиз ва кам ерли маҳаллий деҳқонларини бирлаштирган «Қўшчи» уюшмалари ташкил этила бошланди. Лекин, таъкидлаш жоизки, «Қўшчи» Туркистон деҳқонлари уюшган биринчи ташкилот эмас эди. 1918 йилдаёқ Тошкентда «Деҳқон» иттифоқи вужудга келган эди. Ўшанда Тошкент ва шаҳар атрофидаги туманлар деҳқонлари ҳамда савдо доираларининг турли қатламлари янги ҳокимиятнинг муайян кескин чораларига қаршилик кўрсатишига ҳамда ўз мулкларини сақлаб қолишга ҳаракат қилган эди. Ташкилот деҳқонлар оммасининг озчилик қисмини қамраб олган бўлиб, маҳаллий характерга эга эди. 1919 йили Туркистон республика ва Ер ишлари Халқ Комиссарлигининг кўмаги билан камбағаллар кўмиталари «Комбед»лар тузилди. «Қўшчи» уюшмаси камбағалларнинг кўмиталари ва иттифоқлари ўрнига вужудга келган эди. Ушбу уюшма қишлоқ ва овулларда совет ҳокимиятининг таянчи, «меҳнаткаш деҳқонларни синфий тар-

кўпроғи «Советлар мамлакати»нинг тўқимачилик марказларига юборилди. Масалан, 1922 йилнинг бошларида Туркистондан марказга Красноводск йўналиши бўйича 1150 вагон (63470 та той пахта), Оренбург йўналиши бўйича 1547 вагон (85030 та той пахта), ҳаммаси бўлиб, 2697 вагон (148500 та той пахта) пахта толаси жўнатилган эди.

Совет ҳукуматининг пахта мустақиллигига эришишга қаратилган чора-тадбирлари самарасиз кетмади. Ўзбекистонда пахта етиштиришни кўпайтириш совет ҳукуматига ҳар йили четдан пахта сотиб олинишга сарфланадиган 100 млн. рубль олтинни тежаш имконини берган эди. 1928 йилда эса Ўзбекистон пахтакорларининг давлатга топширган 543,7 минг тонна «оқ олтин»и эвазига СССР пахта етиштириш бўйича дунёда 4-ўринга чиқди ва бу пахта мустақиллигига эришиш йўлида қўйилган дастлабки қадамлардан бири бўлди. Уша йиллардаги ҳукумат ҳужжатларида расман эътироф қилинишича, «...Совет Иттифоқининг четдан пахта келтиришдан озод бўлишида ва СССР тўқимачилик саноатининг пахта хомашёси билан тўла-тўқис таъминланишида Ўзбекистон ҳал қилувчи роль ўйнайди». Ҳақиқатан ҳам агар 1925 йилда СССР га четдан 103,1 минг тонна, 1930 йилда — 57,9 минг тонна пахта келтирилган бўлса, 1933 йилда бор йўғи 24,3 минг тонна пахта келтирилди. Ўзбек пахтакорларининг машаққатли меҳнати эвазига эса совет давлати пахтани четдан сотиб олмай, пахта етиштириш бўйича жаҳонда иккинчи ўринга чиқди. Мана шу тариқа собиқ СССР пахта мустақиллигига эришди.

Пахта яккаҳокимлигини таъминлаш мақсадини амалга оширилиши оқибатида қишлоқ хўжалигининг бошқа тармоқлари, хусусан, чорвачилик инқирозга учради, галла тайёрлаш кескин камайиб кетди. Ҳосилдор ерлар миқдори камайди. Дон, полиз экинларининг ҳосилдорлиги қисқарди.

Янги иқтисодий сиёсат туфайли қишлоқ хўжалигида кооператив ва ширкатчилик ҳаракати авж олди. 1923 йилда Туркистон республикасида қишлоқ хўжалиги ва кредит кооперациялар тизими ташкилий жиҳатдан тугал равишда шакл-

ланди, дейиш мумкин. Давлатнинг кооператив қурилиш сиёсати икки йўналишда олиб борилди. Бир томондан, кооперация майда товар хўжалигини социализмга жалб қилиш воситаси, шахсий ва жамоа манфаатларининг келишув шакли сифатида баҳоланса, иккинчи томондан кооперацияга хусусий секторни сиқиб чиқарувчи ижтимоий қурол деб қаралди.

Марказ қишлоқ хўжалик кредити — қишлоқ хўжалигининг асосий сармоясини (мол-мулки, уруғ фонди, қурилишларни) тиклаш учун фойдаланиш, бу ресурсларни чорвачиликни, пахтачиликни, ирригацияни, боғдорчиликни ва узумчиликни ривожлантиришга ёрдам кўрсатишга йўналтирди. 1923 йилда Туркистонда 1169 та кредит-кооператив ширкати бўлиб, кредитдан фойдаланадиган хўжаликлар сони 28 мингга эди.

Қишлоқ хўжалик маҳсулотларини саноатга контрактация (шартнома) асосида етказиб беришда қишлоқ хўжалик кооперативлари воситачилик қилди. Майда товар деҳқон хўжалиги ривожлана бошлади.

Бироқ ҳар кимни ҳам кооперативга қабул қилишавермасди. Синфий танлов мавжуд эди. Камбағалларга устуворлик бериларди. Аҳолининг ўзига тўқ қатламларига нисбатан қатъий талаблар белгиланган эди. Масалан, «бой», «қулоқ»лар тоифасидаги шахслар биринчи тўлов сифатида ўртаҳоллар тўлайдиган тўлов миқдоридан икки баробар, камбағалларникидан эса ўн икки баробар кўп ҳақ тўлашлари керак бўлган. Кооперативларга қабул қилишдаги бундай табақавий ёндашув ўз навбатида, аксарият қишлоқ аҳли фуқаролик ҳуқуқларининг поймол этилишига, ишбилармон деҳқонларнинг иқтисодий ривожланган жамият қуришидан сунъий бегоналаштирилишига олиб келди.

1927 йилдан кооператив уюшмаларини «давлатлаштириш» сиёсати бошланиб, унинг хўжалик ҳисоби асосидаги негизлари тобора кўпроқ қўпорилди. Деҳқон хўжалигини юксалтиришга доир масалаларнинг ҳаммаси давлатга келиб тақаладиган бўлиб қолди (солиқ сиёсати, кредит, нархлар ва бошқалар).

20-йиллар бошларидаги Туркистоннинг ижтимоий-сиёсий ҳаётининг алоҳида хусусияти — бу ўлка маҳаллий аҳолисининг миллий ўз-ўзини англашини ўсганлиги дейиш мумкин. Маҳаллий аҳолининг кескин норозилигига биринчи навбатда Марказнинг миллий манфаатларни ҳисобга олмаслик сиёсати сабаб бўлди. Туркистон туб аҳолисининг кучайиб бораётган норозилиги турли шаклларда намоён бўлди. Шундай норозилик шаклларида яна бири ҳокимият поғоналаридаги миллий раҳбар кадрлардан иборат миллий муҳолифат бўлди. Улар мустабид тузумга, унинг сиёсатига очиқдан-очиқ қарши фикр билдириб, маҳаллий аҳолининг манфаатларини ҳимоя қилдилар, марказнинг шовинистик ва империяча сиёсатига қарши фаол кураш олиб бордилар. Мана шундай миллий раҳбарлардан бири давлат ва сиёсат арбоби, олим ва дипломат Назир Тўрақулов (1892-1939) бўлган. Назир Тўрақулов совет идораларида турли лавозимларда фаолият кўрсатди.

Марказ раҳбарияти ўз сиёсий мавқеини сақлаб қолиш мақсадида ўлкадаги вакиллариغا Туркистон Компартиясининг VI (1921 йил 11-20 август) қурултойида миллий мумаммоларга эътиборни кучайтиришни, Туркистон компартия, давлат органлари таркибида миллий кадрларни кўпайтиришни тавсия этган эди. Ушбу кўрсатмалар асосида қурултойда Туркистон Компартияси Марказий Қўмитасининг аъзолари этиб бир қанча маҳаллий раҳбарлар билан бир қаторда Назир Тўрақулов ҳам сайланган эди. Шу билан бирга Назир Тўрақулов ва Абдулла Раҳимбоевлар РКП(б) МК нинг Туркистон бюроси таркибига киритилдилар. Миллий раҳбарлар Марказнинг буюк давлатчилик шовинизмига қарши чиқиб, Турккомиссияни йўқ қилиш талабини бир неча маротаба ўртага ташлаган эдилар. Бу даврда ТКП га бошчилик қилиб турган Назир Тўрақулов ҳам Турккомиссия ва Туркбюронинг хатти-ҳаракатларига норозилик белгиси сифатида улар сифидан чиқиш тўғрисида ариза беради.

Лекин, миллий раҳбарларнинг ўзига хос чиқишлари Марказнинг кескин норозилигига сабаб бўлди. Марказ уларга

қарши сиёсий қувғинни авж олдиради. Қ.Отабоев ва А.Раҳимбоевлар «қўпол хатолари» учун ўз лавозимларидан бўшатилади. Лекин совет ҳукумати бир оз вақт ўтгандан сўнг, уларга «ўз хатоларини тузатиш» имкониятини бериб, раҳбарлик лавозимларида ишлашга рухсат берган эди. Бироқ миллий раҳбарлар ўлка тараққиётини унинг мустақиллигида кўрдилар ва ўз қарашларида мустаҳкам туришда давом этдилар.

Назир Тўрақулов нафақат сиёсий арбоб, балки тилшунос олим сифатида ҳам таниқлидир. У турк, форс, араб, рус, немис ва француз тилларини яхши билган. Республика ва вилоят газеталарида ўз мақолалари билан қатнашиб турган. Унинг ноширлик ва элчилик фаолияти ҳаётининг кейинги даврига тўғри келган. Кўпгина миллий раҳбарлар қатори Назир Тўрақулов ҳам қатағонлик тўфонидан омон қолмади. У 1939 йилда отиб ташланди.

Юқорида айтиб ўтилганидек, 20-йилларнинг бошларида ўлка партия-давлат органларининг раҳбарлик лавозимларига миллий кадрлар жалб қилинган эди. Улар орасида таниқли давлат ва жамоат арбоби Қайғусиз Отабоев (1887-1937) ҳам бор эди. Ўз сиёсий фаолияти давомида Қ.Отабоев Марказнинг айирмачилик, шовинистик сиёсатига қарши бир неча бор ўзининг дадил фикрлари билан чиқди. У Марказ томонидан юборилган эмиссарларнинг маҳаллий халқларга нисбатан қўллаётган усулларини танқид қилиб, Россиядан келган ходимлар туб аҳолининг ўлкани мустақил бошқара олиш қобилиятига ишонмаётганликлари, ўзлари эса Туркистоннинг турмуш шароитларини яхши билмасдан туриб, ҳокимиятнинг масъул лавозимларига даъвогарлик қилишлари ҳақида ТКП Советларининг Х қурултойи минбаридан туриб гапирган эди.

Қ.Отабоев миллий раҳбарлардан биринчилар қаторида қаршилик ҳаракатига тўғри баҳо берган. Унинг 1922 йил 18 июлда Туркистон Марказий Ижроия Қўмитасининг VI пленумида қилган маърузаси кескин танқидий ва очикдан-очик қаршилик руҳида эди. Отабоев қаршилик ҳаракатига «қарбий йўл билан йўқ қилиб бўлмайдиган халқ қўзғолони» деб



**Йўлдош Охунбобоев – биринчи ўзбек
совет раҳбарларидан бири**

Кўп ҳолда унинг шахси мисолида совет давлати «оддий ўзбек меҳнаткаш кишисини юқори давлат арбоби сифатида фаолият кўрсата олган», дея тасвирламоқчи бўлган. Аслида эса бундай шахслар марказ топшириқларининг ижрочилари бўлишган. Йўлдош Охунбобоев 1943 йилда Тошкентда вафот этган.

Шу даврдаги кўзга кўринган давлат арбоби – Файзулла Хўжаевдир (1896-1938). 1920 йили инқилобчи «Ёш бухороликлар» Туркистон марказий бюроси раиси, 1920-24 йилларда Бухоро Халқ Совет Республикаси Нозирлар Кенгашининг раиси (шунингдек, Ташқи ишлар, Ҳарбий ишлар нозири) бўлиб ишлаган. Файзулла Хўжаевнинг фаолияти ниҳоятда мураккаб сиёсий вазиятда ўтган.

Ўзбекистонда юз бераётган ўзгаришлардан қониқмаганлигини у ўзининг бир қанча танқидий чиқишларида билдиради. Масалан, 1924 йилдаги большевикларнинг миллий-ҳудудий чегараланишига қарши ўз фикрларини илгари сурган, «Бухоро инқилоби тарихига доир» асарида Файзулла Хўжаев жадиличликка ҳолис баҳо беришга ҳаракат қилган.

Ушбу асардаги жаидчиликнинг ижтимоий моҳиятига ижобий муносабати ва жаидчиликни ижтимоий-инқилобий ҳаракат сифатидаги қарашлари хато деб баҳоланди. Файзулла Хўжаев ҳам ўзи садоқат билан хизмат қилган, ишонган мустабид тузумнинг қа-тағон қурбонидан бири бўлди.



**Файзулла Хўжаев –
Ўзбекистон ССР
ҳукумати раиси**

У 1937 йилда Москвада «халқ душмани» сифатида қамоққа олиниб, 1938 йилда отиб ташланган. 20-30 йилларда кўзга кўринган миллий етакчи – Абдулла Раҳимбоевдир (1896-1938). Абдулла Раҳимбоевнинг сиёсий фаолияти серқирра бўлиб, мустабид тузум сиёсатига қарши дадил чиқишлари бунинг ёрқин ифодасидир. Масалан, у 1921 йилнинг декабрида бўлиб ўтган РСФСР Советларининг IX қурултойи минбаридан туриб, совет ҳукуматига очикдан-очик «Туркистондаги советларнинг жазолаш сиёсати ҳар қандай чегаралардан ўтиб тушди. Фарғона вилоятидаги жазо отрядлари эса мутлақо мухтор ҳолатда, ҳеч ким билан, партия органлари билан ҳам, совет органлари билан ҳам ҳисоблашмасдан, турли шубҳали шахсларни хизматга олиб ҳаракат қилмоқдалар» деган баёнот билан чиқди. Лекин бундай тарзда советлар сиёсатини танқид қилиш кечирилмас эди ва 1922 йилда ишда йўл қўйилган «қўпол хатолари» учун ТАССР МИК раиси А.Раҳимбоев лавозимидан четлаштирилди. Бироқ вақт ўтиши билан Марказ унга «ўз хатоларини тузатиш» имкони-ни беради ва яна раҳбарлик ишига жалб қилади.

А.Раҳимбоев РКП(б) МҚ, Ўрта Осиё бюросининг аъзоси ҳамда ТКП МК нинг масъул котиби сифатида миллий-худудий чегараланиш ўтказилишида раҳнамолик қилди. 1924 йилнинг февралда у Бухорога юборилади ва бу ердаги БХСР

раҳбар ходимларининг кенгашида миллий-худудий чегараланиши тўғрисида маъруза қилди. 1924 йилнинг 10 мартида Туркистон Компартияси МКи ва Туркистон МИК раҳбар ходимларининг кенгашида ҳам маъруза қилиб, Раҳимбоев миллий-худудий чегараланишни «...нисбатан маъқул тарзда, оғриқсиз усуллар» билан ўтказиш кераклигини уқтирди.

Абдулла Раҳимбоевнинг қисмати ҳам миллий етакчиларники каби қатағон тўлқинлари авж олган пайтда ҳал қилинди, 1938 йилда унинг тақдири ҳам фожиали тугади.

Туркистон халқларининг иддизи бир, деган ғоя авлоддан-авлодга ўтиб, миллий етакчилар, жамоат арбоблари ва миллий зиёлилар қарашлари ҳамда фаолиятларида ўз аксини топиб келган. Тарихан таркиб топган учта давлатни тугатиб, ўрнига янги тузилмаларни вужудга келтириш марказ ва ўлкадаги большевистик раҳбарлар ташаббуси бўлди. 1920 йил бошидаёқ Турккомиссия Туркистон АССР ни бўлиб ташлаб, миллий тил белгисига қараб мухтор республикалар ташкил қилиш масаласини қўйган эди. Бу ўша йили июнь ойида РКП (б) нинг Туркистонга оид қабул қилган ҳужжатларида ўз аксини топди. Ленин Туркистоннинг «Ўзбекия, Қирғизия, Туркмания»га бўлинган харитасини тузиш кераклигини уқтирди. Бу режанинг амалга ошиши маълум қаршилик ҳаракати туфайли бир оз кечикди. Туркистонни миллий жиҳатдан қайта чегаралаш марказ ва РКП(б) Ўрта Осиё бюроси томонидан ишлаб чиқилди ва 1924 йилда қатъийлик билан амалга оширилди.

1924 йилда миллий-худудий чегараланиш натижасида Ўрта Осиё харитасида иттифоқдош республикалар билан бирга мухтор тузилмалар ҳам пайдо бўлди. Шулар орасида Қорақалпоғистон мухтор вилояти ҳам бор эди. Ушбу вилоят Қирғизистон (Қозоғистон) АССР таркибида бўлиб, унга волостлардан иборат Тўртқўл, Чимбой, Хўжайли ва Қўнғирот округлари кирди. 1925 йил 12-19 февралда вилоят маркази Тўртқўл шаҳрида бўлиб ўтган Қорақалпоғистон автоном вилояти советларининг биринчи қурултойи «Қорақалпоғи-

стон автоном вилояти ташкил топганлиги тўғрисида Декларация»ни қабул қилди ва гуёки «қорақалпоқ миллий давлатчилиги» ташкил этилганлигини қонуний расмийлаштирди. Қорақалпоғистон автоном вилояти ижроия қўмитасининг раиси этиб А.Кудабоев сайланди. Қорақалпоғистонда яшайдиган асосий элатлар қорақалпоқлар-38,5%, ўзбеклар — 28,7 %, қозоқлар — 28,6 %дан иборат эди.

Қорақалпоғистон автоном вилояти ташкил этилгандан сўнг, совет ҳукумати бу ерда ҳам «социалистик қурилиш»ни авж олдириб юбордилар. Жумладан, овул ва қишлоқларни «советлаштириш» кенг миқёсда олиб борилди. Советларга батрак ва камбағаллар сайланиб, уларнинг асосий қисмини коммунист ва комсомоллар ташкил қилди. Мамлакатда вайрон бўлган саноатнинг турли соҳалари, қишлоқ хўжалиги ва суғориш ишларини тиклаш амалга оширилди. Қорақалпоғистон иқтисодиётининг тараққиёти бир томонлама хусусиятга эга бўлиб, СССР нинг марказий минтақалари саноатини ривожлантириш эҳтиёжларини таъминлашга қаратилган эди. Масалан, 1933 йилнинг 3 октябрида СССР Ер ишлари Халқ Комиссарлиги Қорақалпоғистонни мамлакатнинг беда уруғи етказиб берувчи асосий базаси деб тан олган эди. Бунинг асосий сабаби мамлакат халқ хўжалигида иттифоқдош республикалар ўртасидаги меҳнат тақсимотида Қорақалпоғистонга олий сифатли пахта, беда ҳамда балиқ билан таъминлаб туриш юклатилганлигида эди.

Қорақалпоғистон саноатининг етакчи тармоқларини пахта тозалаш ва балиқ-консерва заводлари ташкил этар эди. Саноатни юксалтириш билан бир қаторда қишлоқ хўжалигининг барча соҳаларини ривожлантиришга ҳам катта эътибор қаратилди ва бу ерга кўп миқдорда қишлоқ хўжалик анжомлари келтирила бошланиб, бой ва руҳонийлардан тортиб олинган ерлар ҳисобига ерсиз ва кам ерли деҳқонлар ер билан таъминланди.

1930 йилда Қорақалпоқ мухтор вилояти РСФСР таркибига киритилди. 1932 йилнинг 20 мартада эса СССР МИҚ Раёсати «Қорақалпоғистон автоном вилоятини Автоном Совет Соци-

алистик Республикасига айлантириш ва уни РСФСР га кириши тўғрисида» қарор қабул қилди. Ўша йилнинг май ойида автоном республика Советларининг I Таъсис қурултойи ҳукуматни тузди. Унда ҚҚАССР МИҚ раиси этиб, К.Нурмухамедов, Халқ Комиссарлари Кенгаши раиси этиб эса Қ.Авезовлар сайландилар. 1936 йилда СССР нинг янги Конституцияси қабул қилинди ва унга кўра ҚҚАССР нинг Ўзбекистон ССР таркибига кириши кўзда тутилган эди. Бунинг асосий сабаби ҳудудий яқинлик, ягона тарихга эга бўлганлиги деб эътироф этилди. 1937 йил 12 февралда ЎзССР нинг янги Конституцияси қабул қилинди. Ўша йилнинг 6 мартида эса ҚҚАССР нинг янги Конституцияси эълон қилинади. Қорақалпоғистон Ўзбекистон таркибида ўзбек ва қорақалпоқ халқлари ўртасидаги дўстлик янада мустаҳкамланди. Совет давлатининг тайзиқ ва зўравонлик сиёсати авж олган даврига қарамай, халқларимиз орасида ҳамжиҳатлик барқарор бўлиб қолди.

Янги иқтисодий сиёсат (НЭП) ва унинг моҳияти

Большевикларнинг «ҳарбий коммунизм» сиёсати иқтисодийётни бошқаришда номақбул усул эканлигини кўрсатди. Хусусан, Совет Россияси асосан 1921 йил бошларидан тинч қурилиш йўлига ўтгач, бу сиёсат яроқсиз эканлигини большевиклар партияси раҳбариятининг бир қисми ҳам тан ола бошлади. Асосий мақсадга эришиш учун «тактик ён беришларга уста» бўлган совет давлати ва коммунистик партиянинг раҳбари В.И.Ленин «социалистик қурилиш»нинг янги андозасини жорий қилиш керак, деган фикрга келди. У ўз сафдошларини «чекинишга», «қайта гуруҳланиш»га, «ҳарбий коммунизм» сиёсати даврида бўлган «штурм ва тазйиқ ўтказиш»нинг кескин усулларида воз кечишга чақирди. В.И.Лениннинг ўзи ҳам «ҳарбий коммунизм» сиёсати хато бўлганлигини тан олиб, 1921 йил 17 октябрда қилган «Янги иқтисодий сиёсат ва сиёсий-оқартув муассасаларининг вазифалари» номли маърузасида бундай эътироф этган эди: «Қисман бизнинг устимизга ёпирилиб келган ҳарбий вази-

ятлар таъсирида ва ўша маҳалда, импиралистик уруш тамом бўлаётган вақтда республика жуда оғир аҳволда қолганлиги таъсирида, мана шу ва бир қанча ҳоллар таъсири билан тўғридан-тўғри коммунистик ишлаб чиқаришга ва тақсимотга ўтишга қарор қилиб хато иш қилган эдик».

Немис тарихчиси Л.Люкс ўз тадқиқотида совет Россиясида 1921-1922 йилларда юз берган даҳшатли очарчилик тўғрисида гапириб, бу ҳолатни «ҳарбий коммунизм» сиёсатининг натижаси деб ҳисоблайди. Унинг фикрича, большевистик режимни «ҳарбий коммунизм» системасидан воз кечиши жуда қийин бўлди. Деҳқонларни оммавий равишда эксплуатация қилиниши натижасида мамлакат тарихидаги энг йирик очарчилик 1921-1922 йилларда (янги иқтисодий сиёсат даврида) бўлиб, бунинг натижасида тахминан 5 млн. киши ҳалок бўлди. Совет ҳокимияти ўзининг «синфий капиталистик душманлари»дан ёрдам сўрашга мажбур бўлди: ўз кучлари билан 30 млн. (баъзи бир манбаларда — 40 млн.) очларни у боқишга қодир эмас эди. Режим ҳатто муҳожирликдаги мустақил рус жамоатчилиги қатнашчиларига очарчиликни тугатиш учун иштирок этишларига рухсат берди. 1921 йил 21 июнда ҳукумат Бутунроссия очларга ёрдам комитети (Помгол) ташкил топганлигини қувватлади. Бу комитетни ташкил қилишда большевиклар томонидан тақиқланган кадетлар партияси йўлбошчилари — Е.Кускова, С.Прокопович ва Н.Кишкин марказий роль ўйнашди.

Янги иқтисодий сиёсат даврида очарчилик Россиянинг марказий губернияларидан ташқари, Туркистон АССР нинг Фарғона, Самарқанд, Еттисув вилоятларида ҳам бўлди. Хусусан, Фарғона ва Еттисув вилоятларида очарчилик даҳшатли оқибатларга олиб келди. Туркистоннинг ўзида оғир иқтисодий аҳвол, очарчилик кучайган бўлишига қарамай, Туркистон МИҚ қошидаги очларга ёрдам марказий комиссияси Россиянинг оч қолган аҳолига катта ёрдам кўрсатди. Тарихчи олим Л.Расулов ўз тадқиқотларида биргина 1921 йилнинг иккинчи ярмидагина Россиянинг очарчилик ҳукм сураётган ҳудудларига 562 вагон ғалла, 199 вагон крупа, 180 вагон сули юбор-

ган. Жами 1922 йилгача 6 млн. 915 минг 500 пуд ғалла очарчилик ҳудудларига жўнатилган. Бағрикенг ва меҳмондўст ўлка халқлари Туркистонга очлик балосидан қочиб келган 500 мингдан зиёд кишиларга ёрдам қўлини чўзди. Очларга ёрдам 20-йилларнинг ўрталарига қадар давом этди. Таъкидлаш жоизки, очларнинг катта қисмини болалар ташкил этган.

«Социалистик жамиятни барпо этиш» вазифасини амалга оширишга янги тактик ёндашувлар РКП(б)нинг X съездида (1921 йил март) расман қабул қилинган янги иқтисодий сиёсат (НЭП) да ўз ифодасини топди. Янги иқтисодий сиёсатнинг муҳим бўғинлари озиқ-овқат развёрсткасини озиқ-овқат солиғи билан алмаштириш; савдо-сотиқни эркинлаштириш; саноат, майда ҳунармандчилик соҳалари ва хизмат кўрсатиш соҳасида хусусий тадбиркорликка руҳсат бериш; бозорни тартибга солиш механизмларидан қисман фойдаланиш; ижарага олиш ва ёлланма меҳнатнинг чекланишини бекор қилишдан иборат бўлди. Озиқ-овқат солиғи 8 та натурал солиқдан таркиб топган эди.

Бироқ янги иқтисодий сиёсатни амалга ошириш жараёнида чуқур зиддиятлар намоён бўлди. Уларнинг энг асосийси янги иқтисодий сиёсат тамойилларини ҳукмрон коммунистик мафкура ғоясига мос келмаслигида кўринади. Янги иқтисодий сиёсатнинг асосий вазифаси социализм манфатларига ва совет тузумини мустақкамлашга хизмат қилиши лозим эди, бироқ коммунистик таълимотда мулкчилик шакллариининг хилма-хиллиги, хусусий мулкчилик ва тадбиркорлик, иқтисодий ва сиёсий фикр эркинлиги инкор этиларди.

Янги иқтисодий сиёсат йўлининг зиддиятлари уни Туркистонда амалга ошириш жараёнида яққол кўзга ташланди. Туркистонда янги иқтисодий сиёсат бир қатор йўналишлар бўйича марказий Россия губернияларига нисбатан бирмунча кечроқ ўтказила бошланди. Ўлкада «ҳарбий коммунизм» сиёсатининг таъсири кучли эди. Расмий жиҳатдан Туркистондаги янги иқтисодий сиёсат йўли Туркистон Компартиясининг VI съезди (1921 йил август) ва Туркистон АССР Советларининг X съезди (1921 йил сентябрь) қарорларида тасдиқланди. Уларда ўлканинг иқтисодий ривожланиши со-

вет тузумининг мустақамланиши ва социализм қурилиши билан боғланди. Буларнинг ҳаммаси соғлом бозор муносабатлари намоеён бўлиш имкониятларини чеклар, мустақил ижтимоий-иқтисодий ривожланиш имкониятларига тўсиқ бўлар эди.

Туркистон АССР МИК 1921 йил апрель-май ойларидаёқ республикада янги иқтисодий сиёсатни ўтказишга оид қатор қарорлар қабул қилган эди.

Хўжалик бошқарувининг янги шароитларига ўтиш бошқарув соҳаларини қайта қуриш ва ташкил қилиш билан ҳам боғлиқ ҳисобланади. Туркистон ўлкаси иқтисодиётини дастлаб ТАССР Халқ Хўжалиги Марказий Кенгаши (ЦСНХ) бошқарар эди. 1921 йил январь ойида ЦСНХ бошқарувида 857 та корхона мавжуд бўлган. 1921 йил март ойида Туркистон Иқтисодий Кенгаши (ТЭС ёки Турк ЭКОСО) ташкил қилинган. Туркистон АССР МИК ва ХКС нинг 1921 йил октябрдаги қарори билан унга Туркистон Республикасининг хўжалик қурилишига режали раҳбарлик қилиш вазифаси топширилди. Туркистон Иқтисодий Кенгаши қарорлари ўлканинг олий хўжалик органи сифатида барча комиссарликлар ва ташкилотлар учун мажбурий қилиб белгиланди.

Хуллас, 1921 йилнинг февраль ойида Туркистондаги республика иқтисодиётига раҳбарлик қилиш учун Тошкентда Туркистон Иқтисодий Кенгаши (ТЭС), вилоятларда эса вилоят иқтисодий кенгашлари тузила бошлаган эди (улар вилоят ижроия қўмиталари бўлимларининг ҳуқуқларига эга бўлган).

1921 йил 14 мартда Туркистон АССР МИК нинг марказий ва маҳаллий иқтисодий органларни бирлаштириш тўғрисидаги қарори чиқди. Бу сана Туркистон Иқтисодий Кенгаши ташкил топган расмий кун ҳисобланади.

Туркистонда янги иқтисодий сиёсат олиб борилаётган шароитда Туркистон Иқтисодий Кенгаши Туркистон АССР ҳудудидаги олий бошқарув органи сифатида ўзига хос маъмурий тизимдан иборат бўлиб, марказий, область ва уезд иқтисодий кенгашларидан ташкил топган эди.

1921 йил 6 октябрда Туркистон Марказий Ижроия Қўмитаси ва Туркистон Халқ Комиссарлари Совети ТЭС фа-

олиятини кучайтириш мақсадида «Туркистон Республикаси Иқтисодий Кенгаши ҳақида» Низом қабул қилинди. Унга кўра, Туркистон Иқтисодий Кенгаши (ТЭС) Туркистон халқ хўжалиги қурилишида, иқтисодий комиссариатлар фаолиятини умумий бошқариш ва унга раҳбарлик қилиш учун, шунингдек, ягона халқ хўжалиги режасини ўтказиш ишини РСФСР Меҳнат ва Мудофаа Кенгаши билан мувофиқ тарзда тузиш учун ХКС қошида жорий этилди. У ХКС нинг доимий комиссияси ҳуқуқига эга бўлган ҳолда Туркистон АССР ҳудудидаги олий хўжалик бошқарув идораси бўлиб, фаолияти давомида Туркистон ХКС ва Туркистон МИК олдида жавобгар ҳисобланарди.

Туркистон Иқтисодий Кенгаши тузилганидан кейин қарийб олти ойдан кейин ўтгач бўлиб ўтган Туркистон Советларининг X съезди (1921 йил 21-25 август) бу ташкилотнинг фаолиятида ўзгариш ясади ва уни ўзининг асосий вазифасини бажаришга йўналтирди. Бу ташкилот тўлиқ равишда Москванинг фармойишлари асосида иш юритди.

Туркистон Иқтисодий Кенгаши таркибий тузилмасини Туркистон АССР областлари: Фарғона, Самарқанд, Сирдарё, Туркман (аввалги Закаспий), Еттисув ҳамда Амударё бўлими иқтисодий кенгашлари ташкил қилар эди. Область иқтисодий кенгашлари ўз навбатида уезд иқтисодий кенгашларига бўлинган.

1921 йил 20 апрелда Туркистон АССР МИК озиқ-овқат, ем-хашак ва хомашё развёрсткасини натурал солиқ билан алмаштириш тўғрисида декрет қабул қилган эди. Аста-секин қишлоқ хўжалигида ижобий ўзгаришлар юз бера бошлади. Россиядан маҳаллий саноат учун асбоб-ускуналар кела бошлади. Шаҳарларда хусусий тадбиркорликни ривожлантириш учун ўрта ва майда корхоналар, савдо шохобчалари ва бошқалар ижарага берилди. Иқтисодиёт либераллаштирилди, ўлкалараро алоқалар қайтадан тузилди. 1921 йил ёздан ерсув ислоҳоти ўтказила бошланди. Марказ пахтачилик, ипакчилик каби муҳим хомашё етказиб берувчи соҳаларни, шунингдек, йирик корхоналарни давлат тасарруфида қолдирди.

Хусусий капитал билан акционерлик жамиятлари тузишга, ишчи кучини ёллашга рухсат берилди. Лекин шундай бўлишига қарамасдан, Туркистон саноатида давлат секторининг улуши бу пайтда мутлақ кўпчилик — 93.1 фоизни ташкил қиларди.

Туркистон халқ хўжалиги инқироздан жонланиш томон аста-секин юз бурди. Бунда, табиийки, совет ҳукуматининг либераллаштириш сиёсати таъсир қилди. Янги иқтисодий сиёсат муносабати билан Туркистон республикаси иқтисодиётида пайдо бўлган силжишлар, ижтимоий хўжалик соҳасидаги ўзгаришлар бу ерда большевиклар сиёсатининг нисбатан юмшаганлигидан далолат беради.

Янги иқтисодий сиёсатнинг дастлабки натижалари Туркистон АССР МИК нинг II сессияси (1922 йил февраль)да муҳокама қилинди. Сессияда Туркистон Иқтисодий Кенгашининг иқтисодий сиёсат ва ягона хўжалик режаси тўғрисидаги маърузалари тингланди. Туркистоннинг иқтисодий аҳволини муҳокама қилиш республиканинг хўжалик ҳаётида айрим силжишларга эришилганлигини кўрсатди.

Бу даврда Туркистон ўлкаси ҳам сиёсий, ҳам иқтисодий жиҳатдан тўла-тўқис равишда Марказга бўйсундирилди. Бу ҳол Бутунроссия МИК томонидан Туркистон республикаси учун чиқарилган ушбу декретда ҳам яққол кўзга ташланади. «Туркистон АССР Халқ Хўжалиги Марказий Кенгаши ва Озиқ-овқат халқ комиссарлиги РСФСР Халқ Хўжалиги Олий Кенгаши ва Озиқ-овқат халқ комиссарлиги ўрнатган режа асосида иш олиб боради. Туркистон Халқ Хўжалиги Марказий Кенгаши раиси ва Озиқ-овқат комиссари РСФСР нинг тегишли халқ комиссарлари розилиги билан Туркистон МИК томонидан тайинланади».

Хўжалик ташкилотларининг Марказга бўйсундирилиши 1921 йилдаги Туркистон Халқ Хўжалиги Марказий Кенгашининг таркибий тузилиши схемасида яққол кўринади. Унда хўжалик қурилишидаги энг куйи ташкилот — уезд Халқ хўжалиги кенгашлари (уезд совнархозлари)дан тортиб то Халқ Хўжалиги Марказий Кенгашигача бўлган барча бўғиндаги функцияларни бажарувчи хўжалик ташкилотлари

РСФСР ХКС ва Халқ Хўжалиги Олий Кенгашига бўйсунishi акс этган.

Туркистон республикасида халқ хўжалигини тиклашда янги иқтисодий сиёсат даврида ҳам бир қатор жиддий хато-ларга йўл қўйилди. Аввало, янги иқтисодий сиёсат Туркистон АССР да нотекис равишда амалга оширилди. 1921 йили Туркистонда экин майдонлари олдинги йилдагига қараганда анча кенгайтирилди. Бироқ кейинги уч йилда (1922-1924 йиллар) экин майдонлари яна қисқарди. 1924 йили Туркистон АССР нинг асосан ўзбеклар яшайдиган учта области (Фарғона, Самарқанд, Сирдарё)да экин майдонлари ҳам, сугориладиган экин майдонлари ҳам урушдан олдинги давр (1913 йил) нинг 60 фоизи атрофида эди. Хуллас, янги иқтисодий сиёсат дастлабки йилларда ўлка халқ хўжалигининг асосий соҳаси — қишлоқ хўжалигига сушт таъсир кўрсатди.

Туркистон республикасида саноат асосан икки йўл билан ривожланди: эски заводларни тиклаш ҳамда янги корхоналар ва соҳа тармоқлари ташкил этилди. Бунда биринчи галда пахтани қайта ишлайдиган корхоналар ва хомашё тайёрлашга алоҳида эътибор қаратилди.

1921 йил 40 та пахта тозалаш ва 2 та ёғ заводи қайта тикланди. Тошкентда йилига 120.000 пуд канақунжут етказиб берадиган завод қурилиши тугалланди. 1923 йилга келиб, Туркистон республикасида 23 та, 1924 йили эса 95 та пахта тозалаш заводлари ишга туширилди. Улар ишлаб чиқарган маҳсулот 57,8 млн. рублни ташкил қилди. Тиклаш ишлари ёғ-мой саноатида ҳам юқори суръатлар билан борди. 1923 йил бу саноат корхоналари 61.000 пуд тоза мой ишлаб чиқарган бўлса, 1924 йилга келиб, бу миқдор 201.000 пудни ташкил этди.

Бироқ шуни алоҳида таъкидлаб ўтиш лозимки, Россия империяси даврида бошланган Туркистон ўлкасида пахта яккаҳокимлиги сиёсати совет даврида янгича кўламда ривожлантирилди. Ўзбекистон ҳудудида пахта яккаҳокимлигининг узил-кесил шаклланиши янги иқтисодий сиёсат даврига тўғри келади.

Туркистон ўлкасида 1922 йилнинг иккинчи ярми — 1923 йилнинг бошларидан эътиборан хўжаликлар ҳаётида сези-

ларли ўзгаришлар юз бера бошлади. Бу ўзгаришларнинг асосий сабаби, янги иқтисодий сиёсатни янада амалий тарзда рўёбга чиқаришга қаратилган чоралар бўлди.

Туркистонда янги иқтисодий сиёсатни мустаҳкамлаш соҳасидаги қонунчилик мажмуида Туркистон АССР Советлари МИК нинг 1922 йил 11 апрелдаги «Натура солиғи ҳақида»ги қарори муҳим аҳамиятга эга бўлди. Мазкур қарорга кўра деҳқонларнинг норозилигига сабаб бўлган озиқ-овқат развёрсткаси ўрнига ялпи ҳосилнинг 10 фоизи миқдорида озиқ-овқат солиғи белгиланди. Лекин орадан кўп ўтмай хўжаликнинг катта-кичиклигидан келиб чиқиб, солиқни табақалаштириш жорий қилинди. Бу нафақат қишлоқдаги хўжаликнинг турли тоифалари, айниқса, камбағал батраклардан олинadиган солиқни камайтирди, шу билан бирга, ишлаб чиқаришни бошқаришда иқтисодий омиллардан фойдаланишга уриниб ҳам кўрилди.

Янги иқтисодий сиёсат пахтачилик сиёсатига ҳам муайян ўзгаришлар киритди. Лекин бу ўзгаришлар чекланган тарзда эди. Янги иқтисодий сиёсатнинг чинакам моҳиятини намоён қилиш йўлидаги асосий тўсиқ Москвада 1921 йил 12 сентябрда ташкил этилган РСФСР Халқ Хўжалиги Олий Кенгаши ҳузуридаги Пахта Бош Қўмитаси (Главхлопком) бўлди. Главхлопкомнинг пахта етиштирувчи республикаларида унга бўйсунadиган пахта қўмиталари таъсис этилди. Туркистон пахтачилик қўмитаси (Туркхлопком) ҳам унинг таркибига киритилди. Туркистонлик маҳаллий раҳбар ходимлар пахтачиликда давлат монополиясини тугатиш зарурлигини бир неча марта кўтариб чиқдилар. Мазкур монополия пахтачиликда рақобат ва соғлом товар-пул муносабатларининг намоён бўлиш имкониятларига тўсиқ бўларди. Хусусан, Туркистон АССР Ер ишлари халқ комиссари Санжар Асфандиёров ўлкада пахтанинг давлат монополиясини тугатиш масаласини фаоллик билан ўртага қўйди. Янги иқтисодий сиёсат шароитида бу ишни амалга ошириш мантиқан тўғри бўлишини большевиклар тан олишга мажбур бўлди.

Туркистон АССР ХКС нинг 1922 йил 8 июндаги 121-сонли қарорига мувофиқ, Туркистон Республикасидаги барча

пахтани қайта ишлаш корхоналари, ёғ-мой ва совун заводлари ҳамда пахта саноати маҳсулотлари ва пахта қабул қилиш пунктлари Туркистон пахтачилик Қўмитаси ихтиёрига ўтказилди. Қарорга биноан, пахтачилик қўмитасига катта ваколатлар берилди. Унга кўра, республикадаги маҳаллий ҳокимиятларнинг ҳеч бир органи, ҳаттоки Марказнинг ваколатли органлари ҳам пахтачилик қўмитасининг хўжалик ишига ҳалақит қилмаслиги ва унинг кўрсатмаларини бажариши шарт эканлиги қатъий қилиб белгилаб қўйилди.

Умуман олганда, Пахта Бош Қўмитаси ва унинг маҳаллий қўмиталари ташкил этилиши натижасида пахта етиштиришга раҳбарлик қилиш ва уни бошқариш ягона ташкилот доирасида марказлаштирилди. Бу бошқарма ўз фаолияти давомида пахтачиликни қайта тиклаш ишлари баробарида давлат пахта яккаҳокимлигини амалда жорий этиш ва уни ривожлантириш ҳамда Марказ манфаатларини ҳимоя қилиш ишлари билан ҳам узвий равишда шуғулланди. Шу билан бирга, у янги иқтисодий сиёсат шароитини ҳам ҳисобга олишга мажбур бўлди.

1923 йил январда СССР Меҳнат ва Мудофаа Кенгаши қабул қилган қарорда: «Республика ичида пахтани харид қилиш давлат монополияси бекор қилинсин», дея белгиланди. Шу билан бир вақтда, пахтанинг қатъий давлат харид нархи бекор қилинди, чунки у пахта етиштириш харажатларини қопламас эди. Пахтакор деҳқонларни саноат товарлари билан таъминлашга эътибор кучайтирилди. Уларга ёлланма меҳнатдан фойдаланишга руҳсат этилди, улар сув билан биринчи навбатда таъмин этиладиган бўлди, от-улов солиғидан, айрим ночор хўжаликлар озиқ-овқат солиғидан озод қилинди.

Туркистон республикаси раҳбарларидан бири И.Е.Любимов совет ҳокимиятининг пахта сиёсатини қуйидагича ифодалаган эди: «Туркистон ёппасига пахта майдонига айлан-тирилиши лозим, бунинг учун ғалла экиладиган майдонлар ниҳоятда қисқартирилиши зарур».

1921-1922 йилларда Туркистон АССР да ўтказилган ер-сув ислоҳоти қишлоқ аҳолисининг аҳволини яхшилашга айтарли ижобий таъсир кўрсатмади. Бунинг устига бу йилларда аҳолидан озиқ-овқат маҳсулотларини тортиб олиш давом

этди. Аҳолидан озиқ-овқат ва бошқа маҳсулотларни зурлаб йиғиб олиш натижасида Туркистонда 1922-1923 йилларда очарчилик қайтадан бошланди. Масалан, Фарғона областида 500.000 киши, Самарқанд областида 30180 киши, умуман, республикада 600.000 дан ортиқ киши очарчилик ва қашшоқликни ўз бошидан кечирди. Кўплаб хўжаликлар вайрон бўлди. Шунинг учун ҳам Фарғона областидаги аҳволни ўрганиб чиқиш ва кўмак бериш учун 1922 йилнинг ёзида махсус комиссия тузилди. Махсус очарчилик солиғи жорий қилинди. Улар томонидан аҳолига турли даражада ёрдам кўрсатилди. Аммо шаҳар ва туман марказларидан олисдаги қишлоқ аҳолисига бу гал ҳам ҳеч қандай мадад берилмади. Шу боис қишлоқларда норозилик ва исёнлар юз бермаслигининг олдини олиш мақсадида очарчилик солиғи 1923 йил январда бекор қилинди.

Солиқ ишлари тартибга солиниб, хилма-хил кўринишдаги озиқ-овқат солиғидан ягона қишлоқ хўжалик солиғига ўтила бошланди. 1923 йил ўрталарида Фарғона областидаги деҳқон хўжаликларидан олинадиган ягона қишлоқ хўжалик солиғи ҳажмини ярмига қисқартириш, майда чорвадор хўжаликларни солиқдан батамом озод қилиш ва бирмунча йирикроқ хўжаликларга солинадиган солиқлар суммасини 50 фоизга камайтириш тўғрисида қарорлар чиқарилди. Хусусий ва хўжалик фаолиятининг ижара, ёллаш, артелларга бирлашиш ва ҳоказолар сингари хилма-хил шакллари бўлиши тан олинди.

Янги иқтисодий сиёсатни амалга оширишда банклар фаолиятига муҳим аҳамият қаратилди. Совет ҳокимияти бундай банкларни марказий Россиядан ташқари, Ўрта Осиё республикаларида таъсис этишига тўғри келди.

1921 йил 12 январда РСФСР ХКС нинг декрети билан РСФСР Давлат банки ташкил қилинган эди. 1921 йил ноябрда Тошкентда Давлат банкининг Ўрта Осиё контораси (идораси) иш бошлади. 1922 йилда Ўрта Осиё конторасининг йиллик сармояси 25 млн. рублни ташкил қилган.

1923 йилнинг май ойида РСФСР ҳукумати Давлат қишлоқ хўжалик банкини таъсис этди. Тез орада унинг филиаллари

Туркистон АССР да ҳам таъсис этилди. Ўрта Осиё қишлоқ хўжалик банки (Сельхозбанк) деб номланган бу банкнинг олтин ҳисобидаги капитали 3 млн. рублни ташкил этган. Бу пул кредит ширкатларига бирлашган деҳқонларга қарз бериш учун мўлжалланган эди. Қишлоқ хўжалик банки ўз айланмаларини кредит ширкатлари ва қишлоқ хўжалик кооперацияси орқали амалга оширар эди. Бундай ширкатларнинг сони ортиб борди. 1923 йил охиридаёқ улар 3 баробар кўпайиб, 1169 тага етди ва унинг маблағлари олтин ҳисобида 58, 8 млн. рублни ташкил этди. Хуллас, Ўрта Осиё қишлоқ хўжалик банки кредитларидан фойдаланадиган барча хўжаликларнинг сони 28.000 дан ортиқ эди.

1924 йил 31 январда СССР Меҳнат ва Мудофаа Кенгаши Ўрта Осиё Коммерция (тижорат) банки (Средазкомбанк) ни таъсис этди. Бу банк айрим ҳужжатларда қисқача қилиб Осиё банки деб ҳам юритилади.

Бундан ташқари, Тошкентда СССР Савдо-саноат банкнинг Ўрта Осиё контораси, Бутунроссия Кооператив банкнинг Ўрта Осиё контораси (Всекобанк) каби банклар ҳам фаолият кўрсатган.

Янги иқтисодий сиёсат ислохотларининг саноат соҳасида қўлланиши таркибий элементларидан бири «давлат капитализми» ғояси эди. У хўжалик юритишнинг носоциалистик шакллари вақтинча тиклашни назарда тутарди, бироқ муҳим воқеалар, биринчи навбатда оғир ва йирик саноат социалистик қайта қуришнинг асосий ижрочиси, мулкдори ва бошқарувчиси бўлган давлат қўлида шаклланаётган эди.

1921 йилга келиб, саноатни пул билан таъминлаб туриш учун зарур маблағлар етишмай қолганлиги сабабли соҳага раҳбарлик қилиш қайта ташкил этилди. Ундан кўзланган асосий мақсад йирик ва давлат аҳамиятига молик бўлган корхоналарда ишлаб чиқаришни марказлаштириш, аниқ хўжалик ҳисобини ўрнатиш ва уларни хомашё билан таъминлаш, фойда келтирмайдиган корхоналарни ёпиш, ижарага бериш ва майда ҳунармандчилик саноатини ривожлантириш учун шароит яратишдан иборат эди.

Ишлаб чиқариш бирлашмалари сифатида марказлаштирилган трестлар давлатнинг саноатни қайта ташкил этиш сиёсатида энг мақбул шакл деб эътироф этилди. 1921 йилда ана шундай трестлардан 10 таси ташкил этилиб, уларга хўжалик ҳисобига ўтказилган 99 та йирик корхона бирлаштирилди. Бу трестлардаги ишчилар сони 5557 нафарни ташкил этган.

1921 йилда Хилково цемент заводи қурилиши якунланди. Фарғона пиллачилик фабрикаси, Тошкентда гидроэлектростанция барпо этила бошланди. Шу билан бирга бу вақт ичида РСФСР ХКС қарорига биноан Россиянинг марказий саноат районларидан Туркистон ўлкасига пиллачилик, тўқимачилик, қоғоз фабрикалари учун асбоб-ускуналар, тери ва совун заводлари учун керакли нарсалар келтирилди. Айни вақтда уларнинг ишини йўлга қўйиш учун ҳудудга ишчи ва мутахассислар юборилган эди.

Иқтисодий ўсиш суръатлари 1923 йилнинг бошидан бошлаб саноатда айниқса кўзга ташлана бошлади. Туркистон АССР да 1923 йил нефть ишлаб чиқариш олдингига қараганда 60 фоиз, ун ишлаб чиқариш 66 фоиз, виночилик 70 фоиз, қанд ишлаб чиқариш 90 фоиз кўпайди.

Саноатни қайта тиклаш даврида саноат ишлаб чиқаришига мўлжалланган муайян корхоналар ташкил этиб борилди, бюджетдан маблағлар ажратилди, шу билан бирга, Марказ саноат фабрикаларининг ёрдами билан ишчилар синфини шакллантириш ҳаракатларини амалга оширди. Бироқ буларнинг ҳаммаси ҳукмрон большевиклар партияси ва Марказ манфаатларига қаратилган эди. Ўзбек халқининг табиий бойликлари, унинг меҳнати доимий равишда совет тузумига хизмат қилишга томон йўналтирилди. Туркистон ўлкаси арзон пахта хомашёси ва саноат учун керакли бошқа хомашё турлари етказиб бериши, сўнгра бу хомашё турларидан тайёрланган турли саноат маҳсулотларидан олинадиган фойда эса Марказда қолиши керак эди. Бу ҳолат Ўзбекистон ССР тузилгач ҳам ўзгармасдан давом этди.

Ўзбекистон раҳбарияти Марказнинг тарғиботчилик ваъдаларига ишонса-да, ўз халқининг туб манфаатларидан ке-

либ чиқиб, дарҳол республиканинг ишлаб чиқарувчи кучларини ҳар томонлама ривожлантириш мақсадга мувофиқлиги, Россия империяси давридагидан фарқли равишда шаҳар ва қишлоқдаги ишлаб чиқаришни техникавий асосда тубдан қайта қуриш масаласини қўйди. Хусусан, маҳаллий хомашённи, аввало, пахтани қайта ишлашга мўлжалланган саноат тармоқларини вужудга келтиришнинг муҳимлиги таъкидланди. Бунинг учун биринчи гада тўқимачилик саноатини вужудга келтириш таклиф этилди.

Ўзбекистон ССР ташкил топгандан кейин бўлиб ўтган Ўзбекистон Компартияси II съездида (1925 йил ноябрь) республика раҳбарияти съезд минбаридан фойдаланиб, ўз саноатини биринчи навбатда, тўқимачилик саноатини тиклаш зарурлигини ошкора маълум қилди, бу «маҳаллий аҳолининг тўқимачилик маҳсулотларига бўлган эҳтиёжларини қондиришга, шунингдек, уларни кейинчалик қўшни мамлакатларга ҳам етказиб бериш»га мўлжалланган эди.

Биринчи қарашда, саноатлаштиришнинг бошланиши билан гўёки бу долзарб вазифани ҳал қилиш бўйича амалий қадамлар қўйилаётгандай эди. Масалан, «фактик тенгсизлик»ни бартараф этишга қаратилган кўрсатмаларга биноан, биринчи навбатда, Ўзбекистонни иқтисодий ривожлантириш дастурини ресурс билан таъминлаш сезиларли даражада кўпайди. Бироқ ўзининг иқтисодий ва ижтимоий тақдирини ўзи белгилашга, ишлаб чиқариш тармоқлари ва турларининг мувозанати ва нисбатларини тартибга солиш муаммоларини мустақил ҳал этишга бундай интилиш Иттифоқ раҳбариятининг шовинистик манфаатларига бутунлай зид келарди. Иттифоқ раҳбарияти шиор даражасида эмас, балки реал ҳаётда ўлкадаги ишлаб чиқарувчи кучларни жойлаштиришнинг мустамлакачилик тизимини мустаҳкамлашга асосланарди.

Совет ҳокимияти томонидан Туркистон ўлкасида иқтисодий сиёсатни амалга ошириш ҳамда иқтисодий марказлаштириш сиёсатида Ўрта Осиё Иқтисодий Кенгаши ташкилоти муҳим ўрин тутади. Бу ташкилот Марказнинг иқтисодий сиёсатини Ўрта Осиё республикаларида амалга оширди.

РКП (б) МК 1921 йил октябрь ойидаёқ Туркистон, Бухоро ва Хоразм республикаларини хўжалик томонидан қайта тузилишини, бу республикалар билан совет Россиясининг хўжалик йўналишларини бирлаштириш кераклигини зарур деб топган эди. 1922 йил 13 февралда РКП (б) МК Туркистон, Бухоро ва Хоразм республикаларини иқтисодий бирлаштириш тўғрисида қарор қабул қилди.

1922 йил 9 мартда РКП (б) МК Туркистон бюросининг 18-сонли мажлисида Ўрта Осиё республикалари конференциясини тайёрлаш учун С.И.Гусев раислигида комиссия тузилди. Бу конференция Ўрта Осиё республикаларини иқтисодий жиҳатдан бирлаштириши ва РСФСР дан юборилган фармойишлар асосида уни бошқариш режасини белгилаши керак эди.

1923 йил январь ойида РКП (б) МК Ўрта Осиё бюроси Ўрта Осиё республикаларини иқтисодий фаолиятини бошқариб туриш таклифини ишлаб чиқди. 1923 йил 5 мартда Тошкентда шу таклифлар асосида Туркистон, Бухоро ва Хоразм республикаларининг I иқтисодий конференцияси ўз ишhini бошлади. Конференцияда олий бошқарув масалаларида иштирок этиш учун Туркистон, Бухоро ва Хоразм республикаси ҳукуматлари томонидан вакиллар конференция фаолиятига Туркистон комиссияси номидан И.Е.Любимовраислик қилди. Конференцияда сўзга чиққан Н.Паскуцкий ўз маърузасида тўлиқ Марказ манфаатларини ҳимоя қилиб, Туркистонни Марказнинг хомашё билан таъминловчи базасига айлантириш зарур, деган фикрларни баён қилди.

Конференция раиси И.Е.Любимов ўз нутқида конференция олдида турган мақсад ва вазифалар тўғрисида гапирар экан: «Бизнинг олдимизда турган асосий вазифа хўжалик соҳалари, ташқи савдо, ахборот ва алоқа йўллари, молия каби соҳаларни бирлаштириш ҳамда ягона бошқарувни жорий этишни талаб этади», деб таъкидлади.

Конференциянинг 1923 йил 9 мартда бўлиб ўтган охириги мажлисида уч республикани иқтисодий жиҳатдан бирлаштириш тўғрисида қарор қабул қилиниб, Тошкентда Ўрта

Осиё Иқтисодий Кенгаши (СЭС) ташкил қилинди. Конференцияда шу вақтдан бошлаб учала республиканинг иқтисодий фаолияти ва хўжалик режаларини ягона иқтисодий сиёсат доирасида бирлаштиришга қарор қилинди. Ун кишидан иборат Ўрта Осиё Иқтисодий Кенгаши Президиуми тузилди. Унга РСФСР дан 1 вакил (И.Любимов), Туркистондан 4 вакил (Т.Рисқулов, Прибитков, И.Хидиралиев, Н.Паскуцкий), Бухородан 3 вакил (Отаулла Хўжаев, Файзулла Хўжаев ва б.), Хоразмдан 2 вакил (Якубов, Сарсонбоев) сайланди. Шундай қилиб, анжуманда Ўрта Осиё Иқтисодий Кенгаши раиси этиб ТЭС нинг раҳбари Н.А.Паскуцкий тайинланди.

Ўрта Осиё Иқтисодий Кенгаши тузилганидан сўнг 1923 йилнинг апрель ва июнь ойларида БХСР ва ХХСР Нозирлар Шўроси қошида янгидан иқтисодий кенгашлар ташкил қилинди. Туркистон Иқтисодий Кенгаши эса ўз фаолиятини давом эттириб, Бухоро Иқтисодий Кенгаши ва Хоразм Иқтисодий Кенгаши билан тенг ҳуқуқ асосида Ўрта Осиё Иқтисодий Кенгашининг раҳбарлигида ишлай бошладилар.

Ўрта Осиё Иқтисодий Кенгаши ўз фаолиятида СССР Меҳнат ва Мудофаа Кенгаши олдида жавобгар ҳисобланган ва унинг ташкилий структурасига кирган.

Шундай қилиб, Ўрта Осиё Иқтисодий Кенгаши (СЭС)нинг ташкил қилиниши билан совет ҳокимияти Туркистон ўлкасини (Туркистон, Бухоро, Хоразм республикаларини) иқтисодий жиҳатдан бошқариш учун марказлашган иқтисодий ташкилотга эга бўлди. СЭС ўз фаолияти давомида Марказ топшириқларини бажарди ва унга хизмат қилди.

Ўрта Осиёда миллий-ҳудудий чегараланиш ўтказилиши натижасида дастлаб Туркистон, Бухоро, Хоразм республикалари иқтисодий кенгашлари ўз фаолиятини тўхтатди. 1924 йил 25 ноябрда эса Ўрта Осиё Иқтисодий Кенгаши (СЭС) тугатилди ва унинг вазифалари СССР Меҳнат ва Мудофаа Кенгашининг Ўрта Осиёдаги Мухтор вакиллик бошқармаси ихтиёрига ўтказилди. Бироқ 1926 йил июль ойида бу бошқарма тугатилгач, 1926 йил 30 июлда СССР ХКС ҳузурида Ўрта Осиё Иқтисодий Кенгаши (СредазЭКОСО) қайтадан ташкил қилинди. Ўрта Осиё республикалари (Ўзбекистон

ССР, Туркменистон ССР, Тожикистон АССР, Қирғизистон АССР) билан СССР ўртасидаги иқтисодий муносабатларни амалга оширишда, уларнинг Иттифоқ иқтисодий мажмуасидаги ўрни ва вазифаларини белгилашда Ўрта Осиё Иқтисодий Кенгашнинг ўрни катта бўлди. Марказнинг мустамлакага асосланган иқтисодий бошқарув органи — СредазЭКОСО Ўрта Осиё республикаларини иқтисодий жиҳатдан бошқарув тизимини марказлаштиришда муҳим роль ўйнади. Ўрта Осиё Иқтисодий Кенгаши бу вазифани бажариб бўлгач, 1934 йил 3 октябрда СССР ХКС ва ВКП (б) МК махсус қарори билан тугатилди.

Шунингдек, Ўзбекистон ССР да 1925-1926 йилларда ЎзССР Иқтисодий Кенгаши (ЭКОСО) ҳам фаолият кўрсатган. Бу пайтда Ўзбекистон ССР нинг пойтахти Самарқанд шаҳрида бўлганлиги учун бу ташкилот ҳам шу ерда жойлашган эди. Ўзбекистон ССР Иқтисодий Кенгашининг раиси Файзулла Хўжаев бўлган.

1925-1928 йилларда янги иқтисодий сиёсат аста-секин бузила бошлади. Саноат ва қишлоқ хўжалигида қийинчиликлар кўпайиб қолди, режалаштирилган индустрлаштириш учун маблағлар етишмас эди, товарлар танқислиги кескинлашди. Бу ҳолатни бутун Совет Иттифоқи бошидан кечираётган бўлса ҳам бироқ у Ўзбекистон ССР да яна ҳам кескинроқ намоён бўлди, чунки республика деҳқонлари саноат молларини олишда кўплаб қийинчиликларга учрар эди. Товар танқислигининг кучайиб бориши нарх-навонинг ошиб кетишига, рубль курсининг ўзгариб туришига олиб келди. Саноат моллари ва қишлоқ хўжалик маҳсулотлари баҳоларининг ўртасида катта тафовут бўлиши деҳқонларнинг кучли норозилигига олиб келди.

1927 йили ғалла тайёрлашдаги қийинчиликлар муносабати билан баҳоларни тартибга солиш муаммоси яна кўндаланг бўлиб қолди. Бу нарса шаҳар билан қишлоқ, ишчилар билан деҳқонлар ўртасида катта зиддиятлар пайдо бўлиб қолганлигини кўрсатар эди. Совет давлати қишлоқ аҳолиси томонидан истеъмол қилинадиган саноат молларига нисбатан юқори ва қишлоқ хўжалиги маҳсулотларига эса нисбатан паст баҳо-

ларни қўйиб, деҳқонларни индустрлаштириш учун маблағ берадиган ўзига хос устама солиқ тўлашга мажбур қилди.

Хуллас, совет ҳокимияти янги иқтисодий сиёсатдан аста-секинлик билан, бироқ қатъий равишда воз кеча бошлади. Мамлакатда саноатни индустрлаштириш ва қишлоқ хўжалигини коллективлаштириш даврида бу сиёсат бутунлай тугатилди. СССР давлати ва большевиклар партиясининг раҳбари И.В.Сталин 1929 йил 3 ноябрда ёзган «Буюк бурилиш йили» мақоласида СССР да социалистик жамият қурилиши жараёнида давлат секторининг ҳал қилувчи роли тўғрисида ўз қарашларини баён қилди.

Хулоса тарзида таъкидлаш жоизки, янги иқтисодий сиёсат даврида Туркистон ўлкасида вайрон бўлган иқтисодиёт тикланди. Саноат ва қишлоқ хўжалигида жонланиш юзага келди. Совет давлати раҳбарияти иқтисодиётни либераллаштириш ва сиёсий ён беришлар орқали мамлакатда социалистик давлат мулкидан ташқари, мулкчиликнинг бошқа шакллари мавжуд бўлишига йўл қўйиб берди. Хусусий мулк ва бозор муносабатлари жамият ҳаётига қайтадан кириб келди ва муҳим роль ўйнай бошлади. Туркистон АССР да ҳам бу даврда саноат қорхоналари қайта тикланди. Янги завод ва фабрикалар қурилди, саноатнинг мутлақо янги тармоқлари вужудга келтирилди. Қишлоқ хўжалигида озиқ-овқат развёрсткаси ўрнига озиқ-овқат солиғининг жорий этилиши, бозорларнинг очилиши ва эркин савдога рухсат берилиши қишлоқ аҳолиси бўлган деҳқонлар турмушини анча яхшилади.

Бироқ совет ҳокимияти янги иқтисодий сиёсат давомида ҳам ўзининг пировард мақсадларидан воз кечмади. У иқтисодиётни марказлаштириш сиёсатини олиб борди. Туркистон ўлкасидаги саноат қорхоналари Марказ манфаатларига хизмат қилиши керак эди ва шундай бўлди ҳам. Ўрта Осиё Иқтисодий Кенгашининг ташкил топиши ва унинг 10 йилдан ортиқ давом этган фаолияти натижалари шуни кўрсатадики, минтақадаги олий иқтисодий орган бўлган бу ташкилот Марказнинг кўрсатмалари асосида иш юритди ва унинг талабларини бажарди. Ўрта Осиё республикалари иқтисодиёти Марказ манфаатларига бўйсундирилди.

2. Туркистон ва Ўрта Осиё Иқтисодий Кенгашлари ҳамда уларнинг фаолияти

«Ҳарбий коммунизм» сиёсати туфайли совет ҳокимияти инқирозли ҳолатга келиб қолган бўлиб, большевиклар бу вазиятдан чиқишнинг бирдан-бир йўлини иқтисодиётни ҳам бир жойдан туриб бошқариш ва тақсимотни ҳам бир жойда амалга ошириш зарурлигида деб билдилар. Бу йўналишда большевиклар раҳбари В.И. Ленин совет давлати органларининг амалий фаолиятини социализм қуриш истиқболига боғлаган ҳолдаги ғояларини ишлаб чиқиб, қуйидагича таъкидлади: «Маҳаллий хўжалик органлари ишини мувофиқлаштириш, шунингдек, назоратни амалга ошириш учун маҳаллий иқтисодий кенгашлар тузиш таклиф этилади. Иқтисодий Кенгашлар маҳаллий органларга партия ва ҳукумат кўрсатмаларини, қарор ва директиваларини амалга ошириш, жойларда Марказнинг назоратини кучайтириш имконини беради».

Лениннинг бу кўрсатмаси асосида барча ҳудудларда Иқтисодий Кенгашлар тузиш бошланди. Жумладан, 1920 йилнинг февраль ойида Тошкентда Туркистон Иқтисодий Кенгаши (ТИК) — Турк ЭКОСО ташкил этилди. Вилоятларда эса вилоят иқтисодий кенгашлари тузила бошланди.

ТИК раиси Туркистон Марказий Ижроия Қўмитаси томонидан тасдиқланиб, ХКС раисининг биринчи ўринбосари ҳисобланган. ТИК нинг биринчи раислигига Н.А.Паскуцкий, унга ўринбосарлар қилиб эса А.Асаткин ва Шерғозиёвлар тайинланди. ТИК турли хўжалик тадбирлари, маъмурий назорат вазифаларини бажаришда, барча иқтисодий комиссарликлар идоралари билан бир қаторда, зарурият юзасидан Туркистон АССР марказий ва маҳаллий муассасалар идораларидан фойдаланарди. ТИК ўзига берилган ваколатлар ва ҳуқуқлар доирасида ўлка ҳаётининг барча жабҳаларини ўз назоратига олди.

Умуман олганда ТИК ўзига берилган ваколатлар ва ҳуқуқлар доирасида ўлка ҳаётининг барча жабҳаларини ўз назоратига олди. Аммо Марказ ТИКга ҳеч қандай эркинлик-

лар бермади. Хусусан, Иқтисодий кенгашларнинг жойлардаги қуйи тармоқларини ташкил этиш РСФСР Меҳнат ва Мудофаа Кенгаши раиси В. Лениннинг қатъий кўрсатмалари асосида белгилаб берилган эди.

Меҳнат ва Мудофаа Кенгаши барча иқтисодий кенгашларнинг ҳисоблари, статистик маълумотлари, мажлис баённомалари ва ҳатто хабарларини қаттиқ текшириб борди. Бу вазифани амалга ошириш ХКС ҳамда Меҳнат ва Мудофаа кенгаши ишлари ёрдамчиси большевик Смольяниковга топширилган эди. Бундан кўринадики, жойлардаги маҳаллий ва марказий иқтисодий кенгашлар иши тўла Марказ ихтиёри ва мунтазам кузатувида бўлган ҳамда унинг фаолиятига катта аҳамият берилган.

Шу тариқа Марказ бутун мамлакатни, хусусан, Туркистон АССР ни иқтисодий жиҳатдан «жиловлаб» олиш учун қуйидан то юқоригача иқтисодий кенгашлар ташкил қилди. ТИК аслида Турккомиссия, Туркбюро каби совет давлатининг ўлкани Марказнинг хомашё базасига айлантирувчи яна бир муҳим «қуроли» бўлиб, Туркистонда РСФСР Меҳнат ва Мудофаа кенгашининг умумий қоидаларига мос келувчи ўзгаришларни амалга ошириши, бу билан бирга, Марказнинг кўрсатмаларига қатъий амал қилган ҳолда ўлкани ягона халқ хўжалиги режаси асосида бошқариши лозим эди. Айнан шунинг учун ҳам Туркистонда совет давлатининг иқтисодий ислоҳотларини амалга оширишда ТИК нинг роли катта бўлди.

ТИК 1921 йилнинг февраль ойидан то октябрь ойигача бўлган фаолияти даврида 35 та мажлис ўтказиб, унда 160 дан зиёд масала кўриб чиқилган. Кенгаш бу жараёнда асосий эътиборни ишлаб чиқариш (46,2 фоиз) ва саноат (24,4 фоиз) га қаратган. Кейинги ўринда қурилишни ташкил қилишга (21,1 фоиз), яъни меҳнат таъминоти, қурилиш, кооперация ва маҳсулот айирбошлаш каби бошқа масалаларга эътибор қаратилган.

Умуман олганда, Туркистон иқтисодиётидаги инқирозли ҳолатдан чиқиш, айниқса, саноат ва хунармандчиликда юз берган айрим ижобий тикланишлар Иқтисодий Кенгашлар

фаолияти билан чамбарчас боғлиқ эди. Большевиклар «ижоди» бўлган Иқтисодий Кенгашлар Марказ манфаатларини қанчалик ҳимоя қилган бўлмасин, Туркистон ўлкаси саноатининг қисман тикланишига, маҳсулот ишлаб чиқаришига, маҳаллий аҳолининг иш билан таъминланишига имкон яратди. Бу Туркистон халқлари ижтимоий-иқтисодий аҳволининг ижобий томонга силжишига олиб келди.

Иккинчи томондан эса Иқтисодий Кенгашлар Туркистонни совет Россиясининг асосий хомашё етиштирувчи, саноат маҳсулотларига бирламчи ишлов бериб, ярим хомашё маҳсулотлари тайёрлаб берувчи ўлка сифатида Марказга боғлаб берди. Шу даврдан бошлаб Туркистонда унинг аҳолиси истаган саноат марказлари эмас, балки Марказ истаган, унинг эҳтиёжларига мос келадиган, зарурий хомашё етказиб берадиган саноат корхоналари барпо этишга киришилди.

1921 йилнинг бошларидаги амалдаги вазият тақозоси билан совет ҳокимияти ва унинг раҳбари В. Ленин жамиятда юзага келган ижтимоий, иқтисодий ва сиёсий танқисликдан тезда чиқиб кетиш мақсадида «ҳарбий коммунизм»дан янги иқтисодий сиёсат (ЯИС – НЭП) йўлига ўтиш зарурлигини тушунди. 1921 йил мартда бўлиб ўтган РКП (б)нинг X съезди янги иқтисодий сиёсатга ўтиш ҳақида қарор қабул қилди. Бу йўл мамлакатда «большевикча диктатурани амалга ошириш» ҳамда «социалистик жамият барпо этиш» вазифасини амалга оширишда янгича тактик ёндашув бўлиб, у янги иқтисодий сиёсатда ўз ифодасини топди. Ушбу сиёсатнинг асосий моҳияти озиқ-овқат тақсимотини озиқ-овқат солиғи билан алмаштириш, савдо-сотиқни эркинлаштириш, саноатда, хизмат кўрсатиш ва майда ҳунармандчилик соҳаларида хусусий тадбиркорликка рухсат этиш, бозорни тартибга солиш, ижарага олиш ҳамда ёлланма меҳнатнинг чекланишини бекор қилишдан иборат эди.

Озиқ-овқат тақсимотининг озиқ-овқат солиғи билан алмаштирилиши деҳқон хўжалигининг давлат билан йил охирига қадар тузиладиган шартномасини кўзда тутиб, давлат билан деҳқон хўжалиги ўртасида маҳсулот етказиб бериш-

Ер кодекси тасдиқланди. Бу кодексга кўра, «барча ерлар, улардан ким фойдаланишидан қатъи назар, ишчи-деҳқон давлатининг мулки», деб эълон қилинди. Ерга ким ишлов берса, унга «эгаллик қилиш ҳуқуқи» берилди. Битта хўжаликка мўлжалланган чекланган ер нормаси 30 таноб (7,5 десятина) қилиб белгиланди. Ўрта Осиё республикаларида фаолият кўрсатаётган Иттифоқ Бош Пахта Қўмитаси баъзи ўзгаришларни амалга оширган бўлса-да, ўзининг асл мақсади бўлган монополия сиёсатини сақлаб қолди.

Аста-секинлик билан ўлка иқтисодиёти, унинг қишлоқ хўжалиги Иттифоқ манфаатларига бўйсундириб борилди. Ўлканинг барча бойликлари асосан пахта ва бошқа хомашёлар, мустамлака даврида бўлгани каби, ташиб кетила бошланди. Ўлка иқтисодиётининг тобора қарам бўлиб бориши унинг издан чиқишига, халқнинг ижтимоий-иқтисодий аҳволининг янада оғирлашувига олиб келди. Туркистон ўлкасига четдан ғалла, металл буюмлар ва бошқа кўплаб маҳсулотлар келтириш камайиб кетди. Бунинг асосий сабаби, Ўрта Осиё республикаларида тоталитар тузумининг маъмурий буйруқбозлик бошқарув усулининг кучайиб бориши эди. Айнан шунинг учун ҳам янги иқтисодий сиёсат ўзининг асл моҳиятини йўқотиб борди. Бу эса 1920 йилларнинг охирига келиб, янги иқтисодий сиёсатга барҳам берилишига олиб келди.

1923 йил 5-9 март кунлари Тошкентда Туркистон, Бухоро ва Хоразм республикаларининг I иқтисодий конференцияси бўлиб ўтди. Ушбу конференциянинг 9 март куни бўлиб ўтган охири мажлисида уч республикани иқтисодий жиҳатдан бирлаштириш ҳақида қарор қабул қилиниб, Тошкентда Ўрта Осиё Иқтисодий Кенгаши (СЭС) ташкил этилди. Конференцияда шу вақтдан бошлаб учала республиканинг иқтисодий фаолияти ва хўжалик режаларини ягона иқтисодий сиёсат доирасида бирлаштиришга қарор қилинди. Ўрта Осиё Иқтисодий Кенгаши раиси этиб ТИК раҳбари Н.А.Паскуцкий тайинланди.

Ўрта Осиё ИК тузилганидан сўнг 1923 йилнинг апрель ва июнь ойларида БХСР ва ХХСР Нозирлар Шўроси қошида ҳам иқтисодий кенгашлар ташкил этилди. Маълумотларга

кўра, «Ўрта Осиё Иқтисодий Кенгаши тўғрисидаги» Низомда унинг асосий вазифаси этиб, «Бухоро, Хоразм ва Туркистон республикаларининг хўжалик ҳаётини ривожлантириш ва бошқариш, шунингдек, уч республиканинг хўжалик ҳаётига раҳбарлик қилиш ҳамда бошқариш ва уларга кўрсатмалар бериш» белгилаб қўйилган. Ўз навбатида Ўрта Осиё ИК ўз фаолиятида СССР Меҳнат ва Мудофаа кенгаши олдида жавобгар ҳисобланар эди.

Ўрта Осиё ИК ташкил этилиши билан унинг қошида Ўрта Осиё давлат режа комиссияси ва ҳакамлик суди комиссияси тузилди. Давлат режа комиссияси таркибига қишлоқ хўжалиги, сув хўжалиги, бюджет ва кредит ҳамда умумий бўлимлар мавжуд бўлиб, ҳар бир бўлим ўз соҳасига кўра, ўзига юклатилган вазифа бўйича уч республика миқёсида иш олиб борди. Ҳакамлик суди комиссиясининг асосий вазифаси эса Ўрта Осиё республикаларидаги давлат идоралари ва корхоналараро мулк масалалари бўйича юзага келадиган низоларни кўриб чиқиш ва ҳал қилиш, шунингдек, СССР иқтисодий сиёсати ва қонунчилигининг Ўрта Осиё республикаларида ўрнатилиши, уларнинг ижросини назорат қилиш эди.

Шу тариқа Ўрта Осиё ИК ташкил этилиши Ўрта Осиё республикалари иқтисодиётини Марказ томондан бошқариш йўлидаги биринчи қадам бўлиб, бу ташкилот орқали уч республика халқ хўжалиги маъмурий буйруқбозлик усулида бошқарила бошланди. СЭС ташкил этилган вақтидан бошлаб ўзига юклатилган вазифалар асосида уч республиканинг иқтисодиётини Марказнинг эҳтиёжини қондириш учун мослаштиришга ҳаракат қилди.

Совет ҳукумати аввал бошданок яккаҳоқимликда марказлашган давлат тузишни асосий мақсад қилиб қўйган эдилар. Совет ҳукумати кўзланган мақсадга эришиш учун турли маъмурий бошқарув бўғинларини кўпайтириб, йирик бюрократик давлат аппаратини вужудга келтирдилар. Иқтисодий Кенгашлар мамлакатнинг энг нозик ва муҳим бўғинини бошқарувчи, миллий республикалардаги Иқтисодий Кенгашлар эса туб ерлик аҳоли яратган моддий бойликларни «оқилона» тарзда Марказга етказиб берувчи воситага айландилар.

Иқтисодий Кенгашларнинг ҳаракатлари туфайли Бухоро ва Хоразм республикаларининг мустақиллик рамзларидан бири бўлган валютаси бекор қилиниб, совет пули муомалага киритилди. Шунингдек, ҳар иккала республикада мавжуд бўлган солиқ тизими бекор қилиниб, советларнинг солиқ тизими жорий этилди. БХСР ва ХХСР ташқи алоқалар масаласида ҳам мустақилликни бой берди. Уларнинг ташқи алоқалари фақат Марказ орқали ёки унинг рухсати билан олиб бориладиган бўлди.

Мавзу бўйича олиб борилган тадқиқотлар натижаларига эътибор берадиган бўлсак, Иқтисодий Кенгашлар Туркистон, Хоразм ва Бухоро республикаларининг ўша даврдаги оғир иқтисодий аҳволини тиклаш борасида бир қанча ишларни амалга оширган эди. Бунинг натижасида миллий республикаларнинг иқтисодиёти бирмунча интеграциялашиб, бир-бирига ёрдам бериш асосида иқтисодиётнинг қийин ва оғир жабҳалари ривожланиб, изга тушди. Афсуски, Иқтисодий Кенгаш бутун фаолияти давомида иқтисодий ва сиёсий жараёнларни биринчи галда Марказ манфаатларини ҳисобга олган ҳолда, Марказ андозалари асосида олиб борди. Бунинг натижаси ўлароқ, миллий республикалардаги сиёсий, иқтисодий ва молиявий соҳаларни бошқариш маҳаллий раҳбарлар қўлидан Марказ ихтиёрига ўтди.

Ўрта Осиёда миллий-худудий давлат чегараланиши ўтказилиши натижасида Ўрта Осиё ИК ўзининг 1924 йил 24 ноябрда бўлган охири мажлисида 25 ноябрдан эътиборан ўз фаолиятини тўхтатганлиги ҳақида қарор қабул қилди.

3. Саноатлаштириш. Аграр сиёсат. Қишлоқ хўжалигини жамоалаштириш ва унинг асоратли оқибатлари

Республика иқтисодиёти табиатан аграр тусга эга, саноати асосан қишлоқ хўжалик маҳсулотларини қайта ишлаш корхоналаридан иборат бўлиб, унинг учдан икки қисмини пахтачилик саноати ташкил қилар эди. Ўлканинг ишлаб чиқариш ҳаётида кустар-хунармандчилик ишлаб чиқариши ҳамон олдинги ўринни эгаллаб, аҳолининг пойабзал, кийим-кечак ва

уй-рўзгор буюмларига бўлган эҳтиёжларини қондирар эди. Хунармандлар бозорга чиқарилган пойабзалнинг 86 фоизини, ошланган терининг 76 фоизини, кийим-кечак ва бош кийимларининг 85 фоизини, идиш-товоқларнинг 60 фоизини ишлаб чиқарар эдилар. 1925 йилнинг охирига келиб собиқ СССР да халқ хўжалигини тиклаш ишлари асосан ўз ниҳоясига етказилди. 1925 йилнинг декабрида бўлиб ўтган ВКП(б) XIV съезди социализм ғалабасининг асосий шарти сифатида шўролар мамлакатида «социалистик индустрлаштириш»ни авж олдиришга эътиборини қаратди.

Саноатлаштириш Ўзбекистонда дастлаб секинлик билан амалга оширилди. Чунки косиб-хунармандчилик устувор соҳа эди. Мамлакатни жадал индустрлаштириш учун маблағ масаласи кескин мунозараларга сабаб бўлди. Индустрлаштиришни жадаллаштириш тарафдорлари маблағни қишлоқ хўжалиги ҳисобидан олиш режасини илгари сурдилар, муҳолиф тараф эса, саноатлаштириш сиёсатини ёқлагани ҳолда уни аҳолининг моддий аҳволи, турмуш шароитини яхшилаш ва қишлоқ хўжалигида кооперацияни аста-секин ихтиёрий равишда амалга ошириш билан биргаликда олиб боришни таклиф қилди. Кескин сиёсий баҳс мунозаралардан кейин маблағни аграр сектордан олишга қарор қилинди. Ўзбекистон иқтисодиёти аграр характерда эди. Зеро, 1927-1928 йилларда иқтисодиётда қишлоқ хўжалигининг ҳиссаси 61,6 %ни, саноат соҳасида эса 38,4 %ни ташкил қилар эди. Республикадаги мавжуд саноатнинг 90 фоизи қишлоқ хўжалик хомашёсини ишлашга ихтисослашган, маҳсулотларни қайта ишлаш корхоналаридан иборат бўлиб, унинг 60 %ни пахтачилик саноати ташкил қиларди.

Биринчи беш йиллик (1928-1932)да 289 та янги саноат корхонаси, жумладан, Тошкент қишлоқ хўжалик машинасозлик заводи, Қувасой цемент ва оҳак заводлари ишга туширилди, Чирчиққурилиш, Олмалиққурилиш, Тошкент тўқимачилик комбинати қурилиши давом этди. Фарғонада тўқимачилик фабрикаси ва ёғ заводи, Тошкент, Бухоро, Марғилон ва бошқа шаҳарларда тикувчилик фабрикалари ишга туширилди.

Саноатлаштириш йиллари республика пахта тозалаш заводларининг техник имкониятлари ошиб, 1927-1928 йилларда 3363 тонна пахта толаси етиштирилди ва пахта тозалаш саноатининг ялпи маҳсулоти эса 165,7 млн. рубли ташкил этган эди.

Республикани саноатлаштиришда электрлаштириш ҳам муҳим ўринлардан бирини эгаллаганлиги туфайли, электрстанциялар қурилиши авж олдирилди. Масалан, Тошкент яқинида қуввати 4 минг киловаттни ташкил этган Бўзсув ГЭСи барпо этилди. 1932 йилга келиб эса электр станцияларининг сони 49 тага етди. Шунингдек, республикада нефть саноати ҳам жадал суръатлар билан ўсди, 1925-26 йилларда нефть ишлаб чиқариш 5,6 тонна бўлган бўлса, 1927-1928 йилларда бу кўрсаткич 47,7 тоннани ташкил этди.

Айрим саноат маҳсулотлари бўйича Ўзбекистон собиқ Иттифоқда етакчи ўринга чиқди. 1932 йилда пахта толасининг 89,7 фоизи, цементнинг 54,2 фоизи, ўсимлик мойининг 56,4 фоизии, хом ипакнинг 42 фоизи ишлаб чиқарилди.

Фақатгина биринчи беш йилликнинг ўзида йирик саноатдаги ишчилар сони деярли 3,5 баравар кўпайди. Лекин улар орасида маҳаллий миллат вакиллари озчиликни ташкил қилганлиги боис, уларни тайёрлашга ёрдам тариқасида иттифоқдош республикалар, асосан Россиядан кўплаб саноат мутахассислари кела бошлади. 1926 йилдан 1940 йилгача Ўзбекистон аҳолиси янги келганлар ҳисобига 750 минг кишига ёки 10 %дан ортиқроқ кўпайди. Марказнинг русийзабон аҳолини кўчириб келтиришида миллий ўлкаларда ўзининг таянч ижтимоий қатламини вужудга келтириш ҳамда руслаштириш сиёсатини амалга ошириш манфаати ётар эди.

Саноатни жадал ривожлантириш натижасида Ўзбекистон Марказга рангли ва нодир металллар, олтингургурт, озокерит, молибден, пахта толаси, хом ипак билан таъминлайдиган ва советлар мамлакатини хомашё қарамлигидан халос этишга ёрдам берадиган йирик хомашё минтақасига айланди. Ўзбекистоннинг олтин саноати бутун мамлакатнинг тўлов балансини мустаҳкамлаш учун катта маблағлар бериб турди. Бироқ

аҳолининг ижтимоий эҳтиёжлари назар-писанд қилинмади, унинг моддий фаровонлигига эътибор берилмади, бу жа турмуш даражасининг пасайиб кетишига олиб келди.

Бу даврда советлар мамлакатада шаҳар ва портларни бирлаштирувчи янги темир йўл линиялари қурилишига ҳам эътибор берилди. Фарғона (Искобил) — Қувасой (1922), Қарши — Китоб (1924), Амударё (Самсоново) — Термиз (1925). 1928-29 йилларда пахтачиликни ривожлантириш мақсадида Асак-Шаҳрихон, Сирдарё — Пахтаорол темир йўллари қурилди, шунингдек, Қорасув — Ўш (1935) ва бошқа темир йўл линиялари қурилиб фойдаланишга топширилди. 1929-1931 йилларда узунлиги 1452 км бўлган Туркистон — Сибирь (Турксиб) темир йўли қурилди.

20-йиллардан Ўзбекистонда автомобиль транспорти вужудга келтирилди. 1921 йилда республика автомобиль транспорти ихтиёрида 40 та енгил ва 15 та юк автомобили ҳамда Тошкент автомобиль таъмирлаш устахонаси бор эди. 1940 йилгача Ленин номидаги катта автомобиль йўли (710 км), Фарғона автомобиль йўли (343 км) қайта таъмирланди ва бир қанча янги йўллар қуриб битказилди.

1924 йилга келиб республикадаги автомобиль корхоналарида 223 автомобиль бўлиб, 145 минг тонна юк ташилди. 30-йилларда автомобиль транспортининг ривожланиши билан қаттиқ қопламали йўллар қурилиши бошланди, таъмирлаш ва техник хизмат кўрсатиш корхоналари, кадрлар тайёрлайдиган ўқув юртлари очилди.

Янги иқтисодий сиёсат (НЭП) туфайли Ўзбекистон қишлоқларидаги аҳвол нисбатан яхшиланди, деҳқонлар ўз маҳсулотини сотиш, фўза ва бошқа экин майдонларини кенгайтириш орқали турмуш даражасини яхшилаш имкониятига эга бўлишди. Бироқ 20-йилларнинг иккинчи ярмидан ЯИС (НЭП) ўз моҳиятини йўқотиб, эркин савдо ва хусусий тадбиркорликка чек қўйила бошлади. Совет ҳукумати бойларнинг ерларини мусодара қилиш ҳисобига камбағал деҳқонларни ер билан таъминлаш орқали қишлоқда «социалистик ижтимоий тузум»нинг асоси бўлган жамоа бўлиб хўжалик юритишни ривожлантиришни кўзлаб, кенг миқёсли аграр

ислоҳотини авж олдирди. 1925 йил 2 декабрдаги ЎзССР МИҚ нинг фавқулодда сессиясида қабул қилинган «Ер ва сувни национализация қилиш» тўғрисидаги декрети қабул қилинди.

Йирик ер эгаларидан тортиб олинган ерларда 60603 дехқон хўжалиги ташкил этилди. Бундан ташқари, янги ва тикланган суфформа ерларида яна 14751 батрак ва ерсиз дехқонлар хўжаликлари тузилди.

Қашқадарё, Сурхондарё ва Хоразм вилоятларидаги ер-сув ислоҳоти давомида суғориладиган лалми ерлар, собиқ амир ва хон хизматчилари, руҳоний ҳамда савдогар, суд-хўрларнинг хўжаликлари мусодара қилинди. Умуман, 1925-29 йиллардаги ер-сув ислоҳотини ўтказиш натижасида Ўзбекистонда помещчик туридаги 4801 хўжаликлар тугатилди, 23036 хўжаликларнинг ортиқча ерлари мусодара қилинди, ер жамғармаси 474893 десятина ерга эга бўлди, 89729 хўжаликлар ер билан таъминланди. Ер билан бирга кўпгина хўжаликлар мол-мулк, уруғ, асбоб-ускуналарга ҳам эга бўлдилар.

Бироқ ислоҳот ўтказишнинг репрессив-мажбурий усуллари, бой дехқонларнинг давлат томонидан террор қилиниши ўз навбатида уларнинг кескин норозилик чиқишларига сабаб бўлди. Шу тариқа, ер-сув ислоҳоти қишлоқда синфий курашнинг кескинлашувиغا олиб келган эди. Давлат ўз навбатида «бой-қулоқ унсурлари»нинг қаршиликларини бартараф этиш учун ўзининг бор кучини ишга солди. Тортиб олинган ерларнинг асосий қисми колхоз ва совхозлар ихтиёрига топширилган эди.

Ислоҳотнинг жиддий салбий оқибатлари — қишлоқ иқтисодий ҳаётининг қашшоқлашиши, фермерлик куртакларининг бўғиб қўйилиши ва бозор-савдо муносабатлари ривожланишининг тўсиб қўйилиши ҳамда ижара имкониятларининг чекланиши бўлди.

Шундай қилиб, 1925-1929 йиллардаги ер-сув ислоҳоти совет ҳукуматининг мулкдор синфларни тугатиш, синфсиз жамият қуриш учун қилган чора-тадбирларидан бири бўлди. Ушбу жараён кейинги йилларда қишлоқ хўжалигини мажбурий жамоалаштиришга замин яратган эди.

1929 йил советлар тарихига «буюк бурилиш йили» деб ном олган йил бўлиб кириб келди. Бу деҳқонлар синфини ижтимоий қатлам сифатида мақсадли йўқ қилишнинг бошланиш даври эди. Бунда «қулоқлар» ва «бойлар» тоифасига асосан янги иқтисодий сиёсат шароитида ўз хўжалиklarини оёққа турғазиб олган ўртаҳол деҳқонлар киритилди. Чунки бирмунча бадавлатроқ қатламлар олдинги йилларда тугатилган эди. 1929 йилнинг ёзида «қулоқлар»ни жамоа хўжалиklarига (колхоз) киритишини таққиқловчи қарор қабул қилинади. Ўша йилнинг 7 ноябрида «халқлар отаси» Сталиннинг матбуотда босилиб чиққан «Буюк бурилиш йили» номли мақоласи ҳамда 27 декабрда қишлоқ хўжалик ходимларининг илмий конференциясида сўзлаган нутқи «қулоқлар»ни синф сифатида тугатиш ва жадал жамоалаштириш сиёсатини бошлаб берди. Ёппасига жамоалаштириш бу — бой ва ўртаҳол деҳқонларга тегишли ишлаб чиқариш воситалари, моллар, уй-жой, қишлоқ хўжалик маҳсулотлари ва уруғ захираларининг тортиб олиниши ҳисобига колхозлар тузиш дегани эди.

Ўзбекистонда жамоалаштириш ЎзКП МҚ нинг 1930 йил февралда қабул қилган «Коллективлаштириш ва қулоқ хўжалиklarини тугатиш» тўғрисидаги қарори эълон қилингандан сўнг бошлаб юборилди.

Ўзбекистонда ёппасига жамоалаштиришни тезлаштириш ҳамда «қулоқлар» билан кураш олиб боришни кучайтиришга ёрдам тариқасида Марказ 25 минг ташкилий-сиёсий тажрибага эга бўлган европалик ишчиларни юборди. «25 мингчилар» асосан Москва, Ленинград, Иваново-Вознесенск ва СССР нинг бошқа саноат марказларидан Ўзбекистонга 433 ишчи юборилди. Улардан тузилган бригадалар ўзбек қишлоқларида колхозлар тузиш ҳамда «қулоқ қилиш» кампаниясида «фаол» иштирок этдилар.

1930 йилнинг ўзидаёқ республикада 2648 та бой ва «қулоқ» хўжалиklари тугатилиб, қишлоқ аҳлининг тадбиркор қисми оёғига болта урилди. «Қулоқ қилиш» сиёсати деҳқонларда ишончсизлик ва хавотирни кучайтирди. Кўплаб деҳқонлар ўз хўжалиklarини ташлаб қочишга мажбур бўлди. Чорва

сони кескин камайиб кетди. Республикадаги сиёсий вазият кескинлашиб борди. Деҳқонларнинг норозилиги 1930 йил 25 февралда Фарғона округида ғалаёнга айланди. Норозилик чиқишлари Андижон, Тошкент, Хоразм, Самарқанд округларига ҳам ёйилди. Масалан, Чуст ва Олмосда бой деҳқонлар чорва молларини ёппасига сотишни авж олдирдилар. Жамоалаштиришга қарши бу ҳаракат баъзи жойларда совет ҳокимиятига қарши чиқишларга айланди. Мана шундай норозилик чиқишларининг олдини олиш учун 1930 йилда ЎзМҚ КП(б) қошида «қулоқ» ва бойларни йўқ қилиш бўйича махсус республика комиссияси тузилади ва «қулоқ қилиш» сиёсати янада шиддатлироқ тус олади.

Ўзбекистонда жамоалаштириш асосан 1932 йилнинг охири 1933 йилнинг бошларида тугаланди. Бу даврга келиб республиканинг 79 дан 61 туманида барча деҳқон хўжалиklarини колхозларга бирлаштириш ниҳоясига етказилган эди. Жами Ўзбекистонда жамоалаштирилган хўжаликлар 74,9 %ни ташкил этди. Биринчи беш йиллик (1928-1932) охирларида республикада 9734 колхоз ва 94 та совхоз ташкил этилган эди.

1930-1933 йилларда Ўзбекистонда 5550 деҳқон хўжалиги аъзолари ҳибсга олиниб, қулоқ қилинди ва Украина, Сибирь, Қозоғистон ҳамда бошқа жойларга зўрлик билан кўчирилди. Лекин шунини ҳам таъкидлаш жоизки, бунда нафақат ўзига тўқ, мол-мулкка эга деҳқонлар, балки ўртаҳол, айрим ҳолларда эса батрак хўжаликларга мансуб кишилар ҳам «қулоқ» сифатида сургун қилинди.

Совет давлатининг бундай ғайриинсоний сиёсатини амалга оширишдан мақсади, биринчидан, қишлоқдаги ўзига тўқ кишиларнинг ер-суви, мол-мулкни тортиб олиш, иккинчидан, тортиб олинган бойлик ва ишлаб чиқариш воситалари ҳисобига жамоа ва давлат хўжалиklarининг дастлабки моддий базасини яратиш, учинчидан, камбағал деҳқонларнинг бу хўжаликларга «ўз хоҳишлари» билан киришларига эришиш ва уларнинг арзон меҳнатидан фойдаланиш, тўртинчидан, «қулоқ» бўлиб сургун қилинган кишилар ёрдамида масалан, Украинанинг иқлими Ўзбекистонга яқин зонасида пахтачилик совхозларини ташкил этиш ва пировардида пахта ёрдамида СССР нинг моддий имкониятларини яхшилаш

эди. Совет давлати бу мақсадларга асосан эришди. Қулоқлар ҳисобига қаддини тиклади, социалистик қурилишнинг моддий базасини яратди. Пахта мустақиллигига эришди.

Мажбурий жамоалаштириш сиёсати қишлоқнинг мустақил ривожланишини барбод қилди, қишлоқ аҳли онгига салбий таъсир кўрсатди, деҳқонларнинг ерга эгалик туйғусини йўқ қилди.

Ўзбекистон учун сув иншоотлари қуриш муҳим эди ва шунинг учун 1939 йилдан бундай қурилишлар умумхалқ ҳашар йўли билан амалга оширила бошлади. 1939 йил 1 августда бошланган 270 км узунликдаги Катта Фарғона канали халқнинг машаққатли меҳнати эвазига 45 кунда барпо этилди. Канал қурилишида 160 минг киши иштирок этди ва асосан қўл меҳнати билан қурилди.

Чорвачилик Ўзбекистон қишлоқ хўжалигининг муҳим соҳалари қаторида советлар даврида ҳам муҳим ўрин эгаллаб келди. Хусусан, 1932 йилдан 1937 йилгача йирик қорамоллар сони 150 мингга, қўйлар 230 мингга кўпайди. Лекин шунга қарамадан, чорвачилик қишлоқ хўжалигининг бошқа соҳаларига қараганда орқада эди. Бунинг асосий сабаби пахтачиликка эътиборнинг кучайтирилганлиги ва чорвадорларнинг моддий рағбатлантирилмаганлиги бўлди.

Ўзбекистон КП нинг 1934 йилда бўлиб ўтган VI қурултойидан сўнг, республикага кўп миқдорда қорамол келтирила бошлади.

Пиллачилик республика қишлоқ хўжалигининг асосий тармоқларидан бири эди. 1922 йилда Тошкентда «Туркипак» акционерлик жамиятининг ташкил этилиши пиллачиликни ривожлантиришда муҳим босқич бўлди. 1927 йилда Тошкент ипакчилик станцияси негизида Ўрта Осиё ипакчилик илмий-тадқиқот институти ташкил этилди. 1930 йилларда тут кўчати етиштиришга алоҳида эътибор қаратилди. Биринчи ва иккинчи беш йилликларда Ўзбекистон ипак ишлаб чиқариш бўйича биринчи ўринда эди. 1932 йилда 5674 тонна пилла етиштирилган бўлса, ушбу кўрсаткич 1937 йилда 11 422 тоннага кўпайди.

Республика қишлоқ хўжалигида мевалар ва узум етиштириш қадимдан озиқ-овқат ҳамда саноат хомашёси берадиган

асосий тармоқлар қаторига киради. 20-йилларнинг иккинчи ярмидан ихтисослаштирилган боғдорчилик ва тоқчилик давлат хўжаликлари барпо этила бошлади, тоғ ва тоғ этаклари зоналарида жойлашган жамоа хўжаликларида ҳам бу тармоққа катта эътибор берилди. Меваларнинг нав таркибини яхшилаш мақсадида олма, нок, узум ва бошқаларнинг янги навлари келтирилиб экилди. Ўзбекистоннинг 1937 йилда етиштирган мева ҳосили 800 минг центнерни ташкил этди. Шунинг учдан бир қисми собиқ Иттифоқнинг турли вилоятларига юборилар эди.

Ўзбекистон ССР да «аграр инқилоб»нинг стратегия ва тактикаси Ўзбекистон Компартиясининг II съезди (1925 йил ноябрь)да тасдиқланган эди. Бу жараён ЎзССР МИК нинг «Сув ва сувни национализация қилиш тўғрисида» ва «Ер-сув ислоҳоти тўғрисида» декретлари (1925 йил 2 декабрь) билан бошланган эди.

1925-1929 йилларда ЎзССР да ер-сув ислоҳотининг II босқичи ўтказилди. Бу ислоҳот жойларда шарт-шароитлар ва тайёргарлик даражасига қараб 3 босқичда амалга оширилган. Биринчи босқич 1925-1926 йилларда Фарғона, Тошкент, Самарқанд вилоятларида бўлди. Иккинчи босқичда 1927 йил Зарафшон вилояти (Бухоро ва Ўрта Зарафшон округлари) да ер-сув ислоҳоти ўтказилди. Учинчи босқич — 1928-1929 йилларда Қашқадарё, Сурхондарё, Хоразм округларида ислоҳот амалга оширилган эди. Қабул қилинган декретлар асосида белгиланганидан ортиқ ерлар, иш ҳайвонлари ва меҳнат қуроллари тортиб олинди. Бойлар, йирик савдогарлар, ула молар ва бошқа мулкдорларнинг ерлари ва бутун мол-мулки мусодара қилинди.

1929 йил кузидан СССР да қишлоқ хўжалигини маъмурий-буйруқбозлик усули билан коллективлаштириш (жамоалаштириш)га киришилган вақтда Ўзбекистонда аҳвол ана шундай эди. ВКП(б) МК Сиёсий бюросининг «Ёппасига жамоалаштириш тўғрисида»ги қарори ва ВКП(б) МК Ўрта Осиё бюросининг «Қулоқларни синф сифатида тугатиш билан боғлиқ тадбирлар тўғрисида»ги кўрсатмалари (1930 йил 26 январь)

асосида Ўзбекистон Компартияси МК 1930 йил 17 февралда «Коллективлаштириш ва қулоқ хўжаликларини тугатиш тўғрисида» қарор қабул қилган. Ўзбекистон ССР да қулоқлаштириш компанияси 1930 йил февралдан бошлаб авж олган.

Айни пайтда қулоқларни синф сифатида тугатиш 1930 йил 1 февралда СССР МИК ва ХКС қарорларида ҳам расман қонунийлаштирилди. Қулоқларга қарши курашда уларнинг мол-мулкларини мусодара этиш ва ўзларини бошқа ҳудудларга сургун қилиш учун тегишли ташкилотларга ҳамда республикалардаги партия ташкилотларига тегишли ҳуқуқлар берилди.

1930 йил кузидан деҳқонларни жамоа хўжаликларига киришга мажбурлаш яна авж олди. 1931 йил ёзига келиб, барча деҳқон хўжаликларининг 56,7 фоизи колхозларга бирлаштирилган эди. 1932 йил охирида совхозлар сони 62 тага етди. Якка хўжаликларга катта солиқ солиш билан тазйиқ ўтказиш давом этди.

Ўзбекистон ССР да қишлоқ хўжалигини коллективлаштириш расмий равишда 1932 йилда тугатилди. Бироқ бу даврда деҳқонларнинг қарийб 92 фоизи колхозларга кирган эди. Якка хўжаликларга турли чоралар қўлланиши натижасида коллективлаштириш 1939 йилда 99,55 фоизга етди.

Хуллас, ЎзССР даги жамоалаштириш қишлоқ хўжалигига жуда катта зарар етказди. Ғалла етиштириш кескин қисқарди. Чорвачиликка ҳаддан ташқари катта зиён етди. РСФСР нинг марказий губерниялари, Волга бўйи ва Қозоғистонни қамраб олган очарчилик 1932-1933 йилларда Ўзбекистонда ҳам юз берди.

Совет ҳокимиятининг дастлабки ўн йилликларида Ўзбекистон бутунлай аграр ўлкадан аграр — саноатлашган ўлкага айланиши борасида муҳим қадам қўйилганлигини эътироф этиш лозим. Бунинг натижасида Иккинчи жаҳон уруши арафасида республикада саноат корхоналари сони 1445 тага кўпайди. Ўрта Осиё республикаларини аграр-чорвачилик минтақаларига айлантиришга қарор қилинди.

Ўзбекистонда янги саноат корхоналарининг барпо этилиши ва қишлоқ хўжалигининг экстенсив йўл билан ривожлантирилиши ҳам бу даврда ишсизликка барҳам бера олмади. Ўзбекистонда ишсизлик XX асрнинг 30-йиллари охиригача долзарб муаммо бўлиб турди.

Ўзбекистон Компартияси раҳбарларидан бирининг ВКП(б) МК Бош котиби И.В.Сталинга ёзган хатида Ўзбекистонда коллективлаштириш жараёни ва колхозларни ташкил қилиш суръатлари ҳаддан ташқари ошириб юборилганлиги кўрсатилади. Ҳатто Андижон ва Қўқон (Фарғона) округларида ёппасига колхозлаштиришни 1931 йил баҳорида 100 фоизга бажариш эълон қилинади. Бундай натижаларга маъмурий босим ва деҳқонларни қўрқитиш орқали эришилган. Хусусан: «Овозингни чиқарма, агар колхозга кирмасанг нон ҳам, саноат моллари ҳам ололмайсан, сайлов ҳуқуқидан маҳрум қилиниб, райондан кўчириб юбориласан», — деган.

Натижада, деҳқонларни мажбурий рўйхатга олишга қарши фақат Фарғона водийсида эмас, балки бутун Ўзбекистон ССР ҳудудида оммавий норозиликлар ва қўзғолонлар бошланди. Архив ҳужжатларида келтирилишича, жойларда райком ва қишлоқ совети ходимлари калтакланиб, ўлдирила бошланган.

Айрим совет ходимлари ўз вазифасини суиистеъмол қилиш оқибатида, колхозлар (жамоа хўжаликлари)ни ташкил қилиш жараёнида ҳам жуда катта хатоларга йўл қўйилган. Бошқа бир архив ҳужжатида келтирилишича, Ўрта Зарафшон округидаги Хатирчи районида 3 ойда фақат битта колхознинг раиси 20 марта алмаштирилган. Бундай аҳвол бошқа районлардаги ўнлаб колхозларда ҳам учраб турган.

Ўзбекистонда колхозлар ва совхозлар (давлат хўжаликлари) ташкил қилиниши даврида чорва молларини умумлаштириш жараёнининг бошланиши билан чорва молларининг миқдори кескин камайиб борган, уларнинг бозордаги нархи тушиб кетган. Чунки аҳоли хонадониде мавжуд бўлган чорва молларини кўп миқдорда оилавий эҳтиёж учун сўйиш билан бирга, уларни оммавий сотиш бошланган. Бундан ташқари, қўшни

Афғонистон давлатига чорва моллари кўплаб ҳайдаб ўтилган.

Ўзбекистонда партиянинг коллективлаштириш сиёсати-га барча масъул ходимлар хайрихоҳлик билан қарашмаган. Айрим раҳбар ходимлар ўша пайтларда ҳам бу сиёсатнинг нотўғри жиҳатларини тўғри кўра билганлар, унинг мудҳиш оқибатларидан аҳолини огоҳлантиришган. Ўзбекистон ССР Халқ Комиссарлари Советининг раиси Файзулла Хўжаев колхозлаштириш борасидаги танқидий фикрларини шундай баён этган: «Биз ўзимизни кучимизга мос бўлмаган суръатда иш юритдик. Ўрта Осиё районлари, хусусан, Ўзбекистонга хос хусусиятларни ҳисобга олмадик. Ўзимизнинг тай-ёргарлигимизга ортиқча баҳо бериш, колхоз шакларини қориштириб ва ошириб юборганимиз ҳам қўшилиб вазият янада чуқурлашиб борди. Бизда яна носоғлом мусобақалашиш ҳам бўлиб ўтди. Деҳқонлар бу суръатларга тушунмади ва умуман колхозлаштириш тузукроқ ташвиқот ҳам қилинмади. Буларнинг устига деҳқонларни колхозга мажбурловчи маъмурий чоралар ҳам қўшилди. Натижада, камбағал ва ўртаҳол деҳқонларнинг ҳам оммавий норозилигига эга бўлдик. Бундай ҳолат Бухоро, Фарғона, Андижон, Хоразм, Сурхондарё ва бошқа барча округларда бўлиб ўтди».

Колхозлаштириш сиёсатининг оқибатлари ўзини кўп куттирмади. СССР ҳудудида совет тузумига қарши оммавий равишда деҳқонлар қўзғолони бошланиб кетди. Бу қўзғолонлар бир вақтда ташкилий уюшган ҳолатда кўтарилмаган бўлса ҳам, у ўзининг ҳақди талабларига эга бўлган интизомли халқ норозилиги эди.

1930 йил кузидан деҳқонларни жамоа хўжаликларига киришга мажбурлаш яна авж олди. 1931 йил ёзига келиб, барча деҳқон хўжаликларининг 56,7 фоизи колхозларга бирлаштирилган эди. 1932 йил охирида совхозлар сони 62 тага етди. Якка хўжаликларга катта солиқ солиш билан тазйиқ ўтказиш давом этди.

Ўзбекистон ССР да қишлоқ хўжалигини коллективлаштириш расмий равишда 1932 йилда тугатилди. Бироқ бу даврда деҳқонларнинг қарийб 92 фоизи колхозларга кирган

эди. Якка хўжаликларга турли чоралар қўлланиши натижа-
сида коллективлаштириш 1939 йилда 99,55 фоизга етди.

Хуллас, ЎзССР даги жамоалаштириш қишлоқ хўжалигига жуда катта зарар етказди. Ғалла етиштириш кескин қисқарди. Чорвачиликка ҳаддан ташқари катта зиён етди. РСФСР нинг марказий губерниялари, Волга бўйи ва Қозоғистонни қамраб олган очарчилик 1932-1933 йиларда Ўзбекистонда ҳам юз берди.

Совет ҳокимиятининг дастлабки ўн йилликларида Ўзбекистон бутунлай аграр ўлкадан аграр-саноатлашган ўлкага айланиши борасида муҳим қадам қўйилганлигини эътироф этиш лозим. Бунинг натижасида Иккинчи жаҳон уруши арафасида республикада саноат корхоналари сони 1445 тага кўпайди. Ўрта Осиё республикаларини аграр-чорвачилик минтақаларига айлантиришга қарор қилинди.

Ўзбекистонда янги саноат корхоналарининг барпо этилиши ва қишлоқ хўжалигининг экстенсив йўл билан ривожлантирилиши ҳам бу даврда ишсизликка барҳам бера олмади. Ўзбекистонда ишсизлик XX асрнинг 30-йиллари охиригача ўтқир муаммо бўлиб турди.

4. Ўзбекистонда «маданий инқилоб» ва унинг оқибатлари

XX аср 20-30 йиллардаги мураккаб ижтимоий-сиёсий вазият республика маънавий-маданий ҳаётида ҳам ўз аксини топди. Совет давлатининг «маданий инқилоб» тадбири жамиятнинг барча жабҳалари қаторида илм-фан, маданият, санъат, маориф, олий таълим соҳаларини ҳам ўз измига солган эди. Таълим-тарбиянинг ўчоқлари бўлган миллий мактабларга ҳам бу сиёсат ўзининг салбий таъсирини ўтказмасдан қолмади. Совет ҳокимиятининг дастлабки йиллариданоқ анъанавий таълим тизимини йўқ қилиш авж олдирилди.

Давлат «пролетариат диктатураси»нинг мавжуд барча кучларидан фойдаланиб, совет сиёсий раҳбарияти қисқа муддат ичида Туркистонда Россия империяси ўрнатган таълим тизимини йўқ қилишга эришди. Бир вақтнинг ўзида

анъанавий мактабларга нисбатан ҳам маъмурий-репрессив ҳамда иқтисодий чоралар кўрилди. Бироқ кенг халқ оммаси анъанавий мактаб тарафдори бўлиб қолаверди. Туркистон мусулмонларига ўзининг мафкуравий таъсирини кенгайтириш мақсадида, совет «миллий» мактаблари тармоғини ташкил этишга алоҳида эътибор қаратилди. Мустабид давлат муқобил ўқув масканлари фаолиятининг барча имкониятларини чеклаб қўйди. 1927 йил июндаги Ўз КП МҚ VI пленуми қарорлари бошлаб берган, дин асосларини емириш бўйича янгидан авж олган ҳаракат эски мактабга етказилган асосий зарба бўлди. Пленумнинг «Мусулмон руҳонийлари ва мактаб тўғрисида»ги резолюциясида: «Ислоҳ қилинган мактаблар зарарли эканлигини ҳисобга олиб, бундан буён вақф мактабларини ислоҳ қилишга асло йўл қўйилмасин, шу вақтгача ислоҳ қилинган мактабларга келганда эса шу районда янги совет мактабларини очиш, шунингдек ислоҳ қилинган мактабларда диний фанларни ўқитишни ҳамда умуман руҳоний шахслар ўқитишини тақиқлаш йўли билан ҳам уларни ёпиш учун бутун чоралар кўрилсин», деб таъкидланган эди.

Айниқса, 1927 йилнинг декабрида ВКП (б)нинг XV съездида қабул қилинган қишлоқ хўжалигини коллективлаштириш тўғрисидаги қарордан кейин махсус маърифий хайрия мулклари бўлмиш вақф мулклари тугатилиб, бунинг оқибатида анъанавий мактаблар ҳам иқтисодий асосдан маҳрум бўлдилар. Ушбу чоралар камдек, уларга дин — хурофот ўчоқлари тамғаси ёпиштирилиб, ўн асрдан ортиқ тўпланган анъанавий қадриятлар кераксиз, зарарли, янги тузумнинг тараққиёт этишига тўсиқ бўлувчи ижтимоий институтлар сифатида изсиз тугатиб юборилди. Охир оқибатда 1920 йилга келиб, ТАССР да «социалистик» турдаги 2080 мактаб фаолият кўрсатиб, улардаги ўқувчилар сони эса 174820 ни ташкил қилар эди.

Анъанавий мактаб ва мадраса ҳамда жаҳид мактабларини йўқ қилиш билан бирга совет органлари маҳаллий аҳоли фарзандлари мактабларига ҳам жиддий эътибор беришмаган бўлса-да, совет ўқув масканларини ўқитувчи кадрлар ҳамда керакли маблағ билан таъминлай олиш имкониятла-

рини топа олишган. Чунончи, совет таълим тизимига мос ўқитувчи кадрларнинг миқдорий ўсишини таъминлаш кенг йўлга қўйилиб, 1917 йилнинг ўзидаёқ Тошкент, Андижон, Самарқанд, Қўқонда дастлабки ўқитувчилар тайёрлайдиган қисқа муддатли курслар ташкил этилган эди. 1920 йилларнинг бошларига келиб, мана шундай курслар орқали 3 минг маҳаллий миллат ва 802 та европалик ўқитувчи тайёрланди.

Мана шундай шароитда маҳаллий зиёлилар замонавий миллий олий таълим тизимини яратиш, дунёвий билимлардан дарс бера оладиган ўқитувчилар тайёрлаш давр талаби эканлигини теран ҳис этиб, замонавий университет яратишга қарор қилдилар. Ўрта Осиёнинг биринчи университети ҳисобланмиш ҳозирги Ўзбекистон Миллий университети 1918 йил 12 майда жаҳид зиёлилари томонидан ташкил этилган.

Мунавварқори Абдурашидхонов ташаббуси билан Мусулмон Халқ университети (дорилфунуни)ни ташкил этиш гуруҳи сайланади ва 1918 йилнинг 9 апрелида унинг ҳовлисида шу дорилфунуннинг 9 кишидан иборат ташкилий ҳайъати таъсис этилади. Мусулмон Халқ дорилфунуни 1918 йилнинг 12 майида Тошкент шаҳрининг эски шаҳарида тантанали равишда очилди. Унинг 13 та мактаби 14 майдан очила бошлади, энг охиргиси эса 17 июнда таркиб топди. Улардан 4 таси аёллар мактаби эди.

1918 йилнинг 31 майида эса Мусулмон Халқ дорилфунунининг олий таълим босқичи — мусулмон дорилмуаллимини ташкил этилади. Лекин советлар сиёсий ва ижтимоий муҳитининг мураккаблиги ва Россиядаги сиёсий воқеаларни рўқач қилиб, 5 йиллик ўқишга мўлжалланган дорилмуаллимини фақат 4 ойлик ўқитувчилар курслари билан чегаралаб қўйдилар. Дорилфунуннинг «Халқ дорилфунуни» номи газетаси биринчи сонининг чиқиши ҳам айни шу кунга тўғри келган эди.

Мазкур ўқув даргоҳида машғулотлар 1918 йилнинг 1 июнида қуйидаги ўқитувчилар таркиби билан бошланди: Абдурауф Фитрат, Иброҳим Исмоил, Бурҳон Ҳабиб, Мунавварқори Абдурашидхонов, Абдулла Раҳимбоев, Абдурахмон Исмоилзода, Ҳайдар Шавқий, Анна Поройкова, Владимир

Сергеев. Институт мудирини қилиб Иброҳим Исмоилов ва қотиб Абдулла Раҳимбоев тайинланди.

Мусулмон дорилмуаллимини Туркистон Халқ университети маблағ билан таъминлаганлиги сабабли, моддий томондан тамоман унга бўйсунган эди. Олинган маблағ кўп ҳолларда ночор аҳволда яшаган ўқитувчиларнинг ҳаётини бирмунча бўлса ҳам энгиллаштиришга сарфланар эди. Мана шу муаммоларнинг барчаси кўрсатиб турганидек, мусулмон ўқитувчилари тайёрлайдиган курслар эмас, олий таълим маскани — институт ниҳоятда зарурлигини тушуниб етган мусулмон зиёлилари қанчалик ҳаракат қилишмасин, уларнинг талаблари турли баҳоналар билан эътибордан четда қолаверди. Тез орада Туркистон Халқ университети бошқармаси дорилмуаллимида 1918 йил 15 августдан 1 сентябргача ўқиш тўхтатилиши ҳақида қарор қабул қилади ва шу йилнинг кузида дорилмуаллими иккинчи даражали ташкилот қаторида ёпиб қўйилади.

Мусулмон Халқ дорилфунуни 1918 йилнинг кузигача, бор-йўғи 100 кун фаолият кўрсатган бўлса ҳам, Туркистон мусулмонларининг саводини чиқариш, илм-маърифатли қилиш, олий малакали миллий зиёлилар етиштириш каби ижобий ва ҳимматли, ўша давр учун ниҳоятда муҳим ишларни амалга оширишга, юртимизда маориф соҳасини ривожлантиришга эришди. Ўлкада миллий зиёлиларни етиштиришда муҳим аҳамият касб этган Мусулмон Халқ дорилфунуни фаолияти совет даври адабиётида мутлақо ёритилмаган, у ерда дарс берган 300 га яқин ўқитувчиларнинг номлари ҳозирги кунга келиб аниқланди.

Октябрь тўнтаришидан сўнг советлар шарқ аёлларини озодликка чиқариш учун кураш, уларнинг сиёсий фаоллигини ошириш ҳамда янги ҳаёт қурилишига жалб қилиш кампаниясини авж олдириб юбордилар. Ушбу жараённинг энг чўққиси 1927 йил бўлиб, у тарихга «Хужум» ҳаракати номи билан кирди. Яъни, совет адабиётлари талқинида бу эски турмуш тарзига ҳужум қилиш маъносини англатар эди. Хужумнинг олдига қўйилган биринчи навбатдаги вазифалари-

дан бири бу — кўп хотинликка чек қўйиш, балоғатга етмаган қизларни турмушга беришни таъкидлаш ва қалин пулини бекор қилиш эди.

Бироқ советлар шиддатли тус берган ушбу ҳаракат асрий анъаналарни ҳисобга олмаган қарорлар, кўрсатмалар асосида олиб борилди, кўп ҳолларда зўрлик ишлатилди. Қайси вилоят, қайси туманда, шаҳар ва қишлоқларда қанча хотин-қизлар паранжисини ташлаганлиги ҳақидаги маълумотлар мунтазам талаб қилина борди.

Ишда бебошлик тус олганди: кўчаларда аёлларнинг паранжисини тортиб олишар, бир жойга йиғиб ёқиб юборишарди.

Шарқ аёлларининг асрлар давомида муайян урф-одатлар ва шарият мезонлари билан шаклланган ижтимоий мавқеини уларни озодликка чиқариш ва эркаклар билан тенг ҳуқуқли қилиш шиори остида фавқулодда ва шиддат билан ўзгартирилиши кўп тўқнашувлар ва қурбонлар бўлишига сабаб бўлди. Масалан, 1928 йил 8 мартда Ўзбек давлат концерт ва этнография гуруҳи иштирокчиси Тўпахон саҳнанинг ўзида ўлдирилади, бир йилдан сўнг эса Нурхон исми актриса ҳалок бўлди.

Шубҳасиз, «Хужум» шарқ аёлларига бирмунча эркинлик, ҳуқуқлар берди. Лекин ушбу ҳаракат босқичма-босқич, зўравонлик усуллари ишлатмасдан, ўта нозиклик билан кенг халқ омма онгини ушбу жараёнга тайёрлаб амалга оширилганда норасмий никоҳлар, ажралишлар, ёлғиз оналар, демография жихатдан аёлларнинг эркакларга нисбатан кўплиги сабабли жамиятда оила қуриш ҳуқуқидан маҳрум бўлган «ортиқча» аёллар кўпайиб кетмас, эркаклар билан аёллар ўртасида «тенглик» ўрнатилиши оқибатида аёллар ўзининг шарқона латофатини йўқотиб қўймаган бўлар эди.

Компартиянинг маданий меросни инкор этиш сиёсати араб ёзувини лотин графикасига алмаштириш ҳақидаги қарориди ҳам ўз аксини топди. Бунинг сабабини совет ҳукумати «маданий ўсишда техник хусусиятга эга тўсиқлардан бири бу қолақ транскрипциядир» ҳамда «анъанавий арабча ёзув фақатгина диний мусулмон анъаналари нуқтаи назари-

дангина қимматлидир» деб уқтириб, араб ёзувининг мавқеини пасайтиришга ҳаракат қилдилар. Шу муносабат билан Ўзбекистон коммунистларининг III қурултойи (1927 йил ноябр) «янги лотин алифбосига янада шиддатлироқ йўл билан ўтиш керак» деб таъкидлади ва 1929 йилда ўзбек ёзуви лотин графикасига ўзгартирилди. Чунки Ўрта Осиёни араблар истило қилган VIII асрдан бошлаб нафақат диний китоблар, балки фаннинг барча соҳаларида ўн уч аср мобайнида яратилган ёзма маданият ёдгорликлари, ўлка аҳолиси амал қилиб келган ҳуқуқ манбалари ана шу ёзувда яратилган эди. Шу сабабдан бу маҳаллий халқни нафақат динидан, балки маданияти, миллийликдан ажратиб, совет қолипига мажбурлан солиш эди.

1940 йилда эса лотин графикасининг кирилл алифбоси билан шошилинич алмаштирилиши, Ўзбекистон аҳолиси билим даражасининг ўсишига, ўзбек тилининг ривожига салбий таъсир кўрсатди. Ушбу ҳолат саводсизлар сонининг сунъий ўсишини келтириб чиқарди. Лекин энг ачинарлиси, маънавий ҳаёт тўла руслаштирилиб, ҳамма жойларда ўзбек тили имкониятларининг чекланишига олиб келди.

Мустабид тузум советларча саводли шахсларни шакллантириш, «саводсизлик»ни тугатиш борасида шиддатли курашни авж олдириб юборди ва 1920 йилнинг 17 сентябрида ТАССР Маориф халқ комиссарлиги томонидан аҳоли орасида саводсизликни тугатиш тўғрисида декрет қабул қилинади. Унга мувофиқ, 8 ёшдан 40 ёшгача бўлган барча фуқаролар ўқиш ва ёзишни ўрганишлари шарт бўлган. ТАССР Маориф халқ комиссарлиги ҳузурида эса саводсизликни тугатиш билан шуғулланувчи фавқулодда комиссия таъсис этилади. «Саводсизликни тугатиш» (ликбез) мактаб ва курслари тармоғини яратиш борасида бир қатор тадбирлар амалга оширилди. Хусусан, 1920 йилнинг охирига келиб, «ликбез»ларнинг сони бир мингдан ошиб кетади. Уларни битирганлар эса 70 мингга эди. Ушбу мактаблар учун ўқитувчилар тайёрлашга ҳам катта эътибор қаратилиб, қисқа муддатда маҳаллий миллатга мансуб 2000 нафар ўқитувчи тайёрланди.

1924 йилнинг бошида эса «Битсин саводсизлик!» жамияти вужудга келади. Унинг ўзагини ўқитувчилар, талабалар ташкил қилган. Саводсизликни тугатиш бўйича ушбу жамият томонидан дастлабки пайтда 35 та мактаб очилиб, 10200 киши ўз саводини чиқарди. Расмий статистик маълумотларга кўра, 1937 йилга келиб, республикада саводсизлик тугатилиб, кам саводли кишилар сони 2 млн. дан зиёд бўлган. Аҳолининг советлар идрокидаги умумий саводхонлиги 67,8 %га этган эди.

Шу ўринда айтиш муҳимки, совет социалистик давлатчилиги ўзбек халқининг туб маънавий, ахлоқий қадриятларига мос келмас эди. Тарбиявий ишлар ҳам миллий манфаатларни акс эттирмас эди.

Совет ҳокимияти йилларида, айниқса, 20-йилларда адабий-маданий ҳаёт қизғин тус олди. Жаҳид адабиёти аср бошидан 20 йиллик ривожланиш тажрибасига таянган ҳолда тараққиётнинг янги босқичига кўтарилган, ҳам шаклан, ҳам мазмунан баркамоллик касб этган ҳамда мазмун моҳиятига кўра 20-йилларда янги бир босқичга кўтарилиб, умумтуркий бадий тафаккурнинг забардаст сиймолари сифатида этироф этилган Фитрат, Қодирий, Чўлпонни маънавият майдонига чиқарди.

Абдурауф Фитрат (1886-1938) истеъдодли санъаткор, адиб бўлиши баробарида ижтимоий-сиёсий фаолият билан ҳам чуқур шуғулланган давлат арбобидир. Масалан, биргина «Бухоро халқ шўролар жумҳуриятининг Конституцияси» Фитрат таҳриридан кейингина қурултойда қабул қилиниши унинг сиёсий-ижтимоий соҳада нечоғлик катта ҳурматга эга бўлганини кўрсатади. У Бухоро халқ жумҳуриятида масъул вазифаларни адо этди. Фитрат совет ҳукумати белгилаган йўлдан эмас, ўз йўлидан боришга ҳаракат қилди. Бу эса Москвага маъқул келмади. Уни тухматлар билан Бухоро жумҳуриятидаги барча лавозимлардан озод этадилар.

Фитрат Бухородаги жаҳидчилик ҳаракатида фаол иштирок этибгина қолмай, бу ҳаракатга раҳбарлик ҳам қилди. Бу борадаги ўз қарашларини «Мунозара», «Ҳинд сайёҳи қисса-

си» сингари асарларига сингдирди. Фитрат «Сайҳа», «Ҳинд сайёҳи», «Бегижон», «Оила» сингари асарларида «мавжуд тузумни қаттиқ танқид қилди, унинг барча камчиликларини аёвсиз фош этиб ташлади», деган эди бу ҳақда Файзулла Хўжаев.

Журналистик ва муҳаррирлик Фитрат фаолиятида муҳим ўрин тутади. У ўзи муҳаррирлик қилган «Ҳуррият» газетасида «Юрт қайғуси» умумий сарлавҳаси остида учта сочма шеър эълон қилди. «Туркнинг номуси, эътибори, иймони, виждони золимларнинг оёқлари остида қолди. Туркнинг юрти улоғи, ўчоғи, Турони ёт қўлларга тушди» деб ёзган эди шоир.

Фитрат матбуот билан бирга, бутун умр маориф соҳасида ҳам жонбозлик кўрсатди. Ҳатто Туркияда ўқиб юрган кезлари у юртдошларининг ўқишига кўмак бериш мақсадида «Бухоро таълими маориф жамияти»ни ташкил этишда ташаббус кўрсатди. Фитрат 1921 йилнинг баҳоридан Бухорода маориф ишларини ташкил этиш ҳайъатига раҳбарлик қилди шу вақтда Бухоро жумҳуриятида туркий тил давлат тили деб эълон этилиши бевосита Фитратнинг жонбозлиги натижасидир. У ислоҳ қилинган лотин алифбосига ўтиш ишларининг ташкилотчиларидан биридир.

Бироқ совет давлати сиёсати ва коммунистик мафкура миллатпарвар адиб дунёқараши ва асарларини баҳолашга аста-секин ўзининг омонсиз тазйиқини ўткази бошлади. Абдурауф Фитрат барча асарлари ва буткул фаолияти билан истиқдол учун курашди.

Абдулла Қодирий (1894-1938) ўзининг ноёб истеъдоди, жасорати билан халқимиз маданияти, адабиёти тарихида ёрқин из қолдирди, кўп асрлик миллий адабиётимиз ривожига туб бурилиш ясаган, янги босқични бошлаб берган романлар яратди. Адиб «Ўткан кунлар», «Меҳробдан чаён» асарлари билан ўзбек романчилигига асос солди.

«Ўтган кунлар» романи билан ўзбек адабиётида янги давр бошланди. Роман қаҳрамонлари қисмати ифодаси орқали адиб жамият ҳаёти, ахлоқини, рус босқини арафасидаги халқнинг аҳволи, кайфиятини теран тадқиқ қилди. Буюк тарихга, қуд-

ратли давлатчилик, маданий, маънавий анъаналарга эга Туркистон ўлкасининг таназзулига юз тутиш, Россия империясининг мустамлакасига айланиш сабабларини очиб берди.

Қодирийнинг асарлари ХХ асрнинг кўплаб бало-офатларига, қора булутли кунларига дуч келди ва улардан эсон-омон чиқди. Бу ўлмас асарлар ҳозирда ўзбек адабиёти осмонида қуёшдек порлаб, одамлар вужудини, қалбларини чароғон этмоқда.

Чўлпон (1897-1938) — кўп қиррали истеъдод соҳиби эди. Чўлпон эҳтиросли асарлари билан ўзбек халқининг миллий онгини уйғотишда, унинг янгича маънавиятини шакллантиришда катта хизмат қилди. 20-йилларда Чўлпон большевиклар олиб борган сиёсатга нисбатан муҳолифатга ўтгани ва бу қарашларини яширмай, шеърларида ошқора қуйлагани туфайли, уни миллатчига чиқариб қўйдилар. Қўйилган айбномаларини исботлаш учун асосий далил сифатида «Бузилган ўлкага» шеърини келтирдилар. Чиндан ҳам бу шеърда совет воқелигини мадҳ этиш йўқ. Бу том маънода ватанпарварлик туйғуси билан суғорилган шеър. Шеърда улў ўлка бошига тушган фожиалар, ҳақсизликларга, адолатсизликка қарши, анна шу юртнинг эрки ва озодлиги учун курашга ундовчи мисралар бор. Адибнинг «Кеча ва кундуз» романида Туркистоннинг зулмга, жаҳолатга, адолатсизлик ва ҳақсизликка тўла ҳаёти очиб берилган.

Туркистоннинг туганмас дардларини, жароҳатларини англаш ва англатиш, уни бирликка, эрка, мустақилликка чорлаш ва бу йўлдаги фидойилик ҳар уч адиб ижодининг муштарак жиҳатини ташкил қилади.

Ҳамза ўз шеърларида фақат маърифатга чақириш билан чекланмайди, у қадимий Туркистоннинг сиёсий-ижтимоий аҳволини ўйлайди, мухторият ғояларини улўғлайди. Масалан, унинг «Туркистон мухториятига» деган шеърида «ислом давлати»ни бир санжоқ остида бирлашишга чақиради, «араб, турк, қобил, хиндистон» каби халқлардан ташкил топган «ислом миллатини аҳилликка, иттифоқ бўлиб иш юртишга» ундайди.

Мустабид тузум йиллари республикамизда адабиёт билан бир қаторда миллий санъат ҳам ривожланди. 1918 йилда

Ҳамза Фарғонада «Ўлка Сайёр» сиёсий труппасини ташкил этди. М.Қори-Ёқубов, Й.Эгамбердиев, Ҳ.Исломов, М.Кузнецовлар шу театр қаддирғочлари бўлдилар. Ўша йили Маннон Уйғур Тошкентда «Турон» жамияти қошида театр тузди. Бу гуруҳ кейинчалик Ўлка Давлат намуна театрига айланди. Театрнинг биринчи актёрлари — Аброр Ҳидоятлов, Музаффар Муҳамедов, Обид Жалилов, Фатхулла Умаров, Сайфи Олимов, Маъсума Қориева, Босит Қориев, Зиё Саидлардир. Маннон Уйғур ватанпарварлик ва маърифатпарварлик ғоялари билан суғорилган Фитрат, Фулом Зафарий, Чўлпон, Қодирий, озарбайжон драматурги Хусайн Жовид асарларини саҳналаштирди.

Шу йилларда Қори Ёқубов томонидан биринчи бўлиб ўзбек халқ мусиқа ансамбли ташкил этилди. 1926 йилда эса юзага келган биринчи ўзбек давлат концерт этнографик ансамблига атоқли ўзбек хонанда, актёр, созандалари жалб этилиб, 1929 йилда унинг заминида Самарқандда Ўзбек давлат мусиқали театри ташкил топди. Айнан ўша даврларда атоқли ўзбек ижрочилари чет эл гастролларида бўлишган: Тамарахоним ва Қори Ёқубовлар Париж ва Берлин(1925)да катта муваффақият қозонишган. 1936 йилда Ўзбек давлат филармониясининг ташкил этилиши ижрочилик санъатининг маълум даражада тизимланишига асос бўлди. Ўзбек халқ чолғу асбоблари оркестри, ашула ва рақс ансамбллари, хор капелласи, симфоник оркестр унинг таркибида иш бошлади.

Октябрь тўнтаришидан сўнг, республикамизда бир қанча илмий ва ўқув муассасалари ташкил этилди. Хусусан, 1918 йилда ташкил этилган Туркистон Халқ Университети қошида бир қанча илмий-тадқиқот институтлари фаолият кўрсата бошлади. Тупроқшунослик ва геоботаника, биология, зоология, педагогика ва психология, физика-математика, экология илмий-тадқиқот институтлари шулар жумласидандир.

Шунингдек, республикада 20-йиллар охири — 30-йиллар бошида Тропик тиббиёт институти, Тиббий паразитология ва гельминтология илмий-тадқиқот институти, Сув ҳўжалиги тажриба-тадқиқот институти ва бошқа илмий муассасалар ташкил қилинди.

30-йилларда республикамиз ҳамда минтақада илм-фан равнақига муносиб ҳисса қўшган маҳаллий миллатга мансуб олимлар етишиб чиқдилар. Улар: Т.Қори Ниёзий, Т.Саримсоқов, С.Сирожиддинов, О.Содиқов, Н.Долимов, Т.Зоҳидов, У.Орипов, С.Умаров ва бошқалардир.

Илмий-тадқиқот муассасалари тармоғи ва илмий кадрлар сонининг жадал ўсиши, олимлар олдига янги вазифаларнинг қўйилиши, илмий-тадқиқот ишларига раҳбарлик қилиш ва уларни мувофиқлаштириб туриш ишларини такомиллаштиришни тақозо қилди. 1932 йилда Фан қўмитаси таъсис этилиб, 1940 йилда унинг негизида Иттифоқ ФА Ўзбекистон филиали (ЎзФАН) тузилди. Шу даврдан ЎзФАН Ўзбекистоннинг илмий-тадқиқот марказига айланди. Унинг таркибига геология, ботаника, кимё, сув хўжалиги муаммолари, тарих, тил ва адабиёт институтлари; тупроқшунослик, зоология, физика ва математика секторлари; Тошкент астрономия обсерваторияси; иқтисодий тадқиқотлар ва картография бюроси киритилди.

1943 йилда Ўзбекистон Фанлар Академияси (ЎзФА) ташкил этилди, унинг биринчи президенти этиб академик Тошмуҳаммад Ниёзович Қори Ниёзий сайланди.

Ўзбек математика атамашунослиги асосчиси, таниқли математик Тошмуҳаммад Қори Ниёзий замонавий ўзбек математик тафаккурининг шаклланиши ва ривожига бебаҳо ҳисса қўшган олимдир. Унинг Беруний мукофотиغا сазовор бўлган уч жиллик «Асосий математик анализ курси» номли асарининг илмий қиммати олий математикадан биринчи ўзбек тилидаги оригинал қўлланма эканлигидадир. Ўзбекистон халқларининг маданий ҳаёти тарихига оид илмий ишлар, ўзбек математика ва астрономия илмлари тарихи, хусусан, Улуғбекнинг астрономия мактабига оид асарлари ҳам Қори Ниёзий қаламига мансубдир.

5. XX асрнинг 20-йиллари иккинчи ярми – 30-йиллардаги сиёсий қатаянлар

1922 йил 30 декабрда ташкил топган СССР қудратли унитар (қўшма) давлат бўлиб, унда расмий федерация субъектлари суверен ҳуқуқлар ва реал мустақилликдан маҳрум эдилар. Ўзбекистон ҳам фақат номигагина СССР таркибидаги суверен руспублика ҳисобланган, аслида эса иттифоққа ҳар томонлама қарам эди. СССР да қарор топган бошқарувнинг маъмурий-буйруқбозлик тизими жамиятнинг барча соҳаларини ўз мақсад ва вазифаларига бўйсундирган, ижтимоий-сиёсий ҳаёт ўта сиёсийлаштирилиб, ўзгача фикрлашларга қарши шафқатсиз кураш олиб борилар эди.

20-30 йилларда мустабид тузумга қарши фикр билдирганларни таъқиб остига олиш авж олди. Айни шу пайтда «18 лар гуруҳи», «иноғомовчилик», «қосимовчилик» каби сиёсий ишлар тўқиб чиқарилган эди.

Ўзбекистондаги ҳукумат ва партия органларининг ваколатлари масаласи тадқиқ этилганда ўн саккизлар гуруҳининг фаолияти ва қисматини ўрганиш муҳим аҳамият касб этади. Тарихдан маълумки, асосан ҳукумат аъзолари кирган ўн саккизлар гуруҳи аъзолари Ўзбекистон Компартияси Марказий Комитети сиёсатига қарши чиққан эдилар.

1925 йил ноябрда Ўзбекистонда фаолият кўрсатган миллий раҳбар ходимлардан 18 киши (улар тарихий адабиётларда «ўн саккизлар гуруҳи» деб аталарди) 1925 йил 19-22 ноябрда Самарқандда бўлган Ўзбекистон Компартияси Марказий Комитети пленумига қуйидаги ариза билан мурожаат қилган эдилар.

Ариза остида Ўзбекистонда фаолият олиб борган 18 нафар масъул миллий ходимларнинг фамилияси ва лавозими ёзилиб, имзолари қўйилган. Ўзбекистон ССР ҳукумати аъзолари, айрим округлар, вилоятлар, уездлар, туманлар ва шаҳарлар раҳбарлари, йирик хўжалик бошлиқлари ва партия ходимларидан иборат бўлган ва мазкур аризага қўл қўйган 18 нафар миллий ходимлар қуйидагилар бўлиб, улар

ариза ёзилган 1925 йил ноябрда қуйидаги расмий лавозимларда фаолият кўрсатишган:

1. Абдурахим Ҳожибоев — Ўзбекистон Компартияси Марказий Комитети аъзоси; Фарғона округи партия комитети масъул котиби.

2. Нуриддин Қориев — ЎзССР Марказий Ижроия Комитети Президиуми аъзоси; Ўзбекистон ССР Марказий Ижроия Комитети Президиуми масъул котиби.

3. Баҳодир Мақсумов — Ўзбекистон Компартияси Марказий Комитети аъзоси; «Ўзбекхлопком» бошқармаси раисининг ўринбосари.

4. Раҳимжон Раҳимбобоев — Ўзбекистон ССР Ички ишлар комиссари ўринбосари.

5. Иномжон Хидиралиев — Ўзбекистон Компартияси Марказий Комитети аъзоси; Ўзбекистон ССР Ер ишлари халқ комиссари.

6. Мирзахўжа Ўринхўжаев — Ўзбекистон Компартияси Марказий Комитети аъзолигига номзод; Самарқанд вилояти ижроия комитети раиси.

7. Мухторжон Саиджонов — Ўзбекистон Компартияси Марказий Комитети аъзоси; Зарафшон округи партия комитети масъул котиби.

8. Исмоил Бозорбоев — Ўзбекистон Компартияси Марказий Комитети аъзоси; Қашқадарё округи партия комитети ташкилий бўлими бошлиғи.

9. Раҳмат Рафиқов — Ўзбекистон Компартияси Марказий Комитети аъзоси; Ўзбекистон ССР Ички ишлар халқ комиссари.

10. Зокир Ҳасанов — Ўзбекистон Компартияси Марказий Комитети аъзоси; «Қизил Шарқ» тўқимачилик корхонасининг Самарқанд бўлими бошлиғи.

11. Муҳаммаджон Каримжонов — Ўзбекистон Компартияси Марказий Комитети аъзоси; Тошкент шаҳар касабаяушмаси раиси.

12. Обид Мақсудов — Ўзбекистон Компартияси Марказий Комитети аъзоси; Тошкент шаҳри 1-район партия комитети масъул котиби.

13. Ҳайитдин Эшонов — Конибодом район партия комитети котиби.

14. Абдурашид Мукамилов — Ўзбекистон Компартияси Марказий Комитети аъзолигига номзод; Зарафшон округи ижроия комитети раисининг биринчи ўринбосари.

15. Раҳматулла Музаффаров — Ўзбекистон Компартияси Марказий Комитети аъзоси; Зарафшон округи партия комитети тарғибот-ташвиқот бўлими бошлиғи.

16. Абдумажид Зокиров — Ўзбекистон Компартияси обкоми (область партия комитети) аъзоси; Ўзбекистон Компартияси Марказий Комитети захирасида турган.

17. Насм Ширинов — коммунистик партия, яъни Ўзбекистон Компартияси аъзоси; Самарқанд уезди партия комитети масъул котиби.

18. Ўринбой Ашуров — коммунистик партия, яъни Ўзбекистон Компартияси аъзоси; Марғилон уезд — шаҳар партия комитети масъул котиби.

Ўзбекистон Компартияси МК пленуми ушбу аризани кўриб чиқишни РКП(б) МК Ўрта Осиё бюросига топширган. Мазкур аризадан сўнг пленум ва Ўзбекистон Компартияси МК котибиятига ўн саккизлар аризасини қўллаб-қувватлаб, 21 ноябрда яна 8 киши (Абдурахмонов, Қодиров, Мирхўжаев, Саидхонов, Мусахўжаев, Олимжонов, Қурбонов, Исамухамедов)дан иккита ариза тушган. Бу аризаларнинг биринчисини Зарафшон вилояти делегатлари ва айрим ходимларидан Абдурахмонов, Қодиров, Мирхўжаев, Саидхонов, Мусахўжаев, Олимжонов, иккинчисини Ўратепа уезди ижроия комитети раиси Қурбонов ва Ўзбекистон ЛКСМ МК ташкилий ишлар бўлими бошлиғи ва Ўзбекистон ССР МИК аъзоси Исамухамедов каби масъул ходимлар беришган.

Ариза берганлар билан РКП(б) МК Ўрта Осиё биринчи котиби И.А.Зеленский ва Марказдан юборилган бошқа масъул ходимлар суҳбатлашган. Бу суҳбат асида тергов тусини олган. Партиянинг ички интизомига қатъий амал қилиш, партия сафларида ҳеч қандай гуруҳбозликка ўрин бўлмаслиги каби талаблар ва турли тазйиқлардан сўнг 18 нафар ки-

шидан 8 киши (А.Ҳожибоев, И.Хидиралиев, М.Ўринхўжаев, Ў.Ашуров, Ҳ.Эшонов, А. Мукамилов, А.Зокиров, Н.Ширинов) хато қилганликларини «тан олиб», аризадаги ўз имзоларини қайтариб олганликлари хусусида ариза берганлар. Қолган 10 нафар киши (Н.Қориев, А.Музаффаров, М.Саиджонов, Р.Рафиқов, Б.Мақсумов, И.Бозорбоев, О.Мақсумов, М.Каримжонов, З.Ҳасанов, Р.Раҳимбобоев) қайтадан ариза ёзишиб, ишларини Ўрта Осиё бюросида кўриб чиқишни талаб қилишган. РКП(б) Марказий Контроль Комиссияси Президиуми аъзоси М.В. Косарев, РКП (б) Марказий Контроль Комиссияси аъзоси Д.Манжара ва Ўрта Осиё бюроси ташкилий-тақсимлов бўлими бошлиғи А.Здобновдан иборат махсус комиссия 1925 йил 22-29 ноябрда ариза берувчи ҳар бир киши билан алоҳида савол-жавоб, аслида ўзига хос сўроқ ўтказиб, ариза ёзишининг сабабларини текширган. Декабрь ойининг бошларида бу савол-жавоб яна такрорланган.

Мазкур комиссиянинг хулосаларига таянган тарихчи Қ.Ражабовнинг ёзишича, ўн саккизлар гуруҳининг ҳаракатларини Ўзбекистон ССР ҳукумати бошлиғи Файзулла Ҳўжаев фаол қўллаб-қувватлаган. Ҳужжатда қайд қилинишича, Файзулла Ҳўжаев бу гуруҳнинг расмий аъзоси бўлмаса-да, улар фаолиятига ғоявий раҳнамолик қилиб турган. Ўн саккизлар гуруҳи аъзолари ВКП(б) МК Ўрта Осиё бюросининг Ўзбекистондаги шовинистик сиёсати ҳамда бу сиёсатни юритувчилари бўлган Ўзбекистон Компартияси Марказий Комитети котиблари Владимир Иванов ва Акмал Икромовнинг ўлкада олиб бораётган сиёсати ва иш юритиш услубига қарши норозилик билдириб, мазкур аризага имзо чекканлар.

Энг қизиғи шундаки, сўроқ қилинган раҳбарларнинг барчаси маҳаллий миллатга мансуб кишилардан иборат бўлиб, сўроқ қилган комиссия аъзоларининг бирортаси ҳам ўзбек тилини билмаган. Шу боисдан сўроқ қилиш ва стенограмма рус тилида олиб борилган. У даврда ҳали сўроққа тортилган маҳаллий миллатга мансуб раҳбарларнинг ҳаммаси ҳам рус тилини бирдек мукамал билавермаслиги, русчани сал-пал тушунганлари ҳам ўз мулоҳазаларини мазкур тилда эркин

ифода эта олмасликлари сўроққа тортилган ходимларда катта қийинчилик туғдирган. Шу боисдан уларнинг баъзилари ариза ёзишдан мақсадлари нима эканлигини олдиндан қовоғга ёзиб олиб, унга таянган ҳолда жавоб беришга ҳаракат қилишган. Комиссия аъзолари эса бу ҳолатга сиёсий тус бериб, ушбу «шпаргалкалар» гуруҳбозлик курашининг ғоявий раҳнамолари томонидан махсус тайёрлаб берилганлиги хусусидаги хулосага келганлар.

Ўн саккизлар гуруҳи иштирокчилари ариза беришларига партия ичида гуруҳбозлик курашининг давом этаётганлиги, бунинг натижасида эса самарали ишлаш учун шароитнинг йўқлиги, раҳбарларнинг ходимларга ишонмаслиги асосий сабаб бўлганлигини кўрсатиб ўтганлар. Буни улар Ўрта Осиё бюроси мажлисида берган кўрсатмаларида ҳам таъкидлаб ўтишган. Масалан, Раҳмат Рафиқов мулоҳазаларида шундай дейилади: «Республика партия ташкилотидаги гуруҳбозлик кураши тўхтамаётганлиги ариза ёзишга мажбур қилди. Мен тўраларча ишлашни хоҳламайман, балки ҳалол партия кишиси сифатида ишлашни хоҳлайман. Иванов ва Икромовнинг гуруҳбозлик кураши масаласи бўйича ходимларни қабул қилиш ва эшитиш учун вақtlари йўқ эди, улар томонидан дўстона маслаҳатлар бериш ҳам амалда йўқ эди».

Муҳаммаджон Каримжонов кўрсатмаларида эса қуйидаги фикрлар мавжуд: «Мен бу гуруҳбозларнинг тугатилганлигини кўрмайман, аксинча, улар кучайиб бормоқда. Агарда уларнинг нуфузи олдин партия аъзоларининг 25 фоизини ташкил қилган бўлса, ҳозирда улар 90 фоизга етган. Марказий Комитет раҳбарлигининг мустаҳкамлиги ва яхшилигини тан олган ҳолда айтиш керакки, бари бир МК бу борада ҳеч қандай чора кўрмади, мен шахсан дўстона ишлаш ва гуруҳбозларни тугатиш мумкин эмас, деб ҳисоблайман». Зокир Ҳасанов эса яна ҳам кескинроқ фикр билдирган: «Марказий Комитет лозим даражада яхши ва керагича раҳбарлик қила олмади».


Ўзбекистон Компартияси Марказий Комитети V пленумида (1925 йил 22 ноябрь) сўзга чиққан РКП (б) МК Ўрта Осиё

бюроси биринчи котиби И.Зеленский қуйидагича фикр билдирган эди: «Мен ўртоқларга (ариза берган ўртоқларга) янги хўжалик йили бошланаётганда МК раҳбарияти тўғрисидаги масалани кун тартибига қўйиш барча соҳадаги ишларга салбий таъсир қилишини, шунингдек, ҳозир раҳбариятнинг алмаштириш партия ва совет органларининг қуйи бўғин раҳбарларини ҳам алмаштиришга сабаб бўлишини тушунтирдим». Демак, бундан кўриниб турибдики, ўн саккизлар гуруҳи аъзоларининг талабларидан бири Марказ манфаатларини Ўзбекистонда амалга ошираётган республика коммунистик ташкилотининг раҳбарлари В.Иванов ва А.Икромовни ўз вазифаларидан озод қилишдан иборат бўлган.

РКП(б) МК Ўрта Осиё бюроси комиссияси хулосасига кўра, Файзулла Хўжаев, Абдураҳим Ҳожибоев ва Баҳодир Мақсумов ўн саккизлар гуруҳининг ғоявий раҳнамоси ва ташкилотчиси деб топилди. Бундан ташқари, хулосада таъкидланишича, Файзулла Хўжаев, А.Ҳожибоев ва Р.Исломов Ўзбекистонда учта гуруҳ тузиб, гўёки Марказий Комитетга қарши биргаликда ягона жабҳада туриб кураш олиб борганлар.

Ўн саккизлар гуруҳи аъзолари РКП(б) МК Ўрта Осиё бюроси комиссияси ва Ўзбекистон Компартияси МК иккинчи чақирғи I пленуми қарорига кўра 1925 йил декабрда қуйидагича жазоланди: Раҳмат Рафиқов, Мухторжон Саиджонов, Иномжон Хидиралиев, Нуритдин Қориев ўз вазифаларидан олиб ташланди, Раҳмат Рафиқов ва Баҳодир Мақсумов партия аъзолигидан чиқарилди, Зокир Ҳасанов ва Обид Мақсумовга қаттиқ ҳайфсан эълон қилинди, Раҳматулла Музаффаровнинг иши кўриб чиқиш учун Ўзбекистон Компартияси МКК га топширилди, Раҳимжон Раҳимбобоев ва Абдураҳим Ҳожибоевга танбех берилди, ўз хатоларини «тан олган» 8 кишини шахсий ишига эса гуруҳбозлик курашида иштирок этганлиги ёзиб қўйилди.

Файзулла Хўжаевнинг Ўзбекистон Компартияси Марказий Комитети 1927 йил март пленумида сўзлаган нутқида айтган фикрлари ўша йилларда партиядан ажратилган келган аҳволни тўла-тўқис таърифлаб беради: «Биз ўтган вақт давомида мазкур аризонинг сиёсий вазифалари ёки амалий



мақсадлари нимадан иборат бўлганлигини билишга бирор марта ҳам уриниб кўрмадик».

Бироқ ўн саккизлар гуруҳи аъзоларининг кейинги тақдир аянчли кечди. Иномжон Хидиралиев 1928 йил 31 декабрда Москвада фожиали ўлим топди, айрим кишилар 1930 йили Б.Мавлонбеков гуруҳида иштирок этганликда айбланди ва жазоланди, қолганлари эса 1934, 1937 – 1938 йиллардаги оммавий қатғонларнинг қурбони бўлишди. Фақат умрининг катта қисмини сургун ва қамоқхоналарда ўтказган Мирзахўжа Ўринхўжаев 1958 йилда туғилган юрти Самарқандга қайтиб, кейинчалик ўз ажали билан вафот этди.


Хулоса қилиб айтганда, Ўзбекистон ССР ва Ўзбекистон Компартияси ташкил топгач, ҳукумат ва партия органла-

бюроси биринчи котиби И.Зеленский қуйидагича фикр билдирган эди: «Мен ўртоқларга (ариза берган ўртоқларга) янги хўжалик йили бошланаётганда МК раҳбарияти тўғрисидаги масалани кун тартибига қўйиш барча соҳадаги ишларга салбий таъсир қилишини, шунингдек, ҳозир раҳбариятнинг алмаштириш партия ва совет органларининг қуйи бўғин раҳбарларини ҳам алмаштиришга сабаб бўлишини тушунтирдим». Демак, бундан кўриниб турибдики, ўн саккизлар гуруҳи аъзоларининг талабларидан бири Марказ манфаатларини Ўзбекистонда амалга ошираётган республика коммунистик ташкилотининг раҳбарлари В.Иванов ва А.Икромовни ўз вазифаларидан озод қилишдан иборат бўлган.

РКП(б) МК Ўрта Осиё бюроси комиссияси хулосасига кўра, Файзулла Хўжаев, Абдураҳим Ҳожибоев ва Баҳодир Мақсумов ўн саккизлар гуруҳининг ғоявий раҳнамоси ва ташкилотчиси деб топилди. Бундан ташқари, хулосада таъкидланишича, Файзулла Хўжаев, А.Ҳожибоев ва Р.Исломов Ўзбекистонда учта гуруҳ тузиб, гўёки Марказий Комитетга қарши биргаликда ягона жабҳада туриб кураш олиб борганлар.

Ўн саккизлар гуруҳи аъзолари РКП(б) МК Ўрта Осиё бюроси комиссияси ва Ўзбекистон Компартияси МК иккинчи чақирғи I пленуми қарорига кўра 1925 йил декабрда қуйидагича жазоланди: Раҳмат Рафиқов, Мухторжон Саиджонов, Иномжон Хидиралиев, Нуритдин Қориев ўз вазифаларидан олиб ташланди, Раҳмат Рафиқов ва Баҳодир Мақсумов партия аъзолигидан чиқарилди, Зокир Ҳасанов ва Обид Мақсумовга қаттиқ ҳайфсан эълон қилинди, Раҳматулла Музаффаровнинг иши кўриб чиқиш учун Ўзбекистон Компартияси МКК га топширилди, Раҳимжон Раҳимбобоев ва Абдураҳим Ҳожибоевга танбех берилди, ўз хатоларини «тан олган» 8 кишини шахсий ишига эса гуруҳбозлик курашида иштирок этганлиги ёзиб қўйилди.

Файзулла Хўжаевнинг Ўзбекистон Компартияси Марказий Комитети 1927 йил март пленумида сўзлаган нутқида айтган фикрлари ўша йилларда партиядан вужудга келган аҳволни тўла-тўқис таърифлаб беради: «Биз ўтган вақт давомида мазкур аризанинг сиёсий вазифалари ёки амалий



мақсадлари нимадан иборат бўлганлигини билишга бирор марта ҳам уриниб кўрмадик».

Бироқ ўн саккизлар гуруҳи аъзоларининг кейинги тақдир аянчли кечди. Иномжон Хидиралиев 1928 йил 31 декабрда Москвада фожиали ўлим топди, айрим кишилар 1930 йили Б.Мавлонбеков гуруҳида иштирок этганликда айбланди ва жазоланди, қолганлари эса 1934, 1937 – 1938 йиллардаги оммавий қатагонларнинг қурбони бўлишди. Фақат умрининг катта қисмини сургун ва қамоқхоналарда ўтказган Мирзахўжа Ўринхўжаев 1958 йилда туғилган юрти Самарқандга қайтиб, кейинчалик ўз ажали билан вафот этди.

Хулоса қилиб айтганда, Ўзбекистон ССР ва Ўзбекистон Компартияси ташкил топгач, ҳукумат ва партия органла-

рининг ваколатлари доираси қизгин мунозараларга сабаб бўлди. Ўзбекистон Компартияси Марказий Комитети раҳбарияти ВКП(б) МК Ўрта Осиё бюроси аъзолари ҳамда Марказнинг бошқа вакиллари мадади ва кўрсатмасига таяниб, республикадаги совет ва хўжалик органлари ишига, хусусан, Ўзбекистон ССР Халқ Комиссарлари Совети фаолиятига беписандлик билан қарадилар. 1925—1926 йилларда партия сафлари ўртасида қатъий тартиб ва интизом йўқлиги турли гуруҳбозлик ҳолатларини келтириб чиқарди. Марказий Комитетдан ўртак олган жойлардаги партия ташкилотлари соғлом рақобат ва ўзаро танқид муҳитида ишлаш ўрнига, совет ва хўжалик органлари фаолиятига билар-билмас аралшиб, уларнинг мустақил иш кўришига монелик қилди.

Партия ташкилотлари раҳбар коммунистларни хўжалик, ижтимоий ва маданий қурилишнинг барча соҳаларига мутасадди қилиб қўйган эди. Маъмурий-бўйруқбозлик усуллари билан иш олиб борган партия ташкилотлари корхоналар ва муассасалар раҳбарлари ҳамда меҳнат жамоаларининг мустақиллигини чеклаб, уларнинг ташаббусини бўғар, улар фаолиятидаги демократик жиҳатларни йўққа чиқарар эди.

Хукумат ва партия органларининг функциялари конституция ва турли қонунларда кўрсатилган бўлишига қарамасдан, партиявий ваколатлар доираси тобора кенгайиб, кейинчалик жамиятнинг барча соҳалари устидан ҳукмрон кучга айланди. Бу ҳолатга қарши чиққан миллий раҳбар ходимлар (ўн саккизлар гуруҳи, Р.Иноғомов ва б.) муҳолифатда айбланиб, улар аввал ғоявий жиҳатдан, сўнгра жисмоний жиҳатдан маҳв этилди. Совет режимининг репрессив хусусияти Ўзбекистонда ҳам яққол намоён бўла бошлади.

«Иноғомовчилик» 1926—1931 йилларда мустабид тузум томонидан миллий раҳбар ва зиёлиларнинг қатағон қилинишига сабаб бўлган уйдирма. «Иноғомовчилик» — ўша йилларда ЎзССР Маориф Халқ Комиссари вазифасини бажариб келган Раҳим Иноғомов (1902—1938) номи билан боғлиқ.

Р.Иноғомов ва унинг тарафдорлари халқ таълими ва маданиятини пролетарлаштиришга қарши чиқиб, ВКП (б) МК, Ўрта Осиё бюроси фаолиятини тугатиш талабини кўтариб

чиқадилар. Шунингдек, Р.Иноғомов ўзбек меҳнаткашларининг октябрь тўнтаришига тайёр бўлмаганликлари ва унинг европалик пролетар кучлар томонидан амалга оширилганлиги ҳамда рус истибдодига қарши мустақиллик ҳаракатида тарихий ролни фақат зиёлилар ўйнаган, бизда эса ҳали пролетариат йўқ, — деган дадил фикрларни билдиради.

Махсус уюштирилган вилоят пленумларида «иноғомовчилик» қораланиб, у билан аёвсиз кураш олиб боришга даъват этилади. Ҳатто «иноғомовчилик»ни партия сафларидаги буржуазия агентураси деб баҳолашади.

«Иноғомовчилик»ка қарши кураш матбуотда ҳам давом этади. Ўрта Осиё бюросининг «За партию» деган журналида И.Зеленский «иноғомовчилик»ни қаттиқ танқид қилиб, унинг коммунистлар томонидан қўллаб-қувватланмаганлиги, унга қатъий зарба берилганлигини алоҳида таъкидлайди.

Раҳим Иноғомовга шу каби асоссиз «айбномалар» қўйилгандан сўнг, уни Қашқадарё вилоятининг энг чекка қишлоқларининг бирига ишга юборишади. Қувғин ва таъқиблар таъсирида Р.Иноғомов матбуот орқали тавба-тазарру мазмунидаги «очиқ хат»и билан чиқади.

Иноғомовнинг қарашлари хусусида Мустафо Чўқаев қуйидаги фикрларни билдирган: «...Биз русларга иқтисодий жиҳатдан қарам бўлишни истамаймиз.. Мана шу ҳақиқатни коммунист бўлишга шошилган туркистонлик ёшлар англай бошлади. Р.Иноғомов бошлиқ гуруҳ ўзбекларга ўз-ўзини бошқариш ҳуқуқини бериш, Туркистон устидан Ўрта Осиё бюроси назоратининг бекор қилинишини талаб қилган».

«Қосимовчилик» — 1929-1930 йилларда миллий анъанавий суд ва ҳуқуқ соҳасидаги кадриятларни сақлаб қолиш тарафдорлари бўлган ватанпарвар руҳдаги ҳуқуқшунос мутахассисларни мустабид совет тузумига мажбуран бўйсундириш йўлидаги (репрессия) қатағонга қарши ҳаракат бўлди.

1929 йилда ЎзССР Олий судининг раиси Саъдулла Қосимовнинг «қосимовчилик» деб номланган ишини кўриб чиқиш бошланади.

С.Қосимов, Б.Шарипов, судьялар М.Мирзокиров, И.Хўжаев, суд идораси ходими Спиридонов устидан 1930 йил-

нинг мартида бошланган суд жараёни натижалари олдиндан тайёрланган ёлғонга айлантирилган эди. Давлат ва жамоат айбловчилари С.Қосимов ва маслақдошларининг ҳақиқий жинойи ишларини исбот қила олмадилар. Бироқ уларнинг Мунавварқори Абдурашидхонов томонидан ташкил этилган «Турк одами марказияти» партияси билан алоқалари, С.Қосимовнинг Султон Сегизбоев ва адвокат Убайдулла Хўжаев (Асадуллахўжаев), Япониядаги Туркистон миллий қўмитасининг мухтор вакили (аслида бундай қўмита бўлмаган) Ҳасанхон Қори Каримов билан дўстона муносабатда бўлганлиги бир неча маротаба эсга олинди. С.Қосимов ва унинг тарафдорлари «босмачилар»ни қўллаб-қувватлашда, «аксинкилобчи миллатчи ташкилотлар» аъзолари билан алоқа боғлаганликда, ислом динини ҳимоя қилишда айбландилар. Ҳолбуки, С.Қосимов ва Б.Шарипов ўз хизмат вазифаларини бажариш вақтида туб миллат манфаатларини имконият доирасида ҳимоя қилишган эди. С.Қосимов тергов ва суд жараёнида СССР Олий суди томонидан Ўзбекистоннинг суверенлик ҳуқуқи ва миллий манфаатлари поймол қилинаётганлигини очиб ташлашдан чўчимасди.

1930 йилнинг 22 июнида ҳукм эълон қилинади. Уларнинг ҳаммаси ёт синф манфаатларини ҳимоя қилганликда, Шарипов эса босмачиларга фаол ёрдам берганликда айбланадилар. Катанян сўнгги суд жараёнида: «...адолатли қонун галаба қилсин ва қон тўкилсин!» деб хитоб қилади. Қосимов ва унинг 3 тарафдори отиб ташланадилар.

Бу жараённинг асл моҳияти совет ҳокимиятининг ниқобланган шаклдаги сиёсати моҳиятини тушунган миллий халқ етакчиларини тугатишга қаратилган эди.

Минглаб зиёлилар йўқ қилинишининг чўққиси 1937-1939 йилларга тўғри келди. 1937 йил декабрь — 1938 йил январда ХКС ва Ўз КП (б) МК нинг «ЎзССР Халқ Маориф Комиссарлиги тизимида зиёнчилик оқибатларини бартараф этиш бўйича чора-тадбирлар тўғрисида»ги қарори эълон қилингандан сўнг, халқ таълимининг барча соҳаларида, айниқса, маҳаллий тилда дарс бериладиган мактаблар, педагогик билим юртлири ва институтларида ўқитувчи кадрлар ва талабаларни «тозалаш» ишлари авж олди.

Халқ таълими тизимидаги маорифпарвар зиёлиларга қарши олиб борилган қувғин ва қатағонларга «халқ душманлари, чет эл жосуслари» — А.Икромов, Ф.Хўжаев, Н.Каримов ва бошқалар ўзларининг Маориф комиссарлигидаги «одамлари» — Усмонов, Рўзиев, Сорокин, Кожуховлар орқали халқ маорифига катта зиён этказишган, деган бўҳтонлар «асос» қилиб олинди: «Улар турли чоралар билан ўзбек халқини социалистик маданиятнинг илғор вакили — буюк рус халқидан ажратмоқчи бўдилар, ёшларни миллатчилик билан заҳарлашга ҳаракат қилдилар... Улар бир томондан, ўзбек мактабларида Ленин ва Сталин асарларини ўрганишга имкон берувчи рус тили ўқитилишига қаршилик кўрсатиб, иккинчи томондан, марксизм-ленинизм классикларининг асарларини ўзбек тилига таржима қилинишига тўсқинлик қилдилар».

Айни пайтда истиқдол ва эрк куйчилари, ўзбек халқининг машҳур ёзувчиларидан Фитрат, Чўлпон, Абдулла Қодирий, Усмон Носир Сталин истибдодининг бегуноҳ қурбони бўдилар. 30-йилларда ўзбек адабиётининг Фитрат ва Чўлпон каби «кекса» авлоди вакиллариининг эркин ижод этишига йўл қўйилмади. Фитрат 1938 йил 4 октябрда «...совет ҳокимиятига қарши аксилинқилобий, пантуркистик ишлар олиб борганликда» айбланиб, отиб ташланади.

Чўлпон 1932 йили Ф.Хўжаевнинг маслаҳати билан Москвага бориб, СССР ХКС ва СССР халқлари марказий нашриётида таржимон бўлиб хизмат қилаётганида, Тошкентда **бадриддиновчилар** устидан суд бошланади. «Бадриддиновчилик» — Ўзбекистон ССР Олий судининг прокурори Шамсутдин Бадриддинов номи билан боғлиқ иш. Ш.Бадриддиновга «Миллий иттиҳод» ташкилоти аъзолари ва босмачилар билан алоқа боғлаган, Мунавварқори ва С.Қосимовнинг яқин дўсти ва ҳамфикри бўлган деган айблар қўйилган Ш.Бадриддинов ва унинг 5 тарафдори устидан суд жараёни 1932 йил 5 май — 15 июнда Тошкентда бўлиб ўтади. Ана шу судда фош этувчи нутқ билан сўзга чиққан Олимов исмли гувоҳ Чўлпоннинг ҳам номини ғайрили ниятда тилга олади. Бу унинг 1937 йилда қамоққа олинишига сабаб бўлади. Чўл-

пон ўз олдига совет ҳокимиятини қурол билан ағдариб ташлаш ва Ўзбекистон музофотида буржуа давлатини барпо этиш мақсадини қўйган, аксилнқилобий миллатчилик ташкилот аъзоси бўлган.., совет ҳокимиятига қарши кураш учун миллий кадрлар тайёрлаган.., ташкилотнинг топшириғига мувофиқ аксилшўровий-миллатчилик руҳидаги шеърларни ёзган. Хорижий разведка органларининг айғоқчилари Шохид Эсон Мусаев, Фитрат ва Ғози Олим Юнусов билан доимий алоқада бўлган...» деган сохта айбномалар асосида советларнинг жазо органлари томонидан 1938 йил 4 октябрда қатл этилади.

Ўзбек романчилигининг асосчиси Абдулла Қодирий 20-йилларда «Ўткан кунлар»дан кейин, «Меҳробдан чаён» асарларини яратиб, ўзбек романчилигини жаҳон маданияти даражасига олиб чиқди. Бироқ совет режими унинг «Ўткан кунлар» асари китобхонларни совет воқелигидан узоқлаштиради ва унда миллатчилик қарашлари очиқ акс этган деб танқид остига олишади ва бу унинг 1937 йилда қамоққа олиниши учун асос бўлиб хизмат қилади.

Адабиётимизнинг энг сара арбоблари қаторида А.Қодирий ҳам 1938 йил 4 октябрда отилади.

Таниқли ўзбек шоири, драматург ва таржимон Усмон Носир ўзининг «Юрак», «Меҳрим», «Норбўта», «Нахшон» ва бошқа шеърий дostonлари билан шуҳрат қозонган. Шунингдек, у Добролюбов, Лермонтов асарларини ўзбек тилига таржима қилган. Усмон Носир ҳам 1944 йилда совет режимининг беғуноҳ қурбони бўлган.

Ўзбекистон Президенти И.Каримов таъкидлаганидек, республика НКВД «учлик»лари томонидан 1937-1939 йилларда 41 мингдан зиёд киши қамоққа олиниб, улардан 6 минг 920 таси отиб ташланган эди.

Миллатнинг илғор тараққийпарвар зиёлилари қатағон қилиниши оқибатида халқимиз уларнинг ноёб асарларини ўқишдан узоқ вақт маҳрум бўлди.

Маълумки, совет ҳукмронлиги даврида дин давлатдан ажратилган, деб эътироф этилган диний эътиқод гоҳ ошқора, гоҳ пинҳона тарзда таъқибу тазйиққа олинар эди. Ҳолбуки ижтимоий ҳаёт жабҳасида эътиқодсиз ҳаёт кечириш мум-

ТУРКИСТОН ХАЛҚЛАРИ ТАРИХИЙ ИЛДИЗЛАРИНИНГ БИРЛИГИ

Турмуш тарзи, анъаналари урф-одатларининг яқинлиги

Маънавий-ахлоқий, диний қарашларнинг муштараклиги

Тарихий Ватаннинг ягоналик ҳисси

Худуднинг яхлитлиги

Сугориш тизимининг умумийлиги

Сув ресурсларининг умумийлиги

Маданиятнинг муштараклиги

кин эмас. Совет тузумида бунга мутлақо эътибор берилмас эди. Иложи борича, динга, диний тарбияга тўсқинлик кўп бўлиб, жамиятдан уларни сиқиб чиқаришга ҳаракат қилинган. Советларнинг эътиқоди даҳрийлик эди. 30-йилларнинг боши диндор ва эътиқодли кишиларга зўравонлик ва сиёсий катағонликнинг чўққиси бўлди.

Ҳатто Алоҳ таолонинг уйи ҳисобланмиш масжидлар худосизлар уйига, атеизм музейига айлантирилган. Ушбу сиёсат оқибатида кўплаб қўхна масжидлар узоқ вақтгача қаровсиз қолиб кетди, янги масжидлар қуриш тўғрисида эса ҳатто сўз бўлиши мумкин эмас эди. Бу даврда Ўзбекистондаги диний уламоларнинг асосий қисми қамоқ лагерларига жўнатилди. Инсон ҳуқуқлари амалда поймол этилди. Қамоқхоналарда маҳбуслар шафқатсиз жисмоний жазоларга маҳкум этилдилар.

20-30 йиллардаги мустабид тузумнинг қатағонлик сиёсати жиддий ва фожиаи оқибатларга олиб келди. Миллий зиёлиларнинг жисмонан йўқ қилиниши оқибатида миллий маданият тўла-тўқис ривожлана олмади. Миллатнинг ақл-идрокли кишилари маҳв этилгач, ҳамма «йўлбошчи»нинг итоаткор қулига айлантирилди. Шундай қилиб, ҳар қандай ўзгача фикрни куч билан бўғадиган, оммавий ўзбошимчалик ва зўр-

лик билан Ватанга содиқ неча ўн минглаб кишиларни қириб ташлаган мустабид тартибот қарор топди ва кучая борди.

Совет давлати 1917 йил 2 ноябрда В.И.Ленин ва И.В.Сталин имзо чеккан «Россия халқлари ҳуқуқлари декларацияси»ни эълон қилди. Ушбу декларацияга мувофиқ черков давлат ва фуқаролик ҳаётидан ажратилиб, барча диний имтиёз ва чеклашлар бекор этилди. Аслида бу қарор декларатив характерга эга бўлиб, вақтли ҳукуматнинг мазкур йил 20 мартдаги ва 14 июлдаги имтиёзларни бекор қилиш ҳамда виждон эркинлиги борасидаги қарорларини умумий тарзда такрорлашдан иборат бўлган. Совет ҳукумати ўз ҳукмронлигининг дастлабки ойларида эътиборини асосан рус православ черковига қаратиб, бошқа диний ташкилот ва ўзга эътиқоддагиларга нисбатан жиддий маъмурий чораларни деярли қўлламади. Совет ҳокимияти ўрнатилишига аввал бошдаёқ диний ташкилотлар ўзларининг салбий муносабатларини билдирдилар.

Рус православ черкови 1917 йил 11 ноябрдаги йиғилишида октябрь тўнтаришини қоралаб чиқди. Патриарх Тихон эса ушбу черков раҳбари сифатида янги ҳукуматни қабул қилмаслигини билдирди. 1918 йил 20 январдаги собор йиғилишида совет ҳукуматининг черковга қарши ҳаракатларини қатъий қоралади. Бутунроссия муфтийси Г.Борудий 1917 йил охирларида Уфада мусулмонлар Миллий мажлисини чақириб, совет ҳукуматига қарши курашга чақирди. 1918 йил кузида Тошкент ва Андижонда ҳам руҳонийларнинг совет ҳокимиятига қарши ҳаракатлари бўлиб ўтди. Совет ҳокимияти юқорида таъкидлаганидек, ислом дини ва мусулмонларга қарши очиқ фронтда кураш олиб боришни бир мунча вақт орқага сурди. Сиёсатда эса «меҳнаткаш мусулмонларни» қўллаб-қувватлаш услуги қўлланди. Халқ Комиссарлари Совети 1917 йил ноябрь ойида Москва, Қозон ва мамлакатнинг бошқа шаҳарларида бўлиб ўтган қатор мусулмон ташкилотлари съездларига ўзининг ижобий муносабатини билдирди.

Аслида юқоридаги аксарият тадбирлар мусулмон аҳолисини янги ҳукуматга хайрихоҳлигини кучайтириш, ислом

динига нисбатан ён бериш эмас, балки партиянинг ўзига хос «тактик» услуби эди. Ҳокимиятда тобора мустақкамланиб олган большевиклар ҳукумати тез орада совет давлати сиёсатини диний соҳага ҳам сингдира бошлади. Жумладан, РСФСР ХКС ва БМИК томонидан «Фуқаролик никоҳи, болалар ва далолатларни юритиш» (1917 йил 18 декабрь) ва «Никоҳни бекор этиш тўғрисида»ги (1917 йил 16 декабрь) қарорларининг қабул қилиниши оилада дин тадбирларни емиришга хизмат қилди. Амалда фуқаролик никоҳи ҳақиқий деб этилди. 1918 йил январидан эса диний ташкилотлар учун маблағ ажратиш бекор қилинди. Совет ҳукумати томонидан 1918 йилда қабул қилинган «Черковни давлатдан, черковдан ажратиш тўғрисида қилинди. Ўша йили 20 ноябрда депутатлар Совети ушбу қарорни қабул қилиб, диний ташкилотларни юридик ҳуқуқидан маҳрум этди. Ушбу диний тадбир ва маросимлар, фуқаролар осойишига зарар етказмаслиги лозим эди. Россиядаги Туркистондаги мусулмонлар диний эътиқоди билан боғлиқ барча масалалар Миллатлар халқ комиссарлигига бўйсундириди. Юстиция халқ комиссарлиги қошида ташкил этилган махсус VIII бўлим 1918 йил майидан бошлаб давлатни диндан ажратиш тадбирларини ўз зиммасига олди.

Таъкидлаш жоизки совет давлати ҳукмронлигининг дастлабки йилларида мусулмон халқларига нисбатан эҳтиёткорона тарзда амалга оширди. «Мусулмон» атамаси ортида Россия чеккасида миллионлаб аҳоли истиқомат қилар, улар билан эса бевосита тўқнашувга бормаслик, янги хайрихоҳ қилиш учун эса ўзига хос ён эди. Мусулмонлар эътиқодига зид сиёсат юритиш совет ҳукмронлиги билан изоҳланар эди. Аҳоли ичида муллалар таъсирининг кучлилиги учун эса уларни ўз сиёсий ғоялари йўлида фойдаланишга ундар эди. Руҳонийларнинг бир қисми октябрь тўнтаришидан сўнг коммунистик ва исломий ғоялар муштарақлигини қувватлаб «совет ҳокимияти ва шариат» деб ном олган шиорни ўртага ташлади. 1918 йил январь ойи бошида «Уламо» ташкилоти ўз мурожаатида ислом ва ғоялари ҳамоҳанг бўлиши мумкинлигини таъкидлаган эди. Совет давлатининг нисбатан аввал

бошдаги сиёсати аҳолининг маълум қатламларида уйғотиб, 1917—1920 йиллар оралиғида советлар давлатига ишонч билдирган қўлаб мусулмон-коммунистларининг юзага келишига сабаб бўлди.

1919—1920 йилларда масжидлардан вақф мулкларини тортиб олиш сиёсати ҳам кутилган натижани бермагач, кўп ҳолда масжидлар «инқилобий ғоялар»ни тарғиб этадиган жойлардан бирига ҳам айлана борди. Шунингдек, совет судлари мавқеини таъкидлаган ҳолда большевиклар ҳукумати фуқаролик ишларининг розилиги билан шариат асосида кўриш мумкинлигини ҳам қайд этишга мажбур бўлган эди. Бу хусусда Туркистон Марказий Ижроия Комитетининг (ТуркМИК) 1922 йил 6 майдаги қарори унинг узвий давоми бўлиб хизмат қилди. унга кўра қозилик судлари амалиётга қайтарилди. Қозилар ва бийларни сайлаш, уларнинг хизмат даражалари белгилаб қўйилди. Лекин қозилик судларининг ваколатлари чекланган бўлиб, уларнинг фаолияти учун совет ҳукумати томонидан маблағ ажратилмас эди. Тез орада бу чеклашлар ҳажми ўсиб, 1922 йил декабрдан бошлаб қозилик судлари фаолиятига фақат 3 та: Фарғона, Самарқанд областларидагина иш рухсат берилди. Шунда ҳам қозилик судлари эътиборига фақат умумий характердаги майда ишлар ҳавола этилар эди.

1922 йилдан бошлаб никоҳ, оила ва васийлик қонунларига ҳам янгиликлар киритилди. Унга кўра, никоҳ ёши қизлар учун 16 ёш, эркаклар учун 18 ёш даражасида белгилаб берилди. Бу ўз навбатида хотин-қизлар масаласига ижобий муносабатни юзага келтирар, ёш турмушга бериш масаласига анча чек қўяр эди. Ундан аввалроқ Туркистон МИК нинг 1921 йил 14 июндаги декрети билан қалин пули олиш ман этилиб, уни бузган шахслар жиноий жавобгарликка тортилиши белгилаб қўйилди.

Совети ҳукуматининг вақф мулкларига нисбатан муносабати ўзгарди. 1921 йил августда бўлиб ўтган Советларнинг X съездида вақф икки қисмга бўлинди. Биринчи қисмга диний аҳамиятдаги мулклар, иккинчи қисмга маданий-маърифий

жабҳага тегишли мулклар киритилди. Маҳаллий аҳолининг ўзига хос диний-маънавий хусусиятидан келиб чиққан ҳолда 1921 йил январидан бошлаб жума куни дам олиш куни деб эълон қилинди. Шу давр тарихига назар ташланганда «Маҳкамаи шариа» хусусида тўхталиш мақсадга мувофиқ бўлади. Бир гуруҳ тараққийпарвар мусулмон руҳонийлари 1918 йили ўз таъсирларини ўтказиш ва янги ҳукуматга хайрихоҳлик қилиш мақсадида «Маҳкамаи шариа» ташкилотини барпо этган эдилар. Кейинчалик тарқатиб юборилган бу ташкилот 1922 йилга келиб, НЭП даврида қайта ташкил топди. Аввал бошида «Маҳкамаи шариа» совет давлатини асосан қўллаб-қувватлашини билдирди. Кейинчалик, яъни 1924 йил бошларига келиб, бу ташкилот мақомини янада аниқлаштириш ва самарасини ошириш мақсадида у «Назорати диния» муассасасига айлантирилди. Диний муассасалар ва ислом дини зиёратгоҳлари билан боғлиқ масалалар асосан унинг ихтиёрида бўлди. Юқорида қайд этилган ташкилот маркази Тошкентда бўлиб, таъсир доираси Тошкент, Фарғона, Андижон, Наманган ва бошқа ҳудудларга ҳам тарқалган эди. Шунингдек, унинг ихтиёрига эски мактаблар, масжидлар билан боғлиқ ташкилий масалалар ҳам бириктирилди.

Бир вақтнинг ўзида маданий-оқартув ҳамда атеистик тарғибот ишлари ҳам амалга оширила бошланди. Мусулмон аҳоли ва оддий руҳонийларни партия сафларига қабул қилиш ҳам вақтинчалик характерга эга бўлган. Аслида 20-йилларнинг иккинчи ярмидан бошлаб бу амалиётта ҳам чек қўйилди.

Совет ҳукмронлигининг дастлабки даврида олиб борилган диний сиёсат аввал бошда шундай даражада кечди. Шубҳасиз, бу янги ҳукуматнинг вақтинчалик ўзига хос ёндашув сиёсати бўлиб, тез орада ўзининг ҳақиқий мазмун-моҳиятини ошкор этди.

Савол ва топшириқлар

1. 20-йиллар бошларида ўлкадаги иқтисодий- ижтимоий аҳволни изоҳлаб беринг.
2. Янги иқтисодий сиёсат (НЭП) моҳияти нимада эди?
3. Миллий-давлат чегараланиши деганда нимани тушунасан?
4. 20-йилларда амалга оширилган ер-сув ислохотлари мазмун-моҳиятини сўзлаб беринг.
5. Ўзбекистонда жамоалаштириш жараёни қандай кечган?
6. Қулоқлаштириш сиёсати ва унинг оқибатларини айтиб беринг?
7. «Маданий инқилоб» ҳақида нималарни биласиз?
8. «Ҳужум» кампаниясига эҳтиёж бўлганми?
9. 20-йиллар охири — 30-йиллар қатағонликлари ҳақида гапириб беринг.
10. Советлар томонидан олиб борилган диний сиёсат мазмун-моҳияти ва улардан кўзланган мақсадни айтиб беринг.

14-мавзу бўйича фойдаланилган адабиётлар

1. Каримов И.А. Юксак маънавият — енгилмас куч. — Тошкент: Маънавият, 2008.
2. Ўзбекистон совет мустамлакачилиги даврида Ўзбекистоннинг янги тарихи. Иккинчи китоб. — Тошкент: Шарқ, 2000.
3. Алимова Д.А. Голованов А.А. Ўзбекистон мустабид совет тузуми даврида: сиёсий ва мафкуравий тазйиқ оқибатлари. — Тошкент: Ўзбекистон, 2000.
4. Шамсутдинов Р. Қатағон қурбонлари. Иккинчи китоб. — Тошкент: Шарқ, 2003.
5. Шамсутдинов Р. Қишлоқ фожиаси: жамоатлаштириш, қулоқлаштириш, сургун. — Тошкент: Шарқ, 2003.
6. Расулов А. Туркистон халқи бағрикенглиги. — Тошкент: Янги аср авлоди, 2011.
7. Тарих шоҳидлиги ва сабоқлари. Чоризм ва совет мустамлакачилиги даврида Ўзбекистон миллий бойликларининг ўзлаштирилиши. — Тошкент: Шарқ, 2001.

8. Трагедия среднеазиатского кишлака: коллективизация, раскулачивание, ссылка. 1929-1955 гг. документы и материалы. Том I-III. — Ташкент: Шарк, 2006.

9. Ишанходжаева З.Р. Реперессивная политика советской власти и культуры Узбекистана: трагедия выживания (1925-1953 гг.). — Ташкент: Тафаккур, 2011.

10. Ражабов Қ., Ҳайдаров М. Туркистон тарихи. — Тошкент: Университет, 2002.

11. Ўзбекистон тарихи. Проф. Р.Ҳ.Муртазаеванинг умумий тахрири остида. — Тошкент, 2005.

Таянч сўзлар

Янги иқтисодий сиёсат, «Қўшчи», кооперация, саводсизлик, миллий, давлат, мухтор республика, ер-сув ислохот, жамоалаштириш, қулоқ, саноатлаштириш, кенгаш, маориф, маданият, «Ҳужум» ҳаракати, маъмурий-буйруқбозлик, қатағонлар, жаҳид, «18 лар гуруҳи», «иноғомовчилик», «қосимовчилик», «бадриддиновчилик», иқтисодий кенгаш.

15-мавзу. Иккинчи жаҳон уруши йилларида ўзбек халқининг фашизм устидан қозонилган ғалабага қўшган ҳиссаси

Режа:

1. Урушнинг бошланиши. Умумий ҳарбий сафарбарлик.
2. Уруш йилларида Ўзбекистон саноати ва қишлоқ хўжалиги.
3. Уруш йилларида фан ва маданият.
4. Ўзбекистонликларнинг уруш жанггоҳларида кўрсатган жасоратлари.

1. Урушнинг бошланиши. Умумий ҳарбий сафарбарлик

XX аср тарихшунослигида Иккинчи жаҳон уруши, урушда фронт ортида кечган ижтимоий-иқтисодий ва маданий ҳаёт, ўзбек халқининг фидокорона меҳнати, унинг ғалабага қўшган муносиб ҳиссаси, ўзбекистонликларнинг жанг майдонларидаги қаҳрамонликлари тўғрисида маълум тадқиқотлар амалга оширилган. Иккинчи жаҳон уруши тарихига оид туркум адабиётлар, эсдаликлар, хотиралар чоп этилган. Мустақиллик йилларида уруш жанггоҳларида ҳалок бўлганлар, тақдирлари номаълум бўлиб қолган кўплаб ватандошларимиз номлари хотира китобидан жой олди. 1999 йили Президентимиз И.А.Каримов ташаббуси билан 9 май — «Хотира ва қадрлаш куни» деб эълон қилинди, Хотира майдонида мотамсара она ҳайкали қад кўтарди, Иккинчи жаҳон уруши қатнашчиларига юқори даражада иззат-ҳурмат кўрсатилиб, уларга турли имтиёзлар берилди ва ҳоказо. «Ўзбекистон тарихи» академик нашр ва дарсликларида Иккинчи жаҳон уруши тарихи мавзуси С.Камолов, А.Голованов, К.Оқилов, И.Саидов, Қ.Ражабов, Ҳ.Азимов ва бошқаларнинг тадқиқот ишлари, китоб ва мақолаларида ўз аксини топганлигини таъкидлаш мақсадга мувофиқдир.

Инсоният кўплаб урушларни бошидан кечирган бўлиб, булар ичида энг даҳшатлиси, 50 млн. дан ортиқ кишининг ёстиғини қуритган, XX аср фожиаси бўлмиш Иккинчи жаҳон уруши ҳисобланади. Олти йил (1939 йил сентябрь — 1945 йил сентябрь) давом этган бу уруш ер шарининг 80%

аҳолиси жойлашган ҳудудни ўз ичига олган 62 та мамлакатни қамраб олди.

XX асрнинг 30 йилларида Германияга келган нацистлар гуруҳи Биринчи жаҳон уруши натижаларини қайта кўриб чиқиш, ўз вақтида Германия томонидан йўқотилган ерларни қайтариш каби чақирикларни дастак каби олган ҳолда замонавий дунёда фашистлар ҳукмронлигини ўрнатишни мақсад қилиб олган. Фашизм ўз мазмун-моҳиятига кўра инсоният тараққиёти, цивилизация ривожини учун буткул хавфли ғоя бўлиб, тез орада онгли инсониятни унга қарши уюшган ҳолда кураш олиб боришга даъват этди. Адольф Гитлер (Германия) ва Иосиф Сталин (СССР) ўртасидаги бир томонлама яширин келишув эса унинг тезроқ бошланишига замин яратди.

Франция ва Англия сиёсий етакчиларининг жавобгарлиги шундан иборат бўлдики, улар большевизм хавфига қарши турувчи кучни ташкил қилиш ғояси билан Германияда гитлерчилар партиясининг мустаҳкамлашувига ёрдам берибгина қолмасдан, Австриянинг Германия таркибига қўшиб олинишига (1938 й. март) ва Мюнхен битимига (1938 й. сентябрь) йўл очиб бердилар. Бу эса Иккинчи жаҳон урушининг бошланиши учун асос бўлиб хизмат қилди.

30-йиллар охирида халқаро кескинликнинг ва Иккинчи жаҳон урушининг бошланишида Сталин бошлиқ совет раҳбарлари капиталистларни ўзаро уруштириб, уларнинг кучи камайиши билан қизил армия кучларининг қақшатқич зарбасини беришга интилишлари ва айнан шу мақсадда 1939 йил 23 августда Германия билан 10 йил муддатга ўзаро ҳужум қилмаслик тўғрисидаги шартномаси уларнинг жавобгарликларини ташкил қилади. Совет-герман битимининг махфий қўшимча баённомасига кўра, Германия билан СССР таъсир доираларини бўлиб олишган эди. Уларнинг манфаатдор ҳудудлари чегараси Польшадан ўтган бўлиб, Ғарбий Украина ва Ғарбий Белоруссия ҳудудлари ҳамда Болтиқ бўйи мамлакатлари СССР таъсир доирасидаги ҳудуд эканлиги Германия томонидан тан олинган эди.

Энг сўнгги тарихий тадқиқотлар «август битими» мамлакат хавфсизлигини мустаҳкамлаб, совет-герман урушининг бошланишини орқага сурган эмас, балки Иккинчи жаҳон урушини ва унга СССР нинг тортилишини тезлаштирган хужжат бўлганлигини кўрсатади. Чунки Германия давлатининг ҳам, Совет давлатининг ҳам стратегик мақсадларини акс эттирган бу шартномага мувофиқ Германия билан СССР Польшага бир вақтда қўшин киритишлари лозим бўлган. Шунга кўра, 1939 йил 1 сентябрда фашистлар Германияси Польшага бостириб кирди. 3 сентябрда эса Англия ва Франция Германияга уруш эълон қилдилар ҳамда Иккинчи жаҳон уруши бошланди. Натижада, Германия икки фронтда уруш ҳолатида бўлиб қолди. Гитлер жаҳон жамоатчилиги кўз ўнгида ҳалокатли уруш ёнғинининг асосий айбдори бўлиб намоён бўлди. Сталин эса айнан шуни кутган эди. У совет қўшинларини 17 сентябрдагина Польша ҳудудларига кирита бошлади ва Шарқий Европанинг «халоскори» сифатида Фарбий Белоруссия ерларини босиб олиб, кейинроқ расмий равишда СССР га қўшиб олди.

1939 йил охири – 1940 йил бошларида бўлган совет-фин уруши натижасида Финландия, Ленинград ва Мурманск оралигидаги ўз ерларини СССР га беришга мажбур бўлди. Совет давлати 1940 йил июнда Эстония, Латвия ва Литва давлатларини босиб олиб, август ойида ўз таркибига киритди. Ўз ҳудудларини бундай кенгайтириш сиёсати Германия ва СССР ни 1939-1940 йилларда янада яқинлаштирди. Фарбий Европада фашистлар Германияси Польша, Норвегия, Франция, Бельгия, Голландия, Дания, Люксембург каби давлатлар пойтахтларини босиб олганда, советлар ҳукумати немис қўмондонлигини табриклаб борган.

Капиталистлар ўзаро уруш натижасида заифлашишини кутаётган Сталин бошлиқ советлар ҳукумати бир зарба билан Европани советлаштиришга тайёрланар, буни зимдан ҳис қилган Гитлер ҳукумати Сталиндан хавфсирар, уларнинг ҳар бири «хужум қилмаслик ҳақидаги битим»ни ўзи учун қулай бўлган пайтда бекор қилишни оқилона иш деб

уйларди. Айнан шу нарса иккита «дўст» давлат ўртасидаги муқаррар урушни тезлаштирди.

1941 йил 22 июнь якшанба куни эрта тонгда фашистлар Германияси СССР га хужум бошлади. Германия билан унинг иттифоқчилари — Италия, Финляндия, Венгрия, Руминия, Болгария ҳам совет Иттифоқига қарши урушга кирдилар. Бу урушга мажбуран тортилган совет Иттифоқи халқлари мустамлака асоратида бўлган барча республикалар шу жумладан, Ўзбекистон халқлари учун оғир синовлар вақти ва уларнинг немис фашист босқинчиларига қарши фидокорона кураши бошланди. Бу уруш аслида юрт озодлиги, ватан тақдири учун бефарқ бўлмаган барча кишиларни ўзаро мафкуравий чеклашларни енгиб, ҳамжиҳат бўлишга чорлади.

Урушнинг дастлабки кунлариданоқ, бутун мамлакатда бўлганидек, Ўзбекистонда ҳам партия ташкилотлари томонидан митинглар ва йиғилишлар ташкил қилинди. 1941 йил 22 июндаёқ Тошкент тўқимачилик комбинатининг ишчилари ана шу дақиқадан бошлаб ўзларини ватан ҳимоясига сарфарбар қилинган деб ҳисоблашларини билдирдилар. 23-24 июнда Самарқанд, Бухоро, Андижон, Наманган, Фарғона, Нукус ва бошқа шаҳарлардаги йиғилишларда Ватан ҳимояси учун ҳар қандай вазифани бажаришга шай эканликларини билдирган ўзбекистонликлар ҳарбий комиссарликларга фронтга кўнгилли сифатида жўнатишларини сўраб аризалар бера бошладилар.

Урушнинг дастлабки кунларида республиканинг шаҳар ва туман ҳарбий комиссарликларига 14 мингдан ортиқ ариза тушган. Бу ўзбекистонликларнинг ўз ватанпарварлик бурчларини, ҳар бир уруш инсоният бошига келган офат эканлигини юксак даражада англаб, уруш оловини ёқувчиларга қаттиқ нафрат билан қараганликларини кўрсатади. Чунки бошланган уруш юқори ҳокимият раҳбарлари орасида саросималикни келтириб чиқарган бўлиб, фақат 29 июндагина Халқ Комиссарлари Кенгаши номидан жойларга кўрсатмалар жўнатиб, унда уруш аҳволни кескин ўзгартириб юборганлиги, Ватан жиддий хавф остида қолганлиги, барча ишларни

ҳарбий изга солиш учун тез ва қатъий равишда қайта қуришни амалга ошириш зарурлиги кўрсатилиб, кейинроқ эса «ҳамма нарса фронт учун, ҳамма нарса ғалаба учун!» чақириғи талаб даражасига кўтарилган эди.

1941 йил 30 июнда И.В.Сталин бошчилигида Давлат Мудофаа Қўмитаси ташкил этилиб, давлат, ҳарбий ва партиявий ҳокимият унинг қўлига ўтди. Сталин ҳукумат номидан 3 июлда радио орқали халққа мурожаат қилиб, мавжуд аҳволни баён қилди. Қуролли кучларга стратегик раҳбарликни амалга ошириш учун Олий Бош Қўмондон Қароргоҳи ташкил этилиб, 8 августда Сталин Олий Бош Қўмондон лавозимини қабул қилди. Барча муҳим ҳарбий-сиёсий қарорларни қабул қилиш ҳақиқатан унинг қўлида тупланган бўлиб, бу қарорлар ДМҚ ёки ВКП (б) МҚ Сиёсий бюросининг қарорлари сифатида расмийлаштирилган.

Урушнинг дастлабки кунлариданоқ совет халқи — ўзбекистонликлар ҳам босқинчилар устидан ғалабага эришишга бутун кучларини сафарбар этдилар. Мустабид тузум зулми остида эзилаётган халқлар қандайдир ғояларни эмас, балки она юрт — Ватанларини ҳимоя қилдилар. Ўзининг ватанпарварлик бурчини юксак даражада ҳис қилган ўзбек халқи фашизмдан фақат СССР ни эмас, энг аввало, Ўзбекистонни ҳимоя қилишни, уни яна бир босқинчидан сақлаб қолишни мақсад қилиб қўйган эди. Чунки халқимиз социализм ниқоби остида қилинган босқинчилик сиёсий қатагонлар захмини ҳали унутмаган бир даврда гитлерчи босқинчиларнинг босиб олинган ҳудудларда қилган ашаддий жиноятлари, улар ўрнатаётган тартиб тўғрисидаги хабарларни эшитиб фашизмнинг мустабид тузумдан ҳам даҳшатлироқ, инсоният бошига келган офат эканлигини англаётган эди, яъни халқ ўзини душманни тўхташишга ва улоқтириб ташлашга қодир бўлган бирдан-бир куч деб ҳис қилди. У коммунистик тизим фойдасини эмас, балки фашизмга қарши курашнинг адолатли эканлиги ғоясини танлади. Шу жиҳатдан ҳам Ўзбекистон Республикаси Президенти И.Каримовнинг «уруш даври воқеаларини, жангчиларимизнинг жасоратларини таҳлил этишда ва таърифлашда ҳам мафкурабозликни... камроқ

айтиш»га доир чақирғи ниҳоятда долзарб бўлиб жаранглайди. Президент ҳақли равишда бундай деб таъкидлаган эди: «Иккинчи жаҳон урушига қандай қаралмасин, бу уруш қайси ғоя остида ва кимнинг изми билан олиб борилган бўлмасин, ўз Ватани, эл-юртининг ёруғ келажаги, беғубор осмони учун жанг майдонларида ҳалок бўлганларни, ўз умрларини бевақт хазон қилган инсонларни доимо ёдда сақлаймиз. Бу аччиқ, лекин олий ҳақиқатни унутишга ҳеч кимнинг ҳаққи йўқ ва бунга йўл ҳам бермаймиз!» Чунки ўзбекистонликларнинг жанг майдонларидаги жасорати, фронт орқасидаги фидокорона меҳнати мустабид давлат машинасининг тазйиқи, эркисиз ҳаракат тарзида эмас, балки онгли, асл ватаншарварликнинг манбаи бўлган Ватанга муҳаббат туйғусининг юксак даражадаги кўриниши бўлди.

Урушнинг дастлабки кунларидаёқ Ўзбекистоннинг барча моддий ва маънавий кучлари, ресурслари фронт учун сафарбар қилина бошланди. Умумий ҳарбий сафарбарлик эълон қилинди.

Ўрта Осиё ҳарбий округи фронт учун 1941 йил июндан 1942 йил охиригача ҳарбий сафарбарлик асосида 109 та ҳарбий қўшилма тузди, ҳаракатдаги армияга ва Олий Бош Қўмондонлик қароргоҳи резервига 86 дивизия ва бригада жўнатди.

Ўзбекистон ҳукумати миллий ҳарбий қўшилмалар тузиш ташаббуси билан чиқди. 1941 йил 13 ноябрдан 1942 йил мартигача 14 та миллий ҳарбий қўшилма, жумладан, 9 та ўқчи бригада, 5 та отлик аскарлар дивизияси тузилиб фронтга жўнатилди. Умуман, уруш бошларида 6,5 миллион кишидан иборат бўлган Ўзбекистон аҳолисининг 1.433.230 нафари урушга сафарбар этилган. Ҳозирги ҳисоб-китоблар жами 1,5 млн. киши урушга сафарбар қилинганлигини кўрсатмоқда. Уларнинг кўпчилиги мардлик намуналарини кўрсатиб, жанговар орден ва медаллар билан тақдирланди. Чунки ота ва оналар, Ўзбекистон халқи ўз ўғлонларини фронтга жўнатар эканлар, уларга босқинчиларга қарши шараф билан курашиш, ўтмишда босқинчиларга қарши курашларда голиб чиққан қаҳрамонларнинг жанговар жасоратларидан намуна

ҳарбий изга солиш учун тез ва қатъий равишда қайта қуришни амалга ошириш зарурилиги кўрсатилиб, кейинроқ эса «ҳамма нарса фронт учун, ҳамма нарса ғалаба учун!» қақриғи талаб даражасига кўтарилган эди.

1941 йил 30 июнда И.В.Сталин бошчилигида Давлат Мудофаа Қўмитаси ташкил этилиб, давлат, ҳарбий ва партиявий ҳокимият унинг қўлига ўтди. Сталин ҳукумат номидан 3 июлда радио орқали халққа мурожаат қилиб, мавжуд аҳволни баён қилди. Қуроли кучларга стратегик раҳбарликни амалга ошириш учун Олий Бош Қўмондон Қароргоҳи ташкил этилиб, 8 августда Сталин Олий Бош Қўмондон лавозимини қабул қилди. Барча муҳим ҳарбий-сиёсий қарорларни қабул қилиш ҳақиқатан унинг қўлида тўпланган бўлиб, бу қарорлар ДМҚ ёки ВКП (б) МҚ Сиёсий бюросининг қарорлари сифатида расмийлаштирилган.

Урушнинг дастлабки кунлариданоқ совет халқи — ўзбекистонликлар ҳам босқинчилар устидан ғалабага эришишга бутун кучларини сафарбар этдилар. Мустабид тузум зулми остида эзилаётган халқлар қандайдир ғояларни эмас, балки она юрт — Ватанларини ҳимоя қилдилар. Ўзининг ватанпарварлик бурчини юксак даражада ҳис қилган ўзбек халқи фашизмдан фақат СССР ни эмас, энг аввало, Ўзбекистонни ҳимоя қилишни, уни яна бир босқинчидан сақлаб қолишни мақсад қилиб қўйган эди. Чунки халқимиз социализм ниқоби остида қилинган босқинчилик сиёсий қатагонлар заҳмини ҳали унутмаган бир даврда гитлерчи босқинчиларнинг босиб олинган ҳудудларда қилган ашаддий жиноятлари, улар ўрнатаётган тартиб тўғрисидаги хабарларни эшитиб фашизмнинг мустабид тузумдан ҳам даҳшатлироқ, инсоният бошига келган офат эканлигини англаётган эди, яъни халқ ўзини душманни тўхташишга ва улоқтириб ташлашга қодир бўлган бирдан-бир куч деб ҳис қилди. У коммунистик тизим фойдасини эмас, балки фашизмга қарши курашнинг адолатли эканлиги ғоясини танлади. Шу жиҳатдан ҳам Ўзбекистон Республикаси Президенти И.Каримовнинг «уруш даври воқеаларини, жангчиларимизнинг жасоратларини таҳлил этишда ва таърифлашда ҳам мафкурабозликни... камроқ

айтиш»га доир чақирғи ниҳоятда долзарб бўлиб жаранглайди. Президент ҳақли равишда бундай деб таъкидлаган эди: «Иккинчи жаҳон урушига қандай қаралмасин, бу уруш қайси ғоя остида ва кимнинг изми билан олиб борилган бўлмасин, ўз Ватани, эл-юртининг ёруғ келажаги, беғубор осмони учун жанг майдонларида ҳалок бўлганларни, ўз умрларини бевақт хазон қилган инсонларни доимо ёдда сақлаймиз. Бу аччиқ, лекин олий ҳақиқатни унутишга ҳеч кимнинг ҳаққи йўқ ва бунга йўл ҳам бермаймиз!» Чунки Ўзбекистонликларнинг жанг майдонларидаги жасорати, фронт орқасидаги фидокорона меҳнати мустабид давлат машинасининг тазйиқи, эркисиз ҳаракат тарзида эмас, балки онгли, асл ватанпарварликнинг манбаи бўлган Ватанга муҳаббат туйғусининг юксак даражадаги кўриниши бўлди.

Урушнинг дастлабки кунларидаёқ Ўзбекистоннинг барча моддий ва маънавий кучлари, ресурслари фронт учун сафарбар қилина бошланди. Умумий ҳарбий сафарбарлик эълон қилинди.

Ўрта Осиё ҳарбий округи фронт учун 1941 йил июндан 1942 йил охиригача ҳарбий сафарбарлик асосида 109 та ҳарбий қўшилма тузди, ҳаракатдаги армияга ва Олий Бош Қўмондонлик қароргоҳи резервига 86 дивизия ва бригада жўнатди.

Ўзбекистон ҳукумати миллий ҳарбий қўшилмалар тузиш ташаббуси билан чиқди. 1941 йил 13 ноябрдан 1942 йил мартигача 14 та миллий ҳарбий қўшилма, жумладан, 9 та ўқчи бригада, 5 та отлик аскарлар дивизияси тузилиб фронтга жўнатилди. Умуман, уруш бошларида 6,5 миллион кишидан иборат бўлган Ўзбекистон аҳолисининг 1.433.230 нафари урушга сафарбар этилган. Ҳозирги ҳисоб-китоблар жами 1,5 млн. киши урушга сафарбар қилинганлигини кўрсатмоқда. Уларнинг кўпчилиги мардлик намуналарини кўрсатиб, жанговар орден ва медаллар билан тақдирланди. Чунки ота ва оналар, Ўзбекистон халқи ўз ўғлонларини фронтга жўнатар эканлар, уларга босқинчиларга қарши шараф билан курашиш, ўтмишда босқинчиларга қарши курашларда голиб чиққан қаҳрамонларнинг жанговар жасоратларидан намуна

олишни, мард, ботир аскар бўлиб, душманлар устидан галаба қозонишларини тилаб қолгандилар.

Ҳарбий вазият фронт орқасини мустаҳкамлаш юзасидан шошилинч чора-тадбирлар кўришни талаб қилди. Халқ хўжалигини қайта қуриб, ҳарбий изга тушириш умумий дастурнинг таркибий қисми бўлди. Ўзбекистон иқтисодиёти ҳам ҳарбий вазиятдан келиб чиқиб зудлик билан фронт манфаатларига бўйсундирилди. Республика саноат корхоналари уруш бошланиши биланоқ қайта қурилиб, мудофаага зарур маҳсулотлар ишлаб чиқаришга ўтказилди. Қайта қуриш граждандар уруши йилларида синовдан ўтган ҳарбий-коммунистик усуллар билан амалга оширилди. 26 июндан бошлабоқ мамлакатда ишчилар ва хизматчилар учун ишдан ташқари вақтда мажбурий ишлаб бериш жорий этилди. Катта ёшдагилар учун иш куни олти кунлик иш ҳафтасида 11 соатгача узайтирилди. Аслида иш куни 12-14 соатга чўзиларди. Таътилга чиқиш бекор қилинди. Бу ҳол ишчи-хизматчилар сонини кўпайтирмасдан туриб ишлаб чиқариш қувватлари ҳажмини тахминан 1-3 га ошириш имконини берди.

Ишчи кучининг етишмаслиги натижасида идора хизматчилари, уй бекалари, ўқувчилар ишлаб чиқаришга жалб этилди. 1941 йил декабрда ҳарбий корхоналарнинг барча ходимлари сафарбар деб эълон қилинди ва мазкур корхоналарга бириктириб қўйилди. Корхоналардан ўзбошимчалик билан кетиб қолганлар 5 йилдан 8 йилгача муддат билан қамоққа ҳукм қилинарди. Бироқ одамлар мамлакат ичкарисида — Ўзбекистонда ҳам «юқоридан» ортиқча қистовсиз озодлик ва мустақиллик йўлида фидокорона меҳнат қилдилар.

Республика ҳукумати 1941 йил сентябрь-декабрда Ўзбекистонда саноат ишлаб чиқаришни ҳарбий изга мослаб қайта қуришнинг умумий режаларини белгилаб берди. Қабул қилинган қарорларда халқ хўжалигини қайта қуришга доир аниқ вазифалар белгиланган бўлиб, саноат корхоналарининг мудофаа маҳсулотларини ишлаб чиқаришга ўтиш муддатлари белгиланиб, ички имкониятлардан фойдаланиш тавсия этилган.

Кадрлар, хомашё, ишлаб чиқариш воситалари танқислигига қарамасдан, 1941 йил декабрдаёқ республикадаги 30 га

яқин корхона мудофаа учун маҳсулот бера бошлади. Корхоналарда фронт бригадалари номини олган бригадалар тузилди бошланди. Бундай бригадалар дастлаб 1941 йил октябрда «Ташселмаш» заводида ташкил этилган бўлса, 1942 йил бошларида уларнинг сони 1,5 мингга етган. 1942 йил ўрталарига келиб, халқ хўжалигини қайта қуриб, ҳарбий изга ўтказиш Ўзбекистонда асосан охирига етказилди.

Ўлка аҳолиси анъанавий ватанпарварлигининг ажойиб намуналаридан бири фронтга умумхалқ ёрдами кўрсатиш эди. Ўзбекистонликлар урушнинг дастлабки кунларида-ноқ мудофаа жамғармасини ташкил этиш ҳаракатида фаол иштирок этдилар. Мудофаа жамғармасига ишчилар, зиёлилар бир кунлик иш ҳақлари, «коммунистик шанбалик»ларда ишлаб топилган пуллар, фуқароларнинг шахсий жамғармалари, қимматбаҳо бойликлари, давлат заёмлари, буюмлар, озиқ-овқат маҳсулотлари топширилди. Урушнинг дастлабки кунларида республика аҳолисидан 30 миллион сўмлик миқдорда пул, облигация ва қимматбаҳо буюмлар тўпланди. Ўзбекистон аҳолиси уруш йилларида мудофаа жамғармасига жами 649,9 млн. сўм пул ва 55 кг. га яқин олтин, кумуш ва бошқа қимматбаҳо металллар топширди. Бу жамғарма ҳисобига танк колонналари, эвакуация эскадрилялари, бронепоездлар қурилиб фронтга жўнатилди.

Аҳоли томонидан иссиқ кийимлар тўplash ва тайёрлаш кенг авж олди. Республика аҳолиси урушнинг дастлабки олти ойи мобайнида 421,5 мингга турли иссиқ кийимлар фронтга юборди. Жангчилар учун тўпланган буюмлар, озиқ-овқатларни ЎзССР Олий Совети Президиумининг раиси Й.Охунбобоев (1885—1943) раҳбарлигидаги делегация фронтнинг олдинги марраларига етказиб берди.

Мустабид тузум тазйиқи, қатағонларга қарамасдан, ўзбекистонликларнинг Иккинчи жаҳон уруши йилларида кўрсатган юксак ватанпарварлик намуналари бу халқнинг кўп минг йиллик тарихга, бой маънавий меросга эга эканлиги, умуминсоний ва миллий қадриятларни бир хилда ҳис қилишини кўрсатади.

олишни, мард, ботир аскар бўлиб, душманлар устидан ғалаба қозонишларини тилаб қолгандилар.

Ҳарбий вазият фронт орқасини мустаҳкамлаш юзасидан шошилинич чора-тадбирлар кўришни талаб қилди. Халқ хўжалигини қайта қуриб, ҳарбий изга тушириш умумий дастурнинг таркибий қисми бўлди. Ўзбекистон иқтисодиёти ҳам ҳарбий вазиятдан келиб чиқиб зудлик билан фронт манфаатларига бўйсундирилди. Республика саноат корхоналари уруш бошланиши биланоқ қайта қурилиб, мудофаага зарур маҳсулотлар ишлаб чиқаришга ўтказилди. Қайта қуриш граждандар уруши йилларида синовдан ўтган ҳарбий-коммунистик усуллар билан амалга оширилди. 26 июндан бошлаб мамлакатда ишчилар ва хизматчилар учун ишдан ташқари вақтда мажбурий ишлаб бериш жорий этилди. Катта ёшдагилар учун иш куни олти кунлик иш ҳафтасида 11 соатгача узайтирилди. Аслида иш куни 12-14 соатга чўзиларди. Таътилга чиқиш бекор қилинди. Бу ҳол ишчи-хизматчилар сонини кўпайтирмасдан туриб ишлаб чиқариш қувватлари ҳажмини тахминан 1-3 га ошириш имконини берди.

Ишчи кучининг етишмаслиги натижасида идора хизматчилари, уй бекалари, ўқувчилар ишлаб чиқаришга жалб этилди. 1941 йил декабрда ҳарбий корхоналарнинг барча ходимлари сафарбар деб эълон қилинди ва мазкур корхоналарга бириктириб қўйилди. Корхоналардан ўзбошимчалик билан кетиб қолганлар 5 йилдан 8 йилгача муддат билан қамоққа ҳукм қилинарди. Бироқ одамлар мамлакат ичкарисида — Ўзбекистонда ҳам «юқоридан» ортиқча қистовсиз озодлик ва мустақиллик йўлида фидокорона меҳнат қилдилар.

Республика ҳукумати 1941 йил сентябрь-декабрда Ўзбекистонда саноат ишлаб чиқаришни ҳарбий изга мослаб қайта қуришининг умумий режаларини белгилаб берди. Қабул қилинган қарорларда халқ хўжалигини қайта қуришга доир аниқ вазифалар белгиланган бўлиб, саноат корхоналарининг мудофаа маҳсулотларини ишлаб чиқаришга ўтиш муддатлари белгиланиб, ички имкониятлардан фойдаланиш тавсия этилган.

Кадрлар, хомашё, ишлаб чиқариш воситалари танқислигига қарамасдан, 1941 йил декабрдаёқ республикадаги 30 га

яқин корхона мудофаа учун маҳсулот бера бошлади. Корхоналарда фронт бригадалари номини олган бригадалар тузила бошланди. Бундай бригадалар дастлаб 1941 йил октябрда «Ташселмаш» заводида ташкил этилган бўлса, 1942 йил бошларида уларнинг сони 1,5 мингга етган. 1942 йил ўрталарига келиб, халқ хўжалигини қайта қуриб, ҳарбий изга ўтказиш Ўзбекистонда асосан охирига етказилди.

Ўлка аҳолиси анъанавий ватанпарварлигининг ажойиб намуналаридан бири фронтга умумхалқ ёрдами кўрсатиш эди. Ўзбекистонликлар урушнинг дастлабки кунларида-ноқ мудофаа жамғармасини ташкил этиш ҳаракатида фаол иштирок этдилар. Мудофаа жамғармасига ишчилар, зиёлилар бир кунлик иш ҳақлари, «коммунистик шанбалик»ларда ишлаб топилган пуллар, фуқароларнинг шахсий жамғармалари, қимматбаҳо бойликлари, давлат заёмлари, буюмлар, озиқ-овқат маҳсулотлари топширилди. Урушнинг дастлабки кунларида республика аҳолисидан 30 миллион сўмлик миқдорда пул, облигация ва қимматбаҳо буюмлар тўпланди. Ўзбекистон аҳолиси уруш йилларида мудофаа жамғармасига жами 649,9 млн. сўм пул ва 55 кг. га яқин олтин, кумуш ва бошқа қимматбаҳо металллар топширди. Бу жамғарма ҳисобига танк колонналари, эвакуация эскадрилялари, бронепоездлар қурилиб фронтга жўнатилди.

Аҳоли томонидан иссиқ кийимлар тўплаш ва тайёрлаш кенг авж олди. Республика аҳолиси урушнинг дастлабки олти ойи мобайнида 421,5 мингга турли иссиқ кийимлар фронтга юборди. Жангчилар учун тўпланган буюмлар, озиқ-овқатларни ЎзССР Олий Совети Президиумининг раиси Й.Охунбобоев (1885—1943) раҳбарлигидаги делегация фронтнинг олдинги марраларига етказиб берди.

Мустабид тузум тазйиқи, қатағонларга қарамасдан, ўзбекистонликларнинг Иккинчи жаҳон уруши йилларида кўрсатган юксак ватанпарварлик намуналари бу халқнинг кўп минг йиллик тарихга, бой маънавий меросга эга эканлиги, умуминсоний ва миллий қадриятларни бир хилда ҳис қилишини кўрсатади.

Урушнинг оғир йилларида ўзбек халқининг асосий маънавий-ахлоқий хусусиятлари, унинг инсонпарварлиги ёрқин намоён бўлди., яъни Ўзбекистон Республикаси Президенти И.Каримов таъкидлаганидек: «тарихнинг ўйини ҳам, омонсиз жангу жадаллар ҳам, табиий офатлар ва очлик ҳам халқимизнинг инсонийлик табиатига доғ туширолмади».

Урушнинг дастлабки кунларидан бошлаб бутун мамлакатда бўлгани каби, Ўзбекистонда ҳам озиқ-овқат ва саноат моллари камайиб кетди. Аҳолининг аҳволи кескин ёмонлашди. Шаҳар аҳолисини озиқ-овқат билан таъминлаш «чипталар» бўйича амалга оширила бошланди. Ишчилар ва хизматчилар кунига фақат 400-500 гр. паст навли нон оларди, Уларнинг қарамоғидагилар эса юқоридаги миқдордан 1,5 баробар камроқ олишарди. Аҳолига гўшт, балиқ, ёғ, ёрма, макарон сотишда ҳам меъёрланган тақсимот жорий қилинди. Меъёрланган тақсимот қишлоқ аҳолисига умуман татбиқ этилмаган. Қишлоқ меҳнаткашлари меҳнат кунларига оладиган натура (маҳсулот билан) тўлови ва шахсий ёрдамчи хўжаликларида етиштирилган қишлоқ хўжалик маҳсулотлари ҳисобига озиқ-овқат билан таъминланишлари лозим эди. Лекин бу маҳсулотлар жуда чекланган миқдорда эди. 4 йил уруш мобайнида колхозлар деҳқонларга амалда пул тўламаганлар ва меҳнат кунларига ниҳоятда кам миқдорда маҳсулот берганлар. Уруш туфайли қийин ва оғир шароитда қолганига қарамасдан, кўчириб келтирилганларга, ярадор ва ногиронларга, фронтга кетганларнинг хотинлари ва болаларига кўрсатган ғамхўрлиги ўзбек халқининг бирлик ва қардошларча дўстликка инсонпарварлик билан интилишининг ёрқин тимсоли, улкан ахлоқий куч-қудрати ва ҳақиқий самимий олижаноблигининг чин маънодаги исботи бўлди.

Ўзбек халқининг бағрикенглиги уруш йилларида янада яққол намоён бўлди. Республика Россиянинг босиб олинган районлардан — Украинадан, Белоруссиядан ҳаммаси бўлиб бир миллиондан ортиқ кишини қабул қилди. Улардан 200 минг нафардан кўпроғи болалар эди. Аҳоли уларга турар-жой бериб, ўзи сиқилиб яшади, кўчиб келганларни тўйдириш учун охириги бўлак нонини ҳам бўлиб берди,

улар пойабзал, кийим бош тўплади. Уларга 135 минг кв.м турар-жой майдони ажратиб берилди. Кўчириб келтирилганларни ишга жойлаштириш юзасидан катта ишлар амалга оширилди. Фақат Тошкент шаҳрининг ўзида 1941—1942 йилларда қарийб 240 минг киши жойлаштирилди ва иш билан таъминланди.

Кўчириб келтирилган болаларни қабул қилишни тартибли йўсинда ташкил этиш мақсадида республика ҳукуматининг қарори билан 1941 йил октябрда эвакуация қилинган болаларни қабул қилиш учун марказий пункт ташкил этилиб, жойлаштириш бўйича республика, вилоят, шаҳар ва туман комиссиялари тузилди. Фақат 1941 йил 25 ноябридан 1942 йил октябрга қадар республиканинг эвакуация пунктлари орқали 15649 нафар бола ўтди. Кўпгина оилалар икки ва ундан ортиқ етим болаларни ўз тарбияларига олдилар. Тошкентлик Шомаҳмудовлар турли миллат фарзандларидан 14 болани ўз оилаларига тарбияга олдилар. Каттакўрғонлик Ҳамид Саматов оиласи 12 болани асраб олди. Ф.Қосимова 10, М.Жўраева ва Ашурхўжаевалар 8 болани ўз оилаларига олдилар. 1943 йилнинг охирига келиб, шаҳарларда 4672 бола, қишлоқларда эса 870 бола ўзбек оилалари томонидан тарбияга олинган эди. Уруш арафасида республикада 106 та болалар уйида 12 минг бола тарбияланаётган бўлса, 1945 йилга келиб, уларнинг сони Ўзбекистон вилоятларида ва Қорақалпоғистонда 263 та болалар уйида 31300 болага етди. 1943 йилда болалар боғчаларида тарбияланаётган 53072 боладан 15108 нафари эвакуация қилинган болалар эди. Юқоридаги аниқ далиллар халқимизнинг бошқа миллатларга бўлган меҳр-муҳаббатини, бағрикенглик фазилатларини акс эттиради.

Уруш йилларида Ўзбекистонга фронтда ярадор бўлган жангчилар кўплаб келтирилди. Уруш бошлангандаёқ республика ҳукумати госпитал базасини ташкил қилишга киришган эди. 1941 йил 1 октябргача Ўзбекистон соғлиқни сақлаш халқ комиссарлиги тизимида 14950 ўринга эга бўлган 47 госпитал барпо этилди ва зарур ускуналар билан жиҳозланди. Фақат Москва, Калинин, Ростов ва бошқа вилоятлардан

15900 ўрин-кароватга эга бўлган 48 госпитал республикамизга кўчириб келтирилди ва ишга туширилди. Эвакуация қилинган госпиталларга Тошкентдаги ва Ўзбекистоннинг бошқа йирик шаҳарларидаги энг яхши бинолар ажратиб берилди. 1942 йилнинг охирида Ўзбекистон ҳудудида 39140 ўринга эга бўлган 113 та эвакуация госпиталлари жойлаштирилди. Уруш йилларида бу госпиталларга 164382 ярадор келтирилган бўлиб, улардан 87 фоизи даволаниб чиқди. Даволанаётган жангчилар учун тўлақонли овқатланишни ташкил қилиш учун 750 дан ортиқ корхона, ташкилот, колхоз ва совхозлар госпиталларни оталиққа олди ва бутун ўзбек халқи ярадорларга ғамхўрлик қилди.

2. Уруш йилларида Ўзбекистон саноати ва қишлоқ хўжалиги

Яшин тезлигида уруш олиб бориш режасига эга бўлган немис-фашист кўшинлари шиддат билан шарққа қараб ҳаракат қилар эди. Фронт яқинидаги шаҳар ва қишлоқлардан юз минглаб аҳоли, саноат корхоналари, ўқув юртлари, илмий ташкилотлар ва бошқа моддий бойликларни мамлакат ичкарасига — шарққа кўчириш бошланди. Ўрта Осиё республикаларига эвакуация қилинган 308 корхонанинг 104 таси (Ленинград тўқимачилик машиналари заводи, «Қизил-Оқсой», «Россельмаш», Сумск компрессор ва Днепропетровск карборунд заводлари, Москвадаги «Электрокабель» ва «Подъёмник» заводлари, Темир йўллар халқ комиссарлигининг машинасозлик заводи, Чкалов номидаги авиация заводи, «Красный путь» заводи, Киевдаги «Транссигнал» заводи, Сталинград кимё комбинати ва бошқалар) Ўзбекистонга; улардан 55 та корхона Тошкент ва Тошкент вилоятига, 14 та завод ва фабрика Самарқандга, 22 таси Фарғона водийсига, иккитаси Бухоро вилоятига жойлаштирилди. Бу корхоналарни жойлаштириш, монтаж қилиш ва ғоят қисқа муддатларда ишга тушириш вазифасини ташкилий жиҳатдан таъминлаш иши билан махсус комиссия шуғулланди.

Эвакуация қилинган завод ва фабрикаларни тиклашда талабалар, ўқувчилар, уй бекалари, фан ва маданият ходим-

лари, хизматчилар ва колхозчилар катта куч-ғайрат билан тиним билмай меҳнат қилдилар. Қисқа муддатда, масалан, «Россельмаш» 25 кунда, «Қизил Оқсой» заводи бу ерга етиб келганидан кейин орадан 29 кун ўтганда ишга туширилиб, маҳсулот бера бошлади. 1941 йил декабрга келиб эвакуация қилинган корхоналарнинг қарийб 50 таси ишга туширилди. 1942 йил биринчи ярмида эса барча келтирилган саноат корхоналари маҳсулот чиқара бошлади.

Электр энергияси ва ёқилғи ишлаб чиқариш, кўмир, қора ва рангли металл базаларини ташкил этиш, кимё саноатини ривожлантириш, қурилиш материалларини ишлаб чиқаришни кўпайтириш уруш йилларидаги Ўзбекистон саноатининг асосий йўналишлари эди. Ҳарбий ишлаб чиқариш қувватларини ошириб бориш зарурияти саноат қурилишини кўпайтиришни талаб қилар эди. Асосий қурилиш ишлари ҳашар усули билан олиб борилди. Электр энергияси ишлаб чиқаришни кўпайтириш мақсадида 7 та йирик ва 30 га яқин кичик ГЭСлар қурилди. Айниқса, Ўзбекистоннинг энг йирик гидроэлектростанцияси бўлиб қолган Фарҳод ГЭСи қурилиши умумхалқ қурилишга айланиб, 10 ой ичида Сирдарё тўсилиб, ГЭС ишга туширилди. Салор, Қуйи Бўзсув, Товоқсой, Оққовоқ, Оқтепа, Қибрай ГЭСлари ҳам муддатидан олдин қурилиб ишга туширилди. Бу республикада электр энергияси ишлаб чиқаришни кўпайтирди. Электр энергияси 1940 йилга қараганда 1943 йилда 3,5 бараварга ошди, 1945 йилда эса 1187 миллион киловатт соатга кўпайди.

Республикада кўмир, нефть конларидаги иш суръатларини кўпайтириш, янги конларни очиш борасида ҳам самарали ишлар олиб борилди. Натижада, 1945 йилга келганда 1940 йилдагига нисбатан 30 марта кўпроқ, яъни 103 миллион тонна кўмир қазиб олинди. Уруш йилларида республикада «Чуқурлангар», «Толмозор», «Наймон», «Шаҳрихон-Хўжаобод», «Жанубий Оламушук» ва бошқа янги нефть конлари ишга туширилиши билан бирга, Фарғона водийсида ишлаб турган «Андижон», «Полвонтош», «Чангартош», «Чимён» нефть конларида маҳсулот ишлаб чиқаришни кўпайтириш

тадбирлари натижасида республикада нефть ишлаб чиқариш 4 марта кўпайди.

Вольфрам, молибден, мис ва олтин захираларининг топилиши натижасида Ўзбекистонда рангли металл саноати яратилди. Олмаликда мис кони, Лангарда молибден фабрикаси ишга туширилди. Чирчиқ электр кимё комбинатининг иккинчи навбати, Қўқон тукқориш (аралаш минерал ўғитлар) заводининг суперфосфат заводига айлантириб ишга туширилиши билан республика кимё саноатида ҳам сезиларли ривожланиш кўзга ташланди.

ЎзССР ХКС нинг 1942 йил 17 июнда Бекободда металлургия заводини қуриш тўғрисидаги қарорини бажаришга 30 мингдан кўпроқ киши жалб этилиб, 1944 йил 5 мартда Ўзбекистоннинг биринчи металлургия заводи ишга туширилди. 1945 йил февралда Бекобод металлургия заводининг иккинчи навбати ҳам маҳсулот бера бошлади.

Уруш йилларида қурилиш материаллари, тўқимачилик ва пойабзал, озиқ-овқат ва маҳаллий саноат тармоқлари ҳам ривожланди.

Саноатнинг янги йўналишларининг пайдо бўлиши, завод ва фабрика тармоқларининг кенгайиши кадрларга бўлган талабни ҳам оширди. Шунингдек, кўп минглаб тажрибали ишчиларнинг фронтга кетиши ҳам завод ва фабрикаларда ишчилар сонининг қисқаришига олиб келди. Натижада, касбга эга бўлмаган кишиларни ҳам ишга жалб қилиб, уларга ишлаб чиқариш жараёнида тегишли касб-ҳунар ўргатила бошланди. Айниқса, 1942 йил 13 февралдаги ЎзССР Олий Совети Президиумининг фармони билан ишламаётган, лекин меҳнатга лаёқатли аёллар, ўсмир ёшлар, нафақахўрлар ҳисобига ишчилар сафи тўлдирилди. 1942 йилга келиб, республика саноат корхоналарида ишлаётган хотин-қизлар 63,5 % ни ташкил қилган. Республика ишчилар синфининг ўсишида салмоқли ўрин тутган ёшларни касбга ўргатиш учун 1942 йил охирида 31 та ФЗО (фабрика-завод таълими) мактаби очилди. Умуман 15 та ҳунар мактаби ва 45 та ФЗО мактаблари ёшларга касб маҳоратларини ўргатди. Айниқ-

са, қисқа курсларда ишчиларни оммавий тайёрлаш, якка тартибда ва бригада усулларида шоғирдларни тайёрлаш бу даврда кенг ёйилди. Натижада, урушнинг икки йили давомида Ўзбекистонда 105673 нафар оммавий касбдаги саноат ишчилари тайёрланган бўлиб, шундан 73 минг нафари бевосита ишлаб чиқариш жараёнида ҳунар эгаллади. Ишчилар синфининг умумий сони уруш охирларига келиб 196,2 минг кишига етдики, бу уруш бошлангандаги сонидан 54,6 мингга кўндир. Очлик, чарчоқ, толиқиш, қийин шароитларга қарамасдан, илгор ишчилар кунлик нормаларини 300-400, ҳатто 500 фоизга қадар бажарган вақтлари ҳам бўларди. Буларга: Қирғизбоев, Ҳамроев, Юсупов, Нишонов каби «Янги турмуш» артелининг ишчиларини санаб ўтиш мумкин.

Республика ишчилари фронт орқасидаги оғир меҳнатда ҳақиқий жасорат намуналарини кўрсатдилар. Шароит оғир, озиқ-овқат етишмас, сиёсий вазият оғир, берилган режани қаттиқ талаб қилиш кўпчиликни толиқтирар, баъзилар бардош беролмасдан ҳалок бўлардилар. Шунга қарамасдан, 1943 йилга келганда СССР ҳарбий ишлаб чиқаришда Германияга етиб, ҳатто ўтиб кетишида мамлакат ичкарасидаги ишчиларнинг хизмати жуда катта бўлди. Уруш йилларида Ўзбекистонда вужудга келган ҳарбий саноат комплекси томонидан фронт учун 2100 та самолёт, 17342 та авиамотлар, 2318 минг дона авиабомба, 17100 та миномёт, 4500 бирликдан иборат миналарни йўқ қилувчи қурол, 60 мингга яқин ҳарбий-кимёвий аппаратура, 22 млн. дона мина ва 560 минг дона снаряд, 1 млн. дона граната, дала радиостанциялари учун 3 млн. радио лампа, қарийб 300 мингга парашют, 5 та бронепоезд, 18 та ҳарбий санитария ва ҳаммом кир ювиш поезда, 2200 дона кўчма ошхона ва 7518,8 мингга гимнастёрка, 2636,7 мингга пахтали нимча, 2861,5 мингга армия этиги тайёрлаб бердилар. Бу ўзбекистонликларнинг фашист босқинчиларини тор-мор этишга, ғалабага қўшган катта ҳиссаси бўлди.

Уруш йилларида республикамизда 280 та янги корхонанинг қурилиб ишга туширилиши натижасида 1945 йилга келиб, саноат ишлаб чиқариши уруш арафасидагига нисба-

тан деярли икки барабар ортди, нефть қазиб олиш 4, металл ишлаб чиқариш 4,8, машинасозлик маҳсулотлари 13,4 барабар, кўмир қазиб чиқариш 30, энергия ишлаб чиқариш 2,42 кўпайган.

Иккинчи жаҳон уруши йилларида республикада транспорт ва алоқа воситаларининг узлуксиз ва унумли ишлатилиши ташкил қилишга алоҳида эътибор берилди. Муҳим ва асосий транспорт воситаси ҳисобланган темир йўл ҳам ҳарбий ҳолатга ўтказилди. Жорий қилинган поездлар ҳаракатининг янги графигига асосан ҳарбий юкларни биринчи навбатда тўхтовсиз ўтказиб юбориш кўзда тутилди.

Мамлакат шарқи ва Ўрта Осиё республикаларини Марказ билан боғлаб туришда Тошкент темир йўли катта аҳамият касб этди. Кўчириб келтирилаётган саноат корхоналарининг асбоб ускуналарини Фарбдан Шарққа, Шарқдан Фарбга эса қурол-аслаҳа, ўқ-дорилар, озиқ-овқат, қўшинларни етказиб беришда у катта роль ўйнади.

Ўзбекистон темир йўлларининг фидокорона меҳнати натижасида 1941-1942 йиллар давомида кўчирилган саноат корхоналарининг асбоб-ускуналари ортилган 17,5 минг вагон ташиб берилди. Фронт орқаси билан фронт ўртасидаги асосий алоқа воситаси бўлиб хизмат қилган темир йўл тармоқлари 1941-1945 йилларда 2 барабарга узайди. Автотранспорт воситаси ҳам уруш йилларида юк ташиш ва алоқа воситаси сифатида муҳим ўрин тутди. 1945 йилда республика автотранспортида ташилган юкнинг ҳажми 1940 йилдагига нисбатан 2 барабар ўсди.

Уруш йилларида фронт орқасида оғир, қийин шароитда меҳнат қилишларига, ишчи кучининг етишмаслигига қарамасдан, Иттифоқнинг мудофаа қурилишлари ва саноат корхоналарига 155 мингдан ортиқ ўзбекистонлик жалб қилинган. Улар РСФСР нинг Урал, Сибирдаги заводлари, қурилишда, асосан тошкўмир, қора ва рангли металлургия корхоналарида меҳнат қилишган. Бу ўзаро ёрдам халқларнинг ҳамкорлигини янада мустаҳкамлади.

Немис-фашистларни тор-мор келтириш учун олиб борилган умумхалқ курашига ўзбек деҳқонлари ҳам муносиб

ҳисса қўшдилар. Улар олдига фронт ва мамлакат ичкарасидаги аҳолини қишлоқ хўжалик маҳсулотлари билан, саноатни хомашё билан таъминлаш вазифаси қўйилди. Бунинг учун қишлоқ хўжалигини ҳам ҳарбий изга ўтказиш, дон, картошка, сабзавотлар ва техника экинларини кўпайтириш лозим эди. Чорвадорлар ҳам армия, ҳам аҳолини гушт-сут маҳсулотлари билан таъминлашлари зарур эди.

Марказ кўрсатмалари билан асосан пахта экишга мослаштирилган, қишлоқ хўжалигидаги яхши техника воситалари, отлар фронт учун олиб кетилган, тажрибали деҳқонларнинг кўпчилиги фронт ва фронт орқасидаги ишларга жалб қилинган бир пайтда юқоридаги вазифани бажариш янада мушкуллашар эди. Сталинча маъмурият Ўзбекистонга озиқ-овқат билан «ўз-ўзини таъминлаш» вазифасини қўяр экан, мудофаа саноати учун ғоят муҳим бўлган хомашё — пахта етиштиришни камайтирмасликни талаб қилди. Бунинг устига деҳқонларни қишлоқ хўжалик машиналари билан таъминлаш тўхталиши билан бир пайтда механизаторларнинг сони ҳам қисқарди, яъни уруш арафасида Ўзбекистонда 27 888 механизатор бўлган бўлса, 1942 йилда уларнинг сони 2775 кишига тушиб қолди, кейинчалик янада камайди. Улар ўрнида аёллар, болалар, кексалар меҳнат қила бошладилар. Кетмон ва омочлар асосий иш қуролига айланиб қолди. «Меҳнат интизомини мустаҳкамлаш» соҳасида ҳаддан ошишлар авж олди. 12 ёшдан бошлаб меҳнат куни белгилашиб, уни бажармаганларнинг оиласи судга берилган. Лекин қаттиқ қийинчиликларга қарамай, ўзбек деҳқонлари ўз олдларига қўйилган вазифани шараф билан бажардилар.

Қишлоқ хўжалиги маҳсулотларини етиштиришни кўпайтириш, сувдан фойдаланишни яхшилаш ва янги ерларни ўзлаштириш билан боғлиқдир. Уруш йилларида ҳашар йўли билан Ўзбекистонда шимолий Тошкент, юқори Чирчиқ, шимолий Фарғона, Сўх-Шоҳимардон, Учқўрғон каналлари, Рудасой, Каттақўрғон сув омборлари қурилиб ишга туширилиши янги ерларни ўзлаштиришга имкон берди. 1942–1943

йилларда Ўзбекистонда суғорилиб экин экиладиган ерлар майдони 546 минг гектарга кўпайди.

Уруш йилларида Ўзбекистон деҳқонлари қанд лавлаги, кунгабоқар каби озиқ-овқат экинлари, зиғир ва каноп каби техника экинларини етиштиришни ўзлаштирдилар, маккажўхори, кунжут экишни кўпайтирдилар. Самарқанд, Фарғона, Тошкент ва Қашқадарё вилоятларидаги ҳосилдор ва сув билан яхши таъминланган янги ерлар ҳам қанд лавлаги етиштиришга ажратилди. Қишлоқ меҳнаткашлари 1565 минг центнер қанд лавлаги етиштирган 1945 йилда республикадаги Зирабулоқ, Красногвардейск, Қўқон, Янгийўл қанд заводларинигина эмас, балки бошқа республикаларни ҳам қанд лавлаги билан таъминлаш имконига эга бўлди. Бу билан Ўзбекистон мамлакатда етиштириладиган қанднинг тўртдан бирини ишлаб чиқаришга эришган бўлса, 1942 йилда СССР даги кунжут экиладиган майдоннинг 50 фоизи Ўзбекистонга тўғри келган эди.

Уруш йилларида Ўзбекистон қишлоқ хўжалигида ипакчилик, қорақўлчилик алоҳида аҳамият касб этган бўлса, мева, узум, сабзавот ва полиз маҳсулотларини етиштириш ҳам салмоқли ўринга эга эди. 1942—1943 йилларга келганда сабзавот майдонлари уруш арафасига қараганда 12,5 минг, узумзорлар майдони 5,1 минг гектарга кўпайди.

Пахта етиштиришни кўпайтириш уруш йилларидаги Ўзбекистон деҳқонларининг олдидаги энг муҳим вазифалардан бири бўлиб қолаверди. Объектив сабабларга кўра, 1942—1943 йиллардаги пахта топшириш режалари бажарилмай қолди. Лекин уруш даври шароитидаги техника воситалари, ишчи кучининг етишмовчилиги, минерал ўғитларнинг камлиги сабабли рўй берган бу ҳолатни Марказ тан олишни ис-тамади ва ўша пайтдаги Ўзбекистон раҳбари Усмон Юсупов қаттиқ огоҳлантириш олди, 1944 йил январиди ўтказилган республика пахтакорларининг биринчи қурултойида пахтачиликни юксалтириш вазифалари тўғрисидаги фикр ал-машув ва кўрилган чора-тадбирлар натижасида Ўзбекистон йиллик пахта тайёрлаш режасини 101,4 фоизга бажарди.

Уруш йилларида Ўзбекистон қишлоқ меҳнаткашлари 4 млн. 148 минг т. пахта, 82 млн. пуд ғалла, 54067 т. пилла, 195 минг т. шоли, 57 минг 444 т мева, 36 минг т. қуруқ мева, 159 минг 300 т. гўшт, 22 минг 300 т. жун ва бошқа маҳсулотлар етказиб бериш билан душман устидан қилинган ғалабага муносиб ҳисса қўшган бўлса, немис-фашист босқинчиларидан озод қилинган ҳудудларда қишлоқ хўжалигини тиклаш ишлари учун техника ва ишчи кучлари билан ёрдам бериб, ўзбек халқи ўзининг инсонпарварлик, дўстлик, биродарлик туйғуларини намоён этди. 1943 йилда Ўзбекистондан озод қилинган туманларга 1152 та трактор, 25 та комбайн, 1138 та плуг, 379 та сеялка каби техникалар, Украина ва Ставропол ўлкасига 1596 нафар комбайнчи, 41 нафар механик, 30 нафар агроном, 11 нафар бухгалтер юборилди. РСФСР, Украина, Белоруссия, Болтиқ бўйи республикаларининг халқ хўжалигини тиклашда минглаб ўзбекистонликлар фаол иштирок этдилар.

3. Уруш йилларида фан ва маданият

Ўзбекистон ишчи ва меҳнаткашлари билан бир қаторда, фан, маориф ва маданият ходимлари ҳам немис-фашист босқинчилари устидан қозонилган ғалабага ўзларининг муносиб ҳиссаларини қўшдилар. «Ҳамма нарса фронт учун, ҳамма нарса ғалаба учун!» шиорига «лаббай!» деб жавоб берган кўпгина олимлар урушнинг биринчи кунларидаёқ фронтга кетдилар. Улар орасида Ўзбекистоннинг машҳур олимларидан — У.А.Орифов, Ё.Х.Тўрақулов, И.Исмоилов, Х.Усмонов ва бошқалар бор эди. Т.Н.Қори Ниёзов, В.И.Романовский, Т.З.Зоҳидов, И.А.Райкова, О.С.Содиқов каби олимлар натижаси халқ хўжалиги ва фронт зарурияти учун хизмат қилган муаммоларни ҳал қилишда катта куч билан меҳнат қилдилар.

Ўзбек математик, механик ва астрономлари эвакуация, ўқ-дори, ҳарбий техника сифатини оширишга алоқадор бўлган бир қанча муҳим илмий муаммоларни ҳал қилдилар. Бунда Т.А.Саримсоқов, В.И.Романовский, М.Камолов,

Н.Н.Назаров ва бошқа олимларнинг ҳиссаси катта бўлди. Уларнинг эҳтимоллик назарияси ва математика статистикаси соҳасидаги ижодий изланишлари артиллерия отишмалари ва бомба ташлаш аниқлигини, жанговар самолётларнинг юк кўтариш имкониятини оширишга, республикада ишлаб чиқарилаётган ҳарбий техниканинг сифат кўрсаткичларини такомиллаштиришга имкон берди.

Геолог олимлар фойдали қазилма бойликларни қидириб топиш, саноатни зарур хомашё билан таъминлаш вазифаларини бажаришга катта эътибор бердилар. Ўзбекистон тоғлари ва чўлларида 1943 йилнинг ўзидагина 35 та геология экспедициялари иш олиб борди. Ўзбекистонлик кимёгарлар пахта чиқиндисидан халқ хўжалигида фойдаланиш таклифини, этил спиртини, сирка кислотасини, қамишни қайта ишлаш натижасида кўмир брикетини олишнинг янги усуллари ишлаб чиқдилар. Бунда академик О.С. Содиков бошлиқ гуруҳ ишлари алоҳида аҳамият касб этди.

Ўзбекистон ўсимликларининг алколоидлик хусусиятини ўрганиш юзасидан академик С.Ю. Юнусов раҳбарлигида катта ишлар олиб борилди. Ўрта Осиё давлат университети (ЎЗМУ)нинг кимё факультетида уруш даврида муҳим аҳамиятга эга бўлган наркоз эфири, хлорли калций, кофеин, стрептоцид, сулфидин, никотин кислотаси ишлаб чиқариш йўлга қўйилди. Факультет базасида Тошкент фармацевтика заводи ташкил этилди. Ўзбекистонлик фармацевтлар маҳаллий хомашёдан 15 та янги дори препаратларини ишлаб чиқариш усуллари кашф этдилар.

Ўзбекистоннинг ижтимоий-гуманитар фанлари олимлари — тарихчилар, шарқшунослар, адабиётшунослар, тилшунослар, иқтисодчилар ва файласуфлар ўзларининг ижодий меҳнатлари билан мамлакат илмий салоҳиятини ривожлантиришга, оммага инсонпарварлик, ватанпарварлик, эрксе-варлик ғояларини сингдиришга қимматли ҳисса қўшдилар.

Илмий тадқиқот ишларига раҳбарлик қилиш, уларни мувофиқлаштиришни дастлаб 1940 йилда ташкил этилган СССР ФА нинг Ўзбекистон филиали (УзФАН), кейин 1943

йил 4 ноябрда очилган ЎзФА амалга оширди. ЎзФА нинг биринчи президенти қилиб Т.Н.Қори Ниёзов сайланди. Бу ўзбек халқи ҳаётида муҳим воқеа бўлди. 1943-1945 йилларда қўлга киритилган муваффақиятлар билан ЎзФА Иттифоқда танилган илмий марказга айланди. Бу пайтда академия таркибидаги 22 та илмий муассасада 1265 илмий ходим фан оламининг турли жабҳаларида тадқиқот ишларини олиб бордилар. Жумладан, илмий-тадқиқот ишлари соҳасида 3 нафар фахрий, 15 нафар ҳақиқий академия аъзолари, 20 нафар мухбир аъзолар фаолият кўрсатганлар. Илмий ходимлар ичида 54 та фан доктори, 172 та фан номзодлари ҳам мавжуд эдилар. ЎзФА нинг фаолиятида кўчириб келтирилган илмий ходимларнинг ҳам ўзига хос ҳиссаси бўлди. Хусусан, 1941 йили кузида Тошкентга СССР ФА нинг шарқшунослик, тарих, жаҳон адабиёти, моддий маданият тарихи ва бошқа илмий-тадқиқот институтлари кўчириб келтирилди. Тошкентда ўз даврининг таниқли академиклари бўлмиш Б.В.Струве, В.Д.Греков, ФА мухбир аъзолари Е.Бертельс, В.Ф.Шишмарёв, А.Ю.Якубовский, А.А.Михайлов ва бошқалар ўз ижодий фаолиятларини давом эттирдилар. Айнан уруш йилларида Ўрта Осиё давлат университетининг (ҳозирги ЎЗМУ) филология ва шарқшунослик факультетлари ташкил этилди.

Уруш йилларининг қийинчиликларига қарамасдан, Ўзбекистонда Олий ва ўрта махсус юртлари ва маориф муассасаларининг фаолияти ҳам тўхтаб қолмади. Ўзбекистонда 29 та олий ва 52 та ўрта махсус ўқув юрти ишлаб турди, уларнинг сони марказдан кўчириб келтирилган 31 та олий ўқув юрти ва 7 та ҳарбий академия ҳисобига яна ортиб борди. Бу ўқув юртларида уруш йиллари мобайнида 11.750 нафар юқори ма-лакали мутахассис ва 6.673 нафар кадрлар тайёрланди. 1944 йил Чимбой ва Урганчда педагогика институтлари, Наманган ва Марғилонда ўқитувчилар институтлари ишга тушди. Қатор олий ўқув юртларида янги факультет очилди.

Халқ таълими соҳасида ҳам ўқитувчиларнинг фронтга кетиши, кўпгина биноларнинг госпиталларга, болалар уйи ва ҳарбий-ўқув пунктларига берилиши, дарслик ва ўқув қўл-

ланмаларининг, мутахассис кадрларнинг етишмовчилиги кўп-лаб қийинчиликларни келтириб чиқарган эди. Шундай бўлса ҳам уруш йилларида ўқитиш ишлари мунтазам олиб борилди. Ўқувчилар мактабда ўқиш билан бирга ярадорларга, фронтга кетганларнинг оила аъзоларига, уруш ногиронлари оилаларига ёрдам бердилар.

Ўзбек адабиёти ҳам халқимизнинг ёвуз душманга қарши кураш йилларида ўзининг муносиб ҳиссасини қўшди. Ойбек, Ҳамид Олимжон, Мақсуд Шайхзода, Фафур Фулом, Уйғун, Собир Абдулла, Зулфия, Темур Фаттоҳ каби шоир ва ёзувчилар уруш майдонларига сафарбар этувчи шеърлари ва мақолалари билан халқни ғалабага руҳлантирдилар. Ойбекнинг «Ёвга ўлим!» шеъри, «Навоий» романи, Ғ.Фуломнинг «Сен етим эмассан» шеъри, Ҳамид Олимжоннинг «Йигитларни фронтга жўнатиш», «Жангчи Турсун», «Роксананинг кўз ёшлари» ва бошқалар уруш йилларидаги ўзбек адабиётининг ёрқин намуналаридир. Мирзакалон Исмоилий, Илёс Муслим, Назармат, Адҳам Раҳмат, Назир Сафаров, Иброҳим Раҳим, З.Фатхулин, Адҳам Ҳамдам каби ёзувчи ва журналистлар фронтда иштирок этиб, «Қизил армия», «Фронт ҳақиқати», «Қизил аскар ҳақиқати», «Суворовчи», «Ватан шарафи учун» каби фронт газеталарида хизмат қилиш жараёнида, Ҳамид Олимжон, Ойбек, А.Умарий, Фафур Фулом, Раъно Узоқова ва бошқа шоир, ҳам ёзувчилар ҳукумат делегациялари таркибида фронтнинг олдинги марраларига бориб, ўз қаҳрамонлари билан танишдилар, юртдошларининг жасоратларини тараннум этдилар.

А.Ахматова, И.Вирта, С.Городецкий, А.Дейч, К.Зелинский, Я.Колас, Н.Погодин, А.Толстой, В.Ян каби ёзувчи-шоирлар ҳам Ўзбекистонда яшаб, ўзбек адабиётчилари билан ҳамкорликда ажойиб асарлар яратдилар. Бунда республика Ўзувчилар уюшмасига раҳбарлик қилган Ҳ.Олимжоннинг хизмати катта бўлди. Драматургия соҳасида Н.Погодин, Ҳамид Олимжон, Уйғун ва Собир Абдуллалар ёзган «Ўзбекистон қиличи» ва А.Умарийнинг «Қасос», Яшин ва Собир Абдуланинг «Даврон ота» каби асарлари билан бирга Уйғун ва Иззат Султон «Алишер Навоий», Ҳамид Олимжон «Муқан-

на», Мақсуд Шайхзода «Жалолиддин Мангуберди», Ойбек «Маҳмуд Таробий» каби драматик асарларини яратдиларки, уларда ўзбек халқининг босқинчиларга қарши кураш саҳифалари акс эттирилди.

1941-1945 йиллардаги уруш даврида Ўзбекистонда таъсирчан воситаси ҳисобланган театр ва санъат соҳаси анча ривожланди. Театр ва санъат арбоблари фронтнинг олдинги марраларида бўлдилар. Бу даврда Ўзбекистонда 36 та маҳаллий ва 14 та кўчириб келтирилган театр жамоаси фаолият кўрсатиб, бутун уруш давомида 203 та янги постановка тайёрладилар ва 6667303 томошабинга 13568 та спектакл ва концертлар кўрсатдилар.

Иккинчи жаҳон уруши йилларида республикамизда 30 дан ортиқ концерт бригадалари ташкил этилиб, улар ҳаракатдаги армия қисмларида 35 мингдан ортиқ, Туркистон ҳарбий округи қисмлари ва госпиталдаги ногиронларга 26 мингта концерт қўйиб бериб, жангчиларни руҳлантирдилар, уларни фашизм устидан ғалабага ундадилар. Айниқса, Тамарахоним, Ҳалима Носирова, Мукаррама Турғунбоева, Сора Эшонтўраева, Аброр Ҳидоятлов, Шукур Бурҳонов каби санъаткорлар иштирокидаги концерт ва томошалар жангчилар, томошабинлар қалбига зўр кўтаринкилик бахшида этган. А.Г.Раҳимова бошчилигидаги ўзбек ашула ва рақс гуруҳи фронт жангчилари олдида кўплаб концерт дастурини ташкил қилишди. Абдуллаев, Ч.Аҳмаров, Ҳ.Тансиқбоев каби рассомлар уруш лавҳалари, бадиий йилномаларни яратиб, халқимизнинг фронт ва фронт орқасидаги фидокорона меҳнатини маҳорат билан тасвирладилар. Шу йилларда Тўхтасин Жалилов ва Юнус Ражабийлар ўзбек мумтоз куйлари асносида қатор мусиқий асарларни яратдилар. Мухтор Ашрафий, Толибжон Содиқов, Мутал Бурҳонов каби бастакорлар ўзбек мусиқий фольклор хазинасини ўрганган ҳолда эътиборга молик, юқори савиядаги мусиқий композицияларни яратдилар. 1943 йилга келиб, Ўзбекистон бастакорлари жами 400 га яқин мудофаа-ватанправарлик руҳидаги қўшиқларни яратдилар.

Қисқа метражли фильмлар ва 10 та овозли бадиий фильмларини яратиш билан И.Аъзамов, К.Ёрматов, Н. Ғаниев, С.

Муҳамедов каби ўзбек режиссёрлари уруш йилларида кинотографияни ривожлантирдилар. Бу даврда ишланган «Насриддин Бухорода», «Тоҳир ва Зухра» каби фильмлар «Ўзбекфильм»нинг олтин фондига айланди.

4. Ўзбекистонликларнинг уруш жангтоҳларида кўрсатган жасоратлари

Иккинчи жаҳон уруши фронтларида ўзбекистонлик жангчилар ўзларининг жасорати, фидойилиги, мардлиги, садоқатли хислатларини яққол намоён қилиб, қатор қаҳрамонлик намуналарини кўрсатдилар.

Совет сиёсий раҳбарларининг разведка маълумотлари етарли бўлишига қарамасдан, 1941 йилда Германия СССР га хужум қилмаслигига ишончи, ғарбий фронтда чарчаб қолган фашистлар устига хужум қилиш мақсадида чегарада қўшин ва қурулларни тўплаш билан мудофаа иншоотларини барпо этмаганлиги, 1937 йилда армиядаги оммавий қатағонлар натижасида совет қурулди кучларининг жанговар қобилиятига берилган зарбанинг ўрни тўлдирилмаганлиги, қўмондонлар касбий тайёргарлигининг паст даражадалиги сабабли урушнинг дастлабки кунларида шиддат билан бостириб кирган душман қўшинлари тўхтатиб қолинмади ва кўплаб кишиларнинг қурбон бўлишига сабаб бўлди. Бунинг учун Сталин бошлиқ совет ҳукумати раҳбарлари жавобгардирлар.

Чегара қўшинларида хизмат қилаётган совет жангчилари орасида ўзбекистонликлар ҳам кўпчиликти ташкил қилар эди. Улар ўз заставаларини ҳимоя қилишда қаҳрамонлик намунасини кўрсатиб, охириги ўқлари қолгунча душманга қарши жанг қилдилар. Улар ҳалок бўлганларидан кейингина душман заставаларига кириш имконига эга бўлди. Гродно яқинида лейтенант Усов, сиёсий раҳбар Шарипов, Брест қалъаси мудофаасида Аҳмад Алиев, Дониёр Абдуллаев, Бобокомил Кашанов, Узоқ Ўтаев, Нурум Сиддиқов, Мадамин Ҳожиёв, Е.Я.Лисс, Раҳимбой Арслонбоев, Сайидахмад Бойтемиров, Ф.И.Лаенков каби ўзбекистонликларнинг кўрсатган жасоратлари Ватан ҳимоячиларининг қаҳрамониона жасоратининг рамзи бўлиб қолди.

Душманнинг шиддатли ҳужуми, ягона фронтни ташкил қилиш, умумий алоқанинг йўқлиги, тартибсизликлар, мудофаа жангларидаги қаҳрамонликларни қўллаш имконини бермади. Немис-фашистлар суткасига 30 км суръат билан ҳужум қилиб, қисқа вақт ичида мамлакатнинг марказий районларига етиб келди. Натижада, СССР ўз қуроли кучларидаги 2 млн. дан ортиқ кишиси, 43,3 мингта тўпи, 8,3 мингта танки, 8,2 мингта самолётдан маҳрум бўлди. Табиyki, бу жуда катта йўқотиш эди. Сталин маъмурий-қатағон воситалари билан ҳарбий кучлар, қўшин орасида қўрқитиш, зўравонлик чораларини амалга оширди. 1941 йил 16 август қарорида асирга тушган, ҳарбий хизматни ташлаб кетганларни, уларнинг оиласини «Ватанни сотганларнинг оиласи сифатида қамаш» каби кўрсатмалар берилди. Тўсиқчи отрядлар ва жарима батальонлари ташкил этилиб, улар сафида 1,5 млн.дан ортиқ жангчи мавжуд бўлган эди.

Смоленск, Одесса, Ленинград, Москва мудофааларида совет жангчиларининг ҳақиқий қаҳрамонлик намуналарини кўрсатдилар. Бу жанглар душманни тўхтатиб қолиш имконини берди. Гитлернинг яшин тезлигида уруш олиб бориш режаси барбод бўлди.

Москва мудофаасига етиб келган, Туркистон ҳарбий округида тузилган, генерал-майор И.В. Панфилов қўмондонлик қилган, таркибида 180 дан ортиқ ҳарбий ва ҳарбий-сиёсий билим юртларини тамомлаган командирлари бўлган 316-ўқчи дивизия Волоколамск, Дубосеково, Ново-Петровск ёнидаги жангларда қаҳрамонона курашди. Ўзбекистонлик Абдулла Тоғаев, Мамадали Мадаминов, лейтенант Пилюгин бошлиқ тўққизта жангчи жасоратларини алоҳида қайд қилиш жоиз. Москва учун олиб борилган жангларда ўзбек халқининг қаҳрамон қизларининг жасорати намунасини кўрсатган Зебо Ганиева «Қизил Байроқ» ордени билан тақдирланди. Москва остонасида фашист қўшинларини тор-мор қилишда кўрсатган жасоратлари учун 1753 нафар ўзбекистонлик жангчилар «Москва мудофааси учун» медали билан тақдирланди. С.Қосимхўжаев «Совет Иттифоқи Қаҳрамони» унвонига сазовор бўлди.

Москва ёнидаги ғалаба совет раҳбарларида 1942 йилдаёқ урушни якунлаш, мамлакатни озод қилиш фикрини вужудга келтирди ва бутун фронт бўйлаб ҳужум қилиш ҳақида буйруқ берилди. 1942 йилдаги қишки ҳужумларда мардлик ва жасорат намунасини кўрсатиб, маҳорат билан жанг қилган Қўчқор Турдиевга 1942 йил май ойида «Совет Иттифоқи Қаҳрамони» унвони берилди. Жангчиларимизнинг жасорати ҳали ўз ҳарбий кучининг асосий қисмини сақлаб душман қўшинларини тамомила йўқ қилишга, совет раҳбарларининг хатолари ўрнини қоплашга камлик қилар эди. Бунинг учун душманниқидан кучли ҳарбий-техника, қурол-яроғ ва тактика лозим эди.

1942 йил май-июнь ойларидаги совет қўшинларининг ҳужумкор операцияларини тўхтатган душман 25 июнда Волга ва Шимолий Кавказ йўналишида ҳужумга ўтди. Мамлакатда яна қалтис вазият вужудга келди. Ана шундай бир пайтда ўзбек халқи ўз жангчиларга очиқ мактуб билан мурожаат қилиб, ўз фарзандларини ватанга содиқлик ва жангда қўрқинч нимагини билмасликка чақирди. Бу чақириққа ўз қаҳрамонликлари билан жавоб берган жангчиларимиздан 1974 нафари «Кавказ мудофааси учун» медали билан мукофотланди.

Волга бўйидаги Сталинград мудофаасини ёриб, душман устидан катта ғалабанинг қўлга киритилиши урушнинг боришида туб бурилишга асос бўлди. Волга бўйидаги жангларда артиллерия капитани М.Исҳоқов ўзининг юқори ҳарбий кўникма ва жасоратини намоён қилди. Унинг моҳир мерганлиги шуҳрат қозониб, ўша давр ҳарбий газеталарида «Исҳоқовга ўхшаб отишга ҳаракат қилинг!» деган чақириқлар билан чиққан.

«Павлов уйи» деб ном олган уйни 7 та миллат вакиллари, жумладан, ўзбек аскарлари Турғунов 58 кун давомида қаҳрамонона мудофаа қилиб турдилар. Сталинград остонасида Тошкент педагогика институти 2-курс талабаси Елена Стемпковская ўз жонини гаровга қўйиб, батальонга ғалаба келтирди. 21-отлик дивизия комиссари Муллажон Узоқов душманга

қарши курашда олдинги сафда бўлиб, қатор қаҳрамонликлар эгаси бўлди. Кейинчалик у генерал-майор даражасига қадар унвонга эришди. Сталинград учун жангларда, шунингдек, старшина Рауф Аҳадов, сержант Камол Худойберганов, оддий аскар Ортиқ Омоновларнинг жасоратлари юқори баҳоланиб, улар хизмат қилган 77-гвардия дивизияси номидан Ўз Компартия МК га махсус хат ҳам жўнатилди.

Бу жангларда кўрсатган жасоратлари учун 2738 та ўзбекистонлик жангчилар «Сталинград мудофааси учун» медалига сазовар бўлди. Кавказ учун олиб борилган жангларда Тошкентда тузилган Собир Раҳимов қўмондонлигидаги дивизия жиддий муваффақиятларни қўлга киритиб, 8 мингдан ортиқ душман жангчиларини қириб ташладилар. Бу дивизия юртдошимиз қўмондонлигида Шарқий Пруссиягача жанговар йўлни босиб ўтди. Кейинчалик Польша ерларини озод қилишда Собир Умарович Раҳимов раҳбарлигидаги 57 гвардиячи ўқчи дивизияси алоҳида ажралиб турди. Данциг шаҳрига биринчилардан бўлиб киришди. Оғир ярадор бўлган С.Раҳимов 1945 йил 25 мартда ҳалок бўлди. 1965 йил 6 майдагина тарихий ҳақиқат тикланиб, С.У.Раҳимовга ўлимидан сўнг «Совет Иттифоқи Қаҳрамони» унвони берилди.

1943 йилда Орёл-Курск йўналиши бўйича олиб борилган шиддатли жангларда кўрсатган жасоратлари учун Аҳмаджон Шукуров, В.Шаландин, М. Абдуллин, А.Солиҳовлар «Совет Иттифоқи Қаҳрамони» унвонига сазовар бўлдилар. Днепрни кечиб ўтишдаги қаҳрамонликлари учун 100 га яқин ўзбекистонликлар «Совет Иттифоқи Қаҳрамони» унвони билан тақдирландилар. Улардан Ж.Усмонов, В.Набиев, Х.Аминов, Ш.Шоимов жасоратларини алоҳида қайд этиш мумкин.

Хусусан, Курск остонасидаги жангларда «Орловский» номини олган 5-ўқчи дивизия алоҳида ажралиб турди. Унда хизмат қилган фарғоналик Аҳмаджон Шукуров жасорати учун озод қилинган Золоторёвка қишлоғига Шукуров номи берилди. Днепрдан кесиб ўтиш вақтида биринчидан бўлиб 42-ўқчи дивизияси аскарари андижонлик Қамбарали Дўсма-тов жасорат кўрсатиб ҳаракат қилган бўлса, 7-ўқчи рота са-

нитари қорақалпоқ ўғлони Худойберган Шониёзов биринчилардан дарёдан кечиб ўтиб, ярадорларга тегишли тиббий ёрдам кўрсатди. Белоруссия учун бўлган жангларда қатор ўзбекистонликлар қаторида таниқли шоир Жўра Султонов ҳам бўлиб, қатор орден ва медалларга сазовор бўлиб, Белорусь тупроғида ҳалок бўлди. Минск кўчаларидан бирига ушбу қаҳрамон шоир номи берилган эди.

1944-1945 йилларда Белоруссия, Украина, Молдавия, Болтиқ бўйи республикалари ва Россия Федерациясининг ғарбий вилоятларидаги партизанлик отрядларида фаолият кўрсатган ўзбекистонлик жангчилар фаолияти Иккинчи жаҳон уруши тарихи саҳифаларига битилган бўлиб, уларнинг жасорати таҳсинга сазовордир. Булар орасида М.Топиболдиев, Ж.Отабоев, И.Мусаев, А.Ҳақимов, И.Қосимов ва бошқаларнинг мардлик намуналарини таъкидлаш мумкин. Жанговар жасурликлари, қаҳрамонона жасоратлари боис А.Раҳимов, фарғоналик Т.Аҳмедов, хоразмлик С.Нурматов, самарқандлик Э.Исмоилов, тошкентлик С.Умаровлар «Совет Иттифоқи Қаҳрамони» унвонларига сазовор бўлдилар.

1944 йил кузига бориб, СССР чегаралари бутунлай тикланди, совет қўшинлари Европа мамлакатларига озод қилувчи сифатида кириб борди. Польша, Руминия, Болгария, Югославия, Венгрия, Чехословакия, Австрияни озод қилиб, Берлинни эгаллашда совет қўшинлари таркибида ўзбекистонлик жангчилар ҳам ўзларининг байналмилаллик туйғуларини намоён қилиб, Европа халқларининг фашистлар асоратидан озод бўлишларига ўз хиссаларини қўшдилар. Бу мамлакатларни озод қилишдаги жасоратлари учун Б.Бобоев, П.Нурпексов, Т.Назаров, А.Раҳимов, М.Фаёзов ва бошқалар «Совет Иттифоқи Қаҳрамони» унвони, 2430 нафар ҳамюртимиз «Будапештни озод қилиш учун» медали, 1706 киши «Берлин олингани учун», 109208 киши «Германия устидан ғалаба қозонганлиги учун» медали билан тақдирланганлар.

Партизан отрядларида ҳам кўплаб ўзбек ўғлонлари бўлиб, улар ҳам немис-фашист босқичиларига қарши елкама-елка туриб жанг қилдилар. Улар орасида Совет Иттифоқи Қаҳро-

мони унвонига сазовор бўлган М.Топиболдиев, Д.Абдураимов, Д.Қосимов, Т.Исломов, С.Файзиев, М.Аҳмедов ва кўп-лаб бошқа ўзбек жангчиларини қайд этиш лозим.

Ўзбек жангчилари юқори қаҳрамонлик намуналари билан жанг қилдилар. Оғир танк ҳайдовчиси Т.Бурҳонов Кенигсберг учун жангларда душман ички томонга киришга бел боғлаб, фашистлар асосий ўқ нишонини йўқ қилди. 31-ўқчи дивизия пулемёт отувчиси Назрулла Ражабов душманнинг бир неча ўқ отувчи нишонларини йўқ қилишга муваффақ бўлиб, 15 нафар фашистни қўл жангида ер тишлатди. У 1944 йил 22 августда қаҳрамонларча ҳалок бўлди. Кейинчалик унга «Совет Иттифоқи Қаҳрамони» унвони берилди. Б.Д.Бобоев, Т.Бобоев, С.Умаров ва бошқалар ҳам бевосита иштирок этдилар.

Ўзбекистонлик жангчилар Европадаги қаршилик кўрсатиш ҳаракатларида фаол иштирок этиб, немис-фашистлар устидан қозонилажак ғалабага ва Европа халқларининг озод бўлишларига ўзларининг муносиб ҳиссаларини қўшдилар.

Польша, Югославия, Италия, Франция, Норвегия, Австрия, Германия давлатларида ташкил топган озодлик армиялари сафида, партизанлар тузилмаларида иштирок этган, 40 мингдан ортиқ совет фуқароларининг орасида ўзбекистонликлар ҳам кўпчиликти ташкил қилар эди. Масалан, Югославия халқ озодлик армиясида 260 дан кўпроқ ўзбекистонлик бўлган. Л.Колантаров, У.Холмабоев, А.Мамажонов, О.Бердиев, Р.Раҳимов, Ҳ.Жабборов, Ҳ.Исмоиловлар қаршилик кўрсатиш ҳаракатида фаол иштирок этган ҳамюртларимиздир.

Ҳозирги кунда «Туркистон легиони» тўғрисида турли фикрлар мавжуд бўлиб, бу масала муфассал тадқиқотни талаб қилади. Маълумки, Сталин бошлиқ совет ҳукумати Коммунистик Интернационал аъзоларидан, умуман чет эл коммунистларидан Европадаги мавжуд сиёсий ҳукуматга муҳолиф куч сифатида фойдаланган. Гитлер ҳам «оқ» муҳожирлардан советларга қарши куч сифатида фойдаланишга ҳаракат қилиб, 1941 йил декабрда асир олинган совет генерали Лукинга ҳарбий асирлардан сталинизмга қарши кураш олиб бориш-

ни ташкил этувчи русларнинг муҳолиф ҳукуматини тузишни таклиф этади. Бундай таклиф 1941—1942 йиллар бўсағасида миллий ваколатхона тузиш учун интилаётган қувғиндаги Туркистон миллий зиёлиларига ҳам қилинди. Натижада, 1942 йил ноябрда Вали Қаюмхон раҳбарлигидаги «Туркистон миллий қўмитаси» ташкил топди. Бу қўмита 1941 йил кузида ташкил топган Туркистон батальони базасида тузилиб, ҳарбий асирлардан «Туркистон легиони»ни ташкил қилиш тўғрисида 1942 йил декабрда Вермахтнинг Олий қўмондонлиги расман фармойиш эълон қилди. Шунингдек, бу даврда «Арман», «Грузин» легионерлари ҳам тузилиб, А.А.Власов раҳбарлигидаги рус озодлик армияси таркибига киритилди. Лекин бу, миллий тузилмаларга урушнинг охирига келиб, 1 млн. га яқин киши ёзилган бўлса ҳам, улар гитлерчилар кутгандай зарбдор кучга айланмадилар. Чунки бу тузилмаларга кўпинча мажбуран ёзиб қўйилган ҳарбий асирлар, фронтга юборишса, ўзимизникилар томонга ўтиб оламиз деган умид билан қарар, буни сезган немислар ҳар бир ротага асосан немис зобитларини қўйган эдилар.

Ҳақиқатан ҳам, «Туркистон легиони»да ташкил топган яширин гуруҳлар қаршилик ҳаракати жангчилари ва партизанлар билан алоқа боғлаб, немис-фашистларнинг бир қанча режаларини барбод қилганлар. 1943 йилда Десна дарёси ёнидаги Купчиха қишлоғи ҳудудида жанг қилаётган 74-дивизия томонига Абдулла Отахонов бошчилигида тўла қуролланган, 370 кишидан иборат Туркистон батальони ўтган. Кейинчалик совет қўмондонлигининг ишончсизлиги билан улар фронтдан четлатилади. 1944 йилда Черногорияга юборилган «Туркистон легиони» бирлашмалари фашист командирларини ўлдириб, тоғдаги партизанлар олдига чиқиб кетишган. Ўзбекистонликлар партизан отрядлари ва қаршилик кўрсатиш ҳаракатларида фаол қатнашиб, душманни тор-мор қилишга ўзларининг муносиб ҳиссаларини қўшдилар.

Урушнинг дастлабки кунларидаёқ советлар давлатида парокандалик авж олиб кетишига умид боғлаган гитлерчилар турли хил миллий тузилмалар тузиш, совет халқлари орасида

сохта ташвиқотлар олиб бориб, бунга асос ҳозирлашга интилган бўлса, Сталин бошлиқ совет сиёсий раҳбарлари ҳам миллий келишмовчиликлар юзага келишига сабаб бўлиши мумкин бўлган халқларни мажбуран кўчириш, бутун-бутун халқларга «сотқин» тамғасини босишдек чораларни амалга оширганлар. Шундай тамға билан 1944 йил мамлакат бўйлаб 2.230.500 киши мажбуран кўчирилган. Шулардан Ўзбекистон ҳудудига Қримдан — 151604 қрим татарлари, Грузиядан — 110 мингга яқин месхети турклари, Шимолий Кавказдан 20 мингдан ортиқ ингуш, 4,5 минг арман ва греклар кўчириб келтирилар.

Улар НКВД назоратида, репрессив режимга қатъий риоя қилган ҳолда яшашга маҳкум этилиб, миллий давлат тузилмалари ва конституцион ҳуқуқларидан маҳрум этилган эди. Кўчириб келтирилган жойлардаги маҳаллий аҳоли билан боғланиш каби ҳуқуқлардан ҳам маҳрум қилинган эдилар. Лекин ўзбекистонликлар кўчириб келтирилганларни ўз уйларига қабул қилиб, охириги бурда нонларини бўлишиб еб, ўзларининг юксак маънавияти, буюк инсонпарварлигини намоён қилди.

Собиқ Иттифоқ халқларининг фидокорона меҳнатлари, жангчиларнинг қаҳрамонона жасоратлари сабаб, немис-фашист босқинчиларига қарши олиб борилган, деярли 4 йил (1941 йил 22 июнь — 1945 йил 9 май) давом этган уруш ғалаба билан якунланди. Лекин Иккинчи жаҳон урушини давом эттириш мақсадга мувофиқ деб топилди. Иттифоқчи давлатлар билан бўлган келишув ва Шарқда хавф бўлиб турганлиги сабабли 1945 йил 9 августга ўтар кечаси совет ҳукумати Японияга қарши уруш бошлади. 2 сентябргача давом этган бу жангда 6770 нафар ўзбекистонлик жангчилар иштирок этиб, Квантун армиясини мағлубиятга учратишда, Япониянинг таслим бўлишида ўз ҳиссаларини қўшдилар. Н.Латипов, А.Каримов, У.Дониёров каби кўплаб ҳамюртларимиз юксак ҳарбий маҳорат ва жанговар фаолликларини намоён этдилар.

Иккинчи жаҳон урушининг ғолибона якунланишида ўзбекистонликларнинг фронт ва фронт орқасидаги жасорат-

лари катта ҳисса бўлиб хизмат қилди. 120 мингдан ортиқ ўзбекистонликлар СССР нинг орден ва медалларига сазовор бўдилар. «Совет Иттифоқи Қаҳрамони» унвонига эга бўлган 300 дан ортиқ жангчидан 75 таси ўзбек ўғлонлари эди. Ўзбекистонлик 82 та жангчи «Шуҳрат» орденининг учала даражаси билан тақдирланди. Италия, Англия, Франция, Югославия, Польша, Чехославакия, Венгрия каби мамлакатларнинг орденлари билан тақдирланган ҳамюртларимиз бир неча минг кишини ташкил этади.

Таъкидлаш жоизки, Ўзбекистон урушдан катта йўқотишлар билан чиқди. 1939-1945 йилларда бўлиб ўтган Иккинчи жаҳон уруши фронтларига сафарбар қилинган 1433230 кишидан 263005 киши ҳалок бўлди, 132.670 киши ногирон бўлиб қайтди. Ҳозирги кунга келиб амалга оширилган тадқиқотлар шундан дарак берадики, уруш арафасида юртимизда 6,5 млн. киши яшаган бўлса, уларда 1,5 млн.га яқини урушга кетган, 500 000 га яқин киши ҳалок бўлган.

Собиқ Иттифоқ бўйича уруш йилларида асирга тушган 6,2 млн. кишидан 4 млн. киши ҳалок бўлган, 1 млн. киши «Вла-совчилар»га қўшилган, тирик қолган 1 млн. киши эса немис лагерларини совет лагерлари билан алмаштиришга мажбур бўдилар. Улар орасида ноҳақ жазоланганлардан юртдошларимиз ҳам бор бўлиб, С.Абдуллаев, Л.Попов, К.Абрамович, П.Рустамов ва бошқалар шулар жумласидандир.

1945 йилга келиб, ғалабадан сўнг мамлакатда ижобий ўзгаришларни кутаётган халқ яна мустабид тузум асоратида қолди. Ижтимоий турмуш тарзи етишмовчиликлар, меҳнат шароити оғирлигига қолиб кетди, турли касалликлар, очарчилик, жиноятчиликнинг ўсиши боис халқ оммасининг аҳволи деярли ўзгармади.

Катта қурбонлар, йўқотишлар, азоб-уқубатлар эвазига ўзбекистонликлар ҳам инсониятни фашизм балосидан қутқаришга, улкан ғалабага муносиб ҳисса қўшдилар. Мустақиллик йилларида урушда ҳалок бўлганлар хотирасини тиклаш ва қадрлаш мақсадида «Хотира» китоблари тузилди, пойтахтимиз марказида «Хотира майдони» ва «Мотамсаро

она» ёдгорлик мажмуаси ташкил этилди. Бу ишларга бошчилик қилган Юртбошимиз И.Каримов фармони билан 9 май — «Хотира ва қадрлаш куни» деб эълон қилинди. Фашизмга қарши курашган, жаҳон аҳлини улкан офат ва балодан сақлаб қолиш ишига муносиб ҳисса қўшган аجدодларимиз, уруш ва меҳнат фахрийларидан ўсиб келаётган ёш авлод, халқимиз тоабад миннатдор. Зеро, мустақиллик йилларида Иккинчи жаҳон урушида шаҳид бўлган ватандошларимиз хотирасига юқори даражада эҳтиром кўрсатилмоқда, ҳозирда ҳаёт бўлган уруш қатнашчилари, фронт ортида меҳнат жасоратини кўрсатган фахрийларга эса катта имтиёзлар, давлат миқёсида муносиб иззат-икром кўрсатилмоқда.

Савол ва топшириқлар

1. Иккинчи жаҳон урушининг сабаблари нимада эди?
2. Ўзбекистон халқ хўжалигининг ҳарбий изга солиниши жараёни қандай кечган?
3. Ўзбек халқининг бағрикенглиги яққол нималарда намоён бўлди?
4. Ўзбек халқининг фронт ортидаги фидокорона меҳнати ҳақида сўзлаб беринг.
5. «Сен етим эмассан» ибораси моҳияти нимада?
6. Уруш йилларида Ўзбекистон саноати қай аҳволда бўлган?
7. Ўзбекистонлик жангчиларнинг фронтдаги жасоратлари ҳақида сўзлаб беринг.
8. Уруш йилларида фан ва маданий ҳаёт ҳақида нималарни биласиз?
9. «Хотира ва қадрлаш куни» мазмун-моҳиятини изоҳлаб беринг.

15-мавзу бўйича фойдаланилган адабиётлар

1. Каримов И.А. Ғалаба учун жон фидо қилган юртдошларимизни хотирлаш, бугун ҳаёт бўлганларни қадрлаш — биз учун ҳам фарз, ҳам қарз. — Тошкент: Ўзбекистон. 13-жилд. — Б.287-305.

2. Каримов И.А. Шаҳидлар хотираси — мангу барҳаёт «Шаҳидлар хотираси» ёдгорлик мажмуининг очилишига бағишланган маросимда сўзланган нутқ, 2000 йил 12 май. — Тошкент: Ўзбекистон, 2000. 8-жилд. — Б.475-479.

3. Каримов И.А. Хотира чироғи ўчмайди. Хотира ва кадрлаш кунига бағишланган тантанали маросимдаги нутқ. 1999 йил 9 май — Тошкент: Ўзбекистон. 8-жилд. — Б.407-414.

4. Каримов И.А. Ватан саждагоҳ каби муқаддасдир. — Тошкент, 1996.

5. Каримов Ш. Ғалабага қўшилган ҳисса. — Тошкент, 1995.

6. Шамсутдинов Р.Т. Ўзбекистонликлар Сталинград жангларида. Фашизм устидан қозонилган ғалабада Ўзбекистоннинг тарихий ҳиссаси (1941 — 1945 й.). — Тошкент: Фан, 1996.

7. Тарих шоҳидлиги ва сабоқлари. — Тошкент: Маънавият, 2002. — Б.285-294.

8. Воробьев В.П. Деятельность Туркестанского легиона в источниках и исторической литературе, опубликованной в Германия. — Ташкент, 1991. — С.54-55.

9. Джураев П.Д. Узбекистанцы — участники партизанской войны. — Тошкент: Узбекистан, 1975.

10. Ўзбекистон тарихи. Р.Х.Муртазаеванинг умумий таҳрири остида. — Тошкент: Университет, 2005. — Б. 372-387.

11. Усмонов Қ., Содиқов М., Бурҳонова С. Ўзбекистон тарихи. Дарслик. — Тошкент: Иқтисод-молия, 2006.

12. Голованов А.А., Саидов И.М. Вклад Узбекистана в победу над фашизмом. Часть II. Самотверженный труд во имя победы. — Самарқанд, 2006.

Таянч сўзлар

Иккинчи жаҳон уруши, армия, сафарбарлик, ҳарбий, жанговар, фронт орти, жанггоҳ, қаҳрамонлик, аскар, қўмондон, фашизм, совет, жанг, хотира, эвакуация, натура, пункт, госпиталь, корхона, саноат, фан, маданият, адабиёт, труппа.

16-мавзу. Совет давлатида маъмурий-буйруқбозлик сиёсатининг кучайиши ва инқироз даврида Ўзбекистон (1946–1989 йй.)

Режа:

1. XX аср 50-70-йилларида Ўзбекистон саноати.
2. 50-80-йилларда Ўзбекистондаги маданий ҳаёт. Мафқуравий чеклашлар.
3. Урушдан кейинги йилларда Ўзбекистоннинг иқтисодий ва ижтимоий-сиёсий ҳаёти.
4. Ўзбекистондаги демографик жараёнлар. Сохта «урбанизациялаштириш».
5. Ўзбекистонда экологик ҳолатнинг оғирлашиши. Орол фожиаси.
6. Республикада 1946–1989 йиллардаги маънавий-маданий қарамлик ва унинг оқибатлари.
7. Ўзбекистон «қайта қуриш» йилларида.
8. Ўзбекистонда қатағонликнинг янги босқичи. «Пахта иши», «Ўзбеклар иши» номли сохта ишлар.

1. XX аср 50-70-йилларида Ўзбекистон саноати

XX аср иккинчи ярми (40-80-йиллар охирлари)да мамлакатда кечган мураккаб ва зиддиятли давр тарихи юзасидан Р.Ҳ.Муртазаева, Д.Бобожонова, Б.В.Ҳасанов, Ю.А.Эргашева, А.Маврулов, Х.Э.Юнусова ва бошқалар эътиборга молик тадқиқот ишларини амалга оширганлар.

Совет давлатининг инсоният тарихида машъум из қолдирган қулоқлаштириш сиёсатини проф. Р.Шамсутдинов батафсил ўрганган. Муаллиф Ўзбекистон Республикаси Марказий Давлат Архиви, Украина, Шимолий Кавказ, Россия Федерацияси архивларида сақланаётган маълумотлар асосида совет давлатининг қулоқлаштириш сиёсатини батафсил ёритишга ҳаракат қилган, коллективлаштириш ва совет давлатининг қулоқ қилиш сиёсатини кенг ва чуқур таҳлил этиб берган.

Тарихчилар томонидан чуқур ва кенг ўрганилган мавзулардан яна бири — совет давлатининг қатағон сиёсати тарихи бўлиб, бу мавзунини бир қатор тадқиқотчилар таҳлил қилиб

келдилар. Маълумки, сиёсий қатағонлар ўз ижтимоий табиатига кўра, бутун совет жамиятига қарши йўналтирилди, кучли босим ўтказиш орқали ижтимоий кўрқув, мажбурий ито-аткорлик, юзага келтирилди, барча меҳнатга мажбур қилинди. Хусусан, Ж.Абдурахмонова, А.Тойиров, З.Эшонхўжаева, Х.Юнусова ва бошқаларнинг тадқиқотларини келтириб ўтиш мумкин.

XX асрнинг 20-30-йилларида Ўзбекистонда совет ҳокимиятининг таълим, маданий-оқартув муассасалари, илм-фан, адабиёт ва санъат соҳасидаги ўтказган қатағонлик сиёсати ва унинг жамият маданий ҳаётига кўрсатган салбий таъсири таҳлил қилинган. Х.Юнусова эса XX асрнинг 80-йилларида совет давлатининг «пахта иши» қатағонларини, унинг оқибатларини ва И.А.Каримов бошчилигида Ўзбекистон раҳбариятининг бу қатағонларга барҳам бериш сиёсатини батафсил ўрганган.

XX асрнинг 50-80-йилларида Ўзбекистоннинг ижтимоий-иқтисодий, сиёсий тарихини бир гуруҳ тарихчилар тадқиқ этдилар. Хусусан, Д.Бобожонова Ўзбекистоннинг 1970-1980 йиллардаги тарихини ўрганиб, совет давлатининг бошқарув сиёсатида иқтисодий районларнинг, унда районларнинг пахта хомашёсига бўйсундирилиши, унинг оқибатлари, республикада демографик ҳолат, унинг сабаблари ва оқибатлари турли архив маълумотлари ва манбалар асосида таҳлил ва тадқиқ қилиб берилди.

Ўзбекистоннинг 80 йиллардаги ижтимоий-иқтисодий жараёнлари тарихи эса Х.Юнусованинг монографиясида ўз аксини топган. Муаллиф, иқтисодий районларга бўлиб, бошқаришнинг оқибатларини турли манбалар ва архив маълумотлари асосида таҳлил қилган. XX асрдаги бошқарув тизимининг маълум жиҳатлари Ф.Очилов, У.Худойқулов, Н.Қувватова, Д.Ийманова ва бошқа ёш тадқиқотчиларнинг илмий ишларида кўриш мумкин.

Шунингдек, совет давлатининг маданий сиёсати ва унинг оқибатлари масаласи ҳам бир қатор тадқиқотчиларнинг асарларида, хусусан, А.Маврулов, Х.Ҳамидов, М.Ҳамзаева,

Р.Сиддиқов, Г.Хусаинбекова, М.Соҳибова ва бошқаларнинг асарларида ўз аксини топди. Бу ишларда Ўзбекистон маданияти тарихи мустақиллик давр талабларига мувофиқ яратилди. Х.Ҳамидов эса маданият йўналишининг етакчи тармоқларидан бири — мусиқа санъати, хусусан, қўшиқчилик санъатини кенг ўрганди.

Мазкур мавзу юзасидан мустақиллик йилларида Д.Алимова, С.Агзамхўжаев, И.Алимов, Қ.Ражабов, М.Хайдаров ва бошқаларнинг қатор илмий-тадқиқот ишларида даврнинг турли қирралари таҳлил этилган.

Иккинчи жаҳон уруши тугагандан кейин ҳам республиканинг табиий хомашё ресурслари аёвсиз эксплуатация қилинган ҳолда, унинг ўзига хос иқтисодий манфаатдорлиги ҳеч қандай эътиборга олинмади. Урушдан кейин ҳам совет давлатида кўп укладлилик мажбурий равишда тугатилди, фақат давлат корхоналари, жамоа хўжаликлари «социалистик корхона» сифатида тан олинди. Хусусий мулк эгалари йўқолганлиги боис, бутун мамлакатда инсонпарвар жамият эмас, аксинча маъмурий-буйруқбозлик тизими янада мустаҳкамланиб борди.

Бу даврда саноатни тинч ҳаётга мослаб қайта қуриш катта қийинчиликлар билан боғлиқ бўлди, у халқнинг ҳисобсиз моддий ва жисмоний харажатларини талаб қилар эди. Ўзбекистон саноати эса халқ хўжалигининг алоҳида тармоқларини ривожлантиришга қаратилган ва пахтачилик манфаатларига боғланиб, республика иқтисодиётини кўтариш учун ҳаракатлар «пахта учун кураш»нинг таркибий қисмига айланди ҳамда Ўзбекистон Иттифоқнинг асосий пахта базаси бўлиб қолди.

Пахтачиликнинг кетидан қувиш натижасида республикадаги кўпгина ҳаётий манфаатларга зиён етказилди. Хусусан, пахта майдонлари йилдан-йилга кенгайиб, бошқа экинликларни бирин-кетин суриб чиқа бошлади, илмий асосланган алмашлаб экиш бузилиб, сув манбаларининг имкониятлари тобора камайиб, қишлоқ хўжалигига ҳалокатли таъсир кўрсатди. Бундай шароитда пахтачилик ва ирригация қурилиши

учун машиналар, маълумотларга кўра, шу жумладан, культиваторлар, ўғитлагичлар, чигит экиш сеялкалари, кўсак териш машиналари, экскаваторлар, бульдозерлар ҳамда бошқаларни ишлаб чиқарадиган машинасозлик заводларини қайта қуриш ва янги заводларни яратиш юзасидан катта ишларни авж олдириб юбориш кўзда тутилди.

Урушдан кейинги йилларда саноатга ташланган маблағнинг 20 фоизи қишлоқ хўжалигига ташланса-да, озиқ-овқат маҳсулотлари етиштириш чекланиб, тез суръатлар билан ўсиб бораётган аҳоли талабини шу маҳсулотлар билан таъминлаш муаммолари кескинлашди. Шу билан бирга, Ўзбекистоннинг беш йиллик режаларини тузиб чиқиш вақтида хўжалик ҳисоби, ўзини ўзи маблағ билан таъминлаш, ижара принциплари, хўжалик фаолиятига ташаббус ва ижодкорлик жиҳатларини таъминлайдиган, ижобий натижалар берадиган бошқа шакллари ҳаракатга келтирилмаган ва ҳисобга олинмаган эди. Аслида пахтанинг кетидан қувиб, дунёдаги давлатларга «социалистик жамият» қураётган мамлакатда мавжуд қишлоқларнинг атиги 20 фоизи электрлаштирилган, ГРЭСларга уланиш давлат мулкани талон-торож қилиш, деб ҳисобланганлиги сабабли колхозларга электр симлари ўтмаган эди.

Мустабид тузум ва унинг зўравонлик усуллари, иқтисодиётнинг қаттиқ марказлашган ҳолда режалаштирилиши Ўзбекистон саноати ривожланишида жиддий зиддиятлар келиб чиқишига сабаб бўлди. Совет давлатининг таркибий қисми бўлган, ҳам сиёсий, ҳам иқтисодий мустақилликка эга бўлмаган Ўзбекистон марказ томонидан ишлаб чиқилган ва беш йиллик режаларда акс эттирилган йўл-йўриқларга амал қилишга мажбур эди. Урушдан кейинги беш йилликлар ана шундай тарзда режалаштирилган бўлиб, уларга маҳаллий шароитда республика раҳбарияти томонидан баъзи аниқликлар қиритиш ҳам марказнинг рухсати билан қилинар эди. Халқ хўжалигида амал қилиб келинган усул экстенсив тараққиёт маҳсули бўлиб, у ўзида иқтисодий заруратни эмас, балки қатъий марказлашган маъмурий бошқаришни ва режали ривожланишни акс эттирар эди. Қатъий режа асосида ре-

жалаштирилган иқтисодиёт ишлаб чиқариш монополизмини шакллантирар эди. Иқтисодчи олим Н.Тўхлиевнинг таърифига кўра, «монополизм истеъмолчидан танлаш ҳуқуқини тортиб оладиган, шу тариқа бозорда якка ҳукмронликни қўлга киритадиган даҳшатли ялмоғиздир».

Қабул қилинаётган қарорлар, ажратилаётган маблағлардан кейин ҳам ўзини ўнгламаган мамлакат қишлоқларидаги аҳвол, колхозчиларда моддий манфаатдорликнинг йўқлиги, шахсий манфаатлар билан жамоат манфаатлари келишмаслиги борган сари кучайиб борди. Бунинг учун қишлоқ хўжалигида етиштирилган маҳсулотларга белгиланган нархларни қўйиш, марказдан режалаштиришга барҳам бериб, пастдан режани белгилаш, солиқ сиёсатини тартибга солиш, колхозчилар моддий манфаатдорлигини кўтариш мақсадида колхозчиларга нафақа беришни ташкиллаштириш учун паспорт тизимини йўлга қўйиш муҳим вазифалар қилиб белгиланди. Бу вақтда мамлакатда дон танқислиги ҳал этилганлиги ҳақида эълон қилинади. Бундай баландпарвоз маърузалардан сўнг бутун мамлакатда жўхори экишни кўпайтириш масаласи кўндаланг қўйилади ва 1960 йилларнинг бошига келиб, мамлакатда ўзлаштирилган ерларнинг 4/1 қисмига жўхори экилади. Бу умумий ерларнинг 80 фоизини ташкил этар эди.

Бироқ 1962 йилга келиб, бутун мамлакатда дон танқислиги сезила бошланди. Умуман олганда, совет давлатида 1955-1964 йиллар давомида ғалла етиштириш уч маротаба 1956, 1958, 1964 йилларда бажарилди, холос. 1961 йилдаги ғалла танқислиги туфайли режа хориждан ғалла сотиб олиш ҳисобига бажарилди. Шунингдек, мамлакатда озиқ-овқат маҳсулотларига талаб кучайиб, очарчилик хавф солмаса-да, лекин озиқ-овқат маҳсулотларига танқислик доимо сезилиб турди. Нон маҳсулотларини харид қилиш учун навбатга туриш ҳолатлари юзага келди. Мана шундай ҳолатлар натижасида 1979 йилнинг январь ойининг ўзидагина марказий «Правда» газетасига халқдан 16 та шикоят хатлари ҳам келиб тушган.

Режанинг бажарилишини қатъий талаби маҳсулот сифатини оширишга имкон бермас, маҳсулот ишлаб чиқарилиши арафасида сифатга эътибор берган тақдирда ҳам буни

тўғрилаш учун кўп вақт сарф бўлар эди. Озиқ-овқат саноатида ҳам ишлаб чиқарилган маҳсулотларнинг сифати жуда паст эди. Масалан, 1980 йилларда СССР қишлоқ хўжалигига бюджетдан 20 фоиз маблағ, АҚШ қишлоқ хўжалигида 7-8 фоиз сарфланган бўлса ҳам, 1983 йилда СССР да 16 млн. тонна гўшт етиштирилди, янги технологиялар билан таъминланган АҚШ да эса 27,8 млн. тонна гўшт етиштирилди. Лекин сифат жиҳатидан маҳсулотлар текширилганда ҳам режали иқтисодиёт сифатли маҳсулотлар ишлаб чиқаришга қодир эмаслиги маълум бўлар эди. Бундай хўжасизлик оқибатида 1980 йилларга келиб қишлоқ хўжалигида етиштирилган жами маҳсулотлар 509 млн. рублга камайди.

Бу ҳолатларнинг олдини олиш учун эса ҳукумат амалий чора-тадбирлар ишлаб чиқиши лозим эди. Шу боис колхоз ерларини кўпайтириш, қорамол сонини ошириш масалалари кўндаланг қўйилди. Манбалардан маълум бўлишича, бутун мамлакатда 1958-1964 йиллар мобайнида колхозларда томорқа ерлари 12 фоизга (29 сотих), совхозларда 28 фоизга (18 сотих)га камайди, шахсий хўжаликларда гўшт ва сут маҳсулотларини етиштириш 20 фоизга тушиб кетди. Шундай бўлса-да, халқ хизматлари эвазига 1953 йил КП МК, сентябрь пленумидан сўнг мамлакатда дон етиштириш 20 фоизга, картошка 48 фоизга, лавлаги 75 фоизга, сабзавотлар 79 фоизга ўсди, қорамол етиштириш 48 фоизга кўпайди. Тухум 65 фоизга, ҳайвон ёғи 68 фоизга, сут ва сут маҳсулотлари 90 фоизга ўсди.

Ўзлаштирилган ерларда барпо этилган хўжаликларда эса маҳсулот етиштиришнинг моддий базаси мустақамланиб, керакли мажмуалар қурилишининг амалга оширилгани билан, бошқарув тизимининг қатъий марказлаштирилганлиги хўжаликлар фаолияти самарадорлигини пасайтириб юборган эди. 1958 йилдан бошлаб, Ўзбекистонда ҳосилдорликни янада ошириш мақсадида давлат тракторларни колхозларга ажратилган пул ҳисобидан сотишни бошлади. Партия ташкилотларининг сиқуви остида саноат корхоналарига давлат белгилаган нархда хомашё сотган колхоз ва совхозларга бош-

қа республикалардан анча қиммат нархда сифатсиз, охиригача тугалланмаган техника, қишлоқ хўжалик машина ва асбоб-ускуналари зўрлаб берилар, уларга қўшиб эса умуман керак бўлмаган машиналар эҳтиёт қисмлари ҳам мажбуран сотиларди. Бундай техник эҳтиёт қисмлари ишлатилмасдан колхоз ва совхоз омборларида сақланиб, маълум вақт ўтгач, металл чиқиндиси ҳисобида давлатга топширилар эди. Бироқ колхозлар бу қарзни 5-10 йилда тўлаганда ҳам колхозларда иш ҳақи 7 мартага камайиб кетар эди.

Ҳукуматнинг 1958 йил 18 апрелдаги қарорига кўра эса колхозлардан қарзни қисқа муддатда ундириш белгиланди. Натижада, колхозларнинг давлатдан қарзи 25 фоизга ошиб кетди. Бундан ташқари, 1965—1985 йиллар мобайнида хўжаликларнинг давлатдан сотиб олаётган техника ва минерал ўғитларининг нархи беш марта ошди. Қишлоқ хўжалик маҳсулотларининг нархи эса фақатгина икки маротаба ўсган. Оқибатда хўжаликларнинг молиявий аҳволи оғирлашиб, сарфланган маблағлар ўз-ўзини оқлай олмади. Бундай ҳолатлар «қарздор» бўлган хўжаликлар сонини ҳам ошириб юборар, кейинчалик бу қарзлардан гўёки деҳқонларга «ғамхўрлик» сифатида кечиб юборилар ёки ўзини оқлай олмаган 3-4 колхозлар бирлаштирилиб, тараққиётнинг «янги йўли» сифатида совхозларга айлантирилиб юбориларди. Бир қатор муҳим сарф-харажатлардан «озод қилинган» бу хўжаликлар харажатлари давлат бюджети ҳисобидан қопланса-да, бу ҳол пахта маҳсулоти таннархида акс этмаган эди.

1959 йилга келиб, КПСС МК, Биринчи секретари Н.Хрущёв партиянинг XXI съездида «СССР Халқ хўжалигини ривожлантиришнинг 1959—1965 йилларга мўлжалланган назорат рақамлари ҳақида» номли маърузасини қилди. Унда мамлакатда «коммунизмнинг моддий-техник базасини вужудга келтириш ва шу асосда СССР аҳолисининг турмушини дунёда энг юксак даражага кўтаришни таъминлаш» дастури ишлаб чиқилди ва бу дастурнинг бажарилиши 7 йилга мўжалланди. Маърузада таъкидланишича, СССР 1965 йилдан тахминан 5 йил кейин АҚШ даги ишлаб чиқариш

даражасига етиб олиши ва бу даражадан ўзиб кетиши лозим эди. Маълумотларга кўра, ушбу 7 йиллик режада СССРнинг асосий вазифалари мамлакатда энгил саноат соҳасида кимё маҳсулотлари ишлаб чиқаришни қарийб 3 бараварга ошириш, сунъий тола ишлаб чиқаришни 3,8-4 баравар ошириш, пластмасса ва бошқа синтетик маҳсулотлар ишлаб чиқаришни 6,7 баравар ошириш белгиланди. Бу режаларда Ўзбекистоннинг ҳам иштироки бўлиб, кимё соҳасида республикада ялпи маҳсулот 1965 йилда 1958 йилдагидан тўрт баравар кўпайтириши режалаштирилган эди. Худди шундай вазифалар энгил саноатда ҳам белгиланиб, 1958 йилдагига нисбатан 1965 йилда 65 фоиз кўп бўлиши лозим эди.

Айни пайтда, бу режалаштирилган йўл-йўриқлар одатдагидек жадалаштириш ва «қисташ» сиёсатига асосланган бўлиб, Ўзбекистон учун саноатни ҳаддан ташқари оширилган ривожлантириш ҳажмлари ва суръатларида белгиланарди. Одатда, режа йўналишларини ҳаракатга келтирувчи механизм давлат томонидан ажратилган ёпирилма сармоя (70 фоизгача) бўлиб, улар асосан оғир индустрия тармоқларига мўлжалланарди. Бу нарса оғир саноатда янги техникани, ишчи кучларини, малакали мутахассисларни жамлаш имконини берарди.

Бироқ саноат қувватларини ошириш экстенсив усуллар билан, яъни асосан янги саноат объектларини қуриш, шунингдек, ишлаб турган саноат объектларини қайта қуриш ва кенгайтириш ҳисобига амалга ошириларди. Айни пайтда, партия ҳужжатларидаги социализмни ҳар томонлама режали ривожлантириш ғояси, «бунёдкорлик дастури» бўлиб хизмат қилувчи партия дастурлари социализм қурилишининг назарий томондан асосланиши ҳам ягона хусусиятга — марказлашган давлат раҳбарлигини мустаҳкамлашга қаратилган эди.

Шу ўринда таъкидлаб ўтиш лозимки, партия съездларида белгиланган баландпарвоз режаларда, «режа бажарилди» деган ҳисоботларда сунъий рақамлар берилса-да, аслида бу мамлакатдаги реал ҳаёт билан тўғри келмас эди. Масалан, 1959 йилнинг биринчи ярмида Андижонда ишлаб чиқариш

режаси 105,5 фоиз бажарилган, шаҳар саноат корхоналари эса режани 106,6 фоиз бажарган, бироқ вилоятда тўла автоматлаштирилган бирорта корхона бўлмаган, оғир меҳнат қиладиган жараёнларни механизациялаш масаласи жуда секин ҳал қилинган. Биргина Андижон строймаш заводида 16 нафар кишидан иборат ихтирочилар бюроси бўлган бўлса, унда бирорта ҳам янги машина яратилмаган, айти пайтда биргина шу вилоятнинг ўзида охириги икки йил мобайнида ишлаб чиқариш бўйича киритилган таклифларнинг ўзи давлатнинг 42 млн. сўм маблағини тежаб қолишга имкон берган эди.

1950—1960 йилларда хўжаликни бошқаришнинг яна янги услуби ишга солина бошланди. Ишлаб чиқаришни марказий бошқарувдан четлатиш мақсадида халқ хўжалиги советлари тузила бошланди ва улар иттифоқдош республикалар Министрлар Советларига бўйсундирила бошланди. Жумладан, РСФСР да 70 та, Украинада 11 та, Қозоғистонда 9 та, Ўзбекистонда 4 та, қолган республикаларда биттадан халқ хўжалиги советлари очилди. 141 та иттифоққа, республикага қарайдиган баъзи вазирликлар қискартирилди. Бу советлар минтақаларда қишлоқ хўжалигини изга солиб олишга имкон берса-да, лекин кейинроқ маҳсулотларни тақсимлашда, давлат белгилаб берган режани бажаришда, тажриба алмашишда муаммолар сезилиб қола бошлади.

Умуман олганда, 1960 йилларга келиб, инқирозий ҳолатлар кучайиб, совет иқтисодиётини ислоҳ қилишга эҳтиёж сезила борди. Ислоҳотлар ўтказишга асосий сабаб, биринчидан, саноатнинг илмий-техник ривожланиши жиҳатидан орқада қолиши, иккинчидан, корхоналар, қолаверса, бутун тармоқларда иқтисодий оқсашнинг юқорилиги сабаб бўлган ва бу муаммолар мана шу иқтисодий ислоҳотларда ҳал этилиши керак эди. Иқтисодий ислоҳот ўтказиш билан машғул бўлган совет иқтисодчилари эса бу ислоҳотлар товар-пул муомаласига эркин бозор иқтисодига хизмат қилиш ўрнига, социализм йўлида хизмат қилиши керак эди, бу ўз навбатида «социалистик хўжалик тизимидан янада унумлироқ фойдаланиш» деб таърифланди.

1970 йилларда СССР да турғунлик даврининг бошланиши, яъни ижтимоий-иқтисодий жиҳатдан ривожланиш суръатининг пасайиши ҳақида била туриб сукут сақланди ва бу даврдаги кўрсаткичлар иложи борица кўзбўямачилик ва қўшиб ёзиш орқали бўрттирилди. Ўз-ўзини мақташ билан эришилган натижалар ҳақида ёлгон рапортлар бериш, қабул қилинган қарорлар устидан тегишли назоратнинг йўқлиги халқ хўжалигида хўжасизлик ҳамда сарф-харажати кўп иқтисодиётни шакллантирди.

Шунингдек, ижтимоий ҳаётнинг барча жабҳаларида порахўрлик, тамагирлик, чайқовчилик, ўғрилик каби иллатлар ҳукм сурди. Бажарилиши лозим бўлган масалалар аввал партия ташкилотларида кўрилиб, сўнгра ижрочи ташкилотларга топширилган, натижада, мамлакат хўжалиги функцияси бутунлай коммунистик партиянинг қўлида қолган эди. Ижтимоий-иқтисодий соҳадаги «социалистик мусобақа» деб аталган йўл ҳам ташқи томондан муваффақиятли кўринса-да, бироқ режалаштирилган йўналишлар аслида «жадалаштириш ва мажбурлаш» сиёсатига асосланган эди.

Юқоридан пастга қараб режали раҳбарлик қилиш, ривожланишда сарф-харажатдан иборат бўлган ёндашув, республикаларда ишлаб чиқаришнинг бир соҳага ихтисослашиб, иқтисодий мажбурият даражасига кўтарилиши халқ хўжалигининг барча тармоқларига, моддий ва номоддий ишлаб чиқаришга, ижтимоий-маданий жабҳаларга таъсир этиб, иқтисодий ўсишнинг умумий динамикасини издан чиқариб юборганди.

1981 йилда Ўзбекистон енгил саноат вазирлигига қарашли корхоналарда ишлаб чиқарилган маҳсулотларнинг нархи 22 млн. рублга ортса-да, бу маҳсулотлар савдо ташкилотларига келиб тушгач, сифати жиҳатидан паст бўлганлиги сабабли кўп ҳолларда нархи арзонлаштирилган ҳолда сотиларди. Ўша йили савдо вазирлигига қарашли ташкилотларнинг 2,9 фоизда давлат белгилаган нархлар пасайтирилди. Шу боис, республикада халқ истеъмол молларини ишлаб чиқарадиган минтақаларнинг имтиёзи устун келар, энг зарур кундалик

эҳтиёж молларини ҳам четдан олиб келтириш мазкур даврнинг хусусиятларидан бирига айланган эди.

Четдан келтириладиган истеъмол маҳсулотлари республика эҳтиёжларининг 50 фоизига тенг эди. 1983 йилда ана шундай маҳсулотлар ичида олий навли маҳсулотлар фақат 9,5 фоизни ташкил этди. Бу кўрсаткич мамлакатда 15,7 фоизни ташкил этар эди. 1988 йилга келиб эса Ўзбекистонга Удмуртия ва Татаристондан 300 мингга болта, Горькийдан 10 мингга паншаха, Свердловскдан ўроқ, чалғи, қўй юнгини қирқадиган қайчи олиб келинди. Почта қутилари Бошқирдистондан, сабзаёт солинадиган саватлар узоқ Хабаровскдан, пластмасса воронкалар Архангельскдан келтирилди.

Бундай ҳолатларда аҳоли моддий, маънавий эҳтиёжлари тўлиқ қондирилмас эди. Агар республикада 1988 йилда аҳоли жон бошига тўғри келадиган истеъмол моллари обороти 768 рублни ташкил этган бўлса, бу кўрсаткич мамлакат бўйича 1282 рублни, Туркменистонда 860 рублни. Қирғизистонда 879 рублни, Арманистонда 1035 рублни, Қозоғистонда 1071 рублни, Грузияда 1163 рублни, Молдовада 1172 рублни, Украинада 1213 рублни, Белоруссияда 1414 рублни, Литвада 1609 рублни, Латвияда 1851 рублни, Эстонияда эса энг юқори 1965 рублни ташкил этарди.

Белгиланган ишларни дарҳол бажариш, белгиланган вақтда топшириш амалда тўлиқ бажарилмас эди, қўшимча қоғозбозлик кучайиб, берилган топшириқлар ўз вақтида корхоналарга етиб келмас эди. Масалан, 1959 йилда Фарғона водийси енгил саноат корхоналарига келган ҳужжатлар 8.585 тани ташкил этса, бошқармадан чиқаётган ҳужжатлар сони ҳам шунчани ташкил этар эди. Бу ҳужжатлар ҳам ўз вақтида белгиланган ерга етиб бормас ёки рўйхатхонада ойлаб қолиб кетар эди. Шу муносабат билан Ўзбекистон ССР Халқ хўжалиги кенгаши қоғозбозликни йўқотиш, қабул қилинган ҳужжатларга нисбатан ходимларнинг масъулиятини ошириш, буйруқларнинг бажарилишини текширувчи доимий комиссиялар тузиш ҳақида фармон чиқарди. Унга кўра, М.М.Мўминов, Е.С.Трофимук, П.Цойлардан иборат комис-

сия ташкил этилиб, халқ хўжалиги советларида, хусусан, Фарғона вилояти халқ хўжалигига қарашли енгил саноат бошқармаси ва озиқ-овқат саноати бошқармаси ҳам текшириладиган бўлди. Текширув давомида юқорида таъкидланган кўплаб хатолар учраган, ҳатто телефонда ёки учрашув асосида тезда ҳал этилиши лозим бўлган вазифалар ҳам ўз вақтида бажарилмасдан қолиб кетаверганлиги аниқланган.

2. 50-80-йилларда Ўзбекистондаги маданий ҳаёт. Мафкуравий чеклашлар

70 йилдан зиёд давом этган мустабид совет тузуми ва Коммунистик партия якка ҳукмронлиги даврида ўзбек халқининг миллий урф-одатлар ва анъаналарга қаттиқ зарба берилди. КПСС мафкуравий сиёсатининг СССР халқлари маънавиятига салбий таъсири натижасида жамиятда маданий-ахлоқий муҳит заифлашди, маънавий қашшоқлик совет жамиятини инқирозга етакловчи кучга айланди. Бу ҳолат охир-оқибатда миллий тилларнинг жамият ҳаётидаги мавқеини пасайишига, узоқ йиллар давомида шаклланиб келган кадриятлар, урф-одатлар, анъаналарни «ўтмишнинг зарарли сарқити» сифатида таърифлашга, маънавиятнинг узвий қисми бўлган динни «хурофот ва бидъат» деб талқин қилинишига ва шу асосда миллатларни қарамлик ҳолатида сақлаб туришга асос бўлди. Бу ўз навбатида «ягона маданият» барпо этишга қаратилган давлат сиёсатининг асосий йўналишларидан эди.

Табийки, СССР да истиқомат қилган турли халқ ва элатларнинг маданияти шакл жиҳатидан ҳар хил эди. Шубҳасиз, ҳар бир халқнинг забардаст маданият арбоблари — атоқли олимлари, ёзувчилари, рассомлари, бастакорлари каби ўзига хос жиҳатлари кўпдир. Улар ўз навбатида жаҳон фани ва маданиятига муносиб ҳисса қўшиб келганлар. Гарчи, бу ютуқларнинг аксарияти социалистик руҳ бериб турувчи байналмилал маданият бўлса-да, унинг кўп жиҳатлари юқори савияга мутлақ жавоб берар эди.

Таъкидлаш жоизки, совет турмуш тарзининг ажралмас қисми бўлган совет қонунлари ўз андозасига мос анъана

ва урф-одатларни фаол тарғиб этиши оқибатида умумсовет маросимлари ва байрамлари анъана тусига айлана бора бошлади. Ўзбекистон аҳолисининг 60 фоиздан кўпи асосан қишлоқ жойларида истиқомат қилганлиги боис, қишлоқ аҳолиси учун ўйлаб топилган мафкуравий характерга эга байрамлар ташкил этилди. Ўзбекистон ССР Олий Совети Президиумининг 1956 йилги қарорига биноан пахта теримини бошлашдан аввал, яъни август ойининг оқирги якшанба кунлари «Қурултой», «Уруғ қадаш маросими», «Ёшларни пахтакорлар сафига тантанали қабул қилиш», «Биринчи гул байрами», «Илк маош», «Қизил карвон» («Биринчи оқ олтин карвони»), «Пахта байрами» («Ҳосил байрами») каби тадбирлар нишонладиган бўлди.

Қишлоқларга «Комсомолча тўйлар» кириб келди. Янгича тўйлар деб талқин қилинган тўй маросимлари ҳам маҳалларда тузилган тўй комиссиялари иштирокида ўтказиларди. Бундай комиссиялар республиканинг бир қанча вилоятларида тузилди. Мазкур комиссиялар томонидан урф-одатга айланиб кетган «Эшик очди», «Тугун қайтарди», «Ҳордиқ», «Идиш қайтди», «Фотиҳа тўйи», «Ҳорманг» маросимлари, «Тўй берди», «Куёв чақирди», «Маъзар еди», «Ота кўрди» каби расм-русумларга барҳам бериш чора-тадбирлари кўрилди.

Масалан, Наманган вилоятининг шаҳар ва қишлоқларида ҳам янгича тўйларни ўтказиш бўйича комиссиялар ташкил этилган бўлиб, бу комиссияларнинг кенгаши ва семинарлари клубларда, «Бахт уйларида» мунтазам ўтказиб туриларди. Уларда «Тўй ўтказиш тартиби», «Тўй дастурхони», «Меҳмон кутиш», «Тўй маблағи», «Тўйларимиз — ўйларимиз» каби мавзуларда маърузалар ва суҳбатлар ўтказиларди. Шу ҳол аҳоли орасида «комсомолча» тўйларнинг кўпайиб боришига ҳам сабаб бўлаётган эди.

1970 йилда Ўзбекистон ССР Компартияси МК қошида меҳнаткашлар турмушига янги урф-одат ва маросимларни ташвиқот қилиш совети ташкил этилди. Совет янгича урф-одатларни жорий қилиш бўйича партия, совет, касаба уюшмаси комсомол ташкилотлари республикада олиб борган

ишларни назорат қилди. Шунингдек, республикадаги барча илмий ва ижодий кучларни янги урф-одатларни ишлаб чиқаришга, байрам дастурларини, урф-одат, қўшиқ ва рақсларни яратишга сафарбар этиш ҳам мазкур совет вазифасига кирган. Одамлар турмуш тарзи ва онгида ўзгаришлар олиб келиши лозим бўлган байрамларнинг характерининг ўзгартирилиши умумий қонуният даражасига кўтарила бошлади ва бундай сунъий байрамлар кўпайди. Масалан, умумхалқ байрамлари: Улуғ Октябрь инқилоби, Меҳнаткашлар бирдамлиги куни, СССР Конституцияси куни, В.И.Ленин туғилган куни, Совет Армияси ва Ҳарбий денгиз флоти куни, Ғалаба куни мафкуравий характерга эга бўлса, «Касб байрамлари», «Илк маош», «Тантанали пенсияга кузатиш», «Ўроқ ва болға» каби тантаналар ўйлаб чиқарилган байрамлар сафидан ўрин олган эди. Шунинг ҳам алоҳида таъкидлаш лозимки, жаҳон миқёсида нишонланадиган Янги йил, кўпчилик давлатларда ҳақли равишда тан олинган 9 май — Ғалаба байрами ҳамда халқаро 8 март — Хотин-қизлар куни ҳам умуминсоний характерга молик бўлган байрамлар сифатида нишонланиб келинди.

Бир неча минг йиллик тарихга эга бўлган, узок йиллар давомида нишонлаб келинган «Наврўз» байрами ҳам айнан мана шу йилларда таъқибга учради. Тарихдан маълумки, «Наврўз» байрами деҳқонлар учун янги меҳнат йили бошланганини билдирар, бу байрам анъанага мувофиқ, баҳорда кун ва тун тенглашганида нишонланар эди. «Наврўз» байрами асрлар давомида кишиларда она ерга, табиатга муҳаббат туйғусини уйғотган, кишиларни бир-бирига нисбатан меҳр-мурувватли ва оқибатли бўлишига чорлаган. Бироқ XX асрнинг 80-йиллари ўрталарида «Наврўз» байрамини Ўзбекистонда умумхалқ байрами сифатида нишонлаш масаласида пайдо бўлган тўсиқлар қаттиқ тортишувларга ҳам сабаб бўлди. «Наврўз» байрамига қарши ҳаракатлар ҳам миллий маданиятни қоралаш ва чеклашга қаратилган тадбирларнинг бири эди. Ўзбекистон ССР Компартия 16-пленими (1984 йил) дан сўнг юзага келган вазият И.Усмонхўжаев ва Р.Абдуллаеванинг «мафкуравий бўшлиқни» юзага келтирмаслик бо-

расидаги саъй-ҳаракатлари натижасида, 1986 йил баҳорида «Наврӯз» байрами бекор этилди. Келиб чиқиши асли зардуштийлик динига бориб тақаладиган, ислом динига алоқаси бўлмаган ушбу байрамга «диний» дея тамға қўйилди.

1985-1986 йилларда республика оммавий ахборот воситалари ҳам бу байрамни ўз саҳифаларида ёритмади. Гарчи, «Наврӯз» байрами совет ҳукумати томонидан эътиборга лойиқ дея ҳеч қачон рағбатлантирилмаган бўлса-да, лекин совет ҳокимиятининг барча даврларида бу байрам халқ орасида яшаб, анъанавий тарзда ҳам нишонланиб келинган эди.

Дастлаб бу байрам апрель ойининг ўрталаридан сунъий ўйлаб топилган «Навбаҳор» номли байрам билан алмаштирилди. Бироқ бундай байрамларнинг таъқиқлаб қўйилиши халқ норозилигига сабаб бўла бошлаганлиги учун миллий анъаналар, маросимлар ва байрамларни қайта тиклаш жиддий масалага айланди. «Навбаҳор» деб аталган янги байрам ҳам узоқ яшай олмади.

Шу ўринда таъкидлаш лозимки, «Наврӯз» байрамини таъқиқлаш ҳақида республикада аниқ, бир қарор қабул қилинмаса-да, лекин республика раҳбарияти турли йиғинларда бу байрам ва унинг «зарарли» томонлари ҳақида маъруза қилиб, янги маданиятни шакллантиришда асосий тўсиқ, деб таърифлаб келдилар.

XX асрнинг 80-йиллари, шунингдек, Ўзбекистонда динга ва диний қадриятларга қарши янги ҳаракатлар бўлганлиги билан ҳам характерланади. Бу йилларда мамлакатда диний идораларни қаттиқ назорат остига олиш, уларнинг сонини камайтириш ва фаолиятини доимо назорат остида олиб туриш кучайди. Ўзбекистон Республикаси Президенти И.Каримов диннинг маънавий, ижтимоий, тарихий илдизлари, инсон камолотидаги ўрни ва аҳамияти устида тўхталиб, мустақил тараққиётимизнинг илк босқичларидаёқ қуйидаги теран фикрларни айтган эди: «Ислом инсон покланиши, руҳий қудрат олиши, қалбан уйғониши манбаидир. Шу пайтгача бизга дин афюндир, деб келишди. Диндорлар қувви қилиндилар. Ота-онасига жаноза ўқиганлар жазога тортил

дилар. Хуллас, не ҳунарлар кўрсатмасинлар, ислом яшашдан тўхтамади. Нега? Чунки у бизнинг онгимиз, шууримиз, ҳаётимиз, борлигимиздир. Бугун ана шу дин орқали вужудимизга мусаффолик, дилимизга иншооллоҳ поклик кириб келмоқда. Ахлоқ-одоб, маърифат яна хонадонларимиз файзига, одамлар хислатига айланишида исломнинг ўрни бе-ниҳоя бўлмоқда».

Ўтмиш ва маънавиятга бўлган салбий муносабат муста-бид совет тузумининг динга бўлган муносабатида яққол ўз аксини топди. Бу ҳолни, жумладан, Иккинчи жаҳон урушидан кейин Ўзбекистон мисолида ҳам кўриш мумкин. Иккинчи жаҳон уруши даврида стратегик мақсадларга кўра динга вақтинчалик «ён бериш» сиёсати, уруш тугагандан кейин тез орада коммунистик мафкура асосидаги давлатнинг у билан «ҳамжиҳат» бўлиши мақсадга мувофиқ эмаслиги яна бир қарра намоён бўлди.

1944 йил 20 майдаги СССР ХКС нинг 919-қарори ижроси сифатида ташкил этилган Ўзкомпартия ҳузуридаги диний ишлар кенгаши вакилиги республикадаги барча диний муассаса ва ташкилотлар фаолияти устидан назорат ўрнатган эди. СССР ХКС нинг 1944 йил 19 ноябрдаги «Диндорларнинг ибодатхоналарини очиш тартиби тўғрисида»ги қарорида «Диний ишлар бўйича кенгаш вакили рўйхатга олган ибодатхона очилган деб ҳисобланади», дея таъкидланган. Кенгаш руҳсатсиз ишланаётган ёки махфий бўлган масжидлар ноқонуний деб топилган ва ёпилган.

XX асрнинг 50-йилларидан бошлаб совет ҳукуматининг динга нисбатан муносабатида янада кескинлик юзага келди. 1950 йилдан Москвада партия топшириғи билан В.Д. Бонч-Бруевич муҳаррирлиги остида «Дин тарихи ва атеизм масалалари» даврий нашри чоп этила бошланди. Кейинчалик ушбу нашрнинг 12 жилдлик тўплами ҳам чоп этилди. Жойларда диннинг «зарарли» томонларини турли жиҳатдан тадқиқ этиш, унга қарши тарғибот-ташвиқот ишлари ҳар томонлама авж олдирила бошланди. Совет давлати ва коммунистик партия ўз мафкуравий қарашларини мустаҳкам-

лашда динга қарши атеистик тарғибот ва ташвиқотни муҳим омил деб ҳисобларди. Шу боис ҳам КПСС МК нинг 1954 йил 7 июлда қабул қилган «Илмий-атеистик тарғибот соҳасидаги катта камчиликлар ва уларни яхшилаш чора-тадбирлари» ва 1954 йил 10 ноябрда қабул қилинган «Аҳоли ўртасида илмий-атеистик тарғибот олиб боришдаги хатолар ва камчиликлар тўғрисида»ги қарор ва совет давлатининг динга нисбатан муносабати ўзгармаслигини кўрсатиб, амалда унга қарши янги кураш палласи бошланганини намоён этди.

Ушбу қарорларда атеистик тарғиботни кучайтириш, унинг амалий воситаларидан фойдаланиш, «Наука и религия» журналинини нашр этиш, динга қарши атеистик адабиётлар туркумини чоп қилиш, таълим муассасаларида ўқитиш жараёнинини атеистик мазмун билан бойитиш, комсомол ва касабаяюшмаларини мазкур ишга кенг жалб этиш ва бошқа масалалар кенг ўрин олган эди. Республика миқёсида ҳам шу масалаларни амалга ошириш борасида тегишли чора-тадбирлар амалга оширила бошланди. Тегишли диний ибодатхона масканлари — масжид, черков, синагогалар устидан кучли назорат ўрнатилди. Қадамжолар сони камайтирила бошланди, рухсатсиз очилган ибодатхона масканларни тугатилди. Диний муассаса маблағлари ўрганиб чиқила бошланди. Барча диний байрам ва маросимлар Ўрта Осиё ва Қозоғистон мусулмонлари диний бошқармаси рухсати билангина ўтказилиши белгилаб қўйилди. Бу борада ўзбошимчилик қатъий қораланиб, бунинг учун тегишли диний арбобларга солиқ ва уларни маъмурий жазога тортиш белгилаб қўйилди.

КПСС МК нинг 1960 йил 13 январда қабул қилинган шу асосда Ўзкомпартия МК томонидан 4 февралда қабул қилинган «Рухонийлар томонидан қонунчиликнинг бузилиши олдини олиш тўғрисида»ги қарори кейинги давр совет диний сиёсати стратегиясини белгилаб берди. Тегиши борада «Илмий атеизм асослари» курси олий ўқув юрталарида дастурига киритилди.

Ўша даврда республикада 74 та муқаддас қадамжолар бўлган бўлса, уларнинг фаолияти доимо партия ташкилотлари ва

маъмурий идоралар диққат-эътиборида бўлиб келди. Ҳайит байрамлари яқинлашиши билан бу муқаддас қадамжолар тегишли давлат органлари томонидан назорат остига олинарди. Маҳаллий советлар қошидаги комиссиялар ҳам бу жойлардаги вазиятни мутгасил кузатиб турган. Улар диний байрамлар яқинлашиб келиши билан муқадас жойларга сиғинишнинг зарарли оқибатлари хусусида турли маърузалар ўқиганлар, ташвиқот ишлари олиб борганлар, байрам яқинлашгани сари бирдан уларни таъмир учун ёпиб қўйиш ҳоллари содир бўлган. Комиссиялар иштирокида бу жойларда турли атеистик бурчаклар совет давлати «доҳий»ларининг ҳаётини ёритувчи музейлар ҳам ташкил этилган эди.

Масалан, биргина Сурхондарё вилоятининг ўзида тадқиқ этилаётган йиллари 647 та «ёш тарихчи», «ёш атеист», «ёш маърузачи» тўғараклари фаолият олиб борди. Таъмирланиб, ён-атрофи ободонлаштирилган баъзи ёдгорликларга турли муассаса ва идоралар жойлаштирилди. Маҳаллий аҳолининг маданияти, маънавиятини юксалтиришда хизмат қилиши мумкин бўлган обидаларнинг аксариятига «эскилик сарқити» сифатида қаралди ва асосан хўжалик эҳтиёжлари мақсадларида фойдаланилди.

Мустабид маъмурият сиқуви остида тарихий обидаларнинг аҳамиятини пасайтириш, камситиш учун улардан миллий эътиқод ва руҳиятга ёт бўлган марксча-ленинча ғояларни тарғиб этишда фойдаланиш мақсадида чойхона, дўкон, меҳмонхона сифатида ҳам фойдаланилди. Масалан, 1978 йил Хивада ўзбек киноси асосчиси Х.Девоннов яшаган ва ижод қилган уйни музейга айлантириш тўғрисида буйруқ чиққан бўлиб, бу буйруқ тўлиқ бажарилмай, уйнинг бир қисми хўжалик омбори вазифасини ўтаб келган. Хивадаги Муҳаммад Аминхон мадрасаси меҳмонхонага айлантирилган. Оллоқулихон қарвонсаройида савдо-сотик ишларини амалга ошириш учун савдо расталари ишга туширилган.

1979 йилда пахта экиладиган майдонларни кенгайтириш баҳонаси билан Иштихон туманидаги Алпомиш тепанинг бир қисми, 1980 йилда ободонлаштириш ишлари баҳонаси

билан Эски Термиз шаҳарчасидаги XI-XIII асрларга оид бўлган меъморий ёдгорликлар бузиб ташланди. Ўзбекистон ССР Прокуратураси ўтказган текширувлар ҳам бу ишларда жиддий хатоларга йўл қўйилганини, кўплаб тарихий ёдгорликлар ҳароб аҳволга тушиб қолгани ва қаровсизлик оқибатида йўқ бўлиб кетиш арафасида эканлигини кўрсатган.

Шу ўринда таъкидлаш лозимки, совет ҳукуматида тил масаласи ҳукмрон партия дастурларида ўз аксини топган бўлиб, «ягона совет халқи» юзага келиши хусусида концепция илгари сурилган эди. Анжуманларда белгиланган вазифаларга кўра, рус тилини мактабларда ўқитишни кучайтириш, «рус тили — иккинчи она тили» деган шиорлар илгари сурилганди, «миллатлар ва элатларнинг улуғ тарихий бахти, бутун жаҳон диққатини ўзига тортган рус тили умумий фикр алмашиш воситасига айланганди», рус тили «бутуниттифоқ тили» сифатида СССР халқларини бирлаштирувчи кучга айлантирилди.

XX асрнинг 50-60-йилларидан бошлаб ўзбек тили давлат идораларида, йиғилиш ва мажлисларда деярли муомаладан чиқирилди. Олий ва ўрта махсус ўқув юртларида эса унинг роли тушиб кетди. Ўзбек тилида чоп этиладиган дарсликлар, ўзбек ва совет адабиёти намояндалари, ҳатто Навоий асарларининг нусхаси тобора камайиб борди. Турли муассаса ва корхоналарда кўпинча ерлик аҳоли аксарият кўпчилиқни ташкил этгани ҳолда турли доирадаги йиғилиш ва мажлислар фақат рус тилида ўтказиладиган бўлди. Миллий кадрларнинг маълум қисми эса баъзи сабабларга кўра, она тилида ёзиш ва сўзлашни унутмадилар.

Ўзбек тилига бўлган эътиборсизлик шу даражага бориб етган эдики, ҳатто Маданият институти ва Театр рассомчилик институтидаги ўзбек тили кафедралари ҳам тугатилиб, баъзи олий ўқув юртларидаги ўзбек тили кафедралари «Ўзбек тили кафедраси» деб аталмасдан «Тиллар кафедраси» деб юритила бошланди. Маҳаллий зиёлиларни бирлаштирувчи ижод уюшмаларида ҳам иш асосан рус тилида олиб борилар эди. Ўзбек тилида китоблар чоп этиш мушкул аҳволга тушиб қолди. Республика фанининг маркази бўлган

Ўзбекистон ССР Фанлар Академиясида ҳам илмий асарлар рус тилида чоп этилди. Масалан, Ўзбекистон ССР Фанлар Академияси Тарих институтида тайёрланган илмий асарларнинг 80 фоизи рус тилида, 16 фоизи хорижий тилларда, атиги 4 фоизи ўзбек тилида нашр этилди.

Бундай мафкуравий тақиқ асида таълим муассасаларида бошланган эди. Шу ўринда таъкидлаш лозимки, рус терминологияси мукамал ишланган, собиқ СССР да миллатлараро фикр алмашиш воситаси учун қулай эди. Лекин йиллар давомида «ривожланган социализм» ғоясини ўқувчилар онгига сингдириш воситаси ҳисобланган рус тили ва адабиётига имконият кенг эди. Масалан, ўзбек тилида таълим берадиган мактабларнинг ҳар бир синфига рус тили ва адабиётини ўрганиш учун 3390 соат ажратгани ҳолда, рус тилида ўқитиладиган мактаблар учун ўзбек тили ва адабиётини ўрганишга атиги 560 соат ёки қарийб 6 барабар соат кам вақт берилганди. Ҳатто 1988 йилга келиб, республикада рус ва бошқа миллат вакилларининг ўзбек тили ўқув китобига, русча-ўзбекча, ўзбекча-русча луғатларга бўлган талаблари ҳам қондира олмади.

Албатта, маданий қурилишнинг совет вариантыдаги салбий ҳодисалар ўзанида намоён бўлган 20-50-йилларнинг ютуқлари орасида таълим даражасининг сезиларли даражада кўтарилгани, кенг тармоқ отган мактаблар, ўрта махсус ва олий ўқув юртлари тизимининг яратилишини, мутахассисларнинг катта авлоди шаклланганлигини таъкидлаш лозим. Масалан, 1959 йилдаги аҳолини рўйхатга олиш натижаларига кўра, республиканинг 9 ёшдан 49 ёшгача бўлган аҳолиси орасида саводхонлар 98,1 фоизга етди.

Таълим инфратузилмасининг анча кенгайиши мутахассис кадрларнинг тез кўпайишига ёрдам берди. Республикада мавжуд бўлган бир неча олий ўқув юртлари Ўзбекистон ССР халқ хўжалиги учун хизмат қиладиган мутахассисларни ҳам етиштириб берди.

Масалан, 1988 йилда фақат Тошкент шаҳрининг ўзида 19 та олий ўқув юрти бўлган бўлса, унда 162,9 минг нафар тала-

ба таҳсил олди. Лекин «коммунизмга интилиш»да синфийлик, партиявийлик руҳидаги тарбия мактаблардаги миллийликни сиқиб чиқарди, олий таълим тизимида масъулиятсиз, ташаббуссиз, лоқайд, «ўртамиёна» мутахассислар тайёрлаш механизми юзага келди.

Республикада мавжуд олий ва ўрта махсус ўқув юртра-рида ҳар йили ўрта ҳисобда юз мингдан ортиқ мутахассис тайёрланган. 1984 йилга келиб, Ўзбекистонда 1 миллион 300 минг нафар олий ва ўрта махсус маълумотли мутахассислар бўлган ҳолда, 5-6 йил ўқиб олий маълумот олган кадрларнинг анчагина қисми ўзлари мутахассис бўлган соҳаларда ишламади. Сиртқи ўқув тизимида чуқур билимга интилишдан кўра диплом олиш учун ҳаракатлар кучайиб кетди. Масалан, 1982 йил Ўзбекистон ССР Халқ Назорат Қўмитаси ва Ўзбекистон ССР Прокуратураси ўтказган текширувлардан маълум бўлишича, Қашқадарё вилоятидаги 251 та ҳунар-техника билим юртини битириб чиққан 117 нафар мутахассис вилоятнинг Чирокчи туманидаги Москва совхозини ва Оҳунбобоев номи колхозларига юборилган. Лекин уларнинг атиги 6 нафари ўз соҳаси бўйича ишлаган, 73 нафари бўлса тайинланган жойига келмаган.

Бундай аҳвол саноат шаҳарларида ҳам мавжуд бўлган. Ўзбекистон ССР енгил саноатининг ўзида дастгоҳлар ва машиналарга хизмат кўрсатишнинг тармоқдаги нормаларини ўзлаштириш шаҳарлардаги йирик комбинатларникига нисбатан кўп куч талаб қилган ҳолда, бу соҳада ҳам мастер ёрдамчилари, электриклар, сантехниклар етишмаган. Коммунистик мафкура ўз ҳукмронлигини таъминлаб боришида маданият ҳам айниқса муҳим эди. Ҳукмрон мафкура маҳаллий маънавий-маданий мероснинг тарбиявий аҳамиятини эътиборга олмас эди. Давлат томонидан қабул қилинган қатор қарор ва режалар ҳам вазиятни тушунмай, реал имкониятларни ҳисобга олмаган ҳолда қабул қилинганлиги учун ўзбек маънавий маданиятида амалга оширилган ишлар ҳам ўзига хос йўналишдан борди ва маданият соҳалари сиёсийлашган маданий йўлга мослашди.

Айни пайтда таълимда, маданиятда коммунистик ғоялар устунлик қилиб, умумсовет маданиятининг меъёр ва мезонларининг кенг тарғиб этилгани билан бу даврда ўзбек маданияти ривожига фақат таназулар ва тушкунликлардан иборат бўлди деб эътироф этиш ҳам ҳақиқатга тўғри келмайди. Маданият ва санъат арбоблари ижодидаги ўзгаришлар жамиятда юз бераётган ўзгаришлар билан биргаликда давом этди. Театр, рассомчилик, қўшиқчилик, хусусан, миллий қўшиқчилик, айниқса, мақом йўлларида ижод қилишда кўплаб истеъдодли хонандалар етишиб чиқди. Ўша йилларда адабиёт майдонига кириб келган иқтидорли ижодкорлар асарларида нисбатан эркин фикрловчи, ютуқ ва камчиликларни кўрсатиб беришга интилиш кучайди. Хусусан, А.Мухторнинг «Илдишлар», П.Қодировнинг «Олмос камар», Ў.Умарбековнинг «Бўрибосар», Ш.Холмирзаевнинг «Табассум», «Кимсасиз ҳовли», М.Муҳаммадўстнинг «Истеъфо», Т.Муроднинг «Ойдинда юрган одамлар» каби асарларида қисман бўлса-да, давр мафқурасидан холи бўлишга, жамиятдаги баъзи камчиликларни очиб ташлашга, кадриятлар қирраларини кўрсатишга ҳаракат қилинди.

Ғ.Ғуломнинг «Қорадарё» романи XX асрнинг 80-йиллари ўрталарига келиб, жамиятдаги юзага қалқиб чиққан турли салбий ҳолатларни Кампирравот дарасидаги улкан сув иншооти қурилиши мисолида кўрсатиб берди. Мазкур асар ўша йилларда совет мафқураси билан боғланган, Ўзбекистон Компартияси XVI пленумидан сўнг юзага келган вазият билан боғлиқ, деб таҳлил этилган бўлса-да, лекин кишилар аста-секин содир бўлаётган ўзгаришлар ҳаётга янгича қараш, жамиятни инсон омили деган тушунчалар билан биринчи навбатда туриши лозимлигини англаб келаётганлигидан далолат берар эди.

Таҳлил этилаётган йилларда Э.Эшмухамедов ва кинодраматург О.Агишевнинг «Даҳонинг ёшлиги» фильми СССР Давлат мукофотиغا сазовор бўлди. К.Камаловнинг «Аччиқ данак» фильми халқаро кинофестивалда соврин билан тақдирланди. Д.Садимовнинг «Ленинградликлар жигарбандла-

рим менинг», А.Қобуловнинг «Бўйсунмас», Р.Ботировнинг «Лейтенант Некрасовнинг хатоси», М.Абзаловнинг «Суюнчи», «Келинлар қўзғолони», А.Ҳамроевнинг «Водийлик келин», Л.Файзиевнинг ҳинд киночилари билан ҳамкорликда яратган «Алибобо ва қирқ қароқчи» ва «Севги афсонаси» каби фильмлари суратга олинди. Бироқ ошкоралик йиллари (1985 йили) ҳам маданиятни ривожлантиришдаги бу ҳаракатларни янада кенгроқ олиб бориш ўрнига студиянинг режасини бажариш орқасидан қувиш ҳолатлари юқори эди. Масалан, СССР Кинематография Давлат Комитетининг Ўрта Осиё бўйича муҳаррири И.Раздорский ва А.Медведевлар ўзбек халқининг бой маданий турмушини, қолаверса, ички дунёсини тушунмаган ҳолда марказий студиялар қабул қилмаган ўртамеъна ва бўш сценарийларни «Ўзбекфильм»га мунтазам жўнатиб турдилар. Натижада, Н.Рожков, Л.Макаров, Б.Сааков, Л.Галиев, Я.Филиппов каби бир қатор кинодраматургларнинг маҳаллий халқ маънавияти ва қадриятларига ёт бўлган жўн сценарийларига кенг ўрин берилди.

1980 йилларга келиб, Ўзбекистоннинг мамлакат ижтимоий-иқтисодий ҳаётидаги салбий вазиятда партия кўрсатмаларига тўла амал қилмаганликда зиёдилар ҳам айблана бошланди. Улардан совет турмуш тарзини улуғловчи асарлар талаб этилиб, ижодий уюшмалар фаолияти эса қаттиқ мафкуравий назорат остига олинди. Бундай ёндашув Ўзбекистон Компартияси Марказий Қўмитасининг 1986 йил октябрда бўлиб ўтган учинчи пленумида яққол намоён бўлди. Унда адабиёт, санъат ва тарихни сохталаштириш, миллий тарих ва маданиятни илоҳийлаштириш авж олиб кетганлиги, тарихий шахсларга баҳо беришда синфий ёндашув, илмийлик, объективлик тамойилларига эътибор берилмаётганлиги кескин танқид остига олинди. Айниқса, воқеа-ҳодисаларга баҳо беришда мафкуравий манфаатларнинг инкор этилаётганлигига урғу берилди.

1986 йил 10 ноябрда Ўзбекистон ССР Фанлар Академиясининг йиғилиши бўлиб ўтди. Йиғилишда Ўзбекистон Компартияси мафкуравий ишлар бўйича котиби Р.Ҳ.Абдулла-

еванинг маърузаси тингланди. Р.Ҳ.Абдуллаева республикада юзага келган салбий иллатлар, жумладан, қўшиб ёзиш, давлатни алдаш, порахўрлик, кадрларни танлашдаги маҳаллийчилик ва ошна-оғайнигарчилик республиканинг аввалги раҳбарияти томонидан йўл қўйилган камчиликлар эканлигини алоҳида таъкидлаб, бунда мафкуравий ишлар тўғри йўлга қўйилмаганлиги, зиёлиларнинг фаолияти партия талаблари асосида олиб борилмаганлигини алоҳида таъкидлаб ўтди.

Йиғилишда пахта саноати, қўриқ ерларни ўзлаштириш, республикада юзага келган демографик жараёнлар, миллий муносабатлардаги муаммоларни ҳал этишда, ривожланишнинг ўзига хос бўлган йўналишларида Ўзбекистон ССР ФА олимларининг аниқ таклиф ва мулоҳазалари йўқлиги алоҳида таъкидлаб ўтилди. Шунингдек, Ўзбекистон Компартияси МК котиби ёшлар таълим-тарбиясида мафкуравий жараёнларнинг етарли эмаслигини кўрсатган ҳолда, Амир Темур, Бобур Мирзо шахсига берилган ижобий таърифларга ўзгартиришлар киритилмагани ва бу ўтмишни улуғлаш ҳолатларига олиб келаётгани, республика олимлари бу ҳолатларнинг олдини олиш учун ҳеч қандай чоралар қўрмагани алоҳида таъкидлаб ўтди.

Умуман, кишилар онгини шакллантириш, миллий, диний анъаналар ва қадриятларга муносабат масаласи жамият тараққиётидаги инсон омили ролини белгилаб берувчи асосий шартлардан бири бўлиб келганлиги учун собиқ совет давлатининг сўнгги ўн йиллигида эътиқодларга муносабат масаласи жуда чуқурлашиб кетди. Айнан мана шу йиллардаги ҳаракатларни кишиларнинг онги ва турмуш тарзидаги ўтмиш «сарқитларига» қарши курашиш, «реакцион» деб аталмиш урф-одатлар, маросимларга амал қилишга барҳам бериш, байналмилал тарбияни кенг кўламда амалга ошириш халқимизнинг мустаҳкамланиб келаётган миллий онгига зарба бериш учун ҳаракат сифатида изоҳласа бўлади. Чунки халқнинг онги, эътиқодига, турмуш тарзига чуқур сингиб бораётган диний мерос ва қадриятларга қарши кураш ҳам ўша йилларда олиб борилаётган мафкуравий-тарбиявий ишларнинг асосий йўналиши бўлиб қолди.

3. Урушдан кейинги йилларда Ўзбекистоннинг иқтисодий ва ижтимоий-сиёсий ҳаёти

Урушдан кейинги йилларда Ўзбекистон халқ хўжалигининг тинч қурилишга ўтиши мураккаб халқаро вазиятда кечди. Уруш даврида умумий душман — фашизмга қарши кураш антифашист давлатлар ва халқларни бирлаштирган бўлса, уруш тугагандан кейин бу иттифоқдаги давлатлар орасида ажралиш юз берди ва икки ўртада совуқ урушлар муносабати бошланиб кетди.

Урушдан сўнг фашизм устидан қозонилган ғалабага катта ҳисса қўшган Ўзбекистон халқлари олдида ҳарбийлашган халқ хўжалигини тинч қурилиш йўлига солиш, уни урушдан олдинги даражага етказиш ва ривожлантириш каби мураккаб вазифалар турарди.

Уруш давридаги ҳарбий-иқтисодий ҳамкорлик тажрибаси урушдан кейинги вайрон бўлган иқтисодиётни тиклаш ва ривожлантиришда ҳам ғарб давлатлари билан ҳамкорлик қилиш зарурлигини кўрсатди. Лекин ҳаддан ташқари мафкуралашган совет бошқарув тизими республикаларни хорижий мамлакатлардан «темир қўрғон» билан ажратиб, мамлакатни ортиқча қийинчиликлар ва қурбонликларга маҳкум этди. Собиқ Иттифоқ бошқа мамлакатлардаги тикланишнинг илғор тажрибаларидан, чет эл сармояларидан фойдаланишни истамади. Ўзбекистон Республикаси Президенти И.Каримов Иккинчи жаҳон урушида вайрон бўлган Европа, Япония, Жанубий Корея мамлакатлари биринчи навбатда, албатта, «ўз кучига таяниб, ўз имкониятларига суяниб юксак тараққиёт даражасига кўтарилди», — дейди. Лекин уларнинг бу ютуқларида четдан келган сармоялар ҳам катта ўрин эгаллаган. Америка Қўшма Штатларида қабул қилинган «Маршалл плани» асосида ажратилган тахминан 50 млрд. доллар Европа мамлакатларининг иқтисодини ўнглаб, ҳаёт даражасини кўтаришда, илғор технологияларни жорий этишда ҳал қилувчи куч бўлди. Совет давлатининг ғоят мафкуралашган иқтисодий сиёсати эса яққаланиб қолди ва бу халқимизнинг бошига ортиқча кулфат олиб келди.

Ўзбекистон урушдан кейинги йилларда ўз халқининг арзон кучидан, бой хомашё манбаларидан чексиз равишда фойдаланишига асосланган, компартия чизиб берган беш йиллик режаларни бажаришга киришди. Бир томонлама, Марказ манфаатига бўйсундирилган Республика иқтисодиётини урушдан олдинги даражага етказиш ва янада ривожлантиришга қаратилган вазифани бажаришда ўзбек халқининг меҳнатсеварлик, сабр-тоқатлик ва тинчликсеварлик каби фазилатларидан фойдаланилди.

Иқтисодиёт олдига қўйилган энг муҳим вазифалар Ўзбекистон ССР Олий Кенгашининг 1946 йил августида қақирилган 8-сессиясида қабул қилинган 1946-1950 йилларга мўлжалланган режада белгиланди. Бунга кўра, халқ хўжалигининг барча соҳаларига 3 млрд. 900 млн. сўм капитал маблағ ажратилди. Саноатни ривожлантириш ишлари республика иқтисодиётининг етакчи соҳаси пахтачиликни ривожлантиришга қаратилди. Электр қуввати ишлаб чиқаришга алоҳида эътибор берилди. 5 йилда 8 та йирик ва ўрта ҳажмдаги электростанциялар, шу жумладан, 300 000 кв. соат кучга эга бўлган Фарҳод сув электр станцияси ишга туширилди. Бу станция собиқ Иттифоқда учинчи ўринда бўлиб, урушгача Ўзбекистонда ишлаб чиқарилган электр қувватига тенг қувват берадиган бўлди.

Қисқа давр оралиғида, 20-30-йиллардаги «социализм қуриш» азоблари, айниқса, Иккинчи жаҳон уруши даври қийинчиликларини, машаққатларини бошдан кечирган Ўзбекистон халқи иқтисодни тиклаш ва ривожлантириш йўлида ҳам ҳормай-толмай меҳнат қилди. Беш йилда саноат маҳсулотининг ялпи ҳажми 71 фоизга кўпайди, бу урушдан олдинги даражадан 1,9 баробар кўп эди. Саноатнинг халқ хўжалигидаги салмоғи 47,7 фоизни ташкил қилган эди. Шу йилларда Фарҳод, Оққовоқ-2, Бўзсув-2 электростанциялари, жами 150 та янги саноат корхоналари ишга туширилди.

Ўзбекистоннинг келажақдаги тараққиёти режалари Иттифоқ марказида ишлаб чиқилиб, аксарият ҳолларда маҳаллий шароит, ижтимоий аҳвол ҳисобга олинмасдан иқтисодни

бир томонлама ривожлантиришга, яъни ўлкани хомашё базаси сифатида сақлаб қолишга қаратилди. Саноат, халқ хўжалигининг деярли барча тармоқлари пахтачиликни ривожлантиришга бўйсундирилди. Совет ҳукуматининг 1946 йил 2 февралдаги Ўзбекистонда пахтачиликни тиклаш ва янада ривожлантириш чоралари тўғрисидаги қарори Ўзбекистонда пахта яккаҳокимлигини кучайтириш учун асос бўлди.

Иқтисодийни тиклаш ишлари қишлоқ хўжалигида, айниқса, пахтачиликда қийинчилик билан ўтди. Ўзбекистонда пахтачиликни ривожлантириш тўғрисида совет ҳукуматининг урушдан кейин қабул қилган ижтимоий-сиёсий ва иқтисодий жиҳатдан асосланмаган ўнлаб қарорлари изчилик билан амалга оширилмади, шунинг учун ҳам кутилган натижаларни бермади. 1947-1948 йилларда пахта тайёрлашнинг давлат режаси бажарилмади. 1949 йилдан бошлаб аҳвол бирмунча ўзгарди. 1950 йили 2 млн. 222 минг тонна пахта етказиб берилди, ҳосилдорлик гектаридан 20,7 центнерга етди. 1950 йилдан пахтанинг харид нархи оширилиб, 1 тоннасига 2200 сўм, яъни аввалгидан икки барабар кўп ҳақ тўланди. Лекин деҳқончиликнинг бошқа соҳаларида экин майдонининг қисқартирилганлиги оқибатида ғалла ва сабзавот тайёрлашда урушдан олдинги даражага етмади.

Иқтисодни режали равишда ривожлантириш билан бир қаторда, баъзи ижтимоий масалаларга ҳам эътибор қилинди. Жумладан, иш ҳақи оширилди, ҳарбий солиқ, карточка тизими бекор қилинди. Пул ислоҳоти ўтказилди, қисқартирилган иш соати жорий этилди, кундалик истеъмол маҳсулотларининг нархи арзонлаштирилди. Бу тадбирлар пулнинг харид қувватини ошириш имконини туғдирди. Лекин шунга қарамаздан, нарх-наво ҳали анча юқори эди. 1950 йили Ўзбекистонда озиқ-овқат маҳсулотлари 1940 йилга нисбатан деярлик икки баробар қиммат эди.

Кенг истеъмол молларини ишлаб чиқариш тобора камайди. Улар асосан четдан келтириладиган бўлди, натижада, республика аҳолисининг енгил саноат, озиқ-овқат молларига эҳтиёжи кучайди.

Республика аҳолисининг учдан икки қисмини ташкил қилган қишлоқ аҳолисининг моддий аҳволи ачинарли эди. Уларнинг ойлик даромади ўртача 20 сўмни ташкил қилган ҳолда, бу кўрсаткич ишчиларда 64 сўм эди. Ваҳоланки, урушдан кейинги хўжаликни тиклаш ва ривожлантиришнинг асосий оғирлиги қишлоқ меҳнаткашлари зиммасига тушди. Ўзининг боғ ва мевалари билан машҳур бўлган Ўзбекистон аҳолиси ҳаддан ташқари кўп олинадиган солиқ туфайли боғларидан воз кечди. Чорвадорлар шу сабабга кўра мол боқиб фойда кўрмади. Аҳвол шу даражага етдики, аҳолининг шахсий моллари солиқ ҳисобига давлат ва жамоа хўжаликлари фойдасига олинди. Сотишдан бош тортганлар жинорий жавобгарликка тортилди. Оқибатда шахсий хўжаликларда чорва молларининг сони кескин камайди. Бундай зўравонликлар уруш оқибатлари, вақтинчалик, ўткинчи ҳолат деб тушунтирилди.

50-60-йилларда кўриқ ва бўз ерларни ўзлаштиришга ва шу асосда пахта ва ғалла етиштиришни кўпайтириш чоралари кўрилди. Ўзбекистонда уч йил ичида (1953—1955 йй.) 130 минг гектар янги ерлар ўзлаштирилди. 1956 йили Мирзачўлнинг ўзида суғориладиган майдон 205 минг гектарга етди.

Шу йилларда Марказий Фарғонани ўзлаштириш муносабати билан Катта Фарғона канали қайта таъмирланди. Тошкент вилоятида Оҳангарон сув омборининг 2-навбати, Юқори Чирчиқ сув тармоғи, Бухоро вилоятида Қуйимозор сув омбори, Сирдарё вилоятидаги Жанубий Мирзачўл магистрал канали қурилиб фойдаланишга топширилди. 1960 йили республикада суғориладиган ер майдони 2.571 минг гектарга етди.

Пахтачиликни ривожлантириш учун минерал ўғитлардан фойдаланишга катта эътибор қаратилди. Республикада 1951 йилда 900 минг тонна минерал ўғит ишлатилган бўлса, 1980 йилда унинг миқдори 5 млн. тоннадан ошиб кетди. Ғўза баргларини тўкиш ва зараркунандаларга қарши курашда ишлатилган ўта захарли химикатлар (бутифос, меркаптафос ва б.)дан ҳаддан ташқари кенг миқёсда фойдаланиш, аҳоли соғлиғига кескин ёмон таъсир қилди.

Дунё бўйича пестицидлар ҳар бир кишига 300 гр. дан, АҚШ да 800 гр. дан тўғри келган бўлса, республиканинг пахта экиладиган ҳудудларида ҳар бир кишига 1989 йил 25-45 кг. дан тўғри келади. Республика бўйича бўлса, бу кўрсаткич ҳар бир кишига ўртача 7-8 кг. ни ташкил этди.

Пахта хомашёси етиштириш 1946-1985 йилларда 5,5 ба-равар кўпайди, пахта экиладиган майдонлар 1 млн. гектардан ортди. 1966-1986 йиллар мобайнида Ўзбекистон қишлоқ хўжалигига 45 млрд. сўм маблағ ажратилган бўлиб, шундан 17,1 млрд. сўми суғориш тармоқларига сарфланди. Шу даврда 1,5 млн. гектар ер ўзлаштирилди. Ўзлаштирилган ерларда янги 160 та совхоз ташкил этилган бўлиб, 20 йил давомида бу ерларда 10,4 млн. тонна пахта хомашёси етиштирилди.

Қишлоқ хўжалигининг экстенсив йўлдан ривожлантирилиши, мустабид тузумнинг суғориш технологиясига қўпол аралашуви оғир экологик ва бошқа турли нохуш ижтимоий оқибатларни келтириб чиқарди.

1985 йилга келиб, республикада 900 та суғориш тармоғи 92 минг гидротехник қурилмалар, 10 млрд м³ ҳажмда сув тўплайдиган 23 та сув омбори мавжуд эди. 70-80-йилларда сувнинг табиий мувозанатининг бузилиши ер, сув, ҳаттоки ҳавонинг заҳарланишига олиб келди.

Мавжуд сув захираси имкониятларидан ортиқ ерларнинг ўзлаштирилиши, тоғ ён бағирларига экин экилиши, ўрмонларнинг шафқатсизлик билан кесилиши, дарё ва кўл сувларининг ифлосланиши ҳайвонот оламида ҳалокатли ўзгаришларни юзага келтирди. Орол денгизи яқин ўтмишда дунёдаги энг катта кўллардан ҳисобланиб, балиқчилик, овчилик, транспорт соҳаси яхши йўлга қўйилган эди. Бироқ бир авлод умри давомида бир денгиз қуриди. Бир мустабид тузум раҳбариятининг республикадаги пахта якка ҳокимлиги сиёсати, маъмурий буйруқбозликка асосланган иқтисодиёт, Орол атрофида фавқулодда ҳалокатли экологик хатарни келтириб чиқарди.

Орол денгизининг қуриши 1960—1970 йилларда йилига 18 см, 1971—1980 йилларда 53 см, 1981—1985 йилларда 78 см, 1985 йилга келиб эса 87 см. га етди. 1961 йилдан 1991 йилгача

денгиз ҳажми 3 барабар қисқарди, денгиз ўз қирғоғидан 75-80 км, баъзи жойларда 100 км. га чекинди. 1980 йилларнинг бошида Орол денгизига сув келиши деярли бутунлай тўхтаб, нодир сув макони қурий бошлади. Бу ерларда 2 млн. гектар туз ва қумдан иборат майдон очилиб қолди.

Саноат ва қишлоқ хўжалигидаги юзаки ислоҳотлар халқнинг турмуш аҳволида деярли ўзгариш ясамади. Айниқса, собиқ Иттифоқдагина эмас, балки меҳнат шароити энг оғир бўлган ўзбек пахтакорларининг турмуш даражаси, айниқса, ачинарли аҳволда бўлди.

Ўзбекистонда озиқ-овқат маҳсулотларини истеъмол қилиш «социализм узил-кесил ғалаба қилган» даврда аҳолининг жон бошига ҳисоблаганда қуйидагича эди: гўшт 29 кг, сут 150 литр, тухум 78 дона, қанд-шакар 21,2 кг, картошка 28, сабзавот ва полиз маҳсулотлари 66 килограмдан тўғри келди. Бу миқдор умумиттифоқ даражасидан анча паст эди. Қишлоқ аҳолисининг истеъмол даражаси бу ўрта ҳисобдан кўра яна ҳам ачинарли эди.

Пахта яккаҳокимлигининг кучайиши қишлоқ хўжалигининг бошқа соҳаларини қоқоқликка олиб келди, ғалла, чорвачилик маҳсулотлари, мева-сабзавотга аҳолининг талаби қондирилмади. Бунинг устига томорқага нисбатан нотўғри сиёсат олиб борилди. 50-йилларнинг бошларида республика раҳбарларининг ташаббуси билан суғориладиган ерларда томорқа ҳажми 25 сотихдан 13 сотихга туширилди. Бу кўрсаткич жойлардаги раҳбарларнинг ўзбошимчалиги билан 10 сотихгача, Фарғона, Тошкент вилоятларида эса ҳатто 6-8 сотихгача камайиб кетди. Бу ҳолат республика қишлоқ аҳолисининг турмуш даражасини ғоят оғир даражада тушириб қўйди.

1990 йил бошига келиб республикада 9 млн. ёки республика аҳолисининг 45 фоизи жон бошига ҳисоблаганда ойига 75 сўмдан камроқ даромадга эга эди. Бу эса кун кечириниш учун зарур бўлган энг паст даражадагидан ҳам камдир. 80-йилларда кундалик ҳаётда ҳаммага керак бўлган мебель гарнитурини, музлаткич, сифатли чангюткич ва бошқаларни топиш муаммога айланиб қолди.

50-йилларда саноат ва қурилиш, ижтимоий ишлаб чиқаришдаги тарқоқликнинг республика иқтисодининг комплекс ривожланишига тўсқинлиги янада кучайди. Республиканинг саноат ва қурилиш ишлари учун ҳуқуқи ва масъулияти чекланганлиги сабабли, 1953 йили республика ихтиёридаги корхоналар жами саноат маҳсулотларининг 31 фоизини ишлаб чиқарган бўлса, иттифоққа бўйсунган корхоналарга 69 фоизи тўғри келди. 1956 йилда эса саноат маҳсулотларининг салмоғи 55 фоизга кўтарилди.

Ишлаб чиқариш кучларини жойлаштиришда хатоларга ҳам йўл қўйилди. Хусусан, Тошкент ва Тошкент вилоятида йирик саноат корхоналари қурилиб, саноат ишлаб чиқариш жойлаштиришда номутаносибликни келтириб чиқарди. 1955 йил декабрда Ўзбекистон Компартиясининг биринчи котиби лавозимига аввал Вазирлар Кенгашининг раиси вазифасида ишлаган Нуриддин Муҳиддинов сайланди. Шу даврдаги республика ижтимоий-иқтисодий, маданий ҳаётидаги кўплаб ижобий ўзгаришларда Н.Муҳиддиновнинг шахсий ҳиссаси юқори даражада бўлди. Унинг ташаббуси билан Марказ қарамоғидаги юзлаб саноат корхоналари республика ихтиёрига ўтказилди. 1960 йилларда Ўзбекистон саноатида бир қанча ўзгаришлар юз берди. 1959-65- йилларда 450 дан зиёд саноат корхоналари (шундан 150 йирик) ва цехлар ишга туширилди. Тошкент (биринчи навбати) Навоий, Тахиатош иссиқлик электростанциялари, Газли газ кони шулар жумласидандир.

1953 йили Сеталонтепа, 1955 йилда Жарқоқ, 1956 йилда Газли нефть конларининг очилиши натижасида газ саноатининг моддий базаси яратилди. 1958-1960 йилларда Жарқоқ-Бухоро-Самарқанд-Тошкент магистрал газ қузури қурилиши билан республика саноат корхоналари, шаҳар ва айрим қишлоқларни газлаштириш бошланди.

Республика аҳолисининг аксарият кўпчилиги табиий газга муҳтожлигини қондириш ва бутун иқтисодий ишлаб чиқаришни газлаштириш асосида қайта қуриш мумкин бўлган шароитда четга табиий газни олиб кетиш авж олди. Ўзбекистон табиий газни собиқ иттифоқнинг Европа қисми, Урал,

Қозоғистон, Тожикистон, Болтиқ бўйи республикалари ва бошқа минтақаларга узлуксиз жўнатиб турилди. Ваҳоланки, табиий газ етиштириш республикада йилдан-йилга ортиб борди. Масалан, 1960 йилда 447 млн. м³ ҳажмда табиий газ олинган бўлса, 1970 йилга келиб, бу миқдор 32 млрд. м³ ни ташкил қилди.

Рангли металлургия саноати соҳасида Оҳангарон, Олмалик ҳавзаси ва Зарафшон тизма тоғлар конлари ўзлаштирилди.

Машинасозликнинг қишлоқ хўжалигига ихтисослашган соҳаси 1959-1965 йилларда 1952-1958 йилларга нисбатан кескин ошиб кетди.

Собиқ СССР нинг 50-60-йилларда фан-техника соҳасидаги эришган ютуқларида Ўзбекистоннинг қўшган ҳиссаси катта бўлди. Маҳаллий аҳолининг машаққатли меҳнати ҳисобига етиштирилган қимматбаҳо маҳсулотлари совет мамлакатининг иқтисодий ва ҳарбий куч қудратини оширишга бўйсундирилди. Урушдан аввалги йилларда ҳам, Фарғона водийсида ураннинг бир неча манбалари очилган бўлиб, урушдан кейин барча уран конлари Иттифоқ ихтиёрига ўтказилган эди. 1948 йил январидан Ўрта Осиёдаги уран қидириш ташкилотлари ягона Красногорский экспедициясига бирлашди. 1951 йил ана шу «10-корхона» деб ном олган ташкилот базасида Краснохолм экспедицияси тузилиб, Иттифоқ геология вазирлигига бўйсундирилди. Қизилқумда 50-60-йилларда жами 27 комплекс уран конлари очилди. Навоий, Учқудуқ, Зарафшон, Зафаробод, Нуробод шаҳарларида бир неча юз километрни ташкил этган темир йўл, автомобиль йўллари қурилди.

Урушдан кейинги қийин шароитда транспорт қурилишига алоҳида эътибор берилди. Амударёнинг чап қирғоқлари бўйлаб 400 км масофага Чоржўй—Урганч темир йўли қурилди. Бу билан Ашхобод, Самарқанд, Душанбе, Тошкент ва бошқа шаҳарлардан товар, йўловчи поездлари Россия орқали Европа мамлакатларига йўл олди.

1966—1970 йилларда саноатда жадаллаштириш, маълум иқтисодий ўзгаришлар натижасида янги (олтин, уран, нефть

ишлаб чиқарувчи) соҳалар ривожланди. Республикада кимё толаси, органик синтез маҳсулотлари ишлаб чиқариш йўлга қўйилди.

70-йиллардан бошлаб йилдан-йилга саноат ва қишлоқ хўжалик режалари бажарилмай қолди.

60-йиллар иккинчи ярмида амалга оширилган маълум даражадаги иқтисодий ўзгаришлар 70-йиллар бошига келиб самарасиз чиппакка чиқа бошлади. Иқтисодиётни қатъий тарзда марказлаштириш, талаб ва эҳтиёжни ҳисобга олмаслик, режали иқтисодиётда сифат эмас сон кетидан қувиш, ривожланишнинг экстенсив услубидан кетиш, жаҳонда 50-60-йиллардаёқ рўй берган илм-фан техника инқилоби натижаларини совет иқтисодиётига татбиқ этмаслик, иқтисодий соҳада ҳам «партиявийлик» тамойилининг устуворлиги ва бошқалар унга сабаб бўлган эди.

70-80-йилларнинг биринчи ярмида халқ хўжалигини ишчи кадрларга бўлган талаби илмий асосланган тарзда ўрганилмади. Натижада, кадрлар тайёрлашни режалаштиришда жиддий хатоликларга йўл қўйилди, баъзи соҳаларда керагидан ортиқ ишчи кадрлар тайёрланди, бошқа соҳаларда, айниқса техника тараққиётини белгилайдиган тармоқларда маҳаллий миллат вакилларида ишчи кадрлар танқислиги сезилиб қолди.

Иккинчи жаҳон уруши Ўзбекистон аҳолисининг сони ва таркиби, республика иқтисодий тараққиётига даражада салбий таъсир кўрсатди. 1971 йилдан 1985 йилга қадар Ўзбекистон халқ хўжалигида ишчи ва хизматчилар сони 2641,5 мингдан 4833,5 минг нафарга кўпайди. Бироқ бу ўсиш сунъий равишда, яъни республикамизга ташқаридан кўплаб кишиларни кўчириб келтириш ҳисобига рўй берди.

Аҳоли таркибида ишчилар сони анчагина ўсганига қарамай, республикамиз бу кўрсаткич бўйича собиқ Иттифоқ республикалари ичида 1979 йилги маълумотга кўра, 13 ўринда турар эди. Ўзбекистон ишчилар синфининг миллий салмоғи жиҳатидан орқада қолмоқда эди. Масалан, ўзбеклар 1973—1983 йилларда саноатда 51,1 фоизни, қурилишда 46,5

фоизни, транспортда 38,6 алоқа соҳасида-40,6 фоизни, кимё ва нефть кимёсида 24,9 фоизни ташкил қилар эди.

Тошкент шаҳрида 1985—1986 йилларда меҳнат ресурслари ортиқчалиги 200 минг киши бўлишига қарамай, республикага ташқаридан 125 мингга яқин ишчи ва мутахассислар жалб қилинди.

Шу билан бирга, ишлаб чиқаришда банд бўлмаган аҳоли сони ортиб борди. Уларнинг сони 1983 йилда 836 минг нафарни ташкил қилди.

Саноатнинг замонавий тармоқларида «Ўзбек халқи гўё ишлашга қодир эмаслиги» ва шу муносабат билан кўп ёшлар ишсиз юрганлиги ҳақида асоссиз, турли мулоҳазалар кенг тарқалди. Дарҳақиқат, республикамизда 80-йиллар охирида бир млн. га яқин ишсизлар бор эди. Бироқ бунинг боиси уларнинг ишлаш иштиёқи йўқлигидан эмас, балки юқорида таъкидланганидек, асосан марказнинг махсус йўналтирилган сиёсати туфайли ва қолаверса баъзи маҳаллий мутасадди раҳбарлар томонидан ишлаб чиқариш ва меҳнатни ташкил этишнинг замонавий усуллари яхши йўлга қўйилмаганлиги, уларнинг иш жойлари, турар жой, болалар боғчалари, ҳунар-техника билим юртлари билан таъминлаш имконини етарлича ярата олмаганидандир. Ўн йиллар давомида маҳаллий ёшлар орасидан ишчи кадрлар тайёрлаш билан астойдил шуғулланиш ўрнига миллий ғурури топталган ҳолда Россия ва Украинадан тайёр кадрлар келтириш сиёсатини маъқул кўрдилар.

Республика иқтисодиётининг аҳволи, жамиятни бошқариш усулларини қайта кўриб чиқишни, уларни янги шароитга мослаштиришни талаб қилса ҳам Ўзбекистон коммунистик партияси, унинг қўмиталари, уруш даврининг иш тажрибасини давом эттириб, марказда ва жойларда ҳокимиятни ўз қўлида маҳкам ушлаб, маъмурий буйруқбозлик тизимини яна ҳам кучайтирди.

Урушдан кейинги йиллари компартия ва ҳукумат раҳбарлигига назарий жиҳатдан кам тайёрланган, иш тажрибаси етарли бўлмаган ходимлар келди. Давлат бошқарув тизимида

маҳаллий халқ вакиллари фақат 47 фоизни ташкил қилди. Партияга қабул қилишда юзаки, тўраларча ёндашув натижасида қабул қилинганларнинг кўпчилигини ишчи ва деҳқонлар ташкил қилиб, илғор зиёлилар, малакали мутахассислар раҳбарлик ишларидан четлаштирилди. Ўзбекистон ССР Олий ва маҳаллий кенгашларига сайловлар юзакилашиб, олдиндан тузилган рўйхат ва режа асосида депутатликка номзодлар кўрсатилди. Сайловчиларнинг 99,9 фоизи овоз беришда қатнашиб, «яқдиллик» билан коммунистларнинг вакилларига овоз берди. Бу қанчалик ҳақиқатга тўғри келади, тушуниш қийин эмас. Советлар фаолиятида юзакилик, қоғозбозлик кучайди. Олий Советнинг, айниқса, маҳаллий советларнинг сессиялари вақтида чақирилмасдан ундаги масалалар кўпинча муҳокама қилинмай ёки ҳурфикрликсиз қабул қилинарди. Сайланган советлар вазифасини унинг ижроия қўмиталари бажарадиган бўлди. Советларга депутат бўлиб сайланганларнинг аксарият қисми жамият тараққиётининг қонунларидан хабарсиз, умуман ҳокимиятни бошқариш масалалари билан қизиқмайдиган шахслар эди. Айниқса, Олий Советларга сайланган депутатлар рус тилида олиб борилган сессия мажлисларида республика манфаатларини ҳимоя қиладиган даражада фаолият кўрсата олмасди. Партия ва жамоат ташкилотларининг олий органларига аъзо бўлиб сайланганлар, бу ташкилотларнинг анжуманларига делегат бўлиб борганлар орасида ҳам ўз вазифаларини тушунмайдиган, тушунса ҳам уни рўёбга чиқаришни билмайдиганлар, лоқайдлар кўпчиликни ташкил қилар эди. Бундай депутатлар ва делегатлар ичида афсуски, республикамиз номига доғ туширганлар ҳам оз бўлмади.

Республика Олий Советининг I чақириқ депутатларидан 158 депутат, II чақириқ депутатларидан эса 167 нафари қайта сайланган. Булар партия, маъмурий хўжалик ходимлари, жамоа хўжалиги раислари бўлган. Бундан кўринадики, маъмурий буйруқбозлик тизими даврида депутатлик номенклатура ходимларига имтиёз бўлиб хизмат қилган. Йиллар ўтиши билан бундай депутатлар ишга тўғаноқ бўла бошладилар.

Партия, совет ходимларининг саводхонлик даражасини кўтаришга қанчалик уринишмасин, депутатлар орасида ўрта ва тўлиқсиз ўрта маълумотлилар сони салмоқди эдики, бу республика Олий Кенгаши фаолиятига салбий таъсир кўрсатди. Баъзи депутатлар ўрта маълумот билан Олий Кенгашнинг доимий қўмиталари аъзоси ҳам бўлди.

30-йилларнинг иккинчи ярмидан 1959 йилгача Советларга Марказдан келган раҳбар партия ва совет ходимларини сайлаш йўлга қўйилди. IV чақириқ Олий Кенгашнинг 294 депутатидан 16 таси марказ вакиллари эди. Бундай иш юритиш 70-йиллардан қайтадан йўлга қўйилди.

Урушдан кейинги йилларда дунё халқлари ўртасида тинчлик ва ҳамкорликни мустаҳкамлашга Ўзбекистон ҳам ўз ҳиссасини қўшди, унинг хорижий мамлакатлар билан савдо ва маданий алоқалари кенгайди. 1958 йили Ўзбекистон дунёнинг 32 мамлакатига саноат ва қишлоқ хўжалик маҳсулотларини чиқарган бўлса, 1970 йилга келиб, 76 мамлакат билан савдо алоқаларини ўрнатди. Чет давлатларга маҳсулот чиқаришда Ўзбекистон собиқ Иттифоқда РСФСР ва Украинадан кейинги учинчи ўринда турди. Қоракўл тери ва пахта толасидан бошлаб, машинасозлик маҳсулотларининг 250 тури тўрт қитъанинг кўплаб мамлакатларига чиқарилди. Афсуски, бу маҳсулотлар Ўзбекистон номидан эмас «СССР да ишланган» деган тамға билан дунёга танилди.

Андижон машинасозлик заводининг маҳсулотлари 44 мамлакатга, Тошкент кабель заводининг маҳсулоти 27, Чирчиқ электрохимкомбинати 20, Самарқанддаги «Кинап» заводи 30 мамлакатга ўз маҳсулотини чиқарди. Кўп йиллар давомида пахта ташқи бозорга чиқарилган асосий маҳсулот бўлиб, 1953 йилдан бошлаб Ўзбекистон пахтаси Америка Қўшма Штатлари, Мексика, Сурия каби пахта етиштирувчи мамлакатларнинг рақобатини енгиб йирик капиталистик давлатлар бозорига чиқди ва жами 35 давлатнинг бозорини эгаллади.

1960—1970 йиллари Ўзбекистон Осиё, Африка ва Латин Америкаси мамлакатлари учун минглаб олий ва ўрта маъ-

лумотли мутахассислар ва малакали ишчи кадрлар тайёрлаб берди. 1961 йили Тошкент Давлат университети қошида чет эликлар учун тайёрлов бўлими очилди. Ўзбекистоннинг минглаб мутахассислари мустақилликка эришган кўпгина мамлакатларнинг иқтисодиётини ривожлантиришга ўз ҳиссаларини қўшди. Ўзбекистонлик машинасозлар, пахтакорлар, сув хўжалиги иншоотлари ва ипакчилик мутахассислари кўп мамлакатларда ўзларининг бой тажрибаларини ташвиқот қилдилар. Мисрдаги Асвон ва Хелвон сув иншоотлари, Афғонистондаги Жалолобод канали ва Кубадаги санот қурилмаларида Ўзбекистон мутахассислари ҳам иштирок қилдилар.

«Феодализмдан социализмга сакраб ўтиш» мумкинлиги тўғрисидаги марксистик таълимотни Ўзбекистон мисолида исботлаш мақсадида, Осиё ва Африка давлатлари учун социализмнинг тажриба мактаби сифатида унинг хорижий мамлакатлар билан иқтисодий ва маданий алоқалари кенгайтирилди, делегациялар алмашиш борасида ишлар жонлантирилди.

1947 – 1955 йиллари дунёнинг 46 мамлакатидан, шу жумладан, илғор тараққий этган давлатлардан 180 делегация Ўзбекистонга ташриф буюрди. Ана шу даврда собиқ Иттифоқ делегациялари таркибида 200 дан ортиқ ўзбекистонлик хорижий мамлакатларда бўлиб қайтди. Бундан ташқари, санъат ва адабиёт ходимлари ўртасида делегациялар алмашилди. Бу тадбирлар натижасида бизнинг ўлкада «казарма социализми» ўрнатилгани ҳам ошқора бўлди.

Америка Қўшма Штатлари Олий судининг аъзоси Уильям Дуглас Ўзбекистонда бўлиб қайтгандан кейин «Лук» журналида Ўрта Осиё республикаларидаги ҳаётда Франциянинг мустамлакачилик тамғаси кўриняпти, — деб ёзади. Маҳаллий матбуотда бунга тухмат деб қаралади.

Ўзбекистон халқаро биродарлашган шаҳарлар уюшмасига аъзо бўлди. Тошкент Покистоннинг Карочи, Ливиянинг Триполи, Ҳиндистоннинг Патнала, АҚШ нинг Сизтл, Марокашнинг Марокаш, Югославиянинг Скопле шаҳарлари

миятининг шаҳарлар қуришдаги асосий хусусияти аҳолиси 100 минг кишидан иборат бўлган кичик ва ўрта шаҳарларга эътибор қаратилганидир.

1970 йилга келиб, шаҳарларнинг 90 фоизини кичик ва ўрта шаҳарлар ташкил этган. XX асрнинг 50-йилларида Мирзачўл ўзлаштирилиб, Янгиер шаҳрига, Қизилқум чўлида эса Навоий шаҳрига асос солинди. 50-йилларда вужудга келган шаҳарлар асосан халқ хўжалигида ишлаб чиқарувчи кучларнинг ҳудудий ва тармоқ соҳаларидаги таркибий ўзгаришларни ҳисобга олган ҳолда бунёд этилди. Республикада шу йилларда вужудга келган шаҳарлар сони 10 тага кўпайди.

Мирзачўл ҳудудида маъмурий марказ — Гулистон шаҳри 1959 йилда вужудга келди. 1963 йилда Сирдарё вилояти ташкил этилиши билан қайта ташкил топган Гулистон саноат корхоналари қишлоқ хўжалик маҳсулотларини қайта ишлаб чиқаришга ихтисослашган. Шаҳарда пахта тозалаш, ёғ-экстракция, сут заводлари ва бошқа қишлоқ хўжалик маҳсулотларини қайта ишловчи завод ва фабрикалар ишга туширилди, Шунингдек, Сирдарё вилоятида Ширин ва Бахт шаҳарларига асос солинди.

Ўзбекистонда XX асрнинг иккинчи ярмидан кейинги йилларда бунёд этилган шаҳарлар совет ҳокимияти саноатлаштириш сиёсатининг узвий давоми бўлди. 1939—1959 йиллар аҳолини рўйхатга олиш оралиғида 54 та шаҳар ва шаҳарчалар вужудга келганлиги аниқланган. Шаҳар типидagi шаҳарчалар сони 1939 йилгача бўлган даврда 110 тани, 1959 йилгача бўлган даврда эса уч барабар кўпроқни ташкил қилди. 1959—1969 йиллар оралиғида таркиб топган шаҳарлар саноатлаштириш жараёнида вужудга келган. Ўзбекистонда 1970 йилдаги аҳолини рўйхатга олиш якунига асосан катта шаҳарларнинг ўсганлиги кўринади. Уларнинг умумий сони 5 тадан 8 тага кўтарилди. Тошкентдан (1385 минг) ташқари Самарқандда (267 минг), Андижон (188 минг), Қўқон (133 минг), Бухоро (112 минг), Фарғона (110 минг), Чирчиқ (107 минг) кўп аҳолига эга шаҳарлар вужудга келди. Ўзбекистонда шаҳарлар сони 70 йилларда 1,5 барабарга кўтарилди, 50 та янги шаҳар вужудга келди.

Мазкур шаҳарлар ташкил этилиб, Ўзбекистонда шаҳарлашиш жараёнини кучайтирган бўлса-да, лекин улардаги ишлаб чиқариш марказ манфаатларига бўйсундирилган эди. Республиканинг аграр минтақа бўлганлиги ҳам бу шаҳарлар атрофида янги ерларнинг ўзлаштирилишига замин ҳозирлар ва бу ерда, асосан, пахтачиликнинг устаси бўлган туб аҳоли вакиллари жойлашган эдилар.

Маълумки, Ўзбекистон иттифоқдош республикалар орасида демографик жараёнлар тез суръатлар билан ўсиб бораётган республикалар қаторига кирар, бу аҳвол миллий сиёсатга ҳам жиддий таъсир этар эди. Ўзбекистон Республикаси Президенти И.А.Каримов таъкидлаганидек, «Россия империяси, сўнгра эса совет давлатининг аниқ мақсадга қаратилган миграция сиёсати Марказий Осиё минтақаси аҳолисининг полиэтник таркиби янада хилма-хил бўлишига олиб келди». 1989 йилда ўтказилган бутуниттифоқ аҳоли рўйхати маълумотларига кўра, Ўзбекистон ССР да 120 дан ортиқ миллат вакиллари истиқомат қилган. Республика аҳолиси 1979 йилда СССР аҳолисининг 5,9 фоизини, 1989 йилда эса 6,9 фоизини ташкил этган. Шу йиллар ичида РСФСР, Украина, Белоруссия аҳолиси ўрта ҳисобда бир фоиздан камайган. Республика аҳолиси ичида нисбатан кўпчиликни ташкил этувчи миллатларнинг салмоғи эса қуйидагича бўлган:

Миллат	1979 йилда	1989 йилда	1979 йилда	1989 йилда
Ўзбек	50,0	50,0	50,0	50,0
Ўзбекистонлик	1,0	1,0	1,0	1,0
Рус	1,0	1,0	1,0	1,0
Украин	1,0	1,0	1,0	1,0
Белорус	1,0	1,0	1,0	1,0
Қазақ	1,0	1,0	1,0	1,0
Қирғиз	1,0	1,0	1,0	1,0
Тоҷик	1,0	1,0	1,0	1,0
Дигар миллатлар	1,0	1,0	1,0	1,0

Ўзбекистон ССР нинг миллий таркиби.
(1979-1989 йй.)

Миллатлар	1979		1989		1989 йилда 1979 йилга нисбатан % ўзгариши
	сони	%	сони	%	
Ўзбеклар	10569007	68,7	14142475	71,4	133,8
Руслар	1665658	10,0	1653478	8,3	99,2
Қорақал- поқлар	297788	1,9	411878	2,1	136,3
Тожиклар	594627	3,9	933560	4,7	157,0
Қозоқлар	620136	4,0	808227	4,1	130,3
Украинлар	113826	0,7	153197	0,8	134,6
Туркманлар	92285	0,6	121576	0,6	131,7
Қирғизлар	142182	0,9	174907	0,9	123,0
Крим татар- лари	117569	0,8	188772	1,0	160,5
Корейслар	163062	1,1	183140	0,9	112,3
Турклар	46726	0,3	106302	0,5	210,0
Уйғурлар	24104	0,2	35762	0,2	122,3
Озарбай- жонлар	59779	0,4	44410	0,2	74,3
Арманлар	42374	0,3	50537	0,3	119,3
Яҳудийлар	73920	0,6	65493	0,3	88,6

Алоҳида таъкидлаш лозимки, аҳоли сонининг ўсишига ўзбек хонадонларидаги урф-одат, анъаналар, ўзбек халқининг болажонлик ва кўп фарзандлик хусусиятлари ҳам таъсир кўрсатган. Шунингдек, турмуш тарзлари анча уйғунлашиб кетган байналмилал оилалар сони ҳам нисбатан кўпайган. Маҳаллий миллат йигитларининг Россия, Украина, Беларуссия, Татаристон ва бошқа ўлкаларга бориб ҳарбий хизматдан оилали бўлиб келишлари ҳам бу жараёнга таъсир этган эди. 1989 йилги аҳоли рўйхати маълумотларида кўрсатилишича, турли миллат вакилларига мансуб оилалар сони 1979 йилдаги 233,7 мингдан 435,1 мингга етган ёки 186,2 фоизгача кўпайган ва уларнинг салмоғи республикадаги жами оилалар миқдорида 10,9 фоиздан 12,7 фоизга етди.

Аралаш никоҳли оилалар, айниқса, шаҳарларда кўпроқ бўлган. Демограф М.Бўриеванинг маълумотларидан маълум бўлишича, бундай оилалар салмоғи Ўзбекистонда шаҳар оилаларининг 20,1 фоизини ташкил этса, қишлоқ оилаларида бу кўрсаткич 6,5 фоизни ташкил этган. Гарчи буларнинг барчаси аҳолининг миллий таркиби ўзгаришига ва асосан маҳаллий миллат вакилларининг қишлоқларда жойлашиб қолишига сабаб бўлса-да, бироқ демографик вазиятни фақат бу билан изоҳлаб бўлмайди.

Шу тариқа совет давлатининг мафкуравий мақсадларига бевосита ҳамоҳанг тарзда сохта «урбанизациялаштириш» жараёни амалга оширилган.

5. Ўзбекистонда экологик ҳолатнинг оғирлашиши.

Орол фожиаси

Ўзбекистон қишлоқ хўжалигининг кўпгина тармоқлари ҳақиқатда пахта ишлаб чиқариш ва уни қайта ишлаш билан бевосита боғлиқ эди. Республикада мамлакат ва бир қатор хориж эҳтиёжини қондирадиган даражада пахта хомашёси етиштириш бошланди. Ўзбекистон жаҳондаги йирик пахта етиштирувчи давлатлардан бирига айланди. Лекин буларнинг барчаси бутун мамлакат манфаатлари, Иттифоқнинг иқтисодий ва сиёсий қудрати ривожини учунгина эди. Пах-

та экин майдонларининг тўхтовсиз кенгайиб бориши, ҳар қандай йўл билан ҳосилдорликнинг оширишга ружу қўйиш, бошқарувнинг маъмурий-бўйруқбозлик тарзида кўр-кўрона ташкил этилиши ҳамда, иқтисодиётнинг экстенсив тарздаги чуқур кўлами республиканинг ижтимоий-иқтисодий ҳаётига чуқур салбий таъсир кўрсатди.

Республикада экин экиладиган майдонлар асосан бўз ерлардан, оддий тупроқ, баъзи жойларда эса шўрланган ерлардан иборат эди. Қадимдан маҳаллий аҳоли ерларни оқар сувлар билан суғорганида лойқа сув билан унинг таркибида ўсимликлар учун фойдали турли моддалар ҳам оқиб келган. Булар ернинг қувватини оширган, тупроқ қатлами ҳам лойқа ҳисобига ўсиб борган. Каналлар қурилиши билан улар орқали суғорилган ерларга сув омборларида обдан тинган сувлар келиши ҳам ернинг таркибини ўзгартириб юборганди.

Вақт ўтиши билан майдонлар ориқлаб, ернинг ҳосилдорлиги имкониятлари камайиб, ер эрозияси кучайди. Охир-оқибатда кўпроқ минерал ўғит солинмаса, ердан ҳосил олиш мумкин бўлмайдиган даражага келиб, тупроқдаги йўқолган моддаларнинг ўрнини минерал ўғитлар билан қоплаш зарурияти кучайди. 1984 йилга келиб, республикада 600 минг гектар ер тезда мелиоратив ишлар олиб борилишини талаб қиладиган ҳолатга тушиб қолди. Ўзбекистонда ҳар гектар ерга ишлатилаётган минерал ўғитларнинг миқдори ўрта ҳисобда 600 кг. ни ташкил этди, бу эса жаҳонда қабул қилинган нормадан 20-30 марта юқори даражада бўлди. Ҳолбуки, бу ўғитларнинг деярли 60 фоизи аксарият ўзлаштирилмай, тупроқ саҳнида қолиб кетди ва ер таркибини бузиб юборди.

Нисбатан, серҳосил ҳисобланган Фарғона ва Зарафшон водийларида шўр ювишга эҳтиёж кучайди. Шўрхок ерлар республиканинг Бухоро, Қашқадарё, Сирдарё вилоятлари ҳамда Қорақалпоғистоннинг катта қисмини ташкил этди. 1985 йилга келиб, республикада шўрланган ерлар суғориладиган майдонларнинг жами 25 фоизини ташкил этди. Ўша йилнинг ўзидагина ҳаддан ташқари шўрланиб кетганлиги

боис беш минг гектардан кўпроқ ер қишлоқ хўжалиги муомаласидан чиқариб ташланди.

Мазкур ҳолат ўсимликларнинг табиий йўл билан ўзини ҳимоя қилиш иммунитетини камайтириб, далаларда турли ҳашаротлар кўпайишига сабаб бўлди. Шу билан биргаликда қишлоқ хўжалигини, хусусан, пахтазорларни заҳарли кимёвий моддалар билан дорилашда авиациядан кенг фойдаланиш усулини қўллаш кучайди. Биргина 1980 йилнинг ўзида пахтазорларни дорилаш учун 6,03 минг тонна заҳарли моддалар ишлатилди. Пахта экиладиган майдонлар турли кимёвий моддалар билан шунчалик заҳарландики, бу ҳолат, энг аввало, аҳоли соғлиғига салбий таъсир кўрсатди. Ҳар гектар ерга солинадиган пестицидлар миқдори ҳам хавфли даражадан ошиб, тупроқ таркибидаги гумус миқдори камайиб кетди. Ғўзага ишлов бериш учун солинган бу моддаларнинг 45-50 фоизи фойдали таъсирга эга бўлгани ҳолда, қолган 50-55 фоизи ҳавога учиб, инсонларга, атроф-муҳитга салбий таъсир этди. Хўжаликлар эса режалаштирилган ҳосилни ололмади. Тупроқ таркиби зарарли тузлар, айниқса, оғир металл бирикмалар — фтор, хром, марганец, кобальт, никель, мис, рух, кадмий, симоб, кўрғошин, сурма ва бошқалар билан ифлосланиб кетди. Тупроқнинг бу йўл билан заҳарланишининг манбалари металлургия саноати чиқиндилари, баъзи бир техноген маҳсулотлар, чиқинди газлар, қишлоқ хўжалигида ишлатилаётган пестецид, гербецид ва бошқалар бўлди.

Юқоридаги ҳолатлар натижасида ҳосилдорлик камайиб борди. Масалан, 1980 йилнинг ўзида пахтанинг ҳар бир гектар еридан олинадиган ҳосил 1975 йилги даражага тушиб қолди, йиллик режага нисбатан шу йили 350-400 минг тонна кам ҳосил олинди. Агар республикада ҳар гектар суғориладиган ердан олинган даромад 1980 йилда 1.337 рублни ташкил этган бўлса, бу кўрсаткич, 1982 йилга келиб, 1.241 рублга тушиб қолди. Фақат Қашқадарё вилоятининг ўзида 1984 йилда янги ерларга 685 миллион рубль маблағ сарфлан-

ган бўлса, ҳар бир гектар ердан 15 центнер ҳосил олиниб, давлат белгиланган пахта тайёрлаш режаси фақат 55 фоизга бажарилди. Олинган ҳосил эса 1980 йилдагига нисбатан 37 минг тоннага кам бўлди.

Шуни алоҳида таъкидлаш жоизки, пахта яккаҳокимлигининг кучайиши озик-овқат маҳсулотлари, ем-хашак етиштириладиган ерларга, чорвачиликка ҳам таъсир этди. 1980-1985 йилларга оид бўлган маълумотларда кўрсатилишича, шу давр ичида Ўзбекистонда 64,3 минг бош йирик қорамоллар (республикадаги қорамолларнинг 20 фоизи), 872,1 минг бош қўй-эчки (барча майда молларнинг 3,7 фоизи), 215,1 минг бош чўчқа (мавжуд чўчқаларнинг 11,5 фоизи) заҳарланиш, касалланиш натижасида нобуд бўлган. Булардан келган зарар эса беш йил ичида 85,6 миллион рублни ташкил этди. Айни пайтда шу йилларда бундай йўқотишларнинг сабаби ветеринария ишларининг ёмон йўлга қўйилганлиги деб кўрсатилди.

Натижада, аҳоли турмуш даражаси пасайиб, генофонд бузила бошлади, болалар ўлими ва турли касалликлар тарқалиши авж олди, экологик вазият оғирлашиб, (*табиий жабҳалар — сув, ҳаво, тупроқнинг заҳарланиши*), ишсизлик, қамбағаллашиш ва бошқа ижтимоий салбий иллатларнинг юзга келиши айнан бир томонлама — пахта якка ҳокимлигига асосланган иқтисодий сиёсатнинг Ўзбекистондаги фожиали якунлари эди.

Республика агросаноат комплексини кенгайтириш партиянинг озик-овқат дастури билан боғлиқ ҳолда амалга оширилса-да, бундай катта тармоқни бошқариш ва ҳамма усулларни ишга солиш қийин эди. Иш асосан экстенсив усулда олиб борилар, режани бажаришга интилиб, бу комплекс хўжаликларда ҳар гектар ерга қилинаётган харажатларни 22 фоизга ошириб, 1980-1985 йиллар давомида агросаноат комплексига қарашли бўғинларда меҳнат унумдорлигини 11 фоизга, ҳосилдорликни 6 фоизга камайтириб юборганди. Ҳар 100 рубль сарфланган капитал маблағлардан тушган маблағ

1980 йилда 75 рубль бўлган бўлса, 1985 йилга келиб, бу кўрсаткич 54 рублга тушди. 1980 — 1985 йиллар давомида агросаноат комплексига қарашли 245,9 минг гектар янги ерлар ўзлаштирилиб, бу комплексга қарашли корхоналарда сабзавот етиштириш 2,8 фоиз, узум — 2,8 фоиз, тухум — 7 фоизни ташкил этди, иш ҳақи фақат 1,8 фоизга кўпайди.

Умуман, шу йилларда агросаноат комплексига қарашли корхоналар берилган режаларни бажармаганлиги туфайли зарар Қашқадарё вилоятида 624 миллион рубль, Бухоро вилоятида 153 миллион рубль, Жиззах вилоятида 81 миллион рублга тўғри келди. Бу комплексда сабзавот, картошка, меваларни ташиш ва сақлаш ҳамда уни қайта ишлаш ҳам қийин масалалардан бири бўлган. Республикада сабзавот ва мевалар сақланадиган омборхоналар билан хўжаликларнинг атиги 50 фоизи таъминланган эди. Омборларда санитария-гигиена ишлари орқада қолган, меваларни яхши сақлашнинг тўлиқ имкони ҳам йўқ эди. Бундай аҳволда етиштирилган маҳсулотнинг сифати тезда бузилиб, истеъмолчига етиб бориш имконини бермас эди. Ҳолбуки, бутун СССР да Ўрта Осиё ва Қозоғистон республикалари қишлоқ хўжалик маҳсулотлари етиштириш бўйича собиқ Иттифоқ республикалари орасида энг юқори ўринда турарди.

Ўзбекистон XX асрнинг 60-йилларидаёқ иттифоқдош республикалар орасида минерал ўғитлар ишлаб чиқариш бўйича учинчи ўринни эгаллаган. 80-йилларга келиб, мамлакатдаги бутун кимё корхоналарининг бешдан бир қисми Ўзбекистонда жойлаштирилди. Бу корхоналар ҳам мамлакат эҳтиёжи учун зарур бўлган маҳсулот ишлаб чиқариб, республика атроф-муҳитига тузатиб бўлмас даражада зарар келтирди. Бунинг устига, бундай корхоналар асосан аҳоли зич яшайдиган, намлик жуда тез сўрилиб кетадиган ерларда қурилди. Масалан, Қўқондаги янги кимё заводи ҳам ана шундай ерда қурилган бўлиб, бу корхонада техник тартибга риоя этилмаслиги ва ускуналарнинг аҳволи ёмонлиги оқибатида режада белгилангандан 3 марта кўп заҳарли моддалар ҳавога чиқарилди. Ўз навбатида бу заҳарлар озиқ-овқат маҳсулот-

лари ва очик сув ҳавзалари орқали аҳоли организмига ўтиб, соғлиғига салбий таъсир қилди. 1985 йилда Қўқон атрофида текширилган озиқ-овқат маҳсулотларининг 3,8 фоизда, ичимлик сувининг 4,9 фоизда, атмосфера ҳавосининг 18,8 фоизда инсон саломатлиғига зарар келтирадиган даражада кўп заҳарли кимёвий моддалар борлиги аниқланган эди.

Қишлоқ хўжалигида ҳосилдорликни ошириш мақсадида кимёвий моддалардан фойдаланиш, айниқса, 1986 йил КПСС МК нинг кўрсатмалари асосида қишлоқ хўжалигини кимёлаш кенг кўламда бошланди. Шу йиллар давомида кимёвий модда етказиб бериш икки баравар ошди ва пестицидлар, гербицидлар ва олтингугуртли дориларни сарфлаш суғориладиган ҳар гектар ер ҳисобига 11,6 кг гектарга етди. Пахта майдонларига сепилаётган заҳарли кимёвий моддалар ва дефолиантларнинг миқдори мамлакатдаги ўртача миқдордан 10-15 марта кўп бўлди ва 80 дан ортиқ тури қўлланилди. Гербицид ва пестицидлар билан заҳарланган далаларда ишлашга аёллар ҳам чиқдилар. Туғилган болаларнинг 30-40 фоизи ҳар турли касалликларга чалинди. Мева ва полиз маҳсулотлари таркибидаги пестициднинг энг кичик миқдори ҳам хавфли ўсма ҳосил қилиши ва асаб тизимини ишдан чиқариши мумкин эди.

Ўзбекистонда экологик фалокатнинг оғирлашиб бориши жуда кўплаб омилар билан боғлиқ бўлиб, саноат корхоналарида ишлатиладиган сувни тежаш ва ундан қайта фойдаланиш технологиясининг мутлақо йўқлиги ҳам шулар жумласига кирарди. Мирзачўл, Қарши, Сурхон — Шеробод даштларининг қўриқ ерларида, Марказий Фарғонада ва Амударёнинг қуйи оқимида барпо этилган янги хўжаликларда ҳам сув ва ер ости ресурсларидан фойдаланишда жиддий хатолар мавжуд эди. Комбинатлар, янги ўзлаштирилаётган ерлардан чиққан оқава сувлар қумликларга оқизилиб, янги кўллар пайдо қилар, эскилари катталашиб, чорва боқиладиган катта майдонларни босиб кетарди.

Масалан, Зарафшон шаҳридаги тоғ-кон металлургия комбинатида ҳам худди шундай аҳвол мавжуд бўлиб, сув тоза-

ламай қумларга оқизиб юборилган. Бу ерда масала фақат фойдаланилган сувларнинг ифлос бўлишида эмас, балки унинг оқибатларида ҳам эди. Комбинатдан саҳрога оқизиб юборилган ифлос сувлар Қизилқумдаги ер ости сувлари таркибини ҳам бузиб юборди, кўп ерларнинг шўрланиши ва боткоққа айланишига олиб келди.

1976 – 1985 йиллар давомида республикада 555,2 минг гектар ер шўрланиб кетган. Хоразм вилоятида шўрланмаган ерлар 1970 йилда 86 фоизни ташкил этган бўлса, 1989 йилга келиб бу майдонлар 68 фоизга тушиб қолди. Қорақалпоғистонда эса шўр босган ерлар умумий экин майдонларининг 54 фоизини ташкил этди. Ваҳоланки, бу вилоятларда ҳар гектар ерни суғориш учун сарфланган сув ўртача 36.000 м³ га етиб, бу илмий асосланган суғорув нормативдан 4 марта кўп эди. Лекин бу сувлар ҳам қумликларга оқизилди. Натижада, қумликларга, чўлларга оқизиб юборилган сувлардан ҳосил бўлган Арнасой, Айдаркўл каби қўллар Оролга ҳар йили оқиб бориши лозим бўлган 5–8 км³ сувни ушлаб қолди. Умуман, Амударё атрофларида ерлардан фойдаланиш, уларни ўзлаштиришдаги тугуруқсизликлар натижасида танг экологик вазият юзага келганди.

Бунинг оқибатида дарё атрофида ўсадиган дарахтлар, қушлар ва ҳайвонларга бошпана бўлган катта тўқайзорлар қуриб, Амударё сувлари, аниқ ўзани бўлмагани сабабли Қорақум канали орқали қумли саҳролардан ўтиб, Каспий денгизига қараб оқди. Дарёнинг тоза сувлари Келиф-Узбой ботиғини тўлдириб, шўрланиш жараёни тезлашди. Хоразм ва Қорақалпоғистонга ўтадиган сув бўлса йил сайин камайиб кетди.

Сирдарё ва Амударё атрофлари Марказий Осиё минтақасидаги асосий индустриал-аграр ҳудудлардан бири ҳисобланиб, Ўзбекистон қишлоқ хўжалиги учун Сирдарё сувидан 100 фоиз, Амударё сувидан 80 фоиз миқдорида фойдаландилар эди. Айниқса, Сирдарё атрофларида турли корхоналар, 47,9 миллион гектар ер мавжуд бўлиб, бу ерларнинг 1,5 млн. гектари Наманган, Фарғона, Андижон, Сирдарё, Тошкент ва

Жиззах вилоятларига тўғри келган. Бу ердаги корхоналардан ва экин экиладиган майдонлардан чиққан 400 миллион кубм ифлос сувлар Сирдарёга қуйилган. Республиканинг sanoat марказлари Тошкент, Бекобод, Янгийўл, Оҳангарон, Олмалик, Чирчиқ каби шаҳарларида тўпланган ифлос сувлар ҳам асосан шу дарёга қуйилган. Умумий тарзда Сирдарё сувлари нефть маҳсулотлари билан 30-60 марта, фенолам билан 6 марта, цинк билан 13 марта, симоб билан 1,2 марта кўп зарарланди.

Бунинг устига 1965-1970 йилларда республикада суғориладиган ерларнинг ҳажми 7 фоизга кўпайгач, фақат Сирдарё оқимида умумий сатҳи 1,6 минг км² ни ташкил этган сув омборлари қурилганди. Сирдарёга сувнинг кўп қисми Фарғонадаги энг серсув бўлган Сўх дарёсидан келиб қуйилган. Тоғлардаги ирмоқлардан сув олган бу дарёнинг ёз ойларида суви кўпайиб, ерларни суғориш учун имкон берган. Пахтачиликда ҳосилдорликни ошириш йўлида Сўх дарёсида сув омбори қуриш ишлари бошланиб, бунга катта маблағ, техника ҳам жалб этилган эди.

Бироқ сув омбори қуриб битирилмасидан Риштон шаҳрининг аҳоли истиқомат қиладиган жанубий томонларида ер ости сувлари кўтарилиб, ботқоқлаш ҳолатлари юз берди.

Ўрта Осиёда юзага келган экологик тангликнинг энг оғири Орол денгизи қуриб бориши, унинг атрофидаги ҳудудларда оғир ижтимоий, иқтисодий вазият юзага келиши эди. Республикада қўриқ ерларни ўзлаштириш ва суғориш, хусусан, қишлоқ хўжалигининг етакчи тармоғи бўлган пахтачиликни юксалтириш, ҳосилдорликни ошириш, биринчи навбатда, ирригация ва мелиорация ишлари билан ҳам боғлиқ эди. Бундай ҳолат, ўз навбатида, Орол денгизининг қуриб боришига ҳам таъсир этган эди. Орол денгизи сувни асосан Амударё, Сирдарёдан олган. Оролнинг суви пасаймаган вақтларда денгиз сатҳига ҳар йили 7 миллиард тонна шартли ёқилғи қувватига тенг қуёш нури тушган. Бу эса мамлакатда қазиб олинadиган жами ёқилғилар қувватига баробар эди. Қуёш нурининг тахминан 40 фоизини денгиз суви ютиб,

катта радиусда қишлоқ хўжалиги учун қулай илиқ иқлимни юзага келтирар эди.

1960 йилларда Оролнинг чуқурлиги 53 метр бўлиб, унинг умумий майдони 66,1 минг км² ни ташкил этган. 27 йилдан сўнг 1987 йилга келиб, унинг акваторияси 20.000 км² га камайиб кетди. Сувнинг умумий ҳажми икки марта, қирғоқ 30 км. дан 80 км. гача қисқарди. Шуни алоҳида таъкидлаш жоизки, Орол денгизи ер қуррасининг чўл минтақасида жойлашган энг йирик, суви шўр ва оқмайдиган кўллардан ҳисобланиб, катталиги жиҳатидан дунёда тўртинчи, иттифоқда Каспий денгизидан кейин иккинчи ўринда турган. Бу денгизнинг қуриб бориши бутун жаҳонни ташвишга солиб турган вақтда, қуриган Оролнинг тубида яхши экинзорлар яратамиз деган ғайриилмий тасаввурларга берилиб, янги ерларни ўзлаштириш, ирригация шохобчаларини қуриш масаласи илгари сурилди.

6. Республикада 1946–1989 йиллардаги маънавий-маданий қарамлик ва унинг оқибатлари

Мустабид тузум шароитида маданий-маърифий муассасалардан оммага ғоявий таъсир ўтказиш мақсадида кенг фойдаланилди. 60-йиллар республикада 2.977 та клуб бўлса, 1970 йилда уларнинг сони 3.441 тага етди. Шу йиллари кутубхоналар сони тегишли равишда 3.418 тадан 5.822 тага; музейлар сони 14 тадан 26 тага; кино қурилмалар сони 2.178 тадан 3.988 тага ошди. Лекин буларнинг кўпчилиги статистик ҳисоботларда ошириб кўрсатилган бўлиб, аслида ўзларининг бевосита вазифаларини самарали бажариш учун ҳаётий имкониятга эга бўлмади. Уларнинг моддий-техник базаси паст даражада бўлиб, молия билан етарли таъминланмади. Бу жиҳатдан Ўзбекистон собиқ Иттифоқ республикалари ўртасида энг қуйи поғоналардан бирига турди.

1969 йилда Россияда аҳолининг 10 минг нафарига 14 клуб муассасаси тўғри келса, Белоруссияда 11 та, Ўзбекистонда эса атиги 4 та эди. Маданий-маърифий муассасаларга давлат томонидан ажратилган маблағ аҳоли жон бошига Эсто-

нияда 21,3 рублни, Арманистонда 17,9 рублни, РСФСР да 9,7 рублни ташкил қилса, Ўзбекистонда 4,5 рублни ташкил қиларди. Республика кутубхоналарининг китоб фонди 1950 – 1970 йилларда ўн бараварга кўпайган ҳолда, уларнинг кўпчилигини мафкуравий тарғибот учун зарур бўлган марксизм-ленинизмга оид асарлар ташкил қилар эди. Олинган китобларнинг 8-10 фоизигина республикада нашр этилган бўлиб, қолганлари четдан келтирилиб, уларнинг аксарияти рус тилида эди. Маданий-маърифий муассасалар молиявий жиҳатдан давлат назорати четда қолганлиги учун бундай муассасалар кўпинча жамоатчилик асосида қурилди. Масалан, 1961 йили Ўзбекистон касаба уюшмалари ташкилотлари томонидан жамоатчилик асосида 45 та маданият ва техника университетлари, 5 та халқ театрлари, 1.258 та жисмоний тарбия жамоалари иш олиб борди.

Ўзбекистонда таълим тизимини яхшилаш учун ўнлаб қарорлар қабул қилинарди. Бироқ бу қарорлар миллий мактабларда тўлиқ бажарилмасди. Моддий ўқув базаси русийзабон мактабларникидан анча паст эди. Мактаблар урушдан кейин ҳам дарсликлар билан тўлиқ таъминланмади.

Ўрта мактаб битирувчилари орасида, эрта турмушга берилиши туфайли, қизлар камчиликни ташкил қилар эди. Маорифни ривожлантиришда маҳаллий миллатларга паст назар билан қараш совет тузуми сиёсатининг пинҳона фаолиятига яширинган эди. Кейинги йилларда очилган архив маълумотларида собиқ Иттифокдаги республикаларда онгли, маданиятли, ҳурфикрли кишиларнинг бўлишига йўл қўймаслик ҳақидаги махфий кўрсатмалар бежиз эмас эди.

1946 – 1947 ўқув йилида республикада 4483 та мактаб бўлиб, унда 212.000 ўқувчи ўқиган бўлса, 1965-1966 ўқув йилида мактаблар сони 9716 га, ундаги ўқувчилар сони 2.476.000 га етди. Айнан шу даврда олий ўқув юртларидаги талабалар сони 21.190 дан 168.800 тага етди. Бу миқдор «маҳаллий миллат йигит-қизлари билим учун эмас, диплом учун қизиқсин» деган ақидага асосланганлигини кўрсатади. Шундай бўлишига қарамай, ўзбекистонликларнинг, хусусан, ўзбеклар-

нинг илмга чанқоқлиги ҳар қандай сунъий тўсиқларни енга бошлади.

Ўзбекистонда фан ва техниканинг ҳамма соҳаларида йирик олимлар етиштирилиб, фан номзодларини ва докторларини тайёрлаш бўйича республика собиқ СССР да олдинги қаторларга чиқди.

1950 йил Ўзбекистонда 1760 нафар фан номзоди 180 нафар фан доктори илмий иш олиб борди. 1965 йилда эса фан номзодларининг сони 4000 га, фан доктори 324 га етди. 50-60-йиллари республика Фанлар Академиясининг олимлари, айниқса, математика-механика, тиббиёт, энергетика, қишлоқ хўжалиги соҳаларида ишлар олиб борди. Бир қанча илмий-текшириш институтлари травматология ва ортопедия, энергетика, математика, онкология ва радиология, Ўрта Осиё қишлоқ хўжалигини механизациялаш ва электрлаштириш, кибернетика ва бошқа бир қанча институтлар шу йилларда ишга туширилди. Фанлар Академияси қошида Фалсафа ва Ҳуқуқ институти ташкил этилиб, Шарқшунослик институти фаолияти кенгайтирилди.

50-йиллардан бошлаб, республикада илмий-тадқиқот ишларида атом қувватидан фойдалана бошланди. Дастлабки пайтда атом қуввати Тошкент ва Самарқанд Давлат университетлари лабораторияларида, Фанлар Академиясининг физика-техника институтида, политехника ва медицина институтларида ишлатилди. Лекин техника базаси етарли бўлмаганлигидан атом қувватидан фойдаланиш доираси тор бўлди. 1956 йил бошларида Тошкентдан 30 км йироқда, 750 штат бирлигига мўлжалланган илмий-тадқиқот ядро физикаси институтини ва барча қулайликларга эга бўлган шаҳарча қурилиб, 1958 йили ишга туширилди. Унинг биринчи директори этиб йирик физик олим, академик Убай Орипов тайинланди.

1951 – 1954 йиллари республикада яна бир йирик илмий марказ бунёд этилди. 80 гектар майдонда, иттифоқда ягона тиббий шароитда ўсадиган Тошкент ботаника боғи яратилди. 1956 йили 5 ноябрда Ўрта Осиёда биринчи Тошкент телемар-

кази ишга туширилди. Кейинчалик, 1962 йили Урганчда, 1964 йил Нукусда ҳам телевизион марказлар иш бошлади.

Ўзбекистонлик олимларнинг бир қанчаси, айниқса, табиий фанлар соҳасида, ўзларининг илмий ютуқлари билан нафақат собиқ Иттифоқ доирасида, балки жаҳон миқёсида тан олинди ва юқори даражадаги давлат мукофотларига сазовор бўдилар. Ўзбек олимларидан: математиклар — Т.Н.Қори Ниёзий, Т.А.Саримсоқов, С.Х.Сирожиддинов, физиклар — У.О.Орифов, С.А.Азимов, кимёгарлар — О.С.Содиқов, С.Ю. Юнусов, М.И.Набиев, геологлар — Х.М.Абдуллаев, Х.Тулаганов, И.Х.Ҳамробоев, Г.А.Мавлонов, биологлар — А.М.Музаффаров, К.З. Зокиров, Т.З.Зоҳидов, техника соҳасида М.Т.Ўразбоев, Х.А.Раҳматуллин, Х.Файзиев, жамиятшунослик фанлари соҳасида И.М.Мўминов, Ҳ.Сулаймонова, Я.Ғ.Фуломовлар шулар жумласидандир.

Республика зиёлилари қаторида 125 мингдан ортиқ олий ва ўрта махсус маълумотга эга мутахассислар бўлиб, шулардан 25 мингдан кўпроғи муҳандис ва техниклар, 10 минг қишлоқ хўжалик мутахассислари, 24 минг врачлар ва 60 мингдан ортиқ ўқитувчилар, юздан ортиқ ёзувчи, шоир, драматурглар, рассомлар уюшмасида 105 киши, композиторлар уюшмасида 26 нафар аъзолар бор эди. 1956 йилнинг охирларида республика зиёлиларининг биринчи қурултойи бўлиб ўтди.

Партиявий-ғоявий тизгинга қарамасдан, адабиёт ва санъат соҳасида кўзга кўринарли асарлар яратилди. Ғафур Ғулом, Уйғун, Зулфия, Миртемир, Туроб Тўла, Мамарасул Бобоев, Мирмуҳсин ва бошқаларнинг тинчлик мавзусига бағишланган шеърлари юзага келди. Ойбекнинг «Олтин водийдан шабадалар», Парда Турсуннинг «Ўқитувчи», Асқад Мухторнинг «Опа-сингиллар» романлари, Абдулла Қаҳҳорнинг «Шоҳи сўзана», «Оғриқ тишлар», Баҳром Раҳмоновнинг «Юрак сирлари» драмалари катта шухрат қозонди. 50-йилларнинг иккинчи ярмидан бошлаб сиёсий қатағонликдан озод бўлган ижодкорларнинг асарлари юзага кела бошлади. Абдулла Қодирийнинг «Ўткан кунлар» романи, Миртемирнинг «Сурат»

достони, Шайхзоданинг «Тошкентнома»си нашрдан чиқди.

60-йиллардан адабиётда янги авлод пайдо бўлди. Одил Ёқубов, Пиримқул Қодиров, Ўлмас Умарбеков, Хусниддин Шарипов, Озод Шарафуддиновлар билан изма-из янги ижодий тафаккурга эга бўлган истеъдодли Абдулла Орипов, Эркин Воҳидов, Шукур Холмирзаев, Ўткир Хошимов, Муҳаммад Али, Жамол Камол, Омон Матжон, Рауф Парпи каби ёш адабиётчилар майдонга чиқди. Ўзбек адабиётининг ривожланишида адабиётга мафкуравий таъсир ўтказишнинг қуроли сифатида қараб, ижод эркинлиги бўғилди ва партиявий-синфий ақидалар тиқиштирилди. 50-80-йилларда аҳён-аҳёнда бўлса ҳам озодликка интилувчи фикрлар кўзга чалинарди. Бироқ бунга дарҳол танқидлар, маъмурий жазолар тўсиғи қўйиларди.

80-йилларнинг ўрталаридан адабиёт халқ ҳаётини ҳаққоний акс эттириш йўлида янгича қадамлар қўя бошлади. Бадий асарларнинг мавзу доирасига Орол фожиаси, ўзбек деҳқонининг машаққатли тақдири, табиат, тил, маданият ва тарихимизга оид муаммолар шиддатлироқ кириб келди. Янги мазмун ижодда янгича замонавий шакл, халқона оҳангларда кенг йўл оча бошлади.

50-60-йилларда республика санъат соҳаси, хусусан, театр ва рақс санъатида илгари силжишлар юз берди. 1947 йили Тошкентда хореография билим юрти очилди. 1957 йили машхур раққоса М.Турғунбоева томонидан «Баҳор» ўзбек халқ рақс ансамбли, 1958 йили Г.Раҳимова раҳбарлигида Хоразм ашула ва рақс ансамбли тузилди. Бу жамоалар ўзбек сахна рақсларини бойитди.

Республикада театр санъатининг ривожланишида Самарқанд давлат ашула ва балет театрининг (1964 йил) Тошкентда «Ёш гвардия» ўзбек драма театрининг очилиши катта аҳамиятга эга бўлди.

Муסיқа ва театр соҳасидаги бу ўзгаришлар бир томонлама бўлиб, жаҳон санъати даражасига тезроқ етиб олиш учун ўзбек миллий маданиятидан узоқ бўлган опера, балет, симфоник муסיқага асосий эътибор берилиб, миллий драма театрларимиз эътибордан четда қолди. «Шаклан миллий,

мазмунан социалистик» шиори остида ривожланган совет адабиёти ва санъатининг асл мақсади «байналмилаллаштириш» бўлиб, бадий асарларда миллийлик йўқола борди.

Урушдан кейинги чорак аср мобайнида Ўзбекистон маданияти ва фани ривожланишида маълум натижаларга эришди. Лекин бу ривожланиш зиддиятлар билан тўла бўлди, демократиялаштириш йўлида олиб борилган тадбирлар эса етарли натижаларни бермади.

Маъмурий-буйруқбозлик тизими кучайиб бораётган Ўзбекистонда халқнинг турмуши, аҳолига кўрсатиладиган маиший хизмат жиҳатидан республика собиқ Иттифокда охириги ўринларда эди. Таълим-тарбия ва соғлиқни сақлаш соҳасидаги баландпарвоз кўрсаткичлар социалистик тузумнинг ташвиқот-тарғиботи учун фойдаланилди. Умуман олганда, жамиятнинг инқироз томон йўл тутиши кучая борди.

Урушдан кейинги йилларда мамлакатнинг ижтимоий-сиёсий тизимида партиянинг якка ҳукмронлиги кучайиб борди. Сиёсий қатағонликнинг янги босқичи бошланди. Агар 30-йилларда қатағонликни ички ишлар халқ комиссарлари (НКВД) олиб борган бўлса, эндиликда бу мудҳиш ишларни коммунистик партиянинг марказий комитети ва унинг қуйи ташкилотлари бажарди. 1949 йилнинг мартида чақирилган Ўзбекистон коммунистларининг X съезди республика меҳнаткашларини коммунистик руҳда заҳарлаш, миллий қадриятларга, «диний хурофот»га қарши курашни кучайтириш вазифаларини қўйди. Бу билан жамиятда социалистик мафкуранинг вайронкорлик роли яна ҳам кучайтирилди.

1949 – 1952 йилларда кўпгина машҳур ўзбек ижодий зиёллари асоссиз равишда айбланиб, қатағон қилинди. Ўзкомпартиянинг 1949 йил 25 июндаги бюро мажлисида бир гуруҳ ёзувчилар миллатчиликда, эски феодал маданияти олдида бош эгиш, ўтмишни идеаллаштиришда айбланди. Ойбек, Абдулла Қаҳҳор, Мамарасул Бобоев, Миртемир, Шайхзода каби ўзбек ёзувчилари бадном қилинди. 1951 йили августда бир гуруҳ атоқли ижодкор зиёллар «миллатчилар» деб матбуотда ноҳақ танқид қилинди, «бузгунчиликда» айбланди.

Кейинчалик ёзувчилардан Шайхзода, Шукрулло, Шухрат, Сайид Аҳмад ва бошқалар узоқ муддатга озодликдан маҳрум этилди.

Хуршид, Чустий, Ғайратий ва бошқалар ёзувчилар уюшмасидан ҳайдалди. Буни эшитган Ғ.Ғулом куйиниб «Токайгача ўзбекнинг ақли кирганда бошини чопиб ташлайдилар», деган эди.

1951 йил апрелида Ўзкомпартия бюро мажлиси «Муסיқа санъатининг аҳволи ва уни янада яхшилашнинг чоралари тўғрисидаги» масалани муҳокама қилди.

Мажлисда санъат ишлари бўйича бошқарма кўп йиллар давомида «Фарҳод ва Ширин», «Лайли ва Мажнун», «Тоҳир ва Зухра» каби афсонавий мазмунда опера, балет ва муסיқали драматик спектакллари яратиб, зарарли ишларни амалга оширяпти деб қайд этилди. Мажлис қароридан жанр репертуарлари ва радио эшиттириш дастурларини қайта кўриб чиқиш тавсия этилди. Мазкур спектакллар сахнадан олиб ташланди. Қатағонликлар тўлқини бу билан тўхтаб қолмади. 1983 йилдан бошлаб собиқ КПСС Марказий қўмитаси раҳбарлигида Ўзбекистонда навбатдаги ошқора қатағонга йўл очилди. «Пахта иши», «Ўзбеклар иши», «Шарқий фронт» деб аталган машғум сиёсат ниқоби остида минглаб бегуноҳ кишилар жиноий жавобгарликка тортилди. Москва юборган генераллар, прокурорлар, терговчилар истаган одамларни ҳибсга олишарди.

Машғум номлар билан аталган кампаниявозлик даврида йўл қўйилган хатолар, порахўрлик, қўшиб ёзиш, мансабни суиистеъмол қилиш каби иллатлар очиб ташланди. Бироқ бу нуқсонлар собиқ Иттифоққа, мавжуд чириган тузумга, қолаверса, марказга бевосита тегишли, шу тузумнинг ҳосиласи эди.

Марказий матбуотнинг баъзи бир муаллифлари Кавказ, Ўрта Осиё ва Қозоғистон халқларининг юзига қора чаплашга ҳаракат қила бошладилар. Бу ҳудудларда яшаган миллатлар ўз вақтида мавжуд жиноий гуруҳлар фаолиятига қарши курашганлар. Улар социалистик қонунчиликнинг бузилаётганлиги ҳақида Москвага арз қилишган, бироқ уларнинг ўзлари, яъни «сувни лойқалатувчилар» қувғинга учраганлар.

1983 йилнинг охирида республикада жуда ижтимоий-иқтисодий оғир вазият вужудга келган эди. Биринчидан, жиноятчиликка қарши курашиш ниқоби остида марказдан кетма-кет турли тергов гуруҳлари Ўзбекистонга ташланди. Республикадаги раҳбарлик лавозимларига собиқ Иттифокнинг ҳар хил жойларидан кадрлар кела бошлади. Ўзбекистон Компартияси Марказий Комитетининг иккинчи котиблигига В.Анишчев, Министрлар Совети Раисининг биринчи ўринбосари В.Огарок, Олий Совет Президиуми раисининг ўринбосари этиб А.Романовскийлар тайинланди, Тошкент шаҳрининг тақдири Б.Сатинга топширилди.

Республика прокурори этиб А.Бутурлин, унинг ўринбосарлигига О.Гайданов, тергов бошлиқлигига В.Лаптев, Ички ишлар вазирлигига Э.Дидоренко тайинланди. Барча вилоятларда ҳам аҳвол шундай бўлиб, улар республикадаги хукмронликни тула қўлга олган эдилар.

«Пахта иши» ва «ўзбеклар иши» деб юзсизларча номланган тергов жараёнлари бошланиб кетди. Т.Гдлян гуруҳи ўзбекистонликларга нисбатан қонунсиз, бешафқат ишларни бошлаб юборди. Уларнинг зўравонлиги оқибатида судлар адолатсиз ҳукмлар чиқара бошлади. Инсон ҳақ-ҳуқуқларини поймол этиш оддий ҳолатга айлана бошлади.

1989 йилгача бу ишлар бўйича 4,5 мингдан кўпроқ киши судланди. Ўша пайтда республикадаги қамоқхоналарда жой қолмагани учун судланганларнинг мингдан ортиғи жазони ўташ учун Сибирь қамоқхоналарига жўнатилди.

Т.Гдлян гуруҳи Ўзбекистон ҳудудида чекланмаган ваколатларга эга бўлди. Айбсиз одамларни, уларнинг оила аъзоларини қамоққа олиш, жисмоний ва руҳий қийноққа солиш авж олди. Ҳибсга олинганлар тергов усуллариغا дош беролмай, ўз жонларига қасд қилишгача бориб етдилар.

Ўзбекистонда инсон ҳуқуқлари беҳад топталаётганлиги ҳақида Москвага минглаб хатлар жўнатилди. Афсуски, бу хатлар текширилмасдан, эътиборсиз қолиб кетди. Аксинча, Т.Гдлян ва унинг гумашталарига кетма-кет унвонлар берилди.

1989 йил 23 июнь куни республика раҳбарлигига Ислон Каримов тайинланди. Янги раҳбарнинг фаолияти Ўзбекистон фуқароларининг ҳақ-ҳуқуқларини ҳимоя қилиш, топталган фуқаролик ҳуқуқларини тиклаш каби олижаноб ва хайрли ишдан бошланди.

«Пахта ишлари»ни кўриб чиқиш учун махсус комиссия тузилди. Комиссия иш фаолиятига 40 минг томдан иборат ишни кўриб чиқиш топширилди. 1990 йилнинг июнь ойига келиб, комиссия энг муҳим бир хулосага келди. 1990 йил 13 июнь куни Москва шаҳрига СССР Бош прокурори, СССР Олий судининг раиси ва СССР Адлия вазири номига ёзилган хатда комиссия хулосалари батафсил кўрсатилди. Бу хатда «Пахта ишлари» чуқур таҳлил қилиниб, судланганларни оқлаш масаласи қўйилган эди. Бироқ юқоридаги ташкилотлар кўмак ўрнига тайзиқни кучайтирдилар.

Республика раҳбарининг қатъиятли ҳаракати билан бундай ноҳақлик барҳам топди. Комиссия икки йилдан кўпроқ вақт орасида 40 минг жилд ишни кўриб чиқди. 3,5 мингдан кўпроқ киши оқланди. Қолганларнинг жазо муддатлари камайтирилиб, бир қисми республика раҳбари томонидан афв этилди.

Пахта комиссияси фаолиятининг энг муҳим томонларидан бири шундан иборатки, пахта ишлари бўйича судланганларнинг кўпчилиги ҳаётлигида оқланди, юзлари ёруғ бўлди, топталган ҳуқуқлари тикланди, ўз иш жойларига қайтишди, мусодара қилинган мулки қайтарилиб, бошқа етказилган моддий зарарлар қопланди. Минглаб бегуноҳ фуқароларнинг номлари оқланди.

КПСС МК Апрель (1985 й.) пленуми совет жамиятини «қайта қуриш», жамият ҳаётининг барча соҳаларини «чуқур ислоҳ қилиш» йўлини эълон қилди. Бунда, аввало, ижтимоий ҳаётни демократлаштириш, ошкоралик, иқтисодий ўсишни фан-техника ютуқларига таяниб жадаллаштиришга қарор қилинди.

Бироқ, узоқ йиллар мустабид тузумга мослашган давлат монополияси ва бюрократик аппарат кўзда тутилган режаларни амалга оширишга йўл қўймади.

80-йилларнинг ўрталарига келиб, мамлакатдаги иқтисодий тараққиётни чуқур таҳлил қилмасдан, 90-йилларнинг охирига бориб, собиқ СССР да миллий даромадни 2-2,5 баравар ўстириш, аниқроғи, аввало, 70 йил ичида амалга оширилган ишларни кейинги 15 йил ичида бажариш вазифалари қўйилдики, булар мутлақо ҳақиқатдан узоқ эди. Бу ҳол табиий равишда 70-80-йиллар бошларида жамият олдидаги муҳим халқ хўжалиги вазифаларини ишлаб чиқаришни жадаллаштириш билан эмас, балки қўшиб ёзиш, пора бериш, ошна-оғайнигарчилик билан осонгина ҳал қилишга олиб келди.

Давлат режалаштириш тизими мураккаб ижтимоий ва хўжалик вазифаларини маъмурий-буйруқбозлик йўли билан ҳал қилишга қодир бўлмай қолди. Натижада, иқтисодий ўсиш ҳар йилига камайиб борди. Республика халқ хўжалигида умумий ижтимоий меҳнат унумдорлигининг пасайиши ҳисобига мўлжалдагидан 4,3 фоиз ёки 850,4 миллион сўмга кам миллий даромад олинди. 1989 йилда Ўзбекистондаги ҳар бир кишига собиқ иттифоқдаги ўртача даражадан бир ярим баравардан кам капитал маблағ тўғри келди.

Шу даврга келиб, республика қишлоқ хўжалигида кўплаб муаммолар тўпланиб қолди. Совет тузумининг навбатдаги ислоҳоти ҳам йўл қўйилган хатолар туфайли барбод бўлди.

Ушбу муаммолардан халқ эътиборини чалғитиш учун кўп йиллар давомида йиғилиб қолган миллий норозиликлардан фойдаланилди. Коммунистик мафкура ўз ҳукмронлигини сақлаб қолиш учун ҳатто айрим республикаларда миллатлараро низоларни уюштира бошлади. 1989 йилда Тошкент, Фарғона, Андижонда рўй берган миллатлараро можаролар, Кавказдаги қуроли тўқнашувлар, қувғин қилинган халқларнинг норозиликларидан разилона манфаат йўлида, республикаларда, шу жумладан, Ўзбекистонда пайдо бўлаётган ҳурлик овозини бўғиш учун фойдаландилар.

Иккинчи жаҳон уруши йилларида мустабид тузум томонидан депортация қилинган бир қатор халқлар қаторида месхети турклари ҳам бўлиб, улар асосан аҳоли зич яшайдиган Фарғона вилоятига, бир қисми Андижон, Наманган

ва Тошкент вилоятларига жойлаштирилган бўлиб, бунинг оқибатида ижтимоий-иқтисодий ва миллатлараро муносабатларда қўшимча муаммоларни юзага келтирган эди. Бу муаммога совет давлати ўз вақтида эътибор бермади. 1989 йил 24 майда Куvasой шаҳрида ёшлар ўртасида (Р. Нишонов таърифича, «бир банка қулупной учун») бўлган безорилик миллатлараро (маҳаллий ёшлар билан месхети турклар ўртасида) тўқнашувни келтириб чиқарди ва бу можаро Фарғона водийсида оммавий тус олди. Республиканинг сиёсий раҳбарияти юзага келган бу мураккаб вазиятни тўғри баҳолай олмагани учун, ёшларнинг оммавий чиқишлари, миллатлараро тўқнашувлар содир бўлди.

Бундай оммавий чиқишларга, коммунистик мафкура тартибига қарши боришларига «кўникмаган» мустабид тузум сиёсий раҳбарияти намойишчиларга қарши ҳарбий қисм ташлади. 1989 йил 8 июнда Қўқонда тинч намойишчилар ана шу ҳарбий қисм аскарлари томонидан ўққа тутилди. Натижада, намойишда қатнашган 50 дан зиёд аҳоли ҳалок бўлди (уларнинг кўпчилиги ёшлар эди), 200 дан ортиғи эса ярадор бўлди. Умуман 3-12 июнь кунлари Фарғона вилоятида бўлган миллатлараро тўқнашувлар ва уларнинг ҳарбийлар томонидан ўққа тутилиши оқибатида 103 киши ҳалок бўлган. 1009 киши ярадор бўлган ва 650 хонадонга ўт қўйилиб, вайрон қилинган.

Фарғона фожиаларига тааллуқли маълумотларнинг (лекин маълумотлар йўқ даражада) таҳлили шуни кўрсатадики, месхети турклари учун бу можаро мустабид тузум айби билан уруш даврида мажбуран ташлаб чиқилган она ватанларига қайтиб боришлари учун баҳона сифатида керак бўлган. Маҳаллий аҳоли эса бу можарога табиий равишда қўшилиб кетган. Чунки жойларда аҳолининг ижтимоий-иқтисодий муаммоларига эътибор берилмаган, маҳаллий ёшлар ўртасида ишсизлик кўпайиб, аҳолининг турмуш даражаси пасайиб борган, аҳоли уй-жойлар билан таъминланмаган, уй қуриш учун участкалар ажратилмаган, пахта яккаҳоқимлиги, экология муаммолари ҳал қилинмаган, порахўрлик, кўзбўямачилик, қонунбузарлик авж олган.

Мудҳиш воқеалардан кейин берилган расмий баёнотларга кўра, республикада вужудга келган ижтимоий-иқтисодий кескинликдан оммавий тартибсизликларни, миллатлар ўртасида нифоқ ва тўқнашувларни келтириб чиқаришга уринган экстремистик кучлар турган. Бу атайлаб уюштирилган сиёсий ифвогарлик эди. Фарғонадаги мудҳиш воқеа Сумгаит, Боку, Тоғли Қорабоғ, Ўш-Ўзган ва бошқа минтақаларда худди шундай тарзда уюштирилган ифвогарлик билан бир қаторда турар эди. Фарғона воқеаларидан кейин Ўзбекистоннинг И.А.Каримов бошлиқ сиёсий раҳбарияти бу масалада принципиал позицияни эгаллади. Республика зиёлилари ва сиёсий кучлари ана шу таҳликали кунларда сиёсий ва маънавий жиҳатдан юксак мавқеда турди. Фожианинг асл сабабларини очиб ташлаш, ўз халқининг шон-шухрати ва қадр-қимматини ҳимоя қилиш йўлидаги ўзларининг машаққатли уринишларида улар республиканинг энг кескин муаммоларини биринчи бор ошкора равишда муҳокамага қўя бошладилар.

Республикада кенг мунозарага сабаб бўлган муаммолардан бири ўзбек тилига давлат тили мақомини бериш масаласи бўлди. Маълумки, шахсга сифиниш, турғунлик йилларида ўзбек тилининг мавқеи, қўлланиш доираси жуда ҳам тораёиб кетди. Ўзбек тили давлат идораларида ҳам, мажлислар, йиғилишларда ҳам деярли ишлатилмай қўйилди.

80-йилларнинг ўрталарига келиб, СССР нинг парчаланishi реал объектив ҳақиқатга айланиб қолди. Миллий онгининг ўсиши ўзбек тили масаласини кун тартибига қўйди. Р.Нишоннов бошчилигидаги республика раҳбарияти бу ҳаракат ўртага ташлаган муаммони ҳал қилишга эмас, аксинча, бу ҳаракатни «жамиятга қарши» деб, уни барҳам топтиришга, қонунчилик, ошкоралик ва оммавий талабларга риоя қилиш оқимига буриб юборишга уринди.

Демократик тараққийпарвар кучлар қўйган масалани И.А.Каримов бошчилигидаги янги раҳбарият ўз вақтида англаб етди ва уни ҳал этишга киришди.

7. Ўзбекистон «қайта қуриш» йилларида

СССР даги «қайта қуриш» жараёни аввал бошданоқ сиёсий соҳани қамраб олди. Иқтисодий ислохотлар эса унга бўйсунувчан аҳамият касб этди. Орадан кўп ўтмай, жадаллашиб бораётган сиёсий жараёнлар (ошкоралик, демократия) билан суст ривожланаётган иқтисодиёт ўртасида катта фарқ кўзга ташлана бошлади. Бу пайтда СССР нинг таркибий қисми бўлган Ўзбекистон ССР ҳам қайта қуриш гирдобига тортилди, унинг қонуниятларига амал қилди.

Қайта қуришнинг биринчи босқичи (1985—1986 йиллар) асосан маъмурий-ташкилий тадбирларнинг анъанавий усулларда олиб борилиши билан характерланади. Мазкур босқичда кун тартибига қўйилган вазифалардан бири — илмий-техника тараққиёти ютуқларини ишлаб чиқаришга жалб этиш асосида жамиятда туб иқтисодий тараққиётни жадаллаштириш ва унинг асносида инсон омилини фаоллаштиришдан иборат бўлди.

Қайта қуришнинг дастлабки даврларида асосий эътибор мамлакат иқтисодиётини ривожлантириш, фан-техника тараққиётини жадаллаштиришга қаратилди. Шунинг учун ҳам, 1986 йил 1 март куни КПСС XXVII съездининг КПСС Марказий Комитети сиёсий маърузаси юзасидан қабул қилинган резолюциясида фан-техника тараққиётини жадаллаштириш масаласига катта эътибор қаратилган эди.

Хуллас, қайта қуришнинг дастлабки даврларида асосий эътибор мамлакат иқтисодиётини ривожлантиришга қаратилди. Аммо бундай жараённи ижтимоий муносабатларни такомиллаштирмасдан амалга ошириш мумкин эмаслиги тезда аён бўлди. Шунинг учун 1986 йилда қайта қуриш ва ижтимоий муносабатлар масаласига алоҳида эътибор қаратишга мажбур бўлинди. Бундай сиёсатнинг марказида эса жамиятни демократлаштириш, маъмурий-буйруқбозлик ва бюрократизмга, қонунсизликка қарши қураш турар эди.


Бу даврда бутун собиқ Иттифоқда бўлгани сингари, Ўзбекистонда ҳам дастлаб ижтимоий-сиёсий, иқтисодий ва маданий ҳаётда маълум ўзгаришлар юз бера бошлади, киши-

ларнинг ижтимоий фаоллиги ошди, демократия сари айрим қадамлар ташланди, миллий ўзликни англаш жараёни бошланди. Аммо туб ўзгаришлар ва барча соҳаларда ҳақиқий ислоҳотларни амалга ошириш йўлидаги уринишлар муваффақият қозонмади. Статистик кўрсаткичларда қайд этилишича, 1986 йилдан бошлаб, мамлакат иқтисодий аҳволи баттар ёмонлаша бошлади, 1987 йил январдан ишлаб чиқариш суръатлари кескин пасая борди, иқтисодиётда инқирозли ҳолат юзага келди. Қайта қуришнинг биринчи босқичи шу тарзда мағлубиятга учради.

Қайта қуришнинг иккинчи босқичи (1987—1990 йиллар) жамиятнинг барча жабҳаларини комплекс тарзда ислоҳ қилишни кун тартибига қўйди. Бундай вазифа коммунистик мафкура томонидан 1987 йил январда янада аниқлаштирилди. Москва шаҳрида 1987 йил 27-28 январда бўлиб ўтган КПСС МК Пленумида КПСС Марказий Комитетининг Бош секретари М.С.Горбачёв «Қайта қуриш ва партиянинг кадрлар сиёсати тўғрисида» маъруза қилди. Унда сиёсий ислоҳотларнинг асосий мақсади бўлган ошкоралик ва кадрлар сиёсатини тўғри юритиш асосида совет жамиятини тўлиқ демократлаштиришга эътибор қаратилди. Кейинчалик, М.С. Горбачёв ўзининг қайта қуриш ҳақидаги китобида бу ғояларини давом эттирди. Бироқ сиёсий тузумни ислоҳ қилиш ва демократлаштириш, кенг халқ оммасининг сиёсий ва тарихий жараёнларда иштирок этиши Марказ учун қутилмаган оқибатларга олиб келиши натижасида Москва томонидан сиёсий ва иқтисодий ислоҳотлар боши берк кўчага киритиб қўйилди. Оқибатда, 1990 йил нафақат қайта қуришнинг иккинчи босқичи, балки СССР аҳолиси, балки бутун дунё умид кўзи билан қараётган қайта қуриш сиёсати бутунлай мағлубиятга учради. Бу ҳолат ҳам СССР инқирозини тезлаштирди ва унинг парчаланишига олиб келди.

Мамлакатда туб демократик ўзгаришларни амалга ошириш, бошланган ислоҳотларини охирига етказиш мумкин бўлмади. Бу қуйидаги уч сабаб билан изоҳланади: биринчидан, қайта қуришнинг аниқ, изчил, илмий жиҳатдан пухта

Ўрта Осиё ва Қозоғистон Республикаларида
1987 йилда ишлаб чиқарилган қишлоқ хўжалик
маҳсулотлари (хўжаликнинг ҳамма турлари; 1983
йил қўйилган нарх ҳисобида)



ишлаб чиқилган стратегия ва тактикаси ҳамда ягона дастури йўқ эди. Иккинчидан, коммунистик партия раҳбарлари (партократия) қайта қуриш ғалабасидан манфаатдор эмас эди. Улар ҳар қандай демократия ва ошкоралик тоталитар тузумнинг кушандаси эканлигини яхши билишарди. Учинчидан, М.С.Горбачёв ғояси асосида қайта қуришни амалга ошириш мумкин эмас эди. Социализмга хос синфий муносабатлар, давлат мулкчилиги, миллий ва ижтимоий соҳадаги сиёсат яккапартиявий раҳбарлик, коммунистик мафкура, мустабид бошқарув усули ҳеч қачон демократия билан келиша олмас эди.

Маълумки, қайта қуриш юқоридан бошланди. Мазкур жараённинг бошланиш пайтида жамият аъзолари унга жуда катта умид боғладилар. Рўй бераётган ўзгаришлар, айрим сиёсий, ижтимоий ва иқтисодий ислохотлар кишиларда эртанги кун ва порлоқ келажакка ишонч руҳини яна уйғотди. Дастлабки даврда қайта қуриш раҳнамолари, яъни юқорининг қўйи билан муносабатларида маълум келишувчилик, хайрихоҳлик сезилди.

Лекин, кейинчалик вазият буткул ўзгарди. 1986—1987 йиллардан бошланган иқтисодий инқирознинг кучайиши, ижтимоий муаммоларни ҳал этишдаги уқувсизлик демократик жараёнлар ва ошкораликнинг ярим йўлда қолиб кетиши — буларнинг барчаси жамият аъзоларида қайта қуришга

бўлган муносабатни ўзгартирди. Қайта қуришнинг учинчи йилида унинг тўлиқ мағлуб бўлиши аниқ кўзга ташланиб қолди. Амалий ишлар, фойдали тадбирлар ўрнига сиёсий жабҳадаги турли тадбирлар: сиёсий сафсатабозлик, қуруқ ваъдалар, сўз билан иш бирлигининг йўқлиги жамиятдаги лоқайдлик ҳолатини янада кучайтирди. Ижтимоий фаоллик ўрнини сусткашлик, давлат ва фирқа сиёсатига ишонмаслик, бефарқлик ва совуққонлик эгаллади.

Қайта қуриш ошкоралик, демократия за фикрлар хилма-хиллигининг маълум маънода кучайишига имкон яратди. Шу билан бирга, бундай жараёнларни маданий шаклда халқаро андозалар асосида олиб бориш имкони бўлмади. Бунинг устига Иттифоққа нисбатан Ўзбекистонда республика раҳбарияти демократия ва ошкораликнинг кучайишига турли тўсиқлар қўйди. Бунга кўпроқ коммунистик мафқуранинг яккаҳокимлиги, маъмурий-буйруқбозлик тизими асоратлари таъсир қилар эди. Натижада, том маънодаги ошкораликка эришиб бўлмади, демократия эса амалда навбатдаги сиёсий ўйинлар қўринишини олди. Фикрлар хилма-хиллигининг турли кўринишлари эса юқорининг сиёсий ва ғоявий масалаларда ҳурфикрлилик ва демократияни таъқиб этиши асосида юз берди.

Ана шундай шароитда Ўзбекистоннинг ўша пайтдаги сиёсий раҳбарияти Марказ олдида ўзининг нўноқ ва ношудлигини кўрсатди. Ўзбекистон Компартияси Марказий Комитети раҳбарияти Марказдан қочиш, уни инкор этиш сиёсати ўрнига кўпроқ унга яқинлашиш ва мустаҳкам бирлашиш йўлини танлади.

Ўзбекистон Компартияси Марказий Комитети биринчи котиблари И.Усмонхўжаев ва Р.Нишоновда қатъий журъат, Иттифоқ доирасида республиканинг тутган ўрнини очиқ-ойдин айтиш учун мардлик ва ирода етишмади. Аксинча, бу раҳбарлар ва уларнинг ўринбосарлари Марказ вазифаларини тезроқ удалаш, республиканинг Иттифоққа боқиманда эканлиги тўғрисидаги сохта фикрларни тасдиқлаш ва такрорлашдан нарига ўтмадилар. Ижтимоий ва маънавий соҳада миллийликнинг ҳар бир кўриниши интернационализм

моҳиятига ёт эканлигини исботлашга ҳаракат қилинди. Бу нарса ўзбек тилига муносабат, Ислом дини, миллий урф-одатлар, анъаналар ва диний маросимлар, хусусан, «Наврўз» байрамига муносабатда яққол кўринди.

8. Ўзбекистонда қатағонликнинг янги босқичи. «Пахта иши», «Ўзбеклар иши» номли сохта ишлар

Маъмурий-буйруқбозлик ҳамда коммунистик мафкурага асосланган совет давлати ўз ички сиёсий мавқеини мустаҳкамлаш мақсадида маълум даврларда зўравонлик сиёсатини амалга ошириб турди. Тазйиқ, зўравонлик ва қатағонлар бошқа халқлар ичида миллий руҳ ва ўзликни йўқотишга, лоқайдлик каби кайфиятларнинг юзага келишига сабаб бўлди. Совет давлати томонидан бошланган қатағонларнинг охирги даври Ўзбекистонда ХХ асрнинг 80-йилларида «пахта иши», кейинроқ «ўзбеклар иши» деган машъум ном остида тарихга кирди. Совет давлатини қамраб ола бошлаган инқирозий ҳолатларни мавжуд тузум негизида эмас, балки «юзага келган салбий иллатларда» деб билган марказ, Ўзбекистонни тажриба-синов майдони сифатида танлаб олди.

1982 йил ноябрда КПСС МҚ, Бош котиби Л.И.Брежнев вафотидан сўнг мазкур лавозимни эгаллаган Ю.В.Андропов мамлакатда кадрларни танлаш ва жой-жойига қўйиш сиёсатида таъқиб ва тазйиққа асосланган қаттиққўллик йўлининг тарафдори сифатида майдонга чиқди. Ю.В.Андропов ўзининг Давлат хавфсизлик қўмитасидаги узоқ йиллик тажрибасидан келиб чиққан ҳолда, мамлакатнинг тобора оғирлашаётган иқтисодий, ижтимоий, сиёсий ҳаётига доир бўлган барча маълумотлардан, жумладан, раҳбар-кадрлар фаолиятидаги нуқсон ва камчиликлардан хабардор эди. Марказдаги сиёсий раҳбарият мамлакатда юзага келган чуқур инқирозий ҳолатларнинг сабаблари ечимини аксарият кадрлар сиёсатида йўл қўйилган камчиликлар, тартиб-интизомнинг бўшаши, мафкуравий ҳушёрликни йўқотиш билан изоҳлади. Хукмрон партиянинг 1983 йил июнь пленумида ҳам айнан партия идеологик, оммавий сиёсий ишининг муҳим масалалари кўриб чиқилди ва жамиятдаги порахўрлик иллатлари-



**Мустабид тузумнинг машъум «Пахта иши» ва
«Ўзбек иши» деб номланган қатағонлик сиёсати.**

нинг асосий сабабларини бирон-бир ходимнинг хатоларидан, ривожланишнинг аниқ муаммоларидан ва қийинчиликларидан қидириш лозимлиги таъкидланди.

Республика ижтимоий ҳаётида катта «бурилиш» ясаган Ўзбекистон КП МҚ, 1984 йил XVI пленуми ҳам марказнинг республикадаги «соғломлаштириш» борасида кўрсатаётган ва белгилаётган тадбирларини қўллаб-қувватлади. Бундай тартиб республиканинг ижтимоий-иқтисодий, маънавий ҳаётига салбий таъсир этаётган бўлса-да, кадрлар билан ишлашни партиянинг асосий «вазифаларидан» бирига айлантириб олганларга нисбатан ҳеч қандай чора кўрилмаган эди. Мазкур пленум марказнинг «Ўзбекистонда турғунлик даври иллатларига қарши кураш»ини қўллаб-қувватлаган ҳолда, маҳаллий раҳбар кадрларга нисбатан турли йўللار билан тазйиқ кўрсатиш ва жазолаш жараёнларини бошлаб юборди.

Бундай ҳолатлар Ўзбекистон совет мамлакатидagi «порахўрликлар, қўшиб ёзишлар, ўғрилик кучайиб кетган ягона ҳудуд», деган тушунча пайдо бўлишига олиб келди. Ўзбекистон КП МҚ, XVI пленуми ва XXI съезди қарори билан

Ўзбекистонга марказдан кадрлар жўнатила бошландики, Ўзбекистон Компартияси МҚ, Ўзбекистон ССР Министрлар Совети, Ўзбекистон ССР Олий Совети, Ўзбекистон ССР Прокуратураси, Ўзбекистон ССР Ички Ишлар Министрлиги каби муҳим бошқарув бўғинлари шундай кадрлар қўл остига тушиб қолди. Улар республикадаги ижтимоий-сиёсий вазиятнинг янада кескинлашининг асосий сабабчиларига айлана бордилар. Қисқа муддат ичида Ўзбекистон прокуратурасининг энг юқори, энг муҳим лавозимларидан тортиб, область, район прокурорларигача марказдан доимий ишлашга юборилган вакиллари билан алмаштирилган. 1984 йилда Ўзбекистон ССР Прокурори, унинг муовинларидан учтаси, энг катта бошқармаларнинг бошлиқлари лавозимларига марказдан юборилган ходимлар қўйилди. Натижада, Бухоро вилоятига Г.Н.Матюшов, Самарқанд вилоятига В.И.Еременко, Хоразм вилоятига А.Д.Титоренко, Навоий вилоятига А.П.Суҳарев, Сурхондарё вилоятига В.М.Желтков, Қорақалпоғистон АССР га В.В.Донцов, Тошкент шаҳрига Г.П.Филиппенковлар прокурор этиб тайинландилар.

Бу ҳол аслида республикадаги асосий масъулиятли лавозимларга марказдан юборилган «десантчиларни» жойлаштириш сиёсати бошланганлигидан дарак берар эди. Улар Иттифоқ марказининг республикадаги таянчи бўлиши ва республикада советча усулдаги «тартиб-интизом»ни янада мустаҳкамлашлари лозим эди. Шубҳасиз, маҳаллий раҳбарият «илтимосига биноан» юборилган кадрлар ноқонуний тарзда ҳибсга олинганларнинг манфаатларини ҳимоя қилиши ҳам қийин эди. Аксинча, «десантчилар» қатағонлик сиёсатининг давом этишида, республикада ноҳақлик ва қонунбузарлик, мансабни суиистеъмол қилишнинг авж олишида, зўравонлик ва тазйиқнинг кучайишида «фаол» роль ўйнадилар. Ўз навбатида, улар марказнинг республикадаги таянчи бўлиб қолди ва республика ҳуқуқ-тарғибот органларига эҳтиёжни «десантчилар» орқали тўлдириб боришди.

Айни пайтда, ўзи эгаллаб турган лавозимига нолойиқ, деб «ҳисобланган» кадрларга нисбатан таъқиб бошланиб, ети-

либ келаётган иқтисодий инқироз «гуноҳкорлар»ини топиш, уларга партиявий жазо бериш билан, гўёки, муаммоларнинг оддини олиш бошланди. 1983 йилда СССР Бош Прокурори А.М.Рекунков топшириғига кўра, СССР Прокуратурасининг алоҳида муҳим ишлар бўйича терговчиси Т.Гдлян бошчилигида мамлакатнинг турли минтақаларидан тўпланган 200 кишидан иборат тергов гуруҳи тузилиб, Ўзбекистонга юборилган. Бу «пахта иши»нинг амалдаги бошланиши эди.

«Пахта иши» уйдирмалари бошланган вақтда халқ хўжалигида «жинойий ишларга қўл урган» ходимлар жавобгарликка тортилиб, улар халқ хўжалигида «қўшиб ёзишларга» йўл қўйилганликда айбландилар. Қўшиб ёзишларни текширишдан бошланган тергов гуруҳининг фаолияти аста-секинлик билан раҳбарлик лавозимида ишлаётган кишиларни ҳам тарта бошлади. «Пахта иши», «ўзбеклар иши» номини олиб келган қатағонга кейинроқ миллий тус берилиб, тўлиқ «ўзбеклар иши»га айлантирилди. Натижада, маҳаллий раҳбар ходимлар, зиёлилар ҳам таъқиб остига олина бошлади. Ўзбекистондаги бу ҳолатлар ҳақида марказий матбуот саҳифаларида шунчалик кўп мақолалар чоп этилдики, улардан «халқимизнинг тарихи, маданияти, пахта ва пахтакорнинг машаққатли меҳнатларидан беҳабар одамларда гўё, ўзбеклар турли нопок йўللар билан даромад ортириб, енгил-елпи ҳаёт кечиради», деган нотўғри тасаввур туғилишига сабаб бўлди.

Тергов гуруҳига кирган терговчиларнинг асосий қисми билим ва тажрибага эга бўлмаган, ноқонуний ҳолатлардан кўз юмадиган, топшириқдарни кўр-кўрона тарзда бажарадиган кишилар бўлган. Тергов гуруҳига катта ваколат ва имтиёзлар берилган. Улар сохта айбловлар билан қонунсизлик йўлига ўтиб, тергов жараёнларида тухмат, ифволар уюштириш, фактларни сохталаштириш, кишиларни сохта маълумот беришга мажбур этиш, ўзларига ёқмаган кишилардан ўч олиш воситаси сифатида фойдаланганлар. Т.Гдлян олиб бораётган жиноят-тергов ишларининг барчаси очиқдан-очиқ айблов йўналишида бўлган. Кўплаб жисмоний ва маънавий азоблардан сўнг қамоққа олинганлар ўз айбларини бўйинларига олишга мажбур бўлганлар.



Гуноҳи ҳали исботланмаган кишиларни қамоқларда ашаддий жиноятчилар билан бирга, бир камераларда ушладилар, уларни шафқатсиз калтаклаб, руҳий азоб бериб, қўрқитиб, терговчилар аввалдан тайёрлаб қўйган ҳужжатларга имзо чекишга мажбур этдилар.

Мана шундай кабиҳ йўллар билан тергов гуруҳи гувоҳлик берувчилардан ўзларига керакли маълумотларни олган. Ноқонуний қамоққа олинган кишилар орасида кўп болали оналар, хомиладор аёллар, ёш болалар ҳам бўлган. Бу ишлардан кўзланган мақсад — иқтисодий «жиноятчилик»ни фош этиш эмас, балки мамлакат ҳаётидаги умумий салбий ҳолатларнинг аниқ бир қўриниши бўлган қўшиб ёзишга қарши ҳаракатларни тўхтатиш, «темир интизом» билан миллий кадрларни жазолаб, эркин фикрлайдиган зиёлиларни жиловлаш, республикаларда юзага келаётган ижтимоий-сиёсий кучларни бўғиб ташлаш, миллий онг, фуқаронинг фаоллигини ҳам бир тизгинда ушлаб туришдан иборат эди.

Т.Гдлян гуруҳининг Ўзбекистондаги фаолияти давомида Ўзбекистон ССР прокуратураси ва Ўзбекистон ССР Ички Ишлар вазирликларининг 20 нафар раҳбар ходими, Ўзбекистон Компартияси МК, нинг тўрт нафар котиби, вилоятлардаги қўмиталарининг саккиз котиби, Ўзбекистон ССР Министрлар Совети раиси, Ўзбекистон ССР Олий Совети президиуми Раиси, Ўзбекистон Пахта тозалаш саноати вази-



**Мустабид тузумнинг республикани пахта хомашё
базасига айлантириш сиёсатининг асоратли
оқибатлари**

ри ва бошқа бир қанча масъул ходимлар, умуман 62 нафар масъул шахс пора олишда айбланиб, жиноий жавобгарликка тортилдилар. 1989 йилнинг май ойига қадар жавобгарликка тортилган 35 нафар айбланувчининг иши судга оширилди. 1984-1989 йиллар давомида Т.Гдлян гуруҳи томонидан 800 дан кўпроқ «жиноий» иш кўрилиб, жиноий жавобгарликка тортилганларнинг 600 нафари раҳбар ходимлар, 10 нафари Социалистик Меҳнат Қаҳрамонлари бўлган. Ўзбекистон ССР Пахта тозалаш саноати вазири В.Усмоновга эса 1986 йилда ўлим жазоси белгиланган, ҳукм 1987 йилда амалга оширилган.

XX асрнинг 80-йилларига келиб қўшиб ёзишлар, порахўрлик, мансабни суиистеъмол қилиш ҳоллари иттифоқдош республикаларнинг барчасида кучайган эди. Шунингдек, бу иллатлар фақат маҳаллий раҳбар кадрлар йўл қўйган хато, камчиликларгина эмас, балки мамлакатда ўтган йиллар ичида шакланган маъмурий-буйруқбозлик тизимининг натижаси эди. «Пахта иши» уйдирмалари бўлса, ўзбек халқининг кучайиб келаётган иқтисодий инқирозлардан чалғитиш, бунда бирор-бир халқни «айбдор» қилиб кўрсатиш орқали халқ эътиборини бошқа томонларга буриб юборишдан иборат

эди. Аслида шундай ҳам бўлди, бутун мамлакат бўйлаб Ўзбекистондаги «улкан ўғрилиқлар», «порахўрликлар» муҳокама этилди. Натижада, «турли миллат халқларининг бузилмас иттифоқи ташкил топган» бу улкан давлатда «дўстлик ва қардошларча ҳамкорлик» бир четда қолиб, бутун мамлакатда ўзбек халқига нисбатан «боқиманда» деган ёрлиқ ёпиштирилди. Бутун бир миллатни айблаш йўлига ўтиб олган сиёсий раҳбарият «пахта иши»ни «ўзбеклар иши»га айлантириб юборди. Ўзбекистон мустақил равишда «пахта иши»ни текшириш бошланганда ишни маҳаллий раҳбарларга беришни истамай, текширув ишларига тўсқинлик қилишга, ҳақиқий айбдорларни яшириб туришга, барча айбловларни яна ўзбек халқи елкасида қолдиришга интилди.

Таянч сўзлар

Ўзбекистон ССР, совет, съезд, компартия, қарамлик, қа-тағонлик, ижтимоий-сиёсий, иқтисодий, демография, урбанизация, маданий ҳаёт, мафкура, «қайта қуриш», концепция, экологик фожиа, Фарғона, Тошкент, Марказ, мустақиллик, декларация, Президент, марказий комитет, социалистик, аграр сиёсат, саноат, пахтачилик, хомашё.

Савол ва топшириқлар

1. Иккинчи жаҳон урушидан кейин Ўзбекистонда халқ хўжалигини тиклаш жараёни қандай кечди?
2. XX асрнинг иккинчи ярмидан то мустақилликкача бўлган даврда Ўзбекистон маданий-маънавий қарамлик қандай оқибатларга олиб келди?
3. 40-йиллар охирлари — 50-йиллар бошларидаги қа-тағонлик мазмун-моҳиятини изоҳланг.
4. 50-80-йиллар республика иқтисодий ҳаётидаги бир то-монлик ва унинг оқибатларини тушунтириб беринг.
5. Ўзбекистонда кечган демографик жараёнларнинг асосий хусусиятлари нималарда намоён бўлди?
6. Республикада экологик ҳолатнинг кескинлашиши сабаблари нимада эди?

7. XX асрнинг 50-80-йилларидаги маданий жараёнлар ҳақида қандай маълумотга эгасиз?
8. Ш.Рашидов фаолияти ҳақида нималарни биласиз?
9. 80-йиллардаги қатағонлик хусусида сўзлаб беринг.
10. «Қайта қуриш» сиёсати ва унинг Ўзбекистондаги салбий оқибатлари ҳақида нималарни биласиз?
11. 80-йиллар охири ва 90-йиллар бошида республикадаги ижтимоий-сиёсий ҳаёт қай йўсинда кечди?

16-мавзу бўйича фойдаланилган адабиётлар:

1. Ўзбекистон Республикаси Конституцияси. — Тошкент: Ўзбекистон, 2004.
2. Каримов И.А. Бизнинг бош мақсадимиз — жамиятни демократлаштириш ва янгилаш, мамлакатни модернизация ва ислоҳ этишдир. — Тошкент: Ўзбекистон, 13-жид. — Б. 174-222.
3. Каримов И.А. Ўзбекистоннинг 16 йиллик мустақил та- раққиёт йўли. Ўзбекистон Республикаси Олий мажлиси, Ва- зирлар Маҳкамаси ва Президент Девонининг Ўзбекистон мустақиллигининг 16 йиллигига бағишланган қўшма мажли- сидаги маъруза, 2007 йил 30 август. — Тошкент: Ўзбекистон. 16- жид. — Б.3-56.
4. Каримов И.А. Империя даврида бизни иккинчи дара- жали одамлар деб ҳисоблашар эди. Асарлар, 13-жид. — Тошкент: Ўзбекистон, 2005 йил. — Б.133-155.
5. Каримов И.А. Ўзбекистон мустақилликка эришиш осто- насида. — Тошкент: Ўзбекистон, 2011.
6. Юсупов Э. Истиқлол йўлида. — Тошкент: Фан, 1996.
7. Усмонов Қ. Ўзбекистон мустақиллик одимлари. — Тош- кент, 1994
8. Ўзбекистон Республикаси: мустақил давлатнинг бунёд бўлиши. — Тошкент: Ўзбекистон, 1992.
9. Усмонов Қ., Абдуғаниев А. Ўзбекистон — сиёсий ва ҳуқуқий ислохотлар сари. — Тошкент: Ўқитувчи, 1996.

10. Ўзбекистон тарихи. Р.Ҳ.Муртазаеванинг умумий таҳрири остида. — Тошкент: Университет, 2005. — Б. 413-449; Б. 479-502.

11. Usmonov Q., Sodiqov M., Burponova S. O'zbekiston tarixi. Darslik. — Toshkent: Iqtisod-moliya, 2006.

12. Ўзбекистонинг янги тарихи. Мустақил Ўзбекистон тарихи. — Тошкент. III жилд, 2000.

ГЛОССАРИЙ

Абдулмалик тўра (Катта тўра) – 1848–1909 йилларда яшаб ўтган. Бухоро амири Музаффарнинг (1860-1885) катта ўғли, тахт вориси. 1868 йили амирликда кўтарилган халқ-озодлик курашига етакчилик қилган. Ўз атрофида кўплаб ватанпарвар шахслар, жумладан, Сиддиқ тўра, Жўрабек, Бобобек ва бошқаларни бирлаштирган. Амирликнинг $\frac{1}{3}$ қисмини ўз назорати остига олишга муваффақ бўлган. Ақромов бошчилигидаги империя қўшинлари томонидан Қашқадарё бўйидаги жангда (1868 йил 19 октябрь) мағлубиятга учраган. Бир муддат Хива хонлигида, Афғонистонда бўлган. Шарқий Туркистондаги Ёқуббек давлатида 1877 йилгача лашкарбоши лавозимида бўлган. Сўнгра қатор мусулмон ўлкаларида бўлиб, Ҳиндистонда қўним топган. 1909 йили Пешоварда вафот этган.

Аграр сиёсат – Россия империяси Туркистонни босиб олгач, ер-сув масалаларига доир олиб борилган сиёсат. Туркистонни пахта хомашёси етиштирадиган мустамлакага айлантириш, Туркистон ҳисобига пахта мустақиллигига эришиш Россия аграр сиёсатининг бош мақсади қилиб белгиланган. Россия империясининг Туркистонда юритган аграр сиёсатида Россиядаги «ортиқча аҳолини» кўчириш масаласига алоҳида эътибор қаратилган. Чор ҳукумати олиб борган аграр сиёсат туфайли, тез орада ўлканинг барча ҳосилдор ерлари Россия империясининг улкан даромад манбаига айланди.

Америка пахтаси – XIX асрнинг биринчи ярмида Россия саноатини таъминлаб турган пахта нави. 1861 – 1864 йилларда АҚШ даги фуқаролар уруши туфайли Россияга пахта етказиш кескин камайиб кетди. Чор маъмурияти саноатчилари Туркистондаги АҚШ га нисбатан арзон пахта етиштиришни кўпайтириш билан бирга ўлкада Америка навини жорий этиш чора-тадбирларини ҳам кўрдилар. Бу пахта нави 1875 йилда Тошкент яқинида, Бухоро хонлигида, 1878 йилда Андижон, Наманган, Қўқон ва Марғилонда экилган. Россия тўқимачилик корхоналаридаги синовдан яхши ўтган бўлса-да, бу нав кам ҳосилли бўлгани учун, XIX асрнинг 80-йилларидан

кўп ҳосилли ва сифатли Америка пахтасининг «Упланд» нави маҳаллий шароитга мослаштирилди.

Амирилашкар Алимқули — Ватан озодлиги ва эрки йўлида жонини тиккан, унинг ҳар бир қарич ерини муқаддас билиб, душман қўлида қолдирмаслик учун фидокорона кураш олиб борган давлат арбоби. 1862 йилда Қўқон хони Шохмурдбек Алимқулига Амирилашкар олий унвонини берган. Алимқули 1865 йилда руслар билан Тошкент учун бўлган жангда оғир яраланиб, ҳалок бўлган.

Бекович-Черкасский экспедицияси — 1717 йилда рус императори Пётр I томонидан Хива хонлигига юборилган ҳарбий қўшин. Бу экспедицияга асли ватани Қабарда (Кавказ) бўлган Искандарбек, кейинчалик насроний динини қабул қилиб Александр Бекович-Черкасский номини олган Преображенск полки поручиги раҳбарлик қилган. Бековичга Пётр I томонидан махфий йўриқнома берилган бўлиб, унда Амударёнинг Каспийга қуйилган эски ўзанида истехком қуриш, Хива хонлигини Россия тобелигига ўтказиш, Каспий денгизи орқали Ҳиндистонга борадиган йўللарни аниқлаш, Хива ва Бухоро давлатлари ҳақида маълумотлар тўплаш алоҳида таъкидланган эди. Бекович 1817 йил май ойида 6 000 кишилик қўшин билан Гурьевга етиб келади ва бу ердан 3000 кишилик қўшин билан Хива томонга юради. Хива хони Шерғозихон Черкасский билан музокаралар олиб бориб, уни қўшинни беш қисмга ажратишга кўндираган ва бўлинган қўшинларни қириб ташлайди.

Биринчи жаҳон уруши — 1914 йил 28 июлда Австрия — Венгриянинг Сербияга уруш эълон қилиши билан бошланган. 29 июлда Сербиянинг иттифоқчиси сифатида Россия ҳам урушга кириб, ҳарбий сафарбарлик эълон қилинди. Россия 1918 йил март ойида (Брест сулҳи) катта йўқотишлар билан урушдан чиқишга мажбур бўлди. Бу уруш Туркистон халқларининг ижтимоий-иқтисодий аҳволига ниҳоятда катта таъсир кўрсатди. Уруш йиллари минг-минглаб тонна пахта маҳсулотлари, саноат маҳсулотлари, қуруқ ва ҳўл мевалар, гўшт маҳсулотлари, минглаб чорва моллари ўлкадан фронтга жўнатилди. Айниқса, 1916 йилги «Мардикорликка

олиш» ҳақидаги фармондан сўнг Туркистоннинг деярли барча ҳудудларида миллий-озодлик ҳаракатлари авж олди.

Вабо исёни – 1892 йилнинг ёзида Тошкентда бўлиб ўтган, тарихда «Вабо исёни» ёки «Тошотар воқеаси» номини олган қўзғолон. XIX асрнинг охирларидаги муҳим ҳаракатлардан бири бўлган бу қўзғолон совет даври адабиётларида ўлкада вабо касалининг олдини олиш учун бўлган ҳаракат деб таърифланган бўлса-да, аслида бу қўзғолон Россия империясининг ўлкадаги мустамлакачилик сиёсатига қарши қаратилган ҳаракат бўлиб, мустамлакачилик зулмига қарши миллий-озодлик курашининг бир босқичи эди. Бу ҳаракат қурол кучи билан шафқатсизларча бостирилиб, қўлга олинган 60 кишидан 8 киши ўлим жазосига, қолганлари қамоқ ва сургунга ҳукм қилинган.

Вилоят бошқаруви – Туркистон генерал-губернаторлигидаги бошқарув усули. Ҳарбий губернатор ва вилоят бошқармаси томонидан амалга ошириб борилган. Ҳарбий губернатор-ҳарбий ва ҳарбий-фуқаролик мақомига эга бўлган. Унинг қошида амалдорлар ва вилоят бошқармаси мавжуд бўлиб, вилоят бошқармасига ҳарбий губернаторнинг ёрдамчиси раислик қилган. Вилоят бошқармасида учта фармон берувчи, хўжалик ва суд бўлимлари мавжуд бўлган. Бўлим бошлиқлари генерал-губернатор томонидан тайинланган ҳамда вазифасидан озод этилган. Маҳаллий маъмурий бошқарувнинг бўлиниши қуйидагича бўлган – вилоят-уезд-волост-қишлоқ-овул.

Дашт комиссияси – 1865 йилда император Александр II фармони билан махфий маслаҳатчи Ф.К.Гирс раислигида тузилган. Ушбу комиссия Оренбург ва Ҳарбий Сибирь генерал-губернаторликлари ҳамда Туркистон вилояти турмуш тарзи ва умумий аҳволини ўрганиш учун Ўрта Осиёга жўнатилган. Комиссиянинг асосий вазифаси босиб олинган ҳудудлардаги шароитни ўрганиш ҳамда уларни қандай бошқариш ҳақида низом тузиш учун маълумотлар тўплаш, мустамлакачиликка асосланган ўлка бошқарув тизимини тақомиллаштиришга қаратилган эди.

Дужчи Эшон қўзғолони — Россия империяси мустамлакачилигига қарши қаратилган XIX асрнинг охирларидаги энг катта ҳаракат. Тарихда «Андижон қўзғолони» деб номланган. 1898 йил май ойида Андижоннинг Мингтепа қишлоғида бошланган. Қўзғолон атрофлича ва пухта тайёрланмай, режасиз, яхши қуролланмаган ҳолда бошланган бўлса-да, чор маъмурларини қаттиқ ташвишга солган. Мустамлакачилар қўзғолончиларга қарши катта ҳарбий кучларни ташлаб, уларни шафқатсизларча бостирди. Қўзғолон раҳбари дорга осилди. Бу ҳаракат Фарғона водийсининг Асака, Қува, Шаҳрихон, Ўш, Марғилон каби шаҳар ва қишлоқларида кенг ёйилди. Аммо рус қўшинлари барча ҳаракатларни ваҳшийларча бостирдилар.

Ер фонди бошқармаси — Россиядан Туркистонга кўчиб келувчилар тобора кўпайиб борганлиги боис XX асрнинг бошларида Туркистонда тузилган ташкилот. Ушбу бошқарма рус мужикларини уй-жой, ер, деҳқончилик воситалари билан таъминлаб турган. Шунингдек, бу ташкилот асосан суғориладиган ерларни кенгайтириш ҳамда маҳаллий аҳолига тегишли бўлган ерларни турли сабабларни баҳона қилиб тортиб олиш ва мусодара қилиш билан машғул бўлган.

Ер ҳақидаги Низом — 1873 йилда К.П.Кауфман томонидан ишлаб чиқилган. Бу Низомга кўра, фақат қонуний ҳужжатлари бўлган кишиларгина ўзларига тегишли ерларни хусусий мулк қилиб олишлари мумкин эди. Аммо маҳаллий аҳолининг катта қисмида бундай ҳужжатлар йўқ бўлиб, уларни бериш ёки борларини тасдиқлаш чор маъмурларининг хоҳишларига боғлиқ эди. Бу ҳолат эса мустамлакачи маъмуриятга ҳужжатлари бўлмаган деҳқонларнинг ерларини осонгина тортиб олиш учун қулай имконият берар эди. Маҳаллий аҳоли ерларининг тортиб олиниши, ерларнинг мулкдорлар қўлида тўпланиши шаҳар ва қишлоқлар аҳолисининг ижтимоий қатлам ва табақаларга ажралишига олиб келди. Улар йирик ер эгалари, шаклланиб келаётган қишлоқ буржуазияси, ўртаҳол ва қамбағал деҳқонлар, чорвадорлар ва мардикорларга бўлина бошладилар.

Жиззах қўзғолони — 1916 йил ёзида «Мардикорликка олиш» ҳақидаги фармонга қарши бутун Туркистон ўлкасида кўтарилган. Қўзғолоннинг энг кучли маркази Жиззахда бўлган. 1916 йил 13 июлда бошланган бу қўзғолон 18 июлга келиб янада кенгайиб кетди. Подполковник Афанасьевнинг жазо отряди бу қўзғолонни бостира олмади. Туркистон генерал-губернатори 21 июлда Жиззахга полковник Иванов бошчилигида катта жазо отряди юборди. Эски Жиззах аёвсиз тўпга тутилиб, ёндириб юборилди. Аёвсиз бостирилган бу қўзғолонда ўн минглаб маҳаллий аҳоли, қўзғолон йўлбошчилари Назирхўжа Эшов ва Абдурахмон Жевачилар ҳалок бўдилар. Маҳаллий аҳолидан 1810 десятина ҳосилдор ерлар тортиб олиниб, уларнинг эгалари чўлга қувғин қилинди.

Зобитлар — Ўрта Осиё ҳудудларининг Россия томонидан истило этилишида қатнашган ҳарбийлар. Оддий зобитдан олий даражали зобитгача бўлган ҳарбийларнинг кўпчилиги ҳарбий хизматдан истеъфога чиққач, Туркистонга муҳим ўрнашиб қолиб, бу ерда катта-катта ер-мулкларига, завод ва фабрикаларга эгалик қилганлар ҳамда йирик саноатчиларга айланганлар. Уларнинг асосий мақсадлари ўлка бойликларини талаш, ўзлаштириш ва Россияга ташиб кетиш эди.

Иккинчи жаҳон уруши — инсоният жуда кўплаб урушларни бошидан кечирган бўлиб, булар ичида энг даҳшатлиси, 50 млн. дан ортиқ кишининг ёстиғини қуритган, XX аср фожиаси бўлмиш Иккинчи жаҳон урушидир. Олти йил (1939 йил сентябрь — 1945 йил сентябрь) давом этган бу уруш ер шарининг 80% аҳолиси жойлашган ҳудудни ўз ичига олган 61 та мамлакатни қамраб олди.

Кенесари Қосимов — XIX асрнинг 30-40-йилларида қозоқларнинг русларга қарши кураши йўлбошчиси. Хива хонлиги ҳудудларида яшаган қозоқлар К.Қосимов бошчилигида русларга кўплаб ҳужумлар уюштирганлар. 1840 йилги Перовский экспедицияси тор-мор этилгач қозоқларнинг мустақиллик учун курашаётган К.Қосимов ҳаракати янада кенг ёйилди. Хива хони бу ҳарактини доимо қўллаб-қувватлаб турди. 1842 йилда К.Қосимов ўзаро низолар натижасида ўл-

дирилгач, унинг 20.000 кишилиқ тарафдорларининг кўпчилиги Қўқон хонлиги, бир қисми эса Хива хонлиги ҳудудларига ўтиб кетдилар.

Камолон дарвозаси — 1865 йил 15 июнь тонг саҳарда рус босқинчилари бостириб кирган Тошкент дарвозаси. Манбаларга кўра, хоинларнинг маълумотларидан фойдаланган руслар даставвал, деворнинг бир киши ўтадиган жойидан киришиб, дарвоза атрофидаги мудофаачиларни ўлдирганларидан сўнг, дарвозани очиб, полковник Абрамов бошчилигидаги 250 та аскар биринчи бўлиб шаҳарга кирган. Шундан сўнг Қорасарой ва Қўқон дарвозалари ҳам очилиб, минглаб мудофаачиларнинг ҳалок бўлиши эвазига Тошкент русларга таслим бўлди.

Кўчириш сиёсати — Россия империясидаги ишсиз, ерсиз аҳолини Туркистон ўлкасига кўчириш. 1875 йилда фон Кауфман томонидан бошланган. Бу сиёсатнинг моҳияти — Туркистонда стратегик жиҳатдан мустаҳкамланиб олиш, мустамлакачилик тартибларини изчиллик билан ўрнатиш, маҳаллий аҳолини руслаштириш, ўлкани хомашё базасига айлантириш, ўлкада империянинг таянч пунктларини мумкин қадар кўпайтириш зарурияти билан изоҳланади. Кўчириш сиёсатида дастлаб катта имтиёзлар (ер-сув, моддий ёрдам, озиқ-овқат ва б.) берилиши туфайли ихтиёрий кўчиб келувчилар сони кўпайиб борди. Шу сабабли 1886 йилда махсус Кўчириш комиссияси тузилган. Фақатгина Еттисув ва Сирдарё вилоятларида 1914 йилги ҳолат бўйича 82 864 нафар киши кўчиб келган.

Қўнғиротлар — Хива хонлигида ҳукмронлик қилган сулола. 1763 йилдан бошлаб Хивада амалда қўнғирот уруғи иноклари ҳокимият тепасига келган бўлса-да, 1804 йилга қадар Хива хонлари ҳукмдор сифатида бошқа шахсни (сохта хон) хон деб эълон қилганлар. 1804 йилда Элгузархон ўзини расмий хон деб эълон қилгач, Хивада қўнғиротлар сулоласи ҳукмронлиги расмий қарор топди. Қўнғиротлар сулоласи ҳукмронлигидаги Хива хонлигининг нисбатан кучайиши Муҳаммад Раҳимхон I (1806-1825 йй.), Сайид Муҳаммад Раҳимхон II (Феруз) (1864-1910 йй.) даврларига тўғри келади.

Қўнғиротлар сулоласи 1920 йил 2 февралда большевиклар томонидан афдарилди.

Мардикорликка олиш – 1916 йил 25 июнда рус подшоши Николай II нинг «Империядаги рус бўлмаган эркак аҳолини ҳаракатдаги армия районларида мудофаа иншоотлари ва ҳарбий алоқа йўллари қуриш учун зарур бўлган бошқа ҳар қандай ишларга жалб қилиш» ҳақида эълон қилган фармонининг маҳаллий халқ ичидаги атамаси. Ушбу фармонга кўра, Сибирь, Ўрта Осиё, Қозоғистон ва Кавказ орти халқларидан 19 ёшдан 43 ёшгача бўлган 400 минг киши сафарбар қилиниши режалаштирилган. Жумладан, 50 минг нафар Фарғона вилоятидан, 87 минг нафар Сирдарё вилоятидан, 88 минг нафар Самарқанд вилоятидан мардикор олиш эълон қилинди. Натижада, 1916 йил 4 июлдан бошлаб мардикорликка олишга қарши маҳаллий аҳолининг оммавий ҳаракатлари бошланди.

Манғитлар – XVII асрнинг иккинчи ярмидан Бухоро давлатида ҳокимият тепасига келган сулола. Бу сулоланинг асосчиси Раҳимбий ибн Ҳақимбий ибн Худоёрхон бўлиб, у 1756 йилда саййидлар, хўжалар ва руҳонийлар томонидан Бухорода хон қилиб кўтарилган бўлса-да, ўзини «ноиб ул-ҳукумат» (ҳоким ўринбосари) деб атаган. 1875 йилда Шоҳмурод «амир (ул-мўминин)» унвони билан Бухоро тахтига ўтирган. Амир Шоҳмуроддан сўнг Бухоро тахтини амир Ҳайдар, амир Ҳусайн, амир Умар, амир Насруллоҳ, амир Музаффар, амир Абдулаҳад, амир Олимхонлар бошқарганлар. Амир Музаффар даврида Бухоро амирлиги Россиянинг вассалига (1868 й.) айланди. Охирги ҳукмдор амир Олимхон 1920 йилда большевиклар томонидан тахтдан туширилди. Олимхон 1944 йил 29 апрелда Афғонистоннинг Қобул шаҳрида вафот этган ва ўша ерда дафн этилган.

Миллий-озодлик ҳаракатлари – замонавий адабиётларда Россия империяси босқини ва зулмига қарши олиб борилган курашларнинг умумий атамаси. Россия империяси ўлкани босиб олган дастлабки даврдан бошлаб то 1917 йилга қадар кўпдан-кўп миллий-озодлик ҳаракатлари бўлиб ўтган. Уларнинг энг йириклари, чор ҳукуматини ҳам ларзага солганлари қуйидагилар: 1878 йил Андижондаги Етимхон

қўзғолони, 1873—1876 йиллар Қўқон хонлигидаги Пўлатхон қўзғолони, 1885—1890 йиллар Андижоннинг Қўрғонтепа уездидаги Дарвешхон тўра ҳаракатлари, 1892 йил Тошкентдаги «Вабо исёни», 1898 йил Андижондаги «Дукчи Эшон» қўзғолони, 1904—1907 йиллар Самарқанд вилоятидаги «Намоз ботир» ҳаракатлари, 1916 йилги «Жиззах қўзғолони» номини олган бутун ўлкада ёйилган ҳаракатлар. Ушбу миллий-озодлик ҳаракатлари маҳаллий халқларнинг иқтисодий, сиёсий ва маданий ҳаётидаги тенгсизлик ва адолатсизликка қарши стихияли (ўз-ўзидан) норозилиги сифатида шаклланиб борган бўлса, кейинроқ бу ҳаракатлар империя мустамлакачилигига бутунлай барҳам бериш, янги мустақил Туркистон давлатини барпо этиш ғоялари билан боғланадики, бундай ғояларнинг шаклланиши ва ёйилишида жадидлар алоҳида жонбозлик кўрсатган эдилар.

Минглар — XVIII асрнинг бошларида аштархонийлардан мустақил Қўқон хонлигини ташкил этган сулола. Сулола асосчиси Шохруҳбий ибн Ашур Муҳаммад (1709—1710 йй.) Чодак хўжалари қўлида бўлган сиёсий ҳокимиятни куч билан тортиб олиб, 1709—1710 йилда Фарғона водийсидаги минглар сулоласига асос солди. Шохруҳбийдан кейинги ҳукмдорлар Абдурахимбий, Абдукаримбий, Норбўтабийлар даврида олий ҳукмдор «бий» ва «бек» унвонлари билан аталган бўлса, Олимхон давридан (1805 йй.) ҳукмдорлар расман «хон» деб юритила бошланди. Минглар сулоласининг кучайган даври Умархон (1810—1822 йй.) даврига тўғри келади. XIX асрнинг ўрталарига келиб, Қўқон хонлигидаги сиёсий жараёнлар ва ички низолар оғирлашиб, бунинг устига Россия истилоси бошланди. 1876 йил 19 февралда 150 йилдан кўпроқ ҳукм сурган Қўқон хонлигидаги минглар сулоласи тугатилиб, унинг ўрнига Туркистон генерал-губернаторлигининг Фарғона вилояти ташкил топди.

Мустамлакачилик сиёсати — XIX асрнинг иккинчи ярми — XX аср бошларида Россия империяси Туркистонда олиб борган сиёсат. Бу сиёсат Туркистон халқларининг сиёсий, ижтимоий-иқтисодий ва маданий ҳаётига жиддий салбий таъсир кўрсатди. Бу сиёсатнинг моҳияти — бошқарув соҳаси-

да шафқатсизликка асосланган найранглар, ўлкани руслаштириш, ўлкани хомашё манбаи ва рус саноати маҳсулотлари бозорига айлантириш, миллий ҳурфикрликни бўғиб қўйиш ва йўқотиш, саноатни Россия манфаатларига мос равишда ривожлантириш, миллий-маданий қадриятларга хизмат қилувчи ҳар қандай жараёнларга йўл бермаслик кабилар эди.

Намоз Пиримқулов — XX аср бошларида, аниқроғи, 1904-1907 йиллар Самарқанд вилоятида рус мустамлакачиларига қарши норозилик ҳаракатларига бошчилик қилган. Халқ орасида «Намоз ботир» номи билан танилган. Намоз Пиримқулов ҳаракати Самарқанд вилоятининг Самарқанд, Каттақўрғон, Жиззах ва Хўжанд туманлари, Бухоро амириликнинг чегара ҳудудларида кенг ёйилган. Ҳаракат қатнашчилари волост бошлиқлари, оқсоқоллар, чорвадор бойларнинг мол-мулкларини тортиб олиб камбағалларга бўлиб берганлар. Қасоскорлар чор маъмурияти вакиллари ва уларнинг тарафдорларини аёвсиз жазолаганлар. Намоз Ботир 1905 йил октябрда сотқинлар туфайли қамоққа олиниб, 1906 йил 2 февралда турмадан қочишга муваффақ бўлди. Унинг гуруҳига қарши Туркистон жанговар казак дивизияси қисмлари юборилади. Туркистон генерал-губернатори «Ўзбек Дубровскийси» бўлмиш Намоз ботирни қўлга олишни ташкил қилиш операциясига Самарқанд вилояти ҳарбий губернаторининг ёрдамчиси полковник Сусанинни шахсан жавобган қилиб тайинлаган. Намоз ботир 1907 йил 3 июнда (яна бир тахминда 1 июнда) хиёнаткорона ўлдирилди.

Низомлар — Россия империяси томонидан Туркистон ўлкасини бошқариш учун жорий этилган қонун лойиҳалари. Бошқарув тизими Россия ҳукумати учун жуда муҳим бўлиб, босиб олинган жойларда мустамлакачилик сиёсатини олиб боришда асосий таянч ҳисобланган. Айнан шунинг учун ҳам 1865—1916 йиллар оралиғида ўнта (1865, 1867, 1871, 1873, 1882, 1884, 1886, 1908, 1912, 1916 йиллар) Низом лойиҳаси ишлаб чиқилган. Уларнинг модаларидаги адлия, молия, ҳарбий, ички ишлар ва бошқа вазирликлар киритган ўзгаришлар Туркистон маъмурияти бошқарувининг кескин ҳарбийлашгани билан ажралиб туради.

Олой маликаси – Қурбонжон Мамат қизи. «Олой маликаси» номи билан довруғ қозонган бу аёл 1811 йилда Ўш яқинидаги Модди қишлоғида қирғиз чўпони оиласида туғилган. Андижон ҳокими Олимбекнинг рафиқаси бўлган. Қурбонжон Қўқон хони, сарой ҳаёти, хон амалдорлари билан яқиндан танишиб, Нодирабегим, Увайсий ва бошқалар билан мулоқотда бўлганлиги боис, эри Олимбекка Андижон вилоятини бошқаришда кўмаклашиб турган. У эри Олимбек каби от чопиш, ўқ отиш, қиличбозлик соҳасида кўпчиликни ҳайратда қолдирган. 1863 йилда Олимбек фитна орқали ўлдирилгач, Қурбонжон кўп ўтмай ўз юртига қайтиб келади ва у ерда «Олой маликаси» деган ном олади. 1865 йилда Бухоро амири билан Қўқон хони тарихда биринчи марта аёл кишига «Додхоҳ» – саркарда унвонини бердилар. Худоёрхон бу аёлни бутун Олой водийсига ҳоким этиб тайинлади. Рус истилочиларининг Қўқон хонлигини босиб олишига қарши курашда Қурбонжон додхоҳ ва унинг ўғиллари ҳам фаол иштирок этдилар. Ўзаро урушни тўхтатиш ҳақидаги музокаралардан сўнг генерал Скобелев Қурбонжон додхоҳ билан учрашиб, унинг елкасига зарбоф чопон ёпди. Рус қўмондонлиги уни генерал сифатида тан олди. Қурбонжон додхоҳ 31 неvara, 57 чевара, 6 эvara кўриб, 1907 йилда Ўшда вафот этган.

Перовский экспедицияси – Россия императори Николай I томонидан 1839 йилда Хива хонлигига юборилган. Бу экспедицияга Оренбург генерал-губернатори Василий Перовский бошчилик қилган. Перовский 1839 йилнинг охирларида 5 мингдан зиёд қуролланган қўшин билан Хива хонлиги устига юриш бошлади. Аммо йўлдаги офир шарт-шароитлар рус қўшинларининг юришини қийинлаштирди. 1840 йилнинг бошларида Хива хонлиги чегараларига етиб келган Перовский қўшинлари Хива хони Оллоқулихоннинг ўзбек, қозоқ ва туркманлардан иборат бирлашган қўшинлари томонидан тор-мор этилди. Перовский қолган-қутган аскарлари билан орқага чекинишга мажбур бўлди.

Полковник Шауфус – Туркистон генерал-губернаторлиги билан Қўқон хонлиги ўртасида 1868 йил 13 февралдаги шартномага асосан Қўқонга ҳам элчи, ҳам жосус бўлиб

тайинланган шахс. У ўзи тўплаган маълумотлари асосида, Худоёрхон Россия империяси маъмурияти томонида эканлиги, бироқ унга қарши иккинчи гуруҳ мавжудлиги ва бу гуруҳ Шерали додхоҳ билан Абдурахмон офтобачи томонидан бошқарилаётганини Туркистон генерал-губернаторига етказган. Шунингдек, Шауфус хонликдаги иқтисодий ва ҳарбий-стратегик вазият ҳақида ҳам маълумотлар бериб турган.

Пўлатхон — ҳақиқий номи Мулла Исҳоқ мулла Ҳасан ўғли. У Марғилон шаҳрига яқин Уҳна деган қишлоқда яшовчи Бўстон қабиласига мансуб оилада туғилган. Мулла Исҳоқ Қўқон хонлигининг нуфузли амалдорларидан бири Абдулмўмин додхоҳ билан дўстлашиб, унинг таклифига кўра сохта Пўлатхон (Қўқон хони Олимхоннинг набираси) номини қабул қилади ҳамда Худоёрхон зулми ва Россия босқинига қарши курашга, жумладан, 1873-1876 йилларда Қўқон хонлигида рус босқинчиларига қарши олиб борилган курашларга бошчилик қилади. Хонликдаги обрўли амалдорлар Исо Авлиё, Абдурахмон офтобачи, хоннинг укаси Султон Муродбек, ўғиллари Насриддинбек, Муҳаммад Аминбек ҳам Пўлатхон томонидан туриб курашдилар. Узоқ, муросасиз, тенгсиз ва шафқатсиз курашлардан сўнг Пўлатхон кўзғолони бостирилиб, 1876 йил 1 мартда Мулла Исҳоқ (Пўлатхон) Марғилонда дорга осилди.

Россияда ўтказилган ер ислоҳотлари — 1861 йилда ўтказилган бу ислоҳотга қадар рус деҳқонлари давлатта, дворян ва помешчикларга қарам бўлган крепостнойлар эдилар. Ислоҳотдан кейин деҳқонларга эркинлик берилиб, қишлоқ хўжалигидан бўшаган аҳолининг катта қисми шаҳарларга кўчиб кета бошладилар. Аммо Россия шаҳарлари саноат соҳасида тажрибасиз бўлган собиқ деҳқонларни иш билан таъминлашга қодир эмас эди. Натижада, рус маъмурлари «ортиқча» нотинч аҳолини кўчириш сиёсатини олиб бордилар.

Рус қишлоқлари — Россия империясининг кўчириш сиёсати туфайли пайдо бўлган рус аҳолиси яшайдиган қишлоқлар. Биринчи рус қишлоғи 1875 йилда Авлиё ота туманида пай-

до бўлиб, ўша йили уларнинг сони Авлиё отада 8 тага етди. Маҳаллий аҳолининг минглаб гектар ерлари ҳисобига кўчиб келганларнинг янги қишлоқ, посёлкалари бунёд этилди. 1875 йилдан 1890 йилгача ўлкага 1300 та оила кўчиб келиб, 19 та рус қишлоғи пайдо бўлган. 1891 — 1892 йилларда Россиядаги очарчилик туфайли бу қишлоқлар сони 25 тага етган. 1910 йилга келиб, Сирдарё, Фарғона ва Самарқанд вилоятларида 124 та рус қишлоғи мавжуд бўлиб, уларда 70 мингга яқин рус аҳолиси яшарди. 1906 — 1913 йиллар давомида эса Туркистон ўлкасида 116 та рус посёлкаси барпо этилган.

Рус мужиклари — Россия империясининг кўчириш сиёсати натижасида XIX асрнинг сўнги чорагидан бошлаб Туркистонга келган рус аҳолиси қатлами. Империя маъмурияти ҳар қандай ҳолатда ҳам унумдор ерларни рус мужикларига ажратиб беришга ҳаракат қилган. Рус мужикларининг аксарият қисми ҳозирги Қозоғистон ва Қирғистон ҳудудларига жойлаштирилиб, уларга катта имтиёз ва имкониятлар берилган. Маҳаллий аҳолининг кўплаб қўзғолонларини бостиришда ҳарбий кучлардан ташқари кўчиб келган рус мужиклари ҳам иштирок этганлиги манбалардан маълум. Айнан, шунинг учун ҳам, 1898 йилги Андижон қўзғолонидан сўнг рус мужиклари кўплаб миқдорда милтиқ ва ўқ-дори билан қуроллантирилиб турилган.

Руслаштириш — Россиянинг Туркистондаги мустамлака сиёсатида асосий эътиборда бўлган жараён. Бу жараённинг асосий моҳияти — маҳаллий аҳолини миллий-маданий қадриятларини унутишга мажбур этиш, рус-тузем мактаблари орқали маҳаллий аҳоли орасидан рус маъмурларига содиқ хизмат қилувчи кадрларни тайёрлаш, рус аҳолисини ўлкага кўчириб, уларга турли-туман имтиёзлар бериш, кўчирувчилик тадбирлари орқали ўлкада русийзабон аҳолини кўпайтириш ва уларнинг иқтисодий мавқеини кучайтириш, маҳаллий аҳолини истаганча хўрлаш ҳамда камситишдан иборат эди. Бу жараён эса буюк рус шовинизмининг ижтимоий-иқтисодий заминини яратди.

Рус-тузем мактаблари — Россия империяси руслаштириш сиёсатининг маорифдаги тадбирларидан бири. 1880 йилда

Империя Давлат Кенгашида Туркистондаги маҳаллий аҳоли болаларини рус аҳолиси болалари билан биргаликда ўқитиш масаласи кўрилиб, генерал-губернатор фон Кауфман томонидан «руслар ва туземецлар болаларини биргаликда тарбиялаш» таклифи киритилди. Генерал-лейтенант Н.О.Розенбах эса ибтидоий турдаги бошланғич мактаблар бўлган «рус-тузем» мактаблари тармоғини яратиш лойиҳасини ишлаб чиқди. Биринчи рус-тузем мактаби 1884 йилда Тошкентда очилди. Маориф соҳасидаги бу сиёсатдан кўзланган асосий мақсад — империя маъмуриятига садоқатли амалдорларни тайёрлаш ва келажақда сиёсий аҳамиятга эга бўлмаган бошқарув ишларигагина маҳаллий аҳолини жалб қилиш эди.

Саноат маҳсулотлари кўргазмалари — дастлаб Петербургда, кейин эса Тошкентда ўтказилган. 1870 йилда Тошкент, Ўратепа ва Хўжанд усталари тайёрлаган пичоқлар, сопол идишлар, ўйма нақшлар билан безатилган эшиклар Петербургдаги кўргазмаларда намойиш қилиниб, 42 та туркистонлик уста мукофотланади ва уларнинг 9 таси бронза медали билан тақдирланади. 1886 ва 1890 йилларда Тошкентда биринчи ва иккинчи Туркистон кўргазмалари очилган. Бу кўргазмаларда маҳаллий хунарманд усталар ҳамда саноат корхоналарида ишлаб чиқарилган маҳсулотлар, қишлоқ хўжалиги маҳсулотлари намойиш қилинди. Бу ерда намойиш қилинган гилам тўқувчилар, қуролсозлар, заргарлар ва тўқувчиларнинг тайёрлаган маҳсулотлари кўргазма иштирокчиларида яхши таассурот қолдирган эди.

Скобелев — Россия империяси генерали. Скобелев ўтакетган ёвуз, шовинист, босқинчи ва бешафқат шахс бўлган. Кўплаб қирғин-барот ва босқинчиликлар ташаббуси билан Туркистон генерал-губернаторига мурожаат қилиб, розилик олган. Скобелевнинг ёвузлиги Андижон, Марғилон, Асака, Наманган каби шаҳарларни босиб олишда мисли кўрилмаган даражада намоён бўлган эди. Ушбу «хизматлари» тўғрисида Скобелев 1876 йил 19 февралда янги ташкил этилган Фарғона вилоятининг ҳарбий губернатори этиб тайинланиб, унинг номи янги Марғилон (Скобелев-Искобил) шаҳрига берилди. Скобелев 1879 — 1881 йилларда Каспий орти вилоя-

ти (Ахалтака, Кўктепа) ҳудудларини босиб олишда бошлиқ қилиб тайинланган.

Суд ва халқ суди — Туркистон ўлкасида жорий этилган ҳуқуқий тизим. 1867 йилги «Муваққат Низом»га кўра, Туркистон ўлкасининг суд ва полиция тизими — ҳарбий суд, империянинг умумий қоидалари асосида суд ва халқ судидан иборат бўлган бўлса, 1886 йилги «Низом»га кўра, уларга ўзгартиришлар киритилиб, қуйидагича бўлган: судлов палатаси, округ судлари, қўшимча мировой (сулҳпарвар) судьялар, фахрий мировой судьялар. Маҳаллий аҳолининг судлари алоҳида тартиб асосида тузилиб, халқ судлари деб номланган. Халқ судлари — халқ томонидан сайлаб қўйилган бийлар томонидан амалга оширилган. Ўтроқ аҳоли учун қози судлари амал қилган.

СССР (Совет Социалистик Республикалар иттифоқи) — жаҳон сиёсий харитасида бу ном 1922 йил 30 декабрда пайдо бўлиб, РСФСР, УкССР (Украина), БССР (Белоруссия) ва ЗСФСР (Закавказье Социалистик Федератив Совет Республикаси)нинг иттифоқи сифатида ташкил этилади. Кейинги йилларда уларнинг таркибига бирин-кетин қатор «иттифоқчи» совет республикалари киритилади. ЎзССР 1925 йил майда иттифоқ таркибига қабул қилинади. 1940 йилга келганда унинг таркибидаги республикалар сони 15 тага етади. Зўравонликка асосланган бу сунъий давлат жуда қисқа умр кўриб, 1991 йилга келиб, парчаланиб кетади.

Темир йўллар — уларни қуриш учун ҳаракат XIX асрнинг 70-йилларида бошланган. Бу йўналишда қисқа муддат ичида 40 га яқин лойиҳалар ишлаб чиқилган ҳамда темир йўл қурилишини Красноводскдан бошлаш мақсадга мувофиқ деб топилган. 1880 йил 26 августда Михайловское кўрфазидан Қизил Арватгача бўлган 217 чақирим масофада қурилиш ишлари бошланиб, 1881 йил 1 сентябрда ишга туширилган. 1886 йилда Марв-Чоржўй темир йўл қурилиши бошланган. 1888 йилда Амударё-Самарқанд темир йўли қурилди. 1887 йилда Қўқонга, 1889 йилда Тошкентга, 1900 йилда Андижонга биринчи поездлар келиб, магистрал йўлга «Ўрта Осиё темир йўли» деб ном берилди. 1906 йилда Тошкент-Оренбург темир йўли фойдаланишга топширилди.

Тошкент мудофааси – 1865 йил 28 апрелдан, Черняевнинг Ниёзбек қалъасини эгаллаб, Бўзсув тўғонини бузиб юборишдан бошланган. Юрт фидойилари Амирилашкар Алимқули бошчилигида Тошкент мудофааси учун барча зарур чораларни кўрганлар. Мудофаа қўқонликлар, анжидонликлар, наманганликлар, ўратепаликлардан ташқари, тошкентлик сарбозлар, оддий фуқаролар, муллаваччалар қатнашганлар. 2 май куни русларнинг биринчи ҳужуми қайтарилган. 9 май куни Салор оралиғи бўйидаги жангда Алимқули яраланиб, ҳалок бўлди. Оғир жанглардан сўнг Тошкент мудофаачиларининг қаттиқ қаршилиги синдирилди ва 15 июнь куни истилочилар Тошкентни забт этдилар.

Тошкент шаҳар Думаси – Умумроссия шаҳар низомига кўра Тошкентда ташкил этилган. 1877 йил 16 августда Тошкент шаҳар Думасига сайловлар бошланиб, 30 августда очилиши бўлиб ўтган. Думада Сирдарё ҳарбий губернатори бошчилигида махсус ҳайъат тузилиб, у сайловчилар рўйхатини тузиш, шаҳар жамоатчилик бошқарувига сайлов ўтказиш бўйича иш олиб борган. 4 йилда бир марта ўтказиладиган сайловда 25 ёшга тўлган фуқаролар, асосан, савдогарлар, йирик корхоналар ва уй эгалари иштирок этганлар. Тошкент шаҳар ҳокими бир вақтнинг ўзида Дума раиси ҳам бўлган. Янги ташкил этилган Думанинг асосий мақсади шаҳарни мустамлакачилар қўлида сақлаб туриш ва Думага сайланган маҳаллий аҳоли вакиллари ҳокимиятнинг таянчига айлантириш эди.

Тузем халқлар – Туркистон ўлкасининг маҳаллий халқларига нисбатан ишлатилган атама. Россия империяси маъмурияти ўлкадаги қишлоқ бошқарувини «ерлик» (маҳаллий, тубжой) – «туземное» ва «рус» каби икки тоифага ажратган. Рус амалдорлари «туземец» («ерликлар») атамаси билан ҳинд, араб, уйғур, дунган кабиларни тушунган. Турмуш тарзига кўра эса рус амалдорлари барча аҳолини иккига: «қирғизлар» ва «сартлар»га бўлишган. Қирғизлар деганда кўчманчи, сартлар деганда эса ўтроқ аҳоли назарда тутилган.

Туркистон вилояти – 1865 йилнинг ёзида Оренбург генерал-губернаторлиги таркибида ташкил этилган. Ҳарбийлаш-

ган маъмурий бошқарув тартибларига асосланган бу вилоятга генерал-майор М.Г.Черняев губернатор этиб тайинланади. 1865 йил 6 августда «Туркистон вилоятини бошқариш ҳақидаги Низом» қабул қилиниб, унга кўра ҳарбий ва фуқаролик ҳокимияти ҳарбий губернатор қўлида бўлимларга бўлиниб, уларни бўлим бошлиқлари бошқарган. Бўлим бошлиқларига маҳаллий аҳоли устидан назорат қилувчилар бўйсунган. Вилоят маркази Тошкент шаҳри бўлиб, Авлиё ота, Чимкент, Пишпак, Туркистон, Верний, Тўқмоқ, Казалинск, Перовск каби уездларга бўлинган. Чор маъмурияти бошқарув манфаатларига мос келмаганлиги боис, Туркистон вилояти 1867 йилда тугатилган.

Туркистон генерал-губернаторлиги — Император Александр II нинг фармонида кўра, 1867 йил 11 июлда ташкил этилган. Унинг биринчи генерал-губернатори фон Кауфман. Ушбу маъмурий бирлик дастлаб 2 та — Сирдарё ва Еттисув вилоятларидан иборат бўлиб, кейинчалик босиб олинган ерлар ҳисобига Фарғона, Самарқанд, Каспий орти вилоятлари ва Амударё бўлими ташкил этилган. Бошқарув соҳасида генерал-губернаторга чекланмаган ҳуқуқлар берилган. Генерал-губернатор ўз қўлида ҳарбий ва фуқаролик ҳокимиятини бирлаштириб, бир вақтнинг ўзида у подшо ноиби, ҳарбий округ қўшинлари қўмондони, Еттисув казак қўшинлари атамани, бош миршаб ва бош прокурор вазифаларини ўтаган. Генерал-губернатор император томонидан ишга тайинланган ва вазифасидан озод этилган бўлиб, у ҳарбий вазирга бўйсунган. Генерал-губернаторлик марказий бошқарув, вилоят бошқаруви, шаҳар бошқаруви, қишлоқ бошқарувида бўлинган. 1867-1917 йиллар давомида 15 та генерал-губернатор ҳокимиятни бошқарган. 1897 йилги тўла бўлмаган аҳолини рўйхатга олиш маълумотларига кўра, генерал-губернаторликда 5281 минг киши истиқомат қилган.

Ҳарбий халқ бошқаруви — мустамлака даври Тошкентдаги бошқарув тизими. 1868 йил 27 февралда Тошкентнинг «Янги шаҳар» қисмида ҳарбий халқ бошқаруви тузилиб, статистик маслаҳатчи Россицкий унинг бошлиғи этиб тайин-

ланган. Ушбу бошқарманинг дастлабки қарорига кўра, Тошкентнинг «Янги шаҳар» қисмида режа тузиш, уйлар қурилиши, кўча ва майдонлар барпо этиш, солиқларни тартибга солиш, даромад ва харажатлар сметасини тузиш, ирригация тизими ва ободонлаштириш ишларини амалга ошириш кўзда тутилган.

Хонликлар – XVIII аср бошлари, XIX аср охири ва XX аср бошларига қадар Ўрта Осиёда мавжуд бўлган Бухоро амирлиги, Хива хонлиги ва Қўқон хонлиги давлатларига нисбатан ишлатиладиган умумий атама. Хива ва Қўқон хонликларини хон унвонидаги ҳукмдор, Бухоро амирлигини эса амир идора қилган. Уларнинг бошқарув тизими бир-биридан фарқ қилувчи айрим унвонлар ва мансабларни ҳисобга олмаганда, таркибий тузилиши бир-бирига ўхшашлиги билан изоҳланади. Илмий адабиётларда юқоридаги давлат бирлашмаларини умумий тарзда хонликлар, улар мавжуд бўлган даврни эса хонликлар даври деб аташ қабул қилинган.

Фон Кауфман – немис дворянларидан чиққан генерал. Россия империяси маъмуриятининг содиқ ва ишончли хизматкорларидан бири. Барча лавозимларда подшо сиёсатини кўнгилдагидек амалга оширган шахс. 1868–1876 йилларда Туркистондаги ҳарбий юришларда истилочи сифатида танилган. 186 – 1882 йилларда Туркистон генерал-губернатори. Туркистонда генерал-губернаторлик бошқаруви Кауфманнинг чекланмаган истибдоси асосида амалга оширилган.

Черняев – рус ҳарбийлари орасида чўрткесарлиги ва ўта жангарилиги билан машҳур бўлган. Маҳаллий аҳолига нисбатан ўта салбий муносабатда бўлган шафқатсиз полковник Черняев 1864 йилда Авлиё ота шахрини эгаллагани учун генерал-майор унвонини олган. У 1865–1866 йилларда Туркистон вилоят ҳарбий губернатори, 1882–1884 йилларда Туркистон ўлкаси генерал-губернатори бўлган.

Шаҳар низоми – 1870 йил 16 июнда аҳолининг ўсиши ва шаҳарлар ҳудудининг кенгайиши муносабати билан Россияда қабул қилинган. 1872 йилда Сирдарё вилояти бошқармасининг умумий раёсати ушбу низомни Тошкентда ҳам қўл-

лаш масаласини кўтариб чиққан. Шунга кўра, муштамлакачилар манфаатларига мос ҳолда махсус лойиҳа тайёрланиб, ушбу лойиҳа махсус комиссия томонидан атрофлича муҳокама этилган бўлса-да, бу масала 1877 йилдагина ҳал бўлган. Россия империясида шаҳарга оид иккита низом (1870, 1892 йй.) қабул қилинган бўлиб, улар Туркистон ўлкасининг Тошкент ва Верний (Алмати) шаҳарларининг фақат руслар яшайдиган «янги» қисмларида қўлланилиб, бошқа шаҳарларга жорий этилмаган.

Элчилар – турли даврларда давлатлар ўртасидаги иқтисодий, сиёсий ва маданий муносабатлар ўрнатилишида давлат бошлиқларининг ишончли вакиллари. Элчилар давлат бошлиғи номидан музокара олиб борганлар. Юборилаётган давлат манфаатлари нуқтаи назаридан элчилар ўз вазифаларидан ташқари, жосуслик вазифасини ҳам бажарганлар. Россиянинг элчилари Ўрта Осиё хонликларига XVI асрнинг ўрталаридан бошлаб ташриф буюра бошлаган бўлса, XVIII аср давомида хонликларга 9 та элчи келган. Бекович Черкасский, Ф.Беневени, Хўжа Нафас, Эрназар Мақсуд ўғли, Никифоров, Н.Игнатъев кабилар кейинги даврларда фаолият юритганлар.

МУНДАРИЖА

КИРИШ..... 3

IV. РОССИЯ ИМПЕРИЯСИ МУСТАМЛАКАЧИЛИГИ ВА СОВЕТЛАР ҲУКМРОНЛИГИ ДАВРИ

12-мавзу. Ўзбек хонликларининг Россия империяси томонидан босиб олинishi. Мустамлакачилик зулмига қарши миллий-озодлик ҳаракатлари. Жаҳидчилик	6
13-мавзу. Туркистонда совет ҳокимиятининг ўрнатилиши ва унга қарши қуролли ҳаракат	233
14-мавзу. Совет ҳокимиятининг Ўзбекистонда амалга оширган ижтимоий-сиёсий, иқтисодий тадбирларининг мустамлакачилик моҳияти	321
15-мавзу. Иккинчи жаҳон уруши йилларида ўзбек халқининг фашизм устидан қозонилган галабага қўшган ҳиссаси	404
16-мавзу. Совет давлатида маъмурий-буйруқбозлик сиёсатининг кучайиши ва инқироз даврида Ўзбекистон (1946-1989 йй.)	437
ГЛОССАРИЙ	512

Ўқув-услубий нашр

Ўзбекистон Республикаси
Олий ва ўрта махсус таълим вазирлиги
Мирзо Улуғбек номидаги
Ўзбекистон Миллий университети

ЎЗБЕКИСТОН ТАРИХИ

II жилд
(XIX аснинг II ярми – 1989 йил, июнь)

Олий ўқув юртлари талабалари учун дарслик

Мухаррир
Маъмура ҚУТЛИЕВА

Бадий муҳаррир
Уйғун СОЛИҲОВ

Техник муҳаррир
Сурайё АҲМЕДОВА

Компьютерда саҳифаловчи
Суннат МУСАМЕДОВ

Лицензия рақами: АІ № 252, 2014 йил 2 октябрда берилган.

Босишга 2015 йил 08.10. да рухсат этилди.

Бичими 60x84^{1/16}

Босма тобоғи 33.25. Шартли босма тобоғи 31.03.

Гарнитура «Baltica Uz». Офсет қоғози.

Адади 100 нусха. Буюртма № 130.

Баҳоси келишилган нарҳда.

«Янги аср авлоди» НММда тайёрланди
ва чоп этилди.

100113. Тошкент, Чилонзор-8, Қатортол кўчаси, 60.

Мурожаат учун телефонлар:

Нашр бўлими — 278—30—52;

Маркетинг бўлими — 128—78—43. факс — 273—00—14;

e-mail: yangiasravlodi@mail.ru

ЎЗБЕКИСТОН ТАРИХИ

2



ЯНГИ АСР АВЛОДИ

ISBN 978-9943-27-579-9



9 789943 275799